

საბჭოთა

საბჭოთა

საბჭოთა

გამომცემლობა
„საბჭოთა საქართველო“
თბილისი — 1967


•

წელს სრულდება ასი წლისთა-
გი მოძმე სომეხი ხალხის გამოჩე-
ნილი მწერლის ნარ-დოსის დაბა-
დებიდან.

მწერალი საქართველოში ცხოვ-
რობდა, თბილისში მიიღო სწავლა-
განათლება და აქვე მოღვაწე-
ობდა.

დემოკრატი შემოქმედის ჰუმა-
ნიზმით შთაგონებულ ნაწარმოე-
ბებს დღესაც დიდი მნიშვნელობა
აქვთ რევოლუციამდელი მძიმე
წარსულის გასაცნობად.

•



ნარ-დოსი

(მიქაელ ოვანესიანი)

„ნამდვილად ბედნიერი რომ იყო, არ
კმარა მხოლოდ ფლობდი ბედნიერებას,
საჭიროა იგი დაიმსახურო კიდევ“.

ვ. შ ი უ გ ო .

„არიან მწერლები, რომლებიც ყოივნითა და ღრინაცულით ისწრაფვიან უკვდავები-
საკენ, დაშნითა და ხმლით მიიწევიან დიდების მწვერვალისაკენ, ნაღარას სცემენ, ცოტა
უკლიათ ლამის სიცოცხლეშივე დაიდგან უკვდავების ძეგლი მომავალი თაობების ხსოვ-
ნაში, მაგრამ დიდება მათ გაურბის, ანდა, უკეთეს შემთხვევაში, მათთან ერთად ჩადის
საფლავში“, — ამ სიტყვებით იწყებს თანამედროვე გამოჩენილი სომეხი მწერალი სტე-
ფანე ზორიანი თავის მოგონებას ნარ-დოსზე და ამ უკანასკნელს მიაკუთვნებს ნამდვილ,
დინჯ, ჩუმ, უჩინრად მოღვაწე მწერლებს, რომლებიც სულაც არ ფიქრობენ დიდებაზე,
მაგრამ დიდება აჩრდილივით დასდევს უკან, ხოლო სიკვდილის შემდეგ ხელთუქმნელ
ძეგლს უდგამს მათ.

როგორც მწერლის სხვა თანამედროვენი იგონებენ, თანამოკალმებთან შედარებით
შართლაც საოცრად უბრალო, უაღრესად მოკრძალებული, სიტყვაძუსვი, თავმდაბალი,
ძალზე გულჩათხრობილი ყოფილა დიდი სომეხი ბელეტრისტი ნარ-დოსი; არასოდეს არ
ჰყვარებია თავის თავზე საუბარი, არც ერთხელ არ გაგრძობინებდათ, რომ მწერალი
იყო, ან ლიტერატურული მოღვაწე; თუ თვითონ არ ჩამოუგდებდით სიტყვას, კრინტსაც
არ დასძრავდა მწერლობაზე, განსაკუთრებით თავის საქმიანობაზე.

ამბობენ: ისე მორცხვი და თავმდაბალი იყო, რომ ახალი ტანსაცმლისა და ფეხსაცმ-
ლის ჩაცმასაც კი თავს არიდებდა, ჯერ ძმას, ან ძმისწულს მისცემდა სახმარებლად და
როცა ელვარებას და პეწს დაჰკარგავდა, მერე თვითონ იცვამდა.

„თუ ნაწერს შეუქებდნენ, — იგონებს ს. ზორიანი, — დაირცხვენდა, სიტყვას ვერ
მონახავდა რაიმეს სათქმელად. იმდენად მოკრძალებული იყო, ვერ ირწმუნებდით, რომ
ეს კაცი თბილისელი მოსწრებულ სიტყვა-ჰასუხიანი ლოთი-ფოთებისა და გულმხიარული

მოქალაქეების თანამემამულე გახლდათ, უფრო განათლების ცენტრში მოხვედრილი სოფლის მოკრძალებული მასწავლებელი გეგონებოდათ“.

იმასაკ ამბობენ, ნარ-დოსი მტრულად იყო განწყობილი გაპრანჭული მეტყველები-სადმიო, მარტივი და გასაგები საუბარი და წერა ჰყვარებია. ყოველ სიტყვას უნდა მოეძებნოს თავისი საკუთარი კუთხე-კუნტული, მაშინ, რაგინდ უბრალო იყოს იგი, მთელი თავისი ელვარებით გამოჩნდება.

იგონებენ, რომ მწერლის შრომას ნარ-დოსი მძიმე, მოწამეობრივ შრომად თვლიდა. იგი იზიარებდა იმ აზრს, რომ მწერალმა ბევრი უნდა იკითხოს, იმუშაოს, ნაწერი გულდაგულ დახვეწოს, გაასწოროს, შეავსოს. ამ მხრივ იგი ეხმაურებოდა თავის დიდ თანამედროვეს, ლ. ტოლსტოის, რომელიც წერდა: „მწერალი ყოველდღე უნდა მუშაობდეს... უნდა მუშაობდეს დღედაღამ, ტყავიდან ძვრებოდე. რომანს უფრო დინჯი მუშაობა, მეტი მყუდროება, მეტი სიწყინარე და დიდი, მეტად დიდი ჯაფა უნდა. ამ მძიმე კატორღულ შრომას გაახალისებს და გააადვილებს ხოლმე სიტყვასთან თამაში. ესაა უდიდესი სიამოვნება, რომელიც დაღლასაც კი გავიწყებს. სიტყვები მზამზარეულად კი არ მოდიან, ისინი ნაპერწკლებივით არიან, ტალზე კვესის ჩამოკერისას რომ აეღვებენ. მოათავსე სიტყვა იქ, სადაც საჭიროა და მაშინვე გაცოცხლდება, სუნთქვას დაიწყებს“.

სამწუხაროდ ყოველდღიური არსებობისათვის ზრუნვასა და მატერიალურ ხელმოკლეობას ნარ-დოსისათვის საშუალება არ მიუცია მთელი არსებით მისცემოდა მწერლობას, დიდიდან საღამომდე გაზუთების რედაქციებში ნაჯაფ მწერალს მხოლოდ დამ-დამოებით ჰქონდა საშუალება თავისი პატარა ოთახიდან იმდროინდელ სინამდვილეზე მსჯავრის გამოტანისა; მიუხედავად ამისა, მწერლის დიდი ნიჭისა და შრომისმოყვარეობის შუქს მანაც გაურღვევია უძილოდ გატარებული ღამეების წყვილი და ნარ-დოსი ერთ-ერთ ბრწყინვალე ვარსკვლავად აღმოიჩინებულა მრავალსაუკუნოვანი სომხური ლიტერატურის ცის თავანსე.

* * *

ნარ-დოსს თავისავით უბრალო ბიოგრაფია აქვს. დაიბადა 1867 წელს თბილისში. მატყლით მოვაჭრის ოჯახში. მშობლები ნახევრად უსწავლელი და საკმაოდ ჩამორჩენილი ყოფილან და ბავშვის აღზრდისათვის დიდად არ შეუწუხებიათ თავი. მიქაელს დაწყებითი განათლება ჯერ ავლაბრის სამრევლო სკოლაში მიუღია, შემდეგ რუსულ სამოქალაქო სკოლაში, ბოლოს კი ქუთაისის სამასწავლებლო სემინარიაში, მაგრამ რაკი სწავლის ჭირას ვეღარ იხდიდა, თავი დაუნებებია. მომავალ მწერალს მოსვენებას მანაც არ აძლევდა სწავლის წყურვილი. უცდია კიდევ რკინიგზის სასწავლებელში მოწყობა, მაგრამ მატერიალური ხელმოკლეობის გამო ვერ მოუხერხებია. ერთადერთი ადგილი, სადაც შეეძლო იმ დროს უფასოდ სწავლა, სახელოსნო სკოლა ყოფილა. ნარ-დოსს ერთი წელი დაუყვია ამ სასწავლებელში. მალე სკოლისათვის თავი მიუნებებია და მთელი ენერგიით მისცემია საგაზეთო და ლიტერატურულ მოღვაწეობას.

ამ დროიდან დაიწყო სწორედ თავაულებელი მუშაობის ხანგრძლივი ხანა. ათეული წლების მანძილზე ნარ-დოსი მდივანად, სტილისტად, კორექტორად მუშაობდა „ნორდარის“ (ახალი საუკუნე) „აღბიურის“ (წყარო) „ტარაზის“ (ფორმა), „სურანდაკის“ (მიკრიკი) რედაქციებში. მოთხრობებში „ერთ-ერთი სევდიანი დღე“ და „რედაქტორი“ ნარდოსს რეალისტური ფერებით აქვს აღწერილი სომეხ ლიტერატორთა მძიმე ცხოვრება.

უკიდურესი მატერიალური ხელმოკლეობა ყოფილა გაზეთების თანამშრომელთა ხვედრი. ასეთ პირობებში უცხოვრია ნარ-დოსსაც, რომელიც ეკუთვნოდა იმ მოღვაწეთა ჯგუფს, რომლებიც გმირულად იტანდნენ ყოველგვარ გასაჭირს და მთელი არსებით მზად იყვნენ მსხვერპლად შეწიროდნენ მშობლიური ლიტერატურისა და კულტურის განვითარების საქმეს.

ნარ-დოსს მხატვრული ნაწარმოებების შეთხზვა ჯერ კიდევ სახელოსნო სკოლაში სწავლის დროს დაუწყო. წერდა ლექსებს, პიესებს, მოთხრობებს. თითქმის ყმაწვილს დაუწერია თბილისური დიალექტით „მაინეს ჩივილი“, რომელსაც გ. სუნდუკიანის „პე-პოს“ გაუღენა ატყვია. მაგრამ მალე ხელს იღებს დრამატურგიაზე და პროზაზე გადადის. 1888 წელს იბეჭდება მოთხრობა „ჭეშმარიტი მეგობარი“, შემდეგ მცირე ზომის რომანი „ნუნე“, „ანა საროიანით“ კი ფსიქოლოგიური კონფლიქტების აღმწერელ საკუთარი სტილის მწერლად იქნა აღიარებული.

80-იან წლებში ქვეყნდება ნარ-დოსის ნოველები, რომლებსაც შემდგომ ავტორმა „ჩვენი უბანი“ უწოდა. ამ ნოველებმა სახელი გაუთქვა მწერალს. ამას მოჰყვა რომანი „მოკლული მტრები“, მოთხრობები: „ასხლის პატრონის ქალიშვილი“, „ერთ-ერთი სველიანი დღე“, 1911 წელს — რომანი „ბრძოლა“, 1912 წელს კი რომანი „სიკვდილი“.

ნარ-დოსი მიეკუთვნება იმ სომეხ დემოკრატ-მწერალთა რიცხვს, რომლებიც ალტა-ცებით შეხვდნენ საბჭოთა ხელისუფლების გამარჯვებას და აქტიურად ემსახურებოდნენ სოციალისტური კულტურისა და ხელოვნების აყვავებას. სიცოცხლის უკანასკნელ წლებში ნარ-დოსი დაულაღავდ მუშაობდა ახალ ნაწარმოებებზე, ცდილობდა ეჩვენებინა რევოლუციური გარდაქმნების გავლენა საზოგადოების სხვადასხვა ფენების სულიერ სამყაროზე. 1920 წელს გამოქვეყნდა „უკვალოდ დაკარგული“, ხოლო 1930 წელს — „უკანასკნელი მოპიკანები“. გარდაცვალებამდე წერდა რომან „ასალ ადამიანებს“, რომელშიც ჩაფიქრებული ჰქონია ახალ შეხედულებათა ფონზე რევოლუციის წინანდროინდელი ყოფა-ცხოვრების რეალისტური სურათის დახატვა და ნაკაცრების ფსიქოლოგიური სამყაროს ჩვენება. მაგრამ ჩანაფიქრის სისრულეში მოყვანა აღარ დასცალდა — 1933 წელს ნარ-დოსი გარდაიცვალა. იგი დაკრძალულია ქ. თბილისში, ყოფ. ხოჯევანქის სომეხ მწერალთა პანთეონში.

* * *

ნარ-დოსი რეალისტი მწერლების, კერძოდ, კრიტიკულად მოაზროვნე მწერლების პლედადს ეკუთვნის. მისი აზრით, მწერლის ადგილი საზოგადოებაში არის ადგილი მოწმისა, რომელიც იძლევა ჩვენებებს ადამიანის შინაგან არსზე და მის გარემომცველ სამყაროზე. გარდა ამისა, ნარ-დოსი იქვე დასძენდა, მწერალი მარტო მოწმე როდია, ამავე დროს, ბედნიერებისადმი მისწრაფების, მისი მიღწევის სურვილით შთაგონებული შემოქმედიცაა.

ლიტერატურა, — ამბობდა ნარ-დოსი, — ცხოვრების სარკე უნდა იყოს, მან ტიპიური პასეებით უნდა გამოსხატოს ცხოვრება ისე, როგორც არის, მაგრამ მწერალი ამაზე არ უნდა გაჩერდეს. ნარ-დოსი უფრო ფართო ამოცანებს აკისრებდა ლიტერატურას. „ლიტერატურა, — წერდა იგი, — ცხოვრების სარკეა, მაგრამ ამასთან ცხოვრების სკოლაცაა. მან მარტო ის კი არ უნდა აჩვენოს ადამიანებს, რომ შუბლზე მური სცხიათ, არამედ ისიც ასწავლოს, თუ როგორ ჩამოიწმინდონ ეს მური. ლიტერატურამ არა კმარა გვიჩვენოს

მხოლოდ ის, რაც არის ცხოვრებაში, საჭიროა იმაზედაც მიგვანიშნოს, რაც არ არის და სასურველია იყოს“.

ნარ-დოსი მტკიცედ უჭერდა მხარს რეალისტურ ნაწარმოებებში ყოველი მხატვრული სახის, ყოველი სიუჟეტური მოტივის ღრმად შემზადების, მოტივირებისა და დასაბუთების პრინციპს, მას სწამდა, რომ სადაც ცხოვრებისეული სიმართლე საეჭვო ხდება, იქ იკარგება მხატვრული სიმართლეც. მაგრამ ამასთან წინააღმდეგი იყო მკითხველისათვის ყველაფერი მზამზარეულად მიეწოდებინა. მხატვრულმა ნაწარმოებმა უნდა დააფიქროს მკითხველი ცხოვრების ავკარგზე, რომ დასკვნები თავად გამოიტანოს. მოთხრობა „ანა საროიანის“ გამო ატეხილ კამათში ცნობილ ისტორიკოსსა და კრიტიკოს ლეონისათვის გაეცემულ პასუხში ნარ-დოსი წერდა: „ანა საროიანის თემა ავიღე მშ-იანი წლების სომეხი ბურჟუაზიული ოჯახური ცხოვრებიდან. მინდოდა მეჩვენებინა მატერიალურად უზრუნველყოფილი ოჯახის დაღუპვა და ამ ოჯახში აღზრდილი ქალიშვილის ტრაგედია, როცა ოჯახს გამოეცლება მატერიალური ბაზა. ბურჟუაზიულ აღზრდას ანასათვის არ მიუცია ცხოვრების ბედუკუდმართობასთან ბრძოლის რეალური იარაღი, და როგორც კი ეს ბედუკუდმართობა გადაიდობება გზაზე, ქალიშვილს თავბრუ ეხვევა, სული ეხუთება წყლიდან გამორიყული თევზივით. ლეონი მართალს ამბობს, რომ მე დავეკმაყოფილებულვარ მხოლოდ მდგომარეობის აღწერით. მაგრამ თუ მას მიაჩნია — ავტორი არაფერს ამბობს მიზეზებზე, მოთხრობის არსში და პერსონაჟის ფსიქოლოგიურ სამყაროში არ იჭრებაო, ამაზედ შემდეგს მოვახსენებ: მაშინ მე დავემსგავსებოდი იმ მხატვარს, რომელმაც მამალი დახატა და ქვეშ მიაწერა: „ეს მამალიაო“.

ნარ-დოსი მტკიცედ იყო განწყობილი ნატურალიზმისადმი. ნატურალისტ-მწერლებს უსაყვედურებდა მათთვის დამახასიათებელ თავისებურ ობიექტივიზმს. ნატურალისტები მხოლოდ აჩვენებენ შუბლზე მოცხებულ მურს, მაგრამ არაფერს ეუბნებიან ადამიანებს როგორ ჩამოიწმინდონ ეს მური. ეს კი ნარ-დოსს ლიტერატურის ერთ-ერთ ძირითად ამოცანად მიაჩნია.

ნარ-დოსი ნამდვილ მწერლად იმას თვლიდა, ვინც არ გაურბოდა ცხოვრების დამახასიათებელ წინააღმდეგობებს, ვის წიგნებშიც სრულად იყო ნაჩვენები სინამდვილე მთელი სიმართლით, ვინც ტრაგიკულ მდგომარეობას არ ალამაზებდა მინდვრის ყვავილებით და მკითხველს ზრდიდა ცხოვრების სიმახინჯეთა წინააღმდეგ ბრძოლისა და ხალხისათვის თავგანწირვის შეგნებით.

ნარ-დოსს თავის ღირსებად და მოვალეობად მიაჩნდა გარკვეულიყო სოციალურ უსამართლობასა და საზოგადოებრივი საკითხების სწორად გადაჭრაში, მაგრამ, სამწუხაროდ, დადებით გმირებზე მსჯელობისას ვერ ამდლდა ისტორიული მოვლენების მარქსისტულ გაგებაზე, ამიტომ მწერლებს ურჩევდა მარკიზ პოზას მსგავსი სახეების შექმნას. მას მარკიზ პოზასნაირი ინდივიდები მიაჩნდა საზოგადოებაში ფუნქციონირებული ბოროტების მოსპობის მთავარ ძალად. მართალი იყო ნარ-დოსი, როცა ადამიანში კაცურკაცობის გამონატკლებად ხალხს სიკეთისათვის თავის განწირვას აღიარებდა, მაგრამ ცდებოდა, ასეთი თვისებებით დაჯილდოებული გმირები საზოგადოების ძირფესვიანი გარდაქმნის ერთადერთ ძალად რომ მიაჩნდა.

ნარ-დოსი მრავალსაუკუნოვანი მშობლიური ლიტერატურის ტრადიციებზე აღიზარდა. იგი მოწიწებით ქედს იხრიდა წინამორბედ მწერლების წინაშე, ბევრი რამ უსწავლია

სუნდუკიანის, რაფის შემოქმედებიდან. „კითხვის სიყვარულმა ჩემში ადრე გაიღვიძა „ხენთი“ და „დავით-ბეგი“ ჯერ კიდევ მაშინ წაიკითხე, როცა „მშაქში“ იბეჭდებოდა. ძალიან მიყვარდა რაფის ნაწარმოებები...“ — იგონებს ნარ-დოსი. მიუხედავად ამისა, ცნობილია, რომ მწერალი ამასთან ერთად კრიტიკულად იყო განწყობილი რაფის შემოქმედებისადმი, არ მოსწონდა რაფის „მშაგი რომანტიზმი“. წარსულის კულტურული მემკვიდრეობის მექანიკური დაცვა, ტრადიციების წინაშე ბრმა ქედის მოხრა უცხო იყო ნარ-დოსისათვის, იგი წინ იხედებოდა და, რამდენადაც ძალა შესწევდა, ახლის, ჯანსაღის, სიცოცხლისუნარიანის გამარჯვებისათვის იღწევდა.

ნარ-დოსი ასევე დიდად იყო დავალებული დიდი რუსი მწერლებისაგან. მას არა ერთხელ აქვს ხაზგასმით აღნიშნული, რომ „მასზედ ყველაზე ძლიერი გავლენა მოუხდენიათ რუს პროზაიკოსებს“, რომელთაც მსოფლიო ლიტერატურის მშვენივად თვლიდა. განსაკუთრებით აღტაცებული ყოფილა ი. ტურგენევით, ი. გონჩაროვით, ლ. ტოლსტოითა და ა. ჩეხოვით. ამათგან ბევრი რამ ვისწავლე პერსონაჟების ფსიქოლოგიური დახასიათებისათვის.

ნარ-დოსი თავისი ლიტერატურული შეხედულებებით საერთოდ ახლოს დგას მისი დროის პოლიტიკურ და სოციალურ იდეალებთან. იგი დემოკრატი ნწერალი იყო და ღრმად სწამდა მშობლიური ხალხის ძალა, უფლებააყრილი და დამონებული სამშობლოს პოლიტიკური და სოციალური აღორძინება.



როგორც ზემოთ შევნიშნეთ, ნარ-დოსი სამწერლო ასპარეზზე გასული საუკუნის 80-იან წლებში გამოვიდა. ეს ის ხანა იყო, როცა სწრაფად ვითარდებოდა სამრეწველო კაპიტალიზმი და დღითი დღე უარესდებოდა მშრომელი ხალხის მდგომარეობა. ბურჟუაზიულ ურთიერთობას ღრმა ცვლილებები შეჰქონდა საზოგადოებრივ ცხოვრებაში, ზნე-ჩვეულებებში, ადამიანების შეგნებაში. სოციალური საკითხები მთავარ პრობლემებად იქცეოდნენ, რასაც, რასაკვირველია, გვერდს ვერ აუვლიდნენ მხატვრული სიტყვის ოსტატები საერთოდ და რეალისტი მწერლები კერძოდ.

თავის შესანიშნავი ოსტატობით შესრულებულ ნაწარმოებებში ნარ-დოსი რეალისტიკისათვის დამახასიათებელი სიმახვილით, მკაფიო ფერებით იძლევა თავისი დროის სოციალური გარემოცვის დამახასიათებელ სურათებს. მან ერთ-ერთმა პირველმა გამოხატა სომხურ ლიტერატურაში, საეპრო-სამრეწველო კაპიტალიზმის ჩასახვა-განვითარების პროცესების ფონზე, ახალ ვითარებაში აღმოცენებულ სოციალური ფენების დამახასიათებელი ტიპები.

ნარ-დოსის შემოქმედების პირველი ყვავილებაა „ჭეშმარიტი მეგობარი“, „ნუნე“, „ნაზი სიმები“. ამ ნაწარმოებებში უკვე იგრძნობა ფსიქოლოგიურ სიტუაციებში გარკვეულ მწერლის ხელწერა, რამაც უფრო ძალუმად თავი იჩინა მომდევნო მოთხრობაში — „ანა საროიანი“. ბურჟუაზიული ყოფა-ცხოვრების ასახვის თვალსაზრისით „ანა საროიანი“ განსაკუთრებით იპყრობს მკითხველის ყურადღებას. მატერიალურად დატკბება მდიდარი ოჯახი, ფუფუნებას მიჩვეული საროიანები ვერ უძლებენ კარზე მომდგარ გაჭირვებას, ძალა არ შესწევთ საკუთარი შრომით გაართვან თავი სიძველეებს, შეინარჩუნონ ადამიანური ღირსებები. ვაჭარი მამა ბანქოს თამაშში აგებს მთელ ქონებას, სილატაკის მოახლოება

თავზარს სცემს ოჯახის წევრებს. იხოცებიან ანას მამა და ერთი ძმა, მეორე ძმა გალოთ-
დება, მესამეს სიზარმაცისათვის სამუშაოზე არსად ღებულობენ...

მოთხრობა წერილების სახით არის დაწერილი. ანა თავის სულიერ მდგომარეობას ამ
წერილებში აქსოვს. ქალიშვილი გულწრფელად მოწადინებულია მშობლიურ ოჯახს ეს
ძმომე ხვედრი შეუმსუბუქოს, მზად არის დაეხმაროს მკერავე დედას, მაგრამ ამაოდ იღწ-
ვის — არაფრის უნარი არ შესწევს. ავადმყოფური თავმოყვარეობის ქალიშვილი ვერ
უძლებს ცხოვრების სულ პატარა დარტყმებსაც კი, იგი უმოწყალოდ იტანჯება, როცა მე-
გობარი ქალი მატერიალურ დახმარებას შესთავაზებს, ამ ტანჯვას ვეღარ იტანს და სა-
კუთარ სიცოცხლეს ხელჰყოფს. ანა თავისი მშობლიური გარემოს — ბურჟუაზიული ცხოვ-
რების ერთ-ერთი მსხვერპლია.

ბურჟუაზიული საზოგადოების ასეთივე უდანაშაულო მსხვერპლნი არიან ხელოსნები,
მრეცხავი ქალები, დაბალი ფენების სხვა წარმომადგენლები. ნარ-დოსის ბრწყინვალე
მხატვრული ნიჭი სწორედ ამ ფენების ტრაგიკული ცხოვრების აღწერაში გამოვლინდა
მთელი სიმძაფრით. სომხურ ლიტერატურაში ნარ-დოსმა კაპიტალიზმის ფეხით გათვლილი
უბრალო მშრომელი ადამიანების ბედუკუდმართი ყოფის მხატვრული ასახვით დაიმკვიდრა
კლასიკოსი მწერლის უკუდავი სახელი. ამ მხრივ მის შემოქმედებაში განსაკუთრებული
აღვნი უჭირავს ნოველების ციკლს — „ჩვენი უბანი“.

ბურჟუაზიული საზოგადოების გერი შვილები — ათასობით უმუშევარი ლოთობაშა
ჰკლავს გულის ვარამს. ერთ-ერთი იმათგანია ცხოვრების ასპარეზიდან გარიყული მღე-
ბავი დავითი. მძიმე ცხოვრებას მასში ჩაუკლავს ადამიანობის ნიშნები, უხეში და ტლანქი
გაუხდია. გარეთ გამწარებული დავითი უდანაშაულო ბავშვზე და ცოლზე იყრის ჯავრს,
სიცოცხლეს უმწარებს მათ („სულზე მიასწრო“). გალოთებული მედროვე იაგორა აუ-
ტანელად აწამებს და საიქიოს გზას გაუყენებს საბრალო, შრომისმოყვარე მეუღლეს („რა
მოსხდა მას შემდეგ, როცა საშაქრეს ორი ნატეხი შაქარი დააკლდა“). ქურდბაცაცა არ-
ტემი საწყალ დედამის ერთადერთ მარჩენალს — ქათმებს ჰპარავს და ჰყიდის („შავი
სულების სარგებელი“). ღურგალ საქულას ოჯახი ცრუმორწმუნეობის ჭაობში ჩაფლულა-
და ნელ-ნელა ნადგურდება („საქულა სალოცავად წავიდა“) და სხვა.

ამ ციკლის ნოველებში რეალისტ-მწერალს სრული სიმართლით აქვს დახატული
თვალშეუდგამი წყვილიდისა და ძალმომეობის სამყარო. სადაც ადამიანი ფიზიკურად
და მორალურად იღუპება. ძალადობისა, სიყალებისა, გაუტანლობისა და უგუნური ადამ-
წესებისაგან ადამიანი სულს ვერ ითქვამს, თავის ადამიანურ ღირსებებს ვერ იცავს. ეს
არის ამ ნოველების იდეური ჩანაფიქრი.

ნარ-დოსი ფსიქოლოგიური დამაჯერებლობით გვიხატავს პერსონაჟებს. მკითხველი
ნათლად ხედავს უბრალო ადამიანთა სულიერ ტრაგედიას, მის შინაგან ხიშნებს და მი-
ზეზებს, აგრეთვე გარე სამყაროს. იმ ნივთიერ და მატერიალურ პირობებს, რომელთაც
წარუხოციელი გავლენა მოუხდენიათ უბრალო ადამიანების სიცოცხლეზე. ეს ნარ-დოსის
რეალიზმის მთავარი თავისებურებაა.

ჰუმანისტი ხელოვანი გულწრფელად თანაუგრძნობს ბურჟუაზიული საზოგადოების
მსხვერპლთ, რომელთაც ძალა არ შესწევთ თავიანთი უფლებების დაცვისა და სიძულვილს
აღვივებს მკითხველებში დაბეჩავებულ ადამიანთა მიმართ მტრულად განწყობილ სამყა-
როსადმი.

ნარ-დოსის ერთ-ერთი უმშვენიერესი ნაწარმოები და მხატვრული სიტყვის დიდოსტატის ხელით შექმნილი შედევრია — „მე და ის“. მოთხრობა დაწერილია დაპირისპირების მეთოდით. ერთმანეთს უპირისპირდება ორი ახალგაზრდა თავიანთი ბედ-იღბლით, ტრაგიკული სიყვარულით, მორალურ-ადამიანური ღირსებებით. ისინი სხვადასხვა სოციალურ ფენას ეკუთვნიან — ერთი ბურჟუაზიული წრიდან გამოსული ჭაბუკია, იურიდიული ფაკულტეტის სტუდენტი, მეორე უბრალო, ხალხის კალთაში გამოზრდილი მოზცტიალე მუსიკოსი. ამ ორი ჭაბუკის გამოსაცდელი ქვა — სიყვარულია. პირველი მარცხდება, მეორე იმარჯვებს.

ნარ-დოსმა ამ მოთხრობით დიდების დაუეჩწყარი ჰიმნი უძღვრა უბრალო ხალხს, მის წიაღში დაბადებულ ადამიანებს, მათ ნებისყოფას, პატიოსნებას, შრომისმოყვარეობას. კაცურკაცობას, დიდსულოვნებას. შწერლის აზრით, ნამწვილ გმირებს შობა ცვით ხალხი, მის კალთაში იზრდებიან დიადი სულის ადამიანები, ფუფუნება და უწინწველი ცხოვრება კი სულმოკლე, სუსტხერზემიან ნაშეგრებს კბადებს.

რომანებში „მოკლული მტრები“, „ბრძოლა“, „სიკვდილი“, ნარ-დოსი ერთოდ ხატავს სომხური ინტელიგენციის ყოფა-ცხოვრებას, მის წნეობრივ-მორალურ სახეს, ქნის დასამახსოვრებელ ტიპებს. რუმენ თუსიანი წნედაცემული ბურჟუაზიული ინტელიგენციის ტიპური სახეა („მოკლული მტრები“). იგი სამწინელი ცინიკოსია, არაადამიანური თვისებების მატარებელი. მისთვის აღარაფერია წმინდა, ამაღლებული. მას არ გააჩნია რაიმე იდეური მრწამსი, არც მორალურ-წნეობრივი იდეალი. მხოლოდ პარუტყვეული მოთხონილებების დაკმაყოფილებაზე ზრუნავს, არაფრის სიკეთე არ მოაქვს, ნიადაგ იმაზე ფიქრობს, ვის რა წაგლიჯოს, ვინ გააუბედუროს, გათელვს, დაამყროს — ფუქსა-ვატურ ცხოვრებას აყოლილი საკუთარი სიამოვნებისათვის მხად არის ხარბად შთანთქმის სხვათა გრძნობები, სიყვარული, ბედნიერება.

რომანებში „ბრძოლა“ და „სიკვდილი“ ნარ-დოსი აკრიტიკებს ლიბერალებსა და კონსერვატორებს, მათ უთანხმობას. ყოფა-ცხოვრებას.

ამ რომანებში მკვეთრად იგრძნობა მწერლის კრიტიკული დამოკიდებულება ბურჟუაზიის წრიდან გამოსულ კულტურულ მოღვაწეთა მიმართ. ნარ-დოსის აზრით, უნებისყოფო, სუსტი, ავადმყოფური თავმოყვარეობის მოღვაწენი საზოგადოებისათვის უვარგისია. შედმეტი ადამიანები არიან, ისინი სიკეთეს ვერ მოუტანენ საზოგადოებას.

რევოლუციის შემდეგ ნარ-დოსმა, როგორც ძველი ინტელიგენციის ერთ-ერთმა მოწინავე წარმომადგენელმა, გულწრფელად და გაბედულად სცადა თავისი ნიჭი და უნარი გამარჯვებული ხალხის სამსახურში დაეყენებინა.

მოთხრობა „უკანასკნელ მოპიკანებში“ მწერალმა წარსულის მიერ დაბეჩავებულ პატრიკიანის აღორძინებული ცხოვრების ფონზე გულწრფელად დახატა ბურჟუაზიული სამყაროს აღსასრული, მის უკანასკნელ მოპიკანთა დაღუპვა. ნაწარმოებში ძლიერი საღებავეებით არის ნაჩვენები გაიძვერა დავით ფომიჩ ადამირიანის ოჯახის თავგადასავალი. რევოლუციის ქარიშხალმა ადამირიანებს წაართვა სიმდიდრე და ხალხს გადასცა. დიდ სახლში, სადაც ადრე ფუფუნებაში ნებივრობდნენ ადამირიანები, დავითის ყოფილი მსახურნი ჩასახლდნენ. ახალი წესრიგის წინააღმდეგ პირუტყვეული სიძულვილით გამსჭვალულ მოხუც ყოველ მხრივ გადაჭრილი აქვს გზები და პირქუში წარსულის ამ უკანასკნელი მოპიკანის მზე საბოლოოდ ჩაეყენება.

სომხურ ლიტერატურაში ნარ-დოსი ფსიქოლოგიური რომანის ერთ-ერთი დამამკვიდრებელია. მის ნაწარმოებებში პერსონაჟების ღრმა სოციალურ ქვეტექსტით გაპირობებულ სულიერი ცხოვრების გამოსახვას დიდი ყურადღება ეთმობა. ნარ-დოსის გმირებთან გაცნობისას მკითხველი უთუოდ შეინშნავს მოქმედ პირთა შინაგანი ბუნებიდან გამომდინარე მღელვარე ოცნებებს, მისწრაფებებს, განცდებს. აღწერილი ცხოვრების დროის მონაკვეთში მომხდარ დრამატულ სიტუაციებსა და პერსონაჟთა არსებობის ტრაგიკულ ფინალს ნარ-დოსი სწორედ ადამიანთა სულიერ სამყაროში ჩაწვდომით ანიჭებს ჭეშმარიტ დამაჯერებლობას.

გმირის ღრმა ფსიქოლოგიური დახასიათებით ნარ-დოსის შემოქმედებაში განსაკუთრებულ ყურადღებას იქცევს „ანა საროიანი“. ამ ნაწარმოებში ნათლად ჩანს ნარ-დოსის მწერლური განჭვრეტის ძალა და სიმახვილე — მხატვარი თანდათან გადაგვიშლის ანას სულიერი მოძრაობის ისეთ შტრიხებს, რომლებსაც მკითხველი მიჰყავთ გაუბედურებელი ანას ტრაგიკულ დასასრულად. ამიტომ შემთხვევითი როდია, რომ თავისი შემოქმედებიდან ავტორს ყველაზე მეტად სწორედ ეს ნაწარმოები ჰყვარება.

„— ეს ჩემი პირველი რომანია. ოცდაერთი წლისამ ერთი ამოსუნთქვით დავეწერე, რამდენიმე დღეში, და როცა დავამთავრე, ცრემლებს ვერ ვიკავებდი, საათობით ვტიროდი... მეგონა, მოწამლული ანა ჩემს წინ ეგდო... იმდენად დამსუსტებოდა ნერვები...“

ფსიქოლოგიური ანალიზით ნარ-დოსი უკეთ ჰყენს შუქს თავის პერსონაჟებს, და ისე თვალნათლივ გამოაჩენს მათი საზოგადოებრივი ავ-კარგის ყველა დეტალს, რომ ისინი ფართოდ განზოგადოებულ სახეებად წარმოუდგებიან მკითხველს; და არა თუ მხოლოდ წარმოუდგებიან, არამედ აღავსებენ მას ადამიანისადმი უღრმესი სიყვარულის უმრგბტი გრძობით. ჰუმანიზმის დიდი შინაარსით და სიცოცხლისათვის თავდადების შინაგანად შეფარებული თუ აშკარად გამოვლენილი უკვდავი პათოსით.

მოქმედების შინაგან ფსიქოლოგიურ მოტივიზაციას და გმირთა დამაბულ შინაგანი ცხოვრების ასახვას, რასაკვირველია, უდიდესი მნიშვნელობა აქვს თემის სწორი გაშუქებისათვის. ეს მოითხოვს მწერლისაგან დიდ სიმართლეს, ცხოვრებისეული მასალის ღრმა ცოდნას, მხატვრის განსაკუთრებულ გრძობას. და აი, ნარ-დოსიც გულმოდგინედ სწავლობდა თავის თანამედროვე სინამდვილეს, უშუალოდ ეცნობოდა ხალხის ავ-კარგს, ცხოვრების გულში ტრიალებდა, იქიდან ჰკრეფდა მასალას თავისი ნაწარმოებებისათვის და აინუნში არ იღებდა იმ მეგობარი კალმოსნების საყვედურებს, რომლებიც ხშირად კიცხავდნენ — საზოგადოებრივ შეკრებულებებს არ ესწრები, მწერალთა კრებებზე არ დადიხარ, ცხოვრებას საიდან გაეცნობიო. ამგვარ საყვედურებს მწერალი გულგრილად ისმენდა თურმე, მაგრამ ერთხელ თავი იმდენად მოუბეზრებიათ, რომ უაღრესად თავშეკავებულ ნარ-დოსს ბოლოს მოთმინების ფილა ავსებია და პირდაპირ მიუხსია:

— მე ქუჩაში დავდივარ, იქ კი იმდენი მასალაა ცხოვრების გასაცნობად, რამდენსაც ადამიანის გული ინატრებს.

დაიხ, ნარ-დოსი ქუჩაში სწავლობდა ცხოვრებას, იქ ეძებდა და კიდევაც პოულობდა თავის გმირებს, მისი მადლიანი კალმით ისინი ახალ ცხოვრებას იწყებდნენ სიტყვაკაზმული ლიტერატურის ფურცლებზე, — იტანჯებოდნენ და ხარობდნენ ძველი თბილისის ლაბირინთებში მოხეტიალე მათი ორეულეობით და ცხოვრებისეული სიმართლის შუქი შეჰქონდათ უკვდავი მწერლის შემოქმედებაში.



ნარ-დოსის ნაწარმოებები თარგმნილია რუსულ და უცხო ენებზე. ქართულ ენაზე სხვადასხვა დროს ითარგმნა „პოპობი“, „ციური ზარი“, „რა მოხდა მას შემდეგ, როცა საშაქრეს ორი ნატეხი შაქარი დააკლდა“, აგრეთვე „შავი ფულების სარგებელი“. პიესად გადაკეთებული „მოკლული მტრედი“, რომელიც ქართულად თარგმნა არტ. დავითიანმა, არა ერთხელ დაიდგა ქართულ სცენაზე.

1931 წელს თბილისში. რუსთაველის სახელობის თეატრის საკონცერტო დარბაზში გამართულა ნარ-დოსის ორმოცი წლის სამწერლო მოღვაწეობისადმი მიძღვნილი საიუბილეო საღამო. დიდძალ საზოგადოებას მოუყრია თავი. აქ ყოფილან ქართული ლიტერატურისა და ხელოვნების თვალსაჩინო წარმომადგენლები. როგორც კი ნარ-დოსი მწერლების თანხლებით დარბაზში გამოჩენილა, ყველანი ფეხზე წამომდგარან და ხანგრძლივი ტაშით მისალმებიან იუბილარს. მრავალი გულთბილი სიტყვა თქმულა. საბჭოთა მთავრობას მაღალი შეფასება მიუცია ნარ-დოსის მოღვაწეობისათვის და რესპუბლიკის სახალხო მწერლის საპატიო წოდება მიუნიჭებია. ამ საზეიმო დღეს ნარ-დოსს რევოლუციამდელ დემოკრატ-მოაზროვნეთა და სომეხ მწერალთა დრამა ასე დაუხასიათებია: „... მწერალს კალამი არსებობის არავითარ წყაროს არ აძლევდა, ამიტომ იგი იძულებული იყო მწერლობა გვერდზე გადაედო, და მუდმივი საარსებო წყარო რამ გაეჩინა; ხშირად ისეთი საქმისათვის მოუკიდია ხელი, რასაც ლიტერატურასთან სულ არაფერი ჰქონდა საერთო. ამრიგად, სომეხი მწერალი ჩემ დროს უფრო მასწავლებელი იყო, მონაგარიშე, ნოქარი, მოსამსახურე, მერე კი, სხვათა შორის, ნწერალი... მეც, როგორც ერთ-ერთი ამათგანი, რასაკვირველია, გვერდს ვერ ავუვლიდი ამ საერთო კანონს. შემიძლია ვთქვა, რომ ჭაბუკობის ყველაზე საუკეთესო წლები, დღის ყველაზე საუკეთესო საათები, სხვადასხვა შავ სამუშაოებზე, ამა თუ იმ რედაქციებში, ამა თუ იმ სტამბაში გამიტარებია და თუ მერე დამრჩენია დრო, უკვე ფიზიკურად და გონებრივად დაღლილი, მივჯდომივარ მაგიდას რაიმის დასაწერად“.

საზეიმო საღამოს შემდეგ ქართველ და სომეხ მწერლებს და ხელოვნების მუშაკებს ნარ-დოსი საზეიმო ვახშამზე მიუწვევიათ. ვახშამი თავისი ტაბილი სმით დაუმშვენებია მომღერალ დ. ანდლულაძეს. საღამო იმდენად გულთბილად ჩატარებულა, რომ მუდამ ჩუმ, მოკრძალებულ იუბილარსაც ამოუდგამს ენა, ვრცელი და მსურველე სამადლობელი სიტყვა წარმოუთქვამს.



„ლიტერატურა, — წერდა გამოჩენილი რევოლუციონერი და ცნობილი მარქსისტი, სტ. შუმიანი, — ეს არის ტაძარი, სადაც შეიძლება ფეხი შევდგათ მხოლოდ წმინდა სინდისითა და წმინდა ზრახვებით. როცა აღამიანები ამ ტაძართან წვრილმანი, პატავმოყვარული მისწრაფებებით, ანგარების მიზნით და ქვენა განზრახვებით მიდიან, ეს ხალხის წინააღმდეგ ჩადენილი დიდი დანაშაულია“.

გაბედულად შეიძლება ითქვას, რომ ლიტერატურის ტაძართან ნარ-დოსი წმინდა სინდისითა და წმინდა ზრახვებით მივიდა. მისი დროის აწეწილ საზოგადოებრივ-პოლიტიკურ ვითარებაში მწერალს არავისთვის მიუყიდია თავისი კალამი, მთელი არსებით გა-

მოეთიშა რა თავის მშობლიურ ვაჭრულ-ოჯახურ გარემოს, ორმოცი წელი ალალი შრომიით ირჩენდა თავს და ჰუმანიზმისა და პროგრესის მაღალი პოზიციებიდან, საკუთარი სინდისის კარნახით, ფარდას ხდიდა პირქუშ თანამედროვეობას.

მე-19 საუკუნის დამლევით და მე-20 საუკუნის გარიჟრაჟი ხვავიანი ხანა იყო სომხური სიტყვაკაზმული მწერლობისა. ამ დროისათვის ახალ სომხურ ლიტერატურას ამშვენებდნენ ისეთი ბრწყინვალე სახელები, როგორც არის ა. აბოვიანი, გ. სუნდუკიანი, პ. პარონიანი და რაფი. თავისი შემოქმედების მწვერვალზე იდგნენ მხატვრული სიტყვის დიდოსტატები მურაცანი და ა. შირვანზადე, პ. პროშიანი და რ. პატკანიანი, გ. ზოპრაბი და ო. თუმანიანი, ა. ისაკიანი და ვ. ტერიანი, დ. დემირჭიანი და ლ. ალაიანი... სომხური ლიტერატურის ამ თავკაცების გვერდში ამოდგომა და მათთან ერთად მხარდამხარ სიარული მხოლოდ ჭეშმარიტ მწერალს, გულმართალ მოქალაქეს და თავისი ხალხის უანგარო მოღვაწეს შეეძლო. ასეთი იყო ნარ-დოსი, სწორედ ამიტომაც დარჩა მისი სახელი უკვდავი მშობლიური ხალხის ხსოვნასა და ახალი სომხური ლიტერატურის ისტორიაში.

აკრჩილ ღავითიანი

የገቢት ገቢት

ჰეშმარიტი მგობარი

(სომეხთა ცხოვრებიდან)

I

ოთახი, სადაც უნდა წაგიყვანო, მკითხველო, კარგად მოზრდილო და ევროპული, მაღალი გემოვნებითაა მოართული. ამ ოთახის დაწვრილებით აღწერა ზედმეტად მიმაჩნია, არა მგონია, მისი მოართულ-მოკაზმულობა არ გენახოთ. თუ არ გინახიათ, მაშინ წარმოიდგინეთ თბილისის ერთ-ერთი მთავარი ქუჩა, ამ ქუჩაზე ჩუქურთმებით მოხატული შენობები, მდიდრულად გაწყობილი ოთახები, რომელთა ელვარება თვალს ჰოსკრის ყოველ ღარიბს. ადვილად შესაძლებელია, ერთ-ერთ ასეთ ოთახში კითხულობდეთ კიდევ ამ სტრიქონებს.

დილაა, ათი საათი.

ოთახის ფანჯრები მთლად გაღებულია. მაისის მზის ცხოველმყოფელი სხივები უხვად შექრილან ოთახში და ფაქიზად შეღებილ იატაკზე სარკმლებზე ჩამოფარებულ ფარდებზე ამოქარგული ყვავილების ათინათი გამოუსახავთ. სარკმლების წინ, ძირს, ეზოში ათასფეროვან ახლად გაშლილ ყვავილებითა და ვარდებით მწვანედ გადაშლილი ბალი მრავალფეროვანებით დიდებულ სურათს წარმოადგენდა, ჰაერი ერთგვარი დამატკობელი სურნელებით აეცსო და მზის ოქროსფერ სხივებზე თითქოს იცინოდა, ხოლო ფრინველების მხიარული ჭიკჭიკი იმის მაჩვენებელი იყო, რაოდენ უყვარდათ მათ მაისის ასეთი დღეები და თავისუფალი ბუნება.

ერთადერთ სარკმელთან, რბილ სავარძელში ახალგაზრდა ქალი იჯდა. დაახლოებით ოცდახუთი წლისა იქნებოდა, ნატიფი მიმზიდველი

სახე ჰქონდა, ცოტა გამხდარი და ფერწასული ჩანდა. საშინაო თეთრი ტანსაცმელი და კოხტად დავარცხნილი, წითელი ბაფთით შეკრული ზურგზე გადაყრილი შავი თმა — უფრო მეტ სიკეკლუცეს აძლევდა მის ფერმკრთალ სახეს. ამ ქალის პირველ დანახვისთანავე იტყოდით: ლამაზი, თავაზიანი და გულკეთილი მანდილოსანიაო.

თავი ხელებში ჩაერგო, დაღვრემილი გასცქეროდა ბაღს და იაუ გატაცებით უგდებდა ყურს ხეებზე უღარდელად მონავარდე ფრინველებს. ზის ჭიკჭიკს, თითქოს ამქვეყნად სხვა არაფერი აწუხებდესო. ქალი გარინდებული იჯდა. მკერდი აულ-ჩაუდიოდა, ეს რომ არა, იფიქრებდით. წარსართული ქალღმერთის დიდებული ძეგლიაო.

კარგა ხანმა გაიარა, იგი კვლავ გაუძძრევლად იჯდა. მხოლოდ ერთხელ აღმოხდა ისეთი ოხვრა გულის სიღრმიდან, უნებლიეთ რომ აღმოხდებოდა ხოლმე იმ უბედურ ადამიანებს, ვინც დღენიადაგ ებრძვის ძალუქად მოძალებულ გულის ამაფორიაქებელ გრძნობებს. მაგრამ ასეთი გრძნობები რად უნდა აკვიატებოდა იმ ახალგაზრდა არსებას? რა ხელი ჰქონდა დარღსა და მწუხარებას იმ ახალგაზრდა ქალთან, ვინც ბუნების ხელთუქმნელ ფუნჯს ისე დაეხატა, რომ მისი ხვედრი მხოლოდ ბედნიერი ცხოვრება, სიცილ-კისკისი და მხიარულება იყო?.. მის თვალწინ მოცქრილად ფრინველები თავისი აღრინდელ უღარდელად გაფლანგული ცხოვრების ხანას ხომ არ აგონებდნენ — სიყმაწვილეს, ანდა, იქნებ გულს უკუმშავდა ის სევდა, რითაც მოწაპლული იყო მისი გარემოცველი ატმოსფერო. — ძნელი იყო გამოცნობა.

უეცრად კარი გაიღო და ოთახში შუახნის კაცი შემოვიდა. ნაყვავილარი სახე უღიმოდა, რაც მის შინაგან გულკეთილობისა და გულუბრყვილობის უტყუარი ნიშანი იყო. ეტყობოდა, მეტ ყურადღებას მარცხნიდან მარჯვნივ ფაქიზად გაყოფილ თმას უფრო აქცევდა, ვიდრე ტანსაცმელს, ესოდენ ხალვათად რომ ედგა, თითქოს ნათხოვარიო. ძიუხედავად იმისა, რომ სომხურ დიდ ცხვირზე სათვალე ეკეთა, მაინც ზემოდან იყურებოდა, ამიტომ ხშირად თავს აკანტურებდა. ტანსაცმელის ფორმა და საშხრეები ამტკიცებდნენ, სახელმწიფო სამსახურის კაცი იყო. მაგრამ წლოვანების დაახლოებით დადგენა მაინც ჭირდა, რადგან ერთი შეხედვით ხანდაზმული გეგონებოდათ, ხოლო როცა გულდასმით დააკვირდებოდით, თანდათან თითქოს ჭეელდებოდა.

ახალგაზრდა ქალი თავის ფიქრებით იყო გართული. სულ ვერ გაიგო ოთახში მამაკაცის შემოსვლა. გარასიმ ზაქარიანი (ეს იყო იმ კაცის სა-

ხელი და გვარი) მიუახლოვდა, შორიახლო გაუჩერდა და ზურგზე ხელბდაწყობილი, ღიმილით მიაჩერდა ქალს, რომელიც თავის ფიქრებს მისცემოდა და მას ვერ ამჩნევდა.

— ლიზა! — ბოლოს წარმოთქვა სახეგალიმებულმა კაცმა ერთგვარი გაკვირვებით, თან მის ხმაში კითხვა გაისმა, — უფრო ახლოს მივიდა, რომ სათვალის ზემოდან კარგად შეეხედა ცოლისთვის.

— ოჰ, თქვენა ხართ?.. — თითქმის მხიარულად წამოიძახა ახალგაზრდა ქალმა, წამით სახე გაებადრა და წამოხტა, მაგრამ გარასიმი რომ დაინახა, ჯერ შეცბუნდა, მერე აღელდა, გაწითლდა და ისევ ადგილზე ჯაჭდა. მისმა სახემ უწინდელი გამომეტყველება მიიღო და სუბტი ზმით დაუმატა:

— შენა ხარ, გარასიმ?..

— ჩემს გარდა, სხვა ვინ იქნება, ჩემო სულიკო? — მიუგო გარასიმი ზაქარიანმა და იოტისოდენად ეპვი არ შეჰპარვია ცოლის (ახალგაზრდა ქალი მისი ცოლი იყო) უჩვეულო მღელვარებაზე. — შეხ ვინ გეგონა?

— მე?.. ვინ უნდა მგონებოდა?.. ფიქრებში ვიყავი წასული.

— სად გაგონილა მაისის ამ მშვენიერ დღეს აღამაანი იჯდეს და ფიქრებს ეძლეოდეს, ჩემო გიჟო, — უთხრა გ. ზაქარიანმა ოდნავ საყვედურის, ოდნავ ზემრობის კილოზე და ცოლს ლოყაზე მოუთათუნა, რაც სულ არ ესიამოვნა ქალს. — ასეთ დღეებში ან სასეირნოდ მიდიხი, ანდა მიუჯდებიან როიალს, უკრავენ და მღერიან.

ახალგაზრდა ქალი, ეტყობა, ყურადღებას არ აქცევდა, იგი კვლავ გარეთ იყურებოდა.

— მაგრამ, ლიზა, ეგრე მოწყენილი რადა ხარ? — უეცრად სერიოზულად შეეკითხა გარასიმი.

— რა გინდა, გარასიმ? — თავის მხრივ შეეკითხა ახალგაზრდა ქალი. ისე, რომ ზედაც არ შეუხედავს.

— გვეკითხები, ღღეს აგრე მოწყენილი რადა ხარ-მეთქი?

— მე?.. თავი მტკივა.

— თავი გტკივა?.. მაგრამ ასე პირველად არ გხედავ. ამ უკანასკნელ კვირას მოწყენილი ხარ და სულ რაღაცაზე ფიქრობ.— მოუსვენრად შეეკითხა გარასიმი. და კიდევ უფრო დაიხარა მისკენ, — ჩემო სულიკო, იქნებ რაიმე დარდი გაწუხებს და მიმაღავ, ჰა?.. — დაუმატა გარასიმმა და ხელი მოკიდა ცოლს.

— არა, არა, ჩემო ამხანაგო, გითხარი, თავი მტკივა-მეთქი, — მიუგო

ახალგაზრდა ქალმა და ხელები უკან გასწია. — სად გაგონილა ასეთ უბრალო რამეზე იშფოთო, გარასიმ? — დასძინა მან და შეეცადა გაღიმებას. — თავის ტკივილი გამივლის.

— ახ, ჩემო სულიკო, ვერ წარმოიდგენ გული როგორ მიწუნს, როცა ასე მოწყენილს გხედავ... ლიზა, ჩემო ძვირფასო, გემუდარები, ბევრს ნუ ფიქრობ!.. ან რა გაქვს ამდენი საფიქრალი!.. მე პირდაპირ მიკვირს... ეთამაშე ტიგრანისკ, თუ სასეირნოდ წასვლა არა გსურს... მე ახლა სამსახურში წავალ და მალე დავბრუნდები. ნახვამდის, ჩემო სულიკო, მხიარულად იყავი.

და გარასიმ ზაქარიანი შუბლზე ეამბორა ცოლს, შემდეგ კარასკენ გასწია, მაგრამ სანამ იქამდე მივიდოდა, უკან გამობრუნდა და დაუმატა:

— ჰო, ლიზა, დღეს მარტო არ იქნები. შინ რომ ვბრუნდებოდი, ქუჩაში ბატონ სურენ არეველიანს შევხვდი (ამ სახელის გაგონებაზე ახალგაზრდა ქალმა მაშინვე სახე იბრუნა მისკენ), სადღაც მიეჩქარებოდა, ამიტომ დრო ვერ მოვიხელთე მესაუბრა, მინდოდა გამეგო მთელი კვირის განმავლობაში რატომ არ შემოგვიარა. მხოლოდ იმის თქმა მოასწრო, რომ დღეს თერთმეტ საათზე ჩვენსა მოვა.

— მართლა? — შეეკითხა ახალგაზრდა ქალი, სწრაფად და რაღაცნაირი მხიარული ტონით, რაც შეუმჩნეველი დარჩა გარასიმ ზაქარიანს და ოდნავ შეირბა.

— ჰო, დღეს ჩვენთან ისადილებს.

ახალგაზრდა ქალს სახე გაუბრწყინდა, მაგრამ მეუღლეს რომ არ შეემჩნია ასეთი უეცარი ცვლილება, პირი იბრუნა, ისევ გარეთ დაიწყო ცქერა.

— იმედია, კარგად მიიღებ, ლიზა, — დაუმატა ზაქარიანმა და წასასვლელად მოემზადა.

— მივდივარ. ჩემს დაბრუნებამდე ბანქო ითამაშეთ, როიალი დაუკარი, იმღერე და თავის ტკივილიც დაგავიწყდება. სრულ პირველ საათზე დავბრუნდები. ნახვამდის, სულიკო, მხიარულად იყავი.

გ. ზაქარიანი წავიდა.

როგორც კი კარი მოიხურა, ახალგაზრდა ქალი მაშინვე გიჟივით წამოხტა, ხელები მალა ასწია და სულშეგუბებულმა წამოიძახა:

— ო, დღეს ვნახავ... ვნახავ...

ეს უსაზღვრო სიხარული, მის მშვენიერ სახეზე რომ აღბეჭდილიყო,

ცოტა ხნის წინათ მნახელს უთუოდ გააკვირვებდა. დიდრონ თვალებში რაღაც მოუთმენლობის ნაპერწყალი უღვარებდა. ფერმკრთალი სახე გადაჟღაყებოდა, ხოლო გული ისე ძალუმად უცემდა, თითქოს აგერ-აგერ გაუსკდებო.

იმავე წუთს ბავშვის სირბილის ხმა მოისმა, კარი გაიღო და ოთახში ოთხი წლის წითელლოყება ბავშვი ქაქანით შემოიჭრა.

— დედიკო, დედიკო! — წრიპინა, ბავშვური ხმით წამოიძახა და მუხლებზე შემოეხვია.

— ჩემო ტიგრანიკ... — წამოიძახა დედამ, ორივე ხელი მოკიდა ბავშვს თავზე და აწითლებულ ლოყებზე კოცნა დაუწყო. — სად იარბოდი, რომ ეგრე აწითლებულხარ?

— ჩვენს ბაღში ვიყავი, დედიკო, პეპლებს დავდევდი, მაგრამ ვერ დავიჭირე... იმდენი ვდიე, იმდენი, დედიკო, რომ დავიღალე... პეპლები, დედიკო, ძალიან ანცები არიან, ძალიან ანცები, არ სურთ დამეჭვრანონ, რომ მათთან ვითამაშო, ალბათ ჰგონიათ, მოვკლავ, არა, დედიკო?

— აბა იმათ რა ესმით, რომ შენ სხვებსავეით ცელქი არა ხარ?

— ახ, დედიკო, ნეტა ესმოდეთ... მე ძალიან, ძალიან მინდა ვეთამაშო... დედიკო, დამიჭერ პეპელას?

— კი, ტიგრანიკ, კი...

— ახ, რა კარგი ხარ, დედიკო, რა კარგი, როგორ მიყვარხარ! — წამოიძახა ბავშვმა და უფრო მოეხვია მუხლებზე. — მე მამიკოც ძალიან მიყვარს, ისიც დამიჭერს პეპელას... მაგრამ, დედიკო, ეხლა იცი შენთან რად მოვირბინე? — ბავშვმა სერიოზული სახე მიიღო და ცოტა ჯანზე გადგა.

— რაღა, შვილიკო? — ღიმილით შეეკითხა დედა.

— მამიკომ წასვლისას დამიბარა, დღეს დედა დაღონებულია, მიდი, გაამხიარულეო, — უთხრა ბავშვმა და თვალებში ისე მიაჩერდა დედას, თითქოს მამის ნათქვამს ამოწმებდა. — მაგრამ შენ დაღონებული არა ხარ, აი ილიმები კიდევ...

— არა, ჩემო ტიგრანიკ, არა, ეხლა მოწყენილი აღარა ვარ, რადგან... — ქალი ისე უცბად გაჩუმდა და ბავშვს თვალებში ჩახედა. თითქოს სიტყვებმა, რომლებიც უნდა წარმოეთქვა, ბაგე დაუწყვეს. ქალი შებრუნდა და სახეზე ხელები მიიფარა.

დედის ასეთი ანაზღეული შეცვლით ბავშვი სახტად დარჩა, მიირბინა მასთან და შეშინებულმა შესძახა:

— დედაკო, დედაკო!..

პასუხად დედა შემობრუნდა ბავშვისკენ და გულიდან მწარე ქვითინი აღმოხდა...

II

ჩვენს მიერ აღწერილ შემთხვევამდე ერთი თვით ადრე, კვირას, შუადღისას, ალექსანდრეს ბაღში სამხედრო მუსიკა უკრავდა. საამური ღღე იდგა. გაზაფხულის ნორჩი მზე ოქროსფერ სხივებს უხვად აფრქვევდა ახლადამწვანებულ ხეთა ლაპლაპა ფოთლების ტვერს, სადაც ლაღად აქიპკიკებული ფრინველები გაზაფხულის მობრძანებას ზეიმობდნენ. პაერში საამური სიგრილე იდგა. ბაღის ხეივნები, მეტადრე „არისტოკრატული“, საესე იყო ხალხით. თბილისის ინტელიგენციით დაწვებული — უქანასკნელ კინტომდე, ყველანი იქ იყვნენ.

ბაღის ხალხშიცირე ერთ-ერთ ხეივანში მკლავგაყრილი სეირნობდნენ ქალი და კაცი. ისინი, ეტყობოდა, ცოლ-ქმარნი იყვნენ. მათ წინ მიღიოდა დაახლოებით ოთხი წლის ბავშვი, წითელლოყება და კობტად ჩაცმული, რომელიც ყველა მოსეირნეების ყურადღებას იპყრობდა. ბავშვი ხშირად მობრუნდებოდა მშობლებისაკენ და მიაშიტ შეკითხვებს აქლევდა. მშობლები ღიმილით აკმაყოფილებდნენ მის ბავშვურ ცნობისმოყვარეობას.

ესენი ჩვენი ნაცნობი გ. ზაქარიანი, მისი მეუღლე ელისაბედი, ან როგორც უძახდნენ ლიზა და მათი პატარა შვილი ტიგრანიკი გახლდათ. ამ დროს მათ პირისპირ მოსეირნობდა ცილინდრიანი კაცი. მან გ. ზაქარიანის ყურადღება მიიპყრო. მაგრამ ცილინდროსანმა არც კი შეხედა, გულგრილად ჩაუარა და გ. ზაქარიანის გაკვირვებით დაქკეტილი თვალები თან გაიყოლა.

— ასე დაეინებით რად უყურებ მაგ კაცს? — შეეკითხა ცოლი.

პასუხის გაცემის ნაცვლად, გ. ზაქარიანი შეჩერდა და ცილინდროსანს დაუძახა:

— ბ. სურენ... არეველიან... — ცილინდროსანი შეჩერდა, უქან მოიხედა. სანამ გაოცებული შესკქეროდა, ზაქარიანმა მიატოვა ცოლი, მიუახლოვდა და თავისი განუყრელი ღიმილით შეეკითხა:

— არ მიცნობ, სურენ?..

ცილინდროსანმა უფრო გულმოდგინედ შეხედა.

— ბოდიში ვერ გაგიხანეთ, — სერიოზული ტონით უპასუხა ცილინდროსანმა.

— ეჰ, სურენ, გულითად ამხანაგსა და მეგობარს ასე მალე არ ივიწყებენ, — გამკიცხავ კილოზე მიუგო ზაქარიანმა, მაგრამ რომ დაინახა ცილინდროსანი ისევ გაოცებული შესტკეროდა, უმალვე დაუმატა: — მე გარასიმი ვარ, ძმაო.

— ა, გარასიმი... ნამდვილად შენა ხარ. — თქვა სურენ არეველიანმა (ამიერიდან ცილინდროსანს ასე ვუწოდებთ) გაცილებით უფრო კულცივად, ვიდრე საჭირო იყო და ხელი გაუწოდა. — მაპატიე, რომ ვერ გიცანი.

— ნუთუ ისე გამოვიცვალე? — შესძახა გ. ზაქარიანმა მხიარული სიცილით და მაგრად ჩამოართვა ხელი. — სადა ხარ, რასა იქ, სად დაიკარგე, რამდენი ხანია, ერთმანეთი აღარ გვინახავს..

— ვმოგზაურობდი, — უპასუხა გაუთავებელ შეკითხვებზე.

— მესმის, მესმის... — სიტყვა ჩაუკრა ზაქარიანმა და თავი გაიქნია. — დიახ, ჰაბუკურ მურაზს ისრულებ... გაააგებია... გახსოვს, სტუდენტობის დროს სულ ამას მეუბნებოდით: „გარასიმ, როცა დავვაქაჯადები, უეჭველად ვიმოგზაურებ, და თუ საშუალება მომეცა, ჩემს სიცოცხლეს მოგზაურობას მოვანდომებო“ — გახსოვს?

— დიახ, აი, ხედავ, ტყუილს არ ვამბობდი თურმე.

— დიდი ხანია ვიცნობ შენს მტკიცე ნებისყოფას, გიმნაზიაში ყოფნის დროიდან... მაგრამ ჭერ მოდი, ჩემი ცოლ-შვილი გაგაცნო... მე ახლა მეუღლეცა ვარ, მამაც და ძალიან ბედნიერიც, ვიდრე შენ წარმოიდგენ. — და გ. ზაქარიანმა ხელი ჩაავლო არეველიანს, თითქმის ძალით მიიყვანა ცოლ-შვილთან, მთელი ამ დროის მანძილზე ცნობისმოყვარეობით რომ შესტკეროდნენ უცნობ კაცს.

— ლიზა! — მიმართა ზაქარიანმა ცოლს, — წარმოგიდგენ ჩემს ოდესღაც გულითად და ყველაზე საყვარელ ამხანაგსა და მეგობარს — სურენ არეველიანს.

— მაქვს პატივი, ქალბატონო, — უთხრა სურენ არეველიანმა და მოკრძალებით თავი დაუკრა ელისაბედს.

— ძალიან მოხარული ვარ, ჩემი მეუღლის მეგობრის გაცნობით, — წარმოთქვა ელისაბედმა და მანაც თავი დაუკრა.

— ესეც ჩემი შვილი — ტიგრანიკი, — წარუდგინა გ. ზაქარიანმა. სურენ არეველიანმა ღიმილით მოუჭირა ტიგრანიკს ხელი.

— ლამაზი შვილი გყოლიათ, — თქვა მან. — სწავლობს?

— ო, როგორ არა, — შესძახა გ. ზაქარიანმა, — კარგად კითხულობს, სომხურად და რუსულად.

— ეგ, კარგია, მაგრამ ჭკვიანია?

— მაგ შეკითხვაზე დაე თვითონ გიპასუხოს.

— რასაკვირველია, ჭკვიანი ვარ, ბატონო, — მიუგო ტიგრანიკმა, რომელიც სურენ არეველიანს არ აშორებდა თვალს. — მე არასდროს არ მიცელება. გნებავთ შეეკითხეთ დედიკოს. შეიძლება, ძალიან პატარა რომ ვიყავი, ვცელქობდი, — დაუმატა მან. — მაგრამ ახლა, უკვე დიდი ვარ და კარგად მესმის, რომ ცელქობა ცუდია. დედაჩემმა ამიხსნა.

დედ-მამამ მხიარულად გაიცინეს, სურენ არეველიანმა კი მრავალმნიშვნელოვნად გაიღიმა და თქვა:

— აი, ყოჩაღ, გაიზარდე. ვხედავ, ჭკვიანი ყოფილხარ, დედას რომ უსმენთ. ასე უნდა მოიქცეთ ყოველთვის.

— ჰა, როგორია? — თვითკმაყოფილებით წამოიძახა გ. ზაქარიანმა, რომელიც გაშტერებული უყურობდა სურენ არეველიანს.

— დიახ, ბავშვი ძალიან მახვილგონიერია, — უპასუხა ს. არეველიანმა.

— შენ კი ალბათ, დღევანდლამდე უცოლო ხარ?

— ხო.

— ამოოდ, ამოოდ, — უთხრა გ. ზაქარიანმა გამოცდილი კაცივით. — ვერ წარმოიდგენ, რაოდენ ტკბილია მოსიყვარულე ცოლისა და შვილის ყოლა: მაშინ ასე გულგრილი არ იქნებოდი ქორწინებისადმი, მერ-წმუნე.

— ყველა კაცს საკუთარი რწმენა აქვს, — სერიოზულად უპასუხა სურენ არეველიანმა.

— ამას თავი დავანებოთ... წავიდეთ, სურენ, დღეს ჩვენთან უნდა ისადილო.

— მადლობელი ვარ, გარასიმ...

— რა საჭიროა ბევრი ლაპარაკი, ანდა ხვეწნა-მუდარა... ბოლოს და ბოლოს, ჩემო ძმაო; მთელი ათი წელი ერთმანეთი არ გვინახია. ნუთუ არ გინდა, ეს ერთი დღე, ძლივს ერთმანეთი რომ ვიპოვნეთ, ერთად გვატაროთ... წავიდეთ, წავიდეთ ჩემი ცოლიც ძალიან კმაყოფილი იქნება შენი სტუმრობით.

— დიახ, ბატონო სურენ არეველიან, დიდად მოხარული ვიქნები, თუ პატივსა გვცემთ და ჩვენთან მობრძანებას იწებებთ. გთხოვთ, — უთხრა ელისაბედმა.

— რაკი თქვენც გასურთ, ქალბატონო, ეგ დიდი პატივია ჩემთვის, — სერიოზულ კილოზე მიუგო თავის მხრივ სურენ არეველიანმა. — რამდენიმე საათით თქვენ წრეში დროსტარება ჩემთვის ფრიად სასიამოვნო იქნება.

— ეგრე რაღა, შე მამაცხონებულო. — მხიარულად შესძახა ვ. ზაქარიანმა. — ამიერიდან ნებას არ გაძლევ იმოგზაურო, ჩვენთან დარჩე-ბი... აბა, წინ.

და მათ ლაპარაკით სახლისაკენ გასწიეს.

მაგრამ ჭერ გავეცნოთ სურენ არეველიანს.

მართლაც და, ვინ იყო და სადაური სურენ არეველიანი? ან რა თანამდებობა ეკავა? — ამ, და სხვა კითხვებზე თვითონ გ. ზაქარიანსაც არ შეეძლო ამოწურავი პასუხის გაცემა, ზაქარიანს, რომელიც არეველიანის ყველაზე მოსიყვარულე ამხანაგად და მეგობრად თვლიდა თავს. მას მხოლოდ იმის აღიარება შეეძლო და დაიფიცებდა კიდეც, რომ არეველიანისთანა პატიოსანი, მომთმენი, უმალლეს დონემდე ასული ჯიუტი და მტკიცე ნებისყოფის ადამიანი თავის სიცოცხლეში არ ენახა და არც გაეგონა. ზაქარიანმა ისიც იცოდა, რომ სურენ არეველიანი მშობლების ერთადერთი შვილი იყო, ჭერ კიდეც სტუდენტობის დროს დაობლდა დედ-მამის მხრიდან და კარგა დიდი მემკვიდრეობა დარჩა. სწავლის დამთავრების შემდეგ, ერთ მშვენიერ დღეს, გაუჩინარდა, არავინ იცოდა მისი ასავალ-დასაკალი, ამხანაგები და თვითონ ზაქარიანიც ამტკიცებდნენ, უეჭველად სამოგზაუროდ იქნება წასულიო, რადგან ყველამ იცოდა, არეველიანს დიდი სწრაფვა ჰქონდა მოგზაურობისადმი.

იმ დღიდან ათმა წელმა განვლო. არეველიანის ნაცნობ-ამხანაგებს ეგონათ, იგი კარგა ხანია ცოცხალი აღარც იყო. მაგრამ აი გ. ზაქარიანი სრულიად მოულოდნელად შეხვდა თბილისში და მაშინვე იცნო თავისი ძველი თანაკლასელი.

ბატონი სურენ არეველიანი დაახლოებით ოცდათხუთმეტი წლის ტანმადალი კაცი იყო, გრძელი და ქერა წვერი ჰქონდა. კობტად, ფაქიზად დავარცხნილი წვერი ძალიან უხდებოდა მის, ცოტა არ იყოს, ქალურ მკრთალ სახეს. არც თუ განიერი უღვაშები ძლივს უფარავდნენ ვარდისფერ ტუჩებს. დიდრონი და ჰკვიანი თვალები ჰქონდა, ცხვირი

უფრო გერმანული, ვიდრე სომხური, ხოლო განიერი შუბლი, რომელზეც არც ერთი ნაოჭი არ ემჩნეოდა, სურენის გონიერებასა და მტკიცე ბუნებაზე მეტყველებდა. მეტად კოხტად და მოხდენილად ეცვა, ცხვირზე სათვალე ეკეთა, ხელებზე — ყვითელი ხელთათმანები და მოშავო ხელჯოხს ხმარობდა. წელში გამართული დადიოდა მტკიცე და ზომიერი ნაბიჯით, განიერი მკერდი მუდამ წინ ჰქონდა გადმოწეული. ცოტას ლაპარაკობდა, ნაწყვეტ-ნაწყვეტად; შეკითხვების მიცემა არ უყვარდა, მხოლოდ, როცა ეკითხებოდნენ რასმე, ლაკონურ პასუხებს აძლევდა. სიტყვებს გარკვეულად და მკვეთრი მახვილით გამოთქვამდა. ხმა სუფთა და მიმზიდველი ჰქონდა. მაგრამ როცა გაცხარდებოდა — „გაცხარებას“ ისე ნუ გაიგებთ, როგორც ზოგიერთს ემართება, ყურებამდე რომ წითლდებოდა და წონასწორობას კარგავს — როცა ჩვეულებრივი მდგომარეობიდან გამოდიოდა, ლაპარაკს უმატებდა, თუმცა თავი მუდამ სერიოზულად და გულგრილად ეჭირა. ეს კი მაშინ ემართებოდა, როცა ძნელი და სერიოზული საკითხი უნდა გადაეჭრა. ლაპარაკის დროს არეველიანი მოსაუბრეს სახეში არ უყურებდა, მიაშტერდებოდა ერთ წერტილს, ან დადიოდა. ძალიან იშვიათ შემთხვევაში ილიმებოდა. სიცილით კი ათასში ერთხელ იცინოდა. გაცინება შვენოდა, მაშინ გამოუჩნდებოდა ორ რიგად ჩამწკრივებული თეთრი კბილები. საერთოდ, იმისი გარეგნობა სხვებზე ერთგვარ იდუმალ გავლენას ახდენდა. ბევრი ქალი, განსაკუთრებით ისინი, ვინც ერკვევიან „ვაჟკაცური“ სილამაზის საკითხებში, არეველიანის დანახვაზე ერთი შეხედვით არა კმაყოფილდებოდნენ.

და აი ახლა, როცა იგი იჯდა გ. ზაქარიანის მდიდრულად გაწყობილ სასტუმრო ოთახში, უსვენდა მასპინძლის ლაპარაკს, სტუმრის პირდაპირ მჯდარი ელისაბედი შესცქეროდა ამ საოცარ ჯაცს და საკვირველი როდია, რომ რაც მეტ ხანს უმზერდა, იმდენად უფრო ელვიძებოდა სურვილი დიდხანს ემზირა, თითქოს მისი თვალები მიჯაჭვული იყვნენ ამ კაცის სერიოზულ სახეზე რაღაც უცნობი ძალით, რომლის მორევა მას არ შეეძლო. ამ წუთებში ელისაბედის სახეზე შეგვეძლოთ შეგემჩნიათ ერთგვარი სულიერი კმაყოფილება. ისე სიამოვნებდა ამ კაცის ცქერა, რომ ამკარად ჩანდა, — მზად იყო მთელი საათობით მჯდარიყო ასე, ემზირა და დაღლა არ ეგრძნო. საერთოდ, მთელი არსებით, მთელი თავისი სულიერი გახწყობილებით იგი ერთგვარ პატივისცემას გრძნობდა ამ კაცის მიმართ. მაგრამ ეს კაცი ხომ ახლა გაიცნო? თავის სიცოცხ-

ლემი ხომ პირველად ხედავდა, პირველად ელაპარაკებოდა? მაშასადამე, როგორ შეიძლო პატივი ეცა, ან რატომ? — ეს გრძნობა პატივისცემია არ იყო, არამედ იმის მსგავსი რაღაც, იმაზე მაღალი, უფრო კეთილშობილი, ნაზი, ტკბილი, მაგრამ ნამდვილად რა იყო ეს — ამოუხსნელი გაზღაღათ.

ისინი დიდხანს საუბრობდნენ. სურენ არეველიანი უამბობდა თავის მოგზაურობაზე. მისი ნაამბობიდან გამოიჩქვია, რომ თითქმის მთელი ევროპა შემოველო და ესლა მიზნად ჰქონდა დასახული აზიაში მოგზაურობა.

— როგორც ჩანს, მოგზაურობა ძალიან გიყვართ, ბატონო სურენ არეველიან, — შეეკითხა ელიაბედი.

— ჩემი ერთადერთი სიყვარული ეგ არის, ქალბატონო, — უპასუხა სურენ არეველიანმა და წამით დიასახლისისაკენ გაიხედა.

— ან იქნებ რაიმე სევდა გაწუხებთ და იმის განსაკურნავად მოგზაურობა აირჩიეთ?

— მქონდა ასეთი სევდა, ქალბატონო, მშობლების გარდაცვალების გამო, მაგრამ დიდი ხანია განვიკურნე.

— არც ეს, არც ის, როგორც გატყობთ, სხვა მიზანი გაქვთ, სურენ, — ღიმილით ჩაერია ე. ზაქარიანი.

— შეიძლება, — სერიოზულად უპასუხა სურენ არეველიანმა.

— ტყუილად როდი კითხულობდი საპოგზაურო წიგნებს, მეტად რეჟელ ვერნის შემადრწუნებელ სათავგადასავლო რომანებს, მესმის, კარგად მესმის...

ყავა შეპოიტანეს, რის შემდეგ ყველანი სასადილო ოთახში გავიდნენ, სადაც უკვე გამზადებული იყო მდიდრული სუფრა, და მაგიდას შემოუხსდნენ. ელიაბედი სურენ არეველიანის პირდაპირ იჯდა და ზედით სთავაზობდა გემრიელ საჭმელებს. ამ დროს მის სახეს წამით არ მოშორებია ტკბილი ღიმილი. იგი სულ ახალ-ახალ შეკითხვებს აძლევდა სურენ არეველიანს, მაგრამ იმიტომ კი არა, რომ სათანადო პასუხები მიელო, არამედ სტუმრის მომზიბლავი ხმა რომ მოესმინა. ყველაზე მეტს ე. ზაქარიანი ლაპარაკობდა, იცინოდა, ოხუნჯობდა, მაგრამ სურენ არეველიანს მაინც სერიოზულად ეჭირა თავი, და მხოლოდ ერთადერთი შემთხვევა იყო, რომ ტიგრანიის შეკითხვამ მოჰკვარა ღიმილი, რაზედაც არეველიანმა ფრიალ გონებამახვილურად უპასუხა.

სადილი დამთავრდა, ყველანი წამოდგნენ და სასტუმრო ოთახში გავიდნენ. ელისაბედის სიხარულს საზღვარი არა ჰქონდა. ის მიუახლოვდა სურენ არეველიანს და ჰკითხა:

— ბანქოს თამაშობთ, ბატონო სურენ?

— ხანდახან.

— ახლა თუ ინებებთ?

— დიდი სიამოვნებით, ქალბატონო.

— ეს რა კარგად მოიფიქრე, ლიზა, — მხიარულად შესძახა გ. ზაქარიანმა, — მე სულ დამავიწყდა. ნასადილევს თავის შექცევა, ექიმების რჩევით, სასარგებლოა... ბრავო, ბრავო, ლიზა! — გ. ზაქარიანმა ტაში შემოჰკრა.

ელისაბედმა მაგიდა გაშალა და ბანქო დააწყო.

— ბატონებო, როგორ ინებებთ, რა ვითამაშოთ? — შეეკითხა ელისაბედი.

— „ღურაჩი“, — უცერად წამოიყვირა გ. ზაქარიანმა და მხიარულად გადაიხარხარა. — მე ძაგის გარდა, სხვა არ ვიცი, თანაც ეგ თამაში ძალიან მიყვარს, თუმცა „ღურაჩი“ მუდამ მე გამოვდივარ... — ელისაბედმაც მხიარულად გადაიკისკისა, არეველიანს კი მხოლოდ გაეღიმა. ისინი შემოუსხდნენ მაგიდას და დაიწყეს თამაში. გ. ზაქარიანს ტყუილი არ უთქვამს, მართლაც ძალიან უნიჭო აღმოჩნდა, ყველა ჭერზე, „ღურაჩი“-ად რჩებოდა, რაც სურენ არეველიანს ღიმილს ჰგვრიდა, ელისაბედი კი გულიანად კისკისებდა.

— ეჰ, ეს თამაში აღარ მინდა, — ბოლოს წყენით წამოიძახა გ. ზაქარიანმა და ბანქო მაგიდაზე მიმოტანტა. — ამდენი „ღურაჩი“-ები რომ შევეჭამო, საბოლოოდ სულელი გამოვალ... — და წამოდგა.

ელისაბედი სიცილისაგან იჯუღებოდა, სურენ არეველიანმა კი ღიმილით მიუგო:

— მეგობარო, ასე მალე რად გაცხარდი? შენ არ იყავი ამბობდრა, ჩემი საყვარელი თამაში ეგ არისო?

— დიახ, ეგ არის, მაგრამ... ახლა შემძულდა. იცი რას გეტყვი ლიზა, — მიმართა გ. ზაქარიანმა თავის ცოლს, — მოდი, როიალს მიუჭექი და ჩვენთვის დაუკარი და იმღერე. ჰა, სურენ? — უცბად მასპინძელი არეველიანს მიუბრუნდა. — შენ, ალბათ, არც იცი, რომ ჩემი მეუღლე კარგა ხანს მუსიკის გაკვეთილებს ღებულობდა. საგანგებოდ დაუუქირე მასწავლებელი ქალი. აი, ნახავ რა მშვენივრად უკრავს და მღერის...

— ჰა, ჰა, ჰა... — სიცილი დაიწყო ელისაბედმა, რომელიც ბანქოს სათამაშო მაგიდას ალაგებდა. — ეგრე ნუ ამიყვანე ცაში, თორემ ვაითუ უცბად ძირს ჩამოვვარდე...

— ტყუილს ხომ არ ვამბობ... —

— ქალბატონო, ფრად სასიამოვნოდ დამრჩება, თუ თქვენი მეუღლის სიტყვები გამართლდება. — წარმოთქვა სურენ არეველიანმა ჩვეული სერიოზულობით. — გთხოვთ, თუ არ შეწუხდებით, ერთი რამ დაუკრათ ჩემთვის.

— თუ თქვენა გსურთ, ბატონო სურენ არეველიან, დიდი სიამოვნებით, — დასძინა ელისაბედმა, ცოტა აწითლდა, მერე როიალს მიუჯდა, ნოტების რვეული გადმოიღო და ფურცელა დაუწყო.

— ვერ წარმოიდგენ, სურენ, როგორ მიყვარს მუსიკა, — თქვა გ. ზაქარიანმა — მაგრამ უბედურება ის არის, რომ არც ერთ ინსტრუმენტზე არ ვუკრავ, ბევრი ვეცადე შემესწავლა, მაგრამ ვერ მოვახერხე... ასეთი საქმეებისათვის ძალიან უნიჭო გამოვლექი, ჰა, ჰა, ჰა...

ამასობაში ელისაბედმა უკვე დაიწყო დაკვა. თან სიმღერა ააყოლა. იგი მღეროდა ტკბილ მელოდიას, რომელიდაც სატრფიალო რომანსს, როგორიც არის საერთოდ ყველა სატრფიალო სიმღერა. ელისაბედს თუმცა ძალიან კარგი ხმა არა ჰქონდა, მაგრამ ტკბილად და სასიამოვნოდ კი უღერდა. ნამდვილ მომღერალს ჰგავდა, ასობით მაყურებელთა და კრიტიკოსების წინაშე სცენაზე გამოსულ მსახიობს, რომელიც მომხიბვლელი ხმის საოცარი მოღულაციით ცდილობს გულში ჩასწედეს ყველა მსმენელს, მაგრამ თან ფრთხილობს რაიმე შეცდომა არ დაუშვას, მაყურებლის თვალში არ დაეცეს. გ. ზაქარიანი აღტაცებული უყურებდა სურენ არეველიანს და თითქოს ეუბნებოდა:

„როგორია? — ბედნიერი ვარ, თუ არა?...“

სურენ არეველიანის სახეს ჩვეულებრივი სერიოზული გამომეტყველება ჰქონდა, თითქოს ელისაბედის ტკბილი ხმა მასზე არავითარ გავლენას არ ახდენდა.

ელისაბედმა დაამთავრა და წამოდგა, სახე შექარხლუბოდა, ასე უფრო ლამაზი და მშვენიერი ჩანდა, ხოლო მკერდი უფრო ხშირად უცემდა. შეხედა სურენ არეველიანს. მისი მზერა თითქოს ქებას მოელოდა მასგან, რაც სტუმრის სერიოზული ხმით წარმოთქმული კიდეც გაიგონა.

— გმადლობთ, ქალბატონო, თქვენ მშვენივრად მღერით და თქვენი მეუღლე უფლებამოსილია შეგაქოთ.

ამ ქებას უფრო ააწითლა ახალგაზრდა ქალი. საპასუხო სიტყვა ვერ იპოვა და მადლობის ნიშნად მხოლოდ თავი დაუქრა.

— ბრავო, ბრავო, — უეცრად წამოიყვირა გ. ზაქარიანმა, თითქოს ახლა მოვიდა გონს და აღერსიანად გადახედა ცოლს. — დღეს რომ იმდერე. ასე კარგად არასოდეს გიმღერია. ბრავო, ბრავისიმო!..

უკვე საღამო იყო, როცა სურენ არეველიანი წასასვლელად მოემზადა. ბევრი ეხვეწნენ ჩაიცო მიირთვითო, მაგრამ არ დარჩა. მეგობრულად ხელი ჩაჰოართვა და უთხრა:

— ჩემი უღრმესი მადლობა ასეთი ტკბილი სტუმართმოყვარეობისათვის. მშვიდობით.

— როგორ თუ „მშვიდობით?“ — შესძახა გ. ზაქარიანმა. — „მშვიდობით“ არ ვიცი, — ნახვამდის.

— დიახ, ბ. სურენ არეველიან, ვიმედოვნებთ, ამიერიდან ხშირად მობრძანდებით ჩვენსა, — თავის მხრივ უთხრა ელისაბედმაც.

— თქვენ დიდად დავალებულს მიშვებთ, ქალბატონო.

— ახ, ნუთუ ღარს ბ. სურენ არეველიან? — მაშინვე შეაწყვეტინა ელისაბედმა. — ვერ წარმოიდგენთ, როგორი კმაყოფილება მოგვანიჭა თქვენმა მობრძანებამ...

— ბ. სურენ არეველიან, მეც გთხოვთ, ამიერიდან ხშირად მოხვიდეთ ჩვენსა, — უთხრა ტიგრანიკაც.

— ძალიან კარგი, ტიგრანიკ, — ღიმილით მიუჯო სურენ არეველიანმა, — რაკი თქვენცა გასურთ, სიხარულით შევასრულებ თქვენს თხოვნას. ნახვამდის.

— ჰო, სურენ! — უცხად მიიძახა გ. ზაქარიანმა, როცა არეველიანი ოთახიდან გასვლას აპირებდა, — შენ არ გვითხარი აქ სად ცხოვრობ.

— „Grand Hotel“ სასტუმრო № 7.

— ძალიან კარგი, იქნება ოღესმე გესტუმროთ.

— როცა ინებოთ.

და იგი გავიდა ოთახიდან. უკან გაჰყვნენ გ. ზაქარიანი და ტიგრანიკი. შემდეგ, როცა გ. ზაქარიანი მარტო დაბრუნდა, დაინახა, ელისაბედი ფანჯარასთან იდგა ფიქრებში წასული და გარეთ იმზირებოდა. სახეზე უწინდელი მზიარული გამომეტყველება სულ აღარ ემჩნეოდა... სურენ არეველიანის წასვლით თითქოს რაღაც ძვირფასი რამ დააკლდა და რაც ხანი გადიოდა, უფრო საგრძნობლო ხდებოდა ეს დანაკლისი...

ამის შემდეგ სურენ არეველიანი თითქმის ყოველდღე დაიარებოდა

გ. ზაქარიანის ოჯახში. ან ესენი ეახლებოდნენ ხოლმე სასტუმრო „Grand Hotel“-ში. ზოგჯერ ერთად მიდიოდნენ თეატრში, ან სადმე გასართობ ალაგას. ორი კვირის მეგობრობამ ისინი ისე დააკავშირა ერთმანეთთან, როცა არ ხვდებოდნენ, მოწყენილი იყვნენ. სურენ არეველიანს კვლავ სერიოზულად, გულგრილად ეკვირა თავი. ეს ნაწილობრივ ბოროკავდა ქალბატონს სავსებით გადაეხსნა გული მისთვის, როგორც ახლობელ მეგობრებშია მიღებული. ელისაბედს, ცოტა არ იყოს, ეჩოთირებოდა არეველიანის უცნაური გუნებ-განწყობილება... ნუთუ ეს კაცი მართლა იმდენად გულცივია, რომ მჭიდრო მეგობრობაც კი, რომელსაც იჩენენ თვითონ და მისი მეუღლე, გულს არ უხსნის?.. ან, ნუთუ მოკლებულია მგრძნობელობას?.. რატომ იცინის იშვიათად? მხოლოდ იღამება, რატომ? ასე ცოტას რად ლაპარაკობს?.. ნუთუ მკაცრი კაცია?. ამ სიტყვების გაფიქრებისას პირდაპირ თვალეებში უმზერდა სურენ არეველიანს. — არა, ასეთი კეთილი, ჭკვიანი თვალეები, დარბაისლური პირისახე, პატიოსანი, მოკრძალებული გარეგნობა არასოდეს არ შეიძლება ჭკონდეს გულქვა ადამიანს... დაბოლოს ხმა! ნუთუ მკაცრ ადამიანს ესოდენ მომხიბლავი ხმა ექნება? არა, არასოდეს. ეგ გულქვა არ არის, არამედ... რაღაც უცნაური, იღუმალეებით მოცული კაცია.

მაგრამ რანაირიც არ უნდა ყოფილიყო არეველიანი, ქალბატონს არ შეეძლო გულგრილად ეკვირა მისთვის. რარიგ მოსწონდა მისი ღიძრონი, ჭკვიანი თვალეები, ტკბილი ხმა, მგრძნობიარე მიხვრა-მოხვრა და სერიოზულობა, როგორ სწყუროდა ყოველ დღე, ყოველ ჟამს, ყოველ წუთს მისი ნახვა, მასთან საუბარი, დაკვრა, სიმღერა...

„მაგრამ რატომ?“ — უეცრად ეკითხებოდა თავის თავს. — „ნუთუ მიყვარს?..“

ამ უკანასკნელი სიტყვების წარმოთქმისას მთელი სხეულით ცახცახებდა და შეშინებული, დამნაშავესავეთ ირგვლივ იყურებოდა, თითქოს ვიღაც საიდუმლოდ ზერავდა, თუმცა ამ სიტყვებს ჩურჩულით ამბობდა და ისიც მაშინ, როცა მარტო იყო.

„დახ, ეს გრძნობა სხვა არა არის რა, თუ არა სიყვარული“, — უპასუხებდა უბედური ქალი და გული უცნაურად ეკუმშებოდა, რადგან გრძნობდა, რამდენად სახიფათო იყო იგი ქალისათვის, რომელიც უჩვევათხოვლია და შვილიცა ჰყავს. — ო, რატომ ვერ ვძლევ ამ გრძნობას, რომელიც, რაც დრო გადის, სულ უფრო მეტად მეუფობს ჩემზე, — განაგრძობდა ბჭობას თავის თავთან. — რატომ ვგრძნობ მასთან ჭიდილ-

ში უმწეობას, სისუსტეს... ბოლოს ვმარცხდები და ახალი ძალით მიწყებს გული ღრღნას... ამ გრძნობამ რატომ ასე ადვილად და მალე შესძლო განედევნა ჩემი გულიდან სხვა ორი გრძნობა — მეუღლისა და დედური სიყვარული, — რომელთაც ამდენი წლების მანძილზე სათუთად ვინახავდი და ვეალერსებოდი, რომელთაც, ჩემის ფიქრით, ვერავინ გულიდან ვერ ამომიძიკვავდა... ახ, ნეტა მხოლოდ ერთი წუთით, ერთი წამით შემეძლოს ჩემს გულზე მეუფება, მაშინ ნამდვილად უკუვაჯდებდი მას, მხურვალედ მოვეხვეოდი ჩემს კეთილ მეუღლეს, ადგზნებით გულში ჩავიკრავდი ჩემს უმანკო ტიგრანიკს და ყველაზე მხიარული და ბედნიერი ვიქნებოდი...”

ასეთი აზრები ბევრჯერ აფორიაქებდა საცოდავ ქალს. იგი ორივე ხელს მიიფარებდა სახეზე და მდუშარედ აქვითინებული ცრემლად იღვრებოდა.

ერუხანს სურენ არეველიანი მთელი ოთხი-ხუთი დღე არ გამოჩნდა. ქალბატონი ძალიან წუხდა. ასეთ დროს უფრო განიცდიდა იმ გრძნობის ძლევამოსილებას, რომელიც იმ კაცთან აკავშირებდა. გულში ენით გამოუთქმელი მძიმე სევდა უტრიალებდა, მთელი არსებით მასთან იყო. რაც უფრო ცდილობდა არ ეფიქრა, მით უფრო იმის გონება უნებლოეთ ნათლად ხატავდა არეველიანის მშვენიერ, მუდმივ სერიოზულ სახეს, დიდრონ ჩაფიქრებულ თვალებს, ჭკვიან, გადაშლილ შუბლს...

მან მეტი ვეღარ აიტანა და ბოლოს მეუღლეს მიმართა:

— გარასიმ, — სურენ არეველიანი რატომ აღარ მოდის ჩვენთან?.. ვაითუ ავად გახდა?..

— აბა რა ვიცი, ჩემო სულიკო?.. თუ გინდა მივაკითხოთ?

— მივაკითხოთ.

და მაშინვე წავიდნენ „Grand Hotel“ სასტუმროში, მაგრამ იქაც ვერ ნახეს. მეორე დღესაც გაუარეს, მესამე დღესაც, მაგრამ არ იყო და არა. ღიზამ უკვე იმედი გადაიწყვიტა, აუტანელმა სევდამ მოიცვა. მთელი დღე სავარძელში იჯდა და ფიქრობდა. ათასგვარი აზრები უტრიალებდა თავში, ათასგვარი სურვილები უფორიაქებდა სულსა და გულს... „ახ ნეტავი ერთხელ კიდევ მანახვა, მხოლოდ ერთხელ, მერე კი თუ გინდ არასოდეს...“ — ამბობდა ასეთ წუთებში.

ამ მდგომარეობაში იმყოფებოდა უკანასკნელ ხანებში ახალგაზრდა ქალი და ასეთი ფიქრები უფორიაქებდა გულს, რომ ერთ დღეს გ. ზაქარიანმა გამოუცხადა (რაც ჩვენთვის ცნობილია პირველი თავიდან),

დღეს ქუჩაში შემხვდა სურენ არეველიანი და მითხრა, თერთმეტ საათზე გესტუმრებითო. ჩვენ უკვე ვიცი, რაოდენ გაიხარა ახალგაზრდა ქალმა ამის გაგონებაზე. ალტაცებისაგან არ იცოდა რა ექნა, მივარდა თავის შვილიკოს, მხურვალედ დაუწყო კოცნა წითელ ლოყებზე. უნდოდა ბავშვისთვის გაემქლავნებინა კიდეც თავისი უსაზღვრო სიხარულის მიზეზი, მაგრამ როცა ტიგრანიკს უმანკო თვალებში ჩახედა, ანაზღეულად დადუმდა; ბავშვის თვალები თითქოს გაბოროტებით უმზერდნენ და ეუბნებოდნენ: — „გაჩუმდი, დედიკო, კრინტი არ დასძრა მაგაზე, თორემ კამკამა სულს წამიბილწავ, იცოდე... ო, გრცხვენოდეს მაინც, დედიკო... ამის შემდეგ რაღად მინდიხარ?... ნუთუ ამიერიდან შემიძლია დედიკო გიწოდო? ნუთუ გგონია ნებას დაგრთავ მომეხვიო? შენი ტუჩები საკოცნელად ველარ გაეკარებიან ჩემს სახეს... არა, დედიკო, ეგ არასოდეს აღარ მოხდება.. შენ იცი, ვინ ყოფილხარ? ერთი დამნაშავე, ცუდი დედა, ჩემი მამიკოს უსირცხვილო მოღალატე. შენ უმოწყალოდ იპარავ ნაზ, უსაზღვრო სიყვარულს და ვიდაც უცხო კაცს სთავაზობ...“ დიახ, ერთ წუთას მან იგრძნო ეს ყველაფერი და სინდისის ქენჯნამ თავზარი დასცა, თითქოს ჭრილობებმა დაუსერა გული. მეტი ველარ აიტანა და ყრუდ აქვითინდა...

III

მაგრამ გრძნობამ, სიყვარული რომ უწოდა, და მთელი არსებით მიენდო, მალე მოთოკა სინდისის ქენჯნა, და იმ სანეტარო იმედმა, რომ ერთი საათის შემდეგ კვლავ ნახავდა არეველიანს და გაესაუბრებოდა, ქალი უსაზღვრო სიხარულით აღავსო... მან სწრაფად მოიწმინდა თვალები, მხურვალედ მოეხვია ტიგრანიკს და ჩაჩურჩულა:

— არაფერია, ჩემო ტიგრანიკ, არაფერია, ნუ გეშინია... მაგრამ დღეს სკოლაში არ უნდა წახვიდე?

— როგორ არა, დედიკო, მაგრამ შენ რომ ტირი?...

— აღარ ვიტყვებ, ჩემო შვილიკო... ეს ერთხელ დამემართა ასე... შენ სკოლაში წადი, მე კი უნდა გამოვეწყო, რადგან დღეს ბატონი სურენ არეველიანი უნდა გვესტუმროს და არ არის კარგი ასე მნახოს...

— მივდივარ, დედიკო, მაგრამ იცოდე, თუ კიდეც იტყვებ, მეც ვიტყვებ.

დელას გაეცინა. ბავშვი კისერზე მაგრად შემოეხვია, რამდენჯერმე აკოცა და ოთახიდან საჩქაროდ გაეარღა. დედამ თვალი გააყოლა, მაგრამ მის მზერაში არ ელვარებდა ყველაზე ნაზი დედური სიყვარულის ის სინარული, რომელშიც ნათლად შეინიშნება დედის გულის შვილის გულთან შემაერთებელი მტკიცე და ურღვევი კავშირი...

რამდენიმე წუთი ასე უძრავად იდგა. შემდეგ ღრმად ამოიოხრა და დაღვრეპილმა, გაუბედავი ნაბიჯებით გასწია თავისი ოთახისკენ.

ნახევარ საათში ელისაბედი კოხტად გამოეწყო. სარკის წინ იდგა და თავის თავს ათვალეირებდა.

— ოჰ, ნეტავი ასე ფერწასული რადა ვარ? — ამბობდა სარკის წინ მდგომი. რა იცოდა, რომ ფერმკრთალობა უფრო შვენიოდა, ვიდრე მოქარბებული სიწითლე.

მაგადას მიუახლოვდა, წითელი საღებავი აიღო, მაგრამ უცებ ზიზღით ითიროლა ოთახის კუნჭულისკენ და წამოიძახა:

— არახოდეს, არახოდეს!..

ელისაბედი სასტუმრო ოთახში შევიდა, სადაც ჩვეულებრივად სურენ არეველიანს იღებდნენ. შესვლისთანავე, უპირველეს ყოვლისა, საათს შეხედა. ნახევარი საათი იყო დარჩენილი იმის მოსვლამდე. სავარძელში მოკალათდა და თვალები საათის ისარს მიაპყრო. მოეჩვენა, რომ საათის ისრები ხან ძალიან ნელა მოძრაობდნენ, ხან კი — ჩქარა. ასე იმიტომ ემართებოდა, რომ მასში ამ წუთას ორი ერთი მეორის საწინააღმდეგო გრძნობა ბობოქრობდა — სიყვარული და სინდისი. სიყვარული ეუბნებოდა: „უნდა ნახო, რადგან ტკბილია“. სინდისი კი — „არა, ეგ დანაშაულია“. რომელს დაემორჩილოს? — ორივენი ერთნაირი ძალით მოქმედებენ — პირველს? მერე როგორ გაუძლოს იმ აუტანელ ცეცხლს, მეორე რომ დაუნთებს გულში!.. მეორეს? მაგრამ ნათლად რომ გრძნობს, პირველი ერთ წაქსაყ აღარ მოასვენებს!.. ღმერთო, რა გამოუვალი მდგომარეობაა!.. მაგრამ ვაი რომ, ადამიანი დიდად შორსმკვრეტელი არ არის... მის ნებისყოფას კი იმდენად უძლური ფესვები აქვს გულში გადგმული, რომ იგი უფრო მალე ნებდება წადილს, ვნებას, ვიდრე თავისი შინაგანი ხმის კარნახს. ასევე დაემართა ქალბატონ ელისაბედსაც — იგი დაემორჩილა სიყვარულის კარნახს, რადგან მიხვდა, იგრძნო უძლური იყო მასთან შერკინებაში.

„დაე, ამიერიდან რაც მოსახდენია, მოხდეს, მაგრამ ეგრძნობ, უიმი-სოდ ძალიან გამიძნელდება სიცოცხლე...“ — გადაწყვიტა ახალგაზრდა

ქალმა, და სწორედ ამ დროს საათმა თერთმეტჯერ დარეკა. ღერეფანში ზარის წკარუნნი გაისმა. ახალგაზრდა ქალი მთელი სხეულით შეკრთა და კარებისკენ მიიხედა. არ გასულა ორი წუთი, კარი გაიღო და ზღურბლზე სურენ არეველიანი გამოჩნდა განუყრელი სერიოზული გამომეტყველებით.

ელისაბედმა დაინახა თუ არა, თავი ველარ შეიკავა, მყისვე წამოხტა, თითქმის სირბილით მიიჭრა მასთან, ნაზი ხელი გაუწოდა და მხიარულად შესძახა:

— გამარჯობათ... ბატონო სურენ არეველიან.

— გამარჯობათ, ქალბატონო, — უპასუხა თავშეკავებით სურენ არეველიანმა და ხელი ჩამოართვა: — როგორ ბრძანდებით?

— ჩვენ ყველანი კარგად ვართ... მაგრამ თქვენ კი მთელი ერთი კვირა დაგვივიწყეთ... რამდენჯერმე მოგაკითხეთ სასტუმროში, იქაც ვერ გნახეთ.

— ვწუხვარ, ქალბატონო, თქვენი ესოდენი შეწუხების მიზეზი რომ გავხდი, მაგრამ არც მე მიმიძღვის ბრალი; ეს ერთი კვირა მოგზაურობისათვის ვემზადებოდა.

სურენ არეველიანის უკანასკნელმა სიტყვებმა თავზარი დასცა ქალს.

— უკვე აპირებთ აქედან წასვლას? — მამინვე შეეკითხა დაუფარავი მოუხვენრობით.

— დიახ.

— როდის?..

— ალბათ ერთ-ორ დღეში.

ახალგაზრდა ქალს მთლად შეეცვალა სახე. ფიქრად არ გაუტარებია, თუ სურენ არეველიანი ასე მალე გადაწყვეტდა აქედან წასვლას... ელისაბედი შიშმა დაზაფრა, ვაითუ ჩემი თავი გავცეო. მაგრამ იღბალზე სურენ არეველიანს არც ამჯერად შეუხედავს. იგი სავარძელში იჯდა და მშვიდად იყურებოდა ფანჯრისაკენ, საიდანაც ფრინველების მხიარული ყრიკყრიკი შემოდისადა წამიერი დუმილით მოცულ ოთახში.

— ასე მალე რატომ მიემგზავრებით? — შეეკითხა ელისაბედი, თან ცდილობდა ხმისთვის სერიოზული ტონი მიეცა, რასაც ვერ ახერხებდა; მის კილოში კვლავ თრთოლვა იგრძნობოდა.

— მალე არ არის, ქალბატონო, ჩემი ანგარიშით კიდევ დავაგვიანე.

— მაგრამ, როგორ ბედავთ აზიაში მოგზაურობას, ბატონო არეველიან, იქ ხომ ათასგვარი ველური ტომები დაძრწიან და აღმიანს ყოველ ფეხის გადადგმაზე საფრთხე მოელის...

— მაგას ჩემთვის არსებითი მნიშვნელობა არ აქვს, ქალბატონო. როგორც ყველა ადამიანი, მეც, ადრე თუ გვიან, ერთხელ უნდა მოგვედღე, და აქ მოგვედები თუ ველურ ტომებში, — ჩემთვის სულ ერთია. მოგზაურობის ისეთი დიდი სურვილი მაქვს, რომ არავითარ საფრთხეს არ შევეშინდები.

სრულიად გულგრილად წარმოთქმულმა ამ სიტყვებმა ქალბატონზე ისეთი გავლენა იქონიეს, რომ წამით თვალწინ დაუდგა ველური ტომები როგორ ფლეთდნენ ამ კაცს, რომელთანაც ესოდენ სიახლოვეს გრძნობდა მისი გული. ქალი შიშმა აიტანა, მაგრამ მაინც წადგა ნაბიჯი წინ, თითქოს იმ მიზნით, რომ ველური მტარვალებისგან დაეხსნა იგი... მზად იყო კისერზე შემოხვეოდა, გულში მაგრად ჩაეკრა და დაეყვირა: — „არა, არა, შენ არასოდეს არ წახვალ იქ — მე ნებას არ მოგცემ...“

მაგრამ დროზე შეიკავა თავი, შებრუნდა, თითქმის ბარბაცით მივიდა როიალთან, მიუჯდა, აიღო ნოტების რვეული და უნებლიეთ დაიწყო ფურცლა, სანამ დამშვიდდებოდა. დაწყნარდა, ნოტების რვეული თავის ადგილზე დადო და ნაღვლიანი ხმით შეეკითხა:

— ნუთუ არც ერთი მეგობარი არ გეგულებათ, არც ერთი... მოსიყვარულე გული, ვისთვისაც ღირდა მაგ განზრახვაზე ხელის აღება?..

სურენ არეველიანი წამით მიაჩერდა ელისაბედს თვალებში და ჩვეულებრივი ტონით უპასუხა:

— არა.

ოთახში სამარისებურმა სიჩუმემ დაისადგურა. ამ დროს სურენ არეველიანს ახალგაზრდა ქალისათვის რომ შეეხედა, უმაღვე შეამჩნევდა, მასში რაღაც საშინელი ბრძოლა სწარმოებდა. ელისაბედს გული ისე ძალუმად უცემდა, თითქოს მკერდიდან ამოვარდნას ლამობსო, ფართოდ გახელილ თვალებში იღუმალი სურვილი შეინიშნებოდა, მაგრამ ამავ დროს გაუბედაობა და შიში ჩასდგომოდა, ხოლო ბაგენი ისე უთრთოდა, თითქოს რაღაცის თქმას აპირებენო... უეცრად ქალმა სახეზე ხელები აიფარა და სადავემიშვებულმა ქვითინმა ყელში წაუჭირა.

სურენ არეველიანი კი ისევ გარეთ იყურებოდა. უეცრად შემობრუნ-

და, მაგრამ სულაც არ გაუკვირვებია მის წინ გადაშლილ სურათს, დინჯად წამოდგა, მიუახლოვდა ახალგაზრდა ქალს და ჩვეული სერიოზული ხმით შეეკითხა:

— ქალბატონო, რა დაგემართათ?

ახალგაზრდა ქალმა ქვითინს უმატა ბავშვივით, რომელსაც საალერსო და გულისამაჩუყებელი ტკბილი სიტყვები უთხრეს.

— ნუთუ ამდენი ხნის განმავლობაში ვერ მიმიხვდით?.. — ძლივს ამოთქვა მოზღვავებული ცრემლებისაგან სულშეგუბებულმა ქალბატონმა, რომელიც კვლავ სახეზე ხელებაფარებული იდგა.

სურენ არეველიანი, ცოტა არ იყოს, გაფითრდა. ერთ წამს გაუნძრევლად იდგა ახალგაზრდა ქალის წინაშე და გაშტერებული შესცქეროდა. შემდეგ ხელი თავის ხშირ თმაზე გადაისვა, მოშორდა, სარკმელთან მივიდა და გარეთ დაიწყო მზერა.

ოთახში კვლავ გაისმოდა ახალგაზრდა ქალის ქვითინი, რომელიც თანდათან ნელდებოდა. ბოლოს სრულიად მიწყდა. ელისაბედმა ცხვირსახოცი ამოიღო და ცრემლიანი თვალები მოიწმინდა. უკანასკნელ სიტყვებს თითქოს მთელი სიმწარე ამოაყოლა და ამით დაიმშვიდა აღელვებული გული. სურენისათვის სახეში შეხედვას ვერ ბედავდა, მის წინაშე თითქოს საშინელი დანაშაული ჰქონდა ჩადენილი, რის გამო რცხვენოდა კიდევ და თანაც ეშინოდა. თვალებში კი მოუთმენლობის ცეცხლი ჩასდგომოდა. დარწმუნებული იყო, სურენ არეველიანი მიუხვდა და მსჯავრდადებულებით ელოდებოდა რა განაჩენს გამოუტანდნენ— ეშაფოტზე ასვლას თუ თავისუფლებას. რასაკვირველია, ასეთივე მოუთმენლობით ელოდა რას ეტყოდნენ ამ გულცივი, გულგრილი კაცის ბაგენი...

სურენ არეველიანი დიდხანს უძრავად იდგა სარკმელთან, ღრმა ფიქრებში წასული და გარეთ იმზირებოდა. ბოლოს, რამდენიმეჯერ ხელი გადაისვა ლამაზ თმაზე — ამას სჩადიოდა მამინ, როცა სერიოზულად საუბარი უნდა წამოეწყო — შემობრუნდა ახალგაზრდა ქალისაკენ, წამიერი მზერა მოავლო და შემპარავი გაბოროტებული ხმით უთხრა:

— ქალბატონო, ოდესმე გიფიქრიათ თქვენს მდგომარეობაზე?

— გიფიქრიაო? — მექანიკურად გაიმეორა ახალგაზრდა ქალმა, — გიფიქრიაო, მეკითხებით? — ო, მე რომ არასოდეს არ მომცემოდა საშუალება ჩემ მდგომარეობაზე ფიქრისა, ასეც არ დავიტანჯებოდი... კარ-

გად მესმის, რის თქმაც გინდათ,—ნაწყვეტ-ნაწყვეტად დაუმატა მან,—
მაგრამ... არ შემოძლია... წინააღმდეგობის გაწევის ძალა არ შემწევს,
გესმით თუ არა?... მე სუსტი ვარ... მე ქალი ვარ...

ელისაბედმა კვლავ ხელები მიიფარა სახეზე და აქვითინდა.

ეტყობა, სურენ არეველიანს გულო შეუტოკა ქალის მდგომარეობამ.
წარბები შეიკუმხნა, ხოლო თვალების ქუთუთოები აუცახცახდა. იგი
მძიმე ნაბიჯებით მიუახლოვდა ახალგაზრდა ქალს და ალერსიანად
უთხრა:

— დამშვიდდით, ქალბატონო, თქვენი თვალებიდან ცრემლი არ უნ-
და იღვრებოდეს (ახალგაზრდა ქალმა ამ სიტყვების გაგონებაზე ქვითი-
ნი შეწყვიტა და სუნთქვა შეიკავა). მთელი გულის სიღრმით მებრალე-
ბით, — განაგრძო მან. — არ გამტყუნებთ, რომ ძალა არ შეგწევთ, რომ
სუსტი ხართ... ამაში იმდენად თქვენ როდი ხართ დამნაშავე... რამდენა-
დაც თვითონ ბუნება, შემთხვევა, პირობები... მაგრამ მაინც გეუბნებით
და ამას ხაზს ვუსვამ, რომ ეგ არასოდეს არ უნდა მოხდეს. თუ გინდათ
ბედნიერი იყოთ, ყოველი საშუალებით უნდა შეებრძოლოთ თქვენს
გულში აბობოქრებულ გრძნობას. შეებრძოლოთ მდგრად, მთელი არ-
სებით და მანამდე, ვიდრე არ ჩაიკლავთ, საბოლოოდ არ დათრგუ-
ნავთ. და მაგას მიაღწევთ, თუ გეყნებათ ნებისყოფა. სადაც ნებისყოფაა,
იქ ცთუნება ფეხს ვერ მოიკიდებს.

— არ შემოძლია...

— ქალბატონო, კარგად დაფიქრდით. თქვენ მეუღლე და დე-
და ხართ, დედა ერთი ლამაზი, მშვენიერი ბავშვისა; ტიგრანიკი... ისეთი
ბავშვია, რომლის ბედნიერებას ყველაფერი უნდა შესწიროთ... თუ თა-
ვი არ გებრალებათ, და არც თქვენი კეთილი მეუღლე გეცოდებათ, ეგ
უმანკო ბავშვი მაინც შეიბრალეთ, რომლის ბედნიერება თქვენს სიყვარ-
ულშია. ნუ წაართმევთ ამ ბედნიერებას იმას და სხვას ნუ უბოძებთ.
ცოდოა. შეეცადეთ თქვენი გული მხოლოდ ამ ბავშვისა და თქვენი მე-
უღლისათვის ძგერდეს და არა ვიღაც სხვისთვის, ეგ საჭიროა. ეგ აუ-
ცილებელია.

— თქვენ არ გიყვარვართ... — იმედგაცრუებულმა ქალმა თითქმის
ყვირილით წამოიძახა და კვლავ ხელები მიიფარა სახეზე.

— ნუ შეეცდებით იმის გამორკვევას, მიყვარხართ თუ არა, ეს,
ორივე შემთხვევაში, ზედმეტი იქნება. მე, როგორც თქვენი ქეშმარიტი
მეგობარი, როგორც თქვენი გულშემატკივარი, მარტო ბედნიერებას გი-

სურვებთ. მერწმუნეთ, თქვენი მდგომარეობის გამო მე უფრო ვარ გულნატკენი, ვიდრე თქვენ თვითონ. ცოტა შორსმჭვრეტელი რომ იყოთ და კარგად დაფიქრდეთ, დანახავდით რა საშინელი უბედურება მოგვლით მომავალში, თუ ეხლა ასრულდა ის, რაც თქვენ გწადიათ. მერწმუნეთ, ის, რაც ბედნიერებად მიგაჩნიათ, სინამდვილეში სხვა არა იქნება რა, თუ არა მხოლოდ და მხოლოდ ყველაზე შემადარწუნებელი უბედურება, მოშხამული სიცოცხლე... ყოველი ადამიანი მუდამ უნდა ფიქრობდეს თავისი გადადგმული ნაბიჯების შედეგებზე. ამისათვის კი საჭიროა შორსმჭვრეტელობა. ადამიანი ყოველნაირად უნდა ეცადოს არ დანებდეს ვნებას, ცთუნებას — ამისათვის კი საჭიროა ნებისყოფა. თუ ადამიანს ეს ორი აუცილებელი პირობა გააჩნია — ყველაფერში გაიმარჯვებს და ბედნიერი იქნება... ათასწილად სჯობია ადამიანი უპირატესად დაიტანჯოს, თუ დარწმუნებულია ეს ტანჯვა ბედნიერებით დაგვირგვინდება, ვიდრე ადრე ბედნიერება იგემოს (თუმცა ეგ ცარიელი სატყვა იქნება), მერე კი მწვავედ დაიტანჯოს. მე ამას ვამბობ იმისათვის, ქალბატონო, რომ თქვენ დაგარწმუნოთ რაოდენ დიდი ძალა გპირუბათ დასძლიოთ თქვენი გულის მღრღნელი გრძნობა, რომელზეც გამარჯვებას მომავალში დიდი ბედნიერებით აინაზღაურებთ... და ბოლოს, იფიქრეთ თქვენს პატიოსნებაზე, პატიოსნებაზე, რომელიც ადამიანისათვის ყველაფერია და ურომლისოდ ადამიანი არაფერია; უფრო მეტიც, ყველაზე ცუდი, ყველაზე საზიზღარია ყველა არსთა შორის. მაშასადამე, თუ პატიოსნება ესოდენ დიდ როლს თამაშობს ადამიანის ცხოვრებაში, თუ იგი კაცური კაცის ღირსების ყველაზე პირველი ნიშანია, მაშინ ალმაცერად რატომ უნდა ვუყუროთ? იოლად და ერთი ხელის დაკვრით რად შევაქციოთ ზურგი? ყველაზე მაღლა რატომ არ უნდა ვაყენებდეთ? და, მაშასადამე, იმის ურყევად შენახვისათვის, რატომ ყველაფერს არ უნდა ვწირავდეთ?.. ბოლოს კი, ჩემს თავზეც მოგახსენებთ. ერთი მითხარით, ქალბატონო, რატომ გგონიათ, რომ მე შემძლია ამხანაგის ღალატი? რატომ უნდა წავართვა ჩემს მეგობარს ბედნიერება და საშინელ ტანჯვა-ვაებაში დაეტოვო?.. ძმური, ამხანაგური, მეგობრული უწმინდესი კავშირი რატომ უნდა შევბილწო ისეთი დანაშაულით, რომელსაც არც ღმერთი და არც ადამიანი არ შეგინდობს?.. არა, ქალბატონო, რაც გინდათ იფიქრეთ, მაგრამ ეგ ჩემთვის შეუძლებელია; მე არასოდეს არ გადავდგამ ასეთ ნაბიჯს, რომ ვიცოდე ამისათვის სიკვდილიც არ აპყდებოდა.

უკანასკნელი სიტყვები ისე მტკიცედ იყო ნათქვამი, ელისაბედი, რომელიც მთელი ამდენი ხნის განმავლობაში უძრავად იჯდა, ხელები მიეფარებინა სახეზე და მის თითოეულ სიტყვას, როგორც ამბობენ ყლაპავდა, საბოლოოდ დარწმუნდა, რომ არეველიანის გულის მოღობაზე ფიქრიც კი ზედმეტი იყო. სურენის სიტყვები ბასრი ისრებივით ესობოდა ტვინში და ნათლად გრძნობდა, რაოდენ მწარე სიმართლე იყო მათში... ელისაბედი უძრავად იჯდა, ქანდაკებასავით გარინდებულ, მის ყურებში ისევ ხმაური გაჰქონდა სურენ არეველიანის მიერ მთელი სერიოზულობით წარმოთქმულ სიტყვებს. ეს სიტყვები ძალზე მარტივი იყო, მაგრამ იმდენად შეუბრალებელი და უტყუარი, რომ ქალის ცნობიერებაში თანდათან თითქოს გადატრიალებას ახდენდნენ...

უეცრად თავი აიღო, ირგვლივ მიმოიხედა. სახე გაფითრებული ჰქონდა, მზერა—უაზრო, დაბნეული. დაინახა სურენ არეველიანი ისევ სარკმელთან იდგა და გარეთ იყურებოდა. ვერ დაეჭვრებინა, თუ ცოტა ხნის წინათ ამ შთამაგონებელი სიტყვების მთქმელი ეს კაცი იყო: თავი სიზმარში ეგონა და ის სიტყვებიც თითქოს სიზმარში გაიგონა. მერე რა, განა სულ ერთი არ იყო? — ის სიტყვები ისეთი ნათელი, შთამაგონებელი გახლდათ, მათში იმდენი სიმართლე, პატიოსნება იყო, ისე თანაგრძნობითა და გულწრფელად იღვრებოდა...

ელისაბედი შეეცადა წამომდგარიყო, მაგრამ თავბრუ დაეხვა და ისევ სკამზე დაეცა. სურენ არეველიანმა მოიხედა. უმაღლეს მასთან გაჩნდა.

— ქალბატონო, რა მოგივიდათ? — ცოტა არ იყოს, მღელვარებით შეეკითხა იგი.

— არ ვიცი, რა მემართება, — ჩურჩულით წარმოთქვა ახალგაზრდა ქალმა, ორივე ხელი თავზე შემოიჭლო და წაილულლულა: — ცუდად ვგრძნობ თავს.

— თქვენ ავად ხართ, ქალბატონო, დასვენება მოგიხდებათ.

სურენ არეველიანის დახმარებით ახალგაზრდა ქალი წამოიღვა.

— მაპატიეთ, ბატონო სურენ, — უთხრა მან, — თავბრუ მესხმის, მიიყვანეთ ჩემს დასაძინებელ ოთახამდე...

ელისაბედი დაეყარნო სურენ არეველიანის მკლავს. სტუმარმა საწოლი ოთახის კარებამდე მიაცილა, ცილინდრი დაიხურა და გარეთ გავიდა.

მომდევნო დილა ისეთი თვალწარმტაცი და საამური იყო, რომ გული სიხარულით იესებოდა. ფრინველები — ბუნების ეს მომხიბლავი პატარა მგოსნები — დილაადრიან შესდგომოდნენ თავიანთ მრავალფეროვან მუსიკას, ხოლო ყვავილებსა და ვარდებს დამატკობელი სურნელებით აევსოთ არემარე.

მზე ჯერ არ ჩანდა, მთების მიღმა იყო, მაგრამ გაწითლებულ ჰორიზონტს ემჩნეოდა, რომ მალე ამოვიდოდა და თავის „საქმეს“ შეუდგებოდა.

ელისაბედი ბაღში იჯდა გრძელ სკამზე, მარტო იყო... მაისის დილის სიცივისაგან თავის დასაცავად მხრებზე შალი წამოეხურა. სახე დიდი ხნის ნაავადმყოფარივით გაფითრებოდა. ჩალურჯებულ თვალებზე ეტყობოდა, რომ ღამე უძილოდ გაეტარებინა. იგი ისე უმზერდა ყვავილებს, რომ აშკარად ეტყობოდა, არაფერს გრძნობდა.

დიდხანს იყო ამ მდგომარეობაში, რომ უეცრად ბაღის ბოლოში გ. ზაქარიანი გამოჩნდა. ის აქეთ-იქით იყურებოდა, თითქოს ვიღაცას ეძებდა. როცა ელისაბედი დაინახა, უმაღვე მისკენ წამოვიდა და მგზნებარედ შესძახა:

— ლიზა, ლიზა, აქა ხარ?..

ელისაბედმა გაოცებით გადახედა მას და არაფერი უპასუხა. გ. ზაქარიანმა ხელებში ჩაჰკიდა ხელი და განაგრძო:

— სული ამომივიდა შენს ძებნაში, ძალიან შემეშინდა, საწოლ-ოთახში რომ ვერ გიპოვე... ამ დილა ადრიან აქ რას აკეთებ?

ახალგაზრდა ქალი ახლალა მოეგო გონს, მთელი სხეულით შეერთა და გაცუხნებულმა მიმოიხედა ირგვლივ. მერე შეუღლებს გადახედა და შეეკითხა:

— რა გინდა, გარასიმ?..

— გეკითხები, ასე ადრიან აქ რას აკეთებ-მეთქი?

— არაფერს.

— მაშ რაღას უზიხარ?.. ლიზა, ავალა ხარ, მთელ ღამეს ბოდავდი... ახლა კი, ასე ადრიან, ამ სიცივეში გამოსულხარ, ხომ შეიძლება ავად გახდე. როდის იცოდი ასე, ახლა რომ იქცევი?.. ვერ გამიგია, გუშინდელს აქეთ რა დაგემართა... ლიზა, ჩემო სულიკო, წავიდეთ შინ, სახეზე ფერი არა გაქვს. წავიდეთ.

ახალგაზრდა ქალმა ხელები უკან დასწია, წამოდგა და ხმაამოუღებელი შინისაკენ გაემართა. გ. ზაქარიანი უკან მიჰყვა. კიბეებზე ასვლისას ზაქარიანმა ხელი შეაშველა, მაგრამ ცოლმა უარი უთხრა, ნება არ ღირს. დასაძინებელ ოთახში შევიდნენ, აქ ტიგრანიკის პატარა საწოლიც იდგა, რომელზეც ამ დროს ტკბილად ეძინა ბავშვს.

ელისაბედი ჩამოჯდა საწოლზე და თავი ბალიშზე მიდო.

— ღიზა, ჩემო სულო, რა ეტკივა? ასე რად გამოიცვალე? — ბოლოს უთხრა გ. ზაქარიანმა და მოუსვენრად მიაჩერდა ცოლს სევდით დაბინდულ სახეში.

— არაფერი, არაფერი, გარასიმ... თვითონაც არ მესმის, ამ დღეებში რა მემართება...

— რაღაცას მიმაღავე..

— ოჰ... — ახალგაზრდა ქალი მოუსვენრად შეირხა, — გარასიმ, გთხოვ, თავი დამანებო...

— გინდა ექიმი მოგიყვანო?

— საჭირო არ არის.

— ღმერთო ჩემო, მაშ სულ ასე ხომ არ იქნები?..

— გარასიმ, თუ გიყვარდე, მომასვენე... მინდა მარტო ვიყო.

— თუ გინდა დღეს სამსახურში არ წაველ და მთელი დღე ერთად ვიყოთ?

— არა, ჩემი მიზეზით სამსახურს ნუ გააცდენ. — და ელისაბედმა თვალეები დახუჭა. ნათლად ეტყობოდა, ლაპარაკი თავს აბეზრებდა.

დაღვრემილმა გ. ზაქარიანმა მხრები აიჩეჩა, მივიდა კარებთან, ისევ შემობრუნდა და თქვა:

— საბანი მაინც დაგახურო, — გაცივდები.

— არაფერი არ მინდა.

გ. ზაქარიანმა რომ დაინახა, ცოლი ყველაფერში ეწინააღმდეგებოდა, ოთახიდან გავიდა. იგი გაოცებული იყო ცოლის ასეთი გამოცვლის გამო, ფიქრით თავს იტეხდა, მაგრამ ნამდვილი მიზეზი ვერ გაეგო. არ იცოდა, რით აეხსნა ცოლის ესოდენ გამოცვლა. აჟად არ არის, — ფიქრობდა იგი. — ვაჟკვით აჟადაც არის, დასამალი რა აქვს?.. იქნება რაიმე იდუმალი დარდი აწუხებს, გულს უღრღნის, მაგრამ ისეთი რა არის, რომ არ მიმეღავენებს?.. იგი სასოწარკვეთილი იყო... თავში ზოგჯერ ეს აზრი გაუელვებდა ხოლმე: ცვლილება მოხდა სწორედ იმ დღიდან, როცა სურენ არეველიანმა ჩვენს ოჯახში ფეხი შემოდგა, ნუთუ ელისაბედმა

ეგ კაცი შეიყვარა?.. არა, არა, ასეთი აზრის გატარება, დიდი დანაშაუ-
ლია. ნუთუ მეუღლე, რომელიც ამდენი წნის განმავლობაში მასთან
უანგარო სიყვარულით ცხოვრობს, ოდესმე უღალატებს? არა, ეგ შეუ-
ძლებელია!... გულუბრყვილოდ ფიქრობდა ზაქარიანი. რა იცოდა, ადა-
მიანის გული როგორ მალე და მოულოდნელად იცვლება!.. ზა-
ქარიანი იტანჯებოდა, როცა მეუღლეს მელანქოლიურ მდგომარეობაში
ხედავდა, მზად იყო ყველაფერი შეეწირა, ოღონდ როგორმე გაემხიარუ-
ლებინა. საცოდავი კაცი გაქვავებული იყო, არ იცოდა რა გზას დასდგო-
მოდა. მოემზადა, სამსახურში წასვლა დააპირა, მაგრამ გულმა არ მო-
უთმინა, კიდეც ერთხელ უნდოდა ენახა ცოლი. ფრთხილად შეალო კარი
და შევიდა. ახალგაზრდა ქალი ისევ ისე იწვა. ოღნავ სუნთქავდა. მისი
სუნთქვა ტიგრანიკის ბავშვურ სუნთქვას ერწყმოდა.

ელისაბედს ეძინა. ზოგჯერ ფერმკრთალი ბაგენი გაეპობოდა და თო-
თო-ოროლა გაუგებარ სიტყვებს გამოთქვამდა.

გ. ზაქარიანი დიდხანს უძრავად იდგა, უმზერდა მის მშვენიერ, სევ-
დისაგან დატანჯულ სახეს, ყურს უგდებდა წარმოთქმულ სიტყვებს,
მაგრამ ვერაფერს იგებდა. ბოლოს ღრმად ამოიოხრა და კვლავ დიდი
სიფრთხილით ოთახიდან გავიდა.

კარგა ხანმა გაიარა. დედა - შეილს ძილს არავინ უფრთხობდა. კარი
ნელა გაიღო. ამჯერად ახალგაზრდა მოახლე შევიდა. იგი ფეხის თითებ-
ზე ფრთხილად მიუახლოვდა მაგიდას, რომელიც ქალბატონის საწოლ-
თან იდგა, და კონვერტი დადო. უკან გაბრუნდა, მაგრამ გასვლისას კა-
რებმა დაიჭრიალა და ამ ხმამ დიასახლისს ძილი დაუფრთხო. შეშინე-
ბულმა ელისაბედმა გაიღვიძა და ირგვლივ მიმოიხედა...

— ვინ არის? — ჩურჩულით იკითხა.

— მე ვარ, ქალბატონო, — უპასუხა მოახლემ და ოთახში შებ-
რუნდა.

— რა გინდა?

— არაფერი, ქალბატონო. ბატონი სურენ არეველიანი ეხლა აქ
იყო...

— აქ იყო? — სწრაფად შეეკითხა ახალგაზრდა ქალი.

— დიახ, ქალბატონო. თქვენი ნახვა სურდა, მაგრამ, რაკი გეძინათ
და ბატონიც შინ არ იყო, წერილი დატოვა და დამავილა, როცა გაიღვი-
ძოს, პირადად გადაეცო.

— მერე, სად არის წერილი?

— მანდ არის მაგიდაზე.

— წალი, კარგი, — უთხრა ახალგაზრდა ქალმა და სანამ მოახლე გარეთ გავიდოდა, იგი წერილს ეძგერა. აიღო, აკანკალებული ხელით გახსნა და წაიკითხა:

„პატივცემულო ქალბატონო! მპატიეთ, პირადად რომ ვერ გინახულეთ და უკანასკნელ საღამს ამ წერილით გიგზავნიათ. დღეიდან სამუდამოდ ვშორდები აქაურობას, და რაც უფრო მალეა, მით უკეთესი; ვგრძნობ, ჩემი აქ ყოფნა და ჩვენი მეგობრობის გაგრძელება უკვე შეუძლებელია. მე არა მსურს და არც უნდა გავხდეთ თქვენი და თქვენი მეუღლის უბედურების მიზეზი. არასოდეს არ მიღალატია და არც უნდა ვუღალატო ჩემს ამხანაგს, ჩემს მეგობარს. გთხოვთ, თქვენც მუდამ ერთგული იყოთ თქვენი მეუღლის, რომელთანაც ამდენი ხნის განმავლობაში გულითადად გიცხოვრიათ. იგი ღირსია მაგისი. რაკი მე ვიყავი თქვენი ოჯახური მყუდროების დარღვევის მიზეზი, გულით გისურვებთ აღრინდელი მყუდროება კვლავ დაგიბრუნდეთ, მე კი ერთადერთ სწორ გზას ჩვენს სამუდამოდ გათიშვაში ვხედავ... ნუ შეეცდებით რაიმენაირად გაიგოთ, მიყვარდით თუ არა, ეგ საიდუმლოებაა, რის გაგება ზედმეტია... მაშ ასე, დარჩით მშვიდობით, ქალბატონო, შეეცადეთ დამივიწყოთ და ისევ ბედნიერი იქნებით... გთხოვთ ბოდიში მომხადოთ თქვენს მეუღლესთან, რომ გამგაზვრების წინ ვერა ვნახე, გადაეცით საღამი და აკოცეთ ტიგრანიკს. განმეორებით გთხოვთ ერთგული იყოთ თქვენი ქმრის. გაიხსენეთ ხოლმე ჩემი სიტყვები; ყოველი ნაბიჯის გადადგამდე კეთილგონიერება გამოიჩინეთ და გამარჯვებული იქნებით.

მუდამ თქვენი კეთილის მსურველი —

ს უ რ ე ნ ა რ ე ვ ე ლ ი ა ნ ი ა.

ქალს ხელები დაუსუსტდა და მუხლებზე ჩამოუცვივდა. ყელში მძიმე რალაც მოაწვა, თავი ბალიშში ჩარგო და ბავშვივით აქვითინდა. ამ ხმაზე ტიგრანიკმა გამოიღვიძა და საწოლში წამოჯდა. აქვითინებული დედა რომ დაინახა, შეშინებული მაშინვე საწოლიდან ძირს გადამოხტა, მიიარბინა დედასთან, მუხლებზე მოეხვია და შესძახა:

— დედიკო, შენ დღესაც ტირი?

დედამ აიყვანა ბავშვი, გულში ჩაიკრა და ქვითინით უთხრა:

— ჩემო ტიგრანიკ, ჩემო ძვირფასო, ამიერიდან მხოლოდ შენ უნდა განმიკურნო ჩემი ნაიარევი გული...

• • •

ამ დღიდან წოიბმა განკლო.

გ. ზაქარიანი დღესაც ცხოვრობს თავის ცოლ-შვილთან ერთად. ელისაბედი გრძნობს, რომ თანდათან უცივდება გულში ის გრძნობა, ერთ დროს რომ ჰქონდა იმ კაცის მიმართ, რომელიც ცოლ-ქმრის უბედურების მიზეზი რომ არ გამხდარიყო, სამუდამოდ განშორდა მათ. იგი იმ კაცზე მხოლოდ ამას ფიქრობს:

აი ნამდვილად პატიოსანი, ჭკვიანი, მტკიცე ნებისყოფიანი, ერთგული და ჭეშმარიტი მეგობარი, რომლის მსგავსი ძალიან იშვიათად მოიპოვებაო... რაც უფრო ღრმად უფიქრდება მის საქციელს, მით უფრო გრძნობს, რომ ბევრნაირად არის დავალებული მისგან. ნუთუ ტყუოდა, როცა ამბობდა— „იბრძოლე და გამარჯვებული იქნებიო?“ ელისაბედმა იბრძოლა, თავისი მტკიცე ნებისყოფის კარნახით, და დიდი ზნეობრივი ბრძოლის შემდეგ კვლავ გაუთენდა ბრწყინვალე და ყველაზე უტკბესი იმედების აღმთქმელი დილა! იგი თავის გარშემო ხედავს კეთილმეუღლეს და შვილს. ისინი უღიმიან, უყვართ, ეხვევიან როგორც ბავშვს და ისიც მათ თავის გულში უფრო მტკიცედ ფესვებგადგმული, ტკბილი და უსასრულო სიყვარულით პასუხობს...

სურენ არეველიანი კი კვლავაც უგზოუყვლოდ არის დაკარგული, მისი ასავალ-დასავალი არავინ იცის.

რაც შეეხება გ. ზაქარიანს, იგი ფრიალ გახარებულა, რომ მისმა საყვარელმა ლიზამ კვლავ მოიხედა და უწინდებურად უყვარს იგი. მაგრამ არ იცის და, ალბათ, არც ოდესმე ეცოდინება, რომ თავის ამ უსაზღვრო ბედნიერებას მხოლოდ და მხოლოდ სურენ არეველიანს, თავის ჭეშმარიტ მეგობარს უნდა უმადლოდეს.

ნ უ ნ ე

(სომეხთა ცხოვრებიდან)

ბ

კვირა დღე იყო, ზაფხულის ის მშვენიერი სადამო, როცა საშინელი სიცხისაგან შეწუხებული ადამიანი, იძულებით სახლში ჩაკეტილი, მხოლოდ სადამოთი ბედავს გარეთ გამოვიდეს, რომ სუფთა ჰაერი ისუნთქოს.

მზე ჩასულიყო.

თბილისის ერთ-ერთი ლამაზი სახლის აივანზე, რომელიც განიერ ქუჩას გადასცქეროდა, ქალიშვილი ბოლოს სცემდა. მას ჩვიდმეტ წელზე მეტს არ მისცემდით, თუმცა გარეგნობით უფრო ასაკოვანი გამოიყურებოდა. ქალიშვილი სილამაზის ყველა ნიშნით იყო შემკული, მაგრამ ოდნავ გამზნარი და ფერმკრთალი სახე, რომელზედაც ერთგვარი მელანქოლიის კვალი აჩნდა, უმაღვე მიგახვედრებდათ, რომ ამ ქალიშვილს რაღაც სულიერი სატკივარი უღრღნიდა ნორჩ გულს. ხოლო მისი სიარული, ჰკვიანი, თავაზიანი მზერა ადამიანზე იღუმალ გავლენას ახდენდა.

გულხელდაკრეფილი იყო, თავჩაქინდრული და ასე მიდი-მოდოდა აივანზე მძიმე ნაბიჯებით. ეტყობა, ღრმა საფიქრალს მისცემოდა, ამიტომ სრულიად არ აქცევდა ყურადღებას ქუჩაში მოსიარულე ხალხის ხმაურს და ეტლების გრიალს. იგი რკინის წვრილ სვეტთან გაჩერდა, ლამაზი თავით მიეყრდნო, და დიდრონი შავი თვალებით გაიხედა იქით, სადაც მზის ჩასვლისას ცის კაბადონს წითლად გაუდიოდა ღაჟღაჟი. ერთხანს ქანდაკებასავით გაუნძრევლად იდგა, გაშტერებული იმზირებოდა შორს, თითქოს ჰორიზონტის მიღმა მხარეს უნდა მიაწვდინოს მზერაო, რომ ლამაზ თვალთაგან ჯერ ორი წვეთი მოსწყდა და გაფითრებულ ღაწვებზე დაედინა, მერე თითქმის იმავე წუთს გულსაკლავი

გმინვა აღმოხდა. ქალიშვილმა თოვლივით თეთრი ცხვირსახოცი ამოიღო, ცრემლები მოიწმინდა და იქვე სკამზე ნელა ჩამოჯდა. ცრემლები ახრჩობდა, მაგრამ თავს იკავებდა. „ძნელია, ძნელი...“ ჩაილაპარაკა მოუთმენლად და ცრემლების ნაკადული წასკდა თვალთაგან. ქალიშვილმა ცხვირსახოცი მიიფარა თვალებზე და დიდხანს თავშეუკავებლად ქვითინებდა. მხედველობიდან გამორჩენოდა, რომ ქუჩაში მოსიარულეებს შეეძლოთ ყურადღება მიექციათ მისთვის. ბოლოს ცრემლები მოიწმინდა, ცოტა არ იყოს, დამშვიდდა, მერე თავისი ლამაზი თავით ხელებზე დაეყრდნო და კვლავ ღრმა ფიქრებს მიეცა.

ამ დროს უეცრად აივნის კარი გაიღო და ზღურბლზე ღიპიანი კაცი გამოჩნდა. დაახლოებით ორმოცდაათი წლისა იქნებოდა, შუატანის; მოკლე თმები და პატარა ულვაშები ჰქონდა. მის გამოხედვაში სისასტიკე და უსულგულობა იფარებოდა. ამ კაცის სავსე და წითური ლოყები აშკარად მეტყველებდნენ, რომ რჩეული კახური ღვინით იყვნენ გაუღენთილი, ხოლო დიდი, გამოვარდნილი ღიპი თითქოს ამბობდა: „იციო, ბატონებო, რამდენი უდანაშაულო და საწყალი გლეხის ოფლისა და ცრემლის საფასურით ვარ გასიებული?..“ სიცხის გამო შავი ატლასის ახალუხის ღილები შეეხსნა. ქვეშ მოუჩანდა თეთრი გახამებული პერანგი, მკერდი გადაედღა. გასიებულ თვალებზე ეტყობოდა, რომ მშვიდი ძილით მადლარი ეს-ეს არის ამღვარიყო.

იგი ქალიშვილის მამა — ალა იაგორ ბუღდანიჩი გახლდათ.

— აქა ხარ, ნუნე? — ზანტი მთქნარებით შეეკითხა იგი.

ქალიშვილი, რომელსაც არ შეუნიშნავს მამამისის გამოჩენა აივანზე, ამ ხმამ უეცრად გონს მოიყვანა და უმაღ ფეხზე წამოაგდო.

— დიახ, მამი, — მისუსტებული ხმით მიუგო ქალიშვილმა და ქუჩისკენ გაიხედა, რომ ნამტირალევი თვალები არ დაენახებინა მამისთვის.

— დედაშენს ბაღში სასეირნოდ რატომ არ წაჰყევი? — შეეკითხა ალა იაგორ ბუღდანიჩი დინჯად, თვითთული სიტყვის დამარცვლით, როგორც ეს საერთოდ სჩვევიათ თბილისელ ვაჭრებს. — ეხლა იქ ალბათ მუსიკას უკრავენ. ... ცოტა ხანს ისეირნებდით და შინ დაბრუნდებოდით.

— არ მინდოდა, მამი...

— ჰო, შენ იცი, შვილო, — მიუგო ღიპიანმა კაცმა. — მაგრამ კარგად არ იქცევი, რომ დედას ეურჩები, — დასძინა და ქუჩაში გადაიხე-

და. — რამდენი გემუდარა, გთხოვა, შენ კი ქვა შეაგდე და თავი შე-
უშვირე.

— მამა, თქვენ მგონი იცით, რომ ავადა ვარ... თავი მტკივა... გარდა
ამისა, საერთოდ სეირნობა არ მიყვარს, — თავს იმართლებდა ქალი-
შვილი.

— ჰო, ეგ იმისი ტკივილებია, რომ ჯერ კიდევ გულიდან არ ამოგი-
ღია ის...—იაგორ ბულდანიჩმა არ დაამთავრა სათქმელი და უეცრად
საუბრის თემა შეცვალა: — მთელი დღე კითხულობ, შინიდან გარეთ არ
გადიხარ... ბევრი კითხვა, შვილო, არ ვარგა... თვალებს ვნებს.

ქალიშვილმა არაფერი უპასუხა და აივნის ბოლოსკენ გაიწია, აღამ
კი ზურგი შეაქცია შვილს და მძიმედ დაეშვა სკამზე, რომელმაც მისი
სიმძიმისაგან გაბმით დაიპრიალა.

— ეს რა ჩიხლიპიტო სკამები შემოიღეს, — ჩაიბურტყუნა და
უდარდელად რომელიღაც მოტივი დაუსტვინა, ქართულ სიმღერა „გა-
მო. მზეო, გამიგონეს“ რომ წააგავს. ქალიშვილმა ცივად გადახედა მა-
მას და ქუჩას მიაჩერდა.

— ჰეი, ბიჭო! — უცებ შეწყვიტა სიმღერა იაგორ ბულდანიჩმა.

მსახური უმაღლვე გაჩნდა აივანზე.

— რა გნებავთ, ალაჯან? — ფიცხლად შეეკითხა მსახური.

— ღვინო.

ორიოდე წუთში მსახური ისევ გამოჩნდა, ხელში წითელი ღვინით
სავსე ვერცხლის სასმისი ეჭირა. ალა იაგორ ბულდანიჩმა სასმისი ჩამო-
ართვა, ღვინო სულმოუთქმელად გადაჰკრა ნახევრამდე, უღვაშებზე
ხელი გადაისვა და სიამოვნების ნიშნად დააყოლა: „ოხაი“. შემდეგ უნ-
დოდა დარჩენილი ღვინოც მიეყოლებინა, მაგრამ ამ დროს საშინელი
კვილი მოესმა, მერე იატაკზე ბრავვანი. იგი სასმისით ხელში შემობ-
რუნდა და აივანზე გართხმული ქალიშვილი დაინახა.

ღვინის სმა ჩაშხამდა.

ბ

ზემოხსენებული შემთხვევის სამი დღის შემდეგ, ღამით, კოკისპი-
რულად წვიმდა, დროგამოშვებით საშინელი ჰექა-ქუხილი აყრუებდა
არემარეს.

ჩ... უბნის სამსართულიანი სახლის ქვედა სართულის პატარა და

ნესტიან ოთახში, ან უფრო სწორედ ერთ-ერთ საკანში, პატარა მაგიდაზე ბეუტავდა ლამპა, რომლის გატეხილ და გამურულ შუშას ქალაღის ნაგლეჯი ჰქონდა შემოკრული. ამ საკანში დღისით სინათლე ჩამოდირდა ნახევრად მიწაში ჩადგმულ საკმელიდან. ფანჯარასთან მაგიდა იდგა. ზედ არეულ-დარეულად ეყარა წიგნები, გაზეთები, ქალაღდები, პურის ნამცეცები, კალამი, მელანი და სხვა ხარახურა. ხოლო მაგიღის ახლოს — ერთი ძველი საწოლი, გახუნებული ძველი ლოგინით, რომელიც იმავე დროს სკამის მაგიერობასაც სწევდა. ოთახში სხვა არაფერი ჩანდა, გარდა კედელზე უშნოდ დაკიდებული ერთი ძველი პალტოსი. კედლები ნესტით იყო გაქდენთილი, რის გამოც ოთახში არასასიამოვნო მძიმე სუნი იდგა.

საწოლის ხმელ ფიცრებს იდაყვებით დაყრდნობოდა და თავი ხელებში ჩაერგო დაახლოებით ოცდასამი წლის ახალგაზრდას. მიუხედავად უკიდურესი სიღატაკისა, რასაც თავისი დაღი დაესვა ჰაბუჯზე, მაინც შერჩენოდა უწინდელი მშვენებას ერთი მთავარი ნიშანი — ფიქრიანი თვალეები, რომლებიც ამ დროს წინ გადაშლილ რვეულს ჩაჩერებოდნენ. ამ თვალეებში ნათლად მოჩანდა ყმაწვილკაცის მტკიცე ნებისყოფა და ჰკუა-გონება. ხოლო ფართო შუბლი სიმწრის ნაოკებით დაღარვოდა. ამ შუბლზე კობტად გაღმრევეარცხნა გრძელი შავი თმა.

დიღხანს, გაუნძრეველად იჯდა ერთ მდგომარეობაში. ეტყობა რაღაცის დასაწერად გარჯილიყო, მაგრამ ან ვერ ახერხებდა აზრების დაღეგებას, ან ფიქრით საღდაც შორეული თუ ახლობელი წარსულის ზვრელებში დაეხეტებოდა, და ამ დროს, ალბათ, მისი ფართოდ გახელსილი თვალეების წინ ფანტასტიკური მოჩვენებებით გარბოდნენ წარსულის სურათები, რომლებიც ზოგჯერ მთელი საათობით ართობდნენ ხოლმე მის აზრსა და გონებას. ერთი სიტყვით, ძიღბურანში იყო და არ ესმოდა არც წვიმის შხაპუნი, არც ჰქეა-ქუხილის გამაყრუებელი გრიალი.

ვიღრე ამ მდგომარეობაში იყო, ვიღაცამ ნელა დაუკაკუნა კარი, მაგრამ მან ვერ გაიგო. ერთი წუთას შემდეგ კაკუნი განჰეორდა. მან ვერც ახლა გაიგონა კაკუნი. მაგრამ როცა მესამედ წინანდელზე ძლიერ დააკაკუნეს, თავი აიღო და ოთახის ერთი კუთხისკენ მიიხეღა: — „ისევ თაღეები“, — წაიჩურჩულა და კვლავ ღრმა ფიქრებს მიეცა. მეოთხეჯერ კიდევ უფრო მაგრა დააბრაზუნეს კარი. ამჯერაღაც თავი ასწია და შეამჩნია, რომ შეცღდა, ტყუიღუბრაღღ თაღეებს დააბრაღღა.

— ვინ არის? — ჩახრინწული ხმით გასძახა მან.

გარედან არავინ გამოეხმაურა, მხოლოდ კარზე გაისმა ისევ კაკუნი. „საკვირველია, — გაიფიქრა, — ამ შუალამისას ნეტა ვის გავახსენ-დი?“.

წამოდგა და კარის გასაღებად გასწია, მაგრამ უეცრად შეჩერდა: — „იქნებ ქურდია?“ — ჩაიჩურჩულა და ფართოდ დაქყეტილი თვალები კარებს მიაპყრო. „თუმცა ახლა ჩემთვის სულ ერთია, — რალაცნაირი სიმწარით წამოიძახა და კარებისაკენ გაეშურა. კარები გააღო თუ არა, ორი მკლავი შემოეჭდო კისერზე და ქალურმა ნაზმა ხმამ ჩასჩურჩულა:

— გრიგორ, მე ვარ!..

— ნუნე!.. — წამოიძახა თავდავიწყებაში ჩავარდნილმა ჭაბუკმა და აჩქაროლებულ გულზე მიიკრა ქალი. — ნუნე!.. ნუნე!.. ნუთუ შენა ხარ?.. ნუთუ ეს სინამდვილეა?..

8

გრიგორ სეირანიანი სოფელში მცხოვრები ერთ-ერთი მდიდრის შვილი იყო. სოფლის სკოლის დამთავრების შემდეგ მშობლების თანხმობით წავიდა თბილისში სწავლის გასაგრძელებლად, იქ ცხოვრობდა ქვრივი ბიციოლას სახლში. გრიგორის მოვლა-პატრონობისათვის ეს ღარიბი დედაკაცი ყოველთვიურად კარგ საფასურს ღებულობდა. თბილისში ჩამოსვლის პირველ წელს კერძო მასწავლებელთან მეცადინეობდა, წარჩინებით ჩააბარა გამოცდები და გიმნაზიის მეორე კლასში იქნა მიღებული. გრიგორ სეირანიანი ბეჭითი ყმაწვილი იყო, ყოველ წელს გადადიოდა კლასიდან კლასში.

პირველ წლებში გრიგორს ძალიან უძნელდებოდა ქვრივი ბიციოლას ოჯახში ცხოვრება; ერთ პატარა ოთახში ერთად იყვნენ, ამასთან ბიძაშვილები მეტისმეტად დაუდევარი, ცელქი ბავშვები იყვნენ და მათ ღრიანცელში საშუალება არა ჰქონდა ნორმალური მეცადინეობისა; გარდა ამისა, ქვრივი, მიუხედავად იმისა, რომ გრიგორის შესანახად კარგ თანხას ღებულობდა, მაინც ცუდად ინახავდა. სეირანიანმა გადაწყვიტა ამ თანხით ერთი პატარა ოთახი დაეჭირავებინა და თავისუფლად ეცხოვრა. ამის შესახებ დაწვრილებით მისწერა მშობლებს, აუხსნა მიზეზები, რომელთა გამო ამ ოჯახიდან გაცლას ამჯობინებდა. მშობლებს ზედმიწევნით უყვარდათ თავიანთი ერთადერთი შვილი და სიამოვნებით დაეთანხმნენ. ერთ ლამაზ შენობაში სეირანიანმა მაშინვე დაიჭირავა პატარა ოთახი, თვეში ხუთ მანეთად. შემდეგ მშობლებისგან მიღებული

ესი მანეთით, რომელიც ტანსაცმელის საყიდლად და ოთახის მოწყობილობის შესაძენად გამოუგზავნეს, ძალზე უბრალოდ, მაგრამ კოხტად მოაწყო თავისი სტუდენტური ოთახი და ბეჭითად შეუდგა მეცადინეობას.

თეიში ერთ-ორჯერ მამა ნახულობდა საყვარელ შვილს და ყოველთვის საჭირო დარიგებებს აძლევდა. თუმცა აგერ ხუთ წელზე მეტოცხოვრობდა თბილისში, სოფლური უბრალოება და თავაზიანობა ჭაბუკს მაინც შემორჩენოდა. ვარდა ამისა, მართალია, ბუნებით მძიმე ხასიათის იყო, მაგრამ ზედმიწევნით კეთილი და პატიოსანი. იგი შორს იდგა თბილისში მოსწავლე ახალგაზრდობის იმ უმეტესი ნაწილისაგან, ათავჯარგართობასა და გაუთავებელ ლოთობას რომ მისდევდნენ. ასეთებს ახლოსაც არ ეკარებოდა, გაუბროდა. ამხანაგები მუდამ დასცინოვნენ, „ვირსოფელს“ უწოდებდნენ. მაგრამ სეირანიანი ყურადღებას არ აქცევდა მათ. დილით, ჩაის რომ დალევდა, რვისნახევარზე გიმნაზიაში მიდიოდა. ერთ დილას, ოთახის დაკეტვის შემდეგ, როცა ქიშკარში გამოდიოდა, დაინახა, ზემო სართულის აივნის კიბეებზე, რამდენიმე რვეულით ხელში, ახალგაზრდა ქალიშვილი ჩამოდიოდა. ჩვენი ნაცნობი ალუ იაგორ ბულდანიჩის ერთადერთი ქალიშვილი ნუნე გახლდათ. სოკეხ ქალთა საშუალო სასწავლებელი ახალი დამთავრებული ჰქონდა და იმავე სასწავლებლას დაბალ კლასებში მასწავლებლობდა. სხვათა შორის, ის ოთახიც, სადაც გრიგორ სეირანიანი ცხოვრობდა, ალუ იაგორ ბულდანიჩს ეკუთვნოდა. მათი თვალები უეცრად ერთმანეთს შეხვდა და სეირანიანს რატომღაც მთელ ტანში ყრუანტელმა დაურბინა. მაგრამ ჩვეულებად არა ჰქონდა დიდხანს ემზირა ლამაზი სქესისათვის, ამიტომ სასწრაფოდ გავიდა ქუჩაში და თითქმის სიბრძლით გაიქცა გიმნაზიისკენ.

ეს იყო პირველი შემთხვევა, რომ თვალი შეავლო მას, მაგრამ ქალიშვილის სურათი ისე ჩაებეჭდა ტვინში, არც ერთ გაკვეთილზე გონებიდან არ შორდებოდა. თვითონ კი ვერა ხვდებოდა რას ნიშნავდა ეს.

გაკვეთილების დამთავრებისთანავე სეირანიანი აჩქარებით გამოეშურა შინისკენ, თუმცა თვითონაც არ იცოდა, ასე რატომ მოიჩქაროდა. როგორც კი ნაცნობ ქუჩას მიუახლოვდა, შეამჩნია იმ ქუჩის მეორე ბოლოს ნუნეც მოდიოდა. სხვადასხვა მხრიდან მომავალი ქალ-ვაჟი სწორედ ეზოს კართან შეხვდნენ ერთმანეთს და თვალი თვალში გაუყარეს. ქალიშვილი შეჩერდა, უნდოდა გზა დაეთმო სეირანიანისათვის. ჭაბუკიც ასე მოიქცა. წუთით ორივე დაიბნა, აწითლდა, შემდეგ ქალიშვილი პირ-

ველი მოეგო გონს, სასწრაფოდ შეაღო ეზოს კარი და შევიდა. გრიგორ სეირანიანი მექანიკურად მიჰყვა და ეზოში შესულმა ისღა დაინახა, რომ ქალიშვილი სწრაფად ადიოდა კიბეებზე. ვაჟმა თავის ოთახს მიაშურა, კარი გააღო და შევიდა. მის გულს ბაგაბუგი გაუდიოდა.

ამ შეხვედრამ წარუშლელი კვალი დატოვა მასზე. ამ დღეს არაფერი გაუკეთებია; წარმოიდგინეთ, ჰამაც კი დაავიწყდა. სხვა დროს, გიმნაზიიდან დაბრუნდებოდა თუ არა, მაშინვე სასადილოდ მიდიოდა, დღეს კი... მორცხვი ქალიშვილის ლამაზი სურათი განუწყვეტლივ თვალწინ ედგა. „რა მემართება?—ფიქრობდა იგი,—ნუთუ შეყვარების პირველი ნიშნები ეს არის?“ ამ სიტყვებზე გაეცინა და მეცადინეობას შეუდგა. მაგრამ სტრიქონებს შუა, წიგნის გვერდებზე კვლავ ქალიშვილის სურათს ხედავდა. „არა, აუტანელია“, — ბოლოს წამოიძახა, პალტო წამოიხურა და ქუჩაში გავიდა, რომ ტვინი ცოტათი მაინც დაესვენებინა. საათი ამოიღო, დახედა: — „ვაჰ! — წამოიძახა გაკვირვებით, — უკვე საღამოა... ღმერთო ჩემო, ეს რა მემართება, რომ ვერ გამიგია, რა დრო გასულა!“. სეირნობის გუნებაზე არ იყო, რომელიღაც შეუცნობელი გრძნობა შინისკენ ეწეოდა. სწრაფად დაბრუნდა თავის ოთახში, ძალზე დაღლილი დაემხო საწოლზე, თავი ხელეში ჩარგო და განუწყვეტლივ იმეორებდა: „გავგიჟდები... გავგიჟდები“...

ლაჰე ძალიან ცუდად გაატარა. დილაადრიან რომ წამოღება, მაშინდა შეამჩნია — გაუხდელად ჩასძინებოდა. ეს არაჩვეულებრივი საქციელი სასაცილოდ არ ეყო. „ვენახოთ ეს გამოცანა. რით დაბოლოვდება“, — თქვა და პირი დაიბანა. ციემა წყალმა აფორიაქებული ნერვები დაუწყუნარა და გაკვეთილების მომზადებას შეუდგა. როგორც ყოველთვის, დღესაც თავის დროზე მოუტანეს ჩაი, შესვა, პური შეატანა, მერე წიგნები აიღო და გასწია. ეზოს კარებთან უნებლიედ შეჩერდა და თვალები კიბეებს მიაპყრო. „იგი ჩამოვა!“ — თავისთავად ჩურჩულებდნენ მისი ტუჩები. მაგრამ აჰყვრად ქალიშვილი არ გამოჩენილა. „სულელი ვარ“, — თქვა და გარეთ გავიდა. ამ დღიდან თითქოს რაღაც მძიმე ლოდი დაადეს გულზე.

მის თვალწინ დღენიადავ ელვარებდა ქალიშვილი ნუნეს თავაზიანი, მორცხვი სურათი და ერთ დღეს რომ ისე გაველო არ დაენახა ნუნე, სასოწარკვეთილებისა და სევდის ცრემლებს აფრქვევდა: ჰამის მადა სულ დაეკარგა, ძალიან ცოტას ჰამდა, მეცადინეობასაც უკლო; რამდენჯერაჟი თავი მოეჭრა მასწავლებლის წინაშე.

— რა ამბავია თქვენს თავს, სეირანიანი? — ერთხელ ჰკითხა მასწავლებელმა, — როგორც ვატყობთ, გაკვეთილებს აღარ ამზადებთ.

— ავად ვარ, ბატონო მასწავლებლო, — უპასუხა სეირანიანმა. თავის გასამართლებლად სხვა ვერაფერი გამოიხატა.

— თუ ავად ხართ, გამოჩანმრთელებამდე სკოლაში ნუ მოხვალთ. მიმართეთ ექიმს, ავადმყოფობას ნუ წაუყრებთ.

სეირანიანი ასეც მოიქცა. ერთი კვირა გიმნაზიაში არ დაიარებოდა, დიდიდან საღამომდე ჩაკეტილი იყო ოთახში, თვითონაც არ იცოდა, რას სჩადიოდა.

„ასე ვაგრძელება ყოვლად დაუშვებელია“, — ბოლოს დაასკვნა მან, წიგნებზე, ამხანაგებზე, გაკვეთილებზე, თავის მომავალზე დიდი ხნის ფიქრის შემდეგ...

„მაგრამ რა ვქნა, რა ვქნა?.. — სანოწარკვეთილებით დაუმატა მან. — ეს უკეთური გრძნობა მოსვენებას არ მძლევს... თითქმის გაპაგუჯა“... თურმე ბედი პირველად უღიმოდა მას, უღიმოდა იმ მიზნით, რომ შერე საშინელ სილატაკემდე მიეყვანა.

ამ შაბათ დღეს ერთი თვე სრულდებოდა, რაც გრიგორ სეირანიანი აღა იაგორ ბულდანიჩის სახლში ცხოვრობდა. სეირანიანი საღამოს მოემზადა, რომ სახლის პატრონისათვის მომავალი თვის ანგარიშში ჭირა გადაეხადა; აღას წესად ჰქონდა დათქმული მომავალი თვის ჭირას მდგმურებს თვის პირველ რიცხვებში ახდევინებდა.

ამ დღემდე ქაბუკი სრულებით არ დაინტერესებულა, ვინ იყო ის ქალიშვილი, რომელმაც ასე მოაჯაღოვა. „ერთიც ვნახოთ სახლის პატრონის ქალიშვილი აღმოჩნდა!..“ — გაიფიქრა. გრიგორი მალე გამოეწყო, თმა დაივარცხნა და სახლის პატრონისკენ გასწია.

როცა კიბეზე აღიოდა, აჩქარებული გულისცემა იგრძნო, მუხლზე ეკეცებოდა. მან ჩაუარა ფანჯრების რიგს და აღას ერთ-ერთ ოთახს კართან მოწიწებით შეჩერდა, შეაღო კარი, შევიდა. პირველი, ვისაც თვალი მოჰკრა, ნუნე იყო. იგი ფანჯრის წინ სავარძელში იჯდა და წიგნს კითხულობდა. ცოტა მოშორებით, დივანზე დედა იჯდა, აღას მეუღლე — ქართულ ტანსაცმელში გამოწყობილი — დაახლოებით ოცდათხუთმეტი წლის კოპია დედაკაცი. ისე წააგავდა თავის ქალიშვილს, როგორც გაჭრილი ვაშლი. დედაკაციც რაღაც წიგნს კითხულობდა. როგორც კი სეირანიანი ოთახში შევიდა, დედამ და ქალიშვილმა ერთდროულად კარებისკენ მიიხედეს.

სეირანიანი ძალზე დაიბნა — ქუდით ხელში კარებთან შეჩერდა, იგრძნო უხერხულ მდგომარეობაში ჩაყარდა და თითქოს ეშინიაო, დიდი მოკრძალებით დაბალი ხმით ჩაილაპარაკა:

— ბოდიში, ქალბატონო... მე... მე... ხელი შეგიშალეთ...

— ახ, სრულებითაც არა, ბატონო სეირანიანი, — თავაზიანი ღიმილით და რაღაცნაირი მომხიბლავი ხმით სწრაფად შეაგება პასუხი ქალბატონმა. — რა გნებავთ?.. საქმე გაქვთ?

— მე... მე სახლის ქირა მოვრტანე, ქალბატონო, — ძალზე აღელვებით მიუგო სეირანიანმა. ამჯერად ჭაბუკი ზედმიწევნით ლამაზი იყო. ქალიშვილმა ნუნემ გადახედა მას, სირცხვილისაგან აწითლდა და თავი წიგნზე დახარა.

— ასე რა გაჩქარებდათ? — უთხრა ქალბატონმა, იმავე თავაზიანი ერთგვარი ალერსიანი ღიმილით და სეირანიანს სირცხვილისაგან დახრილ მშვენიერ თვალებში შეხედა. — ჰო, მართლა, რატომ არ დაბრძანდებით, ბატონო სეირანიანი? — და შორიასლო სავარძელზე მიუთითა.

სეირანიანი ფიქრობდა მალე გაშორებოდა აქაურობას, მაგრამ რომელიღაც შინაგანი უხილავი ძალა აკავებდა. რამდენიმე წამს ყოყმანობდა, შემდეგ გაბედა და ქალბატონის მიერ შეთავაზებულ სავარძელზე მექანიკურად დაჯდა. იგი ნუნესკენ მოხედვას ვერ ბედავდა, თუმცა მთელი ჭკუა-გონება იქით ჰქონდა გაკრეფილი.

— ჰო, მართლა, თქვენ მგონი ჯერ არ იცნობთ ჩემს ქალიშვილს? — უეცრად შეეკითხა ქალბატონი.

— არა, ქალბატონო... ჯერ მე... მაგ პატივისცემის ღირსი არ გავმხდარვარ, — უპასუხა მეტად აღელვებულმა სეირანიანმა, რომელსაც გულის ისე მძაფრად აუჩქროლდა, რომ მკერდზე ხელი მიიღო.

— მაშ გთხოვთ, გაიცნოთ.

სეირანიანი მექანიკურად წამოდგა, ასევე მოიქცა ქალიშვილიც, ისინი ერთმანეთს მიუახლოვდნენ, სახეზე არ შეუხედავთ, ხელი მაგრად ჩამოართვეს და ორივემ თავისი სახელი ჩურჩულით წარმოთქვა. სეირანიანი თვითონაც ვერ ხვდებოდა, ჩვეულებრივზე მეტ ხანს რატომ გააჩერა ქალიშვილის ხელი თავის ხელში, მხოლოდ იმას გრძნობდა, რომ რაღაც უჩუანტელი უვლიდა მთელ სხეულში. შემდეგ ორივემ ისევ თავიანთი წინანდელი ადგილები დაიკავეს. ამ დროს მსახური შემოვიდა და ქალბატონი რაღაც საქმის გამო გაიხმო.

— შაპატიეთ, ბატონო სეირანიანი, — უთხრა ფეხზე წამოდგარმა

ქალბატონმა, — მალე დავბრუნდები... მხოლოდ რამდენიმე წუთით... მანამდე ლაპარაკით შეიქცეით თავი... ნუნე, სტუმარი გაართე, მე ახლავე შემოვალ.

ქალბატონმა წიგნი მაგიდაზე დადო და ოთახიდან გავიდა.

სეირანიანის მდგომარეობა აუტანელი გახდა, იგი მარტოდ მარტოდ დარჩა იმ ქალიშვილთან, რომელიც უყვარდა და ვისთვისაც მზად იყო ყველაფერი, წარმოიდგინეთ სიცოცხლეც კი შეეწირა. ნას არც რცხვენოდა, არც ეშინოდა, არამედ რაღაც არეულ, გაურკვეველ მდგომარეობაში იყო და მხოლოდ იმას გრძნობდა, რომ გული საოცრად ტკბილად უცემდა მკერდში, უფართხალებდა ისე, თითქოს აგერ-აგერ გამოვარდებდა და ქალიშვილს ფეხქვეშ ჩაუფარდებოდა. მაგრამ პირისპირ შეხედვას მაინც ვერ უბედავდა და მზერას კედლებზე დაატარებდა. ნუნე ისევ თავის ადგილზე იჯდა. გრძელი შავი წამწამები, რომლებსაც მისა შავი თვალები მოეჩრდილათ, ძირს დაეხარა; თეთრ ლაწვევებზე ვარდისფერი დასდებოდა, ხოლო მკერდი შესამჩნევად აუღ-ჩაუღიოდა. ეტყობა ისიც ღელავდა. ისე მოუსვენრად ფურცლავდა წიგნს, იფიქრებდით, რაღაც ჭაერი თუ აქვს, და ახლა იყრიაო. ოთახში მღუმარება სუფევდა. ბოლოს, როგორც იქნა, სეირანიანმა პირდაპირ შეხედა და მისი მზერა ოთქოს გაიყინა ქალიშვილის სახეზე. ღმერთო ჩემო, რა ლამაზია! რა მომხაბლავი! რაოდენ ნაზი და სათნო!.. იგი უნებლიეთ წაშოდგა და უნებურად გადადგა რამდენიმე ნაბიჯი, თითქოს რაღაც უხილავი ძალა ეწევა ამ უმშვენიერეს ქალიშვილისაკენ. ორი ნაბიჯის მოშორებით უეცრად შეჩერდა. მთელი სხეული შინაგან კანკალს აეტანა.

— რას... კითხულობთ ქალიშვილო? — ჩურჩულით ჰკითხა.

ქალიშვილი დაიბნა, თითქოს დაავიწყდა წიგნის სათაური, სასწრაფოდ გადაშალა თავფურცელი და დახედა.

— რასა და... ჰიუგოს „საბრალონი“, — ნაწყვეტ-ნაწყვეტად უპასუხა ისე, რომ თვალები არ მოუშორებია წიგნის სათაურისათვის. ამასობაში თავის თავს მოერია და სახეში შეხედა სეირანიანს, რომელიც უკვე დაჟინებით უყურებდა.

— „საბრალონი?“ — როგორც იქნა გაიმეორა ვაჟმა.

— დიახ... თქვენ წაკითხული გაქვთ?

— მე... დიახ... წამიკითხავს.

— მერე რა აზრასა ხართ?

— რა აზრისა?.. ამ რომანის კითხვის დროს ვტიროდი.

ქალიშვილმა გაიღიმა.

— მეც ვიტყვი.

— ისე წაკითხვა შეუძლებელია... ვინ იქნება ისეთი, წაკითხოს და არ ატირდეს?.. მხოლოდ გულქვა ადამიანი.

— ყველაზე მეტად ვინ მიიპყრო თქვენი ყურადღება?

— ვინ?.. ეს ვალჟანმა... თქვენი?

— მარიუსმა და კოხეტამ, — უნებლიეთ წამოსცდა სეირანიანს და ძალზე გაწითლდა. სიწითლემ ნუნესაც გადაჰკრა და თვალები წაგზნე დახარა.

ამ დროს ქალბატონიც შემოვიდა. სეირანიანმა სახლის ქირა გადასცა და წასვლა დააბირა. მაგრამ მასპინძელმა სთხოვა ჩაიხე დაჩენილიყო. სეირანიანმა ჯერ უარი უთხრა, მერე კი დათანხმდა. იგი აღარ მორცხვობდა, არც იბნეოდა, თანდათან თამამად იქცეოდა. ბოლოს აღა იაგორ ბულდანიჩიც მოვიდა. მან დიდი სიყვარულით მიიღო სეირანიანი. ერთად ჩაიცი შესვეს, დიდხანს ისაუბრეს. შემდეგ იაგორ ბულდანიჩმა შესთავაზა, ნარდი ვითამაშოთო. სეირანიანმა არ იცოდა თამაში და ნუნემ იკისრა ესწავლებინა. შუალამენდე დარჩა სეირანიანი, იქიდან ძალზე კარგი შთაბეჭდილებით და მშვენიერი გუნებ-განწყობით დაბრუნდა შინ. ჩაწვა ლოგინში, მაგრამ კარგა ხანს ძილი არ ეკარებოდა. „ნუნე, ნუნე“, — ბავშვური აღტაცებით ხშირად იმეორებდა ქალიშვილის სახელს.

იმ დღიდან აღა იაგორ ბულდანიჩის სახლის კარები ფართოდ გაიღო მის წინ. ყოველ შაბათ საღამოს სეირანიანს პატივობდნენ რძიან ჩაიზე, შუალამენდე საუბრობდნენ, „ლოტოს“ და „ნარდს“ თამაშობდნენ. ნუნესა და სეირანიანს შორის ისეთი მტკიცე მეგობრული კავშირი გაიბა, რომ იტყოდით, ეს კავშირი მათი სულის ამოსვლამდე არ დაირღვევია. ზოგჯერ ერთადაც მეცადინეობდნენ, სხვადასხვა საკითხზე ცხარედ კამათობდნენ, მაგრამ ეს კამათი „აქლემის კუდად“ არ იქცეოდა, როგორც ხდება ჩვენ თანამედროვე ფუქსავატ, ფიცხ, ყოველგვარ მრწამსს მოკლებულ ახალგაზრდებში. მათი რწმენა-შეხედულებანი ცხოვრებაზე, მეტწილად მათ გარემომოცველ სხვა მოვლენებზე ძალიან არ განსხვავდებოდა, ამიტომაც კამათი მუდამ მშვიდობიანად მთავრდებოდა, ხოლო ამისდა კვალობაზე, რასაკვირველია, სიყვარული ორივეს გულში თანდათან ღვივდებოდა, რადგან გრძნობდნენ, რომ ეს ტრფიალი საზიარო იყო. ეხლა ისინი ერთმანეთის წინაშე აღარ იბნეოდნენ, პირიქით, ისე სერიოზულად ეკირათ თავი, წარმოიდგინეთ, მათი ურთიერთობა

თითქმის ოფიციალურს წააგავდა. პირველ დღიდანვე გრძნობდნენ, რომ ერთმანეთი უყვარდათ. ამას აჩინევდნენ ერთმანეთის თვალებში, მზერაში კითხულობდნენ და სდუმდნენ. ჭერ არცერთი სატრფიალო სიტყვა არ დასცდენოდათ არცერთს თავის მხურვალე გრძნობებზე. ამის მიზეზი, ერთის მხრივ, ქალიშვილის მშობლები იყვნენ, მეორეს მხრივ, რაც უმთავრესია, ორივეს უდიდესი კდემამოსრლება.

მაგრამ ამ მდგომარეობამ დიდხანს არ გასტანა.

ერთხელ, კვირა დღით, ჩაის შემდეგ, ნუნე ჩვეულებისამებრ ბინაზე ესტუმრა სეირანიანს, ახალი გაზეთით ხელში, რომ ერთად წაეკითხათ, როგორც სხვა დროს სჩადიოდნენ. ქალიშვილი ძალიან მხიარულ გუნებაზე იყო, სახეზე ბედნიერი ღიმილი დასთამაშებდა. სეირანიანი მაგიდას უჯდა, ზურგით კარებისკენ შებრუნებული და რაღაცას წერდა მთელი ვულისყურით. იგი ისე იყო გატაცებული თავისი საქმიანობით, რომ ნუნეს შემოსვლა ვერ გაიგო. ქალიშვილი ერთ წუთს შეჩერდა კარებთან, მიხვდა, სეირანიანმა მისი შესვლა ვერ გაიგო, ფეხის წვეკრებზე შედგა, ფეხაკრებით მიუახლოვდა ვაჟს და ღიმილით დაუწყო მზერა. სეირანიანი კვლავ ვერაფერს ამჩნევდა, გულმოდგინედ განაგრძობდა მუშაობას. მერე, ალბათ, დაამთავრა წერა, თავი აიღო, კალამი დადო, ღრმად ამოისუნთქა, ფეხზე წამოდგა და უეცრად უკან რომ მოიხედა, ნუნეს მომღიმარე ლაპაზ თვალებს შეეფეთა.

— ქალიშვილო! — შესძახა გაოგნებულმა ქაბუქმა და ანაზღვეულად გაწითლდა.

— დილა მშვიდობისა, ბ. სეირანიან, — მიესალმა გაღიმებული ნუნე და ხელი გაუწოდა.

სეირანიანმა მაგრად ჩამოართვა ხელი.

— თქვენ ქურდულად შემოპარულხართ, ქალიშვილო, — ღიმილით მიმართა ვაჟმა.

— ალბათ ხელი შეგიშალეთ... ისე იყავით წერით გართული... მაგრამ, შეიძლება ვნახო, რასა სწერდით? — და ქალიშვილმა რვეულისკენ გაიშვირა ხელი.

— ო, არა! ეგ შეუძლებელია, — უეცრად წამოიძახა სეირანიანმა და სანამ ქალიშვილის ხელი მიწვევებოდა რვეულს, სასწრაფოდ ხელში ჩაბლუჯა.

— მინდა ვიცოდე, რატომ არ შეიძლება? — შეეკითხა ქალიშვილი, იგი ვერ მიხვდარიყო, რვეულის გამო რა აშფოთებდა ვაჟს.

— ეს არავინ არ უნდა ნახოს...

-- არც მე?

ქალიშვილი ვერ მიხვდა, რატომ მისცა ასეთი შეკითხვა და ნაცვალ-სახელ „მეს“ საგანგებოდ გაუსვა ხაზი. სეირანიანიმა პირდაპირ შეხედა. ქალიშვილმა გაიღიმა. ალერსიანი მზერა სტყორცნა, რომელიც გულამდე ჩააწვდა ვაჟს, კვლავ აწითლდა და თვალები დახარა.

— წარმოიდგინეთ... არც თქვენ, — ჩურჩულით მიუგო მან.

— მე კი მინდა ვნახო... ალბათ რაიმე თხზულებასა სწერათ.

— დიახ... მაგრამ თქვენ იმას ვერ ნახავთ... არც უნდა ნახოთ.

— ბატონო სეირანიანი, ბოლოს და ბოლოს, გთხოვთ...

ქალიშვილმა ეს სიტყვები ისეთ კილოზე წარმოთქვა, რვეულს კი არა, სულსაც არ დაუტყვრდა სეირანიანი. მან გაუწოდა რვეული, თუმცა მაშინვე ისევ უკან დასწია ხელი. მაგრამ ქალიშვილმა აღარ აცალა და რვეული ჩამოართვა.

— ალბათ ფიქრობთ, თქვენი ნაწარმოები არ მომეწონება... კარგად მოგეხსენებათ, კრიტიკოსი არა ვარ, — ამის თქმაზე იგი მაგიდას მიუჯდა და რვეულის ფურცვლა დაიწყო. სეირანიანი გარინდებული იდგა. შუბლზე ცივი ოფლი აჩნდა, გეგონებოდათ, აგერ-აგერ სასიკვდილო განაჩენი უნდა წაუეითხონო.

ქალიშვილი ჩუმად კითხულობდა რვეულს. თანდათან წითლდებოდა, პეკრდი ძალუჰად აუღ-დაუდიოდა, ხოლო ტუჩები უთრთოდა. უეცრად თავი გაანება რვეულის გვერდების ბოლომდე წაეითხვას, ზეღიზიდ ჩაიკითხა მეორე, მესამე, მეოთხე... ბოლოს უკანასკნელი გვერდი, დაზურა რვეული, წაჰოღვა, მიუახლოვდა სეირანიანს, რომელიც ისევ ისე გარინდებული იდგა, ხელი მოკიდა და აკანკალებული ხმით წაიჩურჩულა.

— დიახ, გრიგორ, მიყვარხარ...

მკითხველი უთუოდ მიხვდა რა ეწერებოდა იმ რვეულში. — სეირანიანი ჩვეულებად ჰქონდა ყოველდღიური შთაბეჭდილებების ჩანიშვნა. ამავე რვეულში იყო აღწერილი ის შემთხვევები, რაც ნუნესადმი ტრფიალს ეხებოდა გაცნობიდან დღევანდლამდე, აგრეთვე—სულ უნნიშვნელო საუბრების შინაარსიც და ბოლოს, სიტყვა-სიტყვით გუშინდელი ლაპარაკიც, რომელიც თავდებოდა: „ღმერთო ჩემო, სანამდე გავრძელდება ეს მდგომარეობა! ნუთუ არასდროს წარმოთქვამენ მისი ბაგენი — ვუყვარვარ თუ არა!“ აი ამ სტრიქონების წაკითხვა იყო და ქალიშვილმა ვეღარ მოითმინა, გახსნა ბაგე და წარმოთქვა ის უწმინდესი

სიტყვები, რომელთაც დიდი ტანჯვით, რა ხანია, გულში ინახავდა, და მზად იყო ყოველ წამს ვულკანიდან ამოფრქვეულ ლავასავით გადმო-
ენტხია. დიახ. ამ წმინდა სიტყვების დაფარვა ქალიშვილმა ველარ შეძ-
ლო, ამოთქვა და თან ამოაყოლა სული და გული...

ერთმა წელმა განვლო. სეირანიანი იხევე აღა ბუღდან იაგორიჩის
სახლში ცხოვრობდა. მასსა და ნუნეს შორის მეგობრული ურთიერთობა
კიდევ უფრო გულითადი განხვდარაყო. მათ სიყვარულში იოტისოდენა
ცვლილება არ შეიმჩნეოდა. სატრფიალო გრძნობებს აყოლილნი, სულ
უფრო მზურვალედ მისდევდნენ თავისი გულის კარნახს და ღრმად დარ-
წმუნებული იყვნენ, რომ ვერავითარი ძალა ვერ დააშორებდა მათ სუ-
ლის ამოვლამდე. ხშირად, კარგ ამინდში, საღაპოობით, ერთად სეირ-
ნობდნენ, ხოლო კვირაობით მიდიოდნენ ეკლესიაში, ან მხოლოდ ორნი,
ანდა ნუნეს დედის თანხლებით. ამ ძალზე გულკეთილ მიაშიტ დედაკაცს
გრიგორი შვილივით უყვარდა. შეყვარებულებს ისე ეჭირათ თავი, რომ
ქალიშვილის მშობლებს ფიქრადაც არ მოუვიდოდათ, თუ მათ ერთმანე-
თი უყვარდათ. ეს მეტადრე სეირანიანზე ითქმოლა, რომელიც თავიდან-
ვე ცნობილი იყო თავდაბალ, თავაზიან და ჰკვიან ახალგაზრდად.

სიყვარულის თემაზე ისინი მხოლოდ სეირანიანის ოთახში საუბრობ-
დნენ.

მათი ტრფობა იყო გულწრფელი, უმწიკვლო, და როგორც ამბობენ,
წმინდა. მათ მეტი არაფერი სურდათ, გარდა ერთმანეთთან საუბრისა,
ბავშვური ოხუნჯობისა, სიცილ-კისკისის, თვალეში ცქერის, ღიმილისა
და ბოლოს ერთმანეთის გულში ჩახუტების; ეს მათთვის ზეციური ბედ-
ნიერება იყო, რომელსაც სხვა არაფერში გააცვლიდნენ.

იმავე წელს სეირანიანმა გამოსაშვები გამოცდები ჩააბარა და გიმ-
ნაზია საუკეთესო მოსწავლის სახელით დაამთავრა.

უკვე დრო იყო მომავალზე ეზრუნა. კარგა ხანია განზრახული ჰქონ-
და სწავლა რუსეთში გაეგრძელებინა, ან საზღვარგარეთ რომელიმე
უმაღლეს სასწავლებელში. თავიდანვე გარკვეული მიზანი ამოძრავებდა,
უნდოდა ექიმი გამოსულიყო, რომ სამშობლოსათვის კეთილი სამსახური
გაეწია, სამშობლოსათვის, რომელიც თავისი გულის უწმინდესი გრძნო-
ბებით უყვარდა. ასევე უყვარდა პირქუში უბრალო გლეხი, მისი მიწა,
შრომა. იგი თავის მოძმედ მიაჩნდა, თავის სისხლ-ხორცად, გლეხში და
მის ნაოფლარში ხედავდა თავის არსებობის დასაყრდენს, ამიტომ ვალ-
დებულად მიაჩნდა თავი, ჩამდენადაც ძალა შესწევდა, ხელი გაეწოდე-

ბინა გლესკაცებისათვის, დახმარებოდა მათ. ამის შესახებ ხშირად უსაუბრია ნუნესთან, მაგრამ ქალიშვილი ღიმილით მიუგებდა ხოლმე:

— ეხლა ლაპარაკობ ასე, თორემ როცა წახვალ, ინახულებ ევროპულ ცხოვრებას, ჩანწვლები იქაურ ყოფას, გაეცნობი მათ პირობებს, მოთხოვნილებებს და ბოლოს შეეჩვევი იმ ცხოვრებას, მაშინ ამაზე აღარ ილაპარაკებ, სავსებით დაივიწყებ გლესსაც, სამშობლოსაც, ისევე, როგორც იქცევა ჩვენი ახალგაზრდობის დიდი ნაწილი.

— ჩემიც შეისმინე, ნუნე, — უპასუხებდა სეირანიანი, — სავსებით უფლებაა მოსილი ხარ ეგრე განსაჯო, ვინაიდან ამისი მრავალი მაგალითი არსებობს, მაგრამ მე რისთვის მადარებ იმ ახალგაზრდებს... რატომ არ გინდა, უპირველეს ყოვლისა, აწონ-დაწონო ის გარემოცვა, საზოგადოება, პირობები, რომლებშიც აღიზარდნენ ისინი და მე... აბა სცადე და შეამოწმე, მერწმუნე, დიდ განსხვავებას დაინახავ იმ ახალგაზრდებსა და ჩემს შორის... რასაკვირველია, ჩემი ქება და თავის მართლება არ მინდა, მაგრამ, ასეა თუ ისე, კარგად მიცნობ, იცნობ ჩემი ცხოვრების პირობებს... თუ თბილისში. სადაც ბევრი სწორ გზას აცდენია, აქდენი ხნის განმავლობაში ფერი არ ვიცვალე, უწინდელი ზნე და ხასიათი არ დაეკარგე, ალბათ, ვერც ევროპული ცხოვრება შემიცვლის ნიჩს. მერწმუნე, ნუნე, მართალია დიდი ხანია მოშორებული ვარ სოფელს, მაჰა-პაპურ ოჯახს, აი გიმნაზიაც წარჩინებით დავამთავრე, შეიძლება ითქვას. ფუფუნებით ცხოვრებას ვეზიარე, ამ წუთას მაინც ისევ გლესი ვარ, ჩემს ძარღვებში ისევ მშრომელი გლესის მხურვალე სისხლი ჩქეტს და ყოველთვის მზადა ვარ მიწა მოეხნა, მწარე ოფლი დავღვარო, ხოლო კალოზე გაღიღინებული „ოროველა“ უფრო ტკბილად ჩამესმის და ჩემს გულთან უფრო ახლოა, ვიდრე სხვადასხვა სიმფონია და რომანსი...

სეირანიანის ასეთი გონივრული ლაპარაკი ძალზე მოსწონდა ნუნეს, დიდად სიამოვნებდა და უღრმესი კმაყოფილების ღიმილით უსმენდა.

— ახ, გრიგორ! — ჩასჩურჩულებდა ქალიშვილი ამ დროს, — ასეთი სიტყვებით გლესური ცხოვრებისადმი სიყვარულს მინერგავ... დიახ, ტკბილია იგი, გრიგორ... რატომ გლესის ქალად არა ვარ დაბადებული?.. მეც შენთან ვიქნებოდი... ერთად გავუწევდით სამსახურს გლესობას... ერთად...

— დიახ, დიახ, ჩემო ძვირფასო, ჩვენ იქ ერთად ვიმუშავებდით — სოფლის მშვიდობიან პირობებში, — აღფრთოვანებით იმეორებდა ახალგაზრდა და ნუნეს მღელვარე გულში იკრავდა.

ივლისის თვე იდგა.

სალამოს ქამს, როცა მზე უკვე ჩასულიყო, პატარა სარკმელთან მჯდარი სეირანიანი მომავლის სამოქმედო გეგმებს ადგენდა... მან კარგა ზანია მშობლებისაგან მიიღო უმადლეს სასწავლებელში შესვლის ნებართვა და ახლა ბავშვივით იყო გაბნარებული, ბედნიერად გრძნობდა თავს. იმისი სული და გული, გონება ჯერ კიდევ არ მოეწამლა ჰქარე ცხოვრებას და ამაზე ფიქრიც არ სურდა. რატომ? — ვინ იცის, რქსებ ეგონა ადამიანს რაც უწერია, იმას ვერსად გაექცევაო, ანდა შესაძლოა ფიქრობდა, თუ წინასწარ შევქმენი ჩემს ირგვლივ მქმუნვარე ატმოსფერო, ვაითუ ახლანდელი ბედნიერება ჩამშხამდესო... ამიტომ, აბა რა საჭირო იყო ქუფრი ფერების გარევა, ბნელ ცხოვრებაზე ფიქრი, როცა ჯერჯერობით ბედი უღიმოდა...

ვინ იცის, სეირანიანი რამდენ ზანს ყოფილიყო გართული ამ ბედნიერი ოცნებით, რომ უეცრად კარი გაიღო, სახლსპატრონის მსახურმა დეპეშა გადასცა და უმალ გაბრუნდა. სეირანიანი პირველად ღებულობდა დეპეშას, ამიტომ აღლევებით გახსნა და ჩუმად დაიწყო კითხვა. უცბად გველნაკბენივით წამოხტა, მთელი ტანით აცახცახდა და ძირს დაეწარცხა, იატაკზე დავარდნილი დეპეშის გვერდით.

სწორედ ამ დროს ჩვეულებისამებრ ნუნე შემოვიდა ოთახში, რომ ცოტა ხნით მასთან ესაუბრა. მაგრამ სახტად დარჩა და იმავე დროს ძალიან შეეშინდა კიდევ, როცა სეირანიანი იატაკზე გაშხლართული, ცოცხალმკვდარი დაინახა. იგი გიჟივით მივარდა და შეანჯღრია.

— გრიგორ, გრიგორ, — ჩასძახოდა იმედგაცრუებული ქალიშვილი.

სეირანიანი სიცოცხლის არავითარ ნიშანს არ იძლეოდა.

ქალიშვილს მკვდარი ეგონა, მაგრამ, რისგან?.. შიშისაგან გული უწუხდა, ეკუმშებოდა; მკერდზე დაადო ხელი, გული უტყვდა — საყვარელი არსება ცოცხალი იყო... იმედი მიეცა... და სწრაფად გავარდა ოთახიდან. ერთი წუთის შემდეგ უკან დაბრუნდა მოზრდილი შუშით ხელში. შუშა ცხვირთან მიუტანა სეირანიანს და გრიგორმა მალე თვალები გაახილა... ნუნეს თავის სიცოცხლეში არასოდეს უგრძნვია თავი ისე ბედნიერად, როგორც ამ წუთას, როცა საყვარელი ადამიანის თვალებმა წიანათა.

— გრიგორ, — შესძახა, მოეხვია და ფეხზე წამოდგომაში დაეხმარა. მან სეირანიანი საწოლზე დასვა და გვერდით მიუჯდა, — რა დაგეზართა? — შეეკითხა და ხელი შუბლზე მიადო.

სეირანიანი სულელივით უყურებდა სახეში.

— არ გეხმის, გრიგორ? რა დაგემართა? — მოუსვენრად ეკითხებოდა ქალიშვილი.

— რა? — მომაკვდავის ხმით შეეკითხა სეირანიანი.

— რამ შეგიღონა გული?.. ავადა ხარ?.. რა გტყივა?..

სეირანიანი ცოტა გონს მოვიდა. ეტყობოდა, არაფერი ახსოვდა. თავი ხელებში ჩარგო. უეცრად იატაკზე დეპეშას მოჰკრა თვალი, უნდოდა წამოდგარიყო, რომ დეპეშა აეღო, მაგრამ ძალა არ ეყო, და ხელით ანიშნა ნუნეს, გაოცებულმა ნუნემ დეპეშა აიღო და წაიკითხა: „გუშინ საღამოს ავაზაკები თავს დაესხნენ თქვენს მშობლებს, დახოცეს და მთელი სიძლიერე გაიტაცეს. მალე მოეშველეთ“. პირველი სიტყვების გაგონებისთანავე სეირანიანს ყველაფერი მოაგონდა, უდანაშაულო ბავშვივით აქვითინდა და ბალიშზე დაეცა.

ნუნესათვის ყველაფერი ნათელი გახდა. მაგრამ მაინც გაოცებული იყო, რომელმა უსულგულო და უქკუო ადამიანმა გამოუგზავნა ამ შინაარსის დეპეშაო... სად გაგონილა შვილისთვის ასეთი შემადიწუნებელი დეპეშის გამოგზავნა?.. იგი მიხვდა რაოდენი ტანჯვა-წამება მოელოდა თავის საყვარელ გრიგორს და მასაც; სეირანიანის ტანჯვა-ვაება ხომ მისი ტანჯვა-ვაებაც იყო — ქალიშვილი უსმენდა სეირანიანის მწარე ქვითინს და გრძნობდა, რომ ცრემლი მასაც ახრჩობდა. მაგრამ ცდილობდა თავი შეეკავებინა, მხნედ იყო, რომ საყვარელი ადამიანისათვის ნუგეში ეცა. ასეც მოიქცა, ტკბილი და ალერსიანი სიტყვებით დაუწყო გამხნეება, მაგრამ დანაკარგი იმდენად დიდი იყო, რომ ვერ შესძლო სეირანიანის დამშვიდება, მით უფრო, რომ ქაბუქს ასეთი უბედურებისათვის თვალის გასწორება პირველად უნდებოდა.

— თავს აღარ ვიცოცხლებ... ამიერიდან ობოლი ვარ, — განუწყვეტლივ იმეორებდა და ცხარე ცრემლებს აფრქვევდა.

— დამშვიდდი, გრიგორ, დამშვიდდი, — ამხნეებდა ნუნე, — შენ ჯერ ობოლი არა ხარ, მე ხომ აქა ვარ... კარგი და, ერთი მითხარი, რას გააწყობ ბედისწერასთან?.. მამაკაცი ხარ და ასეთი სისუსტე არ შეგფერის... გამხნევდი, გრიგორ... ცრემლებს მხოლოდ დიაცნი ღვრიან.

სეირანიანს ამ სიტყვებისა შერცხვა და ცრემლები შეიხოცა.

— აი ეგრე, ჩემო გრიგორ... როგორ არ იცი, რომ სასოწარკვეთილება კარგი საქმე არ არის? ადამიანმა სასოწარკვეთილების წინაშე არასოდეს არ უნდა მოიხაროს ქელი, თორემ დაკარგულია... რატომ არ გინ-

და გაიცნო ცხოვრება, შეურიგდე მის უკუღმართობას?.. და რომელი მომავლადგია თავისუფალი, რომ მის თავზე არ დატრიალებულა ანდა არ დატრიალდება ამ ცხოვრების ჩარხი?.. შეებრძოლე მას, შეებრძოლე მეღვრად, მტკიცედ და მერწმუნე, გამარჯვებაც შენი იქნება...

და ქალიშვილმა გამხნეების მიზნით ქაბუკი მხურვალედ ჩაიკრა გულში.

სწორედ ამ წუთებში ოთახის კარები გაიღო და ზღურბლზე ალა იაგორ ბულდანიჩის მრგვალი, ჩახსმული ტანი გამოჩნდა. მან დაინახა, რომ მისი ქალიშვილი სეირანიანს ეხვეოდა და ადგილზე გაქვავდა ქალიშვილმა მამის დანახვაზე შეჰკვილა, ქაბუკს ხელი გაუშვა და წამოხტა. სეირანიანი სახტად დარჩა. ალა იაგორ ბულდანიჩი საერთოდ იშვიათად შედიოდა სეირანიანის ოთახში და ახლა თითქოს მუხანათ ბედს მოეცვანა, რომ ერთ თავზარდამცემ დარტყმას მეორეც მოჰყოლოდა.

აუწერელი აშბავი დატრიალდა, საზარელი სურათი გადაიშალა. აღამ ლანძღვა-გინების, ქუჩური სიტყვების კორიანტელი დააყენა, ნუნეც და სეირანიანიც ლაზათიანად გამოლანძღა. ამას შედეგად ის მოჰყვა, რომ მეორე დღით სეირანიანის ოთახი უკვე ცარიელი იყო, იმისი ბარგი-ბარხანა ქერივი ბიცოლას სახლში გადაეტანათ, ხოლო თვითონ სოფლის გზას გასდგომოდა.

დ

ამ დღიდან გაიარა ერთმა წელმა. ჩვენი ნუნე და სეირანიანი მეორე თავში აღწერილ სენაკში აღმოვაჩინე. შუალამე იყო, წვიმიანი აპინდი იდგა. დიდი ხნის განშორების შემდეგ ხელახალმა შეხვედრამ ორივეზე დიდად იმოქმედა, მეტადრე სეირანიანზე, რომელსაც ყოველგვარი იმედი ჰქონდა დაკარგული, რომ ოდესმე კვლავ შეხვდებოდა თავის საყვარელ არსებას. სეირანიანი კვლავ ნუნეს მკერდში იყო ჩაკრული. რა ძალას შეეძლო ამ ორი მხურვალედ მოსიყვარულე გულის ხელახლა გათიშვა!.. ქალიშვილს ლაპარაკი არ ძალუძდა: მოზღვავებული ცრემლი ახრჩობდა, კრინტს ვერ სძრავდა. მხოლოდ იმას ცდილობდა, რაჟიონიც ძალა შესწევდა, საყვარელი ქაბუკი გულში ჩაეკრა. თითქოს ეწინოდა, კვლავ გულიდან არ აეგლიჯათ, ამის შემდეგ ვერასოდეს ველარ ნახავდა. სეირანიანს ესმოდა მისი ქვითინი, თვალწინ დაუდგა თავისი მწარე წარსული, თავი ველარ შეიკავა და ბავშვივით თვითონაც ატირდა.

ასე ჩახუტებულნი მხოლოდ ქვითინებდნენ, რომ უეცრად წვიმაში არეული ქარი ღია კარებიდან ოთახში შემოიჭრა, იქაურობა ააფორიაქა და გამოაფხიზლა.

— მოდი, ჩემო სიცოცხლე, ჩემო ანგელოზო... მოდი, დაჯექი, — უთხრა სეირანიანმა ღონემიხდილ ქალიშვილს, მოეხვია, საწოლზე დასვა და კარები მიხურა. — ო, რამდენი რამ მაქვს შენთვის სათქმელი და გამოსაკითხი, ჩემო ძვირფასო ნუნე, — თქვა მან, ქალიშვილს გვერდით მიუჯდა და აკანკალებული ხელები დაუჭირა. — კი არ გაცივდე, ჩემო ანგელოზო, ძთლად დასველებულხარ... მოიცა, ეხლავე ჩემს პალტოს მოგახურავ, — მივიდა, კედელზე დაკიდული მოძველებული პალტო ჩამოიღო და მზრუნველ დედასავით ქალიშვილს ოდნავ აკანკალებულ მხრებზე მოახვია. — ასე. ახლა გათბები — და კვლავ გვერდით მიუჯდა. — ეხლა ეს მითხარი, რა იცოდი, რომ მე აქ ვიყავი...

— გრიგორ, განა ასეთ წვრილმან კითხვებზე პასუხის გესაცემად მოვედი?.. ისიც საკმარისია, რომ კვლავ შენთანა ვარ და გესაუბრები...

ახალგაზრდას დაღვრემილი თვალები სიხარულისაგან გაუბრწყინდა. აიღო ქალიშვილის გამხდარი ნაზი ხელები და ხარბად დაუწყყო კოცნა.

— ძვირფასო ნუნე, ვერც წარმოიდგენ, მე უბედურ ყმაწვილ კაცს რა ბედნიერებას მანიჭებს შენი ეგ სიტყვები, — წამოიძახა აღფრთოვანებით. — მაგრამ რატომ არ უნდა ვიცოდე, ამ შუაღამისას, ასეთ საშინელ ამინდში როგორ შესძელი ჩემთან მოსვლა... ანდა რა იცოდი, რომ ამ ოთახში ვცხოვრობ?

— ეჰ, გრიგორ, შეყვარებულ გულს არაფერი დაემალება... ყველაფერს ვიამბობ, ჭერ დამაცადე გიყურო. ერთ წელზე მეტია აღარ მინახავხარ. — და ხელები ახალგაზრდას მხრებზე დააწყობა. ხარბად ჩასცქეროდა დიდრონ ცეცხლოვან თვალებში, რომლებიც ამ დროს უზომო ბედნიერებით გაბრწყინებოდა. — შენ სახეზე ვკითხულობ, გრიგორ, რამდენი სევდა, ტანჯვა, ნატვრა-ოცნება ვადაგიტანია, მაგრამ თვალები მაინც იგივე დარჩენილან...

— შენ კი, თუქვა ცოტა გამხდარხარ და ფერი წაგსვლია, უფრო გალაპაზებულხარ და თვალებში მეტი ეშხი ჩაგდგომია, — ამის თქმას ისინი კვლავ ერთმანეთს მოეხვიენ. — მიაშბე, მიაშბე, ჩემო ანგელოზო; როგორ გაატარე ეს ბედშავი წელიწადი. — დაუმატა სეირანიანმა და ხელი გაუშვა. — გეტყობა, ბევრი ტანჯვა გამოგივლია.

— დიახ, გრიგორ, ძალიან დავიტანჯე ამ ერთ წელს, შენი აქ არ-
ყოფნის დროს, — დაიწყო ქალიშვილმა და ღრმად ამოიხზრა. — თით-
ქოს ის არ კმაროდა, რა უბედურებაც შეგემთხვა, ჩემმა გულქვა მაჰამაც
შეურაცხყოფა მოგაყენა, სახლიდან გაგაგლო. ყოველივე ამან ღრმა ზწუ-
ხარებაში ჩამაგდო და, ალბათ, დიღინის მკვლარი ვიქნებოდი, შენი სი-
ყვარულის, შენთან შეხვედრის იმედი რომ არა მქონოდა. ერთის მხრივ,
შენი ნახვის სურვილი მტანჯავდა, მეორეს მხრივ — ჩემი უჯულო მამა.
იმ ბედშავი დღის შემდეგ წამით არ მასვენებდა, — რა სიტყვებით არ
ნლანძღავდა, თავს ლაფს მასხამდა... რა გინდ გულადი ვიყო, გრიგორ,
რა გინდ ყრუ, რომ მისი აყვია სიტყვები არ გამეგონა, მე მაინც ქალი
ვარ, — სუსტი არსება, ყველაფერს ამას ველარ გავუძელი, და ბოლოს
ავად გავხდი, კინალამ სიკვდილის პირას მივედი... მხოლოდ ამ დროიდან
დაჩუმდა ჩემი უჯულო მამა. მაშინდა მიხვდა, რომ ძალიან მკაცრად და
უსინდისოდ მეპყრობოდა, და როცა ცოტა მოემჯობინდი, იმ დღიდან
შეუფერებელი სიტყვა აღარ უკადრებია, ჩვენი სიყვარული სულ აღარ
გაუხსენებია და მუდამ ტკბილად მექცევა, ხოლო დედაჩემი, რომელიც
მუდამ მმფარველობდა, ესლაც წმინდანივით თავყანს მცემს... მართა-
ლია, განვიკურნე, მაგრამ ჩვენი სიყვარულის სევდა საშინლად მიღრღნი-
და გულს, მით უფრო, რომ შენგან არაფერი ისმოდა... ყოველდღე, ყო-
ველ წუთს ფიქრით შენთან ვიყავი. აბა რაღა სალაპარაკოა, როგორ გა-
ვატარებდი ამ ერთ წელს... იმედი მქონდა, კვლავ განახავდი და ეგ იმედი
ამ საბი დღის წინ ამისრულდა. საღამოს, როცა ჩქარი ნაბიჯით ჩვენს
სახლს ჩაუარე. ამ დროს აივანზე ვიდექი და ჩემი ფიქრები კვლავ შენს-
კენ იყო. ვიხსენებდი ჩვენს წარსულს, ტკბილ წარსულს, შენს მდგომა-
რეობას და ვინ იცის, რას არ ვფიქრობდი შენზე. ბოლოს ველარ მოვით-
მინე და ავტირდი... ო, გრიგორ, ვერ წარმოიდგენ, როგორ განვიცდიდი
უშენობას... დაგინახე ჩვენი აივნის ქვეშ რომ გაიარე, მაშინვე გიციანი
და არ ვიცი, რა დამემართა, მხოლოდ ისღა მახსოვს, ჩემდა უნებლიეთ
მაგრა შევკვივლე და გულწასული ძირს დავეცი... მომაბრუნეს, გულის-
წასვლის მიზეზი მკითხეს, ვუპასუხე, უეცრად თავში საშინელი ტკივილი
ვიგრძენი, ვერ გავუძელი და გულშეღონებული ძირს დავენარცხე —
მეთქი. ამის შემდეგ სამი დღე და დამე მოსვენება არა მქონდა... გადავ-
წყვიტე, რაღაც არ უნდა დამჯღომოდა, მენახე. ველარ ვითმენდი. მაგრამ
სად? როგორ? მე ხომ არ ვიცოდი ვისთან ცხოვრობდი, — ეს აზრი სა-
სოწარკვეთილებაში მაგდებდა... გუშინ საღამოს კვლავ ჩვენს აივანზე

ვიდექი და თვალებით შენ გეძებდი, შინაგანი გრძნობა მეუბნებოდა, რომ კიდეც გაივლიდი ამ გზით და მართლაც, უეცრად თვალი მოგაკარი. ისე ჩქარა მიდიოდი, თითქოს არაფერი გაინტერესებდა. აივნიისკენ ერთხელაც არ გამოვიხედია. მაშინვე შევირბინე ოთახში, ქუდი დავიხურე, ძირს ჩამოვირბინე, შორიდან აგუდევენე და აქამდე მოგაცულე. ო, გრიგორ, მზად ვიყავი იმ დროს პირდაპირ შემოვჭრილიყავ შენთან, მაგრამ შემრცხვა... თანაც გულში შიში მქონდა... მაგრამ მე ხომ უკვე ვიცოდი შენი ბანა. ამის მეტი აღარაფერი მინდოდა... მხოლოდ ერთი ფიქრი არ მასვენებდა — როლის და როგორ შეგხვედროდი. ბევრი ფიქრის შემდეგ გადავწყვიტე ამ საღამოს მოვსულიყავი, თუ გინდ მოვეკალი კიდეც. მაგრამ როგორღაც ყოველმხრივ ხელი შემეწყო ჩანაფიქრის სისრულეში მოსაყვანად. მამაჩემი, ვისიც ყველაზე მეტად მეშინოდა, ძალზე მთვრალი დაბრუნდა და მაშინვე დაიძინა, დედაჩემიც, რაკი მართო დარჩა, ძილს მიეცა. ცუდი ამინდის გამო ჩვენი მდგმურებიც ოთახებში ჩაიკეტენ, ისე რომ აღარავისი არ მეშინოდა. ჩემი ოთახი განცალკევებულია. ფეხაკრებით გამოვედი, პირდაპირ შენსკენ გამოვეშურე. — აი, როგორც მიყურებ, ახლა შენთან ვარ, ჩემო გრიგორ. — თქვა ნუნემ და ორივე ხელით კისერზე მოეხვია სეირანიანს.

— გმირი ხარ, გმირი, ჩემო ძვირფასო ნუნე, — აღფრთოვანებით შესძახა ახალგაზრდამ.

— დიახ, სიყვარული ჩემისთანა სუსტ არსებასაც კი გმირად აქცევს, — ჩურჩულით მიუგო ქალიშვილმა. — მე ყველაფერი ვიპოვე, გრიგორ, — წუთიერი ღუმლის შემდეგ განაგრძო მან, — მაგრამ ვატყობ, ჩემი ტანჯვა შენს ტანჯვასთან შედარებით ზღვაში წვეთია, არა? ჩემო გრიგორ... მიაშბე. მიაშბე, შენ როგორღა გაატარე ეს ერთი წელი. ძალზე მაინტერესებს. შენი გარეგნობა, პირისახე მეტყველებენ. რომ უფრო მეტი უნდა გქონდეს დაკარგული, ვიდრე მე შემიძლია წარმოვიდგინო.

ახალგაზრდა ისევ მოიღუშა, ფართო შუბლზე სიმწრის ნაოჭები დააჩნდა.

— იმ დღიდან, როცა ჩემი ბედის ბორბალმა უკომო დაიწყო ტრიალი, — ესე იგი, იმ დღიდან, როცა ჩემი უბედური მშობლების სიკვდილის სამწუხარო ამბავი გავიგე, ხოლო მამაშენმა ომობრთოთი გამოაჩნდა და გამადლო, ჩემს ყურს ალერსიანი სიტყვა არ სმენია და ჩემ თვალებს ტკბილი ღიმილი არ უნახავთ... მე, რასაკვირველია, შენთვის დაწვრილ-

ბით არ მიაშენია, მთელი წლის განმავლობაში რაჰდენი ტანჯვა გამოვიარე, აი ახლა კი მხოლოდ ამას გეტყვი: ეს გული მაგ ხნის განმავლობაში მოშხამული იყო...

როცა სოფელში ჩავედი, ენით გამოუთქმელმა სევდამ დაძრია ხელი. ჩემი უბედური მშობლების უპატრონოდ დაყრილი გვაძების დანახვაზე. ისინი იმ მიდამოებში მოთარეშე ბანდიტების მზაკვრულ ხელს დაეხოცა — ყელები გამოეჭრათ. გაეგოთ, რომ ჩემი მშობლები ყველაზე შეძლებულები იყვნენ მთელ სოფელში, ეპარგებლათ ცუდი ამინდით, თავს დასხმოდნენ და დამუქრებოდნენ: ან სიმდიდრე ჩაგვაბაძრეთ, ანდა ორივეს თავებს წაგაცლითო. მამაჩემს ერთი ცუდი ზნე ჰქონდა — ფულს ხელზე ინახავდა, განსაკუთრებულ ალაგას, რაც მარტო თვითონ იცოდა. კარგა ხანს ყოყმანობდა თურმე, დანაზოგით შემონახული სიმდიდრის დაკარგვა გაძნელებია, მაგრამ ბოლოს ორიდან ერთი — აიცოცხლე აურჩევია და მთელი ქონება გადაუცია ავაზაკებისათვის. არავინ იცის რა თანხა იყო, ჩემის აზრით, დიდი თანხა უნდა ყოფილიყო. მაგრამ ავაზაკები ამას არ დასჯერებია, იმის შიშით, ვაი თუ დაგვაბეზლონო, ორივესათვის ყელები დაუჭრიათ და გაქცეულან.

ეს ყველაფერი ჩვენმა მსახურმა მიაშმო, რომელიც ამ ამბის შემსწრე ყოფილა და შემთხვევით გადარჩენილა ცოცხალი. მეზობელ ქალაქის პოლიციას შეუტყვია ამ მკვლელობის ამბავი, დაუწყია ძიება, მაგრამ ავაზაკები დღევანდლამდე ვერ უპოვია.

მთელი ხუთი დღე ჩემი საბრალო მშობლების გვაშები სახლში ეყარა, მათი დაკრძალვის ფულს ვერა ვმოულობდი. ერთი პატარა ნაკვეთი გქონდა და რამდენიმე ხარი და ცხვარი გვყავდა. ცხვრები ვისაც ხელი მიუწვდა, გაიტაცეს თურმე, ხოლო ხარებისათვის ხელი არ ეხლოთ, ცოტა არ იყოს, პატიოსნად მოქცეულიყვნენ. მაშინვე იაფად გავყიდე ხარები და აღებული ფულით მშობლები მიწას მივაბარე... ამის შემდეგ სად წავსულიყავი? რა საქმეს დავდგომოდი? როგორ მეცხოვრა? აი კითხვები, რომლებიც დღენიადაგ მიღრღნიდნენ გულს, მაგრამ გამოსავალს ვერა ვპოულობდი. ერთის მხრივ, ჩემი საყვარელი მშობლების საშინელმა დაღუპვამ, მეორეს მხრივ, ჩვენმა შეუწყნარებელმა დამორებამ, მესამე — ჩემმა გადატყვევებამ — ერთი სიტყვით, აშდენმა მარცხმა და უბედურებამ, რომელნიც ყოველმხრივ თავს დამატყდა, სასოწარკვეთილებაში ჩამაგდო. ახლა რომ იმაზე ვფიქრობ, მიკვირს, რატომ არ გაეგოდი... ისეთი მძიმე და აუტანელი პირობები შემექნა, რომ ერთხანს

თავის მოკვლაც გადავწყვიტე, მაგრამ ეს უფრო საშინლად მომეჩვენა, როცა შედეგებზე დავიწყე ფიქრი.

— არა,— ვმსჯელობდი გუნებაში და შენს სიტყვებს ვიგონებდი, — ნუნე მართლს ამბობდა, რატომ არ უნდა ვიპოვო ცხოვრების აიმწარეოა წინააღმდეგ, ხომ შეიძლება გავიმარჯვო კიდევ... თანაც მამაკაცი ვარ! სხვა სიტყვებით რომ ვთქვათ — ყველაზე ღონიერი ყველა არსებია შორის... ყველაფერი უნდა გამოსცადო. ამ სიტყვებით ხომ ყველა ჩვენთაგანია დაღდასმული, — ასეთია ცხოვრება, ასეთია კაცობრიობა... მეც ხომ მარადიულად არ დავიტანჯები... ალბათ, ერთხელ ჩემთვისაც გათენდება ბრწყინვალე დღე... ეს იმედი მამხნევებდა, ცოტა არ იყოს, სევდას მიმსუბუქებდა.— იგი გაჩუმდა და ხელი რამდენიმეჯერ გრძელ თმებში შერგო. ვიდრე ჭაბუკი ყვებოდა, ნუნე კისერზე ჰყავდა შემოხვეული, ქალიშვილს ლამაზი თავი მის მხრებზე ედო და თანაგრძნობით შესცქეროდა დაღვრემილ სახესა და სევდიან თვალებში.

— ჩემო ძვირფასო ნუნე,— მცირე ხნის შესვენების შემდეგ განაგრძო სეირანიანმა, — არა ერთხელ მითქვამს, სწავლის გასაგრძელებლად უმაღლესში უნდა შევიდე-მეთქი. მაგრამ ეს სურვილი უკვე გამიქარწყლდა. ამისათვის ფულია საჭირო, მე კი რის ვაი-ვაგლახით ვირჩინდი თავს... ვისთვის მიმემართა? — არავინ იყო, თუნდაც ყოფილიყო ასეთი ნათესავი, ან, როგორც ამბობენ, მოკეთე, რომელი გიყი გაუმართავდა ხელს ისეთ ღარიბ-ღატაკს, როგორიც მე ვიყავი!.. აი სწორედ ამიტომ გავუბრბოდი ქალაქში ჩამოსვლას; ჩემთვის ცხოვრება აქ უფრო ძნელი და აუტანელი იქნებოდა, რადგან შენს ახლოს უნდა მეცხოვრა. თუმცა შენთან შეხვედრა, ლაპარაკი, საღმის მიცემაც კი აკრძალული მექნებოდა... შენზე დამყარებული იმედი იმ დროიდან გადავიწყვიტე, როცა მამაშენმა ისე უხამსად მომაყენა შეურაცხყოფა და მუქარით გამომაგდო თქვენი სახლიდან. იძულებული გავხდი მთელი წელიწადი სოფელში მეცხოვრა. ამ ხნის მანძილზე ყოველნაირად ვცდილობდი შენს დავიწყებას, ჩემს თავს ეტუქსავდი, მინდოდა გულში ჩამეკლა შენდამი სიყვარული, მაგრამ, ჩემო ძვირფასო ნუნე, — შეუძლებელი აღმოჩნდა... თურმე გაძლიერებულ ხანძარს შებერვით ვერ ჩააქრობ...

ზოგჯერ მარტობის წუთებში მწარე ფიქრების მორევში ვცურავდი. ვიგონებდი ჩემს უზრუნველ წარსულს, ერთად გატარებულ დღეებს. ჩვენს უანგარო სიყვარულს. რა ძალიან გვიყვარდა ერთმანეთი! რამდენს

ვლამარაკობდით, ვკამათობდით, ვმსჯელობდით, რაოდენ ბედნიერნი ვიყავით მაშინ!.. ამაზე ფიქრი უფრო მიორკეცებდა სევდას... საითაც გავიხედავდი, ყველგან სამარისებური დუმილით მხედებოდნენ... არა მყავდა არც მეგობარი, არც გულითაღი ამხანაგი, რომ ასეთ დროს ჰანუგეშებელი სიტყვა მაინც ეთქვა; არც შენ იყავი, ჩემო ძვირფასო, რომ მაგ შენი ტკბილი საუბრით დაგემშვიდებინე. ახალი იმედითა და ენერგიით აგვესე... ამ პირობებში მხოლოდ ესა და დამრჩენოდა — დღენიადაც ტირილ-გოდება, ცხარე ცრემლების ფრქვევა...

— მაგრამ ეს ხომ ნებისყოფის სასუსტეა, — ბოლოს ვუთხარი ჩემს თავს და იმ დროიდან წიგნების კითხვას ჩაუუჭექი. ამ ხნის განმავლობაში ჩაღის ფასად გაყიდული მამულის ფულით ვირჩენდი თავს. ეს თანხა მითავდებოდა, აღარ ვიცოდი რა გზას დავდგომოდი!.. წინ იმედის ნასახს ვერ ვხედავდი, სასოწარკვეთილება დამეუფლა და ყველაფერზე ხელი ჩავიქნიე. დაე, რაც შუბლზე მაწერია, ის მოხდეს-მეთქი, ხშირად ვიმეორებდი მე.

ამ ორი კვირის წინ პეტერბურგიდან ამხანაგის წერილი მივიღე: მე და ის ერთად უნდა წავსულიყავით პეტერბურგის უნივერსიტეტში სწავლის გასაგრძელებლად. ის წავიდა, მე კი ჩვენი ოჯახის უბედურების გამო ჩამოვრჩი. მწერდა, გავიგე შენი ოჯახის ტრაგედია, მაგრამ თუ სწავლის გაგრძელებაზე ხელი არ აგიღია, როგორმე პეტერბურგში ჩამოდი უნივერსიტეტში შესასვლელადო. თუმცა ძალიან მდიდრის შვილი არ იყო, მაგრამ მპირდებოდა, ასე თუ ისე, თავს გავიტანთო. ამ წერილმა, რასაკვირველია, ძალიან გამახარა და გადაეწყვიტე ქალაქში ჩამოსვლა. ასეც მოვიქეცი, ჩამოვედი და ამხანაგებში შეწირულების შეგროვებას შევუდექი, მაგრამ რადგან ცოტანი იყვნენ ისინი, ძალზე მცირე თანხა შემეგროვდა — მართო პურის საყიდლადაც არ გამწვდება, ვიღრე პეტერბურგში ჩავიდოდე... ეხლა კი აღარ ვაცი, როგორ მოვიქცე.

ნუნემ ვაჟის მხრებიდან ხელები ჩამოიღო, შეხედა აცრემლებულ თვალებში და უთხრა:

— მაგისათვის რად დაგიკარგავს იმედი, გრიგორ?

— მეტი სახსარი არ გამაჩნია, ძვირფასო ნუნე! მთელი ჩემი იმედი მაგაზე იყო დამყარებული, მაგრამ ეგეც გამიცრუვდა...

— ყველას მიმართე?

— ყველას, ვისაც კარგად ვიცნობ.

— მეც?

ახალგაზრდამ განცვიფრებით შეხედა თვალებში.

— შენ? — შესძახა მან.

— დიახ, სწორედ მე, რად გიკვირს?

— მაგრამ შენ რა გაქვს, ჩემო ნუნე?

— იმდენი ფული მაქვს, რომ, ჩემის აზრით, გზის ხარჯადაც გეყოფა და...

— შენ ხუმრობ, ნუნე?..

— მერწმუნე, გრიგორ, გულწრფელად გეუბნები... შარშანდელი ჩემი ხელფასის ნაწილი შენახული მაქვს... წელს ავადმყოფობის გამო სკოლაში არ დავდიოდი, თორემ უფრო მეტი ვექნებოდა... რაც ხელზე გაჰაჩნია, ესეც გეყოფა ადგილზე მისვლამდე, მერე გავალ სამუშაოდ, უკეთა ვგრძნობ თავს, ვიმუშაებ სკოლაში და აღებულ ხელფასს მთლიანად შენ გამოგიგზავნი.

სეირანიანი რამდენიმე წუთს გარინდებული იდგა, მუნჯივით, მერე მზერა სტუდენტს ქალიშვილის კოხტა სახეს, თავი ჩაქინდრა და თვალებში ცრემლი ჩაუდგა.

— ღპერთო ჩემო, ტირი, გრიგორ? — შესძახა ქალიშვილმა და ხელები დაუჭირა.

— ეს ხომ სირცხვილია... — ჩურჩულით მიუგო სეირანიანმა.

— სირცხვილია, რომ მე მინდა დაგეხმარო?..

და ქალიშვილი მხურვალედ მოეხვია.

— ჩემო გიჟო, მე ხომ მიყვარხარ, — ჩასჩურჩულა ნუნემ.

ვაჟმა თავი მიაღო მკერდზე და დიდხანს იდგნენ ასე გარინდებულნი. უცრად ქალიშვილი მოცილდა სეირანიანს და წასასვლელად მოემზადა.

— დამაგვიანდა, — თქვა მან, — ვინ იცის, თენდება კიდეც... — და კარებისკენ გასწია.

— მოიცადე, მარტო ხომ ვერ წახვალ? — შესძახა სეირანიანმა, საჩქაროდ ქუდი დაიხურა, კუთხეში მიყუდებული ხელჯონი აიღო და ორივენი გარეთ გამოვიდნენ.

წვიმას გადაეღო, აღარც ქარი ქროდა, ცა მოკედილი იყო მოციქციმე ვარსკვლავებით, შორს, აღმოსავლეთით რიყრაყი კიაფობდა. ქუჩებს კრიალი გაჰქონდა, წუხანდელ შხაპუნა წვიმას მტვერი და ნაგავი გადაერეცხა და ახლა, დამის სიბნელეში, ქვაფენილი თეთრად ლაპლაპობდა. ქუჩებში ადამიანის ჭკპანება არ იყო. ისინი ხმამაღალი ლაპარაკით მიდიოდნენ.

— ახლა თქვენი ეზოს კიშკარი ღია იქნება? — უცბად შეეკითხა სეირანიანი.

— არ იცი, რომ ჩვენი ეზოს კიშკარი დღედაღამ სულ ღიაა? — მიუგო ქალიშვილმა.

ამასობაში ისინი მიაღწენენ ალა იაგორ ბულდანიჩის კარმიდამოს.

— აჰა, შენი პალტო, გრიგორ, — უთხრა ქალიშვილმა და პალტო, რომელიც მანამდე მას ჰქონდა წამოსხმული, სეირანიანს მოახურა. — ღამე მშვიდობისა, გრიგორ... ხვალამდის...

— ღამე ნებისა, ჩემო ანგელოზო, — ჩურჩულით დაემშვიდობა გაეი ნუნეს და მხურვალედ ემთხვია ხელზე.

ქალიშვილი ეზოს კიშკარს იქით გაუჩინარდა. სეირანიანი კი, თითქოს ხელმეორედ დაიბადაო, გახარებული დაბრუნდა შინ.

ზოგჯერ ზაფხულის დღეებში, ერთსა და იმავე საათებში, ერთნაირი ამინდი იცის, ამიტომ არაფერია საკვირველი, თუ მეორე ღამესაც ცუდი ტაროსი დაიჭირა — წვიმდა, საშინელი ქექა-ქუხილი იყო.

სეირანიანი მოუთმენლად ელოდა სატრფოს. წარამარა იყურებოდა გარეთ, მაგრამ ნუნე არ ჩანდა. ათასგვარი უსიამო ფიქრები უწიწკნიდა გულს, ვაი თუ ქალიშვილს რაიმე ცუდი შეემთხვა, ვინ იქნება დამნაშავე? ვინაი მიზეზით?.. დაბადების დღე დაიწყევლა, პალტო წამოისხა, კუთხეში მიყუდებული ხელჯობი აიღო და საჩქაროდ გარეთ გამოვიდა. ქალაქის საათმა თერთმეტჯერ დააკეა. შხაჟუნა წვიმა მოდიოდა, ქუჩებში არავინ ჩანდა, დროდადრო გადახურული ეტლი თუ გაივლიდა გრილით.

სეირანიანი ჩქარი ნაბიჯით მოდიოდა ალა იაგორ ბულდანიჩის სახლისაკენ, გადაწყვიტა, ნუნე! კიშკართან დახვედროდა... მაგრამ უეცრად ჩქარი ნაბიჯით მომავალ ქალს მოჰკრა თვალი. ისინი ერთმანეთს მიუახლოვდნენ და სეირანიანმა პირველმა იცნო იგი.

— ნუნე! — სიხარულით შესძახა მან.

— 'შენა ხარ, გრიგორ? მე ქურდი მეგონე... წავიდეთ მალე.

მათ ერთმანეთს ხელი ჩაჰკიდეს და სიცილით, თითქმის სირბილით მივიდნენ ჩვენს ნაცნობ ოთახში.

— მოუსვენრად ვიყავი, სულ შენზე ვფიქრობდი, ჩემო ანგელოზო, — თქვა სეირანიანმა. კარი მიხურა და ქალიშვილს გვერდით ჰიუჯდა. ნუნემ ოთახში შემოსვლისთანავე შალი მოიხსნა და მომღიმარე სა-

ხით საწოლზე ჩამოჯდა. — მეგონა, ვაითუ დედ-მამამ რამე შეიტყეს-მეთქი.

— ო, არა, — მხიარული კისკისით უპასუხა ქალიშვილმა, — გუშინ-დამ აქედან რომ მივედი, არავის არაფერი გაუგია. ფეხაკრებით შევედი ჩემს ოთახში. მშობლებს რომ ექვი არ აეღოთ, დამე შინ არ ყოფილაო. მაშინვე ტანისამოსი გადავფინე და დილამდე გაშრა. თანაც ძველი ტანსაცმელი მეცვა, აი ესა. დღეს ჩემი დაგვიანების მიზეზი მამაჩემი იყო. ცოტა გვიან დაიძინა, ისევ მთვრალი მოვიდა... ღვინის სმა უკვე ჩვეულებად ექცა. ეს შენთვის ახალი ამბავი არ არის... ყოველმხრივ ხელშეწყობი პირობები მაქვს... აი ხედავ, გრიგორ, ბუნებაც ჩვენს მხარეზეა. თუმც გვარიანად კი დავსველდით...

ქალიშვილმა გულიანად გაიციხა. სეირანიანი ხარბად შესტკეროდა ქალიშვილს ნაზ, სანდომიან სახეში და თან იღიმებოდა...

— ეს რა ცუდ ოთახში ცხოვრობ, გრიგორ, — უთხრა ქალიშვილმა და თვალი მოავლო იჭაურობას. — გუშინდამ ისე ვიყავი შენით გატაცებული, რომ ვერ შევნიშნე, თურმე ნესტიანი ყოფილა, ბნელი და ძალზე უბადრუკი... აქ ხომ შეიძლება ავად გახდე?

— რა ვქნა, მეტიც საშუალება არა მაქვს, ჩემო ძვირფასო. ამია ქირაიც ძლივს გადავიხადე, თორემ ამაზე კარგს აბა ვინ მომაშავებს?..

— თვეში რამდენს იხდი?

-- ორ მანეთს.

-- აქამდის როგორ გაგქონდა თავი?

— რამდენიმე მანეთი მქონდა, ისიც ამ ორ-სამ დღეში გამითავდა.

— ჰერე რა უნდა გექნა?

— ღმერთი მოწყალეა...

— სადილად რასა სჭამ?

— ხწელ პურს.

— ჩაის სვამ?

— აგერ რამდენი ხანია, რაც ჩაის გემო არ გამისინჯია, — ამის თქმაზე ვაჟს ხმა აუკანკალდა და თვალები ძირს დახარა.

— ჩემო საწყალო, უბედურო გრიგორ. — ღრმა თანაგრძნობით ჩა-ალაპარაკა ქალიშვილმა და ვაჟს კისერზე შემოეხვია. — ხედავ, როგორი ცვალებადია ადამიანის ბედი? — დღეს მდიდარია, ხვალ კი ღარიბი, დღეს ბედნიერია, ხვალ უკვე ყველაზე უბედური... ო, რაოდენ შემზარავია!.. დიახ, მე ვიცი შენი მდგომარეობა, ჩემო უბედურო გრიგორ,

ჩემო ძვირფასო გრიგორ... და ვეცდები მუდამ დახმარების ხელი გამოგიწოდო... ეს მე შემძლია და უნდა გავაკეთო კიდევ... მხოლოდ ერთი სათხოვარი მაქვს, ყოველთვის მხნედ იყავი, მტკიცედ, არასოდეს იფიქრო სიღარიბეზე... იმხიარულე, იცინე... პირისახე როცა ჩამოგტირის, მე გული მიკვნესის... ეს გული კი შენ გეკუთვნის, ვიღრე ფეთქავს...

სეირანიანს თვალები ცრემლებით ავსებოდა.

ქალიშვილმა ჯიბიდან რაღაც შეკრულა ამოიღო, ვაჟს გაუწოდა და უთხრა:

— აჰა, გრიგორ, გუშინდამ რომ შეგპირდი.

სეირანიანმა უნებურად ჩამოართვა, მაგრამ თავი ველარ შეიკავა, აქვითინდა, ქალიშვილის წინაშე მუხლებზე დაეცა და ხელებზე დაეკონა...

— რას სჩადიხარ, გრიგორ, რას სჩადიხარ? — შესძახა ქალიშვილმა, ხელები უკან წაიღო და მუდარით მიმართა: — აღეჭი, აღეჭი, გრიგორ, გთხოვ, გემუდარები, აღეჭი... — მაგრამ სეირანიანს არ ესმოდა ნუნეს ნუღარა.

— ახლავე წაველ აქედან, თუ არ დამიჯერებ...

და ქალიშვილმა წასასვლელად წამოიწია.

— შეჩერდი, — ჩურჩულით მიმართა სეირანიანმა და ფეხზე წამოღვა.

— ღმერთო ჩემო, სად გაგონილა ასეთი რამ! — უსაყვედურა ქალიშვილმა. — ვერ წარმიდგენ, ასეთი საქციელით როგორ მაწყენინე და გული დამიჩაგრე... ასეთი წვრილმანის გამო თუ მუდამ ასე მოაქეცი... არასოდეს... სახეზეც არ შემოგხედავ...

— მაპატიე... — რაღაცის თქმა უნდოდა სეირანიანს, მაგრამ ქალიშვილმა უეცრად ხელი პირზე მიაფარა, მეორე ხელით კისერზე მოეხვია. მუბლზე აკოცა და სიცილით განშორდა.

— ახლა ისა თქვი, როდის აპირებ გამგზავრებას? — სიცილითვე შეეკითხა ნუნე.

— როდის?.. რომ არ დამაგვიანდეს, რამდენიმე დღის შემდეგ, — უპასუხა სეირანიანმა.

ოთხი დღის შემდეგ სეირანიანი უკვე მზად იყო პეტერბურგში გაამგზავრებლად. წინა დამეს შეყვარებულები კიდევ შეხვდნენ ერთმან-

ნეთს. ძალზე გულამაჩუყებელი იყო მათი განშორების წუთი. იპინი, ერთმანეთზე გადაკლობილნი, ღიღხანს ცხარედ ტიროდნენ...

ქალიშვილმა, ვიდრე „მშვიდობით მგზავრობას“ უსურვებდა, უთხრა: — წადი, გრაგორ, ღმერთი იყოს შენი შემწე, განუყრელად შეითან იქნება ჩემი გული... არ დამივიწყო, ხშირად მომწერე წერილი... თუ ცოცხლები დავრჩით. ისევ შევხვდებით და... იმის შემდეგ უკვე ბედნიერები ვიქნებით...

მეორე დღეს სეირანიანი უკვე პეტერბურგისკენ მიმავალ გზას დაადგა.

ე

ამ დღიდან ხუთმა წელმა გაიარა.

ივლისის პირველი რიცხვები იყო.

სალამოს შვის უქანასკნელი მკრთალი სხივები ისე ანათებდნენ აგარაკის ლამაზად აგებულ სახლებს, რომ შორიდან გეგონებოდათ ლამპები ანთიანო.

ღღის სიციხის შემდეგ ჰაერში თითქოს სიგრილე იგრძნობოდა. ხეებზე ფრინველები ჭიკჭიკებდნენ. საზოგადო სასაირო ბაღში სამხედრო მუსიკა უკრავდა. აგარაკის თითქმის ყველა მობინადრენი, ბავშვებისა და მოხუცების ჩათვლით, იქ იყვნენ. აგერ ერთ მხარეს მშვიდად დასეირნობს ვიღაცა მანდილოსანი — დედა, და თან თვალს არ აშორებს თავის საყვარელ შვილებს, რომლებიც სხვა ბავშვებს დამეგობრებიან და ერთად ღარბიან ხეივნებში. იქ ახალგაზრდა ბედნიერი ცოლ-ქმარი — ერთმანეთს მიკრული ნელი ნაბიჯით დასეირნობენ, ცოტა მოშორებით კი სტუდენტი ქალ-ვაჟი ერთიმეორეს საოხუნჯო ქათინაურებით ართობენ, — ერთი სიტყვით, საითაც გაიხედავთ, ყველგან ღიმილი, სიცილი, მხიარულებაა...

მაგრამ ამ საერთო მხიარულებაში მონაწილეობას არ ღებულობდა ერთი ქალი, რომელიც ამ დროს იმყოფებოდა ბაღის მანლობლად მდებარე უმშვენიერესი სახლის ზემო სართულის ერთ-ერთ ოთახში, რომლის ღია ფანჯრები ბაღს გაღმოსცქეროდა. იგი სავარძელში იჯდა მრგვალ მაგიდასთან, უნებლიეთ თავი მარცხენა მხარეზე გადაელუნა, მარჯვენა ხელში კალამი ეკაფა და დინჯად წერდა.

რამდენიმე წუთი ასე განაგრძობდა წერას. მერე, ალბათ დაიღალა, კალამი დადო, ან უფრო სწორად, კალამი ხელიდან გაუვარდა, ამ მდგომ-

მარეობაში წამით გაირინდა, შემდეგ ნელა წამოდგა და ახალ ფეხ-
ადგმული ბავშვივით ძლივს მიუახლოვდა ღია ფანჯარას. ბალიდან მო-
დენილი სით ნაზად წაელამუნა სახეზე და ქალმა თავისუფლად ამო-
ისუნთქა.

იგი ძალზე გაძხდარი იყო, სახე გაყვითლებული, ტანმალალი, დაახ-
ლოებით ოცდასამი წლისა. ეტყობა ერთ დროს ძალიან მიმზიდველი
აღნაგობისა უნდა ყოფილიყო. ლამაზი, თვალწარპტაცი, მაგრამ ეხლა,
მძივე ავადმყოფობის გამო, რასაც მაშინვე შეაპჩნედა მნახველი, აჩრ-
დილს უფრო ჰგავდა, ვიდრე ცოცხალ არსებას. საშინაო თეთრი ტან-
საცმელი, რომელიც სანდომიან იერს აძლევდა მის მოყვითალო სახეს,
ფეხებამდე დასთრევდა და ხალვათად ადგა ტანზე. შავი თქები, აწე-
წილ-აპურძგნული, მხრებზე ეკიდა, ხოლო მოყვითალო, გაძვალტყავე-
ბულ ხელებზე ნათლად ემჩნეოდა ამობურცული ლურჯი ძარღვები.

ორი წუთი უძრავად იდგა, ძეგლივით, დიდრონი შავი თვლებით
ერთ წერტილს მისშტერებოდა ფანჯარასთან გარინდებული. მის სახეზე
აღბეჭდილი ღრმა სევდა და მელანქოლია თითქოს იდუმალ მეტყველებ-
და, რომ ქალი უკვე შეგუებოდა თავის მდგომარეობას.

საერთოდ ამ ქალის გარეგნობაში დაუფარავად იგრძნობოდა, რომ
მისი ხვედრი იყო მწუხარება და დიდო ხელმოკლეობა.

გარინდებულ მდგომარეობაში ღიბხანა ვერ გაჩერდა, დასუბტებუ-
ლი მუხლები აუკანკალდა. ის იყო ძირს დაეცემოდა, მაგრამ, საბედნიე-
როდ, იქვე სავარძელი იდგა და მოწყვეტით ზედ დაესვენა; თავი უკან
გადაიწია, თვალები მილულა და დიდხანს დაძაბული ყურადღებით
უსმენდა მწუხარე მელოდიას, რომელიც გარედან მოისმოდა. ეს მელო-
დია თითქოს გაბმული გოდება იყო, სევდით გათანგული მკჷმუნვარე
გულიდან აღმოხეთქილი.

მელოდია დამთავრდა. მაგრამ ქალი ისევ გაუნძრევლად იჯდა სავარ-
ძელში. არ ეძინა, დიდხანს მის ყურებში კვლავ ისმოდა მწუხარე მელო-
დია, ქალი ფიქრით შორს იყო, ძალიან შორს... ბოლოს თვალები გაახი-
ლა, გასწორდა სავარძელში, სახეგაფითრებული იყო, აღელვებული.
ბოლოს რის ვაი-ვაგლახით წამოდგა, ძლივს მივიდა მაგიდასთან, დაჯდა
ძველ ადგილას, კალაში აიღო და უნდოდა წერა განეგრძო, მაგრამ ძალა
არ ეყო, ვერ შეასლო წერა და კალაში ისევ გაუვარდა ხელიდან.

უეცრად მოუსვენრობა დაეტყო, აწრიალდა, ხელი წაატანა მაგიდაზე
ზარს და დააწყარუნა.

კარი მაშინვე გაიღო და შემოვიდა ახალგაზრდა მსახური ქალი.

— ექიმი, — ძლივს ამოილულლულა ქალმა.

მსახური მყის გავიდა.

ავადმყოფი ქალი კვლავ რამდენიმე წუთი უძრავად იყო მისვენებული სავარძელში, მერე ტანჯვით წამოდგა. ღონემიხდილი მილასალადა საწოლამდე, რომელიც კედელთან იდგა, სუფთა ლოგინითა და რბილი, თეთრი ბალიშებით გაწყობილი და ფრთხილად გულაღმა დაწვა. შემდეგ ხელი ჩაიყო უბეში, იქიდან ამოიღო სურათი და დიდხანს უმზერდა. ფერმკრთალი ტუჩები უთრთოდა. მაგრამ არავითარი ხმა არ ისმოდა. იგი თითქოს იღუპალ ესაუბრებოდა ასევე იღუპალ სურათს. ბოლოს სურათი ხელიდან გაუვარდა და ქალს გულზე დაეცა. ავადმყოფს თვალები დაეხუჭა. მკერდი შესამჩნევად აუტოკდა.

ათი წუთის შემდეგ მსახური ქალი ექიმთან ერთად შემოვიდა ოთახში. ექიმი მაღალი, ლამაზი, მაგრამ ფერმკრთალი და მოწყენილი სახის ოცდარვა წლის ახალგაზრდა იყო. დინჯი, კკვიანი და ძალიან კეთილი კაცი ჩანდა.

იგი მიუახლოვდა ავადმყოფს, რომელიც უმოძრაოდ იწვა. დახედა სახეზე, და, ძალიან შემკრთალმა, უნებლიეთ უკან-უკან დაიხია, მაგრამ თვალეზღაპეტილი შმაგ მზერას არ აცილებდა ავადმყოფის სახეს. ისე თითქოს მის თვალწინ ზებუნებრივი რაღაც სანახაობა იყო გადაშლილი... ბოლოს კვლავ მიუახლოვდა ავადმყოფის საწოლს და ისეთი ხმით შეჰყვირა, რომ სიტყვებით მისი გადმოცემა ყოველად შეუძლებელია.

— ნუნე!..

ავადმყოფი ქალი, მანამდე რომ არაფერი ესმოდა და თვალეზღაპეტილი იწვა თითქმის უგრძობლად, ამ ხმის გაგონებაზე, ჯანსაღი ადამიანივით შეირხა და თვალები გაახილა. მიმქრალი მზერა ექიმის აჩელებულ სახეს მიაჩერა, ფერმკრთალი ტუჩები მოულოდნელად ღიმილმა გაუპო, ავადმყოფური მისუსტებული ხმით ჩურჩულით აღმოხდა:

— აზ, გრიგორ!..

და გაძვალტყავებელი ხელი გაუწოდა ექიმს.

3

გრიგორ სეირანიანი, როგორც უკვე აღვნიშნეთ. პეტერბურგში ნუნეს მიერ გაღებული თანხით წავიდა. იქ უნივერსიტეტში შევიდა. თუ

როგორ გაატარა ხუთი წელი პეტერბურგში, ამის დაწვრილებით მოყოლა საჭირო არ არის, მხოლოდ ვიტყვი, რომ პეტერბურგში, რაც ხანი დაჰყო, იმ ამხანაგის ბინაზე ცხოვრობდა, რომელმაც წერილი გამოუგზავნა. ამხანაგის დანმარებითა და ნუნეს მიერ გაგზავნილი ფულით სწავლობდა და არსებობდა. ორი მეგობარი სტუდენტი ძალაღან უბრალოდ და საწყლად ცხოვრობდა. ისე, როგორც შეეფერებოდა საერთოდ სტუდენტებს. უღრმესი მადლიერების გრძნობით იყო გამსკვალული სეირანიანი თავის დიდსულოვანი ამხანაგისა და ნუნეს მიმართ, რომელთა უანგარო დანმარებით სწავლობდა ხუთ წელს. იგი მოვალედ სთვლიდა თავს არა მარტო ეხლა, არამედ უკანასკნელ სულის ამოსვლამდე; შათ იხსნეს გამოუვალი მდგომარეობიდან, ააციდინეს სიკვდილს. ისინა მიაჩნდა თავის ნამდვილ კეთილისმყოფელებად და ერთგულ მეგობრებად.

სეირანიანსა და ნუნეს შორის წერალების მიწერ-მოწერა ბოლომდე არ შეწყვეტილა.

როგორც სეირანიანმა, ისე მისმა ამხანაგმა საექიმო დარგი აირჩიეს. შიზნად ჰქონდათ დასახული სამშობლოში დაბრუნებულიყვნენ სამუშაოდ. საზაფხულო არდადეგებზე ხელმოკლეობის გამო თბილისში ვერ ჩამოდიოდნენ. სეირანიანს ოცნებად ჰქონდა გადაქცეული თბილისში ჩამოსვლა, რომ თავისი ერთგული, განუყრელი, სათაყვანებელი არსება ნუნე ენახა, მაგრამ გზის ხარჯების უქონლობა ხელს უშლიდა თავისი ოცნება სისრულეში მოეყვანა.

სეირანიანის ამხანაგმა ერთი წლით აღრე დაამთავრა საექიმო ფაკულტეტი და სამშობლოში დაბრუნდა. წამოსვლისას აღუთქვა სეირანიანს, დამთავრებამდე ყოველთვიურად დაგეხმარებო. მან თავისი სიტყვა მტკიცედ დაიცვა, ყოველთვიურად შეძლებისდაგვარად ეხმარებოდა. სეირანიანი ფულს ნუნესაგანაც ღებულობდა.

ბოლოს სეირანიანის დროც მოვიდა. მან გამოცდები ჩააბარა თავის სპეციალობაში და ექიმის დიპლომი მიიღო. ზედმეტია იმაზე ლაპარაკი, რაოდენი სიხარულით შეატყობინებდა და გადაუხდიდა მადლობას თავის ორ მეგობარს — ნუნეს და ამხანაგს. პირველისთვის ფიქრობდა პირადად გადაეცა, მეორისათვის — დეპეშით. ამხანაგი ამ დროს ზემოთ მოხსენებულ აგარაკზე იყო. სეირანიანის დეპეშა რომ მიიღო, ძალიან გაუხარდა, მაშინვე გზის ხარჯი გაუგზავნა და სთხოვა თბილისზე გავლის დროს უეჭველად ჩემთან შემოიარეო.

სეირანიანსაც ასეთი გეგმა ჰქონდა, იგი გამოემგზავრა და სანამ თბილისში ჩამოვიდოდა, ავარაკზე შეიარა მეგობართან. მეგობარის სიხარულს საზღვარი არა ჰქონდა. სთხოვა რამდენიმე დღე დარჩენილიყო მასთან, სეირანიანმა, თუმცა სულითა და გულით ნუნესკენ მოისწრაფოდა, მის ნახვაზე ოცნებობდა, მაინც გადაწყვიტა სამი დღე დარჩენილიყო.

სეირანიანის ამხანაგი ძალზე ახალგაზრდა ექიმი იყო, მაგრამ თავისი გონებაპახვილობით, გამოცდილებით და კეთილი ბუნებით კარგი სახელი მოეხვეჭა ავარაკზე.

ერთი დღე იყო გასული, რაც სეირანიანი მეგობრის ოჯახში იმყოფებოდა. საღამო ხანს, მშვენიერ საამურ საღამოს, როცა ამხანაგი ავადმყოფთან იყო წაშული, სეირანიანი მარტო იჯდა სახლში და ნუნეზე ოცნებობდა. სულის კაწკაწით ელოდებოდა დარჩენილი ორი დღის გავლას...

ძნელაა წარმოდგენა რაოდენ გულმზურვალედ ფიქრობდა თავის ძვირფას ნუნესათვის მადლობის გადახდას... მისი აზრით, ყველა ტანჯვა-ვაებაჰ, სილატაკემ უკვე განვლო, დაღვა დრო ბედნიერებისა და კეთილი ცხოვრებისა... და მოაგონდა ნუნეს სიტყვები: „ღიან, გრიგორ, სოფელი ტკბილია... ნეტავი მეც გლახის ქალად ვიყო დაბადებული... დაგეხმარებოდი... მეც ვიმუშავებდი შენთან ერთად“... სეირანიანს ნუნეს უკანასკნელი სიტყვებიც გაახსენდა, ამ ხუთი წლის წინათ რომ უთხრა, განმორების დროს: „ცოცხალი თუ დავრჩით, ჩვენ კვლავ შევხვდებით და... მაშინ ბედნიერი ვიქნებით...“.

— ჩემო საყვარელო... — უნებლიეთ აღმოხდა სეირანიანს თავდავიწყების წუთებში, რომ სწორედ ამ წუთას კარი გაიღო და ოთახში შემოვიდა ჩვენი ნაცნობი მსახური ქალი. მას სეირანიანის ამხანაგი უნდოდა.

სეირანიანმა განუცხადა, მეც ექიმი ვარ, რაკი ჩემი მეგობარი შინ არ არის, შემიძლია მეგობრის მაგიერობა გაეწიო. მსახურმა ქალმა არ დააყოვნა და სეირანიანს წინ გაუძღვა. ახალგაზრდა ექიმს ფიქრად არ გაუტარებია, ამ წუთას ვისთან მიდიოდა, ან უღმობელი ბედი რას უმზადებდა!.. ავადმყოფის სახლის კიბეზე ასვლისას მთლად ცახცახებდა; ეს ხომ მისი პირველი მიზეზა იყო ავადმყოფთან, პირველი გამოცდა. მსახურმა ქალმა კარი შეაღო და ექიმი შევიდა ოთახში, სადაც საწოლზე ავადმყოფი ქალი იწვა.

სეირანიანმა შმაგივით აიღო ნუნეს გაძვალტყავებული ხელი და ტუჩებთან მიიტანა.

— ნუნე! ნუნე!.. ვაი ჩემს თავს; ამას რას ხედავს ჩემი თვალები... — სასოწარკვეთილებით იმეორებდა იგი.

ავადმყოფმა ნუნემ ანიშნა, წამომაცენეთო. მსახური ქალი, რომელიც ამ სურათს ესწრებოდა და გაოგნებული იყო, ექიმს მოეხმარა და ნუნე წამოხვეა. ავადმყოფი დაჯდა და უღიდესი სინაზით, სიყვარულითა და ალერსით მიაჩერდა ექიმს თვალებში. მის მზერაში ღამილი შეინიშნებოდა. მერე ხელით ანიშნა მსახურ ქალს, მარტო დაგვტოვეო.

მსახურმა ქალმა კვლავ განცვიფრებით შეჰედა ექიმს და გავიდა.

ავადმყოფმა ხელით ანიშნა ექიმს, დაჭექო.

ექიმი მექანიკურად ჩამოჯდა საწოლთან მდგარ სავარძელზე და ნუნეს ხელი აიღო.

— ჩემო ძვირფასო ნუნე, ჩემო სულისდგმავ, მითხარი, რაშია საქმე?.. წუთუ ეს შენა ხარ? თუ ყველაფერი მხოლოდ სიზმარია, — საბრალობელი ხმით შეეკითხა ექიმი.

— ამას არ მოელოდი, არა? — ნაწყვეტ-ნაწყვეტად და სიტყვების დამარცვლით შეეკითხა ავადმყოფი.

— წუთითაც ვერ წარმოვიდგენდი, თუ ამ მდგომარეობაში გნახავდი, ჩემო ძვირფასო ნუნე... შენ არაბოდე არ მოგიწერია ჩემთვის... მე კი ვხედავ, რომ ამ სენით დიდი ხანია იტანჯები... მაგრამ, რატომ? რად სდუქნდი, ჩემო ძვირფასო ნუნე?..

ავადმყოფმა კვლავ გაიღიმა... იგი თვალს არ აშორებდა ექიმს.

— მაგას... მერე გაიგებ, გრიგორ, — თქვა, ხელი გაიშვირა მაგიდი-საკენ და დაუმატა: — იქ ქაღალდია... აიღე და შეინახე... სახლში წაიციხე... ისევე ყველაფერს მიხვდები... მიდი, აიღე.

სეირანიანი წამოიდა. მაგიდაზე ორი საფოსტო ქაღალდი იდო, ორივე დაწერილი. ის ის ქაღალდები იყო, ცოტა ხნის წინ ავადმყოფი რომ წერდა. გრიგორმა აიღო. მექანიკურად ჩაიღო უბეში და ისევ თავის ადგილზე დაჯდა. იგი გამოუთქმელი სევდით შესცქეროდა ნუნეს ჩაცვინილ, ავადმყოფობისაგან გაფართოებულ თვალებში.

— ეგ წერილი... შენთვის უნდა გამოჰეგზავნა, — ოუ ჩაილაპარაკა ავადმყოფმა მისუსტებული ხმით, თითქოს სული ეხუთებო, — მაგრამ...

დამთავრება ვერ მოვახერხებ... პირველი შემთხვევაა, გავგზავნე ექიმ-თან... ვინალოდა... ისეთი წამალი მოეცა... რომ ცოტა უკეთ მეგრძნო თავი... მსურდა... ძალღონე მომეკრიბა, რომ დამემთავრებინა წერილი... და შენთვის გამომეგზავნა... მერე კი მოვემკვდარიყავი... მაგრამ ღმერთი... იმდენად მოწყალეა... ჩემი ლოცვა-ვედრება შეიწყნარა... და შენ თავად მოგავლინა ჩემთან... რომ უკანასკნელად გნახო... და... წერილის უკანასკნელი სიტყვები... პირადად მოისმინო...

იგი დაიღალა და დაჩუმდა. სეირანიანი ხარბად უსმენდა.

ერთ წამს ოთახში მღუმობრებამ დაისადგურა. ავადმყოფმა თავი ჩაქინდრა, თითქოს რაღაცას ფაქრობდა, მერე ერთბაშად აიღო თავი და ღიმილით შეეკითხა.

— დამთავრე, გრიგორ?

— დიახ... მაგრამ რა ფასი აქვს? რისთვის მინდა, ძვირფასო ნუნე?

— მაგას ნუ ამბობ... შენ მიაღწიე მიზანს... ბედნიერად ვთვლი ჩემს თავს... მაგრამ, უფრო ბედნიერი ვარ, რომ... ჩემთანა გხედავ. მომიახლოვდი, ჩემო გრიგორ, — სეირანიანი დაიღუნა და ავადმყოფი თავისი სუსტი მკლავებით მოეხვია კისერზე. — ო, რა ტკბილია, როგორ მსიამოვნობს, ჩემო გრიგორ... ეს ერთი წუთი მთელი ჩემი წარსული ტანჯვა-წამების ჯილდოა... — ერთი წვეთი ცრემლიც დამანახე, გრიგორ, და მე... ყველაზე დიდ ბედნიერებას მომანიჭებ...

მაგრამ სეირანიანი, ერთი წვეთი ცრემლი რა სათქმელია, უკვე მწარედ ქვითინებდა, იგი გრძნობდა, თანდათან რწმუნდებოდა, რაოდენ ძვირფას ადამიანს ჰქარგავდა...

— ეხლა დავრწმუნდი, რომ კვლავ გიყვარვარ, ჩემო გრიგორ... — ჩურჩულით წარმოთქვა ავადმყოფმა, შუბლზე ეამბორა და ხელი გაუშვა. — კმარა, გრიგორ... შეიმშრალე ცრემლები.

ავადმყოფი ნელა დაეშვა ბალიშზე. ცოტა ხანს იყუჩა, შემდეგ კვლავ თვალი თვალში გაუყარა სეირანიანს და ძლივს წარმოთქვა:

— გრიგორ, ძალიან ცოტა ხანი დამრჩენია სიცოცხლე... იქნებ რამდენიმე წუთი... ერთი სათხზავარი მაქვს... იმედია, შემისრულებ... უნდა შემისრულო...

— მიბრძანე!...

— მომისმინე. არასოდეს იმედი არ დაკარგო... ეს ბევრჯერ მითქვამს, ახლაც გეუბნები, ჩემი სიცოცხლის უკანასკნელ წუთებში... მუდამ მხნედ იყავი... ჩემი სიკვდილის შემდეგ იცოცხლე... გესმის?

იცოცხლე... და ჩემზე ბევრს ნუ იფიქრებ... შეეცადე, დამივიწყო კიდევც... ახ... დიახ, დამივიწყე, ჩემო გრიგორ, ეგ შენთვის უკეთესი იქნება... სულ ერთია, ჩვენ ერთმანეთისათვის არა ვყოფილვართ დაბადებულნი... შემისრულებ? გრიგორ...

— მე შენთან მსურს მოვევდე...

— არა, ეგ ცუდია, გრიგორ... შენ არ მისმენ... — უკმაყოფილოდ თქვა ავადმყოფმა. — თუ გიყვარვარ, ამ თხოვნაზე... ერთადერთ თხოვნაზე, სიკვდილის წინ უარს ნუ მეტყვი... მაშასადამე, შემისრულებ, გრიგორ?..

ექიმი დუმდა. ავადმყოფმა შეკითხვა გაუმეორა.

— შევასრულებ... — ბოლოს, როგორც იქნა, წარმოთქვა ექიმმა.

ავადმყოფს სახეზე სიცოცხლის სხივი აუკიაფდა.

— მჯერა შენი, გრიგორ, მაგრამ... დაიფიცე.

ექიმი წამოდგა და აკანკალებული ხმით გულისტივილით ჩაილაპარაკა.

— ვფიცავ ამ უწმინდეს წუთს, ძვირფასო ნუნე, რომ შევასრულებ, ყოველნაირად შევეცდები შევასრულო შენი თხოვნა, თუშცა, მეტად ძნელი კია... დიახ, ვიცოცხლებ, ჩემო ნუნე, ჩემო ანგელოზო, იმისათვის, რომ არასოდეს არ დაგივიწყო, ყოველ წუთს, ყოველ წამს მოგიგონო შენი კეთილი საქმით! შენს წმინდა სახელს საკურთხევლად გაიხდის მაღლიერი მაგრამ სეუდისაგან დაკოდილი ჩემი გული...

— იქ, სამშობლოში, სამოდვაწეოდ... — ნელა, ძალიან ნელა წაიჩურჩულა ავადმყოფმა და გაშტერებული მიატყერდა სეირანიანს თვალებში. — სოფლის მყუდროებაში... გახსოვს?.. მოიგონე... არ დაივიწყო... მე კი, ეპ, აღამიანებო! ხალხო!..

უკანასკნელი სიტყვების თქმაზე ნუნეს გაფითრებული პირისახე უცნაურად დაებრიცა, დაუმახინჯდა, თვალები საზარლად გადაატრიალა, რამდენჯერმე შეირხა და ხრიალი დაიწყო, მერე თვალები მილულა, გაიჭიმა და უეცრად გაშეშდა. იგი გარდაიცვალა.

0

ნახევარი საათის შემდეგ სეირანიანი მეგობრის ოთახში იჯდა მარტო და ლამპის შუქზე ნუნეს მაგიდიდან აღებულ ერთ-ერთ წერილში ამ სტრიქონებს კითხულობდა:

„ჩემო ძვირფასო გრიგორ!

ვერ წარმოიდგენ ამ წუთს, როცა ამ წერილსა ვწერ, როგორ მღელ-

ვარებას განიცდის ჩემი სული, რაოდენ გამწარებულია ჩემი გული, ვინაიდან უნდა გადაგიშალო ის საიდუმლოება, ან უფრო სწორედ, მწვავე ტკივილების აღმძვრელი ის უხამსი სინამდვილე, რომელსაც აქამდე დიდი სიღრთხილით გიმალავდი... ო, გრიგორ, მაპატიე, მაპატიე, ჩადენილი დანაშაული, ნუ გამკიცხავ, რადგან რასაც ჩავდიოდი, შეგნებულად ჩავდიოდი შენს სასარგებლოდ...

მაგრამ ვიდრე ამ საიდუმლოებას გაგიმხელდე, გემუღარები, წინასწარ გაფრთხილებ, გამაგრდე ისე, როგორც ეს ვაქეაცს შეპფერის და თავში ნურავითარ ბოროტ აზრს ნუ გაიტარებ, რადგან ვიცი, რაც მე უნდა გითხრა, შენთვის სიკვდილის მაგვარი ამბავი იქნება... ოჰ, იცის ღმერთმა, არ მინდოდა ამ წერილის დაწერა, ძალიან ბედნიერად ჩავთვლიდი თავს, რომ ამის შესახებ არაფერი გცოდნოდა და მშვიდობიანად გეცხოვრა, მაგრამ როდემდე, ჩემო ძვირფასო გრიგორ?..

აღრე თუ გვიან, სულ ერთია, გამომქლავნდებოდა, და აი, ეს დრო დადგა კიდევ.

ღღემდე, ესე იგი, მთელი ხუთი წელი, განსაკუთრებით კი ამ უკანასკნელ ჩემს წერილებში მუდამ გწერდი, რომ კარგად ვიყავი, მხიარულად და მშვიდად ვატარებდი ჩემს ცხოვრებას, რომ მოუთმენლად ველოდი იმ დროს, როცა სწავლას დაამთავრებდი და შინ დაბრუნდებოდი. შენც ასეთივე შინაარსის პასუხებს მიგზავნიდი, მაგრამ რა იცოდი, რას იფიქრებდი, რომ ჩემი ნამდვილი ცხოვრების სულ საწინააღმდეგო ამბავსა გწერდი, იმ წერილების წერის დროს ცხარე ცრემლებს ვღვრიდი და იმ დროს გული მზამით მქონდა სავსე... მაპატიე, მაპატიე, ჩემო გრიგორ, ნუთუ ვერა ხვდები, რომ არასოდეს არაფრის გულისათვის არ ვისურვებდი უღმობელი ბედისწერისაგან განთავისუფლებულ შენს ბედნიერ ცხოვრებაზე ახალი მზამისა და გისლის გადმონთხევას... რაც არ უნდა ყოფილიყო, მინდოდა, ჩემი სურვილი იყო, შენ გეცოცხლა, მიგელწია მიზნისათვის... დიახ, მიზნისათვის... მე დაღუპული ვიყავი და არ მინდოდა ჩემს გამო შენც დაღუპულიყავი... ოჰ, გრიგორ, გრიგორ, შენ არ იცი, რამდენჯერ დამიწყევლია, დაე მეპატიოს ეს ცოდვა, ის ავბედითი წუთი, როცა ჩვენ პირველად შევხვდით ერთმანეთს, როცა უღმობღლმა ბედისწერამ ერთმანეთს დაგვაახლოვა, რომ შემდეგ მთელი მზამი და გესლი ჩვენზე გადმოენთხია...

კმარა, დროა საქმის არსს შევეხოთ.

სწორედ იმ დამეს, იმ წუთს, როცა შენ გაგშორდი, რომელიღაც ში-

ნაგანმა გრძობამ მიკარნახა, რომ ჩვენ ერთმანეთს აღარ შევხვდებოდით, და თუ ეს მაინც მოხდებოდა, ვინ იცის, როდის და როგორ პირობებში!.. მხოლოდ ამ ბოლო წელს დავრწმუნდი, რაძღენად მართალი იყო ჩემი ის წინათგრძობა.

შენ წახველ, გრიგორ, მე დავრჩი, მაგრამ ღპერთო ჩემო, როგორ სიცარიელეს, არარაობას ვგრძობდი მაშინ ჩემს ირგვლივ, რაოდენ სიმწარეს, რაც ცხარე ცრემლების ფსაად დაჰიჯდა... ახლა კი, ვზიეარ, ამ სტრიქონებსა ვწერ, ერთი წვეთი ცრემლიც არ ჩამომდის, — ცრემლი აღარა მაქვს, გაჰიშრა, ახლა გულითა ვტირი, და ჩემი ცრემლები დაკოდილი გულის დაუშრეტელი ამოკვნესაა...

ოთხ წელს გვერდს ავუვლი და გადავდივარ მეხუთე წელზე, როცა, სამწუხაროდ, ყველაფერი დამთავრებულია...

ერთ დღეს ჩვენსა ერთი უცნობი დედაბერი მოვიდა. მამაჩემი ძილისაგან ახალგაჰოფხიზლებული იყო და ჩვეულებისამებრ წითელ ღკინოს შეექცეოდა, დედაჩემი ხელსაქმით ირთობდა თავს. მე წიგნს ვკითხულობდი, მაგრამ შევაძჩნიე, იმ დედაბერმა, კუდიანს რომ წაავაგდა, როგორ ამათვალღერ-ჩამათვალღერა, ჩვეულებრივი მისალმებისა და რანდენივე საიდუმლო სიტყვებსა შემდეგ, მამაჩემმა შითხრა, მათ ლაპარაკს არ დავსწრებოდი. გამიკვირდა, რას ნიშნავს ეს გაფრთხილება-მეთქი, მაგრამ დავემორჩილე და გარეთ გავედი. ერთი თუ ორი საათის შემდეგ, ჩემი საწოლი ოთახის სარკმლიდან თვალი მოვკარი, რომ მამაჩემი და ის დედაბერი მუსაიფით წავიდნენ. მაშინვე დედაჩემთან მივედი და შევეკითხე, ვინ იყო ის დედაბერი, რა უნდოდა, ან ლაპარაკს რატომ არ დანასწრეს. დედაჩემი მოწყენილი და ჩაფიქრებული იჯდა. ჩემს შეკითხვაზე თვალეში შემომხედა და მიეხვდი, მის მზერაში რაღაც სიბრაალული იმალებოდა... მაგრამ ისე დაბნეულად მიპასუხა, რომ მტკიცედ დავასკვენი, აქ რაღაც საიდუმლოებას ჰქონდა ადგილი და ეგ საიდუმლოება სწორედ მე მეხებოდა...

იმავე საღამოს, დაბნელდა თუ არა, დედაჩემთან დავაპირე შესვლა. ჯერ იმის ოთახამდე არ ვიყავი მისული, რომ უეცრად მამაჩემის ყვირილი მომესმა:

— ხმა ჩაიწყვიტე, თორემ ღმერთსა ვფიცავ, ახლავე სულს გაგაფრთხობინებ... გუეუბნები, ისე უნდა მოხდეს, როგორც მე მსურს... განა აქ მე შენზე უფროსი არა ვარ? ყველაფერი ისე უნდა იყოს, როგორც მე მინდა!.. ფრთხილად იყავი, თუ ერთხელაც გაგიბედნია წინააღმდეგობის

გაწევა, კრინტი დაგიძრავს, ვაი შენი ბრალი... მაშინ აღარ გამამტყუ-
ნოთ...

კარებთან ვიდექი და ყურს ვუგდებდი. მამაჩემი გაჩუმდა, მოისმა
ყრუ ქვითანი — დედაჩემი ტიროდა... მთელ სხეულზე ეკლები დამასხა
და ეიგრძენი ცრემლი მასჩრობდა. გავიქეცი, შევეარდი ჩემს ოთახში და
აქანკალებული ლოგინში ჩავწექი.

ოჰ, გრიგორ, თითქოს დღესაც ჩამესმის ყურში საბრალო დედაჩემის
ყრუ ქვითანი, იმისი ცრემლას თითოეული წვეთი თითქოს ცეცხლის
ნალექრდალი იყო, რომლისგანაც მოყენებული განუკურნებელი წყლუ-
ლი ალაც მწვაავს და მიღრღნის გულს... დედაჩემის ტირილს ბევრჯერ
შეესწრებოდა, პირველი არ იყო, მაგრამ არასოდეს ისე არ უმოქმედია
ჩემზე, როგორც ამჯერად... მხოლოდ ის მიხვდება ჩემს მდგომარეობას,
ვისაც გულკეთილი შვილის მხურვალედ მოყვარული დედა და დეაპოტი
შავა ჰყავს... ო, უბედურო, საცოდავო ჩემო დედა, როგორი მოკრძალებ-
ით და უხმოდ ატარებ იმ მძიმე უღელს, რაც ჩემმა უსულგულო მამამ
დაგადგა კისერზე... როგორი მწამებლური მოთმინებით იტან იმ ქუჩურ
უწმალურ ლანძღვა-გინებას, რომლითაც მამაჩემი ყოველდღე გიძასპინ-
ძლდება. საცოდავი დედაჩემი რაოდენ დიდსულოვნად ითმენს, არც
ერთხელ არაეისთვის არ შეუჩივლია... და განაგრძობს მასთან ცხოვრე-
ბას...

ამ დღიდან ის უცნობი დედაბერი თითქმის ყოველთვის მოდიოდა
ჩვენსა და განსაკუთრებით მამაჩემს ემუსაიფებოდა. საწყალი დედაჩემი
მათ საუბარში მონაწილეობას არ იღებდა. მაგრამ რაზე ლაპარაკობდ-
ნენ? — ვერა და ვერ გავიგე. რამდენჯერმე დედაჩემს მივმართე, მაგრამ
იგი მუდამ სდუმდა, ბუნდოვან პასუხს მაძლევდა, მე კი ვამჩნევდი, მას
მუდამ აწითლებული და ნამტირალევი თვალები ჰქონდა...

იმავე კვირის შაბათ საღამოს, დედაჩემმა, რომელიც ჩვეულებრივზე
უფრო მოწყენილი იყო, მითხრა, კარგად გამოეწეე, ვანქის ეკლესიაში
უნდა წავიდეთ. დავემორჩილე, ჩავიცვი და წავედი. მამაც უკან მო-
გვდევდა. გზაში შენიშვნა მომცა (რამაც ძალიან გამაკვირვა), თავი მუ-
დამ მალლა გეჭიროსო.

შევედით ეკლესიაში, საღამოს ლოცვა უკვე დამთავრებულიყო. ძა-
ლიან ცოტა ხალხი ესწრებოდა. დანარჩენებიც სახლებისკენ მიდიოდნენ.
ზედ ეკლესიის კარებთან დედაბერი დაეინახე, ხშირად რომ დაიარებოდა
ჩვენთან. მის გვერდით დაახლოებით ორმოცდაათი წლის, ევროპულად

ჩაცმული, ღიბიანი კაცი იდგა. მისი სხეული უფრო გაბერილი გეგონებოდათ, ვიდრე მსუქანი, ხოლო ნაყვავილარი პარისახე ყვიაული ჰქონდა, თითქოს რაღაც სენით დაღდასმული. წარბებისა და წამწაქების დიდი ნაწილი გასცვენოდა. შავი თმა რატომღაც საეჭვო მეჩვენა. უღვაშები არა ჰქონდა, წვრილი, თავისებური თვალები მის სახეს რაღაც შესაზარ გამომეტყველებას აძლევდა. პირველ შეხედვისთანავე შემეზიზნა ის კაცი.

ეკლესიაში შესვლისთანავე შევამჩნიე, დედაბერმა მუჯლუგუნი როგორ ჰკრა იმ კაცს და გაიძვერა თვალებით ჩემზე მიუთითა. ღიბიანმა თავისი ეშპაკური თვალების მზერა ჩემსკენ გადმოიტანა (ასე მომეჩვენა). სანთელი ვიყიდეთ, მივედით ტრაპეზთან და შანდალზე უნდა დავენთო, რომ უეცრად რას ვხედავ! ღიბიანი უცნობი გვერდზე მიდგას და ჩსიც სანთელს ანთებს. მე ადგილი დავუთმე, თან ვფიქრობდი, ეგ ბატონი ჩემს მოსვლას რად ელოდებოდა? ანდა, სანთელი რაღა სწორედ იმ შანდალზე აანთო, რომელზედაც მე ვანთებდი-მეთქი?... შევამჩნიე, მისი წვრილი, თავისებური თვალები სანთელს კი არა, მე მომჩერებოდნენ, თანაც ისე, რომ იმ პაწაწინა თვალებით ჩემ შეჭმას ლამობდა... შემეშინდა, სასწრაფოდ გავშორდო... ეკლესიიდან გამოვედით და სახლასაკენ გავწიეთ. გზაში უკან მივიხედე. დავინახე ის ღიბიანი კაცი და დედაბერი ჩვენ მოგვდევდნენ. კაცი თვალს არ მაშორებდა. უნებლიეთ მივხვდი, ეგ კაცი დიდ როლს ითამაშებდა ჩემს მომავალ ცხოვრებაში და ვაი რომ ჩემი წინათგარძნობა ამჯერადაც ასრულდა...

მომდევნო კვირას ჩვენ სახლში დიდი მზადება იყო. მე არ ვიცოდი რა ხდებოდა და ამიტომ დედას შევეკითხე. დედაჩემი ძალიან მოწყენილი იყო, ბევრი ტარილისაგან თვალები დასაიებოდა. შემომხვდა. მის თვალებში უსაზღვრო აღერსი, სიყვარული და იმავე დროს სიბრალული მოჩანდა. რაღაცა უნდოდა ეთქვა, მაგრამ როგორც ეტყობოდა, ვერ ახერხებდა.

— დედი, რა დაგემართა? — გაოგნებული შევეკითხე.

უცბად წამოდგა, მხურვალედ ჩამიკრა გულში და მითხრა:

— ამაღამ უნდა დაგნიშნონ, ჩემო ძვირფასო გოგონა... — და მწარედ აქეთიინდა.

— რაო? — წამოვიძახე შეშინებულმა, მისი მკერდიდან თავი გავითავისუფლე და უეცრად უკან დავიხიე — ისე მომეჩვენა, ამ სიტყვებთან ერთად თითქოს მთელი სახლი თავზე დამენგრა.

— მამაშენს უნდა ავალამ დაგნიშნოს, — გაიმეორა დედაჩემმა, — პერე იცი ვიზე? — იმ კაცზე, წარსულ შაბათ საღამოს ეკლესიაში რომ ვნახეთ.

მე აღარაფერი მესმოდა, თვალთ დამიბნეულდა, თავბრუ დამეხვა და ოითქმის უგრძობლად დავეცი სავარძელზე.

ამის შემდეგ მეორე დღიდანვე არაფერი გამიგია, რა გადამხდა იმ დღეს. უგრძობ მდგომარეობაში ვიყავი. თვალი ავახილე თუ არა, ჩემს ლოგინთან დედაჩემი დავინახე.

— როგორა ხარ, შვილო? — შემეკითხა დედა.

მე გაკვირვებით შევხედე.

— რა გადამხდა? — ჩემ მხრივ შევეკითხე დედას.

— ღმერთო ჩემო, ნუთუ გუშინდელი შემთხვევა არ გახსოვს?..

— სრულებით არაფერი მახსოვს.

— ნუთუ არ გახსოვს, რომ გუშინ საღამოს დაგნიშნეს?..

ისე მომეჩვენა, თითქოს უეცრად მახვილი გაეყარათ ჩემთვის გულში.

— ტყუილია, ტყუილია, დედი, მატყუებ... მცდი. — შეშლილივით შევბლაღვე.

— უჰ, ათასჯერ სანატრელი იქნებოდა, ეგრე რომ ყოფილიყო, ჩემო ძვირფასო გოგონა, — დასძინა დედამ და კვლავ ატირდა. — მაგრამ შენი მოსატყუებელი რა მაქვს, ჩემო ბედკრულო შვილო?.. გრძნობა დაკარგული გქონდა, როცა მამაშენმა ბრძანა ჩაგვეცმია შენთვის და ღარბაზში გაგვეყვანე; სადაც სასიძო იცდიდა. შენ გამოთაყვანებულებით დანებდი, კრინტიც არ დაგიძრავს, არც წინააღმდეგობა გაგიწევია... მე ცხარე ცრემლებით დაუვნამე ფეხები, ვთხოვე, შევევედრე მამაშენს, თავი დაანებე, შეიბრალებე-მეთქი, მაგრამ ისე იყო გაცოფებული, ცოტა გაწყდა ხანჯლით ამკუწა. შიშისაგან იძულებული გახვდი ხმა ჩამეკმინდა... ოჰ, ჩემო ძვირფასო გოგონავ; რას არ გავიღებდი, რას არ მივცემდი, ოღონდ დამეხსენი მაგ მხეცებისაგან... — ცრემლებმა კინაღამ მოახრჩვეს და კვლავ მხურვალედ ჩამიკრა გულში. მე გაქვავებული ვუსმენდი, მაგრამ მაინც არა მჭეროდა. ნუთუ სამუდამოდ დავიღუპე? ნუთუ მართლა დაჰნიშნეს იმ კაცზე, რომელიც პირველი დანახვისთანავე შეშინებდა?.. ნუთუ მართლა შეიძლება ესოდენ შეუბრალებლად მოექცნენ ადამიანს?!

— კიდეც არა გჯერა ჩემი? — მითხრა დედამ, — აბა დაიხედე, თითზე ბეჭედი გაქვს, შე უბედურო.

დავიხედე თითზე. ძვირფასი ბეჭედი მქონდა წამოცმული. ვიფიქრე, ეგ ბეჭედი კი არაა, შხამიანი გველი შემომხვევია-მეთქი. ახლავა დავრწმუნდი, რომ დედაჩემი არ მატყუებდა. მაშინვე წავიძრე ბეჭედი და შორს მოვისარიალე.

— მომამორეთ! მე არასოდეს არავის არ გავყვები ცოლად, — დავიბლაღვე იმედგაცრუებულმა და ცრემლები გადმოვღვარე...

ამ დროს უეცრად კარი გაიღო და ზღურბლზე მამაჩემი გამოჩნდა, შევხედე. მამაჩემს ისეთი ალექსილი სახე ჰქონდა, კანკალი ამივარდა და დედას მოვეხვიე, რომელიც გაცოფებული მეუღლის დანახვაზე სდუმდა და ვერხვის ფოთოლივით ცახცახებდა. მე და დედაჩემი მშიშარა ბატონებს ვგავდით, მგლის დანახვაზე ერთმანეთს რომ მიეკრობიან და ელოდებიან, მხეცი როდის მივარდება, რომ დაგლიჯოს და გადასანსლოს... ერთ წუთს სიჩუმე ჩამოვარდა. მერე მამაჩემი ნელი ნაბიჯით მიუახლოვდა დედაჩემს, გაცეცხლებული თვალებით დაჟინებით მიაჩერდა შიშისაგან გადმოკარკლულ თვალებში და ჩუმად, ხმადაბლა, მაგრამ ისეთი ტონით, რომ ჩვენ ორივეს ძარღვებში სისხლი გაგვეყინა, უთხრა:

— თუ ეს ბავშვი ერთხელ კიდეც გაგიგიუებია, მაშინ ვაი შენი ბრალი... უკანასკნელად გაფრთხილებ, ღმერთს გეფიცები, ხანჯლის წვერზე აგაგებ... მე ცერემონიები არ მიყვარს. — და გარეთ გავიდა.

ოჰ, გრიგორ, ღრმად მწამდა, რომ თავის სიტყვას შეასრულებდა, შენც ხომ მოწმე ხარ, როგორი გაცოფება იცოდა... იმ დღიდან საწყალ დედაჩემს სიტყვა აღარ დაუძრავს, შიშისაგან ახლოს არ მეკარებოდა. როცა შევხვდებოდი, საცოდავს თვალები მუდამ აწვითლებული და დასიებული ჰქონდა ცრემლებისაგან. იგი ჩუმად დასტიროდა თავის ერთადერთ ქალიშვილს და გულში იკლავდა დედობრივი სიყვარულის უნახეს გრძნობებს; ვეღარ ბედავდა ჩემს გამოსარჩლებას, რადგან სიკვდილით ემუქრებოდნენ...

რამდენიმე დღის მერე ყური მოვკარი, — ქორწილი ორი კვირის შემდეგ დაენიშნათ. ძვირფასო გრიგორ, ახლა თვითონ წარმოიდგინე ჩემი მღვთმარება... აქნობამდე ჩემი თავგადასავალი სიზმარი მეგონა, ვერ დამეჭერებინა, რომ მამაჩემი იმდენად უსულგულო გამოდგებოდა და ისეთი კაცის ხელში ჩამაგდებდა, რომლის მარტო სახელის ვაგონებაზეც სისხლი მეყინებოდა... ახლა კი დავრწმუნდი — სა-

შინელი სინამდვილე იყო. ნუთუ მე იმ ბებერი ურჩხულის ცოლი უნდა გაევზდარიყავი? ნუთუ მართლა ჩემი ნორჩი ასაკის ხვედრი იყო უდროოდ დაქცნობა?

ხოლო იმაზე ფიქრს, რომ სამუდამოდ უნდა გაგყროდი შენ, ჩემო ძვირფასო გრიგორ, სიგიჟემდე მიეყავდი... მერე ჩვენი ოცნებები, მიზნები? ღმერთო ჩემო, რა მექნა? ვისთვის მიმემართანა, ვის შევხვეწნოდი, რომ მე უზადარუკი, უმწეო არსება გადავერჩინე იმ საზარელი უფსკრულისაგან, საითკენაც მიბიძგებდნენ... მარტოდმარტო ვიყავი მთელ ქვეყანაზე, დიახ, მარტო...

წარმოიდგინე, ღმერთსაც არ ესმოდა ჩემი გასაჭირი... ერთადერთი გამოსავალი დამრჩენოდა — ეს იყო თვითმკვლელობა, რომელსაც მიმართავენ ჩემნაირი უბედურები... რა უფლება მქონდა ხელი აღმემართა საკუთარ სიცოცხლეზე? მე ხომ ჩემს თავს არ ვეკუთვნოდი? დედაჩემი! ჩემი ძვირფასი, უბედური დედა?.. რა მდგომარეობაში ჩავარდებოდა? მე ხომ იმისი ერთადერთი სიხარული ვიყავი? მას ხომ მხოლოდ ჩემით ედგა სული? ჩემით ნუგეშობდა... მერე შენ, ჩემო ძვირფასო გრიგორ, რა პაპუხი გამეცა შენთვის? დედაჩემისთვის? ღმერთო ჩემო, ღმერთო ჩემო, მე კი კვლავ მამაჩემის მოწყალეების იმედი მქონდა, მეგონა არ გამწირავდა; მე ხომ იმისი ერთადერთი ნუგეში, ერთადერთი შვილი ვიყავი? ქვა ხომ არ იყო? ასე აცრემლებული მივედი მამაჩემთან, ფეხქვეშ ჩავუვარდი, მუხლებს ვუკოცნიდი, ცრემლებს ვაფრქვევდი, ვეხვეწებოდი, ვემუდარებოდი, რომ თავის განზრახვაზე ხელი აეღო, მაგრამ წახლი მკრა. კუთხეში მიმაგდო და მიბრძანა: ამიერიდან ასეთი „უნამუსობა“ არ გაბედო... უკანასკნელი იმედის ნაპერწკალი გაქრა. წარმოიდგინე, გრიგორ, აზვირთებულ მდინარეში ჩავარდნილი ადამიანი, იგი იხრჩობა, თავიდა მოუჩანს, მაინც ცდილობს როგორმე მიაღწიოს წყლის ზედაპირს, მოფარფატე ნაფოტამდე, უნდა ხელი წაავლოს, რომ იქნეო გადაარჩეს, მაგრამ, მისდა საუბედუროდ, ეს ნაფოტიც წყალში იძირება და განწირული ბედის ამარა რჩება. მითხარი, გრიგორ, რა არის ასეთ ადამიანის ხვედრი?.. ჩემი მდგომარეობა იმ ადამიანზე უფრო საშინელი იყო... ბრძოლის უნარი აღარ შემწვევდა. გავიფიქრე, დაე ახდეს ის, რაც შუბლზე მაწერია-მეთქი, — გადავწყვიტე და ბედისწერას მივკენდე.

მე გამათხოვეს და იმისი ცოლი გავხდი. უფრო სწორად, ცოცხლად დამმარხეს და მაინც განვაგრძობდი არსებობას... რამდენიმე სიტყვას

გეტყვი, გრიგორ, მეუღლის შესახებ და შენ ნათლად წარმოიდგენ ჩემს ახლანდელ მდგომარეობას.

ჩემი მეუღლე თბილისში განთქმული ვაჭარია, ერთ-ერთი იმ ვაჭართაგანი, რომელთა სიმდიდრის თვითეული კაპიკი ყველაზე ბანძურა საშუალებებით არის შექმნილი და ვისთვისაც ერთადერთი ღმერთი — მხოლოდ ფულია. ჩემი მეუღლე ისეთ ხალხს ეკუთვნის, რომელთა ცხოვრების გზა სიჭაბუკიდან მოყოლებული ღრმა მოხუცებულობამდე მხოლოდ გარყვნილებისა და უზნეობის გზაა. ეს გარყვნილება წარუშლელი კვალივით ამჩნევიათ მათ, როგორც უკურნებელი სენი, დღენიადაგ გავლენას ახდენს მათ ფიზიკურ ჯანმრთელობაზე და ამ სენით ასწეულბენ აგრეთვე თავიანთ ირგვლივ მყოფთ... ერთი სიტყვით, ჩემი ქმარი ისეთი კაცია, გრიგორ, რომელსაც ადამიანი კი არა (ო, აფსუსია ეს წმინდა სახელი), ურჩხული უნდა ეწოდებოდეს... და აი მე, ყველაზე ბედკრული და საცოდავი არსება, მაგის ხელში ჩამაგდეს. ერთ დღეში მომიშაპა ჩემი ახლად გაფურჩქნული სიცოცხლე, ისევე, როგორც საშინელი სუსხიანი ყინვა რამდენიმე წუთში მოსწვავს, გაახმობს ხოლმე ახლად ამოყრილ ყლორტებს ყვავილიანად. დიახ, ერთ დღეში, გრიგორ, იმ საზარელმა ურჩხულმა ისეთ უფსკრულში გადამიჩხა. საიდანაც ვეღარასოდეს ამოვედი, მაშინდა მიეხვდი, ჩემი საცოდავი დედა რატომ იღვრებოდა ცრემლად. დაქვორწინდი თუ არა, დაკარგულად მთვლიდა, რადგან იცნობდა თურმე იმ საზიზღარ ადამიანს. მას ერჩია, სისხლში მოსვრილი ვგდებულიყავი იმის ფეხებთან, ვიდრე იმ კაცის ხელში ჩავვარდნილიყავი, მაგრამ ამის არც ძალა შესწევდა და არც ღონე, ხელთ არაფერი გააჩნდა...

ალბათ, იკითხავ, ჩემო საყვარელო გრიგორ, რატომ მიმათხოვა მამაჩემმა იმ კაცს? ნუთუ არ იცნობდა? არ იცოდა მისი წარსული და აწმყო? თუ თვითონ არ იცნობდა, დედაჩემმა ხომ იცოდა ყველაფერი. გაეფრთხილებინა იგი, აეხსნა, რომ დაღუპვას გადავერჩინე... დიახ, გრიგორ, გიპასუხებ, — მამაჩემი დედაჩემზე უკეთ იცნობდა, გაცილებით უკეთ, ვიდრე დედაჩემი, მაგრამ საქმე სულ სხვანაირად აეწყო. — მამაჩემს, როგორც გაგებულნი გაქვს, ჩვეულებად ჰქონდა კლუბში სიარული, ზედმეტია იმის თქმა, თუ რამდენა მოუგია და წაუგია... ერთ საღამოს მამაჩემი ჩემს მეუღლეს შეხვედრია კლუბში და ბანქოს თამაში დაუწყო. ამ საღამოს მამაჩემს სრულებით არ მოსდოდა კარტი და დიდძალი ფული წაუგია. სიბრაზისაგან სულ უფრო უმატებდა და უმატებ-

და თურმე ჩასასვლელ თანხას. იმ საღამოს მამაჩემს ექვსიათასი მანეთი წაუგია. რასაკვირველია, ეს მცირე თანხა არ არის და მამაჩემი კარგა ხანს ვერ იხდიდა ვალს — თუმცა გადახდის სურვილი ჰქონდა. ჩემს მეუღლეს უფიქრია, ამოდენა ფულს ალბათ ვერ გადაიხდისო და ვალში ჩემი თავი უთხოვია. ეს საქმე გაუჩარხია იმ დედაბერს, რომელიც ხშირად ღაიარებოდა მამაჩემთან, მამაჩემს გახარებია და მაშინვე მიუღია წინადადება. აზგვარად, მამაჩემმა ორი საქმე გაიჩარხა: პირველი — ექვსი ათასი მანეთის ვალისგან განთავისუფლდა და მეორე — უმზითვოდ მიმართოვა მდიდარ კაცს. შემდეგ გავიგე, რომ მაგ კაცს ყველა იცნობდა, არავინ ჭალს არ აძლევდა, წარმოდგინეთ ფულითაც კი. ამ თემაზე საუბარს აღარ გავაგრძელებ, გრიგორ, დანარჩენზე თვითონ იმსჯელე, თუ რა შეიძლება ეწოდოს მშობელი მამის ასეთ საზიზ- ლარ საქციელს.

„ამრიგად, მე გაყიდული ვიქენი, ან უფრო სწორად, მე — ცოცხალი არსება — ბანქოში წამაგო, კლუბში, ისიც ჩემმა ღვიძლმა მამამ... ოჰ, სხვას ველარაფერს ვიტყვი, პროტესტის ნიშნად გულიდან სისხლი წვეთ- წვეთად მდის, დიდიხნის გამშრალ თვალებიდან ცრემლებს ვაფრქვევ, მაგრამ ვის და რის წინააღმდეგ?..

აშკარაა, გრიგორ, რომ იმის შემდეგ ბოლო მოეღო ჩემს სილამაზეს, მოკვდა ცქრიალა, ვარდისფერი გოგონა, რომელსაც შენ იცნობდი. ჩემმა ქმარმა პირველ ღამესვე ისეთი სენით დაბაჯილდოვა, რომლისგანაც მხოლოდ სიკვდილით თავისუფლდებიან... ექიმებმა მიჩიჩიეს, ეს ზაფხუ- ლი აგარაკზე გაატარეთ. როცა ამ წერილს გწერ, უკვე აგარაკზე ვიმყოფებით. დიდი ხანია ამ წერილის წერა დავიწყე, გაჭირვებით, დღეში მხოლოდ რამდენიმე სტრიქონსა ვწერ. დღეს სახლში არავინ არის, მამა- ჩემი და ჩემი ქმარი ქალაქში წავიდნენ. დედაჩემი კი ბევრი ხვეწ- ნა-მუღარით ძლივს გავგზავნე საზოგადო ბაღში სასეირნოდ. ექიმებს არ ვლებულვობ, მინდა მალე მოვკვდე, დავტოვო ეს ფუჭი ქვეყანა, სადაც ასე ნაადრევად მომიშხამეს ნორჩი სიცოცხლე, სადაც ჩემი კეთილი მიზ- ნებითა და მიწრაფებებით სავსე გული მომიკლეს... ო, დიახ, სიკვდი- ლი — ეგ არის აძლეღვარებული სიცოცხლის ნავსადგური! ეგ არის ჩე- მისთანა უბედურთა ერთადერთი მხსნელი იმედო!

ო, რა ტკბილად მეჩვენება სიკვდილი, დამშვიდება, სამუდამოდ, უკუნისამდე... აი იქ მე უკვე ვხედავ სხივოსან ანგელოზს, იგი მიღიმის და ჩამჩურჩიულებს: „გეყოფა მაგ მოშხამულ ქვეყანაში ცხოვრება, სა-

დაც აღამიანებისათვის არაფერია წმინდა, არაფერია სანუკვარი. წამომ-
ყე, ჩემი გასხივოსნებული ფრთებით წაგიყვან ციურ მარადიულობაში—
იქ, სადაც მხოლოდ მშვიდობა, წმინდა სიყვარული და უშფოთკელი
ცხოვრებაა“... აჰა, მე სიამოვნებით ვნებდები მას და ვგრძნობ, ძალიან,
ძალიან ტკბილია, მშვენიერია...”

ექიმი სეირანიანი კი ცოცხლობს და იცოცხლებს კიდევ, — მან შე-
ასრულა თავისი ფიცი, უკანასკნელ ამოსუნთქვამდე არ დაივიწყა ნუნეს
ხსოვნა, და დღევანდლამდე წმიდად ასრულებს იმის უკანასკნელ
თხოვნას.

ანა საროიანი

ბ

თბილისი, 6 სექტემბერი, 1880.

ჩემო საყვარელო რიტსიმე, ჩემო ძვირფასო დაო! შენმა მოულოდნელმა წერილმა დამაღონა და ამავე დროს გამაბრაზა კიდევ. რამ გაფიქრებინა, რომ ოდესმე შეეძლებ იმის დაეიწყებას — თუგინდ მინდოდეს კიდევ — ვინც ბავშვობის დღეებიდანვე ჩემი ყველაზე გულითადი, ყველაზე საყვარელი მეგობარია; ვისთვისაც ყოველ დროს, ყოველ წუთს შექმდლო თამამად გამენდო ჩემი გულის საიდუმლოებანი, ვინც თანაზაარი იყო ჩემი სიხარულისა და მწუხარებისა.

„შენ დამივიწყე, ანა, დამივიწყე“, — სინანულით დასძენ ბარათში. არ მესმის, როგორ გაჩნდა ეგ ეპვი (მე ამას დავარქმევდი რწმენას, რომლითაც დაწერილია ბარათი) შენს გულში ჩვენი განშორებისა და ხანგრძლივი დუმილის წლებში! იქნებ უსაზღვრო მეგობრული ბრჯა სიყვარულია ამის მიზეზი, თუ ასეა (რაც ყველაზე სარწმუნოდ მიმაჩნია), ორპაგად უფრო შემიყვარდა შენი სუფთა გული, რომელსაც შესძლებია ესოდენი სამართლიანი განრასხება. და ფიცის გარეშე მერწმუნე, ძვირფასო დაო, რომ მართალია, დიდი ხანია არ მომიწერია ბარათი, მაგრამ დღე ისე არ გაივლიდა, არ მომგონებოდი. ხოლო ზოგჯერ — ეს ხდება ძალიან ხშირად, — ისე მომენატრები ხოლმე, ისე თვალში მაკლიხარ, რომ... არა მგონია ამ გრძნობის გამოხატვა სიტყვებით შეიძლებოდეს!.. „თუ ანე იყო, რატომ წერილს არა მწერდიო?“ — უთუოდ შემეკითხები.

— რატომ არ გწერდი წერილს? — მეც ვაძლეე ამ კითხვას ჩემს თავს, და პასუხი რომ გავცე, გვერდს ვერ ავეუვლი იმ მიუწვდომელ

იღუმალ ძალას, რომელიც ადამიანებზე ბატონობს და ჩვენს გრძნობებს განაგებს. ხანდახან ადამიანის გული ბევრ სხვადასხვა გრძნობას იტევს (თუმცა ეს იშვიათად ხდება. მე კი ხშირად მემართება, განსაკუთრებით ამ ბოლო დროს), ისინი ისეთი ძალით გაბატონდებიან ხოლმე ადამიანზე, რომ არც ერთი შეიძლება მათი გამოთქმა და არც წერილობით გადმოიცემა. ძლიერი გრძნობებისაგან აბობოქრებული გული ისევე ჭირვეულია, როგორც ოკეანე მძვინვარე ქარიშხლის დროს. გულში ჩაბუღებული ეს გრძნობები დედამიწის წიაღში გაჩენილი ლავასავით გარეთ გამოსვლას ლამობენ, ბორგავენ და მანამდე გრძელდება ასე, ვიდრე ნელ-ნელა თვითონვე არ დაწყნარდებიან. ასეა თუ ისე, ძალიან ტკბილია და ამავე დროს მტანჯველი და მწარე გულში დატრიალებულ გრძნობათა ქარიშხალი! გინდა ილაცო და შეაჩვენო, იცოცხლო და მოკვდე. ნეტარება და ვაი მას, ვის გულსაც შეუძლია ასეთი ქარიშხლების გადატანა!.. ვინ იცის, როდემდე არ ამომელო ხმა, ვინ იცის, როდემდე მქონოდა გულში დამარხული ჩემი დარდები, რომ შენს წერილს გულახდილ საუბარში არ გამოვეწვიე... მაგრამ ამის იქით კალამი აღარ მემორჩილება... ექვიანობამ დაპრია ხელი; ვაითუ ვერ გადმოგცე ის, რასაც ახლა განვიცდი... აგერ თხუთმეტმა წუთმა გაიარა, კალამი თითქოს ხელში გამეყინა. თავჩაქინდრული ვზივარ, გული ძალუმიდ მიცემა... ათასნაირი ფიქრები და გრძნობები მომეძაღენ, თავს ძალას ვატან, მინდა ეს ფიქრები და გრძნობები ქალაღზე გადავიტანო, მაგრამ... არა, არ შემეძლია... უკვე ნახევარმა საათმა გაიარა... არა, ძალა არ შემწევს. ნახვამდის, ძვირფასო დაო. სხვა ღროისთვის იყოს.

ნახვის ნატვრით გიკრავ გულში და გკოცნი.

შენი ანა საროიანი.

ბ

თბილისი, 20 სექტემბერი, 1880.

საყვარელო რიფსიმე!

გაკვირვებული ხარ ჩემი წერილის კილოთი. „თითქოს მელანქოლიას შეუპყრიხარ“, — მწერ. უფლება გაქვს გაკვირვებისაც და ასე რომ იფიქრო, იმისაც; ამ კილოთი დაწერილი ბარათი ჩემგან არასოდეს არ მიგიღია. „რა დაგეპარათო?“ — მეკითხები. არაფერი, სრულიად არაფერი; მე ისევ ისეთი ვარ, როგორც უკანასკნელად მნახე. უწინდელივით უზრუნველად ვცხოვრობ, მშობლები და ძმები ჯანმრთელად

არიან; ჩვენს ოჯახში უწინდელივით ახლაც თანხმობა და სიყვარული სუფევს. თითქოს ბედნიერი უნდა ვიყო, ცხოვრებით კმაყოფილი, სასაყვედურო არაფერი მქონდეს, ხომ ასეა, საყვარელო დაო? მაგრამ იცოდე, ეს მართალი არ არის; პირიქით, ამ ბოლო დროს უბედურად ვთვლი თავს, თუმცა ამის რაიმე აშკარა მიზეზი არ გამაჩნია. ამიერიდან ველარ იხილავ შენს დაიკოს, დღენიდაგ მოკისკისეს, ყოველთვის აბეზარასა და მოუსვენარს, რისთვისაც მუდამ მისაყვედურებდი ხოლმე და მაფრთხილებდი, სერიოზულად უნდა გეჭიროს თავიო. უწინ თავქარიან ახალგაზრდებზე გადაყოლილს, რისთვისაც კიდევ უფრო ნაკაცრად მკიცხავდი და როცა მე არ გისმენდი, ხმასაც აღარ მტყპდი ხოლმე დიდი ხნობით. ახლა იმდენად მძულს ასეთი ახალგაზრდობა, რომ ვინ იცის, შეიძლება მე თვით დაგიწყო საყვედურები და წაგეჩხუბო კიდევ, თუ არ დამიჭერებ. ჩემში ისე წაიშალა უწინდელი შიამიტური ბავშვური კვალი, ასე მგონია, ყრმობის წლებმა რა ხანია გააარა და ჩემი გული სამუდამოდ შეუვალა ანცობისათვის. ის, რაც წინათ მთელი არსებით მიყვარდა, ახლა მთელი არსებით მძულს; კლუბში სულ აღარ დავიარები, მეჯლისებზე — იშვიათად, თეატრში — ხანდახან, სადაც არ უნდა ვიყო, რაც არ უნდა ხდებოდეს, ყველაფერი მალე მბეზრდება. ამეამად მხოლოდ და მხოლოდ განმარტობა მიყვარს და ძალიან გული მომღის, როცა ვაწუხებენ — მყუდროებას მირღვევენ. მარტობის დროს ათასნაირი ფიქრები ამეშლება ხოლმე. ზოგჯერ ისე გამიტაცებს ეს ფიქრები, რომ ყველაფერი მავიწყდება აიქვეყნად. მაგრამ რაზე ვფიქრობ, — თვითონაც არაფერი გამეგება. მხოლოდ ის ვიცი, რომ ყველა ფიქრი შხამს მაწვეთებს გულში. ხანდახან, როცა ამ პტანჯველი ფიქრებსაგან გამოვერკვევი, საშინელი გრძნობა მეუფლებს, თვალები ცრემლებით მევსება და ლამის ავტირდე; დროდადრო საშინელი სიზარმაცე დამრევს ხოლმე ხელს, თუმცა, როგორც იცი, კითხვისა და ფორტეპიანოზე დაკვრის მეტი საქმე არ გამაჩნია; მიუხედავად ამისა, ისე ვარ მოთენთილი, რომ არც საწოლიდან წამოდგომის ხალისი მაქვს, არც სახლიდან გარეთ გასვლისა. მინდა უძრავად ვიყო, გარინდებული. მაგრამ სხვა დროს მოძრაობის ისეთი მოძალებული სურვილი გამიჩნდება, რომ მომინდება ერთღროულად ესეც გავაკეთო, ისიც, ვირბინო, გავიქცე-გამოვიქცე, ვიცეკვო, პიანინო დავუკრა, გავტეხო, დავამტკრიო. — ერთი სიტყვით, მინდა ჩავიღინო ყველაფერი, რაც მომესურვება და რაზედაც ხელი მიმიწვდება. გუშინ სწორედ ასეთ

მდგომარეობაში ვიყავი: საღამოს ჩაის შემდეგ ფინჯანი მაგიდაზე ისე მოვისროლე, რომ გაგორდა, იატაკზე დაეცა და დაიმსხვრა. ავიღე წიგნი, რამდენიმე სტრიქონი ძლივს ჩავეკითხე, მაშინვე დავხურე და ისიც იატაკზე მოვისროლე; პიანინოს მივუჭექე, ისე გაშმაგებით დაჯარტყი თითები კლავიშებს, რომ ერთი სიმი გაწყდა. შემდეგ უკვე აღარ მახსოვს რა ჩავიღინე. სახლში ყველანი სახტად დარჩნენ. მერწმუნე, თავად მეც არა ნაკლებ ვიყავი გაოცებული. რატომ ვიქცევი ასე, რატომ? ნუთუ ვგიჟდები? ანდა, ნუთუ ესეც ერთგვარი ავადმყოფობაა, როგორც ადამიანს ემართება?

არაფერი გამეგება. მხოლოდ ერთი რამ მესმის კარგად და ვგრძნობ კიდევ. — გული მიისწრაფვის, ძალუმად მიისწრაფვის რალაც იღუმალისაკენ, არ არსებულისაკენ და თითქოს სასოწარკვეთილია, რომ მას კერასოდეს ვერ მიაღწევს. აჰეამად ყოველნაირად ვცდილობ თავი და ვაღწიო ამ სულელურ მდგომარეობას და იმედი მაქვს შევძლებ. დავიწყე კითხვა. დღენი დაღ ავით ვიქცევ თავს. ჩემო საყვარელო, ხშირად მოიწერე, მეც ასევე მოვიქცევი; მხედველობაში იქონიე, რომ მე გული გადაგიშალე და ამიერიდან აღარ ძალმიძა ჩემი გრძნობების დაფარვა. წერილობით მინდა ყველაფერი გაგიზიარო; ვგრძნობ, ამით მდგომარეობა შემიმსუბუქდება. ახლა კი მშვიდობით, მორიგ წერილის მიღებამდე.

შენი ანა სართიანი.

3

თბილისი, 4 ოქტომბერი, 1880.

საყვარელო რიფსიმე!

შენ ცდილობ ახსნა-განმარტება მოუნახო ჩემს უცნაურ სულიერ მდგომარეობას და გგონია — ამის მიზეზი უსაქმურობაა, ე. ი. ის, რომ მე არაფერს ვაკეთებ. შეიძლება, ნაწილობრივ მართალიც იყო, მაგრამ საქმე ის არის, რომ მე არაფერი მიტაცებს. რას მიბრძანებ, რა საქმეს მოვკიდო ხელი, როცა იმდენი მოთმინებაც კი არ გამაჩნია, რომ უბრალო ხელსაქმე დავამთავრო? და საერთოდ არაფერი ბოლომდე არ მინდა გავაკეთო!.. არა, ჩემის აზრით, მთავარი მიზეზი — მარტობაა. შეიძლება ამან გაგაკვირვოს, მაგრამ ასეა; დიახ, მე მარტოდმარტო ვარ, და იმიტომ კი არა, რომ მეგობრები არა მყავს, რომლებთანაც თავს შე-

ვიქცევდი და გავერთობოდი — არა, მე თავად გამოვეთიშე მათ, ახლა ისინი სულელ და თავქარიან არსებებად მიმაჩნია... სხვა საქმეა, შენ რომ იყო ჩუათან, მაშინ ილაჯი არ გადაძიწყდებოდა, ახლოს არ გაქეკარებოდა მოწყენილობა, ისევე, როგორც უწინ, როცა ერთად ვიყავით, თუქცა, მაშინაც შენი გადაქარბებული სერიოზული მსჯელობა და ჰქუის დამრბაგებლობა ზოგჯერ ჩემში სიცილს იწყევდა ხოლმე... ოპ, როგორი თავქარიანი ვიყავი მაშინ!.. ახლაც კი, გამოგიტყდები, გაკვირვებულები ვარ, ესოდენ გონებანათელ და სერიოზულ ადამიანს, რა საერთო გქონდა ჩემისთანა თავქარიან არსებასთან!.. მიუხედავად სიღარიბისა, შენ იყავი ძალიან თავმოყვარე, მაგრამ ერთხელაც არ გიცდია მიგეტოვებინე. მაშინაც კი, როცა გრძნობდი, სხვადასხვა ჟურის მოშურნერი ჩვენს მკიდრო მეგობრობას შენს ანგარებიან მიზნებს მიაწერდნენ. როგორ არ გბეზრდებოდა ჩემი ძალზე სულელური ლაპარაკი ერთსა და იმავე საკითხებზე: ვისთან ვიცეკვე გასულ ღამეს ბაღში, ვინ გავეცანი, ვინ იყო ახალ ტანსაცმელში გამოწყობილი, რა ოპერა მიდიოდა თეატრში, ვინ ღიღი კაცი ვნახე იქ, რომელი მოდა სარგებლობს ღიღი მოწონებით, რანაირ ტანსაცმლის შეეკრვას ვაპირებ, საღ ვიყავი საღამოს დაპატრქებული... უდაოდ ღიღად დავალებული ვარ შენი დამთმობი, მოსიყვარულე გულის მიმართ. ჩემთან მეგობრობის მოსურნე იყავი და გინდოდა ცოტა გონზე მოგეყვანე...

ოპ, ჩემო ძვირფასო დაიკო, ნეტავი იცოდე, როგორ მიყვარხარ! რაც მეტს ვფიქრობ ჩვენს მეგობრობაზე, მით უფრო ვიმაჰველები წარსულისადმი პატივისცემით, რადგან მხოლოდ ახლა გავიგე შენი ფასი. ნეტავი შეიძლებოდა წარსულის დაბრუნება, ერთი წუთით მაინც, რომ შენს უანგარო მხურვალე მეგობრობას მხურვალე გრძნობითვე გავუწოდო ხელი. ალბათ, ვერც წარმოიდგენ რა ძალიან ვდარდობ შენზე! მერედა, როგორ არ უნდა ვიდარდო, როცა უკვე ორმა წელმა გაიარა იმ ღიღიდან, რაც უქანასკნელად მოხვედი გამოსამშვიდობებლად. როგორც მახსოვს, ეს მოხდა შაბათ საღამოს. ჩვენი სახლის ყველა კარფანჯარა ღია იყო. მაისის გრილი უმანკო ნიავი, რომელიც ყოველთვის ჩაძინებული ბავშვის ნაზ სუნთქვას მაგონებს, თავისუფლად დაჰქროდა ოთახებში. მზის სხივების მკრთალი ათინათი ფანჯრებიდან კედლებზე ციალებდა. მოუსვენარი ბეღურები ჟივილ-ხივილით იკლებდნენ აივანს: მათი ჰყიპინი ჰაერს აპობდა. რა შეიძლება იყოს გაზაფხულზე ფრინველთა სიმღერაზე უფრო ლამაზი! რას ემგვანებოდა გაზაფხული,

ფრინველთა გალობა რომ არ ამშვენებდეს! ალბათ, ნახევარ მომხიბლველობას დაკარგავდა წელიწადის ეს დრო, ისევე, როგორც საზეიმო ნადიშს სიმღერისა და მუსიკის გარეშე არაფერი ლაზათი არა აქვს. მე ვიჩქეკი დარბაზში, პიანინოსთან და შუმანის სონატას (კარგად მახსოვს, სწორედ იმის ნაწარმოებს) ვუკრავდი. მეზობელ ოთახში ჩემი ძმები საქმიანობდნენ: უფროსი — არშაკი — ფანჯარასთან საწერ მაგიდას უჯდა და კანცელარიიდან მოტანილ ქაღალდების უზარმაზარ დასტას არჩევდა; განაპირა ფანჯარასთან, მაგიდას ჩემი მეორე ძმა გრიგორი მისჯდომოდა და „დონ-კარლოსს“ კითხულობდა (კარგად დამამახსოვრდა იმიტომ, რომ დარბაზში გამოვიდა და მთხოვა, ყური დამიგდეო: მან წამიკითხა რამდენიმე საუცხოო სტრიქონი თავის სათაყვანებელ მარკიზ პოზას მონოლოგიდან. საერთოდ, იგი აღმერთებდა შილერს: ხომ იცი, როგორი რომანტიკოსია), უმცროსი ძმა, გარეგინი, შუა ფანჯარასთან იჯდა და გაკვეთილებს ამზადებდა. მეზობელ ოთახში ჩემი ძმობლები ნარდს თამაშობდნენ; ეს მათი საყვარელი გასართობია საღამოობით. ოჰ, რა მხიარული და ბედნიერი ვიყავე მაშინ! რაოდენ უსაზღვროდ მიყვარდა ჩვენი მშვიდობიანი, წყნარი, მოსიყვარულე ოჯახი! ჩემს გულში წალკოტი ჰყვავოდა და ეს განცდა შუმანის საუცხოო სონატით მინდოდა გადმოძეცა.

უცბად მეზობელ ოთახიდან შენი ხმა მომესმა:

— მოვედი, გამოგეთხოვოთ, ხვალ დილით მივდივარ.

წამოვხტი და შენკენ გამოვეშურე.

— ჩემო ძვირფასო, ნუთუ მართლა ხვალ დილას მიდიხარ? — შეგძახე და ხელები მოგხვიე.

— დიახ.

„დიახ“... შეუბრალებელო, რა დავაშავე, რომ ასე მოულოდნელად ჩემი ბედნიერების მწვერვალიდან ძირს გადმომაგდე.

— საყვარელო რიფსიმე, გადადე გამგზავრება, — ხვეწნა დაგიწყე.

— არა, — ისე მიპასუხე, თითქოს ფიცი გქონდა დადებული, რომ ხვალ უსათუოდ გამგზავრებულიყავი.

— ჩემო ძვირფასო, რამდენიმე დღე მაინც დარჩი.

— არ შემიძლია.

ნუთუ შეიძლება, ადამიანს გული ასე გაუქვავდეს? შენ დაიწყე გამომშვიდობება ჩემს მშობლებთან, ძმებთან, მაგრად ჩამოართვი ყველას ხელი. მე სახელდახელოდ შალწამოსხმული გასაცილებლად გამოგყე-

ვი. ჩვენ ერთმანეთში ვსაუბრობთ, მაგრამ უფრო მეტ დროს დუმბილში ვატარებთ. რატომ? არ ვიცი. ორივენი ვგრძნობთ, რომ ბევრი გვაქვს ერთმანეთისათვის სათქმელი, მაგრამ სულ ცოტას ვამბობთ. რა სულელურ ჰდგომარეობაში ვიყავით!..

მეორე დღეს ვაგზალში დაგემშვიდობე. უკანასკნელად მხურვალედ გადავკოცნეთ ერთმანეთი. თან რამდენს ვტიროდით! — საოცარი ცრემლები!.. ორთქლმავალმა შეჰკივლა და მატარებელი ნელ-ნელა დაიძრა. უკანასკნელად ცხვირსახოცი დამიქნიე ფანჯრიდან და თვალიდან დაპეკარე.

„შენ წარსულის შესახებ იწერები, რომელიც ისედაც კარგად გვახსოვს. რა საჭიროა მისი გახსენება?“ — მეკითხები. შეიძლება მართლაც ასე იყოს, თუ ისეთი აღარა ხარ, როგორსაც გიცნობდი. მაგრამ თუ არ გამოცვლილხარ, წარსულის გახსენება შენთვისაც ჩემსავით ტკბილმოსაგონარი უნდა იყოს, თუმცა სულ რაღაც ორმა წელმა განვლო. მგონი გოეთე ამბობდა: „არ არის საჭირო წარსულისკენ გახედვა; იქ ყოველთვის მოიძებნება სიმწარე აწმყოსადმიო“. ნუთუ მართალია? ზოგჯერ ვგრძნობ, რომ მართალია, ზოგჯერ კი — არა. წარსულზე მოგონებანი ერთსა და იმავე დროს მწარეც არის და სასიამოვნოც. ასე რომ არ იყოს, მაშინ საყვარელი ადამიანის დაკარგვა, რომელიც რამდენიმე წლის წინათ მივაბარეთ მიწას, გულს აღარ დაგვწყვეტდა. ამ მოგონებებში არის რაღაც ორიგინალური, თუ შეიძლება ასე ითქვას, სულის პოეზია ორი დაპირისპირებული გრძნობისა.

მგონი ამჯერად კმარა. შემდეგ წერილში შენს თხოვნას შევასრულებ და ჩვენი ოჯახის ამბავს გაცნობებ. ნახვამდის. გკოცნი.

შენი ანა საროიანი.

დ

თბილისი, 11 ოქტომბერი, 1880.

ძვირფასო რიფსიმე,

წინა წერილში შეგპირდი, ჩვენი ოჯახის ამბავს მოგწერ-მეთქი, და ახლა ვასრულებ ამ დაპირებას.

უპირველეს ყოვლისა, გაცნობებ, რომ გრიგორი ავად არის, ახველებს. აგერ უკვე ხუთი დღეა გიმნაზიაში არ დაიარება; ექიმები ურჩე-

ვენ დროებით ხელი აიღოს მეცადინეობაზე. მე მოუსვენრად ვარ, ვაითუ ჰლექი სჭირდეს, მით უმეტეს, რომ ფიზიკურად ძალიან სუსტია. თანაც გამხდარი. ხომ იცი, რა ძალიან მიყვარს ძმები, განსაკუთრებით გრიგორი, რომელიც ამ უკანასკნელ ხანს ჩემთვის ძმაც არის, ამ სიტყვის სრული მნიშვნელობით, და ყველაზე ახლობელი მრჩეველიც. შიშით გული მიკვდება, როცა მესმის მისი ყრუ ხველა, განსაკუთრებით ღამღამობით, ძილის დროს. ბევრს მეცადინეობს, ზომაზე მეტს. ეს ცუდ გავლენას ახდენს მის ჯანმრთელობაზე.

მაგრამ გრიგორის ავადმყოფობის გარდა არის ერთი გარემოებაც, რომელიც არა ნაკლებ გვაწუხებს. შენ იცი, მამაჩემი როგორი მხიარული და ოხუნჯი კაცია. ამ ბოლო დროს კი ერთიანად გამოიცვალა. მაგალითად, საღამოობით შინ ბრუნდება რატომღაც ძალიან დაღონებული, შეშფოთებული. წინათ ქუდს გვერდზე მოიკვებდა, მოდიოდა და მოდიოდა, ახლა კი თვალეზე აქვს ჩამოფხატული და ისე ბრუნდება შინ. ყველას გულმოსული გველაპარაკება, თითქოს რაიმე უსიამოვნება მიგვეყენებინოს და მის წინაშე დანაშაული მიგვიძლოდეს. ერთ დღეს შევკადრე, რა არის მიზეზი, ასე რად გვექცევი-მეთქი? მან პირქუშად შემომხედა თვალეში, სახეზე უცბად ღიმილმა გადურბინა, თავი დახარა, ქვედა ტუჩი გაშობურცა და სახე ისეთი სასაცილო გაუხსნა, როგორც გაბუტულ ბავშვებს აქვთ ხოლმე.

— მე დამნაშავე არა ვარ, ქალიშვილო, — წვრილი, ბავშვური ხმით წარმოთქვა მან. — კირაკოსიანი ცელქობს, თქვენ კი მე მადანაშაულებთ. აი, თუ გინდ ჰკითხეთ მარტიროსიანს.

მე გადავიკისკისე და მამას მოვეხვიე.

— მამა, ნუთუ მაშინაც შეგიძლია ოხუნჯობა, როცა ვგრძნობ, რომ დაღონებული ხარ! — მხიარულად შეეძახე.

— აი, თუგინდ ჰკითხეთ მარტიროსიანს, — იმავე კილოთი გაიმეორა მან.

მე ისევ გადავიკისკისე და უფრო მაგრად მოვეხვიე.

მამამ ჩემი მკლავებიდან ფრთხილად გაინთავისუფლა თავი, გაიღიმა, ჩამხედნ თვალეში, შუბლზე ნახად მაკოცა და თავის კაბინეტში გავიდა.

ფიქრიანად გავაყოლე მზერა. რა იოლად აარიდა თავი ახსნა-განმარტების მოცემას! ამ დღიდან არა ერთხელ შემინიშნავს, რომ გამირბოდა, მაგრამ როცა ამისი საშუალება არ ეძლეოდა, ისევ ოხუნჯობით

ცდილობდა თავის დახსნას. საკვირველი ის იყო, რომ მართალია, უხალისოდ ოხუნჯობდა (ამას კარგად ვგრძნობდი), ყოველთვის წარმატებას აღწევდა მაინც და ვინც ამ დროს უყურებდა, ყველაზე გავლენას ახდენდა. მეც კი ვერ ვიკავებდი სიცილს. მაგრამ ამოდ მიმაღავს თავის მწუხარებას; ნათლად ვხედავ, რაღაც იდუმალი დარდი როგორ უღრღნის გულს და სულიერად სტანჯავს. არა მგონია, მისი მწუხარების მიზეზი გრიგორი იყოს, მისი ავადმყოფობა ასე ვერ დაუქარგავდა მოსვენებას. უთუოდ აქ რაღაც სხვა მიზეზია, რაც ჩვენ არ ვიცით. დედაც ძალიან შეფიქრიანებულა, უძილობას უჩივის, ამბობს, ცუდად მძინავსო, ზოგჯერ ძილში შეშინებული შეჰკივლებს ხოლმე, წამოვარდება ლოგინიდან და ხშირად ტირის კიდევ.

გაოგნებული ვარ. ყოველივე ეს რისი მომასწავებელია?

შენი ანასარიანი.

თბილისი. 11 ოქტომბერი, 1880.

საყვარელო რიფსიმე,

ამჯერად ისევ მამაზე გწერ. იმის უცნაურ მდგომარეობას უტრიალებენ ჩემი ფიქრები.

გასულ კვირას თომას გასპარიჩი გვესტუმრა. გახსოვს, ალბათ, სწორედ ის, უკბილო, ნაადრევად დაბერებული, უსახლკარო, როგორც თვითონ ამბობს, გადამდგარი „ტიტულიარნი სოვეტნიკი“, რომელიც ყველა საეკლესიო ცერემონიალს ესწრება, რის გამო ბევრი ფსალმუნი ზეპირად იცის.

ახლაც ისეთია, როგორიც ამ ორი წლის წინათ იყო; ადამიანები მოხუცებულობაში ნაკლებად იცვლებიან. ისევ ის გაცვეთილი წითელკანტიანი ქუდი ხურავს, გაცვეთილი მუნდირი აცვია, დროჟამისაგან გაშავებული ღილებით, და განუყრელი ხელჯოხი უჭირავს. მიუხედავად იმისა, რომ შემოდგომაა, თბილად იყო ჩაცმული. მე ჩემს ოთახში ვიჯექი ღია ფანჯარასთან და ტურგენევის რომანს ვკითხულობდი. ძმები სახლში არ იყვნენ, დედა სამზარეულოში ფუსფუსებდა, მამა, ზურგით ჩემკენ შემობრუნებული, აივანზე იჯდა და დაფიქრებული ქალაქს გასცქეროდა. ეტყობა, არ იცოდა, რომ შინ ვიყავი და ვუთვალთვა-

ლებლი, თორემ ასე თავდავიწყებით არ მიეცემოდა ფიქრებს. წარმოდგინე, იმდენად იყო გატაცებული თავისი ფიქრებით, რომ თომას გასპარიჩის მიახლოებაც კი ვერ გაიგო.

— ძალიან ღრმა ფიქრებს მისცემიხარ, ალა გევორქ! — უთხრა გასპარიჩმა, რომელიც ერთხანს ჩუმად იდგა და გვერდ-გვერდ უყურებდა სახეში.

მამა მაშინვე მოეგო გონს და თომას შეხედა. პირველად ვერ იცნო, რადგან ერთ წამს გაშტერებული უყურებდა, მერე ერთბაშად შესძახა:

— ჰა, თომას გასპარიჩ, შენა ხარ!.. გამარჯობა (და ხელი გაუწოდა), როგორა ხარ ქეიფში? რაკი გვესტუმრე, დაჯექი (მსახურს გასძახა, სკამი მოართვიო), ახალი ამბები გეცოდინება. მოხსენი გუდას. უთუოდ ეკლესიიდან მოდიხარ.

— აბა სხვაგან სად ვიქნებოდი? — წაიღუდუნა თომას გასპარიჩმა, თითქოს გული მოუვიდა, ამას რაღა კითხვა უნდაო.

— რასაკვირველია, ჩემთვისაც ილოცებდი.

— ვაჰ, აბა ისე როგორ იქნება! თქვენთვის რომ არა, ალა გევორქ, მამ ვისთვის უნდა ვილოცო?

— შენთვის.

— ყველა კაცმა რომ მარტო თავის თავზე იფიქროს, რა გამოვა?

— რატომ მარტო თავის თავზე, იფიქროს თავის ჯიბეზე, კუჭზე... მოიცა, მოიცა, შენ ეს მითხარი, ლოცვაში რას სთხოვდი ღმერთს ჩემთვის?

— რას?.. აი ამას, — თქვა თომას გასპარიჩმა და მსახურის მოტანილ სკამზე ჩამოჯდა, — უპირველეს ყოვლისა, ყოვლისშემძლე უფალს შევევედრე შენი და შენი ოჯახის დღეგრძელობა...

„ღმერთო ჩემო, ნუ განმემორები ჩემგან; უფალო, შეწევნად ჩემდა დიდ სიცოცხლისაი ისწრაფე“. დიდხანს სიცოცხლე, რასაკვირველია, ყველაზე კარგია. ასე არ არის, ალა გევორქ?

— მართალია... მერე.

— ჯერ ერთი, ყოვლისშემძლე უფალს შევევედრე...

— შე დალოცვილო, ეგ ხომ უკვე თქვი, — მოუთმენლად და ცოტა ბრაზიანად შეაწყვეტინა მამაჩემმა. — განაგრძე!

გაცბუნებული თომას გასპარიჩი გაკვირვებით უყურებდა, პირველი შემთხვევა იყო, რომ მამაჩემი ასე ელაპარაკებოდა.

— ჰო, მერე შევევედრე, — ცოტა გამოცვლილ კილოზე განაგრძო თომას გასპარიჩმა, — ყოვლისშემძლე უფალს, შენი და შენი ოჯახის...

— კიდე? — ისევ მოუთმენლად შეაწყვეტინა მამაჩემმა.

— არა, ალა გევორჯ, განვაგრძობ, — აჩქარებით მიუგო საბრალო თომას გასპარიჩმა, — ... ყოვლისშემძლე უფალს შევევედრე, რომ შენ და შენს ოჯახს ხანგრძლივ სიცოცხლესთან ერთად არ მოაკლოს ჯანმრთელობა... სიცოცხლე ჯანმრთელობის გარეშე შენც იცი, კაპიკად არა ღირს, ასე არ არის, ალა გევორჯ?

— აგრეა, აგრე... განაგრძე, — უნებურად გაიმეორა მამაჩემმა და ისევ ფიქრიანად განაგრძო ქალაქისკენ ყურება, თითქოს თომას გასპარიჩს აღარც უსმენსო.

— მერე ვთხოვე, — განაგრძო თომას გასპარიჩმა, — რომ მაცხოვარმა ხელი მოგიმართოს საქმეში, შეგისრულოს გულითადი სურვილები, სიხარული და ბედნიერება მოგანიჭოს, შენს შეილებს — თავში ჰკვიანური აზრები და გულში სიკეთე ჩაუნერგოს, რომ შენ შეგიყვარონ, პატივი გცენ და დაგაფასონ... ვთხოვე, შენ და შენი ოჯახი დაიფაროს ბოროტებისაგან, სატანას ოინებისაგან, შენი მტრები არ გაახაროს. „იხსენ ხელთაგან მტერთა მისთაისა და მღევართა მისთაისა“. ვთხოვე, რომ მისი წმინდა მადლი უკლები იყოს შენზე და შენს ოჯახზე „და მოვედიან შენსა ზედა წყალობაი შენი, უფალო, და მაცხოვრებაი შენი სიტყვათა შენთა...“

თომას გასპარიჩი გაჩუმდა, თითქოს ახლა მიხვდა, რომ მამაჩემი არც უყურებდა, არც უსმენდა, და თავი წინ გასწია, რათა სახეში შეეხედა მამაჩემისათვის, რომელიც მთელი გულისყურით ქალაქს გასცქეროდა.

— ჰა, რაო, მორჩი? — შეეკითხა ფიქრებისაგან გამორკვეული მამაჩემი და გასპარიჩისაკენ შემობრუნდა.

— მე მოვრჩი, ალა გევორჯ, მაგრამ შენ მგონი არ მისმენდი.

— მგონიო! — — დამცინავ კილოზე დაუდასტურა მამაჩემმა. — პირიქით, ჩემო პატივცემულო ტიტულიარნი სოვეტნიკო, შენი ნათქვამები უფრო კარგად მესმოდა, ვიდრე შენ თვითონ... მაგრამ მოდი, მოვეშვათ ამას და სხვა რამეზე ვისაუბროთ... ახალი რა ისმის, თქვი, თუ ღმერთი გწამს.

— ეჰ, ალა გევორჯ, საეკლესიოს გარდა ახალი აბა რა უნდა ვიცო-

დე?.. გაზეთებს თქვენ ლებულობთ და ახალი ამბებიც თქვენ გეცოდინებათ.

— რამდენი ხანია, გაზეთი ხელში არ ამიღია... მიდი ერთი, მგონი მაგიდაზე აწყვია გაზეთები, მოიტანე, წამიკითხე... არა, მოიცა, ნუ შეწუხდები. მსახურს მოვატანინებ.

მან კვლავ გასძახა მსახურს და უბრძანა გაზეთები მოეტანა.

მე ფანჯრიდან მივაწოდე გაზეთი. მსახურმა იგი თომას გასპარიჩს გადასცა.

თომას გასპარიჩმა მაშინვე ამოიღო სათვალე, რომელსაც, როგორც იცო, ცალკე ბუდეში იწახავდა, ცხვირზე დაიდო და კითხვა დაიწყო, წაიკითხა რამდენიმე ცნობა: ერთმა ახალგაზრდამ გაურკვეველი მიზეზების გამო ამა და ამ დღეს თავი მოიკლაო. („შეყვარებული იქნებოდა“ — დასძინა მამაჩემმა), ერთმა ქალმა სამი შვილი გააჩინა და სამივე ჯანმრთელად არიანო; ამა და ამ ადგილას ყაჩაღებმა გაძარცვეს და დახოცეს მგზავრებით; ესა და ეს ცნობილი ვაჭარი გაკოტრდა და მისი მთელი ქონება აუქციონში გაიყიდაო...

მამაჩემი თავდაპირველად, ეტყობა, ყურადღებით უგდებდა ყურს თომას გასპარიჩს, მაგრამ ეს უკანასკნელი ისე ნელა და უთავბოლოდ კითხულობდა, რომ მამაჩემს მალე მოზეზრდა, შეტრიალდა და ისევ ქალაქისაკენ დაიწყო ცქერა. მიუხედავად ამისა, ჩემს თვალს არ გამოეპარა, რომ იგი კვლავ უსმენდა და უსმენდა დაბნეულად, ისე, თითქოს თავის საკუთარ ფიქრებს უნდა გაექცესო, რომლებიც, როგორც ეტყობა, მოსვენებას არ აძლევდნენ. მაგრამ მალე ისევ ყურადღებით დაუწყო მოსმენა და, რაც ყველაზე უფრო გასაოცარია, ამ ყურადღებამ თანდათან ისეთ წერტილს მიაღწია, რომ შებრუნდა კიდევ თომას გასპარიჩისაკენ, მუხლზე იდაყვით დაეყრდნო და დაქინებით უყურებდა მისი ტუჩების მოძრაობას. ამ დროს მის სახეს შევცქეროდო, არასოდეს არ დამავიწყდება მისი გამომეტყველება. მასში იყო დაძაბული ყურადღებაც, რაც არც შეშფოთებას გამოხატავდა, არც ტანჯვას, არც სასოწარკვეთილებას. უკანასკნელი ცნობა რომ მოისმინა, უეცრად ყვირილით, ისეთი ძალით გამოსტაცა თომას გასპარიჩს ხელიდან გაზეთი: „რა ცუდად კითხულობო“, ისე დაჰმუჭნა და მოისროლა ეზოში, რომ გეგონებოდათ გაგიყდაო. თავადაც არ მახსოვს, ფანჯრიდან როგორ გამოვეყავ თავი და მისკენ გავიხედე. მაშინვე შემნიშნა და ისე მარჯვედ გამოიცვალა გამომეტყველება, რომ ახლაც გაოცებული ვარ. ძირს და-

შვებულებით ხელებით დინჯად გაჩერდა, ქვემო ტუჩი გამობურცა (ისევე როგორც მაშინ, სულიერი ტანჯვის მიზეზი რომ გამოვკითხე) და წვრილად, ბავშვური ხმით მომიგო:

— მე რა დამნაშავე ვარ, ქალიშვილო... რად კითხულობს თომას გასპარიჩი ასე ცუდად?

მაგრამ ამჯერად არ გამეცინა, არ ვიცი იმიტომ, რომ უკვე შესძლოდა მისი ხუმრობის ფასი, თუ, — ძალიან უგემურად რომ გამოუვიდა. ეს თითქოს თვითონაც იგრძნო, ჩემი დაჟინებული სერიოზული მზერისაგან წუთიერად შეშფოთებულმა უეცრად შეხედა თომას გასპარიჩს და ხმამაღლა გაიცინა.

— ანა! — დაიძახა ისე, რომ ჩემკენ არ გამოუხედა. — თუ ღმერთი გწამს, ერთი შეხედვით ჩვენს ტიტულიარნი სოვეტნიკს.

მე თვალი გადავაველე თომას გასპარიჩს, მაგრამ მაინც არ გამეცინებია, თუმცა ამწუთს იგი მართლაც სასაცილო იყო — უძრავად იჯდა ცხვირზე გაკეთებული სათვალით, სულელივით პირი გაეღო და მამაჩემს უყურებდა, ხელები ისე ჰქონდა ჰაერში გამოწვდილი, როგორც გაზეთის კითხვისას. გეგონებოდათ, საგანგებოდ დაუსვამთ ასეთ პოზაში, რომ სასაცილო სურათი გადაუღონო. მამაჩემის ხმამაღალმა სიცილმა იგი გონზე მოიყვანა და ღიმილით მომმართა:

— ხედავ, ანა, რა ონავარია მამაშენი? — დასძინა თავის ქნევით, — გაზეთი ხელიდან გამომტაცა, დაქმუქნა, დაფხრიწა და აივნისგან გადაისროლა... აი, გეკითხები რატომ?

— იმიტომ, ჩემო პატივცემულო ტიტულიარნი სოვეტნიკო, რომ სადილად ჩვენთან დარჩე, — უთხრა მამაჩემმა და თავის ოთახისკენ გასწია.

წერილში მე განგებ ვრცლად აღვწერე ეს შემთხვევა, საყვარელო რიფსიმე, რათა დამენახებინა, რაოდენ ღრმია ის იღუმალი დარდი, რომელიც გულს უღრღნის და სულიერ სიმშვიდეს უქარგავს მამაჩემს.

ვერ წარმოიდგენ როგორ მეშინია არ გაგიჟდეს... ძრწოლა, შიში, აუტანელი მწუხარება და სასოწარკვეთილება მიპყრობს, როცა ამაზე ვფიქრობ... არ ვიცი, რა ვიღონო!.. როგორ დავიხსნა თავი ამ უბედურებისაგან?

ავი წინათგრძნობისაგან კიდევ უფრო ვიტანჯები..

მხურვალედ გკოცნი.

შენი ანა სარკიანი.

თბილისი, 23 ნოემბერი, 1880.

ძვირფასო დაო!

ჩემი ცული წინათგარძნობა ახდა: უბედურებამ — თანაც ძალზე დიდმა — პირველად შემოალო ჩვენი ოჯახის კარი და მკვიდრად მოიკიდა ფეხი. უეცრად ხელიდან გამოგვეცალა მთელი ქონება და სიმდიდრე. მამას მარჯვენა მხარეს დამბლა დაეცა და ჭკუაზე შეიშალა. აი რა შედეგი მოჰყვა მის სულიერ წამებას, მის იღუმალ დარდსა და უცნაურ ყოფაქცევას. აღმოჩნდა, რომ მიზეზი მამის ვალები იყო, რაზედაც ჩვენ წარმოდგენაც არა გვქონდა და ფიქრად არც ის გაგვიტარებია, რომ ოდესმე ესოდენ თავზარს დაგვეცემდა... ასეა თუ ისე, გაოცებისაგან დღესაც გონს ვერ მოვსულვარ, სულ იმას ვფიქრობ, მამაჩემმა ამდენი ვალი როდის, ანდა რისთვის აიღო?.. დედა ამბობს, ბანქოს აზარტული მოთამაშე იყო. ეს მეც ვიცოდი, მაგრამ ნუთუ თამაშის გამო ამდენ ვალს იღებენ, ანდა ამდენს აგებენ?.. არა, არა, ამას არასოდეს არ დავიჯერებ და არც მინდა დავიჯერო... შეიძლება სხვა კაცებმა ეს ჩაიდინონ, მაგრამ მამაჩემმა... შენ ხომ ცოტა თუ ბევრად იცნობდი მამაჩემს, ხომ იცი, როგორი პატიოსანი, თავმოყვარე და შორსმჭვრეტელი ადამიანი იყო. ნუთუ ამისთანა ლამაზი თვისებებით დაჭილდოებულ კაცს არ ეცოდინებოდა, რა საშინელი შედეგები მოსდევს აზარტულ თამაშს? განა ისე უძლეველია ამ აზარტული თამაშის ძალა, რომ ადამიანის ყველა სხვა დადებით თვისებებს ფარ-ხმალი დაუყრია მის წინაშე? ნუთუ მართალია ეს, ნუთუ შეიძლება ამის დაჯერება?.. დაე, ვისაც უნდა, დაიჯეროს, ვისაც უნდა ირწმუნოს, მაგრამ მე მაინც არ ვირწმუნებ. ვერ დავრწმუნდები მარტო იმიტომაც, რომ საქმე მამაჩემს ეხება... ოჰ, არ იფიქრო, თითქოს მამისადმი უსაზღვრო ბრმა სიყვარული მალაპარაკებს და იმიტომ ვიცავ მას, არა. ყველა, ვინც იცნობს, ერთხმად იტყვის, რომ საქუთარ და თავის ოჯახის ბედნიერებას და პატივს ასე ფუქსავატურად არ გასწირავდა, რაც უნდა ბანქოსადმი და უძლეველი სიყვარული ჰქონოდა.

მე მამას ისე ვიცნობ, როგორც საქუთარ თავს; ვიცნობ ყოველ მხრივ. მისი სული ისეა გადაშლილი ჩემს თვალწინ, როგორც რომელიმე სურათი თავისი ნათელი და მუქი ფერებით, ამიტომ გაბედულად, ყოველგვარი აკვიატებული შეხედულების გარეშე ვაცხადებ, რომ ასე-

თი პატივისმცემელი ოჯახისა, მისთვის ესოდენ თავდადებული, სანთ-ლით არის საქებნელი. დაწყებული ჩემი ბავშვობის ადრეულ, წლები-დან — როცა გონების თვალი ამეხილა — დღევანდლამდე არ მახსოვს ერთი შემთხვევა, ან დედაჩემისათვის ცუდი სიტყვა ეთქვა, ან ჩვენზე — შვილებზე ხელი აღემართოს. მის მხრივ ჩვენ მუდამ სიყვარულითა და მზრუნველობით ვიყავით გარემოსილი, და ისე გვზრდიდა, რომ ჩვენ-თვის უცხო იყო სხვა ოჯახებისათვის დამახასიათებელი უთანხმოებანი და აყალ-მაყალი. იგი ყოველთვის უსიტყვოდ ასრულებდა ყველა ჩვენს სულ მცირე ახირებას და ოჯახური ბედნიერებისა და სიწყნარის ამ მოტრფიალის ჩრდილქვეშ მშვიდი თავშესაფარი გვქონდა. ახლა შე-ნა თქვი, ჩემო ძვირფასო, ყოველივე ამის შემდეგ, როგორ შემიძლია დავიჯერო, რომ ამნაირმა მამამ (გეფიცები, არა ვარ მოტყუებული) მწვანე მაგადასთან ქარაფშუტულად წააგო თავისი ოჯახის ბედნიერე-ბა, პატიოსნება, მისი მომავალი — ყველაფერი, რისთვისაც სიცოცხ-ლეს სწირავედა?..

ოჰ, რა მიმიძიშს! რა მიმიძიშს, ჩემო დაო!.. ჩვენს ოჯახს, რომელსაც არასოდეს არ უნახია ესოდენი მწუხარება, ისე მოულოდნელად დაატყ-და საშინელი უბედურება, რომ ლამის სულიერად დავეცე. ნუთუ შე-იძლება ბედისწერის ამ დარტყმას გაუძლოს ადამიანი? არ გეგონოს ის მადარდებდეს, რომ სიმდიდრე დაგვარგეთ. ამაზე არც ვფიქრობ და არც ვნანობ. მამა! მამის გამო ვიტანჯები. მე და ჩვენმა ოჯახმა დაგვარ-გეთ ისეთი მამა, რომელიც მთელი ქვეყნიერების საგანძურად ღირდა. და მადლობა ღმერთს! — დიახ, მადლობა ღმერთს, რომ მხოლოდ ცა-ლი ხელი წაართვა, თორემ ხომ შეეძლო სულაც დავრდომილი გაეხადა, ანდა მოეკლა.

მაგრამ ყველაზე მეტად მაშინ ვიტანჯები და სასოწარკვეთილებაში ვვარდები, როცა ვფიქრობ, რომ სალი აზროვნება აღარ დაუბრუნდე-ბა. საყვარელო დაო, ნეტავი თუ წარმოგიდგენია, ანდა თუ გესმის რას ნიშნავს შეშლილი ადამიანის ყოფა? ეს ნიშნავს — იყო მოზრდილი ადამიანი და ამავე დროს — ბავშვი; ჩაიღინო ის, რასაც არავინ ჩაი-დენს, და ზურგი შეაქციო იმას, რასაც ყველანი სჩადიან; იყო სულე-ლების დასაცინი და ჭკვიანთა სიბრაღულისა და მოწყალების საგანი; ეს ნიშნავს — ბუნებისაგან მოკვეთას, ადამიანური უფლებების აყრას, სიცოცხლეშივე ცხოვრებიდან ჩამოწერას; ეს ნიშნავს — ათიათასო-ბით ადამიანს შორის განდევნილივით არსებობას, თითქოს უდაბნოში

ხარ, სადაც შენს მიმართ ირგვლივ ყველაფერი ყრუა, დახშული და თვითონ შენც უნდა დაყრუვდე და დაბრმავდე; ეს ნიშნავს ხედავდე და ვერ სცნობდე, ისმენდე და ვერ არჩევდე, ცოცხლობდე და ვერ გრძნობდე. ბოლოს, ეს ნიშნავს — ცხოვრების საიდუმლოებათა გასაღების დაკარგვას. რა საშინელებაა, რა საშინელებაა!..

მაპატიე, საყვარელო რიფსიჰე, წერილის გაგრძელება აღარ შეიძლება — სულიერად განადგურებული ვარ.

შენი ა ნ ა.

3

თბილისი, 7 დეკემბერი, 1880.

ჩემო ტკბილო მეგობარო,

შადლობელი ვარ თანაგრძნობისათვის. დიახ, კარგი იქნებოდა. მეტიმეტად კარგი, გვერდით მყავდე, მაშინ, ალბათ, ძალიან მსუბუქად ვიგრძნობდი თავს! მაგრამ წამოსვლა შეუძლებლად მიგაჩნია. მეც ასე მგონია, ვიცი, ეს შენზე არ არის დამოკიდებული, ამიტომ არც არასოდეს მოგთხოვ ჩემთვის ამოდენა მსხვერპლი გაიღო. არაფერია. ისიც საკმარისია, რომ ჩვენი გულები წერილებით არის ერთმანეთთან დაკავშირებული.

ახალი სახლიდან გადავედი. იგი ამიერიდან ჩვენ აღარ გვეკუთვნის. უფრო სწორედ, იქიდან გამოვეყარეს, — შეიძლება ეს უკანასკნელი სიტყვა ძალიან უხეშად გაისმის, მაგრამ რას იზამ, ნამდვილად ასეა. ჩვენ ზრდილობიანად გამოგვიცხადეს — აქედან წადითო და ამით ყველაფერი იყო ნათქვამი... ნეტარება იმას, ვისაც თავისი საკუთარი სახლის სამუდამოდ მიტოვების სიმწარე არ უგემია და თანაც ასე მოულოდნელად. მეგონა, გულიდან რაღაც მწყდებოდა, ისევე, როგორც ეს ხდება ხოლმე მაშინ, როცა გულითად მეგობარს ემშვიდობები სამუდამოდ. სახლის კარები, კარ-ფანჯრები, თვითვეული აგური, ყოველი წვრილმანი ძალზე ძვირფასი ყოფილა თურმე ადამიანისათვის და მისგან განშორებას გული ვერ ურიგდება. დიახ, ძალზე აუტანელია, მძიმე და მწარეა სამუდამოდ განშორდე და მიატოვო იქაურობა, სადაც დაიბადე, ბავშვობის ოქროს დღეები გაატარე, რასთანაც შენი სიცოცხლის ყველაზე ტკბილი მოგონებებით ხარ დაკავშირებული.

ამჟამად ვცხოვრობთ ჩვენს ძველ სახლში, რომელიც ძლივს დავი-

ხსუნით მოვალეთა ბრკყალეებისაგან. შენ ნანახი გაქვს ეს სახლი, ერთ მიყრუებულ ქუჩაზე მიკუნჭული, ნესტიანი, დაღვრემილი კედლებით, რომლებიც თითქოს დღენიადაგ ტირიანო. როცა ამ სახლის ოთახებში შევდივარ, რაღაც გამოუცნობი, მძიმე, აუტანელი სევდა მაწვება გულზე; ერთსა და იმავე დროს სასოწარკვეთილება და სიმშაგე მეუფლება და ლამის გავიგუდო ყელში მომდგარი მწარე ცრემლები-საგან...

ოჰ, რიფსიმე, ძვირფასო დაო, რაოდენ მწარეა და აუტანელი სიცოცხლე... ნეტავი საინტერესო იყოს, რაიმე მაღალი დანიშნულება, რაიმე დიადი მიზანი მაინც ჰქონდეს, რისთვისაც ეღირება ამდენი ტანჯვა-წამების ატანა!.. ნუთუ ადამიანი იმიტომ არის გაჩენილი, რომ ამაოებისათვის დღენიადაგ ეწამოს!.. ნუთუ ადამიანის ბედისწერაც და სიცოცხლეს მხოლოდ ამაოებაა? ნუთუ?! ვერ წარმოიდგენ, როგორი პირქუში ფიქრების ტყვეობაში ვარ... ფიქრთა ძაფები იბლანდებიან და მერე უეცრად წყდებიან... ირგვლივ არარაობა და ამაოება...

მე შეძრწუნებული ვარ.

8 დეკემბერი.

გუშინ, საყვარელო რიფსიმე, სულიერად და ფიზიკურად ისე ვიყავი აღელვებული, რომ წერილის წერა ვეღარ განვაგრძე, კალამი ხელიდან გამივარდა, გარეთ გავედი და კარგა ხანს უგზო-უკვლოდ დავხეტიალობდი.

ამ უკანასკნელ დროს ასე ხშირად მემართება. მთელი ჩემის არსებით გავურბი ამ უცნაურ მღელვარებას, არ მინდა მის წინაშე ქედი მოვიხარო, მაგრამ იგი ისე ძლიერია, რომ ჩემდა უნებურად ვექცევი მისი გავლენის ქვეშ და ყველაზე საკვირველი ის არის, რომ ვგრძნობ ამ მდგომარეობის ატანა ძნელია, მაინც რატომღაც, იმდენ სიმშვიდეს მგვრიან, რომ ენითაც ვერ გამომითქვამს — არ ვიცი, სხვა როგორი ახსნა მივცე ჩემს სულიერ მდგომარეობას, მღელვარების წუთებში რომ განვიცდი. ღრმა ფიქრებში წასული ვიყურები ირგვლივ — ჩემს თვალწინაა გადაშლილი ცა და დედამიწა, მთელი ხილული სამყარო, ვხედავ ადამიანებს, ცხოველებს, ფრინველებს, მწერებს, დაეინებით ვუყურებ, ვუყურებ და უეცრად ვგრძნობ, რომ ჩემდა უნებურად სახეზე რაღაც დამცინავი ღიმილი მიჩნდება — არარაობა! ამაოება! არარაობა! — ვჩურჩულებ ჩემთვის, თან ვგრძნობ, რომ გულზე მეშვება,

იქ აღარ არის დარდი და მწუხარება; ადამიანთა მგრძნობელობის ყველა შესაძლებლობებმა თითქოს დაკარგეს მოქმედების უნარი, ანდა აზრი აღარა აქვს მათ მოქმედებას. რწმენა, იმედი და სიყვარული, რომლებიც ადამიანების არსებობის საფუძვლად ითვლება, თითქოს იმსხვრევა, ისინი სულს აღარ ეკარებიან, ყველაფერი უფასურდება და ასეთ წუთებში ჩვენი ოჯახის უბედურებასაც გულგრილად და ზიზღით ვუყურებ, მაგრამ სამწუხაროდ თუ საბედნიეროდ, ეს უცნაური განცდა დიდხანს არ გრძელდება და ნელ-ნელა ვთავისუფლდები ხოლმე მისი გავლენისაგან, რომლის დროსაც ზოგჯერ ისე ვარ შიშისაგან დაზაფრული, თითქოს რაიმე ბოროტმოქმედება ჩამედინოს... დაბოლოს, ისეც პეტუმბრება უწინდელი დარდი და მწუხარება, ჩემი სული კვლავ დათრგუნვილია და ვიტანჯები... რა გასაოცრად არის მოწყობილი ადამიანის სულიერი სამყარო! რამდენი ბნელი ხვრელია მასში, რამდენი იღუპალი და გამოუცნობი კუთხე-კუნჭული აქვს!..

მამაჩემი ისეც იმ მდგომარეობაშია. ეჭვიც აღარ მეპარება, რომ ნამდვილად ჭკუაზეა შეშლილი. სიგიჟე თანდათანობით ერევა, რის მიზეზიც, მე მგონია, დაშლა უნდა იყოს; აღარც მოძრაობა შეუძლია, აღარც მეტყველება. თუმცადა, ამ უკანასკნელ დღეებში ჩემი ან დედაჩემის დახმარებით ოთახში დაფარფატებს ხელჯოხით, და ძლივს ამოძრავებს ფეხებს. უკვე ვერავის სცნობს. როცა დედა, ან ჩემი ძმები მის ოთახში შევლენ ხოლმე, ელაპარაკებიან ან შეეკითხებიან, გვეცნობ თუ არაო, ის ერთხანს გაშტერებული უყურებს, თითქოს სერიოზულად უმხერს სახეში, ჯანსაღ ხელში ცხვირსახოცს ჭმუჭნის, მერე პირს იბრუნებს და დუმს. არც მე მცნობს, თუმცა სიამოვნებით და ალერსით მელაპარაკება. როცა მიგაკითხავ ხოლმე, ვამჩნევ, უხარია, მაგრამ თუ რამდენიმე დღეს თვალთ არ დავენახვე — არც გავახსენდება. ლაპარაკი უაზრო და დაბნეული აქვს, კითხვებზე პასუხს იძლევა, მხოლოდ იმაზე კი არა, რასაც ეკითხებიან, არამედ სულ სხვას. მე ყოველთვის ლამაზ გოგონას მეძახის, სახელი აღარ ახსოვს. შეევახსენებ, გაიმეორებს და მაშინვე ავიწყდება. მხოლოდ ერთხელ — ისიც ორიოდე წუთით — მიცნო და ატირდა. მაგრამ ამ ბოლო დღეებში, როგორც ვამჩნევ, ცოტ-ცოტა გონზე მოდის, წარსულიდან ზოგ-ზოგ რამეს იგონებს, თუმცა მაშინვე ავიწყდება, წინათ კი სულ არაფერი ახსენებოდა. ეს იმედით მავსებს, ბოლოს და ბოლოს, იქნებ გამოჯანმრთელდეს. ეჭიმიც მანუგეშებს, მაგრამ ამბობს, სულ მთლად არ გამოკეთდებაო.

დაე, დაე ასე იყოს, ოღონდ ახლანდელ მდგომარეობაში არ ვუყურო. შენ ვერ წარმოიღვენ, ძვირფასო დაო, რაოდენ ვიტანჯები და გული მეთუთქება, როცა შეხვედრისას მის სახეზე ყოველთვის სულელურ ღიმილს ვხედავ, და უაზრო ლულულს ვისმენ...

იმ დღეს, დილით, ჩვეულებრივ მივაკითხე. დედაჩემისა და მსახურის დახმარებით უკვე ჩაეცვა, დაებანა (დილდილობით მუდამ ადრე იღვიძებს, საერთოდ, ძალიან ცოტა სძინავს). როცა ოთახში შევედი, საწოლზე იჯდა და ჩვეულებრივ ხელში ცხვირსახოცს ათამაშებდა. დამინახა თუ არა, კოპები შეიკრა. (პირველი შემთხვევა იყო, ასე რომ შევდებოდა), მერე, ეტყობა მიცნო, გამიღიმა და მისალმების ნაცვლად აღერსიანად მესროლა ცხვირსახოცი. მე პაერშივე დავიჭირე, ვიდრე იატაკზე დაეცემოდა და მის გვერდით საწოლზე ჩამოვჯექი.

— მამა, როგორა ხარ დღეს? — შევეკითხე და ცხვირსახოცი გავუწოდე.

— კარგად, — მიპასუხა ჩვეულებრივი, მაგრამ ამჯერად თითქოს დარცხვენილი ღიმილით, და ისევ განაგრძო ხელში ცხვირსახოცის თამაში.

კითხვაზე გაცემულმა სწორმა პასუხმა გამახარა.

— რა გაწუხებს, მამა? — ვკითხე და ალერსით მოვხეივ ხელიწელზე.

შემომხედა. აღარ იღიმებოდა.

— რა? — თითქოს ღრმა ფიქრებშიაო, ისე იკითხა.

— რა გაწუხებს-მეთქი, რა გტკივა?

ღრმად ამოიოხრა და მზერა ფანჯრისაკენ გადაიტანა.

— ძალიან ცუდია! ძალიან ცუდია! — ხმადაბლა წარმოთქვა ისეთი აღელვებული ხმით, რომ თვალები ცრემლით ამევსო. მე უფრო მაგრად მოვხეივ და კარგა დიდხანს ვერ შეეძელი ხმის ამოღება. ცხვირსახოცს აღარ ათამაშებდა, თითქოს ღრმა ფიქრებშიაო წასული, ისევ ფანჯრისაკენ იყურებოდა.

— მამა, მცნობ თუ არა? — ბოლოს ვკითხე.

კვლავ შემომხედა, თითქოს იგონებს, ვინ არისო?

— არა, — ესლა მიპასუხა.

— მე ანა ვარ, მამა, შენი ქალიშვილი, — შევძახე.

— შე ქალიშვილი არა მყავს — გულგრილად თქვა და კვლავ ფანჯრისკენ იბრუნა პირი.

— გყავს, გყავს, გყავს, მამა, როგორ არა გყავს — ეს მე ვარ. მე შენი ანა ვარ, ნუთუ აღარ გახსოვარ?

მან თავი გულგრილად გაიქნია, არაფერი მიპასუხა. სასოწარკვეთილებდამ, მწუხარებდამ და საკუთარი უძლურების შეგნებდამ ისე დამრია ხელი, მზად ვიყავი ტირილი დამეწყყო, მაგრამ თავი შევიკავე.

დიდხანს ჩუმად ვისხედით, იგი კვლავ უაზროდ იყურებოდა ფანჯრისაკენ, მე კი — დაჟინებით მას ჩავცქეროდი სახეში. რამდენ ტკბილ მოგონებებს მიღვიძებდა ეს მიმზიდველი, სასაამოვნო, კეთილი, მაგრამ მოღიმარე სახე!.. და თვალწინ ნათლად დამიდგა, ამ მშვენიერ სახეს ხუმრობის დროს როგორ სასაცილოდ მანქავდა. თვალშესაქცევი სანახაობა იყო! სახის ნაკეთების სასაცილო მოძრაობა ძალზე ესადაგებოდა მის გამოხედვას, ხუმრობა ხომ მოაწრებელი და მახვილგონივრული იცოდა!.. იმ წუთებში მამა უსაზღვროდ მიყვარდა.. დაიწყებდა თუ არა ოხუნჯობას, სიცილით ვიგულებოდი, განუწყვეტილვ ვკისკისებდი, ვიდრე არ დავიღლებოდი, გულში ტკივილს არ ვიგრძნობდი და თვალისა და ცრემლი არ წამსკდებოდა. ერთხელ პიანინოს ვუჭკეპი. ვუჭკრავედი, რომ უეცრად მამა დაღვრემილი შემოვიდა და მომიახლოვდა.

— ანა, ცუდ გუნებაზე ვარ, — თქვა ისე, თითქოს რაღაცით უკმაყოფილოაო. — თუ ღმერთი გწამს, ადექი, მინდა „ბეთხეპემის სენატი“ დავუკრა.

„ბეთხოვენის სონატა“ განგებ ასე დამახინჯებულად წარმოთქმული რომ გავიგონე, პიანინოს მოვშორდი და სიცილისაგან კინაღამ გული შემეღონდა. მან სიცილში გამოჩაგრება დამიწყო. ამის გამო კიდევ უფრო გულიანად ამიტყდა სიცილი. იმანაც უმატა გამოჩაგრებას. მე მეტი ვეღარ ავიტანე, წამოვხტი, მკერდზე ხელი მივიდე და ოთახიდან გავვარდი.

ეჰ, რა კარგი დრო იყო! რა ბედნიერი იყო ის! როგორი ბედნიერი ვიყავი მე! რაოდენ ბედნიერნი ვიყავით ჩვენ ყველანი!.. ახლა კი!.. ახლა!.. ბედნიერი, მაგრამ დაუბრუნებელი წარსული რომ მოვიგონე და ჩვენს უბედურ აწმყოს შევადარე, უეცრად გული ისე ჩამწყდა, ისე, რომ არ ვიცი, როგორ გავუძელი იმ ტანჯვას. მეტი აღარ შემეძლო იქ დარჩენა. ცრემლები ყელში მაწვებოდა, ლამის გავეგუდე. გარეთ გამოვედი და ღრმა გულისტკივილით გამოვიტირე ბედნიერებით სავსე დაუბრუნებელი წარსული...

მიიღე ჩემი სალამი, ჩემო ძვირფასო დაიკო.

შენი ანა სარტოვანი.

საყვარელო რიფსიმე,

მამაჩემის უმწეო მდგომარეობას ისეთი მღელვარებით განვაცდი, რომ ამ ბოლო დროს ოჯახის სხვა წევრებზე თითქმის არაფერს გწერდი. უპირველეს ყოვლისა, უნდა ვთქვა, რომ მის გამოკეთებას პირი არ უჩანას, ახალი არაფერი მომხდარა. იგი კვლავ არავის არ გვცნობს. დედა, თუ პირველად ძალიან დარღობდა და დღენიდავ ტიროდა, ამჟამად, თითქოს შერიგებულია თავის ბედისწერასთან; მისი ოხვრა-გოდება აღარ მესმის, გეგონება, გაქვავებულიაო. ყოველ დილას დაიარება მამასთან, აცმევს, ბანს, ჩაის ასმევს, ხელჩაკიდებული ასეირნებს ოთახში, შუადღისას თავის ხელით აცმევს სადილს, საღამოს ალევინებს ჩაის, ღამით ლოგინში აწვენს და ყველაფერ ამას დუმილით აკეთებს, ხანდახან თუ აღმოხდება ოხვრა. ძალიან ხშირად სასთუმალთან უზის, ღამეს უთევს ავადმყოფს, და მიუხედავად ჩემი თხოვნისა, არ მანებებს შევენაცვლო. ყოველთვის, როგორც კი შევხედავ მის დაპქენარ ჩაყვითლებულ სახეს და ჩაფერფლილ უსიცოცხლო თვალებს, დარღისაგან და სიბრაღისაგან გული მიკვდება. წარმომიდგენია, ხმისამოუღებლად რაოდენ ღრმად განიცდის მწუხარებას, რომელსაც დედაჩემის გულში დაუღვია ბინა.

მაგრამ მისი ტანჯვის მიზეზი მართო მამაჩემის მდგომარეობა როდია; გრიგორის ჯანმრთელობაზე ფიქრიც ნაკლებად არ აწუხებს. ერთ-ერთ წერილში, მგონი, გწერდი, გრიგორს ახველებს და ექიმები ურჩევენ გიმნაზიას დროებით თავი დაანებოს-მეთქი. ახლა კი გაცნობებ, მისი მდგომარეობა საგრძნობლად გაუარესდა. ერთ ხანს სულაც აღარ ახველებდა, მაგრამ ორი კვირის მერე ხელახლა დაეწყო და თანდათან ისე უძლიერდება, რომ აღარც ღამით აქვს მოსვენება, აღარც დღისით. სწავლის გაგრძელებაზე ამჟამად ლაპარაკიც ზედმეტია. მამაჩემის მდგომარეობას თითქოს მეც შეეუფრიგდი, მაგრამ ახლა გრიგორის ჯანმრთელობაზე ფიქრით ვიტანჯები, ეს უკანასკნელი პირველზე მსუბუქი როდია. ნეტა განახვა, როგორ არის გამოცვლილი! ნეტა მისი ხველა გაგაგონა!

გუშინ დილით თერთმეტ საათამდე იწვა. წინათ კი, თუმცა სიცივე და ნესტიანობა აიძულებდა შინ დარჩენილიყო, ყოველ დილით მაინც

ადრე დგებოდა და რაც უნდა სუსტად ეგრძნო თავი, მთელი დღის განმავლობაში საწოლს არ გაეკარებოდა. მაგრამ, გუშინ, როგორც უკვე ვთქვი, თერთმეტ საათამდე საწოლიდან არ წამოძდგარა. ცოტა აღელვებული შევედი მის ოთახში. მშვიდად იწვა, პირისახით კედლისკენ შებრუნებული. მეგონა, ეძინა, ამიტომ, არ დაეურღვითო მყუდროება-მეთქი, ფრთხილად მივუახლოვდი საწოლს, მაგრამ თურმე არ სძინებია, თვალები ღია ჰქონდა და, როგორც ჩანდა, თავის საფიქრებელს მისცემოდა. მე ოდნავ დავიხარე საწოლთან. დამინახა, მაგრამ მდგომარეობა არ შეუცვლია.

— როგორა ხარ, როგორ? — შევეკითხე ხმადაბლა.

— კარგად, დამო, — მიპასუხა დინჯად.

— მაშ აქამდე რაღა წევხარ?

— ავდექი, მაგრამ ძალიან ცივა და ისევ დაიწექი.

მე კვლავ მის სახესთან დახრილი ვიდექი. იმდენად მშვიდად იყო, გეგონებოდა არა სუნთქავსო.

— გრიგორ, რაზე ფიქრობ? — შევეკითხე დიდი ხნის ღუმალის შემდეგ.

დინჯად გადმომხედა.

— მე?

— ჰო.

— სულაც არა ვფიქრობ.

გადმობრუნდა, პირაღმა დაწვა და პირდაპირ თვალებში დამიწყო ცქერა.

— თვალები მუდამ რატომ გაქვს ჩაწითლებული? — შემეკითხა.

— ჩემი თვალები ჩაწითლებული არ არის, — ცოტა აღელვებით, მაგრამ. რამდენადაც შეძქლო, დინჯად მიუვგე და შიშველ მკერდზე საბანი წავაფარე.

სახეზე უკმაყოფილება დაეტყო.

— ეჰ ანა, სულ არ გებრალეხა თავი, — თქვა სევდიანად ოდნავი საყვედურის კილოთი და იპავე წუთს ისეთი ხველა აუტყდა, თითქოს ფილტვები დაუსკდაო. კედლისკენ გადაბრუნდა, ბალიშიდან თავი ოდნავ ასწია, დიდხანს ახველებდა. მერე ლეიბის ქვეშიდან ცხვირსახოცი გამოიღო და ნახველი შიგ გამოათურებდა. თავზარი დამეცა; ცხვირსახოცზე პირველად დავინახე სისხლის ლაქები.

— გრიგორ, რა არის ეგ? — შევძახე.

— რა მოხდა? — შეშინებდა, როცა ბოლოს და ბოლოს, დამშვიდდა და ძალზე მისუსტებულმა თავი ბალიშზე დადო.

— სისხლს იღებ?

— ეჰ, ეგ არაფერია, — ისე მიპასუხა, თითქოს მისაყვედურა: ღირს განა მაგისათვის ყურადღების მიქცევაო?

— დიდი ხანია, რაც სისხლს იღებ?

— დიდი ხანია.

შიშისაგან დაზაფრულმა, უდიდესი სიყვარულით მოვხვით ხელი, ვგრძნობდი, გული როგორ მეღეოდა; ენა დამება, ხმას ვეღარ ვიღებდი. თითქოს მიმიხვდა იმწუთას რაზე ფიქრობდი, თითქოს გამოიცნო ჩემი სულიერი მდგომარეობა და ოდნავ გაღიმებულმა ისე ნალვლიანად შემომხვდა, რომ არასოდეს დამავიწყდება მისი სახე. მაგრამ არაფერი მითხრა, მხოლოდ ეს კი ქნა — საბნიდან გამოაცურა ხელი და შუბლზე დაფენილ თმებზე მოფერებით გადამისვა.

— დღეს მამასთან იყავი? — მკითხა ხანგრძლივი ღუმილის შემდეგ.

— ვიყავი.

— როგორ არის?

— ისევე ისე.

— კიდევ ვერ გიცნო?

— ვერა.

— ჩვენგან სულ არავის არ ახსენებს?

— არა.

— დედასაც ვერა სცნობს?

— ვერა.

— რას ამბობს?

— თითქმის არაფერს. გაჩუმებულია.

— ალბათ, ენა წაერთვა.

— შეიძლება.

ორივე გავჩუმდით.

— ასე რად მიყურებ, დამ? — დაარღვია სიჩუმე მან. უეცრად ვიგრძენი, რომ ყელში მომდგარი ცრემლებისაგან ვიგულები, საჩქაროდ ვაკოცე შუბლზე, მოვცილდი და კარისაკენ ავიღე გეზი.

— ანა, — მომძახა. გავჩერდი. უკან არ მივიხედე.

— ნურაფერს ეტყვი დედას.

მივხვდი სისხლს გულისხმობდა.

— არ ვეტყვი, — რამდენადაც შემეძლო დამშვიდებულმა მიუხედავად, მაგრამ მღელვარება ვერ შევიკავე და სწრაფად გამოვედი მისი ოთახიდან. ხოლო მაგ დღეს რამდენი მწარე ცრემლი დავღვარე, ამაზე უკვე აღარაფერს ვიტყვი, ერთბაშად ჩამიქრა გულში ყველა იმედი...

შენი ანა საროიანი.

თბილისი, 21 დეკემბერი, 1880.

ჩემო საყვარელო რიფსიმე!

არ მახსოვს, რომელ პოეტს უთქვამს — „უბედურება მარტო არ მოდისო“. ეს მართალია. რამდენი უსიამოვნება მოჰყვა ჩვენს მარცხს, და ვინ იცის, კიდევ რამდენი მოჰყვება! მამას დამბლა დაეცა, ჭკუაზე შეიშალა, გრიგორის ჯანმრთელობა დღითიდღე უარესდება, დედა ზეზეულად დნება, ხოლო ახლა დანარჩენ ორ ძმაზე მიღვა ჩერი: უფროსი, არშაკი, აგერ მესამე კვირა ვადის სამსახურიდან დაითხოვეს ლოთობისათვის, უმცროსი, გარეგინი, გიმნაზიიდან გამორიცხეს სიზარმაცის გამო. ეს უბედურებანი ჩვენს ახლანდელ მდგომარეობაში შეტისმეტად საწყენია. განსაუთრებით არასასიამოვნოა პირველი — უფროსი ძმის უმეუვერად დარჩენა, უფროსი ძმისა, რომელიც ჩვენი ოჯახის ერთადერთ იმედს წარმოადგენდა. უწინდელი ქონებიდან ცოტა რაღაც კიდევ დავკრჩა, ჯერჯერობით, ასე თუ ისე, თავი გაგვაქვს, მაგრამ ის „ცოტა რაღაც“ მალე გათავდება, და უთუოდ სიღარიბე (და ვინ იცის, სიღატაკეც) მოგვიკაყუნებს კარზე. რა უნდა ვქნათ მაშინ? როგორ ვიარსებოთ? რით გამოვიკვებოთ?.. ამ მწარე ფიქრისაგან უკვე აქედანვე მეყინება სისხლი ძარღვებში და გული მეკუმშება. წარმომიდგენია, როგორი იქნება ჩვენი ბედისწერა ახლო მომავალში! სიღარიბე... ძვირფასო დაო, ნეტა თუ გესმის რას ნიშნავს იგი!.. სიღარიბე ყოველთვის წარმოდგენილი მაქვს ათასთავიან ურჩხულად, ცივ მკერდში ჩაგვიხუტებს თუ არა, საშინელ ეშვებიან ხახაში მოგვიქცევს და ჯოჯოხეთური წამებით ნელ-ნელა სულს ამოგვცდის. ოჰ, ათასწილად სჯობია სიკვდილი იმ საშინელი ურჩხულის მარწუხებში მოქცევას. ან არა და, ნეტა ადამიანი რკინისა იყოს, რომ აიტანოს ის მორალური და ფიზიკური ტანჯვა, რითაც სიღარიბე ასაჩუქრებს მას. საყვარელო

დაო, იქნებ ჩემი სიტყვები გაზვიადებულად გეჩვენოს, შეიძლება სილარიბე არც ისე საშინელია, როგორც დავხატე, მაგრამ მე სხვანაირად არ შემოძლია მისი წარმოდგენა. ამასთან, მხედველობაში იქონიე დღემდე როგორ პირობებში ვიზრდებოდი და ამის შემდეგ რა ზომელის, როგორი ცხოვრება! ბავშვობის ასაკიდანვე გარს მეხევიენენ ძიქები და მოახლეები. სულ არ ვიცოდი, რას ნიშნავდა გამხმარი, ანდა შავი პური. ვიცვებებოდი მუდამ ახალთახალი მსუყე და გემრიელი საკმელებით. ტანსაცმელს, სულ ოდნავ რომ დალაქავებულიყო, ანდა სადმე გარღვეულიყო, აღარ ვიცვამდი. მალაზიების წინ ჩავლისას ვიტრინებში გამოფენილი საგნებიდან თუ რაიმე მომეწონებოდა, იმავე დღეს შევიძენდი. როცა ჩემსავით მდიდარ ქალიშვილს ახალი მოდის კაბას, შლაპას ანდა სხვა ნივთს დავუნახავდი და მომეწონებოდა, რამდენიმე დღეში მე მქონია სწორედ ისეთი. ერთი სიტყვით, ვცხოვრობდი განცხრომასა და ფუფუნებაში. და უცბად, ყოველივე ამის ნაცვლად — უკიდურესი სიღარიბე, — საშინელი სიღატაკე, შავი, გამხმარი პური — ისიც ყოველთვის არა — ბნელი ოთახი, თავაუღებელი მუშაობა, სიტიტყლე, სიცივე, წარამარა ავადმყოფობა, მწუხარება, ცრემლები, უკიდურესი ხელმოკლეობა, განკიცხვა, დევნა, სირცხვილი, შეურაცხყოფა, უღონობისაგან გაბოროტება, უმწეობა და გაუთავებელი ტანჯვა-წამება... ოჰ, კმარა! ლამის მარტო ფიქრისაგან შევიშალო ქუეზე...

ა. ს.

0

თბილისი, 2 იანვარი, 1881.

საყვარელო რიფსაჟე!

ესეც ახალი წელი. მოვიდა და ყოველ ადამიანს ის საჩუქარი მოუტანა. რაც აქამდე ჰქონდა: ბედნიერთ — ახალი ბედნიერება, გახარებულთ — ახალი სიხარული, გაღიჟებულებს — ახალი ღიმილი, უბედურთ და გაწამებულთ კი — ახალი უბედურებანი და წამებანი, ცრემლმდინარეთ — ახალი ცრემლები... თვითთელი ღებულობს იმას, რაც ბედმა შუბლზე დააწერა. ასე ყოფილა ყოველ ახალ წელს, ქვეყნის დასაბამიდან, და ასევე იქნება მუდამ. დაუდგრომელი დრო-ყამი თავისი მარადიული წრიული მოძრაობისას მხოლოდ იმეორებს იმ კა-

ნონებს, ერთ საერთო სახელს რომ ეძახიან — ბედისწერა. მიუხედავად ამისა, ადამიანები ახალ-ახალი იმედებით მოვლიან ახალ წელს. ბედნიერნი უკეთეს ოქროს ხანაზე ოცნებობენ, უბედურნი — სულ რამდენიმე მზიან დღეზე. ბედნიერნი, მიიღეთ კუთვნილი! უბედურნი, გაუფრთხილდით მონაპოვარს! — თვითუღს თავისი ხვედრი! — ზარზეიმით გაჰკივის უღმობელი ბედისწერა და უღარდელი ახალი წლის გვერდით სამყაროს ერთი კუთხიდან მეორეში დაჰქრის.

ჩვენც მივიღეთ კუთვნილი, ე. ი. ახალი მწუხარება, ახალი ცრემლები, ახალი ტანჯვა-წამება!.. ოჰ, ნეტავი შემეძლოს გულმშვიდად და აუღელვებლად ვუყურო უსირცხვილო ახალი წლის ღიმილს! ანდა ძალა შეწვევდეს აღკვეთო ჩემს გულში მისი ხელის ფათური! — მაშინ შეურაცხყოფილის მედიდურობით შევხედავდი ლირფ სახეში, გულგრილად პირს ვიბრუნებდი მისგან, ყოველ ტანჯვას გულის სიღრმეში ჩავიმარხავდი და გმირულად ავიტანდი მისგან მოყენებულ ტკივილებს. მაგრამ ადამიანთა სულიერი სამყარო უძღურია გრძნობების მოთოკვაში, ისინი ცოცხლობენ ისე, როგორც ბუნების დამოუკიდებელი კანონები კარნახობენ.

ოჰ, უბედურო ადამიანო, რა ცოდვები მიგიძღვის?

გუშინ, ახალი წლის პირველ დღეს, დილიდანვე ოთახში ჩავიკეტე და გადავწყვიტე გარეთ არ გამოვსულიყავი. კარზე მომდგარმა ახალმა წელმა იმდენი შხამი ჩამაწვეთა გულში, რომ სრულიად არ ვიყავი განწყობილი ვინმეს შევხვედროდი, — არც მამას, არც დედას, არც ძმებს; მინდოდა მარტოდმარტო ვყოფილიყავი ჩემ თავთან, მინდოდა ყველაფერი და ყველა დამევიწყებინა... ნეტავი რა უნდა ჩემგან ახალ წელს. მე ხომ მისგან არაფერს მოვიტოვებ? — ფიქრობდი მე, და მართლაც, დანამდვილებით რომ მცოდნოდა ახალი წელი იოლად დაკარგულ ოქროს ხანას დამიბრუნებდა, მაინც უარს ვიტყოდი და თავს ბედნიერად ჩავთვლიდი თუ ისე ჩამივლიდა გვერდით, როგორც ამ დღეს დედამიწაზე ათასობით მიცვალებულთ ჩაუვლიდა. მხოლოდ ეს კია, ამ წუთებში, იქნებ არ დაიჭერო, დაო, მაგრამ თავს უბედურად აღარ ვთვლიდი. ამის მიზეზი ჩვენი მეტისმეტი უბედურება იყო. თუ ახალი წლისადმი ჩემს გულში ჩასახული დაუოკებელი სიძულვილი — არ ვიცი, მაგრამ რომ უწინდებურად არ ვიტანჯებოდი, ამაში ღრმად დარწმუნებული ვარ. რაღაც ძალამ შემბოჰა, კეთილშობილური სიამაყით ამავსო და ისეთი გულგრილი გამხადა ყველაფრისადმი, თითქოს

ვიდაცას დიდი შეურაცხყოფა მოეყენებინა, რომლის მიტევება არასოდეს არ შემეძლო. მე ვამაყობდი ჩემი მღვდმარეობით და ახლაც ვამაყოფ, რომ დაუძლეველი სიძულვილით ვიყავი განწყობილი მთელი გარემომცველი სამყაროსადმი.

ძალიან დაღვრემილი დღე იყო. ცაზე ისეთი მძიმე, ნაცრისფერი ნისლი გაწოლილიყო, რომელიც ადამიანს სიზარმაცესა და ძილსა ჰკვრის. განუწყვეტლივ თოვდა. თოვლის ფანტელები უთვალავ ბუზებივით ირეოდნენ ჰაერში, გუნდგუნდად ტრიალებდნენ და, თითქოს თავიანთი ბედით კმაყოფილნი არიანო, ეფინებოდნენ მიწას. ქარის ოღნავ ამოსუნთქვაზე ფიფქები და ფანტელები ჯგროვდნენ ეხეთქებოდნენ ფანჯრის მინებს და ყრუ შრიალი ისმოდა. ოთახში ციოდა, ლუმელს მარტო მამისა და გრიგორის ოთახებში ვანთებთ. შალში გავხევი და დოსტოვესკის წიგნი ავიღე, თუშკა წაკითხვის არავითარი ხალისი არა მქონდა. მინდოდა როგორმე თავი შემეჩქია; ეს აუტანელი დღე რომ ჩაქეკლა, ამისათვის მზად ვიყავი ყველაფერი გამეკეთებინა. დოსტოვესკი არასოდეს არ მიყვარდა. წინათ რამდენჯერმე ვცადე წამეკითხა, მაგრამ კითხვას დავიწყებდი თუ არა, მაშინვე მომბეზრდებოდა ხოლმე და გვერდზე მოვისროდი. ამჯერად კი, მეც არ ვიცი რატომ, გამიტაცა, მართალია, პირველად მექანიკურად ვკითხულობდი და წაკითხულიც თითქმის არ მესმოდა, მაგრამ შემდეგ თანდათან დაეძაბე გულისყური და ისე გულმოდგინედ განვაგრძე კითხვა, რომ ბოლოს მთლიანად ჩამითრია. არ მახსოვს, რამდენ ხანს ვკითხულობდი, უცებ ჩემი ყურადღება კარის ჰრიალმა მიიპყრო. შემოვიდა დედაჩემი. იგი ახლაც ისეთი იყო, როგორცა ცხედავდი ყოველდღე — ისევ ისეთი ფეხაკრეფით სიარული, მექანიკური მოძრაობა, ისეთივე უსიცოცხლო გამომეტყველება. ამქამად მხოლოდ თვალები ჰქონდა დიდრონი, თითქოს უფრო დამახვილებოდა, და ჩვეულებრივზე უფრო ფერმკრთალი იყო. ყოველ ახალ წლის დღეს, როგორც წესი, დედას ვეახლებოდი ხოლმე მისალოცად, მაგრამ ამჯერად, ამ ჩვეულებას რომ ვუღალატე და არ ვეახლე, პირველი თვითონ მოსულიყო. შევხედე თუ არა სახეზე, მაშინვე მივხვდი, რომ ჩემი ვარაუდი სწორი იყო. მომიახლოვდა.

— გილოცავ ახალ წელს, ჩემო გოგონა, — აცახცახებული ზმით წარმოთქვა მან, მომეხვია და შუბლზე მაკოცა.

იმავე წუთს, არ ვიცი, უეცრად რა დამემართა, მხოლოდ ცოტა ხნის შემდეგ ვიგრძენი, რომ დედაჩემს მაგრად ვეხვეოდი წელზე, სახე ჩარ-

გული მქონდა მის მკერდში და მწარე, აუტანელი ცრემლები თიჯქმის მახრჩობდნენ. საღ გაქრა ჩემი გულგრილობის, განურჩევლობის, გაბოროტების და სიძულვილის გრძნობა, დედის შემოსვლამდე რომ მქონდა? — ნასახიც კი აღარ იყო დარჩენილი. ამის ნაცვლად ჩემში უწინდელმა სევდამ იფეთქა, თანაც ისე ძალუმად, რომ უჩვეულოდ ამიტირდა გული.

დედაჩემს გულში ჩაეხუტებინა ჩემი თავი, ხელებს მითათუნებდა სახეზე, ვგრძნობდი, ისიც ქვითინებდა და მოფერებით მკოცნიდა თმაზე. ბოლოს, როგორც იქნა, ტირილი შევიკავე. თავი ავიღე მისი მკერდიდან და სახეში შევხედე. მანაც ასწია თავი.

— დამშვიდებული გული ისევ რად ამიფორიაქე? — მივმართე უნებური საყვედურის კილოთი და ვიგრძენი, რომ ჩემი ხმა იპე არ უღერდა, როგორც წინათ, როცა მასთან ვლაპარაკობდი ხოლმე. აშკარად ჩანდა მიმიხვდა, ამით რისი თქმა მინდოდა, ნელა, ძალიან ნელა ამოიოხრა, ისედაც დაძაბული წუთის კიდევ უფრო დამუხტვას თავი აარიდა და დუმილი არჩია. მხოლოდ ეს მკითხა:

— ამ ცივ ოთახში რად ზიხარ, ხომ შეიძლება გაცივდე?

— ასე გადავწყვიტე, დღეს ამ ოთახიდან არ მინდა გამოვიდე, — უხეშად მივუთხე, თუმცა თავადაც არ ვიცო, დედას რატომ მოვექეცი ასე, და კვლავ დოსტოვესკი ავიღე ხელში.

— მე რა დაგიშავე, რომ ჩემზედ ხარ გულმოსული, ანა? — ცოტა ხნის სიჩუმის შემდეგ ისეთი სევდიანი და უდანაშაულო ხმით შემეკითხა, რომ გული თითქოს ათას ნაწილად დამიგლიჯეს.

— ან მე რა ბრალი მიმიძღვის შენს წინაშე, რომ ასე მტანჯავ? — შევკვივლე, წაგნი მოვისროლე, სახეზე ხელები ავიფარე და გულამოსკვნით ავტირდი.

— თუ ასეა, წავალ, — თითქოს ბოდიშს იხდისო, თქვა მან და კარისაკენ გასწია.

— შენ ვერ გამიგე, დედა! — მივაძახე მე და სინანულისა და აუტანელი ტკივილისაგან გული შემეკუმშა. — შენზე როდი ვარ გაბრაზებული... შენ რა შუაში ხარ, ჩემო ტკბილო დედა?... მე ჩემს თავზე ვარ გაბრაზებული, მხოლოდ ჩემს თავზე... ჩემს სისულელეებზე, ჩემს ხასიათზე, ჩემს ფიქრებზე, ჩემს ტანჯვა-წამებზე.

— ანა, ჩემო ძვირფასო, — თავის ნაზი, სევდიანი, ალერსიანი ხმით თქვა დედამ, — თუ შენი თავი არ გებრალეება, მე მაინც შემეცოდე.

განა ჩვენი მძიმე ცხოვრება არა კმარა, რომ ახალი ტანჯვა-წამება არ მომაყენო? ხომ ხელავ, ამ რამდენიმე თვეში რას დავემსგავსე...

— მეტს აღარ ვიზამ, ჩემო ძვირფასო დედა, მაპატიე, — შეეძახე და სიყვარულის ნიშნად კისერზე მოვეხვიე.

ამ წუთას რას არ ჩავიდენდი, რა მსხვერპლს არ გავიღებდი, ოღონდ დამერწმუნებინა დედა, რომ მისი ყოველი ამოხვრა ტანჯვა-წამებას შიორკეცებდა.

მან ალერსიანად გადამისვა ხელი თავზე და მითხრა:

— ანაჯან, ფიქრებს თავს ნუ დააჩაგვრინებ. მარტობას ფიანდაზად ნუ გაეშლები. რად ჩაეტილხარ ამ დღეს ოთახში და გარეთ არ გამოდიხარ?.. უფრო კარგი არ იქნება, გრიგორისთან შეიარო, ელაპარაკო, ანდა, თუ კითხვა გინდა, იმასთან წაიკითხო, რომ ისიც გაერთოს! საბრალო, სულ მარტოდ წევს.

— წადი, დედა, მეც მალე მოვალ, — აჩქარებით ვუთხარი და დავუმატე: — ახლავე მოვალ.

დედა გავიდა.

მაშინვე თვალები ჩამოვიბანე და დავჯექი, რომ გული ცოტა დამემშვიდებინა; არ მინდოდა გრიგორის შეემჩნია აღელვებისა და ცრემლების კვალი. ამისთანა შემთხვევების დროს ყოველთვის მკიცხავდა. როცა საკმარისად დავიმშვიდე გული, მასთან წავედი. ჩაცმული იყო, საწოლზე იღაყვით ბალიშს დაყრდნობოდა და ხელი თავქვეშ ამოედო. მე რომ შევედი, გასწორდა და დაჟინებით მომაჩერდა თვალებში. მომეჩვენა, თითქოს მაშინვე ამოიცნო ჩემი სულიერი მდგომარეობა, მიუხედავად ამისა, მაინც არაფერი მითხრა, თუმცა მარტო შემოხედვამ უკვე ისევე შემამუფოთა, როგორც იმ დროს, როცა მკიცხავდა ხოლმე. მივესალმე და მის ახლოს სკამზე ჩამოვჯექი.

— გილოცავ ახალ წელს, დაო! — ჩემს სალამზე პასუხის გაცემას თავი აარიდა და ეს სიტყვები ისეთი ტონით წარმოთქვა, თითქოს ამბობდა, სალამზე უწინ ეს უნდა გეთქვა და ახალი წელი ჯერ შენ უნდა მოგელოცაო.

— ეჰ, მოგცლია ერთი! — სევდიანად მივუგე. — ნეტავი რას ხედავთ ამ დაწყველილ ახალ წელში, ყველა რომ მილოცავთ?

— გილოცავ ახალ წელს, დაო! — უწინდელზე უფრო მტკიცედ გაიმეორა მან, გაიღიმა და ხელი გამომიწოდა.

მე ჩემი ხელი შევაგებე, ჩამომართვა. ხელზე მაკოცა და ისევ ბა-ლიშზე მიესვენა.

— ახალ წელს შენთვის რა დაუშავებია, ანა, ასე რომ გძულს? — შემეკითხა ცოტა ხნის დუმილის შემდეგ. თან დაჟინებით მიყურებდა თვალებში.

დავიბენი. არ ვიცოდი რა მეპასუხა. მართლაც და, რად მძულდა ახალი წელი, თავადაც არ მესმოდა.

— იმიტომ, რომ სიცრუეა, — ზეცრად მექანიკურად წარმოვთქვი. რაც ენაზე მომადგა.

— რომელია სიცრუე: ახალი წელი თუ მილოცვა?

— მილოცვა.

გაიღიმა და ამ ღიმილით თითქოს მითხრა: რად ამბობ იმას, რაც არ გინდა თქვაო?

— განა ისეთივე სიცრუე არ იყო, — დასძინა მან, — ახლახანს რომ მომესალმე? რა განსხვავებია ამ შენს საღამესა და საახალწლო მილოცვას შორის?

მე პასუხი არ გავეცი და თვალები დავხარე, ამწუთას რაღაც უცნაურად მიყურებდა.

— იცი რას გეტყვი, ანა, — ბოლოს დაილაპარაკა გრიგორმა ისეთ იდუშალ კილოზე, რაც პირველად მესმოდა მისგან. — ამ ბოლო დროს გამჩნევ, ის აღარა ხარ, რაც წინათ იყავი.

ცნობისმოყვარეობით და აჰასთან ერთად გამოუთქმელი შაშით შევხედე. „რა უნდა ამით მითხრას?“ — შევეკითხე ჩემს თავს გუნებაში. იგი ძალიან სერიოზულად, თითქმის ცოტა მრისხანედ, დაჟინებით მომჩერებოდა.

— დიახ, გამჩნევ, ის აღარა ხარ, რაც წინათ იყავი, — გაიმეორა მან. — და ამ საკითხზე მინდა სერიოზულად მოგელაპარაკო. უწინ მუდამ მხიარულად და უდარდელად ატარებდი დროს, იღიმებოდი, კისკისებდი. არასოდეს მინახავხარ მოწყენილი, ან რაიმე საქმის გამო დაფიქრებული. თუმცა ჩვენს ყოველდღიურ ცხოვრებაში ყოველთვის იყო ხოლმე ისეთი უსიამოვნო მოვლენა, რომელსაც არ შეიძლება თვითუფიქრული ჩვენგანისათვის გული არ დაეწყვიტა და სერიოზულად არ ჩაეფიქრებინა. ერთი სიტყვით; წინათ შენ სრულიად ბედნიერად გრანობდი თავს... ახლა კი მუდამ დაღვრემილი ხარ, სულ მოპტირალი, ჩაფიქრებული. რა ხანია, შენს სახეზე ღიმილის ნასახიცი აღარ შემიინიშნავს...

ეს ყველაფერი, რასაკვირველია, ასეც უნდა ყოფილიყო და არა სხვაგვარად, რადგან საკმაო სერიოზული მიზეზებია, რომელთაც, ბუნებრივია, ასე უნდა გამოეცვალე. ამიტომ, არც არაფერს გეუბნები, მაგრამ დიდი სისულელე იქნებოდა, მარტო ეს მქონოდა სათქმელი — წინათ ასეთი იყავი და ახლა ისეთი ხარ-მეთქი?... არა, მე სხვა რამ მინდა გითხრა, ანა, სხვა რამ, და თანაც — ხაზგასმით, რომ ამ უკანასკნელ დროს, როგორც შემინიშნავს, ძალიან ბევრს ფიქრობ...

— რაზე? — ჩემდა უნებურად, მექანიკურად შევეკითხე და თვალები ისევ დავხარე.

— იმაზე, — ყოველი ბგერის დამარცვლით მიპასუხა მან, — რასაც ადამიანის ჰკუა ვერ სწვდება და არც ოდესმე მისწვდება...

მთელი სხეულით შევკრთი, ისე, თითქოს რაღაც დანაშაული ჩამედინა და ახლა გამომზებულყოფილიყ. მან, როგორც შევნიშნე, შემატყო, გასწორდა საწოლზე, ჩემსკენ გადმოიხარა და დინჯად, თითქოს ფრთხილობსო, ჩემი ხელი აიღო.

— ძვირფასო დამო! — ჩამჩურჩულა საზეიმო ხმით, რომელშიც რაღაცნაირი მულარაც გაისმოდა, — დაე შენს უმანკო ბავშვურ გონებას ნურასდროს გაეკარება ბუნებისა და ადამიანთა ცხოვრების მამოძრავებელი ძირითადი კანონებისადმი ეჭვი. მას არც ერთ არსებით საკითხზე ყოფნა-არყოფნისა სრულყოფილი პასუხი არ გაუცია და მხოლოდ ბოროტმოქმედების გზაზე აყენებს ადამიანებს. დაე შენმა უდანაშაულო გულმა მუდამ წმინდად და ურყევად შეინახოს რწმენა, როგორც ციური ნათელი. რწმენა — იმედია, ხოლო იმედი — სიცოცხლეა, იცი თუ არა, ჯერ რა ახალგაზრდა ხარ და მაგ ასაკში რაოდენ წმიდა უნდა ჰქონდეს ადამიანს გული.. ლოცულობ ხოლმე? — თავი უფრო მომი-ახლოვა სახესთან და ხმადაბლა შემეკითხა უეცრად.

— არა, — უნებურად მივუგე.

მან სევდიანად გააქნია თავი და მცირე ხნის დუმლის შემდეგ ახსნა-განმარტება დაიწყო, რა არის ლოცვა და რა მნიშვნელობა აქვს მას ადამიანის სულიერი და ზნეობრივი ნუგეშისცემისათვის. — იგი ისე ენაშეობდა, ისე დამაჯერებლად, მშვიდად მიხსნიდა, რომ გატაცებით ვუაქმენდი; გაოცებული ვიყავი, — ამისთანა განყენებულ იღუებზე ესოდენ ჰაბუკი კაცი რა თავისუფლად მსჯელობს-მოთქი. მაგრამ მან შეძლო ჩემი დარწმუნება და გუშინდლიდან ისე ვგრძნობ თავს, თითქოს ზურგიდან მძიმე ტვირთი ჩამოეხსნათ.

შენი ანა სარკიანი.

თბილისი, 10 თებერვალი, 1881.

საყვარელო რიფსიმე!

შენც იმაში მადანაშაულებ და მისაყვედურებ, რაშიც გრიგორი. მისი სიტყვებია — „ბევრს ფიქრობ“. შენ კი უფრო მკაცრად მაკრიტიკებ — ჩემს მოქმედებას „ათეისტურს“ უწოდებ, რაც ადამიანთა ყველაზე უწმინდესი და უმალესი რწმენის ფეხით გათელვას ნიშნავს. და იქვე გოეთეს ცნობილი სიტყვები მოგყავს: „მოაზროვნე ადამიანის ბედნიერება ის არის, რომ რაზედაც ხელი მიუწვდება, აკრიტიკებს, ხოლო რაც მისთვის მიუწვდომელია, იმას დამშვიდებული სინდისით თაყვანს სცემს“. წარმოდგენილი მაქვს, როგორი იქნებოდა ჩემი მდგომარეობა, საშუალო საუკუნეებში რომ მეცხოვრა: ალბათ, მეც კოცონზე დამწვავდნენ ბატივით. ღმერთმა დამიფაროს ამეებისაგან! საყვარელო დაო, რწყილს აქლემად ნუ აქცევ. რაღა ჰკუა დამრჩა, რომ ჩემი ყოველი საქციელი აეწონ-დაეწონო? ჩემს მდგომარეობაში რატომ არ შედიხარ და მხოლოდ მაკრიტიკებ? ბედისწერამ მთელ ჩემს სულიერ სამყაროს თავზარი დასცა; იგი დაკოდილია, გამძვინვარებულია და უზომოდ გაღიზიანებული, — ნადირივით ღობე-ყორეს ედება. ფრიად გულგატეხილი ვარ; მე პირისპირ ვდგავარ საშინელი სინამდვილის წინაშე, რომელზედაც წინათ წარმოდგენაც არა მქონდა. ბედისწერამ ძალიან შეუბრალებლად დამწიხლა; ესოღენ მიამიტი და მოუმზადებელი, სრულიად მოულოდნელად ამ საშინელი სინამდვილის წინაშე დამაყენა და მეუბნება: ურყევად იდექი!.. ოჰ, მე კი, მე უბედურს, რა მაქვს მისგან ბილებული, რომ გავცე?!.

ჩვენი მდგომარეობა დღითი დღე უარესდება. ორიოდ სიტყვით აღწერ ჩვენს ყოფა-ცხოვრებას და შენთვის ყველაფერი ნათელი იქნება. ახლა ჩვენს სახლში რომ შემოხვიდე, დაიარო ოთახები და გითხრან, აქ საროიანები ცხოვრობენო, არც თვალებს დაუჭერებ, არც საკუთარ ყურებს, ყველაფერი, რასაც ნახავ, უფრო სასაცილოა, ვიდრე სამწუხარო, და ხუმრობა გეგონება. ამჟერად აღარ გავიმეორებ ჩვენი სახლის სიკვდილმომგვრელი გარეგნობისა და მოუწყობლობის დახასიათებას (ამის შესახებ მგონი მოგწერე) და შიგნით შევიხედოთ: ჩვენს ოთახებში ახლა უწინდელი მდიდრული ცხოვრების კვალსაც კი ვეღარ ნახავ. პიანინო, ჩემი საყვარელი პიანინოთი მოყოლებული და

უკანასკნელი სავარძლითა და ფანჯრის ფარდით გათავებული — ყველაფერი აუქციონში გაიყიდა, მზარეულზე, მოახლესა და მსახურებზე ზომ ლაპარაკიც ზედმეტია. ერთი ხელზე მოსამსახურეც კი არა გვეყვს, რომ საყიდლებსათვის ბაზარში გავგზავნოთ. სმა-ჭამა იქნება თუ ჩაცმა-დაახურვა — ყველაფერში მკაცრ ხელმომპირნეობას ვიჩინო; ჩვენდა უნებურად იძულებულნი ვართ ასე მოვიქცეთ — წელი არ მოგვდევს. აღარაფერს ვაპბობ იმაზე, თუ რაოდენ მძიმედ განვიცდით ამ მოპყირნეობას, ამას შენ თვითონაც კარგად წარმოიღვენ!.. უკვე დავიწყეთ სახლში დარჩენილი ოქროულობისა და ვერცხლეულის გაყიდვა. ყველაზე მეტად ჩვენი ოჯახის დამაქცევლები ექიმები არიან და წამლები, ნეტავი რაიმე საარგებლობა მაინც მოჰქონდეთ, ან მამაჩემისა, და ან ძმისათვის! აგერ უკვე სრული ოთხი თვეა, ექიმები გულმოდგინედ ჯაიარებიან ჩვენთან, მიუხედავად ამისა, მამაჩემის მდგომარეობა ისევ უცვლელია, ხოლო გრიგორის ჯანმრთელობა, პირიქით, დღითი დღე უარესდება.

ჰო, მართლა, ექიმებზე აი კიდევ რა გამახსენდა (ამის შესახებ მგონი შენთვისაც არ მომიწერია), მამაჩემის ექიმმა (შენ უნდა იცნობ ღე იმ ბატონს), ახლახანს ცალკე გამიხმო და მითხრა: მამაშენს ამიერიდან აღარაფერი ეშველება, მეც ტყუილად მაწვალებთ (ნეტა რასა წვალობს!) და თქვენც ამაოდ ირჩებიოთ. „თუ გინდათ, — განაგრძო მან, — ისეთ წამალს მიეცემ, საბოლოოდ გადაწყდება მისი ბედიო“. იცი, საყვარელო დაო, მაგითი რისი თქმა უნდოდა! — აი ამისა: მამათქვენის სინციოცხლე ჩემს ხელშია, და თუ გინდათ მოვკლავო... განცვიფრებისაგან, შიშისა და მრისხანებისაგან არ ვიცოდი რა მეპასუხნა. ამ ამბებისაღმი ჩემს გულგრილ დამოკიდებულებას უცბად ბოლო მოელო, მინდოდა სახეში გამერტყა, მოვემზადე კიდევ ამისათვის, მაგრამ ექიმმა დროზე აუღო ალღო მდგომარეობას და მაშინვე გამშორდა. მხოლოდ ისღა მოვანწარი, რომ ყვირილით უკან მივადევნე — ამიერიდან ჩვენს სახლში ფეხი არ დადგა-მეთქი. როცა წავიდა, მწარედ ავქვითინდი, რადგან მამის მიმართ ჩემი ყველაზე უწმინდესი და უმწიკვლო გრძნობები წარმოუდგენლად შეურაცხყოფილი იყო. მაქ უნდოდა ჩემი თანხმობა მიეღო და ღვიძლი მამის მკვლელობაში, მე, ღვიძლი შვილი, თამონაწილედ გაეეხადე... ამის მართო გაფიქრებაც კი თმებს ყალყზე მიყენებს, ხოლო, როცა გამახსენდება მისი სიტყვები, შიშით ისე ვცახცახებ, თითქოს ნამღვილად ჩამედინოს დანაშაული... ღმერთო ჩემო,

ნუთუ ექიმებს ასე უდარდელად შეუძლიათ თავიანთი ავადმყოფების სიცოცხლესთან თამაში? ნუთუ მათ დამშვიდებული სინდისით, ჯოჯოხეთური ძრწოლების გარეშე შეუძლიათ ასეთი რამ იფიქრონ? ვისი პირდაპირი მოწოდებაც ავადმყოფების სიცოცხლეზე მზრუნველობაა, ვისაც ეს ვალდებულება ნებაყოფლობით უკისრია, ისინი, პირიქით, მზად არიან სიცოცხლის დარჩენილი დღეებიც წაართვან, მხოლოდ იმიტომ, რომ თავის საქმისა არაფერი გაეგებათ, და თუმცა ამას აღიარებენ, მაინც არ იღებენ ხელს მკურნალობაზე, რათა თავი არ შეირცხვიონ... მე მგონი დამთხვეულ კაცისმკვლელებს უფრო მეტი სიბრაალული ექნებათ, ვიდრე ამათ.

მეორე ორი ძმა — არშაკი და გარეგინი — ის არ ემარა, რომ უსაქმოდ არიან, ამასთან მძიმე ტვირთად გვაწევს კისერზე. მთელი დღე სახლში ყრიან, და მუქთად ჭამენ და სუამენ. არშაკს ლოთობის გამო სამსახურში აღარსად ღებულობენ, ხოლო გარეგინს, უბრალოდ, ქუშაობა არ უნდა. მიუხედავად ჩვენი რჩევა-დარიგებისა, საყვედურებისა და გაკიცხვისა, არც არშაკი იღებს ხელს ლოთობაზე და არც გარეგინი — სიზარმაცეზე. ოჰ, მამა! მამა! რამდენი ტანჯვა-წამება მოგვიტანე!.. ჯანმრთელად როცა იყო, ყველას გვიყვარდა და გვეშინოდა მისი. საჭიროების შემთხვევაში თავს დაანებებდა ხოლმე ოხუნჯობას, სერიოზულად გველაპარაკებოდა, ჭკუას გვარიგებდა. ჩვენც ვცდილობდით ისე მოვექეუთიყავით, რომ არ გავეციცხეთ; გაბრაზების წუთებში ძალიან დაუნდობელი იყო. როგორ გავებდავდით საპატიო მიზეზის გარეშე მე, გრიგორი, ან გარეგინი სკოლის გაცდენას? ანდა არშაკი სადილობის დროს, მამაჩემის თანდასწრებით, ზედმეტი ჭიქა ღვანის დალევა?! ახლა? ახლა აღარ არის მამა, აღარ ისმის მისი ოხუნჯობა, მისი რჩევა-დარიგებანი და ამიერიდან ველარც გავიგონებთ, რადგან ის, რაც იყო, არასოდეს არ იქნება, ხოლო წარსულის დაბრუნება შეუძლებელია... ვაი იმას, ვინც უპატრონოდ დარჩება.

ძმების უსაქმოდ ყოფნას, ამ გაჭირვების დროს, მტკივნეულად განიცდიდა განსაკუთრებით გრიგორი. არ დარჩენილა გასაკიცხი და სასაყვედურო სიტყვები, რომ მათ არ ვუთხარით, მაგრამ ისინი აინუნშიც არ აგდებენ არც ჩემს, არც გრიგორის და არც ღვანის საყვედურებს. თხოვნა-მუდარას, ხელს არ იღებენ უსაქმოდ ხეტიალზე. გუშინ გრიგორის ოთახში შევიარე; იქ არ იყო, მაგრამ მეზობელი ოთახიდან მომესმა მისი ხმა — არშაკსა და გარეგინს ელაპარაკებოდა.

— ... როგორ არ გრცხვენიათ? — ეუბნებოდა, — ასე როდემდე უნდა იხეტიალოთ?.. ხომ ხედავთ, ჩვენი მდგომარეობა დღითი დღე უარესდება, მალე იმასაც მოვესწრებით, რომ გამზმარი პური სანატრელი გვექნება... თქვენ თავზე მაინც იფიქრეთ, თქვენი კუჭისთვის მაინც იმუშავეთ... ვისი, ან რისი იმელი გაქვთ?

— ნუ გეშინია, ამქვეყნად შიმშილისაგან არავინ მომკვლარა. — მიუგო უფროსმა ძმამ და გაბმით დაამთქნარა.

— ნუთუ ისე ხარ სირცხვილისაგან გარეცხილი, — შენიშნა გრიგორმა, — რომ შეგიძლია მოწყალება სთხოვო ნაცნობებს, მეგობრებს, თუგინდ სრულიად უცნობ ადამიანებს?.. ჰა?

— აბა, აბა, კიდეც დიღხანს უნდა წაიღო ტვინი! — ბრაზიანად დაუყვირა არშაკმა. — გული თუ ძალიან გეწვის მშობლებისა და დისთვის, შენ თვითონ იმუშავე, არავის დაუშლია.

ცოტა ხნით სიჩუმე გამეფდა. შემდეგ მოისმა გრიგორის მშრალი ხველა.

— ისიც კი არ გესმის, ჯანმრთელობის მხრივ სულ ცოტა უკეთ რომ ვიყო, საქმეს არასოდეს იქამდე არ მივიყვანდი, ეს მოვალეობა შენ შეგეხსენებინა. — მშვიდად მიუგო გრიგორმა, როცა ხველა შეწყვიტა. — მაგრამ, სამწუხაროდ, დიახ, სამწუხაროდ, იძულებული ვარ მე მოვისმინო ეგ სიტყვები, რაგინდ მწარეც არ უნდა იყოს...

— დაე შენმა დამ იმუშაოს...

— შენ კი იმის ხარჯზე იცხოვრებ? — მრისხანედ შესძახა გრიგორმა. ეტყობა, არ მოელოდა თუ არშაკი ამას იტყოდა.

მცირე დუმილის შემდეგ გავიგონე — გაბრაზებული გრიგორი როგორ გამოვიდა ძმების ოთახიდან და კარი მაგრად გამოიხურა. მე გაქვავებული ვიღეკი შუა ოთახში, არ ვიცოდი, რა ხდებოდა ჩემში. მხოლოდ უფროსი ძმის სიტყვები — „დაე შენმა დამ იმუშაოს“ — მიტრიალებდა თავში და მოსვენებას მიკარგავდა...

— ანა? — გაოცებითა და, ცოტა არ იყოს, შიშით აღმოხდა, მე რომ დაძინახა.

ჩანდა არ მოელოდა, იქ თუ ვიქნებოდრი. მე ვერც ხმის ამოდება შევძელი, ვერც ადგილიდან დაძვრა.

გრიგორი ნელ-ნელა მომიახლოვდა, ნაზად მომხვია ხელი, თანაგრძნობით ჩაშვედა თვალებში და აკანკალებული ხმით მითხრა:

— საყვარელო დაო, ხედავ! ხედავ რაოდენ უსულგულონი არიან.

— რას იზამ! მე ვიმუშავებ. — გულგრილად მივუხე.

მის სახეზე უსაზღვრო ტანჯვა აღიბეჭდა.

— ანა, ჩემო ძვირფასო, — ჩამჩურჩულა და მომეჩვენა, ხმა თითქოს დაურბილდა, თვალები ცრემლებით ავესო; დაიხარა და ხელებზე კოცნა დამიწყო. მე ისევ გაქვავებული ვიდექი იმავე მდგომარეობაში, არაფერს ვგრძნობდი. უეცრად ხელები გამიშვა და საწოლისაკენ გასწია.

— ოჰ, რადა ვარ ავად?! — აღმოხდა, დაეცა ლოგინზე და თავი ბალიშში ჩარგო.

ისე მწარედ და საბრალოდ გოდებდა, რომ მისმა ქვითინმა თავზარი დამცა, გული ჩამწყვიტა. მივუახლოვდი. ტირილისაგან მთელი სხეულით ცახცახებდა. პირველად ვხედავდი ასეთ მდგომარეობაში; ის ცრემლად იღვრებოდა, ამ ქვითინში უკიდურესი სასოწარკვეთილება იხატებოდა. წინათ კი არასოდეს არ შემინიშნავს მისთვის უიმედობა. არც ცრემლი გაკარებია თვალებზე. პირიქით, მუდამ გვამხნევებდა, გვკიცხავდა, როგორც კი შეგვამხნევედა სულიერ დაძაბუნებას. ერთი სიტყვით, ასეთ წუთებში ყოველთვის ახდენდა ჩვენზე გავლენას, და მომავლის რწმენით გვავესებდა. ახლა კი, ახლა?..

ამ მოთქმა-გოდებაში აშკარად ჩანდა რა ზომამდე დაძაბუნებული იყო მისი ძლიერი ნებისყოფა. „ოჰ, რადა ვარ ავად?“ — აღმოხდა, როცა ვუთხარი, მზადა ვარ ვიმუშაო-მეთქი. ეს სიტყვები არასოდეს დავამიწყებდა; იგი ისეთი ტანჯვითა და ღრმა სულიერი განცდით იყო ნათქვამი, რომ ვიგრძენი, რაოდენ ღრმად და გულწრფელად ვუყვარდი მას...

ყოველნაირად შევეცადე დამემშვიდებინა, მაგრამ იმდენად იყო აღელვებული, რომ ლაპარაკის ძალა აღარ შესწევდა. მაშინ გადავწყვიტე, უკეთესია მარტო დარჩეს-მეთქი და ფრიალ დამწუხრებული გარეთ გამოვედი. „დაე შენმა დამ იმუშაოს“... — ეს სიტყვები არ მშორდებოდა გონებიდან, მაგრამ ყველაზე მეტად ის მტანჯავდა, რომ ვიცოდი გრიგორის ესოდენი აღელვება უკვალოდ არ ჩაივლიდა, მის ჯანმრთელობას ავნებდა. სამწუხაროდ, ჩემი ვარაუდი გამართლდა — დღეს გრიგორი ძალიან შეუძლოდა.

საყვარელო რიფსიმე, ამ გრძელ წერილებს შენზე ოცნების მწვავე სურვილი მაწერინებს, ისეთი შეგრძნება მაქვს, თითქოს ამ წერილებით გესაუბრები. გული პირთამდე ამეკსო ნალველით, და შენ თუ არა, აბა

სხვას ვის გავუზიარო დარდები?.. ოპ, ნეტავი ახლა გვერდით მყავდე, ჩემო ერთადერთო ნუგეშისმცემელო! როგორ მხურვალედ ჩაგიკრავდი გატანჯულ მკერდში...

შენი ანა საროიანი.

ლ

ძვირფასო დაო.

ჩემი ძმა — გრიგორი გარდაიცვალა... ცრემლები მახრჩობს, მეტს ვერაფერს გწერ, ძალა არ შემწევს...

მ

თბილისი, 30 აპრილი, 1881.

მივიღე შენი წერილი, რომელშიც გულწრფელ თანაგრძნობას მიცხადებ და მამხნევებ. უსაზღვროდ მადლობელი ვარ, რომ გაიზიარე ჩემი მწუხარება. ახლა მე, ისე როგორც არასდროს, მწყურია გაძხნევება, რადგან ვგრძნობ ამ უკანასკნელმა დარტყმამ მორალურად გამანადგურა. მე იმ მძიმედ დაჭრილ ადამიანს ვგაეარ, რომელსაც უკანასკნელი საშინელი დარტყმა შიგ გულში აჯემეს და ძირს დასცეს. მიუხედავად ამისა, მაინც ბედს არ ვემდური. ქება და ღიდება იმას, ვინც განაგებს მოკვდავთა ბედისწერას. როცა ადამიანი ხედავს, როცა იგი გრძნობს, რომ უღონოა, უნებურად ქედს იხრის მასზე გაბატონებულ უპაღლეს მიუწვდომელ, თვითონ განგების მიერ დადგენილ კანონების წინაშე. ამჟამად მეც ასევე ვარ. დღემდე ამაოდ ვებრძოდი ბედისწერას, და კინაღამ ბრმასავით გადავიჩეხე დაბნეულობის ხახადაღებულ უფსკრულში. მერედა რა მოვიგე ამისგან? ის, რომ ტანჯვა-წამება გამოიკეცდა! ის, რომ ცოდვა ჩავიღინე და ბოლოს დავმარცხდი! დიახ, ამჟამად წამოჩოქებული ვარ და ამაყი თავის წამოწევას ვერასოდეს ველარ გავბედავ. მორჩა, გათავდა. დაე ამიერიდან რაც მოსახდენია, მოხდეს — ყველაფერთან შერიგებული ვარ. საყვარელო რიფსიმე, ვერ წარმოიდგენ, რაოდენ დამშვიდებული ვარ ამჟამად. მკერდი რომ გადამიხსნან და გული ამომაცალონ, ნახავენ, რომ იგი გაყინულია. ახლა თითქოს აღარ ვცოცხლობ, ამიტომ სრულიად აუღელვებლად შემძლია დაწვრილებით აღვწერო ჩვენი ძმის სიცოცხლის უკანასკნელი წუთები

და მისი სიკვდილი. დიახ, უნდა აღვწერო. შენც ცოტაოდნად გამოიტყე — იგი უთუოდ ღირსია ამისა.

გარდაიცვალა ზუსტად ორი კვირის წინ, ამ თვის 16-ში, დაახლოებით საღამოს 5 საათზე. ის დღე კარგად მახსოვს. ადრეული გაზაფხული იდგა. მშვენიერი დღე იყო — ისე თბილოდა, რომ ფანჯრებიც კი გამოვადეთ და ამ სახლში გადაბარგების დღიდან პირველად ესუნთქავდით სუფთა ჰაერს. გრიგორი ფანჯარასთან იწვა, ორი დღის წინ გვთხოვა, საწოლი იქ გადაგვეტანა. უნდოდა უკანასკნელად დამტკბარიყო გაზაფხულის წარმტაცი დღეებით, ლურჯი, კამკამა ცის მზერით, მერცხლების ჭიკჭიკით, რომლებიც ეზოში გაბმულ თოვზე ჟივილ-ხივილით სხდებოდნენ და მერე ისევ მიფრინავდნენ. უკვე მეხუთე დღე იყო, საწოლიდან აღარ დგებოდა. სულის ამოხდომამდე რამდენიმე საათით ადრე, ისე კარგად გრძნობდა თავს, რომ ფიქრადაც არ მოგვსვლია, თუ ამ დღეს მოკვდებოდა. მაგრამ, ეტყობა, თვითონ ცუდი წინათგრძნობა ჰქონდა, ამიტომ დილით მთხოვა, მარტო არ დამტოვო. ამ დღეს ჩვეულებრივზე უფრო ალერსიანი იყო როგორც ჩემს მიმართ, ისე დედისადმი, რომელიც ხან მამის ოთახში შევიდოდა, ხან მასთან. ლაპარაკითაც მეტს მელაპარაკა. დროდადრო თითქოს მზიარულადაც იყო, მერე კი ისევ ღრმა ფიქრებში იძირებოდა. ერთ ხანს დედას ხალისიანად ელაპარაკა, მაგრამ უეცრად გაჩუმდა, ფანჯრისკენ შებრუნდა და ფიქრებს მიეცა. არ მინდოდა ხელი შემეშალა, ფრთხილად დავიხარე, დავაცქერდი. ღმერთო ჩემო, როგორ გამოცვლოდა ჩემთვის ესოდენ ნაცნობი ქალური ნაზი სახე! ისე გამხდარი, ფერწასული მეჩვენა, თითქოს ძარღვებში ერთი წვეთი სისხლიც აღარ დარჩენოდა. პატარა, სწორი ცხვირი, რომელიც ყოველთვის ჰარმონიულად ერწყმოდა მისი მშვენიერი სახის სილამაზეს, თითქოს მეტისმეტად დაგრძელებოდა, ნესტოები ცხვირის ხრტილზე მიჰკვროდა. თვალები ღრმად ჩაცვივნოდა და გადიდებოდა, ხოლო ფართო შუბლი უფრო გაფართოებოდა. არ ვიცი, რა იყო მიზეზი, მაგრამ მეგონა, პირველად ვხედავდი ასე გამოცვლილს. იგი დიდხანს უძრავად იწვა იმავე მდგომარეობაში. რომელიც უცნობი გრძნობა არ მაძლევდა უფლებას ფიქრებიდან გაიომეყვანა; მეჩვენებოდა, ეს ფიქრები მისთვის მეტად სანუკვარი იყო. ღრმად დამწუხრებული, ჩუმად დავცქეროდი სახეზე, რომ უეცრად ბაგეები შეარხია და ნელა, ძალიან ნელა, თითქოს თავის თავს ელაპარაკებო, ამოიჩურჩულა:

— რა წარმტაცია გაზაფხული!.. მიყვარს სიცოცხლე, თუგინდ იგი უღიმღამო იყოს. სულ გინდა იცოცხლო, გინდა გიყვარდეს და...

გაჩუქდა. ნელ-ნელა ჩემსკენ გადმობრუნდა.

— მართალი მითხარი, დაო, ისევ ფიქრობ ხოლმე ძველებურად?

— არა, გრიგორი, ახლა მხოლოდ ვლოცულობ, — მივუგე გულ-წრფელად.

დავინახე, სახე როგორ გაუნათდა, ხელზე ხელი წამატანა და მომიპირა.

— ილოცე, საყვარელო დაო! — დასძინა მან, თითქოს ძალა მოეცათ. — ილოცე, მხოლოდ ლოცვით შეგიძლია თავი გააჩირო სიცოცხლის მძიმე წუთებს... მერწმუნე, არასოდეს ინანებ, თუ ამ ჩემს გულ-წრფელ რჩევას არ დაივიწყებ. მართალია, ცხოვრებისეულ წარუმატებლობას ხშირად თან სდევს დაბნეულობა, მაგრამ ასეთ შემთხვევებშიც ადამიანს მუდამ უნდა ახსოვდეს, ვინ არის იგი და რას წარმოადგენს, რწმენა არ დაკარგოს, იმედი არ გაიწყვიტოს, და ლოცვაზე ხელი არ აიღოს; ბედისწერის წინააღმდეგ ამხედრება — ადამიანის მიერ გადადგმული ყველაზე სულელური ნაბიჯია... დამიჯერე, ცხოვრებისეულ წარუმატებლობაშიც და უბედურთა ტანჯვა-წამებაშიც არის ერთგვარი უზენაესი სულიერი სიტკბოება, ისევე, როგორც ჭანძრთელობაში, ბედნიერებაში, მხოლოდ ერთის პირობით, თუ არასოდეს დაკარგავს იმედს, რწმენას და არ დაივიწყებს ლოცვას... ეს მასწავლა ცხოვრებამ და ყოველგვარი ეჭვის გარეშე ირწმუნე შენც.

ისეთი მოკრძალებით ვუსმენდი, თითქოს ჩემ წინ ოცი წლის გამოუცდელი ახალგაზრდა კი არ იდგა, არამედ ცხოვრების ქარცეცხლში გამოვლილი პატივცემული მოხუცი, ზეციდან მიწაზე მოვლინებული წინასწარმეტყველი, რომლის ბაგეებით თვითონ მაცხოვარი ლაპარაკობდა... მაგრამ ამ დროს უეცრად რაღაცნაირმა შიშმა ამიტანა. „დღეს რა უცნაურად ლაპარაკობს“, — ამ კითხვამ უნებურად გამიელვა თავში. მით უმეტეს, რომ მართლაც სულ სხვანაირად ლაპარაკობდა, არა ისე, როგორც ამავე საკითხებზე სხვა დროს უსაუბრია. ხმა სვედიანი ჰქონდა, მაგრამ მქუხარე და უწმინდესი ზეშთაჯონებით სავსე. გამომეტყველებაც სხვანაირი მისცემოდა. მისი მზერა ცეცხლოვანი იყო, თითქოს ამით უნდა თავის სიტყვებს მეტი დამაჯერებლობა მისცესო...

— გრიგორი, დღეს ასე უცნაურად რად ლაპარაკობ? — ველარ მოვითმინე და შევეკითხე.

— რად? — ალერსიანად გაიმეორა მან, თვალებში შემომხედა და უჩვეულოდ გაიღიმა. — იმიტომ, რომ... ვკვდები, — დაუმატა ისე უღონოდ, რომ უკანასკნელი ბგერები ძლივს გავიგონე. არ ვიცი, იმ წუთებში რა დამემართა, ისე მომეჩვენა, თითქოს აგერ-აგერ მშორდებოდა სამუდამოდ და ძმას მაგრად მოვეხვიე.

— გრიგორი, შენ, ალბათ, ხუმრობ, — ისე ჩაეჩურჩულე, რომ თავად შემეშინდა ჩემი ხმისა.

კვლავ შემომხედა თვალებში და მე უმაღლესი შევნიშნე, სახეზე უცბად როგორ ჩაუქრა ღიმილი და გამომეტყველება ისევ სევდიანი გაუხდა. არაფერი მიპასუხა, მხოლოდ დიდხანს მიყურა თვალებში და შემდეგ ფანჯრისკენ იბრუნა სახე. ახლა კი შიშით დაზაფრული დავცქეროდი. ერთი მხრივ, მინდოდა გავშორებოდი, მეორე მხრივ, არ მინდოდა მიმეტოვებინა...

აღარ მახსოვს, რა დრომ გაიარა, როცა ფანჯრისაკენ შებრუნებულმა ჩურჩულით თქვა:

— გახსოვს, დამ, მაშინ ძალიან პატარები ვიყავით. მე ათი წლისა. შენ კი შვიდისა. რვეულების საყიდლად წავედი. შინ რომ ვბრუნდებოდით, გზაში ერთ გადარეულ ხარს შევეფეთეთ. შიშისაგან ყველანი აქეთ-იქით გარბოდნენ და პირველ შემხედურ საფარში იმალებოდნენ. ჩვენ უხერხულ ადგილას აღმოვჩნდით, ახლომახლო არც დუქანი იყო, არც ეზო, რომ დავმალულიყავით, და უნებურად სახლის კედელს ავეყუდეთ. ხარი გვიახლოვდებოდა. შიშისაგან გაფითრებულმა ხელები ძალუმად მომიჭირე. მე კი წინ ჩამოგეთარე, რომ ხარს შევხედროდი და შენთვის მისი დარტყმა ამეცდინა. ხარი ჩასისხლიანებული თვალების ბრიალით მოგვიახლოვდა და სწორედ ჩემ წინ გაჩერდა. შიშისაგან ვერც დაყვირება შევძელ, ველარც განძრევა. ჩემდა უნებურად მხოლოდ ის მოვახერხე, რომ წინ აგეთარე და ხელები მაგრად მოგხვიე. ხარმა გვიყურა, გვიყურა, მერე უეცრად დაიფრუტუნა, შეტრიალდა და კუდის ქნევით გაიქცა. გადავჩიით. შემოგხედე, და თითქოს ახლაც თვალწინ მიდგას შენი სახე — გაფითრებული, შიშისაგან თვალებდაჭყეტილი; მთელი სხეულით კანკალებდი, ხელს არ მიშვებდი, დაეინებოდა გააქცეოდი ხარს, თითქოს ელოდი, ვაითუ ისევ შემობრუნდეს, ჩვენსკენ გამოქანდეს და რქებზე აგვაგოსო. მაგრამ ხარმა სხვა ქუჩაზე

გაუხვია და თვლიდან დაგვეკარგა. მახსოვს, მაშინლა ამოისუნთქე თავისუფლად, დუმილით შემომხედე და უჩვეულოდ, უხერხულად გაიღიმე, უფრო სწორად, სახე დამანჭე და უცბად ატირდი. მე, რასაკვირველია, ვერ დაგიფარავდი ხარის რქენისაგან, მაგრამ შენი გადარჩენისათვის მზად ვიყავი თავი გამეწირა, იმის მიუხედავად, რომ თვითონ მეც ძალიან მეშინოდა. შემდეგში არა ერთხელ სიამაყითა და კმაყოფილებით გამიხსენებია ეს შემთხვევა; მესხიერებაში ისე ჩამებეჭდა, ათიქოს შენი მხსნელი ვიყავი...

გაჩუმდა, გაირინდა. დაეინებით გარეთ იყურებოდა. ეტყობა ბავშვობისდროინდელი ამბის მოგონება ახლაც სიამოვნებას ჰგვრიდა და არ უნდოდა მასთან გამოთხოვება. ვერც მე გავბედე ხელის შეშლა, ტკბილი მოგონებისაგან მისი გამოყვანა... მართლაცდა, რა საუცხოო დროა ბავშვობის წლები!..

ეპ, სიზმარივით ჩაქროლილო ყრმობის დღეებო,
წახვალთ და უკან არასოდეს დაგვიბრუნდებით —

ნელ-ნელა ჩაიჩურჩულა, ამოიოხრა და შემომხედა.

— გრიგორი, რატომ გაიხსენე ეგ ამბავი? — შევეკითხე.

— რატომ? — თქვა იმედწარკვეთილი ხმით. — იმიტომ, რომ ამიერიდან აღარ შემიძლია შენი დახსნა ფათერაკიდან...

ვიგრძენი, მწვავე ტკივილისაგან როგორ შემეკუთმეა გული, უნებურად მის მკერდზე დავემხე და სასოწარკვეთილებისაგან ისე ავქვითინდი, რომ თითქმის ვიხრჩობოდი. ამ წუთებში უკვე ეჭვი აღარ მეპარებოდა, რომ რაღაც უძლეველი ძალა ნელ-ნელა გვაშორებდა სამუდამოდ ერთმანეთს...

სადილზე ნახევარი ჭიქა რძე დალია მხოლოდ, სხვა არაფერს დააკარა პირი. ვამჩნევდი, ნელ-ნელა როგორ სუსტდებოდა, მაგრამ ცნობიერებას სულის ამოხდის უკანასკნელ წუთამდე ინარჩუნებდა. გარდაცვალებამდე ერთი საათით ადრე მამის ნახვა მოისურვა. დედაჩემმა, რომელიც, ეტყობა, უკვე გრძნობდა შვილის აღსასრულის მოახლოებას, თხოვნა შეუსრულა და მალე მკლაგვაყრილმა, ფრთხილად შემოუყვანა მამა, სკამზე დასვა ავადმყოფის საწოლთან. მამა-შვილმა ერთმანეთს შეხედეს; მოხუცის გამომეტყველება ისევე უაზრო იყო, მაგრამ ამჯერად მასში რაღაც ცნობისმოყვარეობა შეინიშნებოდა, ხოლო ძმის თვალებში—უდიდესი სიყვარული, თანავგრძნობა, მწუხარება და სასო-

წარკვეთილება!.. ასე უსიტყვოდ ემშვიდობებოდნენ მისი თვალები მამას სამუდამოდ... შემდეგ აიღო მამის ხელი, უნდოდა რაღაც ეთქვა, მაგრამ ხმა ვერ ამოიღო, მხოლოდ ესლა შესძლო, — წამოიწია და ტუჩებით ხელზე დაეკონა.

— ეს ვინ არის? — ხმადაბლა იკითხა მამამ და დედაჩემს შეხედა.

— გრიგორია... ვერა სცნობ? — ძლივს წარმოთქვა საბრალო დედამ; ცრემლები ახრჩობდა.

— ვერა, ვერა ვცნობ, — მიუგო მამამ და ცოტა ხნის დუმისის შემდეგ იკითხა: — ავად არის?

— ჰო.

— მეც ავად ვარ, საბრალო ბიჭო, მეც ავად ვარ, — თქვა მამამ ისე, თითქოს ღრმად თანაუგრძნობსო ავადმყოფს, გრიგორის ტუჩებს ხელი გაარიდა და თავზე გადაუსვა.

მე ველარ მოვითმინე, გული ჩამწყდა, და გარეთ გავვარდი, რომ არც რა გამეგონა — არც რა დაჰენახა.

როცა თხუთმეტი წუთის შემდეგ ისევ დავბრუნდი, მამა იქ აღარ იყო, დედას გაეყვანა. გრიგორი პირადმა იწვა, სახე ხელით დაეფარა. მე რომ მიეუახლოვდი, ხელი გასწია. ოჰ, ღმერთო ჩემო, რა დიდი მწუხარება ამოვიკითხე მის სახეზე!.. მავედრებელი თვალებით ამომხედა და ხელი კაბაზე წამატანა.

— ანა, — თქვა აკანკალებული ხმით, — თავად იცი, როგორ უნდა უპატრონო მამას და დედას. შენს გარდა, მათ არავინა ჰყავთ. დაეხმარე რითაც შეგიძლია.

შემდეგ ხელზე ხელი მომიჭირა, და ისე გამიშვა, თითქოს ამბობდა, პასუხი არ არის საჭიროო. ჩემი პასუხი რატომ არ აინტერესებდა, არ ვიცი. იქნებ იმიტომ, რომ მძიმე პასუხისმგებლობას მაკისრებდა, თუ — იმიტომ, რომ ჩემი იმედი ჰქონდა. ასე იყო თუ ისე, ამის შესახებ ხმა აღარ ამოუღია.

მისი აღსასრულის მოწმენი ვიყავით მხოლოდ მე, დედა და თომას გასპარიჩი. იგი ოთახში ის-ის იყო შემოვიდა და რომ გაიგო საქმის ვითარება, ღრმად დამწუხრებულნი, შორიანლო ჩამოჯდა (ძმები შინ არ იყვნენ. კარგი დარი იდგა, სახლიდან გავიდნენ და ვინ იცის, სად დახეტიალობდნენ). მომაკვდავმა ითხოვა, მღვდელი მომიყვანეთო. მისი სურვილის დასაკმაყოფილებლად თომას გასპარიჩი წავიდა. მოვიდა მღვდელი. ოჰ, ღმერთო ჩემო, როგორ გულმხურვალედ ეზიარა!.. სიკვ-

დილის წინ დედას ეამბორა ხელზე, მერე — მე, ხოლო ბოლოს თომას გასპარიჩს, რომელმაც მეტი ველარ აიტანა და ბავშვივით აქვითინდა. შემდეგ სევდიანი, მავედრებელი თვალებით უკანასკნელად შემომხედა და იმწამსვე განუტევა სული — გათავდა... არა, კი არ გათავდა — მომავლადი ადამიანი საშიში შესახედავიაო, გამიგია — არამედ თვალები დახუჭა და მარადიულ ძილს მიეცა, რომ ამიერიდან არასოდეს აღარ გაეღვიძა... როცა თვალები დახუჭა, ფიქრადაც არ გამიტარებია, რომ იგი უკვე მოკვდა. მაგრამ დედა მაშინვე მიხვდა ყველაფერს. უნებურად მომაპყრო დაბნეული და უაზრო მზერა, მერე ძალიან სუსტი ხმით ამოიოხრა, თითქოს გული თან ამოატანაო, დაემხო სასთუმალზე და მიცვალებულ შვილს მკერდში ჩაეხუტა. მე მთელი სხეულით ავცახცახდი — ახალა მივხვდი, ძმა უკვე მკვდარი იყო. თვალთ დამიბნელდა, მუხლები მომეკვეთა... ამის მეტი აღარაფერი მახსოვს. როცა გონს მოვედი, ვნახე ჩემს ოთახში ვიწექი, გვერდით დედა მეჯდა გაქვავებული, ფერწასული, სისხლგამშრალი, ხოლო თომას გასპარიჩი პირდაპირ სკამზე მოთავსებულყო, დარდისაგან გათანგული. ჯერ — დილა მეგონა, ისეთი გრძნობა მქონდა, თითქოს ახლად გამომეღვიძა, მაგრამ დედას რომ შევხედე, მერე — თომას გასპარიჩს, შემდეგ ორგვლივ მოვავლე თვალი — სურათი ნათელი გახდა, და ახლაც კი მივირის საიდან მოვიხვეჭე იმ დროს ესოდენი სიმშვიდე: არც ვოხრავდი, არც ცრემლი მომდგომია თვალზე, არც სევდა გამკარებია. თავს ისე ვგრძნობდი, თითქოს მკვდარი ვიყავი, დიახ, ნამღვილი მიცვალებული!.. თუ მეტყოდნენ — ჭამეო, ვჭამდი, მეტყოდნენ — დალიეო, ვსვამდი, ჩაიცვიო — ვიცვამდი, მოიტანე-წაიღეო, მომქონდა-მიმქონდა, მოდი-წადიო — მივდიოდ-მოვდიოდი — ერთი სიტყვით, რასაც მეუბნებოდნენ, იმას ვაკეთებდი, მაგრამ ყველაფერს ვასრულებდი უგრძობლად, უნებურად. სწორედ ამით უნდა აიხსნას, რომ ამჟამად ისიც კი არ ვიცი, როგორ დავასაფლავეთ ძმა, ვინ ესწრებოდა გასვენებას და ა. შ. ბუნდოვანი სიზმარივით მხოლოდ ის დამამახსოვრდა, რომ შავებით შემოსეს, ხელში ცხვირსახოცი ჩამიდეს, თუმცა იგი სრულიადაც არა მჭირდებოდა, მკლავში ხელი ჩამკიდეს, ეკლესიაში წამიყვანეს და იქიდან უკან დამაბრუნეს. კიდევ ის ჩამჩა მენსიერებაში, რომ ეკლესიაში ძმას შუბლზე ვეამბორე, დიდხანს ვკოცნიდი... მეტი არაფერი მახსოვს. ახლა კი, როცა იმ დღიდან უკვე ორი კვირაა გავლილი, იმის ცარიელ ოთახში შევალ თუ არა და საწოლზე ჩამოვჯდები გულზე

ხელებდაკრეფილი, იცი რასა ვგრძნობ?... დიდება და პატივი იმას, ვინც განაგებს ადამიანთა ბედს. „ილოცე, მხოლოდ ლოცვით შეგიძლია თავი გაარიდო სიცოცხლის მძიმე წუთებს“, — მითხრა მან. კურთხეულ იყოს შენი ხსოვნა, ჩემო საყვარელო, ძვირფასო ძმაო!..

შენი ანა საროიანი.

6

თბილისი, 25 ივნისი, 1881.

საყვარელო რიფსიმე,

მთხვოვ, წერილები მოიწერეო. რაზე მოგწერო? რა მაქვს დასაწერი? ჩემს ირგვლივ და თავად ჩემშიც საშინელი სიცარიელე სუფევს. ალარაფერი დარჩა ისეთი, რასაც შეიძლება ხელი ჩავეკიდო, რაზედაც მყარად მოვიკიდებ ფეხს და ბოლო მოეღება ჩემს ცდომილ აზრებს, რათა საბოლოოდ არ ავცდე ცხოვრების სწორ გზას. აბა წარმოიდგინე ღრმა, კლაკნილი, უკიდვგანო სივრცე და მასში მოხვედრილი ადამიანი!.. ხელებს აცეცებს, აქეთ-იქით აწყდება, ცდილობს რაიმე იპოვოს, ფეხი მოიკიდოს, რომ უფრო ქვემოთ არ დაეშვას, მაგრამ ირგვლივ მხოლოდ ცარიელი სივრცეა და, ფეხქვეშ ნიადაგამოცლილი, ვარდნას იწყებს, ქვემოთ, სულ ქვემოთ, — მეც სწორედ იმ ადამიანის მღვთმარებობაში ვარ. მართალია, ჩემში არის გარდაცვლილი ძმისაგან შთაგონებული ერთი გრძნობა, რომელმაც ჩემს გატანჯულ სულზე არა ერთხელ კეთილისმყოფელი გავლენა იქონია, რისთვისაც დიდად ვუმაღლი ძმას, მაგრამ... ძვირფასო დაო, შენც იცი, მე ჯერ ძალიან ახალგაზრდა ვარ, და იდუმალად ვგრძნობ, ჩემს სულს, ჩემს გულს სხვა რაღაც სწყყურია... ოჰ! საკმარისია! მოვეშვათ ამას, მეტის ატანა აღარ შემიძლია...

ჩვენი ოჯახის უბედურების ფონზე, ძმის სიკვდილმა, რასაკვირვეელია, უკვალოდ არ ჩაიარა არც ჩემთვის, არც დედაჩემისათვის. ეს უკანასკნელი მაშინვე ლოგინად ჩავარდა და მთელი ერთი თვე იწვა. დედ-მამის ერთადერთი მომვლელი მე ვიყავი, თუმცა თავდაც არა ნაკლებ შეუძლოდ ვგრძნობდი თავს — როგორც კი დედა ფეხზე წამოდგა, თითქოს წინასწარ ვიყავით მოლაპარაკებული, მე ჩავწექი. ნაგრამ ჩემი ავადმყოფობა უფრო ხანმოკლე აღმოჩნდა და აგერ ერთი კვირაა წამოვდექი. ამჟამად ძალიან დასუსტებული ვარ. დიდხანს სიარულის ძალა არ შემწევს, არც რაიმე საქმე შემიძლია გავაკეთო, მალე

ვიქანცები, მინდა ჩავიშუხო, ანდა წამოვწვე. ისე ვარ დასუსტებული, რომ კალამიც კი არ მემორჩილება, ხელში ძლივს მიჭირავს. იმ დღეს სარკეში ჩავიხედე და ჩემი თავი რომ დავინახე: ელდა მეცა. უნებურად ავიღე გასულ წელს გადაღებული ჩემი ფოტოსურათი და შევადარე — რამხელა განსხვავებაა... არ მინდოდა დამეჩერებინა, რომ ასე გამოვიცვალე: „ან ეს სურათი არ არის ჩემი, ანდა სარკე ტყუის-მეთქი“, ვფიქრობდი — ფოტოსურათიდან ლამაზი, სიცოცხლით საესე ქალი-შვილი იყურებოდა, რომელსაც თვალები ბედნიერად და ცბიერად უღიმოდა, ხოლო სარკეში ვხედავდი ძალზე გამხდარ, მიცვალებული-ვით ფერმკრთალ, ნაადრევად დაბერებულ ქალს, რომლის უსიცოცხლო, უძრავი თვალები თითქოს რაღაცას ამბობდნენ, მაგრამ რას — ვერც თავად მივხვდი, არც სხვებისთვის შემიძლია გადაცემა... გულმოსულმა შორს მოვისროლე ფოტოსურათი და სარკეს მოვშორდი...

აქ დიდი სიცხეებია. აგარაკებზე დასვენებას რომ ვარ მიჩვეული, ახლა სიცხეს ძლივს ვიტან. თითქმის მთელი დღე სახლიდან გარეთ არ გამოვდივარ. მხოლოდ ღამდამობით და დილით ვითქვამ სულს. შაპატიე, ჩემო საყვარელო, ძალიან დავიდალე, წერა აღარ შემიძლია.

მიიღე ჩემი მხურვალე, მრავალი კოცნა.

შენი ანა საროიანი.

მ

თბილისი, 27 ივლისი, 1981.

საყვარელო რიფსიმე.

ამჟამად, მადლობა ღმერთს, თავს კარგად ვგრძნობ. მხოლოდ სიცხეები მაწუხებს ძალიან. ზოგჯერ, კარგ ამინდში, სასეირნოდ მივდივარ და ისევ მალე ვბრუნდები შინ. მეკითხები, ნუთუ ძმები ისევ უსაქმოდ არიან? არა, დაიწყეს მუშაობა. ერთმა მდიდარმა ყოფილმა ჩვენმა „მეგობარმა“, როგორც იქნა, „შეგვიბრალა“ და ორივე თავის მღაზიაში მიიღო, მხოლოდ იმ პირობით, რომ კარგად მოიქცევიან. ჯერჯერობით, ღვთის მადლით, წესიერად უჭირავთ თავი, თუ საქმე ასე წავიდა, ძალიან კმაყოფილი ვიქნებით. ძმები რომ კვლავ უსაქმოდ ყოფილიყვნენ, მერწმუნე, შიმშილისაგან სული გაგძვრებოდა; უკანასკნელი გროშები დედის ავადმყოფობის დროს დავხარჯეთ და არ ვიცი, რა გვეშველებოდა. ახლა კი, ასე თუ ისე, შეიძლება ვიცხოვროთ.

მე უკვე შევეუბრე ჩემს მდგომარეობას: აწმყო ისე საშიში აღარ ნეჩვენება, როგორც წინათ. მხოლოდ ძმის ნაადრევმა სიკვდილმა დამიტოვა გულში ჭრილობა, რომელიც არასოდეს მომირჩება. ყოველ დღე, ყოველ საათს, ცოცხლად მიღვას თვალწინ, ხოლო ძილში თითქმის ყოველ ღამე მესიზმრება. რაც გარდაიცვალა, იმ დღიდან აუღელვებლად ვერ ვეკარებოდი მის წიგნებსა და რვეულებს. ყოველთვის, როგორც კი კარადისაკენ გავიხედავდი, მაშინვე გული მწარედ შემეკუმშებოდა, და ჩემდა უნებურად ერთიმეორეზე ცოცხლდებოდა მოგონებები. მაგრამ გულშინ, არ ვიცი რატომ—უჩვეულოდ გამიწია გულმა მათკენ, მინდოდა გადამეფურცლა ისინი, საგულდაგულოდ წამეკითხა, მეგონა, თუ ასე მოვიქცეოდი, რვეულების ფურცლებიდან თვითონ გრიგორი გამომეცხადებოდა და საუბარს გამიბამდა. ამ რწმენით აღსავსე კარადისთან მივედი და კარი გამოვადე. წიგნები და რვეულები ისევ ისე ელაგა, როგორც უკანასკნელად — თავისი ხელით დააწყობა. საერთოდ, მას ძალიან უყვარდა წესრიგი და სისუფთავე, არასოდეს არ მინახავს, რომ მისი წიგნები ან რვეულები უთავბოლოდ ყოფილიყო მიყრილ-მოყრილი, ყველა წიგნი თავის ადგილზე იდო და მზრუნველი ზელი ეტყობოდა. წიგნებსა და რვეულებს მტვერი სქლად მოსდებოდა. „თვითონ მას კი გულზე მიწის სქელი ფენა ადევს“, — გავიფიქრე, აცახცახებული ხელებით გადმოვალაგე წიგნები და მტვერი მოვაცილე. შემდეგ გადმოვიღე რვეულები, ქვემო თაროზე დავალაგე, მტვერს ვაცლიდი, თან ვფურცლავდი. ისინი სტუდენტობისდროინდელ რვეულებს წარმოადგენენ, რომლებშიც ლამაზი ხელით სუფთად იყო ჩაწერილი გაკვეთილები. ამ რვეულებში მისი დღიური ვიპოვე. როგორც ძვირფას განძს, ისე დავაცხრი და უდიდესი ცნობისმოყვარეობით დავეწყე ფურცვლა. ოჰ, როგორ მიცემდა გული! როგორი მტანჯველი სიყვარულით ვიხუტებდი მკერდში ამ რვეულებს, როგორ ვკოცნიდი და ცრემლებით ვალბობდი... ოდესმე, როცა ჩამოხვალ, საყვარელო რიფსიზე, ამ რვეულს წაგიკითხავ და თავად დარწმუნდები როგორი ყმაწვილი ყოფილა იგი; მისი სული და ნაფიქრ-ნააზრევი ამ რვეულშია ჩაქსოვილი. ახლა კი იქიდან გადმოვწერ ერთ-ერთ ლექსს (დღიურში მეტწილად ლექსები უწერია), რომელიც, როგორც ბოლოში მინაწერიდან ჩანს, მისი უკანასკნელი ლექსია და გარდაცვალებამდე ერთი კვირით ადრეა დაწერილი.

მალე ჩამორეკს ზარი გლოვისა —
გატყდება ჩემი სიცოცხლის სურა,
ობლად დარჩენილ საფლავის თავზე
ალიმართება შავ მიწის გორა.

ო, რარიგ მინდა ერთ ხანს ვიცოცხლო,
მინდა ტრფილით გული ვიჭერო,
ყველას მაგიერ უღეთოდ ვეწამო,
მათთვის ვილოცო, ცრემლი დავღვარო.

საბრალო, უბედური ჩემი ძმა!.. როგორ სწყუროდა სიცოცხლე!
როგორ ეწამებოდა! რაოდენ ღრმად და გულწრფელად განიცდიდა ყვე-
ლაფერს!.. ჩემო საყვარელო დაო, განა შეიძლება ასეთი ძმის დავიწყე-
ბა ოდესმე?.. გუშინდელ დღიდან განუწყვეტლივ ვფიქრობ მასზე და
რაც მეტს ვფიქრობ, მით მეტად ვგრძნობ იმ დიდ დანაკლისს, რაც
თავს დამატყდა. ღამე სულ აღარ მომეკარა ძილი. ჩემდა უნებურად
ნელ-ნელა მდიოდა ცრემლი და სახეს მისველებდა. საწოლზე გადასვე-
ნებული, ჰაერში უიმედოდ და ტანჯვა-წამებით დავატარებდი აცახცა-
ხებულ ხელებს, — იქნებ მისი აჩრდილი მაინც დავიჭირო-მეთქი. ოჰ,
ამ დღიურმა მთელი სული და გული გადმომიტრიალა. ისევ ვუბრუნ-
დები უწინდელ მდგომარეობას... არა, ამის შესახებ მეტს აღარაფერს
მოეწერ; ერთი და იგივე სიმღერაა... ვინ იცის, იქნებ თავიც შეგა-
ბეზრე...

მშვიდობით, ჩემო საყვარელო დაო, ახალი წერილის მიღებამდე.

შენი ა ნ ა ს ა რ თ ი ა ნ ი.

3

თბილისი, 16 აგვისტო, 1881.

საყვარელო რიფსიმე!

მირჩევ, ბევრს ნუ ინალვლებო და მთხოვ ძმის დღიური გამოგიგ-
ზავნო, რომ ამიერიდან მწუხარების საბაბი არ გამაჩნდეს. მეც კარგად
მესმის, ჩემს ახლანდელ მდგომარეობაში მწუხარების განცდა მავნებე-
ლია, მაგრამ ნუ შეგეშინდება; დღიური რომ ვიპოვნე, სევდა-ნალველ-
მა მაშინ დამრია ხელი, თორემ ახლა თავს ვიკაევებ. დღიურს არასოდეს
არ გამოვეთხოვები, იმიტომ, რომ იგი ჩემთვის ძვირფასია და ასევე
დარჩება სამუდამოდ.

ჩვენი მდგომარეობა კვლავ გაუარესდა; უფროსი ძმა თავის უწინდელ ღმერთს დაუბრუნდა, ჩვენმა „მეგობარმა“ გამოავდო და სწორედაც მოექცა, რადგან ისევ სმას მიჰყო ხელი. მიღებული ხელფასიდან კაპიკი არ შემოუტანია. ეჰ, ასეც ვიცოდით. ღვინის სიყვარული ისე გაუჯდა სხეულში, არა მგონია, ლოთობაზე ოდესმე ხელი აიღოს. ამისათვის საჭიროა ადამიანს ნებისყოფა და თავშეკავება ჰქონდეს, ჩემს ძმას კი არც ერთი გააჩნია, არც მეორე. მას უსაქმოდ ყოფნა და ლოთობა ყველაზე დიდ ზიამოვნებას ანიჭებს. უმცროსი ძმა კი ისევ იქ არის. უნდა ითქვას, რომ სძლია თავის სიზარმაცეს და მუშაობს. მაგრამ მისი მცირე ჯამაგირი აბა სადამდე გასწვდება ჩვენს, თუ გინდ ძალზე ზომიერ მოთხოვნილებებს? უკიდურესი სილატაკე მუქარით გვიახლოვდება და მალე კარზე მოგვიკაკუნებს... დედას უნდა. სახლი გაყიდოს, მაგრამ მე ნებას არ ვაძლევ. სულ ერთია, ის ფულიც მალე განიავდება (მით უფრო, რომ რამდენიც ღირს, იმაზე ნაკლებს იძლევიან), მერე რა გზას დავადგეთ? რითი გადავიხადოთ ბინის ქირა?.. არა, სისულელეა, ჩვენს საზრუნავს ახალი საზრუნავი დავუმატოთ. წარმოდგენილი მაქვს, რა მწარე მოსასმენი იქნება სახლის მეპატრონის საყვედურები ბინის ქირის გადაუხდელობის გამო... არა, არა, ათასჯერ სჯობია მშვიერი მოკვდეს კაცი, მხოლოდ საკუთარი სახლის ჭერქვეშ, ოღონდ ისე, რომ არ ესმოდეს სახლის მეპატრონის საყვედურები. საკუთარი სახლი სულ სხვაა!.. ვგრძნობ, სხვისი სახლის ჭერქვეშ სიცოცხლე ორმაგად და ოთხმაგად მწარე იქნება. დედას უნდა რაიმე საქმეს მოკიდოს ხელი. ვნახოთ რა გამოვა.

შენი ანა საროიანი.

შ

თბილისი, 24 აგვისტო, 1881.

საყვარელო რიფსიმე, ამ სტრიქონებს მეტად აღელვებული ვწერ. ამჟამად საბოლოოდ განადგურებული ვარ. დედამ საკერავი აიღო, მეც ვეხმარებოდით, მაგრამ... არაფერი გამომივიდა. თურმე ხელსაქმეც არა მცოდნია და საკერავი გავაფუჭე. საკერავის გამნაწილებელმა ჯერ დედას უსაყვედურა, ხელსაქმეს რად მიაკარეო, და მერე — მე:

„არა გრცხვენია, ამოდენა გოგო ხარ და სულ უბრალო ხელსაქმე არა გცოდნიაო?.. ამ სიტყვების გაგონებას ათასწილად მერჩივნა იქვე

მიწა გაჰსკდომოდა და სამუდამოდ შიგ ჩავეტანე... რამდენჯერმე გადაწვევტე თვითმკვლელობა ჩამედინა, და, ღმერთია მოწამე, უთუოდ ჩავიდენდი, რომ... ყოველგვარ უბედურებას ავიტან, ბედისწერის ყოველ დარტყმას გავუძლებ — და ვუძლებ კიდევაც, — მაგრამ იმ უბრალო ქალის სამართლიანი საყვედური ვერ მომინელებია და ვერც მოვინელებ! იგი ღღენიდად თავში მიტრიალებს, და რაც მეტს ვფიქრობ იმ საყვედურის გამო, მით უფრო მეკუმშება გული... ისე მეჩვენება, თითქოს მთელი კაცობრიობა, ქვეყნიერების ყოველი კუთხიდან, და იმ ოთახის კედლებიც კი, საიდანაც უკვე გარეთ აღარ გავდივარ, დაცინვით თითს იშვერენ ჩემსკენ და ამბობენ: „შეხედეთ, ამ ვეებერთელა გოგოს უბრალო ხელსაქმე არა სცოდნიაო!“.. მე კი რა მაღალი წარმოდგენისა ვიყავი ჩემს თავზე!.. მეგონა, ოღონდ რაიმეს გაკეთება განმეზრახა და იმას უსიკვდილოდ მივალწევდი. მაგრამ მწარე გამოცდილებამ დამანახვა, რომ სინამდვილეში არამც თუ რაიმეს გაკეთება შემძლებია, არამედ... სრული არარაობა ვყოფილვარ თურმე! არარაობა!.. სულ ახლახანს კი ძმას მედიდურად ვეუბნებოდი: „ღიახ ვიმუშავებ-მეთქი!“.. საბრალო, უმწუო ანა!.. ძმამ ირწმუნა ჩემი სიტყვები და იმედი ჰქონდა, რომ მუშაობას დავიწყებდი... ოჰ, როგორი აუტანელი გახდა ჩემი ცხოვრება!.. ჩემი თავის თვითონვე მეშინია. ნეტავი არ ვიყო ამპარტავანი და მედიდური, რაც ბავშვობიდანვე ჩამინერგეს. ნეტავი შემეძლოს საყვედურების ატანა, ნეტავი გული გონებას მოურიგდეს, მაშინ კიდევ არა უშავს... ახლა კი... გადაჭრით შემეძლია ვთქვა, რომ ნამდვილად უბედური ვარ!.. ოჰ, ოჰ, ძვირფასო დაო... გულშიც და ტვინშიც ჯოჯოხეთი მიტრიალებს...

შენი ა. ს.

რ

თბილისი, 15 სექტემბერი, 1881.

საყვარელო რიფსიმე

თავად გაჭირვებულმა, მე ოცი მანეთი გამომიგზავნე. რატომ? რატომ ჩაიღინე ეს?.. თანაც ბოდის იხდი, აღრე უნდა გამომიგზავნა, მაგრამ ხელფასი ახლახანს მივიღეო... მერე და, ვინ გითხრა, რისთვის გამომიგზავნე? რა მიზნით? ხომ არ დამცინი? ანდა იქნებ მკიცხავ?.. თუ ასეა, განა ჩემს თავს თვითონ ცოტას დავცინი, ცოტას ვკიცხავ!..

ამასთან იწერები, მადლობა არ გადამიხადო. რამ გაფიქრებინა, რომ მადლობას გადაგიხდინდი? ნეტავ რისთვის უნდა გითხრა მადლობა? იმისთვის, რომ გამოიორკეცე ტანჯვა-წამება?.. რომ უფრო მეტად შემაძღვე საკუთარი თავი?.. დაბოლოს, ნუთუ იმისათვის, რომ ხელის ერთი მოსმით დამანახვე შენთან შედარებით ჩაოდენ ჩია ვარ და არა-რაობა?.. როცა კონვერტი გავხსენი, ამოვიღე ქაღალდის ფულბე და წერილი წავიკითხე — სისხლი ამივარდა თავში. სიბრაზისაგან, სირცხვილისა და უღონობისაგან ტირილი წამსკდა... ღმერთო ჩემო, როგორ ცრემლებს ვღვრიდი... ჩემს სიცოცხლეში ასე არასოდეს მიტირია. იმ ცრემლების ყოველი წვეთი თითქოს ჩემი გულიდან გამონაწურტი შხამი იყო... ძვირფასო დაო, ეს რა მემართება?..

შენი ანა საროიანი.

P. S. წერილთან ერთად გიგზავნი იმ ოც მანეთს. შენ მე კარგად მიცნობ და ფულის დაბრუნებისათვის ვიცი, არ გამიწყრები.

ა. ს.

ს

თბილისი, 25 სექტემბერი, 1881.

ისევ უკან მიგზავნი იმ ფულს და თან საშინლად მკიცხავ. დიახ, დიახ, საყვარელო რიფსიმე, მე სავსებით გეთანხმები, რომ მეტისმეტად ამაყი ვარ, სულმოკლე და სულელი. მაგრამ მეტწილად, ჩემს უფრო დიდ კეთილმოსურნედ ჩავთვლიდი, ეგ ფული თავიდანვე სულაც რომ არ გამოგეგზავნა. ვერ წარმოიდგენ, როგორ ვიტანჯები, როცა ამ ფულებს ვუყურებ... მიუხედავად ამისა, მაინც მივიღებ, მხოლოდ იმ პირობით — ეს მხედველობაში იქონიე, — თუ ვალად ჩათვლი, რომელიც დღეს იქნება, ხვალ, თუ უფრო გვიან, უთუოდ უნდა დაგიბრუნო. მომწერე, ამ პირობას დებულობ თუ არა. წინააღმდეგ შემთხვევაში, იცოდე, ფულს ისევ უკან გამოგიგზავნი. წერილის მიღებამდე კი ამ ფულიდან კაპიქსაც არ დავხარჯავ.

შენი ანა საროიანი.

ტ

თბილისი, 29 სექტემბერი, 1881.

საყვარელო რიფსიმე,
მადლობელი ვარ.

შენი ანა საროიანი.

უ

თბილისი, 4 ოქტომბერი, 1881.

საყვარელო რიფსიმე,

იწერები, მაცნობე, როგორ ატარებ დღეებსო? დილიდან საღამომდე ფანჯარასთან ვზივარ და სიცივისაგან ღონემიხილმა ბუზმა თუ მინაზე დაიწყო ცოცვა, ასეთებს ვიჭერ, ან თავს წავაცლი, ან ფეხებს და ფრთებს, მერე ვუშვებ და ვუყურებ ამნაირი ოპერაციის შემდეგ როგორ გადადიან ყირამალა, ვიდრე სული გასძვრებათ... ამაზე უკეთესად კაცი ვერ გაერთობა. თუმცა, სულ ერთი არ არის, თავს რით შევიქცევ!.. მთავარია, დრომ გაიაროს. ბოლო ხომ მაინც სიკვდილია.

შენი ა. ს.

ფ

თბილისი, 18 ოქტომბერი, 1881.

ჩემო საყვარელო,

ამოღ მიკითხავ ზნეობრიობის ვრცელ კარაბადინს, ამოღ ირჯები, როცა მისაყვედურებ, შენი ჰკუა-გონებითა და შეგნებით უფლება არა გაქვს ასეთი იყო, რომ თითქოს განგებ ვიქცეოდე ასე და საკუთარ თავსაც უპართებულოდ ვწამებდე ცილს. თავად მეც მაგ აზრისა ვარ, მაგრამ დაწყევლილი სინამდვილე ადამიანისაგან ჰკუასა და შეგნებასკი არ მოითხოვს, არამედ მხოლოდ ცხოვრებისათვის მომზადების უნარს, ეს კი მე არ გამაჩნია. მაგრამ ერთი ვიკითხოთ, რატომ არ გამაჩნია?... ამის მიზეზი შენც კარგად იცი, თუ ჩემს წარსულს და ჩემს აღზრდას თვალს გადაავლებ... ერთხელ და სამუდამოდ იყავი დარწმუნებული, რომ ამ ცხოვრებისათვის კაპიკი-გროში არა ვღირვარ. ვიმეორებ: მოუმზადებელი ვარ, მოუმზადებელი — ეს არასოდეს არ გაუშვა მხედველობიდან... ხოლო ახლა რომ დავიწყო წვრთნა — ეს შეუძლებელია, — დაგვიანებულია: როგორც მოვსულვარ, ისე უნდა წავიდე. დაე მოხდეს, რაც მოსახდენია. მე სასწაულების იმედი არა მაქვს და არც თავად ვარ სასწაულმოქმედი. ერთი უმწეო არსება გახლავარ, რომელსაც პირში პურის ლუქმა დაღეჭილი უნდა ჩაუღონ... ოჰ, როგორ მძულს საკუთარი თავი! როგორ მეზიზღება ჩემი არსებობა!.. ნეტავი შეიძლებოდეს ამ საშინელი ცოდვებისაგან თავის დახსნა...

შენი ანა საროიანი.

თბილისი, 31 ოქტომბერი, 1881.

ჩემო ძვირფასო რიფსიმე,

ამ სიტყვების წერის დროს უკვე საწამლავი მაქვს დალეული, ხოლო როცა წაიკითხავ, უთუოდ ცოცხალი აღარ ვიქნები. მშვიდობით... სამუდამოდ... ვერასოდეს ველარ მიხილავ, წყევლა-კრულვა შემომითვალე, მაგრამ თან გამომიტირე, იქნებ შენმა ცრემლებმა მაინც შემიმსუბუქოს ცოდვილი სული... რა საშინელი რამაა საწამლავი!.. მაგრამ ცხოვრება უფრო საშინელია, რასაკვირველია, ჩემთვის, და არა შენთვის, ანდა სხვებისათვის. ალბათ, უკვე მიღებული გექნება ოცი მანეთი, რომელიც ამ რამდენიმე დღის წინ გამოგიგზავნე ვალის ანგარიშში. მაპატიე! ამპარტავნობამ მძლია. სწორედ ამ მედიდურებას მივყავარ საფლავისაკენ. ნეტავი მომიტევენ თუ არა უფალი?.. ან გრიგორის სული?.. ასეა თუ ისე, ამქვეყნად ყოფნა აღარ შემიძლია. ისევ და ისევ გემშვიდობები, ჩემო სანუკვარო დაო! ილოცე ჩემი ცოდვილი სულისათვის.

შენი უბედური ანა საროიანი.

მოკლული მტრადი

ნაწილი პირველი

I.

ღამის ორი საათი იქნებოდა. მუშაობით გადავიქანცე. კალამი დავდე, წამოვდექი და ის-ის იყო დასაწოლად მოვემზადე, რომ მოულოდნელად ჩემს კარზე დარეკეს. ჯერ მეგონა, ყურმა მომატყუა, მომეჩვენა ეს ხმა ღრმა მღუმარებაში-მეთქი. მაგრამ არა, ისევ გაისმა რეკვა. ამჯერად უფრო ბეჯითად და დაეინებით.

თუ მიგიქცევიათ ყურადღება ზარის რეკვისთვის გვიან ღამით, როცა მშვიდად ზახართ სახლში, ირგვლივ კი მიყუჩებულია ყველაფერი. რა იდუმალად გაისმის ამ დროს ეს ხმა! იგი სავსეა რაღაც მწუხარებით და გაურკვეველი შიშით ავსებს თქვენს გულს. ასეთმა შიშმა შემიპყრო უნებურად, რადგან ამ დროს არავის ველოდი. სახლის პატრონის მსახურს, რომელიც მეც მემსახურებოდა, ალბათ, დიდი ხანია ეძინა. ესეც არ იყო, ისეთი ძილისგულა გახლდათ, ზარი კი არა, ზურნაც რომ დაგეკრათ მის ყურთან, ვერ გააღვიძებდით. ამიტომ იძულებული გავხდი, თვითონ წავსულიყავი კარის გასაღებად. ბნელი დერეფნის საფეხურების ჩავლაზე ზარმა მესამედ დაიწკრიალა.

კარი გავაღე. ქუჩაში ჩემ წინ, გარეგინ სისაკიანი იდგა — ჩემი უახლოესი მეგობარი, რომელიც ღამის სიბნელეში უცებ ვერც კი ვიცანი.

— გარეგინ... შენა ხარ? — წამოვიძახე უნებურად მისი უღროო სტუმრობით მეტისმეტად გაოცებულმა.

- მე ვარ.
- რა მოხდა?
- არაფერი.
- მაშ რად მოხვედი?
- ისე, მოვედი.
- როგორ თუ ისე?
- ვიცოდი, გვიან იძინებ, ამიტომ მოვედი.
- მაინც რამ მოგიყვანა?

ჩემი შეკითხვის საპასუხოდ წყნარად, უცნაურად გაიცინა. კილოზე ვამჩნევდი, მეტად მზიარულ გუნებაზე იყო, მისი სახის გამომეტყველებას კი სიბნელის გამო ვერ ვხედავდი.

— იცი ახლა რომელი საათია? — ვკითხე.

— Счастливые часов не наблюдают, — მიპასუხა და ისევ გაიცინა.

არ ვიცი რატომ, მაგრამ უცებ გავიფიქრე, ხომ არ შეიშალა-მეთქი. მით უმეტეს, რომ ვიცოდი, რა უცნაური ახალგაზრდაც იყო. ამ აზრმა ისე შემაჯრთო, რომ რამდენიმე წამს კრინტი ვერ დავძარი.

— წავიღეთ ზემოთ, ძალზე მნიშვნელოვანი ახალი ამბავი უნდა გაცნობო, — მითხრა, ოდნავ უკან დამწია და შემოვიღა.

სხვა რაღა დამრჩენოდა იმის გარდა, რომ ჩემი ოთახისაკენ გავძლოლოდი. ცნობისმოყვარეობამ შემიპყრო.

საწერ მაგიდას მიუჯდა და ისეთი გამომეტყველებით შემომაცქერდა, თითქოს მეკითხებოდა: „აბა, გამოიცანი, რა ახალი ამბავი უნდა გაცნობო?“

გაოცებით ვათვალიერებდი. გარეგინს ის სერთუკი ეცვა, რომელსაც თითქმის არასოდეს ხმარობდა, თეთრი, ქათქათა ქილეტი და სულ ახალი, ძვირფასი ყელსახვევი ეკეთა. ჯანმრთელი, მრგვალი, სავსე პირისაზე ჰქონდა, მაგრამ მამაკაცობის ნატამალი მაინც არ ეტყობოდა. მარტო მუდამ მომღიმარი, საოცარი უნებისყოფობისა და უწყინარობის გამომხატველი თვალები სულელური, უსაზღვროდ იდიოტური ბედნიერებით უბრწყინავდა. ეს თვალები თითქოს ოდნავ ამღვრეოდა და უცბად მომეჩვენა, რომ ღვინის სუნი ამოსდიოდა პირიდან.

— მთვრალი ხარ, — ვუთხარი და თვალებში ჩავხედე.

— ჰო, ისე, რა, როგორც ამბობენ, ზარხოზად ვარ, — გამოტყდა და წყნარად ჩაიქირქილა.

— ალბათ, სტუმრად იყავი. სად? —

— სად? რომ გითხრა, არ დაიჯერებ.

— ნუ გეშინია, ახლა ისეთ მდგომარეობაში გხედავ, რომ ყველაფერი დაგეჯერება.

გარეგინი ერთხანს გაღიმებული მიყურებდა. ეტყობოდა, ყოყმანობდა — ეთქვა, თუ ჩემთვის ეცლია, გამომეცნო. შემდეგ უცებ წამოხტა, მაგრად მომეხვია და ყურში ჩამჩურჩულა:

— ამ საღამოს დავინიშნე.

მერე ყურის ძირში ერთი მაგრად მაკოცა, განზე გადგა და ღიმილით შემომხედა, თითქოს უნდოდა შეემოწმებინა, რა შთაბეჭდილება მოახდინა ამ ახალმა ამბავმა.

ამ მოულოდნელმა ახალმა ამბავმა სულ გამაოგნა. და, რაკი რაიმეს თქმას ვერ ვახერხებდი გაშტერებული და გაოცებული, მარჯვენა ხელის არათითი გამომიწოდა, რომელზეც ოქროს ბეჭედი ეკეთა, თან ერთგვარი თავმოწონებით მითხრა:

— აი, თუ არ გჯერა.

— მაშ ახლა იქიდან მოდიხარ!

— ჰო, პირდაპირ დანიშნულის სახლიდან!..

— და მხოლოდ იმიტომ, რომ ამ შუალაშით გეცნობებინა ეს ახალი ამბავი, თითქოს ხვალ არ შეგეძლო!

— ხვალ!.. აძლენი მოთმენა კი შემიძლია? თანაც სად წავსულიყავი? სახლში არც ერთი სულიერი, ახლობელი არსება არ მეგულება, რომ შეიძლებოდეს ჩემი სიხარული გავუზიარო! რა უნდა გამეკეთებინა ხვალამდე? დამეძინა? ძილი გამიფრთხა. ოჰ, რომ იცოდე, რა ხდება ჩემს გულში! იქ ვარდი გაშლილა, სული მღერის. მინდა ვილაპარაკო, ვისაუბრო, ვიცეკვო. მხრებზე თითქოს ფრთები გამომესხა და მგონია, თუ მოვიქნევ, ვავფრინდები, როგორც... როგორც...

და მართლაც ხელები გაშალა, ერთი ნახტომით მოიჭრა ჩემთან, თავზე მომეხვია და ჩემი წინააღმდეგობის მიუხედავად, გიჟივით ღამიწყო კოცნა.

სასაცილო და თანაც ისე მიმზიდველი იყო მისი გულისნადების გამეღვანება, რომ ჩემში უნებურად უფროსი ძმისადმი ნაზმა გრძნობამ გაიღვიძა ამ ღიმილიან ბავშვის მიმართ, რომელიც ძალზე მიყვარდა საოცარი მიაბიტობისა და უზადო, ბავშვური ხასიათის გამო.

როგორც იყო დავაწყენარე, დავსვი და გამოკითხვა დავუწყე.

— უფლება კი მაქვს, — ვუთხარი, — ნაწყენი ვიყო შენზე, ასეთ სერიოზული ნაბიჯი რომ უჩემოდ გადადგი, მაგრამ მაინც მიპატიებია. როგორც ვხედავ, ფარულად ყოფილხარ შეყვარებული და ფარულადვე გდომებია საქმის დასრულება. ალბათ, იფიქრე ნებას არ დამრთავ-სო. ხომ ასეა?

— სულაც არა.

— აბა?

— შეყვარებული კი არა, დღეს საღამოს პირველად ვნახე.

— ვინ? ქალი?

— ჰო.

— რომელზეც დაინიშნე?

— ჰო.

გავვოცდი. ჩემი კარგი ნაცნობი რომ არ ყოფილიყო, ვიფიქრებდი, ხუმრობს-მეთქი.

— მომისმინე, გარეგინ. წელან იქ, კართან რომ დაგინახე, უნებურად ექვი დამებადა: ხომ არ შეიშალა-მეთქი. ახლა პირდაპირ გეკითხები — ჰკუთხე ხარ თუ არა?

— რატომ?

— გესმის, რას ლაპარაკობ? შეიძლება ქალი პირველად ნახო და მაშინვე დანიშნო?

— რატომაც არა, თუკი მომეწონა? მეტსაც გეტყვი: მამაჩემმა მიამბო, პაპაჩემი ისე დანიშნულა, თავისი მომავალი ცოლი არც უნახავს თურმე.

— ეს როდის იყო? ასორმოცდაათი წლის წინათ? რატომ არ ფიქრობ, შენ რა ხანაში ცხოვრობ? განათლებული, ინტელიგენტი ადამიანი შენს უწიგნურ, უვიც პაპას როგორ ედრები?

— ეგ ყველაფერი ტყუილია, მიქაელ, არ დაიჯერო, — მითხრა გულდაჯერებული სიმშვიდით. — ქორწინება ბედის საქმეა. ყველაფერი რომ დაწვრილებით გიამბო, იტყვი, მართლაც ბედი ყოფილაო. თანაც სიყვარული ინტელიგენტსა და უვიცს არ არჩევს.

— სიყვარული? უკვე შეყვარებულიც ხარ?

— მერე როგორ!..

— ერთ ღამეში, რალაც რამდენიმე საათში შეგიყვარდა?

— დანახვისთანავე! სადღაც წამიკითხავს, ერთ წამში, ერთი ნახვით შეუყვარდათო ერთმანეთი.

- და ამიტომ შენც ფიქრობ, რომ შეყვარებული ხარ?
- კი არ ფიქრობ, ნამდვილად შეყვარებული ვარ. ღმერთმანი!
- რახან იფიცებ, რალა მეტქმის? მაგრამ ის?
- ვინ, სარა?
- სარა ჰქვია?
- ჰო.

— შენ რომ მოგეწონა და მაშინვე შეგიყვარდა, იმასაც მოეწონე?
 — ჰმ, — გაიკვირვა გარეგინმა და დაბნეულად შემომხედა.

ეტყობოდა, ჩემი შეკითხვა მოულოდნელი იყო მისთვის და არ იცოდა რა ეთქვა. ამ წუთში ისეთი სასაცილო სახე ჰქონდა, რომ თავი ვერ შეეკიავე. მაგრამ მალე გამოერკვა და ისევ ბავშვური გულწრფელობით მიპასუხა:

— რასაკვირველია. რახან ჩემგან ნიშანი მიიღო, ცხადია, მოვეწონე.

— კარგია. მართალია, შეყვარებული ხარ, მაგრამ ლოგიკურად კი მსჯელობ. ერთი ეს მითხარი, ქალი როგორია?

— ჰკვიანი, სერიოზული, დინჯი, სულგრძელი, დედოფალივით სულგრძელი და... ისეთი ლამაზი, ისეთი ლამაზი, რომ... რასაკვირველია, ეს ბედისწერის საქმეა, თორემ იმ მზეთუნახავის ღირსს ვინ გამხნდიდა? — დაუმატა აღელვებით, წამოდგა და ოთახში ბოლთის ცემა დაიწყო.

— ეს მხოლოდ ცარიელი სიტყვებია, — შეენიშნე. — ერთი მისი გარეგნობა ამიწერე, რომ მისი სილამაზე წარმოვიდგინო.

— სულ ერთია, ასე ვერაფერს წარმოიდგენ.

— რატომ?

— იმიტომ... — გარეგინი უცებ შეჩერდა ჩემს წინ. — წაგიკითხავს სტერნის ავტობიოგრაფია?

— არა.

— ერთი ქალიშვილი უყვარდა და უნდოდა მისი გარეგნობა მკითხველისათვის აეწერა, მაგრამ ამის ნაცვლად თავის წიგნში ცარიელი გვერდი დატოვა და ზედ დაახლოებით ასე წააწერა: „დაე ამ გვერდზე მკითხველმა აღწეროს იმის გარეგნობა, ვინც მისი პირველი შეყვარებული იყო. მეშინია, ვაითუ მკითხველებს არ მოეწონოთ ჩემი დახატული ქალიშვილი, რომელიც მიყვარს. თუ ვიტყვი, რომ ჩემი სატრფო ქერათმიანია, შავი თმის მოყვარულები იტყვიან: „ვითომ

ქერა თმა ლამაზია?“ ვიტყვი: კუპრივით შავი თმა აქვს-მეთქი, და ქერა თმის თაყვანისმცემლები უქმაყოფილოდ მიიბრუნებენ პირს. მაშ თვითონ დახატეთ თქვენი საყვარელი ქალიშვილის სურათი. ასეთია ისიც, ვინც მე მიყვარს. უეჭველია, შესძლებთ წარმოიდგინოთ, ლამაზია თუ არა“.

— მგონი, სტერნი ინგლისელია და იუმორისტი, — შევნიშნე. — ეს სტრიქონებიც იმიტომ დაუწერია, რომ თავისი მკითხველები გაეცი-ნებინა. მაგრამ მე რომ ჭერ არავინ მყვარებია, როგორ წარმოვიდგინო შენი დანიშნულის სილამაზე?

— რაკი არასდროს გყვარებია, მაშინ ვერც გაიგებ, ასჯერაც რომ აგიწერო.

— კარგი, თუ ასეა, დავანებოთ ამას თავი. მოვიცდი, სანამ ბედნიე-რება მეწვევა პირადად ვნახო. ახლა მომიყევი, როგორ მოხდა ეს საქმე?

— რა?

— როგორ მოხდა, რომ ასე უცბათ შეგიყვარდა და მაშინვე დაი-ნიშნე.

— მართლაც რომ უცბათ მოხდა! — გაიცინა გარეგინმა და თავის ძველ ადგილზე დაჯდა. — აი ასე იყო: გასულ კვირასალამოს, ქუჩაში შემხვდა ჩვენი ოჯახის ერთი ძველი მეგობარი, საბაჟოში მუშაობს, გვარად ბალიჩიანია. ბავშვობაში ძალზე მიყვარდა. როცა ჩვენს ოჯახში მოდიოდა, ყოველთვის მოჰქონდა ჩემთვის კამფეტები. მამაჩემი რომ გარდაიცვალა და ჩვენი ოჯახიც დაიშალა, შემდეგ თითქმის აღარ შემ-ხვედრია. მე მაშინვე ვიცანი, მან კი ვერა. გამოვეცნაურე და ისე გაე-ხარდა, თითქოს შვილი ჰყავდა დაკარგული და მოულოდნელად იპოვა. დაწვრილებით გამოიკითხა ჩემი ამბავი, გაიგო, რომ უცოლო ვარ და შემომიჩნდა, — ჩემი სიძე უნდა გახდეთ. წამათრია თავის სახლში, ჩემს ქალიშვილს გიჩვენებო. მართალი გითხრა, მაინც და მაინც არ გავ-ძალიანებივარ. ფეიქრობდი, თუკი აზრადაც არ მაქვს ცოლის შერთვა, ძალით ხომ არ ამკიდებს თავის ქალს, თუნდაც ბაჯალლო ოქრო იყოს-მეთქი. მაგრამ, საბედნიეროდ თუ საუბედუროდ, ქალიშვილი სახლში არ დაგვხვდა. იქნებ შინაც იყო, მაგრამ არ გამოვიდა. იმედი მქონდა, საქმე ამით გათავდებოდა, მაგრამ არა ერთიც ვნახოთ, ამ საღამოს ისევ მოვიდა ჩემთან და მეუბნება: ადექი, წავიდეთ, ჩემს ქალიშვილს დავუ-ბარე შინ იყოს, მინდა ერთმანეთი გაგაცნოთო. ხომ იცი, რა დამყოლი

ხასიათი მაქვს, სულ არ შემოიძლია წინააღმდეგობა. ერთი სიტყვით, წამართია. გზაზე ნაცნობი ოქრომჭედლის მაღაზიაში შემეყვანა, აილო აი ეს ბეჭედი. მეორე ასეთივე ჯიბეში ჩამიღო და მითხრა: „თუ ჩემი ქალიშვილი მოვეწონა, მიეცი, თუ არა— დამიბრუნე“. ავდექით და წავედით. წავედით და...

გარეგინმა სიცილი დაიწყო...

— აბა, რაღა გავაგრძელო? — დაუმატა მან. — ნიშანი მივეცო, მივეცი და გული ისე ამიძგერდა, რომ ახლაც არ ვიცი, რა იყო ეს? სასწაული თუ ჯადო? არაფერი მესმის.

— მაშ ქალი დაინახე თუ არა, მაშინვე მოიხიბლე?

— ო, ეს ქალი კი არა, საოცრებაა! — წამოიძახა გარეგინმა მისთვის ჩვეული აღფრთოვანებით. — როგორც კი ოთახში შემოვიდა და შეეხებდე... არა, თვითონ უნდა განიცადო, რაც მე ამ დროს განვიცადე, მარტო მაშინ გამიგებ. სიტყვით ვერ გამომოთქვამს!

— შეგიძლია არც მითხრა, ისედაც ვხედავ, გონება დაგიკარგაჯეს, — შევნიშნე და უნებურად გამელიძმა. — თუ შეგიძლია, დაწყნარდა და მშვიდად მიაშვებ მხოლოდ სინამდვილე.

— მხოლოდ სინამდვილე? დაწყნარებით? ძალიან კარგი. უპირველეს ყოვლისა, მინდა გითხრა, რომ ჩვენ პირისპირ ვიყავით, ე. ი. ქალი, მე, მამამისი და დედამისი. აქვე დავსძენ, დედ-მამა მისი მშობლები არ არიან.

— ესე იგი, სარა — მგონი, ასე ჰქვია, არა? — მათი შვილობილია?

— არა, მათი შვილია, ოღონდ ღვიძლი შვილი არ არის. საქმე ასე ყოფილა: სარა ჩემი სიმამრის გერია. ე. ი. ჩემი სიმამრი ადრე დაქორწინებული ყოფილა ქვრივ ქალთან, რომელსაც ათი წლის შვილი სარა მოჰყოლია. შემდეგ ეს ქალი, სარას ღვიძლი დედა, გარდაცვლილა და ჩემი სიმამრი მეორედ დაქორწინებულა თავის ახლანდელ ცოლზე. პოდა, სარა ორმხრივად ობოლია. გაიგე?

— გავიგე. ახლა შენი ამბავი განაგრძე, ესე იგი, როგორ დაინიშნე?

— როგორ დავინიშნე? ქალი ვნახე, მომეწონა, ნიშანი მივეცი. მიველ, ვნახე, გავიმარჯვე, — სიცილით დაუმატა გარეგინმა. — მე რე დავსხედით, ვივანშმეთ, ვსვით, შენი საღლეგრძელოც დავლიეთ, როგორც მომავალი მეჭვარისა. კმაყოფილი ხარ?

— დიდი მადლობა პატივისცემისათვის, მაგრამ შენ მაინც არ ამბობ, რაც მე მაინტერესებს.

— მკითხე, მკითხე, ყველაფერს გააძობ.

— ის მითხარი, როგორ გაიცანი ქალიშვილი, რაზე ისაუბრეთ, როგორ შეგიყვარდა უცებ, ბოლოს, როგორ აღუხსენი სიყვარული. და...

— მე მისთვის სიყვარული არ ამიხსნია.

— აბა?

— არაფერი. მხოლოდ ეს ვუთხარი: „ქალიშვილო, მომწონხართ, თუ თქვენც მოგწონვართ, გთხოვთ მიიღოთ ეს ბეჭედი“.

— სწორედ ასე უთხარი?

— სწორედ ასე. ერთი სიტყვა არც მეტი, არც ნაკლები.

— და მანაც აიღო?

— აიღო და დაღო მაგიდაზე.

— როგორ თუ მაგიდაზე?

— მაგიდაზე, რაღა.

— თითზე არ გაიკეთა?

— საოცარია! მგონი, შემიძლია განვასხვავო მაგიდა და თითი.

— ამას ჰქვია ნიშნობა?

— საიდან ვიცი, რა ჰქვია ამას? — გამხიარულდა გარეგინი, — მხოლოდ ის ვიცი, რომ მერე მამამ და დედამ მოგვილოცეს, გვაკოცეს, დაგვლოცეს და ისე გახარებული ვიყავი, ტაში რომ დაეკრათ, ვიცეკვებდი. ისე კი, წესით, — დაუშატა მან, — თუ არ ვცდები, თვითონ უნდა გამეკეთებინა მისთვის ბეჭედი თითზე. მაგრამ ისე დავიბენი, დამავიწყდა კიდევ. ალბათ, მასაც შერცხვა, ამიტომ არ გაიკეთა.

— ჰო, მერე?

— მერე რა?

— რა ილაპარაკეთ, რაზე ისაუბრეთ?

— მე და დანიშნულმა? არაფერზე. საერთოდ მას ჩემთან თითქმის არ ულაპარაკია. მხოლოდ მთელ საღამოს დაჟინებით მიყურებდა თვალებში.

— კარგი, თუ შენთან არ ულაპარაკია, რაზე შეატყე, რომ განათლებული და ჰქვიანი ქალია?

— გამოხედვაზე. რაღაც განსაკუთრებული გამოხედვა აქვს. თითქოს პირდაპირ სულის სიღრმეში გწვდება და ირკვევს, რა არის იქ. მაგრამ როცა არ გიყურებს და სივრცეში თვალებს აცეცებს ან რომელიმე წერტილს მიაჩერდება, ისე ფიქრიანი გამოხედვა აქვს, ისეთი სერიოზული და თანაც — როგორ ვთქვა — მოვალაღე, ჰო, სწორედ

მოვალაღე, რომ თითქოს სულში გწვდება და გაწვალეებს. აი სწორედ ეს მზერა იყო, დანახვისთანავე რომ დამატყვევა. ვინ იცის, ამ საღამოს, როცა არ მიყურებდა, რამდენჯერ დავაკვირდი და, საოცარია, თითქოს ყოველთვის რალაც მწყდებოდა გულიდან და ყელში მებჭინებოდა. აი, ამ წუთშიც, როცა ეს გამოხედვა მაგონდება, რალაც გაუგებარი სევდა მიპყრობს უნებლიედ.

— იქნებ რამე დარღი აწუხებს, — დავინტერესდი.

— არა მგონია. უბრალოდ, ალბათ ასეთი მზერა აქვს. საერთოდ, ვინახავს მსგავსი ქალიშვილები, რომელთაც თითქოს თვალეები ცრემლით ავსებიათ და სწორედ ასეთი თვალეები მატებენ მათ სილამაზესა და მომხიბლაობას. გამოგიტყდები, ჯერ კარგად არ ვიცნობ მას. იმიტომ, რომ მასთან მარტო ვერ დავრჩი, თანაც, ცოტა არ იყოს, თვითონაც მრცხვენოდა. ვახშობისას, როცა, როგორც ამბობენ, ოდნავ შეეზარხოშდი და ცოტა გამბედავიც გავხდი, შემეძლო სწრაფად დავახლოვებოდი, მაგრამ, რა გინდა — სამწუხაროდ, ვახშამზე არ დარჩენილა.

— როგორ თუ არ დარჩენილა?

— მოიბოდიშა, თავს ცოტა შეუძლოდ ვგრძნობო, და წავიდა.

— მერე აღარ გინახავს?

— არა.

უნებურად მხრეები ავიჩიჩე და ავდექი.

— ახლა კი შეგიძლია წახვიდე, ძალიან გვიანია და მეძინება. ოღონდ იცოდე, შენი ნიშნობა ძალზე უცნაურია და სანამ შენს საცოლეს არ შაჩვენებ, ვერაფერს გეტყვი. მაჩვენებ?

— როცა გინდა.

შევთანხმდით, რომ მომავალ შაბათ საღამოს, როცა მე თავისუფალი ვარ, შემომივლიდა და ერთად წავიდოდით. და თითქმის ძალით გავისტუმრე სახლიდან.

II

შაბათ საღამოს, ზუსტად დანიშნულ დროს გარეგინი მეახლა. ჩვივე სერთუკი ეცვა, თეთრი ჟილეტი და ამჯერად სხვა, ღია წითელი ფერის ჰალსტუხი ეკეთა, ახალგაპარსული იყო, უჩვეულოდ მხნე და ხალისიანი ჩანდა.

მაგრამ ჯერ რამდენიმე სიტყვა ამ უცნაურ ახალგაზრდა კაცზე.

გარეგინ სისაკიანი საკმაოდ შეძლებული მშობლების შვილი იყო. საეპარქიო სასწავლებლის დამთავრების შემდეგ გიმნაზიის დასამთავრებელი გამოცდების ჩასაბარებლად ემზადებოდა, რომ მერე უნივერსიტეტში შესულიყო. მაგრამ ამ დროს ოცდაერთი წელი შეუსრულდა და რადგან არ უნდოდა უბრალო ჯარისკაცად ემსახურა, ამჯობინა სამხედრო სასწავლებელში შესულიყო და ოფიცერი გამხდარიყო (ამ დროს მშობლები აღარ ჰყავდა და ამიტომ მასზე არ ვრცელდებოდა შეღავათი, რომელიც დედისერთა შვილს ათავისუფლებდა სამხედრო სამსახურისაგან). მალე იგრძნო, რომ სავხედრო დისციპლინისა და მძიმე ცხოვრების წესებს ვერ აიტანდა, უარყო ოფიცრობა და სავსებით საწინააღმდეგო გზას დაადგა — გადაწყვიტა ბერად შემდგარიყო. ამ მიზნით წავიდა ეჩმიადინს, მაგრამ სამი თვის შემდეგ დაბრუნდა ბერების უზნეო ცხოვრებით მთლად გულგატეხილი (ეჩმიადინში ერთ ეპისკოპოსთან ცხოვრობდა, მამამისის ძველ ნაცნობთან და ერთ ღამეს საცვლების ამარა გამოიქცა მისი ოთახიდან). ამის შემდეგ ერთ წელიწადს უქმად დაეხეტებოდა და არ იცოდა, რა გაეკეთებინა. ბოლოს მოეწყო სახელმწიფო მამულების ადგილობრივ სამმართველოში, რიგით მოსამსახურედ, უმნიშვნელო ხელფასით. გარეგინს, რასაკვირველია, არ სჭირდებოდა ეს ხელფასი. როგორც ერთადერთ შვილს, მემკვიდრეობით ერგო მამის მთელი ქონება, რომელიც საარგებლით ბანკში ჰქონდა შენახული. ეს თანხა იმდენ მოგებას აძლევდა, სხვა შეზღოვავალიც არ ჰქონოდა, შეეძლო სავსებით უზრუნველად ეცხოვრა, მით უფრო, რომ მოკრძალებულად, პირდაპირ ასკეტურად ცხოვრობდა და ეს იმიტომ კი არა, რომ ძუნწი იყო, — პირიქით, ბევრი ამხანაგი მიმართავდა დახმარებისათვის და ისიც არავის აწბილებდა, — უბრალოდ, არ იცოდა, რაზე დაეხარჯა ფული. სამსახური მხოლოდ იმიტომ დაიწყო, რომ რაიმე საქმე გაეჩინა, მისთვის სულ ერთი იყო რა იქნებოდა, რადგან უსაქმურობისაგან კაცს მელანქოლია იპყრობსო, იტყოდა ხოლმე.

მახსოვს მისი მშობლები. მამა ძალზე კეთილი და მორწმუნე ადამიანი იყო. თუმცა მღვდლები საშინლად ეჯავრებოდა, მოძღვრობის ღირსნი არ არიანო, მაგრამ ეკლესიაში მუდამ დადიოდა, თავისი ადგილიდან ხმას აყოლებდა ღვთისმსახურებას, ხუთივე ღღესასწაულის წინ მარხულობდა და ზიარებას იღებდა. ბოლოს პროტესტანტობა მიიღო. მაგრამ სიკვდილის წინ მოინანია, თავისი ყველა შეცდომა აღიარა და

უზიარა სწორედ იმ მოძღვართან, რომელიც ადრე რამდენჯერმე გააგდო სახლიდან.

გარეგინის დედა ძალზე ლამაზი და ხალისიანი ქალი იყო, ქმარზე ოცი წლით ახალგაზრდა მაინც. მაგრამ მალე მოტყდა, გაგიჟდა და სულით ავადმყოფთა თავშესაფარში გარდაიცვალა. ამბობენ, ქმარი იყო აპის მიზეზიო. საქმე ის არის, რომ ცოლი რაღაც ავადმყოფურად, შმაგად უყვარდა და რადგან მოხუცი იყო, მის ერთგულებაში ეჭვი ეპარებოდა. ამიტომ სახლიდან არ უშვებდა და ხშირად სცემდა კიდევ. მისი ექვიანობა ბოლოს იქამდე მივიდა, რომ სახლის აივანიც კი მოახსნევინა, რომელიც ქუჩაზე გადიოდა და ამოაქოლინა ყველა ფანჯარა — ცოლმა გარეთ არ გაიხედოს და თვალებით არ დაელაპარაკოსო ახალგაზრდა კაცს, რომელიც მოპირდაპირე სახლის ზედა სართულში ცხოვრობდა. განსაკუთრებით ამ ახალგაზრდა კაცზე ექვიანობდა ქკუასგადასული მოხუცი.

ასეთ ოჯახურ გარემოცვაში დაიბადა გარეგინი, — თავის მშობლების ერთადერთი მემკვიდრე.

ამრიგად, შაბათ საღამოს, 8 საათზე, კარგად დაღამებულზე, გარეგინმა თავის საცოლესთან წასაყვანად გამოძიარა.

— უკვე გვაფრთხილე, დღეს საღამოს ჩემი მეჭვარე მომყავს-მეთქი, — მითხრა.

— და რა გიპასუხა?

— მითხრა: მოხარული ვიქნებიო.

— მერედა, დაეინებით არ მოგაჩერდა თვალებში? — გამეცინო.

— ჰო, — დაატანა როგორღაც შეწუხებულმა გარეგინმა, — არ ვიცი, ჩემში ნახა რამე საეჭვო, თუ ასეთი ჩვეულება აქვს: როცა გიყურებს, — გიყურებს დაეინებით, ლაპარაკით კი ძალიან ცოტას ლაპარაკობს. და იცი, როცა ასე მიყურებს, თვალს ვერ ვუსწორებ.

— რატომ?

— არ შემიძლია. როცა ასე მიცქერის, მის მზერაში რაღაც იმალება, რაღაც ამოუცნობი და ეს უნებურად მაძრწუნებს.

— მაშ რა იყო, იმ საღამოს ისე აღფრთოვანებით რომ ლაპარაკობდი მის გამოხედვაზე, სწორედ ამ გამოხედვამ დამატყვევაო.

— მას ორნაირი გამოხედვა აქვს: ერთი — მკაცრი და გამჭვალავი, როცა დაეინებით გიყურებს; მეორე — სევდიანი, მელანქოლიური, თუ შენ არ გიყურებს და თითქოს ავიწყდება, რომ იქა ხარ. აი, სწორედ ეს

გამოხედვა იყო, რომ მომხიბლა და ვისურვებდი, მუდამ ასეთი მენახა.

სწრაფად ჩავიცვი და გარეთ გამოვედი.

გარეგინი მოსულიყო ეტლით, რომელიც კართან გველოდებოდა. ეტლის უკანა მხარეს, ქალაქში შეხვეული რაღაც იდო. გარეგინმა აიღო და მუხლებზე დაიდო.

— ტკბილეულობაა, — ამიხსნა. — ჯიბეში სხვა რაღაცეებიც მაქვს, — საყურეები. ბეჭედი კი უკვე უკეთია თითზე.

საყურეებსა და ბეჭედზე უფრო საპატარძლო მაინტერესებდა, ამიტომ ვკითხე:

— იმ ღამეს დამავიწყდა მეკითხა, რამდენი წლისაა?

— ვინ? სარა? არ მიკითხავს, მაგრამ მგონია, არც ისე პატარა უნდა იყოს. თუ ოცდახუთისა არა, ოცდაორისა მაინც იქნება, ხოლო როცა დაჟინებით მაცქერდება, მაშინ უფრო ხნიერი ჩანს.

— მაგრამ ისიც ხომ თქვი, როცა დაჟინებით მიცქერის, თვალს ვარიდებო, მაშ საიდან იცი, რომ ამ დროს უფრო ხნიერი ჩანს?

— ვგრძნობ. განა არ გამოგიცდია? აღამიანი ბევრ ღამეს გრძნობს ალღოთი. მაგალითად, როდესაც კედელი ინგრევა, თვალს ინსტიქტურად ხუჭავ, მაგრამ მაინც თითქოს აშკარად ხედავ, თავზე როგორ გენგრევა გრუხუნით.

— მერე და გამოგიცდია ეს? — გავიცინე მე.

— არა, მაგრამ ფსიქოლოგიურად ასე უნდა იყოს, სხვანაირად არ შეიძლება.

არ ვიცი რატომ, მაგრამ უნებურად გამომცდელად შევხედე თვალებში.

— მომისპინე, გარეგინ, — ვუთხარი. — გამოტყდი, რომ თუმცა უკვე დანიშნული ხარ და იმ ღამესაც ისეთი აღტაცებით ლაპარაკობდი მასზე, მაგრამ... გეშინია მისი.

— როგორ თუ გეშინია? — მკითხა უაზროდ, მაგრამ შევნიშნე, რომ შეშფოთდა.

— გეშინია, რაღა, უბრალოდ გეშინია, როგორც მოსწავლეს შეეშინდება გამოცდის დროს თავისი მასწავლებლისა. სწორედ ამის გამო ვერ შეგიხედია მისთვის, როცა დაჟინებით გიცქერის.

— ჰო, რაღაცნაირად ვკრთები ხოლმე..

— ალბათ იმიტომ გეჩვენება უფრო ხნიერად, დაჟინებით რომ გიყურებს.

— საოცარია! ეს თითქოს სწორად შენიშნე. მის წინაშე თავს მოწაფესავით ვგრძნობ, რომელმაც გაკვეთილი არ იცის. როგორღაც ვიბუზები მართო სხეულით კი არა, სულითაც.

— იმიტომ, რომ გგონია, ის მორალურად მალლა დგასო ჩემზე, არა?

— როგორ თუ მორალურად?

— ესე იგი, თავისი შინაგანი ბუნებით — ნებისყოფით, ხასიათით, ქვეით.

— იმ ღამით ხომ გითხარი, ჭკვიანია-მეთქი.

— შენ მხოლოდ გრძნობ, რომ ჭკვიანი უნდა იყოს, რადგან ალბათ, ჯერ არ გაგიზომავს მისი ჭკუის სიღრმე.

— მართალია. ძალზე ცოტას ლაპარაკობს, მაგრამ მისი მღუწერება უფრო მეტს მაგრძნობინებს, ვიდრე განუწყვეტელი ლაპარაკი მეტყუოდა.

გარეგინის ამ სიტყვებზე მოულოდნელად ახალმა აზრმა გამიელვა თავში და მისი უცნაური საცოლე ძალზე სასაცილოდ წარმომიდგა.

— აჰ, ჩემო ბიჭო! — წამოვიძახე სიცილით, — იქნებ სწორედ პირიქით არის?

გარეგინმა გაოცებით შემომხედა, ალბათ იმიტომ, რომ ჩვენი სერიოზული საუბარი ერთბაშად ხუმრობაზე გადავიტანე.

— ესე იგი? — მკითხა.

— ესე იგი, ხომ შეიძლება ვინმე რეგენი და სულელი იყოს, აი, ისეთი, ჩვეულებრივ ჩვენი პატრიარქალური ოჯახების გასათხოვარი ქალიშვილები რომ არიან.

— რას ამბობ? — წამოიძახა გარეგინმა ენერგიულად და ისეთი ხმით, თითქოს რაღაც მძიმე შეურაცხყოფა მიმეყენებინოს მისთვის. — საშუალო სკოლა დაამთავრა და პედაგოგიურ კურსებზე შესასვლელად ემზადებოდა. უნდოდა მასწავლებელი გამხდარიყო, მაგრამ მამამისმა მითხრა, მძიმე ოჯახურმა პირობებმა საშუალება არ მისცესო შეესრულებინა განზრახვა, მით უფრო, რომ ერთ წელზე მეტხანს სერიოზულად ავადმყოფობდა თურმე. ის კი არა, შენი ყველა ნაწარმოებიც წაუკითხავს და ძალიან კარგადაც გიცნობს.

— ჩემიც კი! აი ეს მომწონს! — განვაგრძე სიცილით.

— არა, გარწმუნებ, მიქაელ, განათლებული ქალიშვილია. აი, მივალთ და თვითონვე ნახავ.

— რა თქმა უნდა, ვნახავ, მაგრამ გეტყვი, რომ ბევრ ასეთ განათლებულ ქალიშვილს ვიცნობ, რომელთა თავებიდან ორი კაპიკის ჰკუთხა თუ გამოდნება, ხომ იცი, ისინი მუდამ იმიტომ სდუმან, რომ თავი ცარიელი აქვთ.

— ვერ დაგეთანხმები, სულაც არ ვიზიარებ შენს შეხედულებას! — შემეკამათა გარეგინი სერიოზულად, — ვინც სდუმს, ის ჰკვიანია. ის სულელიც კი, რომელიც სდუმს, ჰკვიანია. ეს დემილი ნიშნავს, რომ იმდენი ჰკუთხა ჰქონია, — ჩუმად მაინც იყოს, მაშ ესმის, რომ სულელია და დუმს, რათა არ გამოამჟღავნოს თავისი სისულელე.

გარეგინს საერთოდ უყვარდა განყენებული მსჯელობა და ზოგჯერ ჰკვიანურ აზრებთან ერთად ისეთ სისულელეს წამოროშავდა, რომ სიცოცხლს ვერ ვიკავებდი. მე მიყვარდა მისი ეს გულუბრყვილო მსჯელობა.

III

ეტლი ერთ ვიწრო და ბნელ ქუჩაზე, რომელიც სახლის ეზოს გადებული ჭიშკრის წინ გაჩერდა. სანამ ეტლიდან გადმოვიდოდი, კართან მდგომი ვიღაც ქალი სწრაფად გაუჩინარდა ნახევრად ბნელ ეზოში.

ეტლი გავისტუმრეთ, ეზოში შევედი და ჰრიალა, დაფერდებული კიბით ავედი მეტად ვიწრო აივანზე, რომელსაც მკრთალად ანათებდა კედელზე დაკიდებული ფარნები. ჩავუარეთ თეთრი ფარდებით მორთულ ფანჯრებს, საიდანაც შუქი გამოკრთოდა, და კარს მივადექით, რომელიც გარეგინმა შინაურივით დაუკაკუნებლად შეაღო და შემიპატიჟა.

ოთახი, რომელშიც მოვხვდით, ეტყობა სასტუმრო იყო. იქ არავინ დაგვიხვდა, მაგრამ ძველებური ყაიდის დივანთან მრგვალ მაგიდაზე ანთებული ლამპა გვაუწყებდა, რომ აქ სტუმრებს ელოდნენ.

გარეგინმა კედლის გასწვრივ ჯარისკაცებივით ჩამწკრივებულ ერთ-ერთ სკამზე შეხვეული ტკბილეული დადო, ქუდი და პალტო მეორეზე, გაისწორა თმა, ყელსახვევი და შემეპატიჟა, მომბაძეო.

მდუმარედ დავსხედით და დაველოდეთ.

ოთახის მოწყობილობის მხედვით შეიძლებოდა დაგვესკვნა, რომ სახლის პატრონი მდიდარი არ იყო, მაგრამ შეძლებისდაგვარად ცდი-

ლობდა დაეფარა ხელმოკლეობა. საოცრად მოძველებული ყაიდის დივანისა და ხსენებული მავიდის გარდა, ოთახში სხვა ნივთებიც ელაგა. წითელი ხავერდის ხაო დივნის დასაჯდომზე და ზურგის მისაყრდნობზე ჩაწეულიყო და გარუხებულებო. დივანთან საკმაოდ დიდ მრგვალ მაგიდას ყვავილებიანი ჭუფრა ეფარა, რომლის ბოლოები ძლივს ფარავდა მის სამტოტიან ფეხს. დივანის აქეთ-იქით ორი სავარძელი იდგა. ერთს ზურგი გატეხილი ჰქონდა. იქვე ჩამწკრივებულებო თორმეტოდე სკამი. ოთახში სამი სარკე იყო — ერთი დივანის ზემოთ ისე ეკიდაკედელზე, რომ დივანს ზედ დაჰყურებდა, დანარჩენი ორი ერთმანეთის პირდაპირ იყო აყუდებული კედელთან, როგორც სადალაქოში. ამ სარკეებთან ბანქოს სათამაშო ორი მაგიდა იდგა, თვითელზე ბრინჯაოს წყვილი, ჟანგვანი შანდალი იდგა აუნთებელი სანთლებით და შუშის ბრჭყვიალა საკიდებით. ოთახის მთელი ამ მოწყობილობის ქვეშ სიგრძით, იატაკზე, სიძველისაგან ხოგაცვეთილი და ალაგ-ალაგ დაფებამოდენძილი დიდი, განიერი ხალიჩა ეფინა. ერთ-ერთ კედელში ორი ქარადა შეენიშნე, მათ დასაფარავად ზედ კედლებისნაირი შპალერი გაეკრათ. მრგვალ მაგიდაზე ალბომი და შავი ტყავისყდიანი წიგნი იდო.

გარეგინმა წიგნი აიღო, გადაშალა და მაშინვე გამომიწოდა:

— აი, ხომ გეუბნებოდნი!

წიგნი გამოვართვი და შევათვალიერე.

— რას მეუბნებოდნი?

— რომ ძალიან განათლებული ქალიშვილია-მეთქი.

ეს იყო ეიულ სიმონის წიგნის — „მუშა ქალი ევროპაში“ რუსული თარგმანი.

— როგორ ფიქრობ, — ვკითხე, — დაავიწყდა ამ წიგნის აქედან ალება, თუ განგებ დატოვა?

— რატომ განგებ?

— რომ უჩვენებინა: ნახეთ, რა წიგნებს ვკითხულობო.

— ვითომ?

და ისევე გავჩუმდით.

ჩემს მეგობარს თვალყურს ვადევნებდნი. მოუსვენრობა ეტყობოდა, ოდნავ დელავდა, ალბათ იმიტომ, რომ სტუმრად მომიყვანა და არავინ გამოგვეგება, არც შემდეგ გამოჩნდა ვინმე. ლაპარაკობდა ჩუმად და წყნარად, ხან მოუთმენელ, ხან შეშინებულ მზერას ესროდა მეზობელი

ოთახის კარს, რომელიც იმაზე უფრო პატარა და დაბალი იყო, რომლითაც ჩვენ შემოვედით.

— იქნებ არ იციან, რომ მოვედით? — ვუთხარი.

— სს... — წაიჩურჩულა გარეგინმა, თითი ტუჩებთან მიიღო, თვალები ფართოდ გაახილა და სმენად იქცა.

მეზობელი ოთახიდან ჯერ რაღაც ყრუ ჩურჩულის ხმა მოისმა, შემდეგ ქალის ნერვული წამოკივლება, მერე კი ყველაფერი ისევ მიყუჩდა.

გაფითრებული გარეგინი წამოდგა, მეზობელი ოთახის კარს მიაყურა და ადგილზე გაიყინა.

— ეს რა იყო? — ვიკითხე გაკვირვებულმა.

— მისი ხმა იყო, — დაბნეულად წაიჩურჩულა გარეგინმა.

— ვის ელაპარაკებოდა?

— ალბათ დედას.

ერთხანს იდგა ასე გაქვავებული, შემდეგ ნელა დაეშვა სკამზე და საიდუმლოდ ჩამჩურჩულა:

— აღრევე შევნიშნე, დედასთან კარგად არ არის.

— რატომ?

— არ ვიცი.

— კარგი დრო კი მოუნახავთ საჩხუბრად! — ეთქვი მცირე დუმილის შემდეგ.

გარეგინს არ უპასუხია.

ისევ გავჩუმდით და განვაგრძეთ ლოდინი. ახლა უკვე უხერხულად ვგრძნობდით თავს, განსაკუთრებით გარეგინი.

ბოლოს მეზობელი ოთახის კარი გაიღო და შემოვიდა სრული, დაბალი ტანის, ჯერ კიდევ საკმაოდ ახალგაზრდა და სანდომიანი სახის ქართულად ჩაცმული ქალი.

გარეგინი აჩქარებით შეეგება, ხელზე აკოცა და ერთმანეთს გავაცნო.

საპატარძლოს დედა გახლდათ.

მანდილოსანმა ტუჩების მანჭვით, გაუბედავად მომმართა ნახევრად თბილისური დილაექტით, ნახევრად ლიტერატურული ენით და მოიბოდიშა, რომ ამდენი გვალოდინა, შემდეგ დაიწყო რაღაცის მოყოლა, თითქოს მისი დისწული მოულოდნელად აეად გახდა, ვითომ მოვიდნენ და წაიყვანეს, რომ ბავშვი ახლა, მადლობა ღმერთს, კარგად არის და

თვითონაც ეს-ესაა დაბრუნდა. აშკარად ჩანდა, ტყუოდა. უნდოდა როგორმე გაემართლებინა სტუმრების ასე უცნაური მიღება და დაემალა მეზობელ ოთახში მომხდარ უსიამოვნება.

დაესხედით, მაგრამ ამ უსიამოვნო შთაბეჭდილების კვალი ჭერ კიდევ ისე ძლიერი იყო, რომ კრინტი ვერ დავძარიო. მდგომარეობა უაღრესად უსიამოვნო, ხოლო დუმილი მეტად აუტანელი გახდა.

— სად არის სარა? — დაარღვია ბოლოს სიჩუმე გარეგინმა ისე წყნარად, თითქოს მეზობელ ოთახში ავადმყოფი წევსო.

— ახლავე გამოვა, — უპასუხა სიდედრმა და მსუქან ლოყებზე ჩამოშლილ წაბლისფერ კავებს გრეხა დაუწყყო.

— მამა?

გარეგინი თავის მომავალ სიმამრს უკვე მამას ეძახდა.

— შაბათ საღამოობით ყოველთვის ცოტა იგვიანებს, — მოკლედ უპასუხა სიდედრმა.

ასე კიდევ ცოტა ხანს გაგრძელდა საუბარი, რომელიც დრო და დრო წყდებოდა. ყველას ერთი ფიქრი გვიტრიალებდა — ველოდით სარას, მათ შორის მე ყველაზე მოუთმენლად.

ბოლოს, ისიც შემოვიდა.

IV

წინასწარ მომზადებული რომ არ ვყოფილიყავი გარეგინის ნააქრობით, ვიფიქრებდი, ქალიშვილი კი არა, მოწიფული ქალი შემოვიდამეთქი. საშუალო, მაგრამ მოხდენილი ტანადობის მანდილოსანს მეტიმეტად აფუებული გულმკერდი ჰქონდა, რაც სულ არ შეეფერებოდა მის წვრილსა და მოქნილ სხეულს. პირველი შეხედვითვე მივხვდი, რატომ შეუყვარდა გარეგინს „დანახვისთანავე“, თუმცა მთელი ჩემი ცდა, ამ საღამოს შემენიშნა მის თვალეში „მოვალაღე გამომეტყველება“, რამაც ასე დაატყვევა ჩემი მეგობარი, უშედეგო აღმოჩნდა. მისი გამოხედვა, პირიქით, ძალზე სერიოზული და გამჭვალავი იყო და მის ნახე, უზადო სახეს რაღაცხაირ მკაცრ გამომეტყველებას ანიჭებდა. ვერ ვიტყვი პირველი შთაბეჭდილება სასარგებლო იყო-მეთქი მისთვის, უმთავრესად პირქუში გამოხედვის გამო, თუმცა ჩემს წინ იღვა ნამდვილი თავისებური ლამაზმანი, რომელსაც თავისი გარეგნობით შეეძლო ჩემს მეგობარზე უფრო ფაქიზი გემოვნების ადამიანიც მოეხიბლა.

სარა ჩქარი, ნერვიული ნაბიჯებით შემოვიდა, თითქოს სასოწარკვე-

თილი გადაწყვეტილებების ძალუმმა ბიძგმა შემოაგდო, და მაშინვე თავის ერთი გაქნევით მხრიდან უკან გადაიგდო სქელი ნაწნავი, რომელიც სრულებით არ უხდებოდა მის არაქალწულებრივ გარეგნობას. ჩვეულებრივი საშინაო — სრულიად უბრალო, მაგრამ გემოვნებით შეკერილი და ძალიან სუფთა კაბა ეცვა. საშინაო კაბა და აწეწილი თმა გვაფიქრებინებდა, რომ სრულებითაც არ ეშზადებოდა ჩვენს მისაღებად, არც ჩვენთან შეხვედრას ანიჭებდა რაიმე მნიშვნელობას. წუთით მომეჩვენა, ალბათ, ამით თუ აიხსნება-მეთქი მისი და დედამისის ჩხუბი მეზობელ ოთახში.

მისი შემოსვლისთანავე გარეგინი წამოხტა, მიირბინა, უნდოდა ხელი გაეწოდებინა, მაგრამ რაკი სარამ ყურადღება არ მიაქცია და თვალი მე მომაპყრო, ხელი უკანვე წაიღო და წაიჩურჩულა:

— ეს... ჩვენი მეჯვარეა.

მე მივაშურე და წარვუდექი. სარას კრინტი არ დაუძრავს, მხოლოდ ოდნავ დამიქნია თავი, ხელი ჩამოშარვა და თვალებში ჩამაქცერდა „დაჟინებულად“, როგორც გარეგინი ამბობდა. მერე ოფიციალურად და ცივად მთხოვა დავმჯდარიყავი, თვითონაც მოშორებით დაიქირა ადგილი ამაყად თავაწეულმა ისე, რომ საქმროსათვის ყურადღება არ მიუქცევია. თამამ და გამჟვალავ მზერას არ მაშორებდა, რომლითაც, ვფიქრობ, ამბობდა: „ჩემს სანახავად მოსულხართ? ინებეთ, მიყურეთ, რამდენიც გენებოთ. თქვენი არც მეშინია, და არც რაიზე მნიშვნელობას ვაძლევ თქვენს აზრს. ყველანი მეზიზღებით... და გაიძულებთ დაივიწყოთ თქვენი ბილწი ჩვეულება, — ქალიშვილებს გასაყიდი ცხენებივით უყუროთ“.

მართლა ამას მეტყველებდნენ მისი თვალები, თუ ასე მეჩვენებოდა მისი გამოხედვის შთაბეჭდილების გამო — არ ვიცი, მაგრამ უნებურად დავიბენი და გავექეცი ამ მზერას, რადგან ვიგრძენი — ჩემს წინ ერთე „გასაყიდი ცხენთაგანი“ იჯდა, რომელიც თავგამოდებით იცავდა თავის ადამიანურ ღირსებას და იცოდა, რა პასუხი გაეცა ამ ღირსების შემლახვისათვის.

ქალიშვილის მოსვლის შემდეგ დედა მალე აღგა, რაღაც ჩასჩურჩულა, ბოდიში მოიხადა და ოთახიდან გავიდა. სარამ მტრული მზერით გააცილა. ნათელი იყო: დედა ეჭავრებოდა და ამის დამალვას არც ფიქრობდა.

გარეგინი, თითქოს რაღაც გააჩხენდაო, წამოვარდა, ჯიბიდან საყუ-

რეების კოლოფი ამოიღო, გახსნა და იმგვარად დაიჭირა ლამპასთან, თითქოს უნდოდა მოშორებით მჯდომი საცოლე ამით მოეხიბლა და მიეზიდა. ლამპის შუქზე ბრილიანტები მსხვილი ვარსკვლავებივით აციმციქდნენ.

— ეს ჩვენი მეჯვარის საჩუქარია, — თქვა გარეგინმა, შემომხედა და არ ვიცი, სულელურად თუ ეშმაკურად გაიღიმა.

გაოცებით შევხედე. თუ ხუმრობდა — საკმაოდ სულელური ხუმრობა იყო. ჩემმა სერიოზულმა და საყვედურიანმა შეხედვამ იმოქმედა მასზე, როგორც, ჩანს, მიხვდა თავის სისულელეს და გაწითლდა, მაგრამ ისევ იღიმებოდა.

— ჩემი მეგობარი ხუმრობს, ქალიშვილო, — მივმართე სარას, — ეს საჩუქარი თვითონ მოგართვათ.

— რასაც უნ სისულელეს უწოდებ, — არ ვიცი, საიდან და რისთვის მოიგონა, სწრაფად დაუმატა გარეგინმა და ამჯერად გაიცინა.

სარა ხან მე მიყურებდა, ხან გარეგინს. ჩანს, გაკვირვებული იყო და არ ესმოდა რას ვლაპარაკობდით. მიზიდვას ვინ ჩივის, ყურადღებაც კი არ მიუქცევია ამ ავბედითი საყურეებისათვის.

— კარგი, საყურეები თუ ჩემი საჩუქარია, ეს ვილასია? — იკითხა გარეგინმა, სკამიდან შეხვეული ტყბილეული აიღო, გახსნა და საყურეების კოლოფის გვერდით დადო. — ეს ხომ შენი მოტანილია?

და ამჯერად სწორედ იდიოტივით გადაიხარხარა.

მან უკვე შეტოპა და მეც აღარ ვუბრაზდებოდი, რადგან, ნათლად ვხედავდი, სიხარულს გაესულელებინა და ვერ ამჩნევდა, რომ თავისი ქცევითა და სიტყვიერით უფრო როგორ აოცებდა დანიშნულს.

სარას თვალყურს ვადევნებდი. გაცუხუნებული ხან მე შემომხედავდა, ხან საქმროს. ერთი რამ მიკვირდა: როგორ მოხდა, რომ ასეთი, უშეკვლად ჭკვიანი და სერიოზული ქალიშვილი, ნიშნობის სადამოს, როცა მიაი საქმრო ბევრ ასეთ სისულელეს ჩაიდენდა, ვერ მიხვდა და დათანხმდა მის ცოლობაზე. საქმრო რომ სრულებით არ მოსწონდა სარას და ზემოდან დასცქეროდა, ამას ცხადად ვხედავდი.

მაგრამ ჩემი მღგომარეობა უფრო მაფიქრებდა. საქმე ის იყო, რომ მეწინოა ჩემს მეგობარს თავისი სულელური ქცევით არ შევერცხვინე სარას წინაშე, რომელიც საოცარია, მაგრამ მხოლოდ იმიტომ, რომ არ ლაპარაკობდა და განუწყვეტლივ ვეიცქეროდა გაკვირვებული, ერთ-

ვეარ შიშს მგერიდა და მაიძულებდა ფხიზლად ვყოფილიყავი. ამიტომ ვცადე ბოლო მომელო გარეგინის სისულელისათვის, ვისარგებლე, რომ ხელში ვიუღ სიმონის წიგნი მეჭირა და ვკითხე:

— ამას თქვენ კითხულობთ, ქალიშვილო?

— არა, — მკვახედ მიპასუხა.

— მაშ რატომ დევს აქ? — ჩაერია გარეგინი.

სარამ მას ხმა არ გასცა და მე მომმართა:

— ერთ ამხანაგს ჰქონდა წაღებული წასაკითხად და დღეს საღამოს დამიბრუნა.

— მაშ ეს წიგნი შენია? — ჰკითხა გარეგინმა, ადგა, სარასთან მივიდა და ახლოს მიუჭდა.

ეს „შენ“, როგორც ჩანს, საკმაოდ უსიამოდ მიიჩნია სარამ. კოპები შეკრა, წამწამებს ქვემოთ გამოხედა და ყოყმანის შემდეგ უპასუხა:

— დიახ!

— უკვე წაიკითხე? — ჰკითხა გარეგინმა, ალბათ, გახარებულმა, რომ დანიშნულთან ლაპარაკის შემთხვევა მიეცა. სულ ვერ ამჩნევდა, რომ ეს შეკითხვები და, განსაკუთრებით, მისი სიახლოვე სარას, როგორც მისი სახის გამომეტყველებით დავასკვნენი, აშკარად არ მოსწონდა.

სარა უცბად ადგა, ჩქარი ნაბიჯით მომიახლოვდა.

— მაპატიეთ, მომეკით ეგ წიგნი, შევიინახო.

სანამ წიგნს მიეწოდებდი, ხელიდან გამომართვა, გამომართვა ისე, რომ უფრო გამოგლეჯას ჰგავდა, საჩქაროდ წაიღო და სარკის წინ კედელთან მაგიდაზე დააგდო. შეკავებული სიბრაზისაგან სახე შეუფაცლდა, მისმა თვალებმა კი ბოროტად დაიკვესეს.

საპატარძლოს ამ ფრიად უცნაურმა — თუ არ ვიტყვი, უხეშმა მოქმედებამ საბრალო საქმროს საქციელი წაუხდინა. გარეგინი ჯერ ადგილზე გაქვავდა, შემდეგ, როცა სარა თავის ადგილს დაუბრუნდა და მოღუშული დაჯდა, თითქმის შეშინებულმა თავისი სკამი ოდნავ გასწია.

— გაწყენინე? — კრძალვით ჰკითხა გარეგინმა.

— საერთოდ არ მიყვარს, როცა მცლიან, — მკაცრად უპასუხა სარამ და არც კი შეხედა.

— კი მაგრამ, როდის გამოგცადე? — წაილულულა ჩემმა საბრალო მეგობარმა.

— თქვენ (სარამ განსაკუთრებით გახაზა ეს „თქვენ“) — ამ წუთს მკითხვით, წამიკითხავს თუ არა ეს წიგნი? მითხარით, თუ შეიძლება, ვითომ რატომ არ შემეძლო წამეკითხა?

გარეგინი მთლად მოიკუნტა.

— მე... ბოდიშს ვიხდი... არ ვფიქრობდი... ისე ვიკითხე... რომ მცოდნოდა... შენ ტყუილუბრალოდ...

— გთხოვთ, ნუ მელაპარაკებით „შენობით“ — უცებ გააწყვეტინა სარამ ისეთი ტონით, რომ მომეჩვენა — ამ სიტყვების მაგივრად სილა რომ გაეწნა, შთაბეჭდილება არ შეიცვლებოდა.

ჩემი საბრალო მეგობარი გაფითრდა და გაჩუმდა. ისეთი საცოდავი სახე ჰქონდა და მთელი ეს სცენა იმდენად მძიმე იყო ჩემთვის, რას არ მივცემდი, ოღონდ ამ წუთს იქ არ ვყოფილიყავი.

ღმერთმა იცის, რით გათავდებოდა ახალდანიშნულთა ეს უცნაური კონფლიქტი (გული კი მიგრძნობდა რაღაც საკმაოდ ცუდი სკანდალის მოახლოებას), რომ საბედნიეროდ, ამ წუთში სარას მამა არ შემოსულიყო.

საბრალო გარეგინი იმდენად იყო შემკრთალი, რომ სულ დაავიწყდა ჩემთვის თავისი სიმამრი გაეცნო. ამიტომ თავად გავეცანი.

V

ბალირიანი მაღალი ტანის, მაგრამ წელში მოხრილი ჰარმაგი მოხუცი იყო, შევერცხლილი თმა და მხიარული თვალები ჰქონდა. როცა ამ ეშმაკურად მოლიმარე თვალებს შეხედავდით, იფიქრებდით, ეს ადამიანი ალბათ საერთოდ არც ნაღვლობს და არც ბრანდებო. ძალზე თავაზიანად მიმიღო და თავიდანვე ისეთ გუნებაზე დამაყენა, თითქოს ძველი მეგობრები ვიყავით.

პირველი გაცნობისას მიღებულ სიტყვების შემდეგ მასპინძელმა რომ დასაჯლომად მიმიწვია, სარა უკვე აღარ იყო ოთახში.

— ოჰო! სუვენირი? — წამოიძახა ბალირიანმა მაგიდაზე გახსნილ ყუთში ხავერდის ბალიშზე დაბნეული ოქროს საყურეების დანახვაზე. ჯერ მე, მერე სიძეს გამომცდელად შემოგვხედა, თითქოს უნდოდა გამოეცნო, ვისგან არისო ეს საჩუქარი. წაიდუღუნა „კმ“, ჟილეტის ჯიბიდან სათვალე ამოიღო, ცხვირზე გაიკეთა, ყუთი აიღო, ლამპასთან მიიტანა და თვალიერება დაუწყო. იგი ხან სათვალის ზემოდან, ხან

ქვემოდან, ხან სათვალთ უცქეროდა საყურეებს, სასაცილოდ იქნევდა თავს და წარბებს ათამაშებდა. შემდეგ შეხვეული ტკბილეული გახსნა და გარეგინს ჰკითხა:

— ვინ გასწავლა, დანიშნულს ასეთი საჩუქრები მიუტანეო? მე კი ბატკანივით მიამიტი მეგონე. აი, შე ეშმაკო, შენა!

ერთი ხელი მკერდზე მიადო, მეორე ზურგზე და სიცილით შეუღიტინა.

მაგრამ გარეგინი ჯერ კიდევ ვერ გამორკვეულიყო. შებოჭილივით საცოდავად იჯდა ადგილზე. სიმამრის მამობრივი, ალერსიანი სიტყვების საპასუხოდ უნდოდა რამე ეთქვა, მაგრამ კრინტიც ვერ დაძრა და მხოლოდ შესაბრალისად გაიღიმა.

ბალირიანმა თითქოს ახლა შეამჩნია, რომ გარეგინს რაღაც შემთხვევოდა, გამომცდელად ჩახედა თვალეებში, ახლოს მიუჭდა, სერიოზული სახე მიიღო და ჰკითხა:

— რა მოხდა? ხომ არავინ გაწყენინა?

ცრემლნარევიმა ღიმილმა სახე დაუმანჭა გარეგინს და ყოყპანით უპასუხა:

— არა, მე ვაწყენინე.

ბალირიანმა თავი ასწია და სათვალისგან გამოხედა.

— ვის?

— სარას.

ბალირიანმა თავი დახარა და ახლა სათვალის ზემოდან გადმოხედა.

— როგორ?

— არ ვიცი, — ჩაილულულა გარეგინმა და დატუქსული ბავშვივით დახარა თვალეები. — ეგონა, მისი გამოცდა მინდოდა, მე კი ეს არც მიფიქრია. ბოდიში მოვუხადე... არ მაპატიო... წავიდა.

და საცოდავმა კინლამ ტირილი დაიწყო. „ვაი, საბრალო დიდო ბავშვო“, გავიფიქრე და უნებურად გავიღიმიე.

— სულ ეს იყო? — ჰკითხა ბალირიანმა.

— მერე... ეწყინა, რომ „შენობით“ ველაპარაკებოდი.

ბალირიანმა უცებ ისე გადაიხარხარა, რომ სათვალე ჩამოუვარდა და კისერზე ჩამოვლებულ ყაითანს დაეკიდა.

— ვაიმე, ვაიმე, — წამოიძახა. — ხედავთ, რა მომხდარა! ახლა ხომ ყველაფერი ჩაიფუშა, დაიღუპა, ყველაფერს ბოლო მოეღო, გათავდა, ჯანდაბაში, ჯოჯოხეთში გადაიკარგა! ახლა რაღა ექნათ?

თან ისეთი კომიკური შეშფოთებით გვიყურებდა ხან მე, ხან გარეგინს, რომ სიცილი ვერ შევიკავე.

მაგრამ რაკი გარეგინს გაცინების კი არა, გაღიმების თავიც არ ჰქონდა, ბალირიანმა უცებ სერიოზული სახე მიიღო, ყაითანზე დაკიდებული სათვალე ჟილეტის ჯიბეში ჩაიდო, ცალი ხელი სასიძოს მოხვია და დაამშვიდა:

— არა უშავს, შვილო, არაფერია, გულს ნუ გაიტუხ! ასეთ წვრილმანებს რომ გამოეკიდო, საღ წაგიყვანს? თქვენ ხომ ჯერ არ იცნობთ ერთმანეთს. სულ რაღაც ორი დღეა. რაც დრო გავა, უკეთ გაიცნობთ, გაუგებთ და შეიყვარებთ ერთმანეთს. თანაც გაცნობისას ჩხუბი კარგი ნიშანია, ბოლოს იქნებ ერთმანეთის მზეს ფიცულობდეთ. თუმცა რა დაგიმალო და ცოტა უცნაური ქალიშვილია, ნერვული, მაგრამ მის ლაპარაკს ყურადღებას ნუ მიაქცევ. სამაგიეროდ, გული სწორედ რომ მტრედისა აქვს. ასანთივით უცებ აენთება და მაშინვე ჩაქრება. ასეთი გაჯავრება იცის. აი მალე ღვთის ნებით დაქორწინდებით, ცხოვრებას ერთად დაიწყებთ და ნახავ, მართალს ვამბობ თუ არა.

გარეგინი სიმამრის ამ ენამზიანობამ დაამშვიდა და მოალერსებული ბავშვივით გაიღიმა.

— ჩემს საჩუქარს არც შეხედა, — შესჩივლა გარეგინმა.

— ამ მშვენიერ საყურეებს? ჰმ! ნამდვილად მიაპიტი კაცი ყოფილხარ და ქალისა არაფერი გცოდნია! მითხარი, გეთაყვა, განა შეიძლება ქალმა ასეთ ნივთს ყურადღება არ მიაქციოს? ბატონო მარქარიან, ასეთი რამე შეიძლება? — მკითხა და თვითონვე უპასუხა: — რასაკვირველია, არა. ჰო, მართალია, სარა სხვებზევით ბრიყვი არ არის, — დაეწაბა და ისევ გარეგინს მიუბრუნდა, — საჩუქარს მაშინვე გაფართქალებული არ ეტაკება. დინჯი, ჰკვიანი, ინტელაგენტი ქალიშვილია, მისთვის ასეთ ზიზილ-პიპილებს შეიძლება დიდი მნიშვნელობა არც კი ჰქონდეს. მაგრამ, ვიმეორებ, ისიც ხომ ქალია, გაიგე, ქალი, — და რაკი საჩუქარი მოუტანე, ხომ უკვე მისი საკუთრებაა. როცა მარტო დარჩება, მაშინაც შეუძლია დაათვალიეროს, გაიკეთოს ყურზე, იტრილოს სარკის წინ და გაიხაროს. რას იტყვით, მართალს არ ვამბობ, ბატონო მარქარიან?

იძულებული ვიყავი, დავმოწმებოდი ამ ყბედ მოხუცს, რადგან მისი საიდუმლო გამოხედვა და ლაპარაკის კილო პირდაპირ შველას მთხოვდა — სასიძოს გატეხილი გული როგორმე გაგვემთელებინა.

კავების სწორებით შემოვიდა ბალირიანის ცოლი. საყურეების და ნახვაზე აღფრთოვანებისა თუ შურისაგან თვალები გაუბრწყინდა (კვადარა ქმრის გვერდით ეს ქალი კიდევ უფრო ახალგაზრდა მეჩვენა).

გარეგინს აღრინდელი განწყობილება ისევ დაუბრუნდა და გულუბრყვილოდ, მხიარულად ალაქლაქდა, თითქოს არაფერი მომხდარიყო.

მაგრამ მალე მხიარული განწყობილება კვლავ შეეცვალა და პიზეზი ისევ მისი დანიშნული იყო.

ჩვენი საუბრის დროს სარამ ლანგარით ჩაი შემოიტანა.

ამ დროს გარეგინი ფეხზე იდგა და მისთვის დამახასიათებელი გულუბრყვილობით რაღაცას ფილოსოფოსობდა. დანიშნულის დამახვისთანავე ისე გაჩუმდა, როგორც მოწაჟე მასწავლებლის დამახვაზე, რომელიც რაღაც ცულლუტობაში დაიჭირეს. მაშინვე დაქდა და სარას შეშინებული მიაჩერდა.

რაღაც უნებრული საჩუმე ჩამოვარდა. სარას არავისთვის არ შეუხედავს, ისე ჩამოარიგა ტიქები ამ საჩუმეში. მევონა, ყველაზე უფრო სარას დააბნევდა ეს საჩუმე, რადგან თვითონ იყო ამის მიზეზი და უვლანი მას შევეცქეროდით, მაგრამ, არა. პირიქით, ძალზე მშვიდად ეჭირა თავი. მამას რომ მიუახლოვდა, ბალირიანმა კეთილი, მაგრამ დამცნავეი ღიმილით ქვემოდან შეხედა დახრალ თვალებში და შენიშნა:

— მიოხარი, რატომ აწყენინე ამ ჩვენს საყვარელ ბატონს?

სარამ არაფერი უპასუხა.

— შემომხედე!

თვალებდახრილი სარა ლანგარით ხელში რაღაც ავისმომასწავებელი სიმშვიდით იდგა მამის წინ და ელოდა, როდის აიღებდა ტიქას.

— ვის ვეუბნები? შემომხედე! — გაიმეორა მამამ.

სარა ისევ ქანდაკებასავით ჩუმად იდგა. შევნიშნე, ლანგარი ოდნავ ათრთოლდა მის ხელებში.

— ნახე, რა ლამაზი საჩუქარი მოგართვეს, — უთხრა მამამ, საყურეების ყუთი აიღო და ნელა მიუტანა სახესთან.

მაგრამ სარა უცებ ნერვულად შეტოკდა, თავი უკან გადასწია, ცალი ხელით ლანგარი დაიჭირა, მეორე უკანასკნელ ტიქას წაავლო, მამის წინ დადო და კარისაკენ გაემართა. სახით ისეთ შეკავებულ გულისწყრომას გამოხატავდა, რომ პირდაპირ შეძრწუნებული ველოდი, საცაა ჩხუბი ატყდება-მეთქი.

— ოპო, ეს რასა ჰგავს, — ხუმრობანარევი სერიოზულობით გადადევნა მამამ, — აშკარად თავს გვჭკრი.

სარა უცებ შედგა კართან, მაჰას გამგმირავე მზერა ესროლა და საოცრად სერიოზულად შენიშნა:

— მამა, ნამდვილად არ მეძმის, ეს რა საქციელია! ბავშვი ვარ, თუ რა?

სიტყვის დამთავრებისთანავე შეტრიალდა, გავიდა და კარი გაიჭახუნა.

— უი, ქა! — გაცბუნებით წარმოთქვა ბალირიანის ცოლმა და გოცების ნიშნად დაქუშტული ხელი ტუჩზე მიიღო.

ბალირიანი ჯერ აღშფოთდა, მაგრამ მალე მოერია თავს და ისე შემომოხედა, თითქოს ბოდიშს ითხოვსო მომხდარი უსიამოვნების გამო.

— ხომ გეუბნებოდით, ნერვულია-მეთქი; თანაც დღეს, ეტყობა, საძაგელ გუნებაზეა. ვთქვით, მე დამნაშავე ვარ, არა, ჩემო ფისუნია? — მიუბრუნდა გარეგინს და შინაურულად გადახვია ხელი. — ექმის? ფისუნიას გეძახი და არა სიძუნიას! ¹ დამნაშავე მუდამ ჩვენ ვართ, — მე და შენ, შენ და მე.

და მხოლოდ იმიტომ, რომ ქალიშვილის უცნაური საქციელით შექმნილი საერთო უსიამოვნო განწყობალება გაეფანტა, ბალირიანმა ხმამაღლა გადაიხარხარა.

მაგრამ ისე გამიფუჭდა გუნება, რომ ძლივს გავიღიმე. ოღონდ მოხუცისათვის მესიამოვნებინა. პირდაპირ მრცხვენოდა, რომ იძულებული იყო უადგილოდ ეოხუნჯა, თავისი და ცოლის უსერხული მდგომარეობის დასათარავად. თითქოს მე, — ეს გარეშე, უცხო პიროვნება — დამნაშავე ვიყავი, რომ მათი ოჯახური უსიამოვნების მოწმე გავხდი. და დარწმუნებული რომ ვყოფილიყავი, უზრდელად არ ჩამთვლიდნენ ან უფრო არ გავადრმავებდი მათს მძიმე მდგომარეობას, მაშინვე ავდგებოდი და წავიდოდი. ამიტომ იძულებული გავხდი „დავმტკბარიყავი“ მეორე ჭიქა ჩაითაც, რომელიც ამჯერად ქალბატონმა ბალირიანმა მოიტანა, რადგან სარა აღარ გამოჩენილა. შემდეგ ცოტა ხილით „ჩავიტკბარუნეთ“ პირი, ისე, რომ სარას ნახვა მაინც არ გვე-

¹ აქ სიტყვების თამაშია: ქიხისი (ფისიკ) „ფისუნია“ (ე. ი. ფისო კნობითში), ქხისი (ფესიკ) „სიძუნია“ (ე. ი. სიძე — ქხისა „ფესა“ — კნინობითში). (მთარგ. შენიშვნა).

ღირსა. ბალირიანი რამდენჯერმე გავიდ-გამოვიდა, ცდილობდა ისევ ეოხუნჯა, უნდოდა როგორმე აეხსნა და გაემართლებინა ქალიშვილის წასვლა, მაგრამ ამანაც ვერ უშველა და არა მარტო ჩვენ, მასაც კი საბოლოოდ გაუფუჭდა გუნება.

ავდექი, მადლობა გადავიხადე, უარი ვთქვი ვახშამზე, რომელიც. რა თქმა უნდა, მარტო ზრდილობისათვის შემოგვთავაზეს ბალირიანებმა და გამოვეთხოვე.

ეტყობა გარეგინს დარჩენა უნდოდა, მაგრამ როცა დაინახა, წასვლა დაეპირე, ისიც აღგა. სიდედრ-სიმამრი, შეიძლება ჩემი მიზეზითაც, მაინც და მაინც არ მიეძალნენ, დარჩიო.

გარეთ ერთად გამოვედიო.

VI.

დიდხანს უხმოდ მივიდიოდით. გარეგინი სულიერად უზომოდ დათრგუნვილი ჩანდა.

— ეს არის შენი ჭკვიანი, მეტად განათლებული და არ ვიცი, კიდევ სხვა რა მრავალი ღირსებით შემკობილი ქალიშვილი? — ბოლოს, როგორც იქნა, ავლაპარაკდი.

გარეგინს არაფერი უპასუხნია. ვგრძნობდი: ყველაზე უფრო ის აწუხებდა, რომ დანიშნულმა ჩემს წინაშე არა თუ არ გაამართლა მისი ქება, ხასიათის ისეთი თვისებებიც გამოამჟღავნა, რომელიც საქმროსთვისაც მოულოდნელი იყო. თავს მოვალედ ვთვლიდი მეგობრისათვის მეთქვა ყველაფერი, რისი თქმაც აუცილებლად მიმჩნდა, რომ მერე ჩემი მხრით გაუფრთხილებლობაც დანაშაული არ ყოფილიყო. ამიტომ პირდაპირ დავიწყე:

— მე მკონია, თვითონვე გრძნობ, რომ შენი ეს დღევანდელი დარბაზობა უკანასკნელი უნდა იყოს, რასაკვირველია, თუ ოდნავი თავმოყვარეობა მაინც გაქვს.

— როგორ თუ უკანასკნელი? — ანგარიშმიუცემლად მკითხა გარეგინმა.

— ისე, უბრალოდ: ახლაც ხელი უნდა აიღო ამ ქალზე. თქვენი შეუღლება შეუძლებელია.

გარეგინმა მაშინვე არ მიპასუხა, მაგრამ მერე ნათქვამით მივხვდი, რომ ისიც ჩემსავით საგონებელში ჩავარდნილიყო.

— მერედა შემიძლია? — ნელა და ისეთი კილოთი წარმოთქვა, თითქოს საკუთარ ფიქრებს უპასუხაო.

ხმაზე შევნიშნე, ნერწყვი გადაყლაპა.

უნებურად შევჩერდი და გოაცებით შევხედე.

— როგორ, ნუთუ ისე შეგიყვარდა, რომ არ შეგიძლია?

— ჰო, არ შემიძლია... სწორედ რომ არ შემიძლია, — მიპასუხა ცრემლმორეული ხმით და თვალი აშარიდა.

— მერედა მისთვის შენს სიყვარულს რა ფასი აქვს? ხომ ხედავ, არ მოსწონხარ. თანაც არ მოსწონხარ კი არა, შენი დანახვაც არ სურს.

— რა გქნა, მე მიყვარს, — გაიჟეორა გარეგინმა ქირვეული ბავშვის სიჯიუტით.

— მომისმინე, გარეგინ, რა გითხრა, — ვუთხარი მტკიცედ, მკლავში ხელი გაუყვარე და გზა განვაგრძეთ. — ამოდენა ვაქცატი ბავშვი ხომ არა ხარ, შეგიძლია თვითონ განსაჯო. თანაც, მგონია, სიყვარულს ჯერ ისე არ დაუბრძალებიხარ, რომ საგნები სწორად ვერ დაინახო. ხომ ზედავ, როგორ მოიქცა ქალი შენთან, თავის მშობლებთან. განა ამან ნათლად არ დაგანახა, რომ უნდათ ძალით მოგათხოვონ და აღრე თუ გვიან უარს გეტყვის? განა შენთვის სასიამოვნო იქნება ასე შერცხვენა?

— ეს არ შეიძლება მოხდეს, — ენერგიულად შემეპასუხა.

— რატომ?

— ჯერ ერთი, იმიტომ, რომ უვიცი ქალი კი არ არის, მშობლების უნიანობას აპყვეს და ვისაც მიუთითებენ, იმას გაპყვეს. მეორეც — უკმაყოფილების საბაბს არ მივცემ.

— კარგი, გეთანხმები, ის მართლაც ისეთი არ არის, მშობლების ახირებას რომ დაემორჩილოს ამაში ამ საღამოს დაერწმუნდი. მაგრამ ვიცით, რა არის ის ოჯახური მიზეზი, რომელიც აიძულებს თავისი სურვილის წინააღმდეგ მოიქცეს? ეს ერთი. მეორე, შენ ამბობ, უკმაყოფილების საბაბს არ მივცემო. კარგი და კეთილი. მაგრამ განა ახლა მიეცი საბაბი, ეს ოინები რომ მოგიწყო?

— მივეცა, რასაკვირველია, პივეცა, აბა, რას გავდა: „წაიკითხე ეს წიგნი?“ რასაკვირველია, ეს გამოცდაა. პართლაც, ვითომ რატომ არ უნდა ჰქონოდა წაკითხული? შემდეგ: ორიოდე დღის წინ ჩვენ სულ უცხონი ვიყავით ერთმანეთისათვის, დღეს კი ავღექ და „შენობით“

დავუწყე ლაპარაკი. მერე რა, რომ დანიშნულები ვართ! თუნდაც გარკვეულ დრომდე ზრდილობის წესები ხომ უნდა დამეცვა?

— მაგრამ სილა რომ გაქამა, ცხვირი რალად ჩამოუშვი?

— ცხვირი კი არ ჩამოვუშვი, მივხვდი, რომ დავიმსახურე.

— კარგი, მამაც ხომ ორიოდ დღის გაცნობილი არ ჰყავლა, მას რატომ ექცეოდა ასე?

— მამა ხომ მთლად დამნაშავე იყო. მართლაც და განა შეიძლება მოზრდილ ქალიშვილს უცხო ხალხის თანდასწრებით ბავშვივით მოექცე? მერე რა, რომ მამაა?

— მაგრამ დედა? გახსოვს ყვირალი მეზობელ ოთახში?

— ალბათ, მანაც რითიმე გააჯავრა. და ბოლოს, ხომ გაიგონე, მამამისმა თქვა, ნერველიაო.

— მერედა შეგიძლია ასეთ ნერვეულ ქალთან იცხოვრო?

— რატომაც არა, თუ უკმაყოფილების საბაბს არ მივცემ?

— შენ თვითონ თავიან-ფეხებიანად ერთი დიდი საბაბი ხარ მისთვის, სხვა რალა საბაბი გინდა? მე ვარ სულელი, შენისთანა ჭიუტი ადამიანის დარწმუნებას რომ ვცდილობ, — ვთქვი უცებ მისი სიჭიუტით მოთმინებიდან გამოსულმა, ხელი გავუშვი და მტკიცე ნაბიჯით წინ წავედი.

ვარეგინი ცოტა ხანს ჩემად მომყვებოდა, შემდეგ უცბად ნაბიჯს უშატა და გამისწორდა.

— კარგი, აბა რა გინდა კქნა? — შემეკითბა რალაცნაირი გაგულისებით.

— არაფერიც არ მინდა, რაც გინდა, ის ქენი!

— არა, მოიცა, — შეჩერდა და ძალით დამიჭირა, — გინდა მივტოვო, ხომ? კარგი. მაგრამ გამაგებინე, რატომ?

— კიდევ ავიხსნა, რატომ?

— არ მოვწონვარ, ხომ? ძალით ამკიდეს, არა? მაგრამ არ მესმის, როგორ შეიძლება განათლებული, ქკვიანი გოგონა ისეთ კაცს აჰკიდონ ძალით, ვინც არ მოსწონს? შემდეგ რალაც ოჯახური პირობები ახსენე. რა პირობებია ეს? არც ერთმა არ ვიცით. მაშინ ეს არგუმენტიც უქმდება. ასლა დაგრჩენი ა თქვა, რომ დანიშვნის სალამოს შეცდომა ჩაიღინა, რადგან არ მიცნობდა და ნიშანი კი მიიღო. კარგი. მაგრამ შემდეგ! უკვე შეოთხედ ვიყავი იმათ სახლში და ხომ გამიცნო?

— მე მგონია, გაგიცნო, რადგან არც შენს მითანილ ძვირფას

ძღვენს შეხედა, არც... — მინდოდა მეთქვა, „არც შენ-მეთქი“, — თანაც ცოტას გაწყდა, წიგნი თავში არ გთხლიშა.

— ამაში გეთანხმები, მართალია, ყველაფერი მართალია. ეს მეც მომხვდა გულში. მაგრამ შენ ეს მითხარა: ბეჭედი ხომ თითზე ჰქონდა? ხომ ჰქონდა თითზე?

— ვთქვათ, ჰქონდა.

— როგორ თუ ვთქვათ, ვერ დაინახე, რომ ჰქონდა?

— კარგი, თითზე ჰქონდა, მერე?

— მერე ის, რომ... ეს რას ნიშნავს? არ მოვწონვარ და ჩემს მიცემულ ბეჭედს ატარებს? რატომ არ მოიხსნა, არ დამიბრუნა და არ მითხარა: „მოწყალეო ხელმწიფევე, აი თქვენი ბეჭედი. მე თქვენ არ გიცნობდით, ისე მივიღე, ახლა, როცა გაგიცანით, გთხოვთ, უკანვე დაიბრუნოთ, არ შემიძლია თქვენი ცოლი გავხდე“.

უნებურად გამეცინა, ამ სიტყვებზე კი არა, იმ გულუბრყვილო სერიოზულობაზე, რომლითაც გარეგინი ლაპარაკობდა.

— მაგრამ ასე არ მოიქცა, — გარეგინმა ყურადღება არ მიაქცია ჩემს სიცილს და ისეთივე გაგულსიებით განაგრძო. — რატომ? შენ გეკითხები.

— ალბათ შეეშინდა: ერთხელ შევეციდი და ვაითუ ამჯერადაც შევეცდეო, — დავხაძინე.

— არა, გთხოვ, ნუ დამცინი! ისეთი რამეების ჩადენის შემდეგ ესეც რომ ექნა, ვითომ გასაკვირი იქნებოდა? მაგრამ ეს არ გააკეთა. რატომ? იმიტომ, რომ... აი, ეს კი არც მე ვიცი, არც შენ და, შეიძლება არც მშობლებმა იცოდნენ. შენ კი ამაოდ ჩქარობ განაჩენის გამოტანას.

— მაშასადამე?

— მაშასადამე ის, რომ მასზე ხელს არ ავიღებ და არც მისი მხრიდან მეშინია გაწბილების. გაიგე?

— გავიგე.

— მაშ რაკი გაიგე, სათქმელი აღარაფერი მაქვს, და... დამე უშვიდობისა!

სრულიად რომ არ მოველოდი, მიმატოვა და ჩქარი ნაბიჯით გამშორდა. ალბათ, შეეშინდა ჩემი უიმედობით ისევ არ შემეცვალა მისი განწყობილება მომავლის მომხიბვლელ იმედებზე.

დიდხანს ვადევნებდი თვალს. პირდაპირ გამაოცა მისმა უცნაურმა ალტყინებამ, განსაკუთრებით მისმა სიჩიუტემ და გამბედაობამ. აქამდე

ზომ ძალიან წყნარ, უნებისყოფო და პასიური ხასიათის ყმაწვილკაცად ვიცნობდი, მუდამ რომ სჯეროდა ჩემი რჩევა.

VII

დაახლოებით ერთმა თვემ გაიარა. გარეგინი ერთხელაც არ გამოჩენილა. უკვე დავასკვენი, ჩემზე საშინლად ნაწყენია და გადაწყვიტა უჩემოდ დაქორწინდეს ან დაქორწინდა კიდეც-მეთქი, თუ რასაკვირველია, უარი არ მიიღო სარასაგან, როგორც ვვარაუდობდი. მაგრამ აი, ერთ საღამოს მოვიდა ჩემთან მხნე და გამოცოცხლებული. ისევ უჩვეულად აღფრთოვანებულ გუნებაზე იყო, როგორც ნიშნობის შექმნა.

— სად დაიკარგე? — ვკითხე.

— არსად.

— აბა, რომ არ ჩანდი?

— საიდან გამოვჩნდებოდი, სულის მოთქმის დროც არ მქონდა. მთელი დღეები ქუჩაში ვეგდე, ახალ ბინას ვეძებდი. შემდეგ, ბინა რიგიანად ზომ უნდა მომეწყო? ახლა, როცა ყველა საქმე მოგვარებულია, შოვედი გაცნობო, რომ ჩვენი ქორწილი ამ კვირას არის დანიშნული.

— უკვე? მე კი ვფიქრობდი...

— შენ ბევრ რამეს ფიქრობდი, — გამაწყვეტინა გარეგინმა. — იმასაც კი ფიქრობდი, ეს საქმე ჩაიშლებო. შენს ჭინაზე ხელი არ ავიღე მასზე, არც მან თქვა უარი ჩემზე. ახლა თითქოს ბავშვობიდანვე ერთად გიყოთ შეზრდილები, ისე დავუახლოვდით ერთმანეთს.

— „შენ“ და „თქვენ“-ის საკითხი როგორღა გადაწყდა?

— რასაკვირველია, „შენ“-ის სასარგებლოდ. ჰო, ერთხელ ვკითხე, რას ნიშნავდა შენი იმდამინდელი ოინები-მეთქი. მიპასუხა, სჯობს ამის შესახებ არაფერი მკითხოო. ძალიან ნანობს და რცხვენია თავისი საქციელის, მით უფრო, რომ ეს საქმე შენი თანდასწრებით ჩაიდინა. „რა ვქნა, — მითხრა. — ძალიან ნერვული ვარ და იმ საღამოს საშინელ გუნებაზე ვიყავი“. მაგრამ, იცი, რა მაკვირვებს? ზომ დაინახე, როგორი ჭკვიანი და სერიოზული ქალიშვილია, ხანდახან ისეთ რამეს ჩაიდენს, ბავშვი გეგონება.

— რაო? ეს კიდეც რა ახალი ამბავია? — ვკითხე.

— გუშინ შოკოლადი მივუტანე. დავსხედით და ერთად დავიწყეთ ჭამა. ორი ცალი თავისი ხელით ჩამიდო პირში; შემდეგ მინდოდა მის-

თვის ერთი ცალი ჩამედო, მაგრამ თითზე მიკბინა და გაიცინა. სიცილიც განააკუთრებული აქვს. უცებ გაიცინებს და ასევე უცებ დადინჯდება. ამ დღეებში მუშტაიდში სასეირნოდ წავედით. დავეშვით მდინარის ნაპირზე. მდინარეში მოყიყინე ბაყაყებს ქვების სროლა დაუწყო. შემდეგ აიღო ქვა, სააროლად მოემზადა და თქვა: „ჩემს ხელს შეხედე“. შეეხედე. „რომელი ხელით ვისვრი?“ — მკითხა. „მარჯვენათი“, — ვუპასუხე. მან ხელი ძლიერად მოიქნია და ქვა პირდაპირ მდინარეში ისროლა. შემდეგ მკითხა: „ვერაფერი შენიშნე?“ „რა?“ — „განა ვერ შენიშნე, რომ მარჯვენა ხელს ცაციასავით ვხმარობ?“ და რადგან ვერ გავიგე, რას ნიშნავდა მისი სიტყვები, ასე ამიხსნა: ქალებს საერთოდ ხელის მარჯვე და ძლიერი მოქნევა არ შეუძლიათ. ისინი მარჯვენა ხელით ისე ისვრიან, როგორც მამაკაცები ცაციათი. მათი კუნთების ძალა, ბუნებით თუ აღზრდას გამო მოდუნებულია. ამიტომ არის, რომ ქალები, ჩვეულებრივ, უძლურნი არიან შური იძიონ თავიანთ შეურაცხველობებზე, როგორც ეს მამაკაცებს შეუძლიათ.

— კარგი, მაგრამ ქვის სროლას რა კავშირი აქვს ამ სიტყვებთან? — ვკითხე მე.

— რა ვიცი, — აიჩეჩა მხრები გარეგინმა და განაგრძო: — შემდეგ, მდინარის ნაპირიდან ზემოთ რომ ამოვედით და სკამზე დავსხედით, ქოლგის ბოლოთი მიწაზე რაღაც დახაზა და მკითხა: „ეს რა არის?“ — „ძალღია“, — ვუპასუხე. — „განა ძალღს ფეხები არა აქვს?“ — თქვა მან. — „შენც მიუხატე და ექნება“, — სიცილით ვუთხარი. ნახატი მოულოდნელად ჯერებით გადახაზა და თქვა: „ეს ძალღი კი არა, რევოლვერია“.

— რა?

— რევოლვერი.

არ ვიცი რატომ, მაგრამ ამან უფრო დამაინტერესა.

— კი მაგრამ, რატომ მაინცა და მაინც რევოლვერი დახატა?

— რა ვიცი! — მოკლედ და უზრუნველად მიპასუხა გარეგინმა.

— თვითონ არ აგიხსნა?

— არა. მხოლოდ მკითხა: „კაცის მოკვლა შეგიძლია?“

— როგორ თუ კაცის მოკვლა?.. რას ამბობ! — წამოვიყვირე გაოცებულმა.

— სიტყვასიტყვით გადმოგცემ, რაც ვილაპარაკეთ, ღმერთმანი! — დაიფიცა გარეგინმა ჩვეული გულწრფელობით.

— მერე რა უპასუხე?

— რა შემძლო მეპასუხა? გამიკვირდა. ვერც კი წარმომიდგენია, როგორ შეიძლება კაცის მოკვლა-მეთქი, ვუთხარი. სამხედრო სამსახურიც იმიტომ მივატოვე, რომ იქ ყოველდღე მაწამებდნენ შემადრწუნებელი მიზნით — კაცის მოკვლის ხელოვნებას მასწავლიდნენ. მე ხომ ბავშვობაშიც ვიმალებოდა ქათმის დაკვლისას. „ესე იგი, მხდალი ხარ“ — მითხრა მან. „თავგანწირვა, ჩემი აზრით, დიდი მამაცობაა, — ვუთხარი, სხვისი სიცოცხლის გადასარჩენად მეც მზადა ვარ ცეცხლში გადავეარდე. მაგრამ ვინმეს სიცოცხლე მოვუსპო? ეს ვაეკაცობა კი არა, საშინელებაა“. „მაგრამ ყოველგვარ მკვლელობას ხომ თავისი მიზეზი აქვს, — თქვა მან. — რასაკვირველია, ჩვეულებრივ ავაზაკებზე არ გეუბნები“. „არავითარი მიზეზი, — უპასუხე, რაგინდ დიდაც უნდა იყოს. მკვლელობა არ შეიძლება გაეამართლოთ, რადგან ადამიანი არსებობს, — ეს მე ვარ, შენ ხარ, ეს ის სისხლია, რომელიც ჩქეტს ღღეს ჩვენს ძარღვებში. ეს ის საოცარი ქვეყანაა, სადაც სიკვდილის შემდეგ ალარ შეიძლება დაბრუნება, ეს კი კაშკაშა მზეა, რომლის ქვეშაც უკანასკნელ ჭიანჭველასაც კი აქვს უფლება იცოცხლოს. კაცის მოკვლა კი ნიშნავს მზის ჩაქრობას“. აღფრთოვანებული ვიყავი და, სიმაართლე გითხრა, კარგად ვლაპარაკობდი, მით უფრო, რომ დიდი ყურადღებით მისმენდა და სულ თვლებში მიყურებდა.

გარეგინი ისე ცოცხლად ყვებოდა, მეგონა თითქოს მეც ვესწრებოდი მათ უცნაურ საუბარს.

— მომისმინე, — ვუთხარი, — არ ვიცი, ამაზე გიფიქრია თუ არა, მაგრამ ძალზე უცნაური ამბები კი მიაჩნდა.

— რა უცნაური ამბები? — ისეთი გაოცებით მკითხა გარეგინმა, რომ მაშინვე დავასკვენი, მართლაც სრულებით არ ეფიქრა ამაზე.

— განა უცნაურად არ გეჩვენება მისი სიტყვები, ქალებს საეროდ არ შეუძლიათო შური იძიონ თავიანთ შეურაცხმყოფელზე, როგორც ამას მაშაკაცები აკეთებენო. თან ისიც, რომ ჯერ რევოლვერი დასატა, მერე კი გკითხა: კაცის მოკვლა თუ შეგიძლიაო?

გარეგინმა გაიცინა.

— საოცრად ეჭვიანი კაცი ხარ, — თქვა მან. — ყველა წვრილწინაში რაღაც იღუმალებას ხედავ. საუბრის დროს საერთოდ ადამიანმა შეიძლება ათასი რამე თქვას, თან არც დაუკვირდეს, რა აზრი გამომდინარეობს აქედანო. რევოლვერი კი... ხელის შემთხვევითი მოძრაობით და-

ხატა. კატის ან ძაღლის მაგივრად რევოლვერის მსგავსი რაღაც გამოუვიდა. ჰოდა, ბუნებრივია, ამას მკვლელობაზე საუბარი მოჰყვა. აქ რა საიდუმლო შეიძლება იყოს. როგორც ვხედავ, საკმაოდ კარგი პროკურორი იქნებოდი, — დასძინა და ისევ გაიცინა.

მართალია, ეს ახსნა-განმარტება ვერ გავიგე, რადგან საჩაას უცნაურობა ვიცოდი, მაგრამ მაინც კეთილგონივრულად მივიჩინე საუბარი არ განმეგრძო. არ მინდოდა ამ მიაშიტი ახალგაზრდა კაცის გული მომეშხამა გაურკვეველი ეჭვით, რომელიც მისმა საიდუმლო ნაამბობმა აღმიძრა. თუმცა თავი მაინც ვერ შევიკავე და ცოტა ხნის შემდეგ, როგორც მეგობარმა, ვალად ჩათვალე კიდევ გამეფრთხილებინა საჩაასთან შეუღლებაზე, რადგან რაღაც შინაგანი ხმა განუწყვეტლივ ჩამძახოდა, უბედური იქნება, თუ თავის ცხოვრებას ამ ქალს დაუკავშირებსო.

გარეგინი ერთხანს მიტკეროდა საოცრად შესაბრალისი, თითქმის მავედრებელი თვალებით. შემდეგ კინალამ ატირდა.

— გთხოვ, გემუდარები, მიქაელ, გულს ნუ მიტეხ — მითხრა მტირალა ხმით და თვალებზე ცრემლის წვეთები აუციმციმდა. — მე მიყვარა, მიყვარს უსაზღვროდ. ის ჩემი პირველი სიყვარულია. ვალმერთებ. ნება რომ მომცეს, წინ სანთელს დაეუნთებდი, შუხლთ მოვიდრეკდი და კოცნას დაუწყებდი იმ მიწას, რომელსაც ფეხით ეხება. მასთან ყოფნისას თავს ისე ბედნიერად ვგრძნობ, მეშინია კიდევ, ვა თუ ოცნებაა ეს, მოჩვენება, რომელიც შეიძლება უცებ გაქრეს! მისი თავი... იცი, რა არის მისი თავი? მსოფლიოს არც ერთ მხატვარს ჯერ არ შეუქმნია ასეთი თავი, ჯერ არც ერთ მოქანდაკეს არ გამოუძერწავს ასეთი საოცრება. ჰქუას ვკარგავ, როცა წარმოვიდგენ, რომ უფლება მექნება მოგვხვიო ამ თავს, დავუკოცნო შუბლი, თვალები, ტუჩები, ჩემი სახე შევახო მის მშვენიერ თმას, დავცილდე? უპოვებია მითხრა ხელი ავიღო სიცოცხლეზე. მისი შეყვარების შემდეგ კი ისე მიყვარს სიცოცხლეც!..

გულის სიღრმიდან ამოსული ამ სასაცილო პათეტიკური სიტყვების შემდეგ რაღა დამრჩენოდა იმის გარდა, რომ ჰქუა აღარ დამერიგებინა და ალაღბედზე მიმეშვა, დე, ეს აშბავი თავისი გზით წასულიყო. ასეც მოვიქეცი, რადგან დავინახე, საქმე ნამდვილ შეყვარებულთან მქონდა, ვისთანაც კეთილი რჩევა და დარიგება არ გასჭირდა. ბოლოს იპაზეც კი დავეთანხმე, შენი მეჭვარე ვიქნები-მეთქი. უზომოდ გაეხარდა, მომვარდა, გადამეხვია და გაშმაგებული კოცნა დამიწყო.

ბოლო წუთამდე არ მჯეროდა, რომ ქორწილი გაიმართებოდა. ამის მთავარი მიზეზი ის უსიამო შთაბეჭდილება იყო, რომელიც ჩემზე საკრამ პირველი სტუმრობის დროს მოახდინა.

მაგრამ ქორწილი მაინც გაიმართა. ეს კი არა, ჯვრისწერის ღამეს სარას თავი ისე მოკრძალებულად ეკირა, ისეთი ნაღვლიანი, ჩაფიქრებული და მშვიდი სახე ჰქონდა, რომ სანიმუშო პატარძლად ჩათვლილით. გოცებული ვიყავი: სად გაქრა მისი სახის უკმეხი გამომეტყველება, მისი ნერვული, გაღიზიანებული საქციელი? მეჩვენებოდა, რომ ან რაღაც სასწაულით ხელახლა დაბადებულ იყო სარა, ან ჩემს წინ იდგა სულ სხვა ქალიშვილი, რომელიც მანამდე ნანახ სარას არაფრით მაგონებდა.

მხოლოდ ამ ღამეს, როცა საქორწინო თეთრ კაბაში ვიხილე, დავრწმუნდი, რა წარმტაცი იყო. „მისი თავი... იცი, რა არის მისი თავი?“. — უნებლიეთ გამახსენდა გარეგინის სიტყვები, როცა გაჩახჩახებულ სასტუმროში შევედი და ამ გამოუცნობი ქალიშვილის ფართო, ჩაფიქრებული, სპილოს ძვალივით თეთრი, მოელვარე შუბლი დავინახე. კეფაზე გადავარცხნილი, ქაფივით თეთრ ლეჩაქში გახვეული პატარძალი საუცხოო შავი თმით ის ფერია გახლდათ, რომლის წინაშე მართლაც უნდა მოგეყარა მუხლი და აღფრთოვანებულს ღვთიური მოკრძალებით სათაყვანებელი სიტყვები გეჩურობოდა. მხოლოდ ახლა გავიგე, და ამჯერად უკვე აღარ მეჩვენებოდა სასაცილოდ, თუ სიყვარულით ალტკინებულ გარეგინს რატომ უნდოდა სანთელი დაენთო მის წინაშე, თაყვანი ეცა და დაეკოცნა ის მიწა, რომელსაც მისი ფეხი ეხებოდა.

მაისის ყვავილების საუცხოო თაიგული მივართვი. ლმობიერა დიმილით მიიღო და თავის მსუბუქი დაქნევით მადლობა გადამიხადა.

იმ საღამოს გარეგინს რაღაც უცნაური შიში შევამჩნიე. ფეხისწვერებზე დადიოდა, ბევრს არ ლაპარაკობდა, წარამარა წითლდებოდა და ოფლში იწურებოდა, როცა სიმამრი მისთვის ჩვეული გულკეთილობით ხუმრობით რაიმე შენიშვნას მისცემდა. მაგრამ ამავე დროს თავის საცოლეს რაღაც ქურდული აღფრთოვანებით უყურებდა. ეტყობოდა, სარას ამდამინდელი მოკრძალება და განსაკუთრებით სილამაზე მისთვის რაღაც მოულოდნელი სიახლე იყო. იგი გაეთანგა იმ შეგნებას, რომ ეს მზეთუნახავი სამულდამოდ მას ეკუთვნოდა, მისი იყო და ამავე

დროს შიშობდა — ვაი თუ ყველაფერი ეს მოჩვენებაა, რაღაც ოცნება, როგორც ის ამბობდა, რომელიც შეიძლება მოულოდნელად გაქრეს. და მეჩვენებოდა, რომ სულის სიღრმეში თავს ასეთი ბედნიერების ღირსად არ თვლიდა.

ქორწილი ძალიან მოკრძალებული იყო. ასე მოისურვა სარამ. საპატარძლოს მხრივ დაპატივებული იყვნენ მათი უახლოესი ნათესავები, ხოლო ამხანაგებიდან ორი ქალი, მათ შორის ისიც, რომელმაც ეიულ სიმონის წიგნი წაიკითხა — ძალიან თამამი და ყბედი ქალიშვილი. იგი ხანდახან უადგილოდ გონებამახვილობდა და ხმამაღლა იცინოდა. სასიძოს მხრიდან მოწვეული იყო მისი ორიოდ ნათესავი ქალი და რამდენიმე თანამშრომელი, ისე რომ სულ ოციოდე სული თუ ვიქნებოდით.

ქორწილიდან ორიოდე კვირის შემდეგ, უფრო ცნობისმოყვარეობით, ვიდრე ზრდილობის ვალის მოსახდელად, ახლადდაქორწინებულ წყვილს ვესტუმრე (წინა დღით ჩემთან შემოველოთ, მაგრამ საუბედუროდ, შინ არ დავუხვდი).

გარეგინმა დატოვა მამისეული სევდიანი სახლი, დაქორწინებამდე რომ ცხოვრობდა, და ქალაქის ერთ-ერთ საუკეთესო და წყნარ უბანში, დიდი სახლის ზემო სართულზე საუცხოო ბინა დაიქირავა, საიდანაც მთელი ქალაქისა და შორეული მთების წარმტაცი სანახაობა იშლება.

ის-ის იყო მოახლემ შემეყვანა მისაღებ ოთახში, რომ შემოვარდა გარეგინი, უზომოდ გახარებული და მკვირცხლი, მომეხვია, ჩამკოცნა და ხელჩაკიდებული მაშინვე აივნისკენ წამეყვანა, სადაც ჩემს მოსვლამდე ახალგაზრდა ცოლთან ერთად ჩაის შეექცეოდა.

მოლოდინი არ გამიმართლდა. სარამ საკმაოდ ცივად მიმიღო. მაშინვე გავიფიქრე, უთუოდ გარეგინმა, თავისი წინდაუხედავი გულუბრყვილობით უაპბო, რა აზრი მქონდა მასზე ქორწინების წინ და რას ვურჩევდი. და ის მხიარული განწყობილება, რომელიც გარეგინისაგან გადმომედო მისი აურზაურით შეხვედრისას, მაშინვე გამეფანტა სარას ასეთი უგულო მიღების გამო. ვინანე, რატომ არ გავითვალისწინე ეს და არ გავაფრთხილე გარეგინი, არ გაემხილა სარასათვის, რაც მის შესახებ დაქორწინებამდე ვილაპარაკეთ. მაგრამ რაღა უნდა მექნა? ახლა,

როცა საქმე უკვე გათავებული იყო, ყოველნაირად უნდა მეცადა სარასათვის დამემტკიცებინა, რომ მე არა თუ შევიცვალე ჩემი აზრი, არამედ უზომოდ პატივს ვცემ და ძალზე მიხარია, რომ ჩემი მეგობრის მეუღლეა. საბედნიეროდ, ეს ძნელი არ აღმოჩნდა. შეყვარებულმა გარეგინმა, რომელიც თაფლობის თვის სიტკბოების ბედნიერებას განიცდიდა და აღტაცებული იყო, უნებურად ჩვენც ვადმოგვლო თავისი განწყობილება. სწორედ ამიტომ ჩემი და სარას ერთგვარი შემარიგებლის როლი შეასრულა.

— ხომ მოგწონს ჩვენი ბინა და ეს ხელი? — თქვა გარეგინმა და კავკასიონის მთაგრეხილი ისეთი სიამაყით მიჩვენა, თითქოს ეს ბინაც და ეს ხელიც მისი შემოქმედების ნაყოფი ყოფილიყო, — შეხედე, რა მოწმენდილი პორიზონტია, ღრუბლის ნაფლეთიც კი არა სჩანს, როგორ ბრწყინავენ ეს გოლიათი მთები თავიანთი თეთრი მწვერვალებით. თოვლი კი არა, თითქოს ვერცხლის უზარმაზარი ზვინია. სწორედ ახლა მე და სარა ვგეგმავდით, ამ ზაფხულს იმ მხარეების გავლით ჩრდილოეთში ვიმოგზაუროთ, იქიდან კი შეიძლება საზღვარგარეთაც წავიდეთ. შენ არ გაგივლია სამხედრო გზატკეცილი? რა საოცრებაა, რა სასწაული, რა შემაზრუნნი და მოპაჯადოებელი ეს უძირო უფსკრულეები, შიშის მომგვრელი მწვერვალები, რომლებიც ცად აღმართულან და ღრუბლებში იკარგებიან! ზემოთ ცაა, ქვევით უფსკრულში მიიკლაკნება მრისხანე მდინარე, რომელიც გაშჰაგებული ახმაურებს მიღამოს და გაცოფებულს ქაფი მოსდის პირზე. შუაში კი შენა ხარ, შენი მტვრიანი გზატკეცილით, გველივით რომ დაკლაკნილა და ამ უსასრულო აღმართ-დაღმართებს შემორტყმია.

— შენ პოეტი ყოფილხარ, — სიცოლით შევნიშნე და სარას შევხედე.

სარა ჩუმად იჯდა და კავკასიონის მთებისაკენ გაშტერებით იყურებოდა, მაგრამ მაინც შევნიშნე, რომ ჩემს ხუმრობაზე ოღნავ შესამჩნევი ღიმილი მოეფინა სახეზე.

— პოეტი! — წამოიძახა გარეგინმა. — ნუთუ გგონია, რომ მხოლოდ ის არის პოეტი, ვინც რითმიანი ლექსების წერაში ვარჯიშობს? ყველა, ვინც შეყვარებულია, აუცილებლად პოეტია. მე საერთოდ უმეტარი ვარ ლიტერატურის ისტორიაში, ძალიან ცუდად ვიცნობ ჩვენი პოეტების ბიოგრაფიებს, მაგრამ დარწმუნებული ვარ, საუკეთესო პოეტები უთუოდ ისინი არიან, ვისაც ჰყვარებია, რადგან სიყვარული...

ეტი, რა არის სიყვარული? სიყვარული... თუმცა, ამას ვერ გაიგებ, რადგან... იმის მიუხედავად, რომ სიყვარულზე სწერ, მაინც ნამდვილი სიყვარულის დასახატავად საქირია...

— შენსავით პოეტი გავხდე! — შევაწყვეტინე სიცილით და სარას ხელახლა შევხედე.

— დიახ, ჩემსავით უნდა გიყვარდეს, ჩემსავით! — ხაზი გაუხვა გარეგინმა, ახალგაზრდა ცოლისაკენ დაიხარა, მისი ხელი ნაზად აიღო და მხურვალედ დაუწყო კოცნა.

სარამ შემომხედა და ისეთნაირად გაიღიმა, თითქოს ამბობდა: „ხედავთ, როგორი დიდი ბავშვია?“ ამ უსიტყვეო მიმართვაში, ამ კეთილღიმილში დავინახე, რომ სარას გულში უკვე გამდნარიყო ის ყინული, რომელმაც თავდაპირველად ასე შემიბოჭა.

მაღე სარას გუნება იმ ზომამდე გაეხსნა, რომ ჩვენს საუბარში არა მარტო მონაწილეობდა, არამედ მეუღლესთან დამოკიდებულებაში გამონახა სწორედ ისეთი ტონი, როგორც მე: ნახევრად სერიაოზული, ნახევრად ხუმრობის, დამთმობი, რომელიც სიყვარულის ნიშანია, იმ უცოდველი სიყვარულის, რომელსაც უფროსები უმცროსების მიმართ ამჟღავნებენ. შეიძლება ითქვას, ასეთი დამოკიდებულების ნამდვილი მიზეზი თვით გარეგინში უნდა გვეძებნა, რომლის უსაზღვრო გულკეთილობა, ხალასი სული, გამამხნევებელი ყბედობა და მიაამიტი ფილოსოფიური შეხედულებანი ყოველთვის ასეთ დამოკიდებულებას იწვევდა ცოტად თუ ბევრად ჰკვიან მოსაუბრეში. მეჩვენებოდა, გარეგინი რომ ახლა აქ არ ყოფილიყო, მე და სარა ორ სიტყვასაც ვერ ვეტყვოდი ერთმანეთს, მაშინ, როცა მისი ჩვენთან ყოფნისას საუბარი რა საკითხს გინდა, რომ არ შეხებოდა.

რასაკვირველია, გარეგინის აღფრთოვანებას ხელს უწყობდა ჩემი მოსვლაც, მაისის მშვენიერი საღამოც და განსაკუთრებით ცოლის იქ ყოფნა, რომლის სილამაზითაც, როგორც შევნიშნე, ამაცობდა ჩემს წინაშე სულის სიღრმეში.

ამ საღამოს საშუალება კვლავ მომეცა დავრწმუნებულიყავი, რომ სარა ნამდვილად მზეთუნახავია, ერთი ლამაზმანთაგანია, რომელთა სახის თავისებური ნაკვთები პირველი ნახვითვე ღრმად ჩაიბიჯდება ადამიანის მეხსიერებაში. მოკლე, განიერსახელოებიანი იაპონური მსუბუქი საშინაო ხალათი ეცვა, საუტხოო ნაქარგით შემოქობილი. ზოგჯერ, როცა ხშირი თმის გასასწორებლად ხელებს ასწევდა, განიერა სა-

ხელოები ეკეცებოდა და უშიშვლდებოდა თეთრი, სწორი მკლავები, რომლებიც ბუსუსებით იყო დაფარული, თითქოს ოქროს მტვერი ჰქონდა დაფრქვეული.

მაგრამ მე უფრო მისი შინაგანი, სულიერი სამყარო მაინტერესებდა, ვიდრე გარეგნობა, სილამაზე. ვუყურებდი და ვცდილობდი ქმართან დამოკიდებულების მიხედვით გამომეცნო: დიდხანს გასძლებდა ამ „დიდი ბავშვის“ ხელში? თუშეცა ეს ახალგაზრდა ქალი ჩემთვის კიდევ გამოცანად რჩებოდა, მაგრამ მის ქმარს კარგად ვიცნობდი და სამწუხარო დასკვნა გამომქონდა. ქალს — სარა იქნებოდა ეს თუ სხვა ვინმე — შეეძლო შეებრალებინა, დაეყვავებინა და შეეყვარებინა გარეგინი ისე, როგორც შეიყვარებს უფროსი და უმცროს ძმას, მაგრამ არ შეეძლო დაკავშირებოდა მას ვნებიანი ქალური სიყვარულით, რადგან გარეგინს ყველა მის საბატო ღირსებასთან ერთად აკლდა ის უარყოფითი თვისებაც, რომ ქალში დაუოკებელი სიყვარული დაეცხრო — მამრობითი სქესის ყველაფრის დამთრგუნავი, ყველაფრის დამმორჩილებელი ნება — რაღაც ის, რაც ქალს მამაკაცში ყველა დადებით თვისებაზე უფრო უყვარს.

სანამ ამ ფიქრებში ვიყავი და ამ შეუფერებელ წყვილს ვუთვალავთვალე, უდარდელი და ბედნიერი გარეგინი ლაპარაკობდა. ლაპარაკობდა დაუსრულებლად, წისქვილის სარეკელასავით შეუჩერებლად.

აპასობაში ვერც კი შევნიშნე, ვხვებ როგორ ჩააქრო თავისი უკანასკნელი სხივები და ქვეყნაერების მკერდიდან წამოსულმა სიბნელემ ზევით აიწია. ვილაცის უხილავი ხელი თითქოს რუხ მარმაშს ჰტენდა ქალაქს და ეს მარმაში ყოველ წუთს უფრო და უფრო მუქდებოდა. აჰა, აჰა-იქ დაიწყეს ციმციმი პირველმა ნათურებმაც ჭერ მჭრქალად, შემდეგ, რამდენადაც სახლები წყვლიადში იძირებოდა, მათაც უჰატეს კაშკაშს. სანამ ქალაქი სწრაფად ებვეოდა შავ სამოსელში და თავის სახეს კარგავდა, ცა ჭერ კიდევ კარგა ხანს იყო განათებული დაისის მომკვდავი სხივებით.

ძალიან მინდოდა რამდენიმე წუთით მაინც მართლ დავრჩენილიყავი გარეგინთან, რომ სარაზე გამომეკითხა, მაგრამ არ მომიხერხდა. სარა განუწყვეტლივ ჩვენთან იჯდა და თუ მასპინძლობის თადარიგი მოსამსახურისათვის რაიმე ბრძანების მიცემას მოითხოვდა, ყოველთვის გარეგინი მიდიოდა. ხოლო საკმაოდ გვიან, როცა გამოსათხოვრად ავ-

დექი, სარამაც ქმართან ერთად მიმაცილა კარებამდე და მთხოვა, ხშირად გვესტუმრეთო.

მაგრამ ისე მოხდა, რომ ჩემი სურვილის წინააღმდეგ, მეტი ველარ შეეძელი მათთან მისვლა. რამდენიმე დღის შემდეგ სასწრაფო საქმეზე თბილისიდან მოულოდნელად წავედი და მთელი ზაფხული, თითქმის სამი თვე, არ ჩამოვსულვარ. როცა დავბრუნდი, პირველ საქმედ ჩემი მეგობრების ნახვა ჩავთვალე. მაგრამ მათი ბინა დაკეტილი აღმოჩნდა. მეზობლებმა მითხრეს, ახლად დაქორწინებული წყვილი ჯერ კიდევ ივნისში ქალაქიდან გაემგზავრა, მაგრამ საით, არ ვიცითო. მხოლოდ მაშინ გამახსენდა, ზაფხულში სამოგზაუროდ წასვლას რომ აპირებდნენ. ერთი თვის განმავლობაში რამდენჯერმე მივედი გარეგინის ბინაზე, მაგრამ კიდევ არ ჩამოსულიყვნენ. ვიყავი სახელმწიფო მამულების ადგილობრივ სამმართველოშიც. იქ მითხრეს, გარეგინმა დაქორწინების შემდეგ თავი დაანება სამსახურს და სად წავიდა, არ ვიცითო. ვიყავი სარას მამის სახლშიც, რომ მათგან მაინც გამეგო სად გაქრნენ ახლად-დაქორწინებულები და როდის დაბრუნდებოდნენ, მაგრამ იქაც მეზობლებისაგან მხოლოდ ის გავიგე, რომ ბალირიანი საცხოვრებლად ბათუმში გადაბარგებულიყო და იქვე საბაჟოში დაეწყო სამსახური.

ბოლოს და ბოლოს იძულებული გავხდი შემეწყვიტა ძებნა და ჩემი მეგობრები თითქმის კიდევ გადამავიწყდა, მაგრამ ბედმა ისევ ერთად შეგვყარა და ამჯერად ისე მოულოდნელად და იმგვარ ვითარებაში, რომ ყველაფერი, რაც მოხდა, აქამდე რალაც მძიმე კოშმარული სიზმარი მგონია.

მაგრამ ამბებს წინ არ გავუსწრებ, ყველაფერს თანმიმდევრობით გაიმბობთ.

ნაწილი მეორე

I

ნოემბრის ერთ ცივ ღამეს, როცა სამსახურიდან სახლში დავბრუნდი და ჩემი ლიტერატურული საქმიანობის გასაგრძელებლად საწოლ ოთახში შევედი (საწოლ ოთახში მუდამ თბილოდა და საწერი მაგიდა იქ გადავიტანე), უნებურად გაოცებული შევჩერდი: საწერ მაგიდაზე

ლაშა ენთო, საწოლში კი ვიღაც გულადმა იწვა და ხვრინავდა. ეტყობა, საბანი ჭერ დაეხურა, მაგრამ შემდეგ, ძილში, კედლისაკენ გადაეგდო. მარჯვენა ხელი საწოლიდან გადმოეკიდა. უილეტის ღილები გაეხსნა და ქვეშიდან გვერდზე საყელოშეკრული ლურჯი სატინის ხალათი მოუჩანდა. გაცვეთილსარჩულიანი ქურთუკი საწოლის თავზე ეკიდა. სტუდენტური ლურჯხოლიანი ქუდი ქურთუკის ქვემოთ, იატაკზე ეგდო. ცალ ფეხზე მაღალყელიანი სამგზავრო ჩექმა ეცვა, მეორე საწოლის წინ იდო. სკამზე ეგდო ბეწვის საყელოიანი ზამთრის პალტო, რომლის გაცვეთილი სარჩულიდან ალაგ-ალაგ ბამბა მოჩანდა თეთრად. ოთახის კუთხეში დამტვრეული და დაპყლექილი, თოკით შეკრული დიდი ჩემოდანი იდგა.

გამიკვირდა. მივუახლოვდი, რომ კარგად მენახა, ვინ იყო ანე მოურიღებლად და თამამად ჩემს ოთახში მოკალათებული დაუპატიჟებელი სტუმარი. ძალიან ხშირი და შავი მბზინავთმიან, გაუპარსავ, სავსე პირისახის, სქელწარბება, არწივისებურ ცხვირიან ამ ახალგაზრდა კაცს სულ არ ვიცნობდი. სამზარეულოში მსახური გავაღვიძე და გამოვკითხე. მისი ნაპძინარევი, ნაწყვეტ-ნაწყვეტი სიტყვებიდან გავიგე, რომ დაუპატიჟებელი სტუმარი შებინძურებისას ვიღაც სხვა ბატონთან ერთად ეტლით მოსულა. ის ბატონი იმავე ეტლით გაბრუნებულა, ხოლო სტუმარი თავის ჩემოდნით შემოსულა, ვუკითხივარ, საქმელი მოუთხოვია და რაკი არაფერი მიუღია, ტანისამოსი გაუხდია, ლოგინში ჩაწოლილა და დაუბარებია, როცა მასპინძელი მოვა, გამაღვიძეთო.

საწოლ ოთახში დაგბრუნდი და მძინარე სტუმრის სახე ხელახლა შევათვალიერე. დიდხანს ვიგონებდი ჩემს ძველ ნაცნობებს, რომ რომელიმე მათგანისათვის მიმემსგავსებინა ჩემი დაუპატიჟებელი სტუმარი, მაგრამ ამაოდ.

სანამ მის წინ ვიდრეკი და მეხსიერებას ამაოდ ვძაბავდი, იგი, პირვადებული, ისე ხმამაღლა განაგრძობდა ხვრინვას, რომ მიკვირდა, საკუთარი ხვრინვისაგან მაინც რატომ არ ეღვიძება-მეთქი. ზოგჯერ ხვრინვას შეწყვეტდა და ისეთი ხრიალი აღმოხდებოდა ღია პირიდან, თითქოს იხრჩობაო.

ხელი ფრთხილად შევახე მის მხარს, იმიტომ კი არა, რომ გამომეღვიძებინა, მხოლოდ მისი აუტანელი ხვრინვა მინდოდა შემეწყვიტა. ჩემი ხელის შეხებისთანავე რაღაც გამშავებით წამოიყვირა, შერე გაჩუმდა, შეიწყდა, თვალები გაახილა და ღრმა ძილიდან უეცრად გაღვი-

ქებული ადამიანის უაზრო გამომეტყველებით შემომაცქერდა. მერე მიმოიხედა და ისევ მომაჩერდა.

— მარქარიანი ხარ, არა? — ჩახლეჩილი ხმით მკითხა.

არ მიპასუხია. ახლა, როცა დიდი, შავი თვალები გახელილი ჰქონდა, თითქოს მეცნაურა მისი სახე.

ფეხები საწოლიდან ჩამოუშვა და ცნობისმოყვარეობით შემომხედა.

— მიქაელ მარქარიანი ხარ რაღა, სწორედ ისა ხარ! — დინჯი კილოთი წარმოთქვა, ადგა, მომეხვია და ტუჩებში მაკოცა: — მაგრამ ეს რაა, უკვე ბერდები? ქალარა შეგპარვია.

— მაპატიეთ... მე... — წავილულულე მისი მოულოდნელი მეგობრული ქცევით გაოცებულმა, რადგან ჯერ კიდევ ვერ გავიხსენე, ვინ იყო.

— ვაჰ, ვერა მცნობ? — გულწრფელი გაოცებით წამოიძახა მან, — თუსიანი ვარ, რუბენ თუსიანი.

— ეშმ...

— ჰო, ჰო, სწორედ ისა, ეშმაკის ფეხი, — მაშინვე გააგრძელა ჩემი სათქმელი.

შუბლზე ხელი შემოვირტყი. ახლა გამახსენდა, რომ ერთ დროს, დიდი ხნის წინათ, სკოლის ამხანაგები ვიყავით და ჩვენს წრეში თავის სიცუღლუტისა და ოინების გამო ამ მეტსახელით იყო ცნობილი.

— რაკი მიცანი, მოდი, ერთხელაც ვაკოცოთ ერთმანეთს.

თუშეცა ვცდილობდი მოვრიდებოდი, რადგან პირიდან თამბაქოს მძიმე სუნნი ამოსდიოდა, ხელახლა მაკოცა ტუჩებში და ისევ საწოლზე დაჯდა.

— როგორ გამოცვლილხარ, — ვთქვი მხოლოდ იმიტომ, რომ რაღაც მეთქვა.

— ოჯახაშენებულო, აბა ამდენი ხნის განმავლობაში კაცი არ შეიცვლება? მით უფრო აღმოსავლეთის ადამიანი, რომელსაც დღეს ბალანიც არ ამოსვლია სახეზე, ხვალ კი, ერთიც ვნახოთ, დათვივით გაბურძმვულა. შენ ეს მითხარი, როგორა ხარ, რას აკეთებ?

არ დაუცადა ჩემს პასუხს — როგორ ვიყავი ან რას ვაკეთებდი, ისევ მკითხა:

— რომელი საათია?

საათს დავხედე, თერთმეტი იყო.

— ოპო, კარგად გამომიძინია, აი! გმადლობთ, თბილისი ოთახი გქონია. გზაში ძალღივით გავეითო შე. აქამდე სული ძლივს მომყვა. ვლადიკავკაივიდან სატვირთო ფურგონით ჩამოვედი. ძვლები სულ დამელეწა.

დაამთქნარა, ხელები კისერზე შემოიჭდო, თითები ერთმანეთში გადახლართა და მთელი სხეულთ ისე ძლიერად გაიზმორა, რომ თითების სახსრებსა და კისრის ძვლებს ტკაცა-ტკეუცი შეუდგათ.

— ამ უპატრონო კოჭრმაც რომ სული ამომხადა! — თქვა, იატაკიდან ჩექმა აიღო და ტკივილისაგან სახემოგრებილმა კენესით დაიწყო ჩაცმა. შემდეგ ადგა, კოჭლობით წამოვიდა და წინ გამიჩერდა.

— აი, რას გეტყვი, მარქარიან. ვიცი, სულაც არ გესიამოვნება, მაგრამ გინდა თუ არა, შენი სტუმარი ვარ. დიდხანს არა, რამდენიმე დღით მხოლოდ, ვიდრე სახლიდან პასუხი მომივა. ისე გამოვიფხაკე, ფეხებით რომ დამკიდო, გროში არ გამოშვარდება ჭიბიდან. რა ექნა: აბა იანგარიშე — პეტერბურგიდან თბილისამდე სამგან ავიღე ვალი, ამის გარდა, ოქროს საათიც დავაგირავე. შინ მივდივარ. მამაჩემი კვდება, მოქწერა, ცოცხალს მომიწარიო, ფული კი არ გამოუგზავნია. სარუმიანი რომ არ შემხვედროდა, — გაანაოვს, როგორ ვატარებდი სკოლაში, — ის რომ არ შემხვედროდა, იძულებული ვიქნებოდი დაჰე ქუჩაში გამეთია. მითხრა, ჩასიძებული ვარ და მელხერხულეა ჩემთან წაგიყვანო, მოკლედ, თავიდან მომიშორა და შენთან წამომიყვანა. ხომ ხედავ, მე არა ვარ დამნაშავე, თუ გეწყინა, მას დააბრალე.

— რატომ უნდა მეწყინოს?

— აბა რა ვიცი! ხომ იცი, ცოტა თავზედი კაცი ვარ, ახლა ხომ არ გამიცანი. სარუმიანს ფული ვესესხე, არ მომცა. არა მაქვსო, მითხრა. მატყუებდა, ის გაიძვერა. მაგრამ იძულებული იყო ეტლის ფული მაინც გადაეხადა.

ამ სიტყვებით პირსაბანთან მივიდა და პირას ბანა დაიწყო. სახის წმენდით მომიახლოვდა, ხელახლა წინ გამიჩერდა.

— ახლა იცი რა, მარქარიან. გამოძინებით კი გამოვიძინე, მაგრამ ძალღივით მშობია. ცოტა რამეს რომ მაჰმევედ, მამაშენს ღმერთი აცხონებს.

ვუთხარი, ჩვეულებრივ შინ არ ვვახშობ, ამიტომ სახლში საკმელი არაფერი მაქვს, მალაზიებიც ამ ღროს დაკეტილია, რომ საკმელი მოვატანინო-მეთქი და უახლოეს სასადალოში წასვლა შევთავაზე.

— კლუბში მინდოდა გამეველო, მაგრამ არა უშავს. კლუბი შორსაა, თანაც გვიანია და იქნებ აღრე დაძინება გინდა. წავიდეთ სასადილოში! პირსახოცი სკამზე დააგდო, ყილეტი სწრაფად შეიკრა, ქურთუკი ჩაიცვა, უბის ჭიბიდან სავარცხელი ამოიღო, თმები, წარბები და უღვაშები დაივარცხნა, თვალებით ქუდი მოძებნა, იპოვა, დაბერტყა, დაიხურა, პალტო ჩაიცვა და გარეთ გამოვედით.

II

გზაზე მკლავი გამიყარა და ისეთი ტკბილი საუბარი გამიბა, იფიქრებდი, ჩემზე ახლობელი, გულითადი მეგობარი არ ჰყავსო. მართალია, ოდესღაც სკოლის ამხანაგები ვიყავით, მაგრამ ეს ისე დიდი ხნის წინათ იყო, რომ არა მარტო დამავეიწყდა, არამედ ახლა, როცა კვლავ შევხვდი, არავითარ სიახლოვეს არ ვგრძნობდი ჩვენს შორის. ამიტომ მისი შინაურული ქცევა თავდაპირველად საკმაოდ უცნაური და არასასიამოვნოც კი მეჩვენა, მაგრამ შემდეგ, როცა მისი ხასიათი თანდათანობით ნათელი გახდა ჩემთვის, ამ ხასიათის ერთმა მხარემ — თუმცა უარყოფითმა — თითქოს კიდევ მომხიბლა. ეს მხარე უტიფრობამდე მიასული და ზომამზე მეტი თავხედობა იყო, ისეთი, დაუღვევარ ბავშვებს რომ სჩვევიათ. მეგონა, შეუძლია ჩაიდინოს უდიდესი სისაძაგლაც, უდიდესი სიკეთეც და ორივე შემთხვევაში იმოქმედებდა ანგარიშმიუცემლად, აღამიანივით, რომელიც მხოლოდ წუთიერი განცდების ზეგავლენით მოქმედებს.

— ქუღზე გატყობ, სტუდენტი ხარ. რა ხელობას სწავლობ? — კკოთხე.

— ყველაფერს ერთად, ესე იგი, მიჯნურობას, ლოთობას, ბანქოს თამაშს, თეატრალურ-საცირკო-კულისურს, საბირჟოს, ტოტალიზატორულს... რაც გინდა, ყველაფერს! — ჩამოთვალა თუხიანმა. სულ არ ემჩნეოდა, რომ ხუმრობდა. იგი ხუმრობის დროსაც იმ ტონით ლაპარაკობდა, როგორც სერიოზული საუბრისას. — ამ ქუღმა, რომელსაც ჩემს თავზე ხედავ, — განაგრძო მან, — დიდხანია დამტოვა. მაგრამ ახლა განგებ დავიხურე, რომ შამას ვაჩვენო, ისევ სტუდენტი ვარ-მეთქი, თორემ გროშსაც არ გამომიგზავნის, თუ, რაპაკვირველია, მართლა სულთმობრძავი არ არის.

— აბა, რაღას ზიხარ პეტერბურგში? — გაავარძელე გამოკითხვა.

— იმიტომ, რომ სულ არ ვაპირებ ბერად შედგომას. როცა ვაგრძნობ, რომ ერთი ფეხი უკვე საპარეში მიდგას, მაშინ კელავ მოვალ ამ თქვენს ძველდართა ქვეყანაში ღვთისათვის სულის მისაბარებლად.—გაიხედ-გამოიხედა,—ჯერ შუალამეც არაა, ქუჩა კი ისე დაცარიელებულა, თითქოს ყველა სახლში მიცვალელებული ესვენოს. და ეს შენს ქებულ კავკასიის ღედაქალაქში ხდება, ხოლო თუ ჩვენს კურთხეულ სამაზრო ქალაქში მოხედები, ნახავ...

სასადილო, რომელშიც შევედი, ცარიელი იყო. მებუფეტეს წინ საანგარიშო ედო და ანგარიშობდა. ერთ მომტანს მაგიდაზე ჩაეჭინდრა თავი. მეორეს ფეხი ფეხზე გადაედო, მხარზე ხელსახოცი გადაეგდო, კედელს მიყრდნობოდა და ჯამთაყვანებული სახით კარისაკენ იყურებოდა. ეტყობა, ცდილობდა ძილს მორეოდა.

— აი კიდევ ერთი საბუთი, რომ მკვლართა სამყაროში მოვხვდი, — თქვა თუსიანმა და ფართო, ცარიელ დარბაზს თვალი მოავლო. — რესტორანი, ღამე და ტორიჩელის სიცარიელე. არც ერთი სულიერი, არც მუსიკა, არც თამბაქოს ბოლი. დიდებულია!

ერთ-ერთ მაგიდას მივუახლოვდი. თუსიანმა ვახშამი შეუკვეთა მომტანს, რომელიც ზანტად მოგვიახლოვდა, თან წაჰდაუწუმ მომმართავდა: „მე ბიფშტექსს ვკვამ, შენ?.. კონიაკს არ დალევე? მე ერთ სირჩას გადავხზხავ“ და სხვა. კონიაკი ერთბაშად გადაჰკრა. სანამ ბიფშტექსს მოიტანდნენ, ცივად მოხარშულ ხორცს მშვიერი მგელივით ეცა. ბიფშტექსმაც ვერ გააძლო და ისევ ხორცი მოითხოვა. ბოლოს ყველაფერ ამას ერთი ბოთლი წითელი ღვინო დააყოლა. შემდეგ პაპიროსი მოითხოვა და შემომთავაზა — შენც მოსწიეო. უარი ვუთხარი, არ ვეწეოდი.

— რა კაცი ხარ? — მითხრა. — აოც ეწევი, არც სვამ, არც მადლიანად ჰვამ, შენთან ქეიფი არ შეიძლება.

ცარიელ ბოთლზე დანით დააკაკუნა და ერთი ბოთლიც მოითხოვა.

— გინდა გითხრა, რაზე ფიქრობ ახლა? — მკითხა, როცა დაინახა, რომ გაჩუქებული მივჩერებოდი.

— რაზე?

— ფიქრობ: ეშპაკმა დალახვროს! ეს არამზადა ჩემი სტუმარია და შეკვეთებს კი თვითონ აძლევსო! ხომ ასეა?

გამეცინა.

— აი, ხომ ხედავ, არ შევმცდარეარ. — სერიოზულად დაუმატა თუსიანმა, — რაც გინდა, ისა თქვი, მაგრამ ჩვენი ცხოვრება საუსეა

უაზრო ჩვეულებებით! ამგვარ ჩვეულებათა რიგს უნდა შივსკუთვნოთ, ერთის მხრივ, სტუმრობისა და, მეორეს მხრივ მასპინძლობის ცერემონიები. ერთის მხრივ, არ მინდა — ჯიბეში ჩამიდევ, მეორეს მხრივ, გააძოს — შხამად შეგერგოსო. პირმოთნობაა, ხომ ასეა? პირმოთნობას კი ჩემზე დაუძინებელი მტერი არ შეიძლება ჰყავდეს. ერთადერთი, რითაც შევიძლია ვიამაყო, ის არის, რომ არავისი და არაფრისი მრცხვენია, რადგან ზრდილობა, მოკრძალება, სირცხვილი და ამის მსგავსი რამეები, ეგრეთ წოდებული სათნოება შენიღბულ ფარისევლობად მიმაჩნია. ყველა ეს ხალხის მოგონილია თავისი შინაგანი სიბილწის დასაფარავად. ეს იგივეა, ნაგვის გროვა ხავერდით დაფარო. შიშველი ბავშვი ყირაზე გადადის და ისე გამოაჩენს მთელ თავის ავლადიდებას, არავისი რცხვენია. რატომ? იმიტომაო, იტყოდა შენ, რომ მასში ჯერ კიდევ არ გაულვიძია სირცხვილის გრძნობასო. მე კი ვიტყვი, — იმიტომ, რომ მისი სული ჯერ კიდევ არ შერყვნილა. მხოლოდ გარყვნილი სული გრძნობს სირცხვილს.

— საიდან გამოჩხრიკე ეს აფორიზმები? — შევნიშნე ღიმილით.

მან ცალი ხელით ღვინიანი ჭიქა ტუჩებთან მიიტანა, მეორეთი თავის შუბლზე მანიშნა და ამით გამაგებინა, თვითონ მოვიფიქრეო.

— იცი რა, მარქარიან, — მითხრა. ჭიქა რომ გამოცალა და ყველი და პური დააყოლა, — ხანდახან სასარგებლოა, კაცმა ჭკუას ძალა დაატანოს. ისეთ რალაცას აღმოაჩენს საკუთარ გოგრაში, რომ პირდაპირ საოცარია. ამის გარდა, ყურადღება თუ მიგიქცევია, სმის დროს კაცი ფილოსოფოსდება. მე საერთოდ დიდად არ მეპიტნავენა ფილოსოფია. ერთი პოეტისა არ იყოს „*плённой мысли раздвужения*“, — მაგრამ მაინც ნაწილობრივ ფილოსოფოსი ვარ, ასე ვთქვათ, ეპიკურეს მიმდევართაგანი და ამ ჩემი ფილოსოფიური ტვინით უდიდეს სულელებად მიმაჩნია ის ადამიანები, რომელთაც აწმყო მომავლისათვის მსხვერპლად მიაქვთ. ერთი ამხანაგი მყავდა, ძალიან ბეჭითი სტუდენტი, მაგრამ საკუთარ ტყავში მაგრად გახვეული, ფუჭი თხილივით ჩაკეტილი, კბილით რომ ვერ გატეხ. ჯიბეში მანეთიც რომ ჰქონოდა, გინდ მოგეკლა, კაპიკსაც ვერ დაახარჯინებდი. მულამ მზად ჰქონდა პასუხი: ახლა რომ დავხარჯო, ხვალ მშიერი დავრჩებო. ის კი ავიწყდებოდა, რომ შიმშილით იქნებ ხვალამდეც ვერ მიელწია. მე პირიქით: გამიტენე ჯიბედღეს ფულით, ხვალ კაპიკიც აღარ შექნება. გრამატიკიდან მომავალი

დრო უნდა ამოიშალოს. მომავალი არ არსებობს, რადგან იგი უცნობია, ხოლო რაც უცნობია, ცხადია, სისულელეა იფიქრო და იზრუნო მასზე. ხვალინდელ დღეზე მხოლოდ ლაჩარი ფიქრობს, მხოლოდ ის, ვინც დარწმუნებული არ არის საკუთარ ძალაში.

იხევ აივსო კიქა და რაკი შენიშნა, კიქა წინ იხევ სავსე შედგა, წამოიძახა:

— დალიე, კაცო! შენც იმ ლაჩრების რიცხვს ხომ არ ეკუთვნი, ახლა რომ გეუბნებოდი? გეშინია, ვაითუ დაეთვრე, და ხვალ ვეღარ ვიძუშაო.

— სწორედ გამოიცანი, — შევნიშნე ღიმილით.

ტუჩებთან მიტანილი ღვინით სავსე კიქა ისევ მაგიდაზე დადგა და ძალიან სერიოზულად აღაპარაკდა:

— მისმინე, მარქარიან! ჩემი რჩევა შენ არ დაგიჯდება ჰქუაში, მაგრამ მაინც გირჩევ: არასოდეს იფიქრო ხვალინდელ დღეზე, თუ არ გინდა მთელი სიცოცხლე მოაშხამო. რა არის ცხოვრება? ან უფრო სწორად რომ ჩამოვყავალიბოთ, როგორი უნდა იყოს ცხოვრება იმ უბედური მოკვდავისა, რომელსაც სახელად ადამიანი ჰქვია! წუთიერი სიამოვნება, და წამების სასიამოვნო ჯაჭვი, სანამ არ მიადგება გარდუვალ მიჯნას, რომლის იქით ნირვანას სამფლობელოა. ეჰ, რაღაც უცნობი ანგარიშების გამო თუ ამქვეყნიურ სასიამოვნო წუთებით დატკობას უარყოფ, რისთვისღა ცხოვრობ? კეთილგონიერებისათვის? ვერ ვიტან ამ სიტყვას. ხესავით ბლაგვი და უგემურია, ამიტომ მთელი აზრებით მძულს. ეს კეთილგონიერება კი არ არის, მარადიული შიშია გულის კარნახის, ადამიანის ბუნების წინაშე — მზადა ხარ თავი შეიკავო, როგორც ძუნწებს სჩვევიათ, ყველაფერზე ხელი აიღო, მაგრამ უცებ გაიხედავ და აღარა ხარ... ნირვანა. ასეთი ცხოვრება სხვა არაფერია, თუ არა დაუსრულებელი დიდმარხვა აღდგომის გარეშე. სიკვდილის გარდუვალობა ჰქვიანი კაცისათვის მუდამ გეზის მიმცემი უნდა იყოს, როცა საქმე სიამოვნებით დატკობას ეხება. დღეს თუ არა, ხვალ სიკვდილი გველის, განა ასე არ არის? ჰოდა, თუ ასეა, რად არ უნდა ვისარგებლო სიცოცხლით, რატომ არ უნდა გავაკეთო, რაც გულით მინდა, რაც ამ წუთს შემიმძლია გავაკეთო? ჯერ ვისიამოვნებ, შეპდეგ, ჯანდაბას, რაც მოხდება, მოხდეს, შენ იტყვი, ეს ანარქიზმი! არა, ეს თვით ცხოვრების ფილოსოფიაა. უძველესი ფილოსოფოსებიდან ყველაზე ჰქვიანი, ჩემი აზრით, ეპიკურეა: ეცადე მიიღო ცხოვრებისაგან

ყველაფერი, რასაც შეუძლია სიამოვნება მოგანიჭოს და არაფერზე იფიქრო. ღმერთმა აცხონოს!

თუსიანმა კიქა გამოცალა.

— სკდები, — ველარ მოვითჳინე და შეენიშნე, — ეპიკურე ასეთ რაჳეს არ ჳადაგებდა. შენ მხოლოდ იმეორებ იმ მცდარ შეხედულებას, მის ფილოსოფიაზე რომ არსებობდა და რომლის წყაროც სტოიკოსების ცილისწამებაა. როგორც ცნობილია, სტოიკოსები ეპიკურეს მოწინააღმდეგენი იყვნენ და მისი ფილოსოფიის შესახებ ყოველგვარ ჳორებს ავრცელებდნენ, მისთვის სახელი რომ გაეტეხათ.

— ეს როგორ? — გაუკვირდა თუსიანს.

— აი როგორ. ცოტა მაინც რომ დაინტერესებულყავი ფილოსოფიის ისტორიით, გაიგებდი, რომ შენი მოწონებული ფილოსოფოსი სავსებით იმის საწინააღმდეგოს ლაპარაკობდა, რასაც შენ აღიარებ და მისდევ. იცოდე, თვით ეპიკურე ძალიან თავმდაბალი ადამიანი იყო, ჩვეულებრივ საჳქმელს მიირთმევდა და მხოლოდ წყალს ჳევამდა. თავის მეგობრებს რომ იღებდა, იმ ბალის შესასვლელს ეწერა: „თუ გინდათ სასიამოვნოდ გაატაროთ დრო — შემოდით, თჳვენ აჳ დაგხვდებით ჳერის პური და სუფთა წყაროს წყალი“. შენ კი ნაირ-ნაირ საჳმელს მიირთმევ და საერთოდ იმდენს ჳამ და სევამ, ლამის მეც გადამყლაპო. ეს, ასე ვთჳვათ, ფიზიკური, ხორციელი მხარეა, რაც შეეხება მორალურს...

— თუ ღმერთი გწამს, დამაცა, მარჯარიანი! — უცბად მთელი ტანით წინ გაღმობინიქა თუსიანი, — მართებული შენიშვნის გამო ეჳსტრად ვჳვამ შენს სადღეგრძელოს. მართალია. ეს ლხინი, ცოტა რა იყოს, ძვირი დაგიჳდება, მაგრამ უნდა მაპატიო ჩვენი ძველი მეგობრობის განახლებისათვის.

თჳვა ეს, ხელახლა დაისხა ღვინო, გადაკრა, ენა გააწლაკუნა და, იღაცებით მაგიდაზე დაყრდნობილი თვალებში შემომამცჳერდა.

— ჳო, ეს ხორციელ-ფიზიკური. მერე?

— რაც შეეხება მისი მოძღვრების სულიერ, მორალურ მხარეს. ესე იგი, მისი მოძღვრების არსს, — განვავრძე მე, — მართალია, ეპიკურე, წინააღმდეგ სტოიკოსებისა, ამტკიცებდა, ბედნიერება სიამოვნებაშიაო, მაგრამ სანამ მას იგემებდა, ძალიან მჳაცრად იკვლევდა შესაძლო შედეგებს, რადგან ამბობდა: არის სიამოვნებანი, რომელთაც სიმწარე მოაჳვთო. აი, მაგალითად, ამ წუთში შენ ღვინოს სევამ და გსიამოვნებს, მაგრამ ორივემ ვიცი, რომ ხეალ ჳთელი დღე ცულ გუნებაზე იქნები.

— თავი მეტყინება? მაგაზე ნუ სწუხარ, ამ მხრივ დაზღვეული ვარ, კარგა ხანია მივეჩვიე ღვინოს.

— მით უარესი. თუ ყოველი სიამოვნება ჩვეულებად გადაგქცა, ეს ნიშნავს, რომ სიამოვნებას დაუქარგავს თავის მიზანი — სიტკბოების ან, როგორც ეპიკურე იტყოდა, ბედნიერების ძალა. სწორედ ამ მიზნის მისაღწევად და გასაძლიერებლად იყო, ეპიკურე რომ ქადაგებდა თავშეკავებას და არა აღვირაზსნილობას, როგორც შენა გგონია. ხომ ცნობილია, რომ თავშეკავების შექმნე სიამოვნების ჯანცდა უფრო ძლიერია. უწინარეს ხვალე, ვიდრე ღღეს, უწინარეს მომავალი, ვიდრე ახლა — აი ეპიკურეს მოძღვრების ნამდვილი აზრი, ესე იგი სავსებით საწინააღმდეგო შენი შეხედულებებისა.

— ჯანდაბას მისი თავი! — წამოიძახა თუსიანმა. — არ გგვონოს, შეგედავო. არ გეკამათები. მაგრამ ნება მიბოძე გითხრა, რომ არ მომეწონა შენი ეპიკურე და არც შემიძლოა მომეწონოს, რადგან თავშეკავებას, სიფრთხილეს და მარხულობას ბერობის სუნი ასდის, ხოლო ბერსა და ბერობას ჩემზე დიდი მტერი არ შეიძლება ჰყავდეს. მაშასადამე, ნუ მიწყენ, მარქარიან, შენი მქვერმეტყველური აზსნა-განმარტების მიუხედავად, არ მივატოვებ ჩემს ეპიკურეს და მისი სულის მოსახსენებელს ვსვამ.

უკვე მთვრალი იყო, მაგრამ სმას განაგრძობდა, როგორც ჩანს, იმიტომ კი არა, რომ უნდოდა, მხოლოდ იმიტომ, რომ, როგორც თვითონ თქვა, სმა ჩვეულებად გადაქცეოდა. სვამდა და სწევდა პაპიროსს, სწევდა და სვამდა, წუთითაც არ ასვენებდა ენას. მოთმინებით ველოდი, სანამ კიდევ ერთ ბოთლს გამოცლიდა. შემდეგ მითხრა გადამეხადა და, როგორც იქნა, სასადილოდან გამოვედით.

— ახლა იცი რა, მარქარიან, — მითხრა ენის ბორძიკით და მკლავში ხელი გამიყარა, რადგან ფეხი ეშლებოდა, — მე დილამდე სმას ვარ მიჩვეული, მაგრამ, შენ, როგორც ჩანს, პურიტანელის ხასიათი გაქვს. ეს რომ არა, ამდენი ჭამა-სმის შექმნეგ შემოგთავაზებდი პატარა ექსკურსია მოგვეწყო ერთი ადგილისაკენ...

შევაწყვეტინე და წუნარად. მაგრამ სერიოზულად, მტკიცედ განვუცხადე, რომ ექსკურსიას ჩვენ სახლისკენ მოვაწყობთ, სადაც ამდენი ჭამა-სმის შემდეგ შენ მშვიდად დაწვიბი და დაიძინებ-მეთქი. ლოგინი სასტუმრო ოთახში გავუშალე, მაგრამ კიდევ დიდხანს არ დამაძინა მთვრალი კაცის ყბედობით.

დილით საკმაოდ გვიან აღგა, პირის ბანას და თავისთავის წესრიგში მოყვანას ბევრი დრო მოანდომა. ჩაის წინ კონიაკი მოითხოვა და შეგშურდებოდათ, ისე მადიანად ისაუზნა. სამსახურში მეჩქარებოდა. ავდექი, წაასაველვალ მოვეშხადე. მას კი დაეუბარე, სად და როდის ვსადილობდი და შევთავაზე ჩემთან შემოველო, რომ ერთად გვესადილა.

— ეს თავისთავად, — თქვა მან, — მაგრამ მე ფული მჭირდება: უპირველეს ყოვლისა, სახლში მიინდა დეპეშა გაეაგზავნო, რომ ფული გამომიგზავნონ, თორემ თბილისიდან ფეხს ვერ მოვიცვლი. ამის გარდა, აბანოში უნდა წავიდე, გზაში საშინლად გავტუქყიანდი, მესამეც, ცოტა გარეგნულადაც უნდა მოვწესრიგდე, თორემ ასეთი ჩაცმულობით ხალხში ჩემი გამოჩენა არ შეიძლება.

და თავის კოსტუმზე მიმითითა, რომელიც დღის სინათლეზე მართლაც ძალზე უბადრუკ შთაბეჭდილებას ტოვებდა.

— კაცმა რომ თქვას, არცთუ ისე ბევრი ფული მინდა, — დასძინა, — ერთი ათი-თხუთმეტი მანეთი რომ მომცე, მეყოფა, ერთ ან ორ ხალათს და ყელსახვევს ვიყიდი, სხვა არაფერი მინდა, ჩემოდანში კი ცოტად თუ ბევრად ხეირიანი კოსტუმი მაქვს, ნუ გეშინია!

რამდენიც მთხოვა, მივეცი და წავედი, ის კი საუზმის დასაწყთავრებლად დავტოვე.

სადილობისას დათქმულ ადგილზე ველოდე. მაგრამ არ გამოჩენილა. იმ დღეს არც ღამის გასათევად მოსულა. მსახურმა მითხრა, დილით თქვენი წასვლის შემდეგ ისიც ჩქარა წავიდა, შემდეგ რამდენიმე საათში დაბრუნდა, კოსტუმი გამოიცვალა და ისევ წავიდაო. არც მეორე დღეს გამოჩენილა, მოვიდა მხოლოდ მესამე დღეს, ღამით, ძალიან გვიან, მე ჭერ არ მეძინა, ყმუშაობდი.

გარეგნულად სავესებით გამოცვლილიყო. ეცვა მშვენიერი ქსოვილისაგან საუცხოოდ შეკერილი შავი პიჯაკი, ფერადი მბზინავი ყილეტი, გაპრიალებული, ცხვირმახვილი და ღილებიანი წაღები, ახალი პერანგი ძალიან მაღალი სპილოსძვლისფერი საყელოთი. კისერზე სისხლივით წითელი ყელსახვევი შემოეხვია, რომლის ნასკვზე, ეტყობა, ნამდვილი ბრილიანტის ქინძისთავი ბრჭყვიალებდა. მოკლე შეკრეპილი, მეტისმეტად შავი, მბზინავი თმა ინგლისურ ყაიდაზე შუაში ჰქონდა გაყოფილი, ხოლო სუფთად გაპარსული მსუქანი სახე გაფცქვნილი ხახვივით

უპრიალეზდა. ნახმარი სტუდენტური ქუდი შუაში ჩაკეცილი რუხი წყავის ტყავისაგან შეკერილი ქუდით შეეცვალა, მაგრამ პალტო ისევ ძველი ეცვა.

მაშინვე შეენიშნე, რომ ნასვამი იყო.

— ჯერ მითხარი, არის თუ არა ჩემს სახელზე დეპეშა? — მკითხა და პალტოს გახდა დაიწყო.

ჯერ კიდევ წინა დღეს მოსული პასუხი გადავეცი. გახსნა, ჩუმად წაიკითხა და საწერ მაგიდაზე მშვიდად დააგდო.

— შენ კი გაიხარე! — თქვა. — მამაჩემი სიკვდილს აღარ აპირებს. ამიტომ შეიძლება არ ვიჩქარო, ფულს კი ღმერთი გამომიგზავნის. მას თავისი პროვინციული კვებით უფიქრია: — თბილისში ხომ ჩამოვიყვანე, რამდენიმე მანეთით იქიდანაც ჩამოვათრევე და თუ ხელში ჩავიგდე, ფეხებს შევეუკრავ, დუქანში დავსვამ, ჩემს საეახშო დავთრებს ვაქეჭინებო. იცი, რამდენ პროცენტს იღებს და რამდენი საწყალი ცხარე ცრემლით გაუსტუმრებია?.. პატროსნებას გეფიცები, მის შესახებ გაზეთში თვითონ დავწერე. რასაკვირველია, ფსევდონიმი. აქეთ ეცა, იქით ეცა, ეცადა კორესპონდენტის ვინაობა გამოერკვია, მაგრამ სად შეეძლო?.. ნამდვილი წურბელაა, აი! ჩემი მამაა, მაგრამ ღმერთმა ნუ ქნას, ვინმეს ასეთი მამა ჰყავდეს. მეც დიდი ვერაფერი შვილი ვარ, მაგრამ ფულისათვის ასე სულის წასვლა, — პირდაპირ არ მესმის. იცი, რამდენს მიგზავნიდა პეტერბურგში? ოცდაათ მანეთს ანუ ოცდაათჯერ ას კაპიკს. აბა სცადე იცხოვრო კაპიკებით ისეთ ქალაქში, როგორიც პეტერბურგია!

პაპიროსი ამოიღო, ლამაზზე მოუკიდა და ჩემს პირდაპირ საწერ მაგიდასთან დაჯდა.

— ეგ იქით იყოს, შენ ის მითხარი, სად იყავი გუშინ, ღამე სად გაათიე? — ვკითხე.

— სარუმიანთან, ესე იგი მისი ცოლის სახლში, რაკი ჩასიძებულა. მათთან ვისაღილე, შემდეგ, სალამოს, კლუბში წავედი, იქ ვივანშემეთ, ხოლო როცა იქიდან გამოვედი, ორი საათი იყო. სად წავიდე ასე გვიან? არ მინდა მარქარიანი შევაწუხო, შენ უნდა წამიყვანო-მეთქი. ძალიანაც არ უნდოდა, მაგრამ სხვა რა გზა ჰქონდა?

— მაინც რატომ არ უნდოდა?

— არ ვიცი, ცოლის ეშინია თუ ეჭვიანობს. გინახავს მისი ცოლი? მართალია, მთლად ახალგაზრდა არაა, მაგრამ არა უშავს... კარგი

სიტყვა-პასუხის ქალა, ვნებიანი. სიამოვნებით დათანხმდა მათთან წავსულიყავი. შემეძლო გავარშეყებოდი, მაგრამ ქმარი განუწყვეტლო ჩვენთან ეგლო. დღესაც მათთან ვისადილე. ახლა კი პირდაპირ დამის სახლიდან მოვდივარ...

— ფული რომ არ გქონდა?

— წუხელ კლუბში ბანქო ვითამაშე და სამოც მანეთამდე მოვიგე.

— უფულოდ?

— რატომ უფულოდ? შენი მოცემული თხუთმეტი მანეთიდან რამდენიმე კაპიკი კიდეც მქონდა ჯიბეში. — დაცინვით თქვა თუხიანშა — კაცი ის არის, მარქარიან, ვინც უფულოდ ქეიფობს, თორემ ფულით ხომ საპყარიც იცეკვებს. მე ფული მუდამ მაქვს და არცა მაქვს, რადგან მაშინვე ვხარჯავ ან გაჭირვებულ ამხანაგებს ვურიგებ. როცა ფული არა მაქვს, ბანქოს ვთამაშობ და თითქმის ყოველთვის ვიგებ. ქალებთან კაპიკი არ მეხარჯება, რადგან აქ არა მყავს წესიერი ნაცნობები. მხოლოდ ამ საღამოს დავხარჯე მოგებული სამოცი მანეთის ნაწილი ცალკე კაბინეტში. ქარმა მოიტანა და ქარმავე წაიღო. ჩვენც ქარმა მოგვიტანა და ქარივე წავგიღებს. ასე რომ, საფიქრალი არაფერია. ხომ ხედავ, ისევ ეპიკურესთან მივედი... ჩემს და არა შენს ეპიკურესთან. ყოველ შემთხვევაში, შეგიძლია დამშვიდებული იყო — შენი თხუთმეტი მანეთი არ დაგეკარგება. თუმცა, რომ არც დაგიბრუნო, არაფერი უშავს.

მივხვდი, ლაპარაკის გათავებას არ აპირებდა და შევთავაზე დასაძინებლად წასულიყო.

— წერაში ხელი რომ არ შეგიშალო, არა? გემორჩილები, — თქვა და წამოდგა. მეზობელ ოთახში გავუძეხი ლოგინის გასაშლელად.

დილით ჩემზე ადრე ამდგარიყო და ჩემოდანს ალაგებდა.

— მინდა დღეს გავემგზავრო — თქვა, — მართალია. მამაჩემის დეპეშის შემდეგ მინდოდა პეტერბურგში დაბრუნება, მაგრამ გადავიფიქრე, არ ღირს კონფლიქტის გამწვავება. მგელია თუ ძაღლი, მაინც მამაჩემია. ამას გარდა, რაკი ჯიბეში ფული გამიჩნდა, უნდა ვისარგებლო, თორემ შეიძლება საგზაო თანხაც შემომეხარჯოს.

ჩემოდნიდან რალაც წიგნები და ქალაღები ამოეყარა, რომლებსაც ახლა ტანსაცმელთან ერთად აწყობდა. ქალაღებიდან ამოარჩია ერთი რვეული და მომცა.

— ამას დაგიტოვებ, — მითხრა, — წაიკითხე, თუ მოგეწონება — დაბეჭდე, თუ არა და უკან დაბრუნებისას წავიღებ.

— რა არის? — ვკითხე.

— მოთხრობა. შარშან სტუდენტთა ფონდის სასარგებლოდ აღმანახის გამოცემა გვინდოდა, მაშინ დაეწერე, მაგრამ საქმე ბოლომდე ვერ მივიყვანეთ და ხელნაწერი დამრჩა. მგონი არაა ცუდად დაწერილი. თუ წაიკითხავ, მოგეწონება.

რვეული შევინახე და დავპირდი, წავიკითხავ-მეთქი, თუმცა წინდაწინვე გადავწყვიტე, ეს რაღაც უაზრო ნაწლები იქნება, როგორც საერთოდ დილექტანტის ნაწერი შეიძლება იყოს-მეთქი.

რადგან ერთი-ორი საათის შემდეგ წასვლას აპირებდა, სახლშივე გამოვეთხოვე და წავედი, მაგრამ როცა სადილის შემდეგ შინ დავბრუნდი, ვნახე, არ წასულიყო. ჩემოდანი ისევ ისე იდო გახსნილი და შიგ ჩასალაგებელი ნივთებიც გარშემო ეყარა. გავიფიქრე, ალბათ დამის მატარებლით თუ გადაწყვიტა გამგზავრება-მეთქი.

მისი ნაწერის წაკითხვის არავითარი სურვილი არ მქონდა, მაგრამ ახლა იძულებული ვიყავი თვალი გადამევლო, რადგან დაბრუნებისთანავე შემეკითხებოდა, წავიკითხე თუ არა და არ მომეშვებოდა, სანამ არ წამაკითხებდა ან თვითონ წამიკითხავდა ხმაშავდა. ამიტომ მაშინვე დავჯექი და რაკი ჯერ არა ჩანდა, წავიკითხე.

წავიკითხე და...

აქვე მომყავს თუსიანის რვეულში ჩანაწერი.

IV

მოკლული მტრედი

რუბენ თუსიანის მოთხრობა

ერთი ჩემი მეგობარი, რომელმაც თვითონაც არ იცის, ვინაა — ვინა-მე არამზადა თუ ყოვლად ჩვეულებრივი ადამიანი, რომლის მსგავსითაც სავსეა ეს ქვეყანა, — ერთხელ ამხანაგურ წრეში შემდეგ ამბავს მოგვიყვა თავის ცხოვრებიდან.

* * *

რამდენიმე წლის წინათ, ზაფხულში, ვისარგებლე საზაფხულო არდადეგებით და დასასვენებლად ბიძაჩემთან გავემგზავრე. თან პოფი

წავიღე და ძალი წავიყვანე. ნადირობა ძალიან მიყვარდა. დილით ადრე ვლგებოდი, ტყეში მივდიოდი და მთელი საათობით დავეხეტებოდი, მაგრამ ჩიტიც კი არ დამილანდავს, რომ მომეკლა. ეს იყო აღამიანებით გათელილი სააგარაკო ადგილი და სხვა ყველა ცხოველი ამ ადგილს ამიტომ გარიდებოდა. მერე მითხრეს, აქედან ხუთი-ექვსი ვერსის დაშორებით არის ტბა, სადაც ბევრი გარეული იხვი იცისო. ამის შემდეგ იქ დავიწყე სიარული სანადიროდ. ტბისაკენ მიმავალი გზა ტყეზე გადიოდა.

ერთხელ დილით, როცა ამ ტყეში მივდიოდი, უზარმაზარ ხეზე ჩიბუხა შევნიშნე. ისე, უბრალოდ, სათქმელად რომ მქონოდა, რაღაც მოვკალი-მეთქი, დაუფიხნე და ვესროლე. მოვარტყი თუ არა მიზანში, არ ვიცი, რადგან თოფის გავარდნა და საშინელი კვილის ატეხა ერთი იყო — და იმავე წუთს ვიღაც გამოვარდა ხის ჩრდილიდან. ეს იყო ქალიშვილი, რომელიც აქამდე ვერ შევნიშნე, რადგან მსხვილი ხე ეფარებოდა. თავშიშველი იყო, მაგრამ თბილი პალტო ეცვა, რადგან დილის სუსხი ჭერ კიდევ იგრძნობოდა. ქუდი მოვიხადე და პატიება ვთხოვე. იგი გაუნძრევლად იდგა ჩემგან ათიოდე ნაბიჯზე, გულზე ხელდაკრეფილი. სახეზე მკედრის ფერი ედო. გაფართოებული თვალებით მომშტერებოდა და მთელი ტანით კანკალებდა. მხატვარი უკეთეს ვერაფერს აირჩევდა ცოცხალი შიშის გამოსახატავად. მე ისევ მოვუხადე ბოდიში. მას კრინტი არ დაუძრავს. მივიდა ხესთან, ბალახებში რაღაცას დაუწყო ძებნა, იპოვა კიდევ — წიგნი იყო, ილიის ქვეშ ამოიღო, სახეზე ჩამოშლილი თმის ბლუჯა უკან გადაიყარა და წყნარი ნაბიჯით გაშვორდა. მეორე დილით, როცა კვლავ იქ გავიარე, დავინახე, იმავე ხის ძირას იჯდა წიგნით ხელში. მივესალმე. არ მიპასუხა. ჩავიარე. შემდეგ დავბრუნდი და თოფზე დაყრდნობილი მისგან ათიოდე ნაბიჯზე გავჩერდი, პირდაპირ მის წინ. ჩემმა ძალღმა მიირბინა და მის პალტოს ყნოსვა დაუწყო. ძალი გააგდო, წარბები შეიკრა, არცთუ ისე მკაცრად შემომხედა და მკითხა:

— რა ვნებავთ?

— გთხოვთ მომიტევეთ, — ვუთხარი.

— რისთვის?

— გუშინ დილით რომ შეგაშინეთ.

— თქვენ ხომ არ იცოდით, რომ აქ ვიჭეჭი?

— მართალია, მაგრამ მაინც... ძალიან ვწუხდები, მეშინოდან, შიშისაგან ანუ არ გახდეს-მეთქი.

— მერე თქვენ რა?

— როგორ თუ რა? მიზეზი ხომ მე ვიქნებოდები!

ერთხანს გაცხებული მიყურებდა, შემდეგ გაცხუნივსებულად აჩეჩა მხრები, თავი ისევ წიგნზე დახარა და კრინტი აღარ დაუძრავს. ცხადი იყო, უნდოდა ეგრძნობინებინა, რომ მართო დამეტოვებინა და გავშორებოდები.

მაგრამ მე ჭიუტად ვიდექი მის წინ და უნებური აღფრთოვანებით ვუყურებდი მის ლამაზ თავსა და ძალიან ხშირ, რბილ და მბზინავ თმას, რომელიც დილის მზის სხივებზე პატარა ბავშვის ხვეწაროვან თმასავით სხვადასხვაფერად ბრწყინავდა.

— მოიხედეთ, — ვუთხარი, როცა ვნახე, რომ წიგნიდან თავს არ სწევდა.

შემომხედა.

შუბლი თოფის ლულას დავაყრდენი, ფეხი კი ჩანმასხს.

— თუ არ მაპატიებთ, — ვუთხარი, — ახლავე გავიხვრიტავ თავის ქალას.

ამის თქმა და მისი წამოვარდნა ერთი იყო.

— გაგიყვით? — წამოიძახა გაფითრებულმა.

— მაპატიებთ თუ არა? — დავიყინე მე.

— ღვთის გულისათვის, გადაადგეთ ეგ თოფი, მიპატიებია, — სწრაფად წარმოთქვა.

— გამადლობთ. ახლა კი მშვიდად დაგტოვებთ, — ვუთხარი, ძალღს დავუსტვინე და წავედი.

როცა საკმაოდ დავშორდი, მოვიხედე: ისევ იმ მდგომარეობაში იდგა, განთიადის ოქროსფერი სხივებით განათებული, რომლებიც ხეებს შორის გაბმულ უთვალავ მოელვარე ლენტებს მიაგავდნენ და ტყის სიღრმეში ჩრდილებს ერწყმოდნენ. ქორფა ბალახზე ცვრის წვეთები ციციანთელებივით ციმციმებდნენ, თითქოს ვილატის ჯადოქარ ხელს უთვალავი აღმასები დაუდევრად მიმოუბნევიყო.

მესამე დილით ისევ იმ ხის ძირას ვნახე. ამჯერად სალამზე მიპასუხა.

— არ გირჩევთ დილით ადრე ბალახზე ჯდომას. ხედავთ, სულ სველია! — ვუთხარი.

— ბალახზე არ ვზივარ, — თქვა მან, — შეხედეთ!
და მიჩვენა რაზე იჭდა — უზარმაზარი ნაძვის ფესვი, რომელიც ნახევარი არშინის სიმაღლეზე მიწიდან კუზივით ამოზიდულიყო.

— სულ ერთია, — ვუთხარი — სინესტე შეიძლება ფეხებიდან შეგყვეთ.

მან მხრები დაუდევრად აიჩეჩა და გაიღიმა.

— თქვენ, ალბათ ყოველ დილით დადინხართ სანადიროდ, — თქვა და მოფერება დაუწყო ძაღლს, რომელიც კვლავ მასთან მისულიყო და ელაქუცებოდა.

— დიახ.

— სად?

ადგილი დავუსახელე.

წიგნი რამდენჯერმე გაშალა და დაკეცა, თითქოს რაღაცის თქმა უნდოდა, მაგრამ არაფერი უთქვამს, ცდილობდა სახე მოერიდებინა ჩემთვის, ოღონდ წამოწითლდა და წიგნს დააქცერდა.

— ნახვამდის, — ვუთხარი.

— ნახვამდის, — თავაულებლად მიპასუხა. ჩემი გზით გავწიე.

ამ უკანასკნელმა გულთბილმა საუბარმა დამარწმუნა, რომ შემედლო ყოველ დილით ამავე ადგილას შევხვედროდი. არც შევმცდარვარ: მეოთხე დილით ისევ იქ დამხვდა. ამჯერად ერთმანეთს ძველი ნაცნობებივით შევხვდით.

— იცით რა, გუშინ რაღაც მინდოდა მეტხოვნა თქვენთვის და ვერ გავბედე, — ღიმილით მითხრა და გაწითლდა.

— რა?

— გთხოვთ, ნება მომცეთ სანადიროდ წამოგყვეთ. მინდა ვნახო, როგორ ნადირობთ.

— ამისათვის ნებართვა არ არის საჭირო, საკმარისია ადგეთ და ჩემთან ერთად წამოხვიდეთ.

— ესე იგი, შეიძლება?

— რასაკვირველია.

გახარებული წამოხტა ადგილიდან.

— ოღონდ თოფის გასროლისა თუ არ შეგეშინდებათ, — საჭიროდ ჩავთვალე გამეფრთხილებინა.

— არა, იმ დღეს სხვა იყო, — გაიცინა მან, — გატაცებით ვკითხულობდი და ერთბაშად გაისმა სროლა. ახლა კი დავინახავ თუ არა, რომ

სროლისათვის ემზადებით, შორს გავიქცევი, ყურებს დავინშობ, თვალებს დავხუჭავ და აღარ შემეშინდება. ხომ ასეა? — ბევრეური გულ-უბრყვილობით მკითხა.

— ენახოთ, — მოკლედ ვუბასუხე და გამეღიმა.

ამჯერად თხელი შალი წამოედო, ისეთი, ქალები რომ აგარაკზე ქუდის მაგივრად ხმარობენ. თავზე მოიხვია და წავედით. ლაპარაკით გართულებმა, ვერ შევნიშნეთ, როგორ გავიარეთ ტყე და ტრიალ მინდორზე გავედით. ორ ვერსზე მეტი არ გვექნებოდა გავლილი, მაგრამ შევნიშნე, ძლივს მოაბიჯებდა.

— სად არის ტბა? — მკითხა.

— ხედავთ აი იმ მთას? — ვუთხარი და საკმაოდ მაღალ ბორცვზე ვანიშნე, — უნდა ავიდეთ იმ გორაკზე, შემდეგ დავეშვით, კიდეც ამდენი გავიაროთ და ტბაც იქ არის.

— უჰ, ასე შორსაა? — თქვა და შედგა.

— რაო, დაიღალეთ? — ვკითხე.

თავი დამიქნია და გაიღიმა.

— ახლა რა ვქნათ? — ვკითხე, — გავაგრძელოთ გზა, თუ...

— მე დავბრუნდები, — მითხრა.

ჩემი ძალი საკმაოდ შორს წასულიყო. დავუსტვინე. ძალმა ყეფითა და კუდის ქნევით მოიბრინა.

— დავბრუნდეთ, — ვუთხარი.

— თქვენც ბრუნდებით? — გაიკვირვა ჩემმა თანამგზავრმა.

— მაშ, მარტო ხომ ვერ მიგატოვებთ? ამ ტყეში შეიძლება გზა დაგებნეთ.

— არა, არ დამებნევა — აჩქარდა ქალიშვილი, — ამ ტყეს კარგად ვიცნობ.

— სულ ერთია, — ვუთხარი — ჩემი ვალია, თქვენს ადგილამდე მივააცილოთ.

— შერე? — მკითხა მან.

— შერე უკან დავბრუნდები.

— უკან დაბრუნდებით?

— თუ გნებავთ, აღარ დავბრუნდები.

ლოყები შესამჩნევად შეეფაკლა.

— ეს კი არ მინდოდა მეთქვა, — წარმოთქვა მან, — არამედ ის, რომ... განა თქვენ არ დაიღლებით?

— მონადირემ თუ დაღლაზე იფიქრა, სანადიროდ ველარასოდეს წავა.

ამ ლაპარაკით დავბრუნდით უკანვე. ძალზე დაღლილი იყო. მკლავი შეევთავაზე. უარი არ უთქვამს. ჩემი ძაღლი ძალიან კარგ გუნებაზე ჩანდა, წინ გარბოდა, ხან ბუჩქებში გაუჩინარდებოდა, ხან გამოჩნდებოდა, შემოგვხედავდა და ისევ გაუჩინარდებოდა. მისი ყეფა ტყეს აყრუებდა. მზემ უკვე მალა აიწია. ჰაერი არ ინძრეოდა. ტყე ჩუმად და იღუმალად გამოიყურებოდა. ტაფობზე ალაგ-ალაგ გაყვითლებულ ბალახებში კალიები კრიჭინებდნენ, ადამიანის კაჭანებაც არსად ჩანდა.

უცბად ჩემი თანამგზავრი შედგა, ხელი გაითავისუფლა და თითით ერთი ხის კენწერო მიჩვენა.

შეხეთ, შეხეთ, ეს რა ჩიტია?

თოფი მხრიდან ჩამოვიღე და ძაღლს დავუძახე. ჩემი თანამგზავრი ოციოდე ნაბიჯზე გაიქცა, ერთი ხის ქვეშ მოიკრუნჩხა, წიგნი ილღიაში აწოიჩარა, ყურები თითებით დაიხშო, თვალები დახუჭა და გაილურსა. დავუმიზნე და ვესროლე. ფოთლები აშრიალდა, ფრინველი ჩამოვარდა. ძაღლი რამდენიმე ნახტომით გაჩნდა იქ და კბილებით ნადავლი მომიტანა.

ჩემმა თანამგზავრმა მოირბინა და მოკლულ ფრინველს ბავშვური კნობისმოყვარეობით დაუწყო თვალიერება.

— ოჰ, მტრედია! — ისე საცოდავად წაიჩურჩულა, რომ მეც გული აიჩიწყდა.

ნანადირევი მივეცი. ცალ ფეხში ორი თითი ჩაავლო და დაკვირვებით დაუწყო თვალიერება.

— შეხედეთ, შეხედეთ! — თქვა, — მკერდზე წითელი, ყაყაჩოს ფერი ლაქები აქვს... ალბათ, სისხლია, არა? ღმერთო ჩემო! როგორი ქაოქათაა, როგორი ლამაზი!..

აღელვებული დიდხანს უყურებდა მტრედს იმ გულკეთილი მოზრდილი ბავშვივით, რომელიც რამეთია შეწუხებული, შემდეგ ამოიხზრა და უკანვე გადმომცა.

გამოვართვი და ბუჩქებში გადავისროლე.

— რატომ გადაადგდეთ? — წარმოთქვა საცოდავად, დატუქსვით.

— აბა რაში გამომადგება? — ვუბასუხე.

გზა გავაგრძელეთ ამჯერად სულ სხვანაირ გუნება-განწყობილებით.

ჩემმა თანამგზავრმა მოიწყინა და თითქმის აღარ ლაპარაკობდა. ხელახლა შევთავაზე მკლავი, უარი მითხრა. ჩემს გაუთავებელ ხუმრობაზე აღარ იღიმებოდა. მთვარეულივით მოდიოდა და ჩაფიქრებული შორეთს მიშტერებოდა.

უცბად შეჩერდა, შემომხედა და ატირებული ხმით წამოიძახა:

— გადააგდეთ, გადააგდეთ ეგ თოფი და სიტყვა მომეცი, რომ აღარასოდეს აღარ ინადირებთ.

გაოცებით შევხედე. მის სახეზე ერთდროულად აღბეჭდილიყო აღელვება, თხოვნა და კიდევ რაღაც ისეთი, რასაც არა აქვს სახელი და რომელიც გვიჩვენებს ადამიანის შინაგან სამყაროს — იმ კარგს, რაც მისი სულის სიღრმეში იმალება. და თუმცა ჩემთვის უცხოა ყოველგვარი სენტიმენტალობა, იმ ზომამდე ამიჩუყდა გული, რომ მის თვალწინ თოფი კინაღამ ნამსხვრევებად ვაქციე.

— სიტყვა გინდათ მოგცეთ? ინებეთ! — გულწრფელად და მტკიცედ გავეწოდე ხელი.

გახარებული მომეარდა და ხელი ჩამომართვა. თვალბუხე სიხარულის ცრემლი უბრწყინავდა.

მართლაც, იმ დღიდან ნადირობას თავი მივანებე. იმიტომ კი არა, რომ წუთიერი სისუსტის დროს პირობა დავდე და რაღაც მნიშვნელობას ვაძლევდი ფიცს, არამედ იმიტომ, რომ ამ დღიდან ახალი მსოფლმხედველობის შემუშავება დავიწყე. ამ ქვეყნად მკვლევლობის გარდა ყველაფერი დასაშვებია, იმიტომ, რომ ყველა ცუდი ქცევა ან ყველაფერი, რაც ცუდად ითვლება, პირობითია და შეიძლება გამოსწორდეს. მხოლოდ მკვლევობას ვერ გამოასწორებ. სუსტს მეტი უფლება აქვს სიცოცხლეზე, ვიდრე ძლიერს, სწორედ იმ მიზეზით, რომ ის სუსტია და უმწეო.

ყველაფერი, რაც აქამდე ვთქვი, ეგრეთწოდებული, პოეტური პრელუდიაა რომანისა, ნამდვილი რომანი კი, როგორც ყველა სხვა რომანი, იმდენად ჩვეულებრივი და პროზაულია, რომ არა ღირს დაწვრილებით შევჩერდე მასზე. საკმარისია ვთქვა, რომ ერთი-ორი კვირის შემდეგ იგი დამნებდა იმავე ტყეში და იმავე ადგილას, სადაც მტრედი მოვკალო. დანებებამდე სულ ქურციკივით გამიბოღდა, მაგრამ დამნებდა თუ არა, ძალღივით ამედევნა. ასეთები არიან საერთოდ ქალები: თავდაპირველად ეშინიათ, უარს ამბობენ, მაგრამ როცა საზღვარს გადალახავენ, მათგან თავს ვეღარ დაიხსნი. ყოველდღე მაფიცებდა, რომ ცოლად შე-

ვირთავდი. მე, რასაკვირველია, ვეფიცებოდი, მაგრამ ვატყობდი, რომ რაც უფრო მეტს ვეფიცებოდი, მით უფრო ნაკლებად სჯეროდა.

ჩვენი მუღდმივი შეხვედრის ადგილი ტყე იყო. მივდიოდით ისეთ ყრუ ადგილებში, სადაც კაცს ფეხი არ დაედგა. დამინახავდა თუ არა, სიხარულით ჩამოშვილებოდა კისერზე, მაგრამ მისი სიხარული დიდხანს არ გრძელდებოდა: თანდათან მწუხარედ ჩაფიქრდებოდა და სახე მოეღრუბლებოდა, სწორედ ისე, როგორც მაშინ, როცა მოკლული მტრედი გადავისროლე. ჩაფიქრდებოდა და აღარ მელაპარაკებოდა, ზედაც არ მიცქეროდა. მოსახვევად რომ წავიწეოდი, ჩემს ხელებსაც კი იშორებდა.

ერთხელ იმ ადგილზე წამიყვანა, სადაც მტრედი მოვეკალი და რაღაცას დაუწყო ძებნა ბუჩქებში. მტრედი ისევ იქ ედგო: ბუმბული გასცვენოდა, გაშავებულიყო, ჭიები ფუთფუთებდნენ ირგვლივ. დახედა და იმ წამსვე მოშორდა შეძრწუნებული.

— რატომ მოკალი, რატომ? — მომმართა საყვედურით.

მის მეტისმეტ მგრძნობიარობაზე გამეცინა.

— იმიტომ, რომ თვითონ შენ მიჩვენე, — ვუთხარი — ხომ გინდოდა გენახა, როგორ ვნადირობ?

— ოჰ, რომ მცოდნოდა!.. — წარმოთქვა აკანკალებული ხმით და თვალები მაშინვე ცრემლით ავესო, — შეხედე, როგორი გამხდარა ის ქათქათა, სუფთა, ლამაზი, უდანაშაულო...

ქეთინმა ხელი შეუშალა სათქმელი დაესრულებინა, ბალახზე დაჭდა, ცხვირსახოცი თვალებზე მაგრად მიიფარა და ტირილი დაიწყო. ისე ცხარედ ტიროდა, რომ მხრები უთრთოდა.

გაოგნებული შევცქეროდი. ვერ გამეგო, ასე როგორ უნდა იგლოვოს კაცმა უბრალო ფრინველი. მხოლოდ ახლა ვხვდები, რომ ის შეუცნობლად რაღაც მსგავსებას პოულობდა თავის ბედსა და მტრედს შორის და მტრედს კი არა, თავის დაკარგულ ქალწულობას დასტიროდა.

აქ წერტილი უნდა დავსვა, რადგან ჩვენ მალე დავშორდით ერთმანეთს და მერე აღარ შევხვედრივართ. ჩემი გამგზავრების შემდეგ მიწერ-მოწერა კარგა ხანს გვქონდა, მაგრამ შემდეგ მიმოწერა რააკომლაც შენელდა, და, ბოლოს და ბოლოს, სავსებით შეწყდა. ცხოვრებამ თავის ბოზოქარ ტალღებში ჩამიხვია და დრომ მოიტანა გარდუვალი — დავიწყება.

იმ ღამით დიდხანს ველოდი თუსიანს, მაგრამ არ გამოჩენილა. მუშაობით მოვიქანცე და მეძინებოდა. „მაწანწალა, შეიძლება სულ არ მოვიდეს“, — გადავწყვიტე და ის იყო დასაძინებლად მოვემზადე, რომ შემოსასვლელ კართან ზარმაც დარეკა. თვითონ წავედი კარის გასაღებად, რომ მძინარე მსახური არ შემეწუხებინა, მაგრამ როცა კარი გავაღე, იქ არავინ აღმოჩნდა. მივიხედ-მოვიხედე ქუჩაში — იქაც არავინ ჩანდა. „ბრიყვი, ნახა სახუმარო დრო!“, — გავიფიქრე, რადგან მეგონა, თუსიანმა, თავისი ჩვეული ქარაფშუტობით დარეკა და ახლა სადღაც ახლოს, მოსახვევში იმალებოდა. რამდენიმე წუთი კარის ზღურბლზე ვიდექი ამ სიცივეში, მაგრამ არავინ გამოჩენილა. შემდეგ გავიფიქრე, შეიძლება ვინმე უცხომ შეცდომით დარეკა და როცა შეცდომაში დარწმუნდა, მიიმალა-მეთქი. დავბრუნდი, გავიხადე და დავწვიქი. მაგრამ დიდხანს არ დამძინებია, ყურები მიწიოდა, ვწირიანობდი, ძილფხიზლობით ვიტანჯებოდი და თუსიანს ელანძღავდი.

არ ვიცი, რამდენი ხანი გავიდა მოლოდინში, ეტყობა შეუმჩნევლად ჩამთვლიდა. უცებ ღამის სიჩუმეში რაღაც ჩხაკუნმა გამაღვიძა. თვალები გავახილე, ვხედავ თუსიანია, ღამპა, მისთვის რომ დავტოვე ანთებული, ხელში ალებული მიჰქონდა.

— იძინე, იძინე, — თქვა მან, — თვითონ გავიშლი ლოგინს.

— კარი ვინ გაგიღო? — ვკითხე.

— მსახურმა. თქვე ოჯახაშენებულებო, ასე მაგრად ძილი გაგონილა? კარი კინალამ შემოვამტვრიე.

— რომელი საათია ახლა?

— სამზე მეტი იქნება.

გამიკვირდა. ასე მეგონა, ხუთი წუთია რაც მძინავს-მეთქი, თურმე ორ საათზე მეტი დრო კი გასულიყო.

— შენ ხომ არ დაგირეკავს დაახლოებით ღამის პირველ საათზე? — ვკითხე.

— როდის? ამ საღამოს?

— ჰო.

— ალბათ დაგესიზმრა, — თქვა და ღამპით ხელში მეზობელ ოთახში გავიდა.

იქ დიდხანს ბორიალობდა, შემდეგ, ნახევრად გახდილი, ფეხშიშ-

ველა, ჩქარი ნაბიჯით შემოვიდა ჩემთან, ლამპა მაგიდაზე დადგა და ცნობისმოყვარეობით მკითხა:

— შენ ამბობ, ლამის პირველ საათზე ვილაცამ დარეკაო, არა?

— ჰო.

— მერე ვინ იყო?

— მეგონა, შენ იყავი, კარის გასაღებად წავედი, მაგრამ იქ არავინ დამხვდა.

— როგორ თუ არავინ დაგხვდა?

— ისე, არავინ.

— შენ თვითონ გააღე კარი?

— თვითონ მე.

— და არავინ იყო?

— არავინ.

თუსიანი ერთხანს თვალეში გამომცდელად მიყურებდა.

— მარქარიან, ნუ მეხუმრები, — მითხრა მისთვის უჩვეულო სერიოზულობით. — პირდაპირ მითხარი, რომ ქალი იყო და მე მკითხულობდა.

ახლა ჩემი გაცემებისა და ცნობისმოყვარეობის ჭერი დადგა:

— ვინ ქალი?

თუსიანს არ უპასუხნია. კვლავ გაკვირვებული მომჩერებოდა.

— მაშე ეს რასა ჰგავს, ვილაცა მოვიდეს, დარეკოს და არავინ კი არ გამოჩნდეს? — ეშმაკი ხომ არ იქნებოდა, რომ გამქრალიყო, — ეტყობა კიდევ არა სჯეროდა, რომ მართალს ვეუბნებოდი.

— ეგებ ვინმე უცხო მოვიდა! — ეუპასუხე — და მეზობლის მაგოერ ჩემთან დარეკა.

— ასეც შეიძლება! მე კი ვიფიქრე...

რალაც ფიქრმა გაიტაცა, ფეხმორთხმით დაჯდა სკამზე (შიშველი ფეხები თუ გაუცივდა ცივ იატაკზე), შემდეგ უცბად შემომხედა და მკითხა:

— არ გაინტერესებს დღეს რატომ არ გავემგზავრე?

— რადგან დარჩი, რალაც მიზეზი გექნებოდა.

— მიზეზი ერთი კი არა, ორიც არის, — სწრაფად დაუმატა თუსიანმა, — პირველი ის, რომ ამ დღით, როცა ერთმანეთს დავშორდით, სასწრაფოდ სადგურში წასასვლელად მზადებას შევუდექი. ფართი-ფურთით დავიწყე ბარგის ჩალაგება და ერთი-ც ვნახოთ, ჭიბეში

კაპიციც აღარ მიღევს. მე კი კარგად მახსოვდა, რომ კლუბში მოგებულ-
ლი სამოცი მანეთიდან ჟილეტის ჯიბეში ოცი თუ ოცდახუთი მანეთი
ჩავდე, რომელიც ღამის სახლში დავხარჯე. დანარჩენი კი პიჯაკის შიგ-
ნითა ჯიბეში მქონდა. აი სწორედ ეს ფული გამქრალიყო. ვფიქრობ, ან
იმ კახბამ ამომაცალა, ვისთანაც ვიქეიფე, ან ჯიბიდან ამომგარდა. ასე
რომ იძულებული გავხდი ჩემი გამგზავრება გადამედო. არ მინდოდა
ისევე შენთვის მომემართა, სარუმთანან წავედი და არ მოვეშვი, სანამ
ოცი მანეთი არ ავაფუცქვენი. წამოვედი, რომ ჩემოდანი წამელო და ვაგ-
ზალში წავსულიყავი, მაგრამ შინ მოსვლამდე მეორე მიზეზიც წამომე-
წია... დაგეძინა, მარქარიან?

— არა, ძილი უკვე გამიფრთხა.

— მომისმინე, ძალიან საინტერესო რამეს გეტყვი. ჩაგჯექი ტრამ-
ვაში... ჰო, მართლა, მითხარი: ჩემი მოთხრობა წაიკითხე?

— წავიკითხე.

— რა აზრისა ხარ?

— ცუდი არ არის, დაბეჭდვა შეიძლება.

— მაგას არ გეკითხები. მიხვდი თუ არა, რომ ჩემი ნეგობარი,
ვისი პირითაც ვყვები ამბავს, თვითონა ვარ?

— რასაკვირველია, ეს ჩვეულებრივი ლიტერატურული ხერხია.

— ისევე ვერ გამიგე. გაიგე, ამ მოთხრობის გმირი მე თვითონ ვარ
და მთელი ეს მოთხრობა — მართალი ამბავია.

— ეს კი არ ვიცოდი.

— დიახ, მართალი ამბავია, ჩემი საკუთარი ცხოვრებიდან. ახლა
მომისმინე! ვზივარ ტრამვაიში, მოვდივარ. არ ვაქცევ ყურადღებას, ვი-
ნა ზის ირგვლივ. შემდეგ შემთხვევით უკან ვიხედები და ვის ვხედავ?
სწორედ ჩემს უკან სკამზე ზის ის — ტყის მიჯნური. საიტერესოა, არა?

— თუ ეს ფანტაზია არაა შუა გზაზე მიტოვებული შენი მოთხრო-
ბის დასამთავრებლად, — შევნიშნე მოჩვენებითი გულგრილობით, სი-
ნამდვილეში კი საშინლად დავინტერესდი.

თუსიანი სკამიდან წამოხტა.

— კაცო, მართალს ვამბობ, რის ფანტაზია! — წამოიყვირა მან, —
ის იყო, ნამდვილად ის, მოკლული მტრედი. დანახვისთანავე ვიცანი,
ეს ხომ არც თუ ისე დიდიხნის წინათ მოხდა — რაღაც ხუთიოდე წე-
ლია მას შემდეგ. როგორც ჩანს, ვაგონში ჩემზე ადრე ჩამქდარიყო. მე
მიცქეროდა. როგორც კი ჩვენი თვალები ერთმანეთს შეხვდნენ, არ ვი-

ცი, რა მომივიდა, თითქოს ქვა დამარტყეს თავში. ასეთი რამ არასოდეს დამმართნია. აბა წარმოიდგინე ჩემი მდგომარეობა: არ ვიცი, როგორ მოვიქცე, ავდგე და გავიქცე თუ გამოველაპარაკო. გავიქცე და თავი მომეჭრება, რადგან შემდეგ ვერასოდეს ვაპატიებ ჩემს თავს ამ სულმდაბლობას. გამოველაპარაკო და ვაგონი სახსეა, მეშინია უარესი არ გამოვიდეს, თანაც რა ვუთხრა? რა მაქვს სათქმელი? სულელივით ვიჭექი და თუმცა უკან აღარ მიმიხედია, ვგრძნობდი მისი მზერა კეთვას როგორ მწვავდა, კარგა ხანს ვიყავი ასე. თანდათან დავმშვიდდი და ბოლოს ერთბაშად სიხარულმაც კი ამიტაცა. ახლავე გეტყვი რატომ. როცა ჩვენი მიმოწერა შეწყდა და მისგან წერილები აღარ მომდიოდა, ხანდახან გავიფიქრებდი ხოლმე, თავს რაზე ხომ არ აუტეხა-მეთქი, ახლა კი ცოცხალსა და ჯანმრთელს ვხედავდი. ამ სიხარულის გავლენით ისევ უტიფარმა აზრმა შემიპყრო: გადავწყვიტე მეც იქ ჩამოვსულიყავი ტრამვაიდან, სადაც ის ჩამოვიდოდა. რაც იქნება, იქნება-მეთქი, ვიფიქრე. ასეც გავაკეთე. როგორც კი ტრამვაი გაჩერდა და ჩამოვიდა, მეც ჩამოვედი. ჩქარი ნაბიჯით მიდიოდა. დავეწიე. გაჩერდა... აბა, რაღა გავაგრძელო: საყვედური საყვედურზე მომაცარა, მაგრამ. მადლობა ალაპს, ჩემმა მჭევრმეტყველებამ, სითამამემ და გამოცდილებამ ამჯერადაც მიშველა — თანდათანობით მოლბა... ვუთხარი, დამნაშავე არა ვარ, ყველაფერი ჩემი სურვილის წინააღმდეგ მოხდა, სტუდენტურ მოძრაობაში მონაწილეობისათვის ციმბირში გადაიასახლეს-მეთქი... ერთი სიტყვით, არ ვიძუნწე ტყუილებზე. თან ვეფიცებოდი, რომ ძველებურად მიყვარდა, ვწუხდი, რომ უკვე გათხოვილია (თვითონ მითხრა ეს). მაგრამ მაინც დავძინე, ეს ხელს არ შეუშლის ჩვენი ძველი დამოკიდებულება გავაგრძელოთ-მეთქი.

— და რა პასუხი მიიღე?

— ამის გამოცნობა შენთვის მომინდვია, — თქვა თუსიანმა, ლამბა აიღო, ძილი ნებისა მისურვა და გავიდა.

— ალბათ, კარგი სილა გაქამა! მივამახე კვალდაკვალ.

— თუმცა ფილოსოფოსი ხარ, სცდები,— მომამახა მეზობელ ოთახიდან. — ეს ამტკიცებს, რომ შენ ქალებთან საქმე არ გქონია და მათ არ იცნობ. ლამბა ჩავაქრო თუ არა?

— შეგიძლია ჩააქრო.

შუქი. რომელიც მეზობელ ოთახიდან გამოდიოდა, გაქრა.

— იცი, როგორ ქალებს შეუძლიათ სილის გარტყმა, მარქარიაან?—

მოაღწია ჩემამდე თუსიანის ხმამ. იგი, ალბათ, უკვე ლოგინში იწვა. — სილის გარტყმა შეუძლიათ ისეთ ქალებს, რომლებიც არაფერს კარგავენ. მაგალითად, ქუჩაში მიხვედი მსუბუქი ყოფაქცევის ქალთან და წინადადება მიეცი. თუ მას რატომღაც არ მოეწონე, სილას გაგაწნავს და თანაც პოლიციელს დაუძახებს, რომ თავისი პატიოსნება დაამტკიცოს. წესიერი ქალი კი, პირიქით, ასეთ შემთხვევაში წითლდება, იბნევა და სირცხვილისაგან ლამის მიწაში ჩაძვრეს, რომ არავინ დაინახოს, არავინ გაიგოს. მწერალი ხარ, ასეთი რამეები უნდა იცოდე, — მტქნარებით დაუმატა მან.

— შენ მაინც არ თქვი, რა გიპასუხა, — შევნიშნე მე.

— ყოველ შემთხვევაში, სილა არ გაუწნავს და არც შეეძლო გაეწნა, რადგან, ასეა თუ ისე, მისი პირველი სიყვარული ვიყავი. პირველი სიყვარული კი წარუშლელ კვალს ტოვებს ქალის გულში, თუნდაც მისი სიყვარულის საგანი ისეთი უზნეო ადამიანი იყოს, როგორიც, მაგალითად, მე ვარ.

— შენი ფილოსოფოსობა არ მჭირდება, ბოლო მაინტერესებს, — შევეკითხე მოუთმენლად.

— ბოლო... აი, ბოლო... სად ცხოვრობო, მკითხა და მეც შენი მისამართი მივეცი.

— რატომ?

— რატომ? ცხადია ან თვითონ მოვა, ან წერილობით დამინიშნავს პაემანს! მე ასე გავიგე და ამის გამო დროებით გადავლე ჩემი გამგზავრება. ამიტომ, როცა მითხარი, ვილაღ მოვიდა და დამირეკაო, გავიფიქრე — ალბათ, ის იყო, მაგრამ დარეკის შემდეგ შეიძლება შერცხვა და გაიქცა-მეთქი. თუმცა, იმასაც ვფიქრობ, გაბედავდა კი შუალამისას მოსვლას?

— რატომ მისი მისამართი არ გაიგე?

— არ მომცა.

— რატომ?

— გასაგებია, ქმარი, ოჯახი, ვინ იცის...

თუსიანმა ისევ დაამტქნარა და დიღხანს ღუმდა.

— მაგრამ მისმინე, რა გითხრა, — უცებ გამომეხმაურა იგი, — თუ ვინიცობაა ხვალ ან ზეგ მოვიდა და სახლში იქნები, იმედი მაქვს, გეყოფა თავაზიანობა და მარტო დაგვტოვებ. ახლა კი ღამე მშვიდობისა, მეძინება.

VI

არ ვიცი, თუსიანი რატომ იყო დარწმუნებული, რომ მისი მოტყუებული ქალიშვილი ოთხი-ხუთი წლის განშორების შემდეგ ან მოვიდოდა მასთან, ან წერილით დაუნიშნავდა პაემანს. მეორე საღამოს ძალიან ადრე მოვიდა შინ, დიდხნის ამოა ლოდინისაგან დაქანცული, გაუხდელად დაწვა და დაიძინა, თან მთხოვა—თუ მოვიდეს, გამალვიძეო.

ვიჩქეჩი და ვმუშაობდი როგორც ყოველთვის, როცა თითქმის იმავე დროს, როგორც წინა ღამეა, გაისმა ზარის ხმა, იმავე წუთში უცებ მეზობელ ოთახში თუსიანის ხვრინვაც შეწყდა. ეს ნიშნავდა, რომ მასაც გაეღვიძა ზარის ხმაზე.

— რაო, მარქარიან, — წამოიძახა მან, — ეს ის არის?

— არა, შე ჯიხვო, — ვუპასუხე გაბრაზებულმა იმის მიუხედავად, რომ ჩემდაუნებურად თითქმის მეც ვრწმუნდებოდი, რომ შეიძლებოდა მართლაც ის ყოფილიყო.

შემოვიდა თუსიანი, რომელიც აჩქარებით იცვამდა პიჯაკს.

— მოიცა, მე თვითონ გავუღებ, — თქვა და გავიდა.

მის დაბრუნებას მოუთმენლად ველოდი. ამ უცნაურმა ამბავმა ძალიან დამაინტერესა.

დიდხანს ველოდე, თუსიანი არ ბრუნდებოდა. ვიფიქრე: ალბათ, საუბარმა გაიტაცათ კართან და სადაც არის შემოვლენ-მეთქი. და ახლა შეშფოთებით ვფიქრობდი, თუ რა სულელურ მდგომარეობაში მაცუნებდა ეს ურცხვი ჩემს საკუთარ ბინაში. ცოტახნის შემდეგ, ერთი ცუნახით, თუსიანი მარტო დაბრუნდა და საგონებელში ჩავარდნილმა უმწეოდ გაშალა ხელები.

— ეს რა გამოცანაა? — თქვა მან. — არავინ აღმოჩნდა.

VII

გამოცანა ამოიხსნა მეორე დღით, როცა სამსახურში მივედი, დავჩქეჩი და ის იყო საქმეს უნდა შევდგომოდი. თუმცა ნაბრძანები მქონდა, განსაზღვრულ საათებში ჩემთან არავინ შემოეშვათ, მაინც შემოვიდა შიკრიკი და მომახსენა: ვილაც ბატონს სურს თქვენი ნახვა მეტად სერიოზულ საქმეზეო. იძულებული გავხდი მებრძანებინა შევმოეშვათ.

ფრთხილი, გაუბედავი ნაბიჯებით შემოვიდა ერთი კაცი. თავი აგწიე და ჭერ ძალიან გამიკვირდა, შემდეგ კი წამოვეარდი, სიხარულით შევეხმიანე.

ეს გარეგინ სისაკიანი იყო, რომელსაც უკვე დაკარგულად ვთვლიდი. მინდოდა ძველებურად მეგობრულ-დამცინავი ტონით მიმემართა, მაგრამ გაოცებულმა შეენიშნე, რომ ის უკვე აღარ იყო ძველი გარეგინი, ფერი დაჰკარგოდა, თვალები ჩაშრეტოდა, ჩაქრობოდა და მძინარე თუ ავადმყოფი ადამიანივით იყურებოდა. მუდამ ხალისიანი და მხნე ხასიათის კვალიც აღარ ეტყობოდა არც სახეზე, არც მოძრაობაში. პირიქით, მთელი გამომეტყველებით მძიმე სულიერი განცდებით დაბეჩავებული კაცის შთაბეჭდილებას ტოვებდა.

არც მომსალმებია, არც შემოუხედავს, ისე დაჯდა საწერ მაგიდასთან და შეშფოთებული, დასიცხული თვალები მიმობნეულ ქალღლებს მოავლო. ჩემს ადგილზე დაეჯექი მის პირდაპირ, მისი უჩვეულო მდგომარეობით გაოგნებულმა ჭერ ხმის ამოღებაც ვერ შევძელი და გაოცებით შევცქეროდი. ცხადად ვხედავდი, რომ საშინლად უბედური იყო და ექვიც არ მეპარებოდა, მისი უბედურების მიზეზი ის იყო, რაზედაც დაქორწინებამდე ვაფრთხილებდი. სწორედ აქედან დავიწყე გამოკითხვა.

— ნუთუ ჩემი წინასწარმეტყველება ახლა, — ვუთხარი — და ამ ქალმა ბოლოს და ბოლოს მართლა გაგაუბედურა?

შეშინებულმა უცბად მიმოიხედა, ადგა, ჩქარი, ფრთხილი ნაბიჯებით კართან მივიდა.

— შეიძლება კარი დავეკეტო? — თითქმის ჩურჩულით მკითხა.

— შეიძლება.

ძალიან ფრთხილად, ალბათ იმისათვის, რომ ხმაური არ გამოეწვია, გადაატრიალა გასაღები, შემდეგ დაბრუნდა და ძველ ადგილზე დაჯდა. მხოლოდ ახლა შემომხედა პირდაპირ და მითხრა:

— სცდები, უბედური არა ვარ და არც არასოდეს ვყოფილვარ, ამ წუთშიც კი არ მოიძებნება ჩემზე ბედნიერი ადამიანი, თუ... ის მოინდომებს.

— ვინ ის?

— ჩემი ცოლი.

— ეს როგორ...

— მომისმინე, გეტყვი, -- შემაწყვეტინა გარეგინმა და ისევ შეში-

ნებულმა მიმოიხედა, შემდეგ ჩემსკენ დაიხარა და ჩურჩულთ
მკითხა: — ვინ არის ის ბატონი, შენთან რომ არის სტუმრად?

ამ მოულოდნელმა კითხვამ, განსაკუთრებით მისმა საიდუმლო ჩურ-
ჩულმა ელვასავით დამკრა. თითქოს ამ წუთამდე ჩემი გონება წყველი-
დით იყო მოცული, ახლა მოულოდნელად გაიბრწყინა შუქმა და ჩემს
ირგვლივ განათდა. ამავე წამს ჩემს წარმოდგენაში გადაიხლართა სამი
სახე — სარა, თუხიანი და გარეგინი — და მაშინვე ვიგრძენი, რომ უკვე
ყველაფერი ვიცი.

ეს თვალის ახელა იმდენად მოულოდნელი იყო, რომ გარეგინის შე-
კითხვაზე პასუხის გაცემა მაშინვე ველარ მოვახერხე. შემდეგ, ცოტა
გონსმოსულმა, ვკითხე:

- საიდან იცი, რომ ჩემთან სტუმარია?
- ვიცი... და მე შენთან კი არა, მასთან მოვდიოდი.
- როდის? რას ამბობ?
- წუხელ და წინალამითაც.
- მოიცა, ეს შენ რეკავდი?... — წამოვიძახე.
- მე ვიყავი.
- კი მაგრამ, რატომ აღარ ელოდებოდი კარის გაღებას?
- რატომ? აი რატომ.

უკანა ჩიბიდან რევოლვერი ამოიღო, მიჩვენა და ისევ ჩაიღო. თუმ-
ცა უკვე ზუსტად მქონდა წარმოდგენილი მთელი ეს დრამა, მაგრამ ისე
ვიყავი გაოცებული, არ შემეძლო არ მეკითხა:

- რატომ დაგაქვს რევოლვერი ჩიბით?
- რომ მოვკლა.
- ვინ?
- ის ბატონი, შენი სტუმარი.
- კი მაგრამ, რა დაგიშავა?

გარეგინი უცებ წამოეარდა, სკამი აიღო და ისე ახლოს მომიჯდა
გვერდით, რომ ჩვენი მუხლები და მხრები ერთმანეთს შეეხო. ნა-
წყვეტ-ნაწყვეტ, თითქოს ბოდავსო, ყურში ჩამჩურჩულა:

— ის ბატონი და სარა... როცა ის ქალიშვილი იყო... გესმის... მე
არაფერი ვიცოდი, მან თვითონ მიაბო.

- ვინ?
- სარამ... გუშინწინ მითხრა. არ ვიცი, სად შეხვდა იმ ბატონს,
მაგრამ მითხრა, რომ შენთან ცნობრობს... უკვე ორი ღამეა ზედიზედ

მოვდივარ, ვრეკავ, მაგრამ როგორც კი გავიგებ ზარის ხმას, შეძრწუნებული გავრბივარ, რადგან... მე... მე კაცი მოვკლა?.. მე ხომ ჩემს სიცოცხლეში ქიანჭველაც არ გამისრესია...

— კარგი, მაშ რატომ დაგაქვს რევოლვერი ჯიბით? ან რალად მოღიზარ და რეკავ?

— მან მომცა, სარამ და მთხოვს, ის მოვკლა, გესმის? აბა მე რად მინდა რევოლვერი? რაში მჭირდება მთელი ღამეები გოჯივით ვიხეტიალო ქუჩებში?.. ასეა: ვიხეტიალებ, მივბრუნდები შინ, მაგრამ ისევ გარეთ გამომაგდებს — უთუოდ უნდა მოძებნო და მოკლაო.

— დაიცა, — ვუთხარი და განზე გავწვიე, რადგან მეტისმეტი მღელვარებისაგან თითქმის ზედ მომაწვა და მისი ჩურჩული ბუზის ბზუილივით მანერვიულებდა. — შეგეკითხები, შენ კი დაწყნარებით მიპასუხე, რადგან ამ შენი ნაწყვეტ-ნაწყვეტი ლაპარაკისაგან ვერაფერი გავიგე.

გაიწია და რამდენადმე დაწყნარდა თუ არა, გამოკითხვა დავუწყე.

— ჭერ მითხარი, — სად იყავით ამ ხუთი-ექვსი თვის განმავლობაში?

— საზღვარგარეთ წავედით.

— როდის დაბრუნდით?

— ერთი კვირაც არ არის.

— შენ ამბობ, ქალიშვილობაში ახლო დამოკიდებულებაში იმყოფებოდით იმ ბატონთან, რომელიც ჩემი სტუმარია. ეს გინდოდა გათქვა, არა? ხომ გასაგებად ვლაპარაკობ?

— ჰო.

— როდის გითხრა ამის შესახებ?

— გუშინწინ, როცა ამ ბატონს შეხვედრია.

— მაშამდე არაფერი უთქვამს?

— სრულებით არაფერი.

— შენც არაფერი გეეჭვებოდა?

— სავსებით.

— რაღი ამდენხანს მალა, რატომღა გითხრა ახლა?

რომ შური ვიძიო.

— კი მაგრამ, რატომ არ ფიქრობს, რომ შენ შეგიძლია უწინ შური ვით მასზე იძიო, რადგან შენ მოგატყუა?

— ვინ? მე?... შური ვიძიო მასზე? მაშასადამე, შენ კარგად კიდევ არ მიცნობ, არ იცი, როგორ მიყვარს...

— მას კი უყვარხარ?

— შემოდია ვთქვა, რომ უჩემოდ ერთ დღესაც არ იცოცხლებს.

— თუ მას მართლა ასე ძლიერ უყვარხარ, რად მოინდომა შენი დაღუპვა? კაცის მოკვლისათვის ხომ სასჯელი მოგელის, ამით კი თვითონაც გაუბედურდება!

— ეს ყველაფერი ვუთხარი, შენ გგონია არ ვუთხარი? მაგრამ არავითარი მიზეზი არ სურს გაიგოს, არავითარი მოსაზრება არ არსებობს, შურისძიებაზე რომ ხელს ააღებინებს. მთლიანად შურისძიებად ქცეულა და მზად არის ამას ყველაფერი შესწიროს, თავისთავიც. გახსოვს, გაიმბობღი — როცა დანიშნულები ვიყავით, ერთხელ მუშტაიდში წავედით, მან რევოლვერი დახატა და მკითხა: კაცის მოკვლა თუ შეგიძლიაო? თურმე მუდამ ამაზე ფიქრობდა. მხოლოდ ახლა ვხვდები, რომ მთელი მისი უცნაურობანი — დაღუპული ცხოვრების. შედეგია.

— კარგი. მაინცდამაინც მკვლევლობით რატომ უნდა იძიოს შური?

— იმიტომ, რომ ასეთებისათვის სხვა სასჯელი არ არსებობსო, მან ისევე მომკლა მე, როგორც ის მტრედი, რომელიც თავისთვის მშვიდად იჭდა ხეზე და არავის არაფერს უშავებდაო. რომელ მტრედზეა ლაპარაკი, არაფერი მესმის. მგონია, ჭკუას კარგავს და როცა ამაზე ვფიქრობ, ლამის არის თვითონაც შევიშალო. ღმერთო ჩემო, რითი გათავდა ყოველივე ეს, რითი?

გარეგინმა ხელები თავზე შემოიდო და რამდენიმე ხანს გაუნძრევლად უყურებდა ერთ წერტილს, მერე მოულოდნელად შეირხა, ხელები ჩამოუშვა და შემლილივით შემომხედა.

— მე შენ სხვა, უფრო საშინელ ამბავს გეტყვი, — თქვა მან და ხმას ძალიან დაუწია, — მას შვილიც ჰყოლია ამ ბატონისაგან... და თავის ხელით დაუხრჩვია...

— რას ამბობ? — წავიჩურჩულე შეძრწუნებულმა.

— ჰო, ჰო, ესეც თვითონვე აღიარა.

— მერე რა უქნია მოკლული ჩვილისთვის?

— მამამისს, ჩემს სიმამრს, ქალიშვილის სახელი რომ დაეცვა და დანაშაული დაემალა, ლამით წაუღია გვამი და მდინარეში გადაუგდია.

ბავშვის მკვლელობის გამოკლებით გარეგინის ნაამბობს სარასა და თუსიანის დამოკიდებულებაზე სავსებით ჩვეულებრივ ამბად ვთვლი-
 დი. მსგავსი შემთხვევებით სავსეა ჩვენი ყოველდღიური ცხოვრება. არ
 მიმიცია აგრეთვე სერიოზული მნიშვნელობა იმისათვის, რომ სარა გა-
 რეგინისაგან მისი ნამუსის ამხდელისა და შემაცდენელის მოკვლას მო-
 ითხოვდა: ეს მისი ჩვეულებრივი უცნაურობის ერთ-ერთ ნიშნად მი-
 ვიჩნე. ნერვული აღგზნებისას უთუოდ ვერ ამჩნევდა, რა სულელურ
 რამეს მოითხოვდა მოსიყვარულე მეუღლისაგან, რომელსაც, უეჭვე-
 ლია, ძალიან კარგად იცნობდა. მაგრამ იმ გარემოებამ, რომ ამ ისტო-
 რიაში აღგილი ჰქონდა ბავშვის მკვლელობის შემადარწუნებელ დანა-
 შაულს, სულ დამამუნჯა და შაიძულა ძალიან სერიოზულად შემეხედა
 ამ საქმისათვის, რადგან ის, რასაც ჩვეულებრივ ამბად, ყოველდღიურ
 შემთხვევად ვთვლიდი, ნამდვილად ტრაგედია იყო, რომლის დასასრუ-
 ლი შეიძლება ფრიალ საეაღალლო ყოფილიყო იმ მოქმედი პირებისათ-
 ვის, რომელნიც ბედისწერას ერთმანეთისათვის დაეკავშირებინა. და
 რაკი მეც, სავსებით გარეშე პირი, ბედის თამაშმა ამ ტრაგედიაში გამ-
 რია, მიხდოდა თუ არა, მაინც მონაწილეობა უნდა მიმეღო.

გარეშე ადამიანის მდგომარეობა საზღვრავდა ჩემს როლს ამ ის-
 ტორიაში: მეთამაშა მეხამრიდის როლი. მაგრამ როგორ უნდა შემეს-
 რულებინა ეს ძნელი როლი, თვითონ ჩემთვისაც არ იყო ნათელი. ამი-
 ტომ, როცა გარეგინის სიტყვების მძიმე შთაბეჭდილება ოდნავ გამე-
 ფანტა, გამოკითხვა განვაგრძე.

— ახლა რა გაქვს განზრახული?

— განზრახული? — გაუკვირდა გარეგინს. — გონება შემრჩა კი,
 რომ რამე განვიზრახო? ან რა შეიძლება გააკეთოს ისეთი სუსტი ხასია-
 თის ადამიანმა, როგორც მე ვარ, ასეთი უბოროტო, კეთილი გულით?
 ცხადია, სულ სხვა იქნებოდა, მეც რომ სხვებივით შემეძლოს გაცხარე-
 ბა, განრისხება, მაგრამ განა დამნაშავე ვარ, რომ არ შემეძლია, რად-
 გან უნიჭო ვარ? სწორედ ამაშია ჩემი უბედურების ფესვები და ვინ
 იცის, რამდენჯერ სახეში მოუხლია, შენ ვაჟკაცი კი არა, ღედაკაცი ხარ,
 ქალაჩუნა, ჩვარიო... არ გეგონოს, რომ მე ამ ორ დღეს ვცოცხლობ,
 ვიცი რა არის მოსვენება. ვხედავ, როდის დამდება და როდის თენდე-
 ბა? სულ არაფერი ვიცი, ამომავდეს ცხოვრების კალაპოტიდან და თავ-

ქვე ვეშვები, სულ ქვევით, ქვევით... და მგონია, ეს ძირს დაშვება არასოდეს დამთავრდება, სანამ სული არ ამომძვრება. სულ გამოვთაყვანდი, სული ყელში მებჯინება, ძლივს ვსუნთქავ, იმიტომ, რომ სარა არ მაძლევს მოსვენებას, ჩემი დანახვა არ სურს, მემუჭრება, რომ თუ იმას არ მოვკლავ, გადამიყვარებს, შემიძულებს, თავსაც მოიკლავს.

გარეგინი ნიდაყვებით დაეყრდნო საწერ მაგიდას და თავი ხელებში ჩამალა, მძიმედ და ღრმად სუნთქავდა, სირბილით გახვითქული კაცივით, შემდეგ უცბად ხელები ჩამოუშვა და ოთახში მძიმე, შეკაეებული ქვითინი გაიხმა.

ამან საშინლად ამაღლევა. ამ აღტაცებულ, მხიარულ, უდარდელ ახალგაზრდა კაცს მწარედ ატირებულს პირველად ვხედავდი. მას უმწეო, ცხოვრებისაგან დაჩაგრული თბოლი ბავშვის სახე ჰქონდა და არასოდეს ისე არ შემბრალებია, როგორც ამ წუთს. არც შეიძლებოდა, არ გეთანაგრძნო მისთვის... და სანამ იგი შეკაეებული ქვითინისაგან სულს ძლივს იბრუნებდა, ჩემთვის თანდათან ნათელი ხდებოდა ჩემი სამოქმედო გეგმა, რაკი მეგობრული თანაგრძნობა თუ ბედის უკუღმართობა ამ საქმეში ჩარევას მავალდებულებდა.

შევეცადე, როგორმე დამეწყინარებინა გარეგინი. შემდეგ კი ვუთხარი:

— შენ ხომ იმისათვის მოხვედი, რომ დაგეხმარო, ასე არ არის?

— დიახ, — ცრემლნარევი ხმით მითხრა, — მხოლოდ შენ შეგიძლია დაეხმარო, რადგან ის ბატონი...

— კარგი! ის ბატონი არა თუ ჩემს სახლში, არამედ თბილისშიაც არ იქნება დღესვე, — წარმოვთქვი მტკიცედ.

— მართლა? — წამოიძახა და ჩემს ხელებს ისეთი დიდი სიხარულით დააცხრა, თითქოს ეხლახანს უიმედოდ არა ტიროდა.

— ამ მხრივ შეგიძლია სავსებით დაწყინარებული იყო, მაგრამ საქმე ის არის, გათავდება თუ არა ამით ყველაფერი?

— ო, ეს არის მთავარი, — მზურვალედ წარმოთქვა გარეგინმა. — შენ ოღონდ ის გაისტუმრე აქედან, დანარჩენი ადვილია. იცი რა? — განაგრძო გარეგინმა მეტი აღფრთოვანებით, — არ ვიცოდი, თუ ასეთი გავლენა გქონდა იმ კაცზე, მაგრამ რაკი მპირდები გავისტუმრებო, სავსებით დარწმუნებული ვარ, ასეც იქნება და უკვე ვგრძნობ ისეთ შემსუბუქებას, თითქოს უცებ გავთავისუფლდი კბილის საშინელი

ტკივილისაგან. იცი, რატომ მოვედი შენთან? გთხოვ, მოდი ჩვენსა და სარა დაამშვიდე. თუ ამასაც დაშავალებ, მარტო ჩემი კი არა, მისი მხსნელიც იქნები.

— შენი აზრით, ეს უხერხული არ იქნება?

— უხერხული კი არა, აუცილებელია. მე მასზე არავითარი გავლენა არა მაქვს. ის უბრალოდ, ვერ მიტანს, იქნებ უკვე ვძულვარ კიდევ, შენ კი, ვიცი, პატივსა გცემს და არ შეიძლება არ დაგიჯეროს. ბევრჯერ ცვაღე დამეწყნარებინა და დავრწმუნდი, სხვის დაუხმარებლად შეუძლებელია მისი დამშვიდება. დაწყნარება კი საჭიროა, აუცილებელია, იმიტომ რომ... იცი, ყველაზე უფრო რისი მეშინია? ფეხმძიმედ არის და მღელვარებამ შეიძლება მასზე ცუდი გავლენა იქონიოს.

თუმცა სარასთან შეხვედრაზე აზრი გარეგინის თხოვნამდე მეც დამებადა, მაინც პირადსა და ოჯახურ საქმეში ჩარევა იმდენად ფაქიზი საკითხია, რომ მაშინვე თანხმობა ვერ მივეცი, გამახსენდა სარას ხასიათის თავისებურებაც და პირდაპირი პასუხისაგან რომ თავი ამერიდებინა, ვუთხარი:

— კარგი, ვიფიქრებ.

— არა, გემუდარები, რაა საფიქრალი, — მუდარით შემაწყვეტინა გარეგინმა, — მოდი, აუცილებლად მოდი, გვედარები, და რაც უფრო ჩქარა მოხვალ, მით უკეთესი იქნება. დღესვე მოდი, როგორც კი სამუშაოს მორჩები. ყოველი წუთი ძვირფასია. უნდა გადავარჩინოთ. მეშინია, შემდეგ გვიან იქნება.

დიდხანს საცოდავად, დაყინებით მთხოვდა, არც კი მისმენდა, რომ ვეუბნებოდი, სარამ შეიძლება არც მივიღოს, შეიძლება შეურაცხყოფაც მომაყენოს ან როგორც დაუპატიეებელი შუამავალი, უბრალოდ სახლადან გამომავდოს-მეთქი, ბოლოს იძულებული გახდი დამემომო და სიტყვა მივეცი, დღესვე მოვალ-მეთქი.

ისე მხიარული და დაწყნარებული წავიდა, თითქოს ქვეყნად არავითარი სადარღებელი უკვე აღარა ჰქონდა. ამიტომ აღარ ვნანობდი, რომ თანხმობა მივეცი და თავი წინასწარ დაჯილდოებულად ჩავთვალე ყველა იმ მოსალოდნელი უსიამოვნებისათვის, რომელიც, როგორც დარწმუნებული ვიყავი, ამ საღამოს სარასთან შეხვედრისას მომელოდა.

სამუშაო საათების დამთავრებისთანავე თუსიანის ძებნა დაეწყო, რომ მაშინვე თბილისიდან გამესტუმრებინა. ვიყავი ყველგან, სადაც კი იმედი მქონდა ვნახავდი, სხვათა შორის, მივედი სარუმიანთანაც, რომლის ცოლზე თვალი დაედგა თუსიანს, მაგრამ ვერსად ვნახე. შემოდგომის მოკლე დღე უკვე ილეოდა და იძულებული გავხდი ძებნა შემეწყვიტა, რომ სარას ნახვა მომესწრო.

სასწრაფოდ ვისადილე. ძალიან მაწუხებდა და ამავე დროს მაინტერესებდა სარასთან შეხვედრა. არ ვიცოდი, რითი ამეხსნა ჩემი შუაქაობა, რაზე მელაპარაკა, რა სიტყვებით „ღამეწყენარებინა“, და როგორც არ ვცდილობდი მომეძებნა საბაბი და მომეხაზა მოსალოდნელი საუბრის თუნდაც სქემა, არაფერი გამომდიოდა. ბოლოს და ბოლოს იმ დასკვნამდე მივედი, რომ ასეთ შემთხვევებში საერთოდ წინასწარი მომზადება სრულიად ზედმეტია, მოფიქრებული გეგმა ყოველთვის იშლება, ამიტომ უმჯობესია ყველაფერი გარემოებას მიანლო.

ასეთი გადაწყვეტილებით წავედი კიდეც. კარი გამიღო თვითონ გარეგინმა. შუშის კარებიდან ვხედავდი, როგორ ჩამორბოდა მარმარილოს კიბეზე.

— გმადლობთ, რომ მოხვედით, მოუთმენლად გელოდი, — წყნარად მითხრა და ხელი მაგრად ჩამომართვა. — ავიდეთ! თუმცა, მოიცადე!

შემაჩერა, ზემო სართულს შეშფოთებით მიაჩერდა და კიდეც უფრო ხმადაბლა მკითხა:

— ის ბატონი უკვე გაისტუმრე?

— ბევრი ვეძებე — ვერსად ვნახე, მაგრამ საერთოდ ღამეს ჩემთან ათევეს. თუ ამ ღამით ძალიან გვიან არ მოვა, დღესვე გავაგზავნი ღამის მატარებლით, უკიდურეს შემთხვევაში — ხვალ აღრიანად.

— ეს არაფერია, მხოლოდ გაფიცებ, სარას უთხარი გაემგზავრა-თქო. მეშინია, ამალამაც არ გამომაგზავნოს მის მოსაკლავად. ამის გარდა, თუ გაიგებს, რომ ქალაქში აღარ არის, — დამშვიდდება.

— ასე გგონია?

— ექვი არ მეპარება.

შევეუდექით კიბეებს, მაგრამ ახლა მე შევაჩერე.

— სარამ იცის ჩვენი დღევანდელი შეხვედრის შესახებ?

— არა, არა! რას ამბობ? — წაიჩურჩულა გაკვირვებულმა გარე-

გინმა, რომ ასეთი რამ ვიფიქრე.— ჭერ ასე არ გავსულელებულვარ. ნახვაც კი არ უნდა ჩემი. ჩაკეტილია თავის ოთახში და არ გამოდის.

ახლა მე შევდექი ჭიუტად.

— თუ ასეა, ჩემი მოსვლა რა საჭირო იყო?

— არა, არა, შენ მიგიღებს, აუცილებლად მიგიღებს. მხოლოდ ჩემი ნახვა არა სურს. შენ კი აუცილებლად მიგიღებს, თუნდაც იმიტომ, რომ ის ბატონი შენი სტუმარია. წამოდი, წამოდი!

ხელი ჩამქიდა და თითქმის ძალით წამიყვანა. შევედით ელექტრონის შუქით განათებულ წინა ოთახში. სანამ პალტოს ვიხდიდი, გარეგინმა ძალიან ფრთხილად გააღო სასტუმრო ოთახის კარი, შევიდა შიგ და ქალი აანთო. ოთახი მოლურჯო მბრწყინავი შუქით განათდა. გარეგინი ფეხის წვერებზე დაბრუნდა და ჩამჩურჩულა:

— შედი, მე კი მოახლის პირით გადავცემ, რომ მოხვედი.

— შენ?

— მე არც კი ვეჩვენები, რომ არ გაღიზიანდეს და თქვენ წყნარად ისაუბროთ.

და აჩქარებით გაქრა კარის იქით, რომელიც შიდა ოთახებისაკენ მიემართებოდა.

სასტუმრო ოთახში შევედი და დავჩქეი. აქ, შემოსასვლელი და ჩემთვის საცნობი, აივანზე გასასვლელი კარის გარდა, კიდევ ორი კარი იყო. აოლოდინით შევეყურებდი ხან ერთ, ხან მეორე კარს. ვგრძნობდი რაღაც უჩვეულო შიშს. ყოველ წუთს ველოდი—აი, სადაც არის შემოვა სარკა და თავის მტრულ, დაჟინებულ, ექვიან მზერას მომაპყრობს—მეთქი. ახლა ვიგრძენი, რომ მოუფიქრებლად მოვიქეცი, როცა თავზე ვიდევ ეს მოციქულობა, რომელიც ჭერ კიდევ არ ვიცოდი რითი დამთავრდებოდა და შეიძლება ჩემი თავმოყვარეობის შემლახველი უსიამოვნებებით ყოფ-ლიყო სავსე. ახლა თითქმის დარწმუნებული ვიყავი, რომ ყველაფერი ეს ძვირი დამიჭდებოდა.

მაგრამ ერთმა გარემოებამ, რომელზეც აქამდე არ ვფიქრობდი, მოულოდნელად გამბედაობა მომმატა და კარგი სახელისა და თავმოყვარეობისათვის ჩემი მოსვლა უაზრობად კი არა, პირიქით, აუცილებლადაც მომეჩვენა.

ეს შექდეგი გარემოება იყო.

სარკა. რომელმაც თუსიანისაგან გაიგო, რომ იგი ჩემთან იყო გაჩერებული, რასაკვირველია, ფიქრობდა, ყველაფერი ვიცოდი მის შესა-

ხებ. ამის მიუხედავად, მაინც მივეცი თავშესაფარი ჩემს სახლში, მე, მისი ქპრის მეჯვარემ და ახლო მეგობარმა. ვინ იცის, მის თვალში რა ზომაჰდე ვიყავი დაცემული, და როგორ ვეჯავრებოდი. ცხადია, უნდა დამეწყნარებინა და დამეჭვრებინა, რომ ჭერ ერთი, თუსიანი ჩემი სურვილის წინააღმდეგ მესტუმრა, და მეორეც (ეს კი მთავარი იყო), არ ვიცოდი, თუ მისი გაიძვერული საქციელის მსხვერპლი თვითონ სარა იყო.

ახლა ძალიან ვნანობდი, რომ გარეგინმა სარას ჩვენი დღევანდელი შეხვედრა დაუმალა. მას რომ სარაპათვის ამაზე ეთქვა, სარა გაიგებდა, მისი წარსული, და, რასაკვირველია, თუსიანის გაიძვერობაც ჩემთვის რომ ნაპღვილად უცნობი იყო.

სანამ ამაზე ვფიქრობდი და თავის გასამართლებლად სიტყვებს ვეძებდი, ერთ-ერთი კარი გაიღო და გამოჩნდა სარა, რომელსაც მხრებზე თბილი შალი ჰქონდა მოხვეული.

შემოვიდა, წინასწარ აიკრიფა კაბის უკანა კალთა, კარში არ მომყვესო, გაჩერდა და ისეთი მრისხანე სახით შემომხედა, რომ მთელი ჩემი ცული წინათგრძობა უკვე გამართლებულად მომეჩვენა.

ეს შემოხედვა საკმარისი იყო, რომ მასთან მიახლოვება ვერ გამეზებედა. მექანიკურად ავდექი და თავი დავუკარი.

ჩემს მისალმებას არ უპასუხა, კვლავ გარინდებული იდგა კართან და ცავი, მომაკვდინებელი თვალებით პირდაპირ სახეში მომშტერებოდა.

იმის მიუხედავად, რომ საშინლად დაბნეული ვიყავი, მაინც შევამჩნიე უდიდესი ცვლილება გარეგნობაში. გათხოვებას თუ ბოლო დღეების მძიმე განცდებს სავსებით გაენადგურებინა მისი სილამაზე. ისედაც დიდი თვალები არაბუნებრივად გადიდებოდა, ტუჩები ჩალურჯებოდა და დასქელებოდა, სახე გაფითრებული, გამხდარი და იქამდე შეცვლილი ჰქონდა, გეგონებოდათ ახალი ნაავადმყოფარიყო.

დიდხანს მიყურებდა სიძულვილით სავსე, ცივი მზერით, მერე უცბად აკანკალდა, სკამზე სწრაფად დაეშვა და ორივე ხელი მუცელზე იტაცა. მოიკუნტა, გაქვავდა. დაღმეკილ სახეზე ეტყობოდა, რომ მძაფრი ფიზიკური ტკივილი სტანჯავდა. მხოლოდ ახლა გამახსენდა, გარეგინმა რომ მითხრა, ფეხმძიმედააო. უნებურად ღრმა თანაგრძნობისა და პატივისცემის გრძნობამ შემიპყრო, თანაც არასოდეს ამ წუთამდე ასე ცხადად არ მიგრძენია თუსიანის უსინდისობა და სიმდაბლე, რომელმაც ამ საბრალო ქალს სამუდამოდ დაუსახიჩრა ცხოვრება.

მეტად მძიმე მდგომარეობაში აღმოვჩნდი. გაშტერებული ვიდექი და არ ვიცოდი რა მექნა, რა მეთქვა. სარა კი, მაგრად ტუჩებმოკუმული, ცდილობდა კივილი შეეკავებინა, რასაც ტკივილი აიძულებდა. ყრუდ გმინავდა და კვნესოდა, ხანდახან მუცელზე წაივლებდა ხელს და იგრიბებოდა, შემდეგ თანდათან დაწყნარდა, სკამის სახურგეზე გადაწვა, ხელები ჩამოუშვა, თვალები დახუჭა და ბოლოს, შვებით ამოისუნთქა. სახე წინანდელზე უფრო გაფითრებოდა, მაგრამ ისე მშვიდი ჰქონდა, მეჩვენებოდა, არ სუნთქავდა, შემდეგ, როცა თვალები გაახილა და ისევ შემომხედა, გავვოცდი: სად გაქრა ის შეურიგებელი სიძულვილი, რომელიც სულ ცოტა ხნის წინ ასე ინატებოდა მის გამგმირავ მზერაში? ახლა მიყურებდა და თითქმის არც მხედავდა, მთელი მისი შინაგანი სამყარო ამ იშვიათ მეტყველ თვალებში გამოკრთოდა, და მე თითქოს მიკროსკოპში ვხედავდი ამ სამყაროს, სავსეს ისეთი განცდებით, რომლის შემსუბუქება ჩანდა, არაფრით შეიძლებოდა.

მეც ცრემლებამდე გრძობამორეული ვუყურებდი და მწყუროდა დაჯანსაღებოდი, რომ თუნდაც ოღნავ შემემსუბუქებინა მისი ტანჯვა.

X

— მაპატიეთ, ქალბატონო, მგონი, ძალიან უდროო დროს მოვედი, — როგორც იქნა წარმოვთქვი, რათა მღუშმარე მეთვალყურის უხერხული მდგომარეობიდან გამოვსულიყავი. — რომ მცოდნოდა, ავად ბრძანდებოდით...

— არა, არა! — გამაწყვეტინა სარამ უნიათო ხმით: ეტყობოდა, ჯერ კიდევ არ განთავისუფლებულიყო გადატანილი ფიზიკური ტკივილის შემდეგ მძიმე განცდისაგან, — მე თვითონ მინდოდა თქვენი ნახვა და კარგია, რომ მობრძანდით. გთხოვთ დაბრძანდეთ.

მხრებზე შალი გაისწორა, ალბათ, სციოდა, ხელები შალის ყურებში შეიხვია, გულზე დაიკრიფა, თავი ჩაჰკიდა და როცა დაეჭექი, ისევე სუსტი ხმით მითხრა:

— ვიცი, რისთვისაც მოხვედით. მეც ამ საქმეზე მინდოდა თქვენი ნახვა. ბრძანეთ, გისმენთ!

— ნებას მაძლევთ, ქალბატონო?

სარამ მწარე დაცინვით აიჩეჩა მხრები.

— ქალი, რომლის ყველაზე წმიდათა-წმიდა, შეგინებული და გათელილი, გამოფენილია მოედანზე, როგორც ცინიზმის დიდი გამარჯ-

ვება, ცხადია, თქვენს სიტყვებს არ შეუშინდება! — ერთგვარი ავის მომასწავებელი სიმშვიდით წარმოთქვა და პირდაპირ შემომხედა. — შეგიძლიათ დაწყნარდეთ, სრულიად გულგრილად მოგისმენთ.

— მაპატიეთ, ქალბატონო, ვერ გაგიგეთ, — ვუთხარი მისი სიტყვებით გაოცებულმა. — ნუთუ ფიქრობთ, რომ მოვედი...

— გთხოვთ, წინასიტყვაობის გარეშე თქვათ! — გამაწყვეტინა სარამ სასტიკად. — რასაც ვფიქრობ, ეს ჩემი საქმეა, თქვენ კი პირდაპირ თქვენი სათქმელი ბრძანეთ!

შიგვხვდი, უკვე ნერვულობდა და თუ მაშინვე საქმეზე არ გადავიდოდი, შემდეგ ველარაფერს გავაგებინებდი.

— დაიცადეთ, მეუღლეს დავუძახებ! — უცბად თქვა სარამ, სწრაფად წამოდგა და იმ კარისკენ გაემართა, საიდანაც შემოვიდა.

— არა, არა! — უნებურად მივადევნე შიშვალს.

შედგა და გაკვირვებით შემომხედა.

— როგორ?

— იგი ჩვენს საუბარს არ უნდა დაესწროს.

— რატომ?

შევშფოთდი. აღარ ვიცოდი, რა მეპასუხა, რადგან მართლაც არ ვიცოდი, გარეგინი რატომ არ უნდა დასწრებოდა ჩვენს საუბარს და რაც ენაზე მომადგა, ის ვუპასუხე:

— იმიტომ, რომ რაც უნდა გითხრათ და რისთვისაც მოვედი თქვენთან, მას ეხება.

— და არა მე?

— არა, მას, მხოლოდ მას.

სარა ცოტა ხანს გაკვირვებული მიყურებდა, შემდეგ მხრები ეჭვით აიჩეჩა და კვლავ დაჯდა.

— კეთილი და პატიოსანი! — თქვა, ნაღვლიანი გამომეტყველება მიიღო და შალში გაეხვია. — ბრძანეთ, გისმენთ!

ახლა უკვე ჩემთვის სავესებით ცხადი იყო, რაც უნდა მეთქვა. საიდან დამეწყო და როგორ დამემთავრებინა. და დავიწყე. თან ვცდილობდი შეძლებისდაგვარად ავრიდებოდი მის მახვილ მზერას, რომელიც ნამდვილად მახნევდა.

— თქვენ იცით, ქალბატონო, რომ მე და გარეგინი ძალიან ახლო მეგობრები ვართ ბავშვობიდანვე. თქვენც, ამ ხუთი-ექვსი თვის მანძილზე უთუოდ კარგად გაიცნობდით. არაფერს ვამბობ მის საარაკო

გულკეთილობაზე, ამის გასაგებად სრულებითაც არ არის საჭირო მასთან ხანგრძლივი ცხოვრება. მინდა მისი ბუნების ზოგიერთ სხვა მხარეზე მოგახსენოთ, ეს მხარეები უთუოდ, თქვენც გექნებათ შენიშნული. მე ვიცი მისი ცხოვრებიდან ზოგი უცნაურობანი, რომლებიც ხანდახან საფუძველს მაძლევენ სერიოზულად დავექვდე მის... სულიერ მდგომარეობაში. ამასთანავე უნდა გითხრათ — თუ ეს უკვე ცნობილი არ არის თქვენთვის, — რომ დღემისი სულით დაავადებულთა თავშესაფარში გარდაიცვალა, ხოლო მამამისს, თუმცა შეშლილი არ იყო, არანორმალური თვისებები ჰქონდა. როცა ამ მემკვიდრეობას ვითვალისწინებ, გარეგინის უცნაურობანი ჩემთვის საესებით გასაგებია. მან, უეჭველია, ბევრი რამ მიიღო მემკვიდრეობით ავადმყოფი მშობლებისაგან. მაგრამ არასოდეს არ მინახავს ისეთ სულიერად არანორმალურ მდგომარეობაში, როგორც დღეს. თქვენი მოგზაურობიდან დაბრუნების შემდეგ დღეს პირველად ვნახე. უზომოდ შეშფოთებული შეძოვიდა ჩემთან რევოლვერით. მითხრა — რევოლვერი ცოლმა მომცა და მიბრძანა, ერთი ახალგაზრდა მოკალიო. ეს ახალგაზრდა ახლა ჩემი სტუმარია. მას სრულებით არ იცნობს, სახითაც არ უნახავს და არასოდეს მასთან არავითარი საქმე არა ჰქონია. როცა გამოკითხვა დავუწყე, ისეთი რამეები მითხრა, საბოლოოდ დავრწმუნდი — მისი სულიერი წონასწორობა საესებით დარღვეულია.

— რა გითხრათ? — მკითხა სარამ და კვლავ ჩაცოებით შეპომა-ცქერდა.

— თავს ნებას როგორ მეცემ, ქალბატონო, თქვენთან გავიმეორო ის, რაც ჰქუიდან შემცდარმა...

— არა! გთხოვთ, ყოველგვარი შელამაზების გარეშე მითხრათ! — გამაწყვეტინა სარამ სასტიკად, — ნებას გაძლევთ!

— დაბეჯითებით გთხოვთ, ქალბატონო, გამათავისუფლოთ ამ მეტისმეტად მძიმე ტვირთისაგან, — თითქმის შევევედრე, რადგან მის ხმაში რაღაც ავისმომასწავებელი შევნიშნე და შემეშინდა. — ახლა სწორედ იმისთვის გეახელით, რომ გთხოვთ სერიოზულად მიაქციოთ ყურადღება გარეგინის მდგომარეობას. ჭერ კიდევ გვიანი არ იქნება მის დახსნაზე ზრუნვა და მეც მზადა ვარ ყოველმხრივ დაგეხმაროთ.

დავამთავრე, დავჩუმდი და ლოდინი დავუწყე.

სარაც დუმდა. მთელი ამ დუმების დროს, რომლისგანაც კარგს

არაფერს მოველოდი, სარა თავისი გამქვალავი თვალებით განუწყვეტ-
ლოვ დაეძებდა ჩემში იმას, რის დამალვასაც ასე გულმოდგინედ ვცდი-
ლობდი და რასაც, უეჭველია, გრძნობდა და ხედავდა.

— დიდად გმადლობთ, ჩემო ბატონო, რომ გული ასე შეგტკივათ-
თქვენი მეგობრისა და ჩემი მეუღლისათვის, — დაარღვია ბოლოს ავის.
მოპასუწავებელი სიჩუმე ერთგვარად ზრდილობიანი დამცინავი ტონით,
რომლითაც, ალბათ, უნდოდა მივეხვედრებინე, რომ ჩემი მკვერმეტყ-
ველების უკან დამალული აზრიც ძალიან კარგად ესმოდა და ტყუილად-
ვთვლიდი ასე მიაშინებდა. — მაგრამ თქვენს დასამშვიდებლად შემძლია-
მოგანსენოთ, რომ სავსებით მცდარი დასკვნები გამოგიტანიათ. ბაყა-
ყის სინხლიანი გარეგინი ძალზე ნორმალური ბუნების კაცია, გრძნობა-
ჩლოუნგი, რომელსაც პირად პატივმოყვარეობაზე არავითარი წარმო-
დგენა არა აქვს და განუწყვეტლივ მხოლოდ საკუთარ ტყავზე ფიქრობს.
თუ დღეს თქვენს წინაშე უჩვეულოდ ადელეგებული წარსდგა, ეს მხო-
ლოდ იმას უნდა მიეწეროს, რომ ერთი ობიექტური გარემოება, მისი
სურვილისა და ნების წინააღმდეგ, დაჟინებით კარზე მოადგა, რათა
აფგორიაქებინა მისი უადრესად ნორმალური სულიერი მდგომარეობა,
მისი ჰაობივით მშვიდი ცხოვრება, ყველაფერზე ძვირად რომ უღირს.
საკმარისია, ერთი საალერსო სიტყვა ვუთხრა და სინხარულით ბუქნას
დაუვლის. მეტიც, მივა და ჩაკოცნის იმ ვაჟბატონს, თქვენი სტუმარი
რომ არის, აინუნშიაც არ ჩააგდებს, რომ ამ ვაჟბატონმა გაუგონარი
შეურაცხყოფა მიაყენა მის ცოლს. აი რაოდენ ნორმალურია თქვენი
პატივცემული მეგობრისა და ჩემი მეუღლის სულიერი მდგომარეობა,
ჩემო ბატონო. მაშ არავის, და ცხადია, არც თქვენის მხრივ განსაკუთ-
რებულ ყურადღებას სრულებითაც არ სჯკვირობს ამ საქმეში. მაგრამ
თქვენ რომ სავსებით დამშვიდებული ბრძანდებოდეთ და მასზე არ
იწუხობთ, თავად მე გიდასტურებთ, რომ ყველაფერი, რაც დღეს გაიმ-
ბოთ, სრული სინამდვილეა. დიახ, რეკოლვერიც მე მივეცი და მევე
ვაიძულებ მოკლას ის ვაჟბატონი, თქვენი სტუმარი რომ არის. ახლა
რაღას იტყვით, ჩემო ბატონო?

პასუხი ვერ ვიპოვე. ამ გაბედულმა აღსარებამ, მისმა შეუშფოთე-
ბელმა, თანმიმდევრულმა მსჯელობამ გამაოცა და ენა დამიბა, თითქოს
ყველაფერი ეს წინასწარ მოფიქრებული და დალაგებული ჰქონდა.
განსაკუთრებით მისი შეუბრალებელი მზერა მაძრწუნებდა, რომელშიც
ისევე, როგორც მთელი მისი საუბარი კილოში, მუდამ უშიშარ გამო-

წვევას ვგრძნობდი, თითქოს თანამგრძნობი მეგობარი კი არა, შეურიგებელი მტერი ვიყავი და იგიც მზად იყო ეს მტერი სამკვდრო-სასიცოცხლო დუელში გამოეწვია.

— ბრძანეთ, ახლა რაღა შეგიძლიათ მითხრათ?— გაიმეორა შეუბრალებლად.

— მე... რაღა უნდა გითხრათ? — წავილულულუღე, რადგან მისი დაუინებელი ლაპარაკით შეშინებულმა, მართლაც, არ ვიცოდი, რა მეთქვა.

ნელა წამოდგა და გამგმირავად ჩამაცქერდა თვალებში.

— როგორ თუ რაღა უნდა მითხრათ? — თქვა თითქოს უკიდურესად გაოცებულმა.— მე ასეთი რამ გითხარით და თქვენ არაფერი გაქვთ სათქმელი? მე ჩემს ქმარს, თქვენს უახლოეს მეგობარს ასეთი დანაშაულის ჩასადენად ვგზავნი, კაცის მოსაკლავად ვაქებებ, რამაც შეიძლება დაღუბოს კიდეც და თქვენ არაფერი გაქვთ სათქმელი? განა ასეთი გულგრილი ხართ? ეს შეუძლებელია. თქვენ უთუოდ რაიმე უნდა თქვათ.

უკვე მივხვდი, საკითხის ნამდვილი არსის მიფუჩჩეება აღარ შეიძლებოდა. იქეთკენ ხომ ჭიუტად თვითონ სარა მეზიდებოდა. თავს ძალა დავატანე, ამაში, აღბათ ისიც დამეხმარა, რომ მისმა უკანასკნელმა სიტყვებმა, ცოტა არ იყოს, გაკენწლა ჩემი თავმოყვარეობა, და უკვე დამშვიდებით შევნიშნე:

— ქალბატონო, ტყუილად ფიქრობთ, რომ გულგრილი ვარ. თუ ვერაფერს ვამბობ, მხოლოდ იმიტომ, რომ ყველაფერი ეს უცნაურად მეჩვენება და უბრალოდ რომ გითხრათ, არ მესმის თქვენი.

— აი, ბოლოს და ბოლოს... ხომ დაგიჭირეთ? — შესძახა სარამ გამარჯვებულის კილოთი. და ეს წამოძახილი თითქოს ის საცობი იყო, რომელიც უცბად ამოვარდა და საშუალება მისცა თავისუფლად გამოენთხია მთელი ის ნაღველი, რომელიც მის სულში დაგროვილიყო წლების მანძილზე. — უცნაურია, შენი არ მესმისო, მეუბნებით. სირცხვილის აღმური რომ მედებოდეს, შეურაცხყოფის შხამს გულში ვიგუბებდე, ხოლო ტანჯვის ნაღველს სულში, მორალურად გათელილი და მიგდებული თუ მოვიკუნტებოდი, ვაგრუმდებოდი და ყოველ საექვო შემთხვევაზე ფოთოლივით აკანკალდებოდა — მაშინ ყველაფერი ეს არ მოგეჩვენებოდათ უცნაურად, მაშინ გამიგებდით და ბუნებრივად ჩათვლიდით ჩემს მოქმედებას, ასე არ არის? ასე ხართ შეჩვეულნი და

იმიტომ. ჩვეულებრივ ხომ ასე იქცევიან ჩემსავით პატივასდილები, მოტყუებულები და ბიტოვებულები? მაგრამ რაკი მე ასეთების მსგავსად არ მოვიკუნტე. არ გავჩუმდი, და ყველაფერი თვითონ გამოვიტანე სამსჯავროზე... თამამად, უშიშრად, თვითონ მოვეყევი საკუთარი გაუპატიურების, ტანჯვისა და განცდების ამბავს და ჩემი ამბობებულ სულის მთელი ძალით შურისძიებას მოვითხოვე, ამიტომ ამ მოქმედებას უცნაურად თვლით და ჩემი არ გესმით. თქვენი აზრით, ასე არ იქცევიან, ასე არ უნდა მოიქნენ, რადგან ეს სირცხვილია და ჩველებრივი მორალის საზღვრებს სცილდება, ხომ მართალია, ბატონო?

— არ გეთანხმებით ამ სიტყვებზე, ქალბატონო, — შევნიშნე ენერგიულად, — თქვენ ჩემს სიტყვებს ისეთი ახსნა-განმარტება მიეცით, რაც აზრადაც არ გამოვლია. თუ პროტესტს უცხადებთ არსებულ მორალს, მაშინ ორივე ხელით უნდა მოებლაუჭოთ თქვენს ქმარს, როგორც ნამდვილ ადამიანს, რომელმაც ჭეშმარიტი სიყვარულით გულანთებულმა შესძლო ჩვეულებრივ მორალზე ამადლება. თუ ვთქვი, რომ არ მესმის თქვენი, მხედველობაში მხოლოდ ის მქონდა, რომ გარეგინს თქვენ ისე უყვარხართ, მზად არის ყველაფერი დაივიწყოს, ყველაფერი გაპატიოთ.

— აპატიოს? ვის? რა? — სწრაფად მკითხა სარამ.

— სწორედ თქვენი! — მოუფიქრებლად წამომცდა, ნაწილობრივ, აღბათ იმის გამოც, რომ მისი თავხედობით გაღიზიანებული ვიყავი.

ვამბობ „მოუფიქრებლად“—მეთქი იმიტომ, რომ ჩემს თავს ვერასოდეს ვერ ვაპატიებ იმას, რაც ამ სიტყვებს მოჰყვა.

სარა გველნაკებნივით შეკრთა და რამდენიმე ხანს საშინლად გოცეებული მიცქეროდა, შემდეგ ამაყად გადაიგდო თავი, ისე, რომ გამგმირავი მზერა ჩემთვის არ მოუშორებია და ფართო თვალები თანდათან შმაგი მრისხანებით აევისო.

— მაშ, ასე, არა! — მომახალა მან, — მაპატიოს... მე... ეს კარგია. ეს აღმაფრთოვანებელია, ეს შესანიშნავია, ეს შეუღარებელია... მაშასადამე, რა? ჩემს მსაჯულად მოვიწვიე, მაშ ჩემი ქმარი ჩემი მსაჯულია. მაშ შეეძლო დამნაშავედაც ვეცნე ჩემს ქმარს, ჩემს პატრონს? მაშასადამე, იგი უფლებამოსილია მაპატიოს, თუ მოეხასიათა, შეუძლია კიდევ დამსაჯოს, რადგან სჯიან ან იწყნარებენ მხოლოდ დამნაშავეებს. ეს შესანიშნავი სამართალია, ეს დიდებული სამართალია! და თქვენ გაბედეთ ეს ჩემთვის გეთქვათ, ჩემთვის, უუფლებობის მსხვერპლისათ-

ვის, რომელიც დამნაშავეებით არის გარშემორტყმული. ასე, რომ დამნაშავე მე ვარ, და არა ის გაიძვერა, რომელმაც დაღუპა ჩემი ახალგაზრდობა, და არა თქვენ, დიახ, თქვენ, ბატონო, რომელმაც შეიფარეთ იგი თქვენთან, და არც ის საზოგადოება, რომელიც ითმენს ასეთი არამზადების არსებობას, მე ვარ დამნაშავე, იმიტომ რომ უცოდველი ვიყავი, გულუბრყვილო. დამნაშავე ვარ, იმიტომ რომ ქვეყანას და ხალხს სუფთა, ნათელი თვალებით ვუყურებდი. დამნაშავე ვარ, რადგან ჩემი ქალწულებრივი გამოუცდელიობით, ჩემი უბიწო უმწიკვლო გულთ მივენდე კაცს, რომელმაც უსინდისოდ მომატყუა, სუფთა ხელსახოცივით მომიხმარა და შებილწვის შემდეგ მიმაგდო, როგორც გამოუსადეგარი ნიეთი, რომ წლების შემდეგ, როცა სულის სიმშვიდე ძლივ-ძლიობით დავიბრუნე, კვლავ მოსულიყო და ცინიკურად ფეხქვეშ გაეთელა ჩემი ქალური სათნოება, წაებილწა ჩემი ოჯახის სიწმინდე, დაეცინა ჩემი ადამიანური ღირსებისათვის ისე, თითქოსდა არაფერი მომხდარიყოს, თითქოს და მეც ისეთი ძალღივი ვიყო, როგორიც თვითონ. ოო, რა უსამართლო ქვეყანაა, რა უსამართლო! ეს რა გულგრილობაა, ეს რა სიბინძურება ჩემს გარშემო?! რა დანაშაულისათვის მიმატოვეს ასე მარტოდ მარტო, მშველელის გარეშე?..

უქანასკნელ სიტყვებზე თვალები, რომლებიც აქამდე შეუჟავებელი მრისხანებით ენთო, უეცრად უძღურების ცრემლით ავესო. სკამზე უღონოდ დაეშვა, სახე ხელებით დაიფარა და საშინელი ქვითინისაგან მთელი სხეულით აცახცახდა.

ჯერ მისმა მძვინვარე მრისხანებამ, რომელიც უთუოდ ჩემი დაუფიქრებელი სიტყვების შედეგი იყო, ხოლო შემდეგ ამ სასოწარკვეთილმა ქვითინმა, რომელმაც გული ამიდულა, ჩემზე ისე იმოქმედა, რომ გავქვავდი, დავმუნჯდი, აღარ ვიცოდი რა მეტქვა, რა მექნა, რომ შეცდომა გამომესწორებინა და დამემშვიდებინა.

საბედნიეროდ, ამ დროს შეშინებულმა გარეგინმა და მოახლემ შემოიბრინეს, მაგრამ სარა მათ დანახვაზე წამოვარდა, გაცოფებით დაჰყრა ფეხი იატაკს და დაიყვირა:

— გაეთრიეთ... გაეთრიეთ ყველანი... არც ერთი არ დამენახოთ, უსინდისოებო, უღმერთოებო!..

ისევ დაეცა სკამზე და განაგრძო გულამოსკვნით ტირილი უფრო მეტი გულამოჯდომით. ისტერიულად.

წასვლის მეტი არაფერი დამრჩენოდა.

და ისეთი მძიმე სულიერი განწყობილებით გამოვედი, როგორც არასოდეს განმიცდია ჩემს ცხოვრებაში. უკვე წინააწარ ვგრძნობდი, რომ უნებურად დიდი უბედურების მიზეზი გავხდი და ეს შეგნება გახურებული შანთივით მიდაღადა გონებას.

XI

იმ საღამოს მუშაობის არავითარი სურვილი აღარ მქონდა და როგორმე რომ გამეფანტა ცუდი განწყობილება, თეატრში შევიარე. მაგრამ დიდხანს ვეღარც იქ გავძელი, ძლივს მოვისმინე პირველი მოქმედება. დამთავრდა თუ არა, შინ წამოვედი. მინდოდა დღევანდელი შთაბეჭდილებები შემეჩამებინა, რომელიც უფრო და უფრო მაფორიაქებდა.

ის იყო დარბაზიდან გამოვედი და გარდერობისაკენ გავემართე. რომ ფოიეში მოფუსფუსე ხალხში ორ მანდილოსანთან ერთად თუჩიანი დავინახე. თუჩიანს მათთვის ხელი გაეყარა, ქალები ხმამაღლა იცინოდნენ მის მონაყოლზე, რომელიც, ეტყობა, ძალიან სასაცილო უნდა ყოფილიყო. ერთი ქალბატონი სარუმიანი იყო. მაღალსა და შაუქან მანდილოსანს ორმაგი დაბაბი დაფენოდა, ბრჭყვიალა საეარცხლები დაემაგრებინა ყვითელ თმაში, მეორეს არ ეიცნობდი. ორივენი გამოპრანკულები, გათითხნილები, ძალზე მხიარულად იყვნენ. ქალბატონი სარუმიანი მოვიკითხე, მეორე ქალბატონი გავიცანი და ბოდიში მოვიხადე:

— მაპატიეთ, მაგრამ თქვენი საინტერესო კავალერი რამდენიმე წუთით უნდა წაგართვათ.

— თუ გნებავთ, სულ წაიყვანეთ, — გადაიხარხარა ქალბატონმა სარუმიანმა, — სიცილით დაგვხოცა.

თუჩიანს ხელი გავუყარე და გვერდით გავიყვანე.

— მთელი დღეა გეძებ. ახლა შინ მივდივარ, შენც რომ წამოხვიდოდე, კარგს იზამდი. მოდი, ერთად წავიდეთ.

— ახლავე?

— სწორედ ახლავე.

— განა რა მოხდა?

— ძალიან სერიოზული ამბავია.

— დეპეშა ხომ არ მომსვლია შინიდან?

— არა, მაგრამ ძალიან სერიოზული ამბავია, რის გამოც ამაღამვე უნდა დატოვო ქალაქი.

თუსიანი ცოტა ხანს გაოცებული მიყურებდა. იგრძნო, რომ სერიოზულად ველაპარაკებოდი, სახეზეც შეფიქრიანებული გამომეტყველება აღებეჭდა.

— ბარემ მითხარი და გაათავე, რაღას აჭიანურებ! — წამოიძახა მოუთმენლად.

— შოდი წავიდეთ, აქ უხერხულია, დროც აღარ არის. ისე უნდა მივიდეთ, რომ მატარებელს მიასწრო.

თუსიანი ისევ გაკვირვებით მიყურებდა, ეტყობოდა, ცოტა შეშინდა კიდევ, შემდეგ მხრები იკვნეულად აიჩეჩა და მიპასუხა:

— კარგი, წადი, ჩაიცვი, მეც ახლავე მოვალ!

და თავისი მანდილოსნების მოსაძებნად გაიქცა, რომლებიც ხალხში მიმალულიყვნენ.

ჩაცმული გასასვლელთან დიდხანს ველოდებოდი. ბოლოს, როგორც იქნა, თუსიანიც გამოჩნდა, სასწრაფოდ ჩაიცვა და თეატრიდან ერთად გამოვედით.

— არ ვიცი, მე მიწყრება ბედი თუ სარუმთან სწყალობა, — თქვა მან და პაპიროსი გააბოლა — ძლივძლიობით საქმე ბოლომდე მივიყვანე და ამაღამ უნდა დამებოლოებინა. მაგრამ თითქოს ჯიბრზე შენ გამომეჩხირე. აბა, თქვი, რა მოხდა?

— ცოტა ვიჩქაროთ, თორემ უკვე მეთაე საათია და ველარც კი მოასწრებ მომზადებას, რომ მატარებელს გაჰყვე — ვთქვი და ნაბიჯს ავეუჩქარე.

— არ ხუმრობ? — მკითხა თუსიანმა და ისიც გამოეჩქარა.

— აი, ნაბავ, ვხუმრობ თუ არა. მომისმინე! იცი თუ არა, რომ შენი რომანის გმირი ქალი ჩემი ყველაზე ახლობელი მეგობრის ცოლია?

თუსიანი უცებ შეჩერდა.

— ეს როგორ?

მეც გავჩერდი და შევხედე. ელექტრონის შუქზე დავინახე მისი სახის გამოჰეტყველება. ჩემი მოულოდნელი ცნობისგან გაკვირვებული, მეტასმეტად გაოცებული მიყურებდა.

— შემდეგ, იცი თუ არა, რომ ახლახან გათხოვდა და მისი მეჭვარე ვარ?

— მეჭვარე?

— და იცი თუ არა, ვინ მოდიოდა და ვინ რეკავდა ეს ორი ღამე ზედიზედ?

— ვინ?

— სარას ქმარი.

— რატომ?

— რომ მოეკალი.

ჩემმა ამ ცნობამ იმდენად გააოცა, რომ გაფითრდა და უნებურად ვინანე, ეს ამბავი ასე უცებ რატომ მივახალე-მეთქი. ცოტა ხანს ყვეფივით მიცქეროდა, შემდეგ თქვა:

— რა ზღაპრებს მიყვები?..

— სამწუხაროდ, ცხოვრება ზღაპარი არ არის, მეგობარო, — მაშინვე მივუგე, — ეს ტრაგედია იმის შედეგია, რომ შენ ცხოვრებას მხიარულ ზღაპრად თვლი.

— კარგი, მაგრამ თუ მოდიოდა, რატომ არ მომკლა, მით უფრო, რომ მეორედ თვითონ გავუღე კარი? რატომ გაიქცა?

ცოტა არ იყოს, დავიბენი ამ ლოგიკურ შეკითხვაზე, მაგრამ მაშინვე გავიფიქრე, თუ სიმართლეს ვეტყვოდი, საქმეს სულ გავაფუჭებდი, ამიტომ ორქოფულად ვუპასუხე:

— ვინ იცის! იქნებ უკანასკნელ წუთს მიხვდა, რა მდგომარეობაში ჩამაყენებდა, ჩემს სახლში რომ მოეკალი. მაგრამ ვიცი, — დაეუმატე, რომ არ შემენელებინა ჩემი სიტყვების შთაბეჭდილება, — დაგეძებს. აი, რატომ მიმაჩნია აუცილებლად, ამაღამვე გაემგზავრო.

მკლავი გავუყარე და წავიყვანე. კრინტიც აღარ დაუძრავს. დამნაშავე ბავშვივით მომყვებოდა.

— მართლა, აი კიდევ რა, — გამახსენდა უცებ — იცი, რომ ბავშვიც ეყოლა შენგან?

— ვიცი, — ჩუპად ჩაილაპარაკა, — უკანასკნელ წერილებში ვწერდა, ფეხმძიმედა ვარო.

— შემდეგ?

— შემდეგ აღარ ვიცი. მიმოწერა შეწყდა.

— მაშ, არ იცი, რომ მან საკუთარი ხელებით დაახრჩო ახლადდაბადებულნი?

— ნუთუ? — თითქმის წამოიყვირა თუსიანმა და უცებ გაჩერდა. — ვინ გითხრა?

— წამოდი, წამოდი, ყველაფერს მოგიყვები.

გზაზე, შინ მისვლამდე, დაწვრილებით მოვუყევი გარეგინის ჩემთან მოსვლის შემდეგ სარასთან ჩემი მისვლისა და საუბრის ამბავი. რასაკვირველია, ყველაფერი ეს სათანადოდ შევაფარდე. ვისარგებლე იმით, რომ თუსიანი სულ არ იცნობდა გარეგინს და არასოდეს არ ენახა, სარას ქმარი დავუხატე არა როგორც ვინმე კეთილი, სუსტი, უნებასყოფო ადამიანი, არავითარ მნიშვნელობას რომ არ აძლევს საყვარელი ცოლის წარსულს, არამედ როგორც მრისხანე, შურისძიების გრძნობებით ავსებული კაცი, რომელიც განუწყვეტლივ იმეორებს — არ დავწყენარდები, სანამ ჩემს მეტოქეს არ ჩავაძალღებო. სწორედ ასე ვუთხარი თუსიანს და შევნიშნე, რომ ნერწყვი გაუშრა. როცა შინ მივედი, უხმოდ ჩაეშვა სავარძელში. ეტყობა, არ იცოდა, რა ეთქვა ან რა ექნა.

მსახურს ვუბრძანე დაუყოვნებლივ დაეძახა ეტლისათვის, თუსიანს კი ვუთხარი სასწრაფოდ ჩაელაგებინა ბარგი, რომ მატარებელზე არ დაეგვიანა.

უსიტყვოდ ადგა, ნელა, უწაღინოდ გაიხადა საგარეო კოსტუმი. ჩაიცივა ნახშიარი ტანისამოსი, რომლითაც ჩემთან გამოცხადდა და ასევე ზანტად დაიწყო ჩემოდნის ჩალაგება. ძალზე შეფიქრიანებული იყო, თითქოს ყოყმანობდა, წასულიყო თუ დარჩენილიყო. ჩალაგებას მორჩა, ჩემოდანი დაკეტა, თოკით შეკრა და ისევ დაჯდა დაფიქრებული, თან დაჟინებით ერთ წერტილს მისჩერებოდა.

მაგრამ ეს დროებითი გაოგნება, როგორც ეტყობა, უცხო იყო მისი ბუნებისათვის. მშიშარა არ იყო და რამეზე დიდხანს ფიქრი არ შეეძლო, რაც უნდა საშიში მდგომარეობა ყოფილიყო. მისი ეს გაოგნება მოულოდნელი ახალი ამბის შედეგი იყო, რომელიც ვაცნობე და განსაკუთრებით იმ სერიოზულობისა, როგორც ველაპარაკებოდი.

ჩემს წინათგრძნობაში არ შეემცდარავარ. უცებ ხახვ გაუბრწყინდა, ღიმილით შემომხედა და მითხრა:

— ძმობილო, მოდი რაღაცას ვეტყვი და დაემოწმე, რომ არ შევმცდარვარ.

— რას?

— ნახე, მძახალივით ჩამოგიჯექი, მგზნებარე ფანტაზიის მწერალი კაცი ხარ, ყველაფერი ეს იმისათვის მოიგონე, რომ თავიდან მომიშორო. ხომ მართალია?

უარყოფის ნიშნად მხრები ავიჩეჩე და ალბათ, კარგად შეეჩელი

ზაზლი გამომეხატა. რადგან თუსიანმა მაშინვე სერიოზული სახე მიიღო.

— კარგი, — თქვა მან, — მაგრამ რატომ ვერ შევნიშნე სარაში რაიმე შტრობა ჩვენი შეხვედრისას? ან შეიძლება ეს ეშმაკობა იყო და მისამართი იმიტომ გამომართვა, რომ... თუმცა იმათგანი არა ვარ, ვისაც სიკვდილის ეშინია, მაგრამ სიკვდილსაც ხომ რაიმე აზრი, რაიმე გამართლება უნდა ჰქონდეს? თუ არა და — აი ჩემი შუბლი და აი შენი ტყვია, მესროლე, მორჩა და გათავდა!

— ამით რა გინდა თქვა? — ვკითხე გაოცებულმა.

— ის მინდა ვთქვა... ნუთუ ნამდვილად ისეთი დამნაშავე ვარ, რომ ჩემი ჩაძაღლება უნდათ? მე ხომ ვილაც მაწანწალასავეით ძალა არ მიხვარია მასზე? მას ისევე ვუნდოდი, როგორც მე მინდოდა. ჩვენი სული და ხორცი ერთნაირად ისწრაფვოდა ერთმანეთისაკენ და ამ ურთიერთტოლკოვის შედეგად სხვა არაფერი შეიძლებოდა მომხდარიყო, თუ არა ეს, რაც მოხდა. მართალია, დავპირდი შეგირთავ-მეთქი, მაგრამ ასეთ შემთხვევაში ხომ იმასაც იფიცებთან, რომ საკუთარ სიცოცხლესაც კი გასწირავენ... მაგრამ ვინ აძლევს ამას სერიოზულ მნიშვნელობას? დაპირება კი, რომელიც მაშინვე არ სრულდება, მეორე დღეს გახვრეტულ გროშადაც არა ღირს. გავემგზავრე, შემდეგ წლებმა გაიარა, და შემთხვევით რომ არ შეგხვედროდი, ვინ გაიხსენებდა იმას, რაც ოდესღაც ტყეში მოხდა? განა ცოტა მქონია ასეთი შემთხვევები, ერთი აქ, ასეთი იქ, რუსეთში. ანდა რატომ უნდა მახსოვდეს ყველა? ყველა ბუნებრივი საქმე შესრულდება და ამით მთავრდება. ხომ არ გახსოვს, რას ვქამთ ყოველდღე: შიმშილი გვაიძულებს ვქამოთ! ვქამთ და ვივიწყებთ. შემდეგ... შვილიო, ამბობ. გამოგიტყდები, ამბიათვისაც სერიოზული მნიშვნელობა არ მიმიცია. უკანასკნელ წერილებში მწერდა, ფეხმძიმედ ვარო, მაგრამ ვფიქრობდი: არაფერია, მოიშორებს, ყველაფერი გათავდება-მეთქი. რამდენი მაგისტანა მოიქცა ასე?.. მაგრამ შენ ამბობ, შობაო და... აქ უკვე აღარაფერი მესმის. განა ეს შესაძლებელია? განა თვითონ არ ამაღებინა ხელი მკვლევობაზე? თანაც მე ხომ მხოლოდ მტრედი მოვკალი? მან, რომელმაც ცხარე ცრემლით დაიტირა ჩიტი, უცებ საკუთარი ხელით ბოლო მოუღო თავისავე ახალშობილს. ეს ხომ საშინელი წინააღმდეგობაა!

— ეს კი კარგად თქვი! — შევნიშნე მე. — სწორედ აქედან შეგიძლია გააკეთო დასკვნა. რამდენად ღიღია შენი დანაშაული, რამდენად

დაუმახინჩებია შენს საქციელს მისი სული, რამდენად გათელილად უნდა ეგრძნო თავი და როგორ სასოწარკვეთილებაში ჩაეარღნილიყო, რომ ასეთი საშინელი დანაშაული ჩაედინა. მეტად კარგად მესმის მისი მდგომარეობა და არც ვამტყუნებ, რადგან არსებულ საზოგადოებაში და არსებული წყობილების დროს სად წასულიყო, ვის შეჰკედლებოდა, რომელი კანონისათვის მიეძარტა ამ უდანაშაულო, გამოუცდელ ქალს უკანონო ბავშვით ხელში? და შენ კიდევ კითხულობ, ასეთი რა დავა-შავეო.

თუსიანი არ შემდავებია. გულწრფელი გაოცებით მისმენდა. ვხედავდა, რომ მართლაც არავითარ სერიოზულ მნიშვნელობას არ ანიჭებდა თავის მოქმედებას და, ალბათ, არც არასოდეს უფიქრია საერთოდ ასეთ რამეზე. ახლა მხოლოდ ის უკვირდა, როგორ შეიძლებოდა მისი მიზეზით ვინმე ასე გაუბედურებულიყო.

— და ყოველივე ამის შემდეგ, — დავსძინე, — გეყო სინდისი არა მარტო მისულიყავი მასთან, არამედ საზიზლარი წინადადებაც კი მოგეცა, მრუშობის წინადადება, როგორც მან თქვა. არაფერს ისე არ აღუშფოთებია და არ გაუღიზიანებია, როგორც ამ თავხედობას. მართლაც და რას ნიშნავს ეს? ეს ნიშნავს, რომ მასაც ისეთ ქალად თვლი, რომელსაც შეგიძლია დაუკავშირდე, როცა მოისურვებ, როგორც მაგალითად, ქალბატონ სარუმიანს და სულ არ იღებ მხედველობაში იმ გარემოებას, რომ სარა არა თუ მხოლოდ გათხოვილია, არამედ ნალე დედაც გახდება.

— როგორ თუ დედა?

— ის ხომ ფეხმძიმედაა...

— ФУ ТЫ ЧЕРТ! — წამოიძახა თუსიანმა, ადგა და ოთახში ბოლოს ცემა დაიწყო, — ეს რა უბედურებაა! მაშინაც ფეხმძიმედ იყო, ახლაც ფეხმძიმედაა...

— და ამგვარად უარესი შედეგია მოსალოდნელი.

თუსიანი უცბად გაჩერდა და შეშინებულმა შემომხედა.

— როგორ?

— შენი მოქმედებით იმ ზომამდეა აღელვებული, რომ თუ ნაადრევი მშობიარობა არ დაეწყო და ბავშვი ცოცხალი გადარჩა, პირდაპირ სასწაული იქნება.

— რას ამბობ? — წაიბურტყუნა გაფითრებულმა თუსიანმა.

— რაც გესმის, მე ხომ საკუთარი თვალით ვიხილე მისი ტანჯვა.

თუსიანი კვლავ მიყურებდა და ცოტა ხანს გაშტერებული იდგა. შემდეგ დაჯდა. კრინტი აღარ დაუძრავს, ღრმად ჩაფიქრდა, რაც სრულებით არ უხდებოდა და ერთ წერტილს მიაშტერდა. ცხადი იყო, მასზე ყველაზე უფრო მეტად სარას მდგომარეობის საშიშროებამ იმოქმედა.

ამ დროს მსახური დაბრუნდა და გვაცნობა, ეტლი მოყვანილიაო. თუსიანს თითქოს არც გაუგია, ისე გაუნძრევლად იჯდა იმის შემდეგაც, როცა მსახურმა მისი ჩემოდანი გაიტანა.

— აბა, აჩქარდი, არ დაიგვიანო, — ვუთხარი.

მექანიკურად წამოიღვა, ქუდი დაიხურა და ძალიან ნელა, თითქოს არ უნდო, პალტო ჩაიცვა.

— იქნებ ფული არა გაქვს? — ვკითხე, რადგან ვიფიქრე, მისი ყოყმანის მიზეზი ეს იყო.

არაფერი უთქვამს, ჯიბეები მოიქექა.

ყოველი შემთხვევისათვის, ჯიბიდან ამოვიღე რაც მქონდა. ფული ჯიბეში არ ჩაუდვია, ხელში ჩაბლუჯა და გავიდა.

ეტლამდე მივაცილე.

ჩაფიქრებული ისევ ჩუმად იყო. ასევე ჩუმად დამშორდა, არც გამომთხოვებია.

XII

თუსიანის გაცილების შემდეგ ჩემს ოთახში დავბრუნდი. მიჩვეული ვარ გვიან დაძინებას და არც ახლა მინდოდა ადრე დავწოლალიყავი, თუმცა ფიზიკურადაც და სულიერადაც საშინლად დავიქანცე. ამიტომ გაუხდელად მივწექი, რომ ცოტა დამესვენა და დღევანდელ შთაბეჭდილებებში გავრკვეულიყავი. განსაკუთრებით უკანასკნელი შთაბეჭდილება მაინტერესებდა. მათეობდა ის ცვლილება, რომელიც თუსიანში ბოლო წუთს მოხდა. რომ არ მშინებოდა, შეიძლება მატარებელზე დაავიანდეს და ამაღამაც დარჩეს-მეთქი (ამ ღამეს კი ვინ იცის, რა მოხდებოდა!) უთუოდ ცოტა ხნით კიდევ დავტოვებდი რომ გამეგო, რა დაემართა, შეიძლება, ნანობდა მომხდარზე, შეიძლება, მის თავისებურ ეპიკურულ მსოფლმხედველობაში გადატრიალება მოხდა. სანამ ამ დღეში ვიყავი და სხვადასხვაგვარი დასკვნა გამომქონდა, ფიქრებმა წამიღეს და ვერც კი შევნიშნე, დაქანცულს ძილი ისე წამომპაროდა.

უცნაური სიზმარი ვნახე. თითქოს დიდ დარბაზში ვარ. მეჭლისია-მორთულ-მოკაზმული მამაკაცები და ქალები ერთმანეთში ირევიან. სცენაა. სცენაზე უკანა ფეხებზე შემდგარი უშველებელ რქიანი და გრძელწვერა თეთრი თხა დახტის. თხას მოციმციმე თვალები და ადამიანის სახე აქვს. უცებ ვამჩნევ: თხა კი არა, ქალია, და ეს ქალია—სარა, ბალერინას ჰაეროვან კაბაში. თავზე სპილენძის დოჭი შემოუდგამს, რომელიც ყოველი ხტუნვის დროს ჰაერში ავარდება და ისევ ეშვება მის თავზე. მაგრამ სარა უცებ შეჩერდა, შებარბაცდა და დოჭი პლიერი ხმაურით მიწაზე დაეცა.

ზრიალის ხმამ გამაღვიძა. ჯერ მეგონა, დოჭის ხმაა-მეთქი, შემდეგ ნახევრად მძინარემ მიმოვიხილე და შევეცადე გამოვფხიზლებულიყავი. ხმა გამეორდა. ახლა კი სავსებით ნათლად გავიგონე, რომ სადარბაზო კარზე რეკავდნენ.

წამოვვარდი. „ნუთუ ისევ ის არის?“ გავიფიქრე, ალბათ, სარას წაქეზებით, გარეგინი ისევ მოვიდა თუსიანის მოსაკლავად-მეთქი, შემდეგ სხვა ფიქრმა იძალა, შეიძლება, ეს თვითონ თუსიანია, იქნებ მატარებელზე დააგვიანა-მეთქი.

კარის ვასალებად გავეშურე.

მაგრამ როგორ გამიკვირდა და შემეშინდა კიდევ, როცა ჩემს წინ გარეგინი ან თუსიანი კი არა, სარა აღმოჩნდა.

— ქალბატონო, — აღმოშნდა უნებურად და მექანიკურად უკან დავიხიე, რომ მისთვის გზა მიმეცა.

ყველაფერი, რაც შემდეგ მოხდა, დღესაც სიზმარი მგონია, რამდენიმე წუთის წინ ნახული სიზმრის გაგრძელება.

სარა წუთით მთვარეულივით გაუძმრეველად იდგა კიბის საფეხურზე, ნათელი შემოდგომის ციდან მთვარე გვერდიდან უნათებდა პროფილს. გაოცებულმა შევნიშნე, რომ ამ ცივ ღამეს თავშიშველი იყო და ამ საღამოს რომ ვნახე, ისევ ის თხელი კაბა ეცვა, მაგრამ შინ თბილი შალი ესხა მხრებზე, ახლა კი ესეც არ ჰქონდა. მთვარეულივით გაუძმრეველად და აულეღვებლად პირდაპირ შიგნით იყურებოდა. მე კი არ მიყურებდა, ბნელ წინაკარს მისჩერებოდა. ცალი თვალიდან, რომელსაც გვერდიდან მთვარე ანათებდა, თითქოს ნაპერწკლები ცვიოდა. ამ თვალმა სიზმარში ნახული მოცეკვავე ქალის მოკიაფე თვალები მომაგონა.

ხმა არ ამოუღია, ხელი ნელა, რკინასავით ასწია და დერეფნისაკენ

გაიშვირა. მთვარის შუქზე ხელში რაღაც ფოლადივით ლაპლაპა დავე-
ნახე — ინსტინქტურად უკან მივაწყდი დერეფნის კედელს და კარს
ამოვეფარე. იმავე წუთს მოკლე და მჭახე ტყაცანი გაიძმა. ფოლადის
ლულამ პირდაპირ სახეში მომაფრქვია ნაპერწკლები და დერეფანი
დენთის სუნით აივსა.

ძარღვებში სისხლი გამეყინა. თმები ყალყზე დამიდგა. ასე მეგონა,
თვალები ფოსოებიდან ამომივარდა. ერთი წუთით მომეჩვენა, რომ და-
კრილი ვარ, და მიკვირდა, რატომ არ ვეცემი-მეთქი. „ალბათ იმი-
ტომ, — დაუფიქრებლად განვუმარტე ჩემს თავს, — რომ ჭრილობა
ახალაა, ჭერ ტყვილსაც არა ვგრძნობ“ და სიკვდილის შიშით შებოჭი-
ლი მოველოდი — აი, საცაა დავეცემი და მოვკვდები-მეთქი.

არ ვიცი, რამდენ ხანს გაგრძელდა ეს საშინელი მდგომარეობა, რო-
მელიც არასოდეს დამავიწყდება. შე ისევ ვიდექი, მეგონა კედელს ისე
მაგრად ვიყავი აკრული, რომ მოწყვეტა არ შემეძლო...

უკვებ ერთმა აზრმა გამიელვა და უზოპოდ გამეხარდა. „შეიძლება
არც ვარ დაკრილი“, — გავიფიქრე და შუბლი, მკერდი, მუცელი, გვერ-
დები მოვისინჩე... სისხლი რომ ვერ აღმოვაჩინე, თითქოს მაგაური
კვერთხის ძალით მკვდრეთით აღვსდექი. ქუჩაში გახედვა ვერ
გავბედე, კარი სწრაფად ჩავკეტე და გიჟივით ჩემს ოთახში გავე-
ქანე.

მხოლოდ მაშინ, როცა ოთახში თავი სავსებით უშიშრად ვიგრძე-
ნი, მივხვდი, რომ მთელი ტანით ვკანკალებდი. დავჯექი, ხელები მუხ-
ლებს მაგრად დავაბჯინე, ნერვულა კრუნჩხვის შესაკავებლად პირი
მოკვეთე.

განსაკუთრებით ერთი ნერვი ვერ დავიოკე, წელიდან კისრაჰდე რე-
ზინივით ხან მკუმშავდა ხან გამშლიდა. ყოველი შეკუმშვისას თავს
უკან გადამაღლებინებდა და ზოგჯერ ისე ძალუმაღ, რომ მეგონა წინ
გადმოზნექა რომ მეცადა, კისერი ხმელი ჯოხივით გადამიტყდებოდა.
ზინდოდა განსჯის უნარი და სიღინჯე მომეკრიფა, რომ საკუთარი თა-
ვისთვის ანგარიში მიმეცა მომხლარ აშავაზე, მაგრამ არაფერა გამომ-
დიოდა. თითქოს სამულდამოდ ვრჩებოდი ამ კოშმარულ მდგომარეობაში
და გამოსვლას ვერ ვახერხებდი, თუმცა კი ძალიან ცდილობდი. ამ
რამდენიმე წუთში სიკვდილის მთელი ძრწოლა გადავიტანე, ასე შეგო-
ნა საპყარო დაინგრა, ტარტაროზმა ქვეყანას მთელი თავისი უწმინდუ-
რება მოჰტინა და მიკვირდა, როგორღა იყო, ამ ტიტანურ ძრწოლას

რომ არავინ გაუღვიძებია, მთელ სახლში ან ქუჩაში როგორ მეფობდა ასეთი მყუდროება! უკვე აშკარად მჭეროდა, რომ ყველაფერი, რაც ამ რამდენიმე წუთში ვნახე და განვიცადე, სიზმარი იყო და ჩემს თავს ვარწმუნებდი, მართლაც სიზმარია, მაშ არც უნდა მეშინოდეს, რადგან სადაც არის გამეღვიძება და ყველაფერი გააულის-მეთქი.

ამ მღგობარებაში ვიყავი, რომ მჭახე ხმა ხელახლა გაისმა, რომელმაც სკამიდან რეზინის ბურთივით ამავლო. მთელ ტანში გამაჟრიალა. ისევ დაირეკა ზარი და ისე საშინლად გაისმა მისი ხმა, თითქოს კართან თვითონ სიკვდილმა დაიკვილაო. დაჭრილი მხეცივით, რომელიც გონდაკარგული თვითონ გარბის მონადირის ტყვიისაკენ, გარეთ გავვარდი. როცა კარი გავაღე მტკიცე გადაწყვეტილებით, რომ მაშინვე ვეცემი და რევოლვერს წავგლეჯ-მეთქი, გოცებულმა, თითქმის გონს მოსულმა ჩემს წინ სარა კი არა, რაშიც დარწმუნებულ ვიყავი, უარეგინი დავინახე. ეტყობა ბევრი ერბინა, ისე ქშინავდა.

— ღვთის გულისათვის, მიშველე! — თქვა გარეგინმა და სული ძლივს მოითქვა. — სარა არაა... მეძინა... გარეთ გამოსულა... არ ვიცი, სად წავიდა... უნდა მიშველო... ლამის გვეგოფდე... არ ვიცი, რა ვქნა... თუ ღმერთი გწამს, ჩქარა... წამოდი... წავიღეთ...

— სად?

— საძებნელად.

— სად?

— არ ვიცი... მოფიქრების უნარი დავკარგე... შენ მითხარი, სად აქნება?

— აქ იყო...

— აქ, შენთან? — დაიყვირა საცოდავმა და ხელებში მეცა.

— მერე?

სული ებზუთებოდა. თვალები ცნობისმოყვარეობითა და მოუთმენლობით ავსებოდა.

რამდენიმე სიტყვით ვუახზე, რაც მოხდა. მისმინა, მისმინა, შემდეგ უცბად ვაიო წამოიყვირა, მუშტები თავში წაიშინა და აღგიღზე გაშეშდა. მერე მომაკვდავივით ჩაჰაფრინდა მკლავში და გასაყოლად ვამწია.

— წავიღეთ... ღვთის გულისათვის. ჩქარა, წავიღეთ... ჩქარა...

— სად?

— არ ვიცი... მდინარესთან... ახლა მაგონდება. მემუქრებოდა, თუ

შენ არ მოკლავ, მე მოვკლავ და შემდეგ მდინარეში თავს დავიხრჩობო...
წავიდეთ... გადავარჩინოთ!..

გაშმაგებით მეწეოდა თავისკენ და მიმათრევდა. დიდი ძალა და სი-
დინჯე დამქირდა, რომ დამერწმუნებინა — ეს უბრალო მუქარა იყო შენ
შესაშინებლად-მეთქი... ვუმტკიცებდი, რომ სარა შეპყრობილია
მკვლელობის მანიით და იმის შემდეგ, რაც გაისროლა, ალბათ
უკვე გადაწყვიტა, რომ მოკლა და დამშვიდებული შინ დაბრუნდე-
ბოდა.

— ასე გგონია, ასე გგონია? — სიხარულით წამოიძახა გარეგინ-
მა, — თუ ასეა, შინ წავიდეთ... ჩქარა, გემუდარები, ჩქარა!

ოთახში გავიქეცი, ქუდი დავიხურე, პალტო ჩავიცვი და გარეგინთან
ერთად მისი სახლისაკენ გავწიე. ახლა ცნობისმოყვარეობა უფრო მე-
წეოდა იქით, ვიდრე დახმარების სურვილი, რადგან ეჭვი არ მეპარებო-
და, რომ ტრაგედია უკვე დამთავრებულია, თუმცა გარეგინის მოსაზ-
რებაც დაუჯერებლად არ მეჩვენებოდა.

ეტყობოდა, შუალამე გადასული იყო. ქუჩაში არავინ ჰაჭანებდა ვე-
ება ქურქებში გახვეული დარაჯების გარდა, რომლებიც მალაზიების
გასწვრივ ღინჯად დააბიჯებდნენ. ნახევარი გზა გავიარეთ, ეტლი ძლივს
ვიშოვეთ და ჩავსხედით. როცა მივედით, ყოველი შემთხვევისათვის
ეტლი არ გავუშვით და ზემოთ ავედით. გარეგინი ორ-ორ საფეხურს
არბოდა.

მისი ოთახის კარი ღია დაგვხვდა, განათებული. გარეგინი პირდა-
პირ საწოლ ოთახში შევარდა, მეც მივეყვი.

თვალწინ სამწუხარო სურათი გადაგვეშალა.

სარა მართლაც დაბრუნებულიყო და მოახლის სიტყვებით, ძალიან
მხიარული იყო, იცინოდა, ტაშს უკრავდა, ბავშვივით ხტოდა, ეხვეო-
და მას, კოცნიდა და სულ იჰიკორებდა: „იცი, ნატაშა, მე მოვკალი, მოვ-
კალი, მოვკალი უკვე“... შემდეგ დაეწყო წუხილი, მცივაო, გაუხ-
დელად დაწოლილიყო, მოეთხოვა თბილად დაეხურათ მისთვის
და ღუმელი დაენთოთ. მერე დასწყებოდა აუტანელი ტკივილები,
თურმე საშინლად კიოდა და იგრინებოდა. შეშინებული მოახლე გარე-
გინის ოთახში გაქცეულიყო გასაღვიძებლად. მაგრამ გარეგინი იერც იქ
და ვერც მთელ სახლში ვერ ეპოვნა და დახმარებისათვის მეზობელი
სახლის პატრონისათვის მიემართა. ამ ძალიან კეთილ და ენერგიულ
ქალს, რუსი გენერლის ქვრივს, ვერაფერი უშველია ავადმყოფისათვის

და როცა ქალის მძიმე მდგომარეობა უნახავს, ქვემო სართულში მცხოვრებ ექიმისათვის მიუმართავს.

ჩვენ რომ მივედით, ექიმიც ის-ის იყო მოსულიყო. ხალათწამოსხმული, ფოსტლებში ფეხგაყრილი, ნამძინარევი თვალებით ავადმყოფის მაჯისცემას ითვლიდა. სახლის პატრონი გვერდით ედგა, ისიც სახელდახელოდ ჩაცმული, ჭადარა, ხუჭუქა თმა რამდენიმე თმასამაგოთი დაებნია. შიშისაგან შეშლილი მოახლე კართან ატუზულიყო. ღუმელში ცეცხლი გუზგუზებდა.

გარეგინი ცოლის საწოლთან მიიჭრა და არაადამიანურად, თითქმის მხეცივით დაიღრიალა — „სარა!“. ეტყობა, მასთან მისვლა უნდოდა, მაგრამ ექიმმა, რომელსაც ცალი ხელით ავადმყოფის მაჯა ეჭირა, მეორე ხელით წყნარად მოიშორა. საწყალი გარეგინი ადგილზე გაშეშდა და ცოლს შეძრწუნებული მიაშტერდა.

სარა გაუნძრევლად იწვა. სახე მიტკალივით გასთეთრებოდა, ტუჩები გასიებოდა, გალურჯებოდა და ჩაშავებოდა, ნახევრადგაღებული ქუთუთოებიდან შუშააავით უბზინავდა თეთრი გუვა. ჯერ მომეჩვენა, უკვე მომკვდარა-მეთქი, მაგრამ შემდეგ დავინახე, რომ მკერდი უმოძრავებდა და ნახევრად ღია ბაგეებიდან სუსტი ქშენა ისმოდა.

ავადმყოფის მაჯისცემის გააინჯვის შემდეგ ექიმი მიბრუნდა, თითო მოახლე მოიხმო, მას და გვერდით მდგომ სახლის პატრონს თხოვა სარასათვის გაეხადათ.

ჩემი იქ ყოფნა უხერხულად ჩავთვალე, გამოვტრიალდი და გამოვედი. პირველად ვერ მივხვდი, სად ვიმყოფებოდი, მაგრამ შემდეგ ვიცანი ის სასტუმრო ოთახი, რომელშიც იმ ავადმყოფს სალამოს სარას შევხვდით. აი ის სკამიც კართან, რომელზედაც იჯდა. ერთი წუთით მომეჩვენა, რომ ისევ მესმის ყურებში მისი მრისხანე სიტყვები და შემდეგ გულმომკლავი ქვითინი. რა მოხდა ამ შეხვედრის მერე, როცა ისტერიულ მდგომარეობაში დავტოვე, არაფერი ვიცოდი, მაგრამ ცხადი იყო, ჩვენმა ავადმყოფმა საუბარმა გადამწყვეტი როლი შეასრულა სარას ბედისწერაში. შედეგს კი საკუთარი თვალთ ვხედავდი. თუმცა ერთი მხრით თავს იმით ვიმართლებდი, რომ ამბავი სტიქიურად და ჩემი ზურვილის წინააღმდეგ მოხდა, მაინც არ მცილდებოდა ის აზრი, რომ ყველაფერი ამის მიზეზი მხოლოდ მე ვიყავი და, შეიძლება, არაფერიც არ მოჰხდარიყო, გარეგინისათვის რომ ყური არ დაემეგრო და ამ საქმეში არ ჩაერეულიყავი. ამიტომ ახლა მორალურად სავსებით განადგურებული,

როგორც ადამიანი, რომელსაც შეუგნია თავისი დანაშაულის სიმძიმე, დაძაბული ყურს ვუგდებდი მეზობელი ოთახიდან გამოსულ ხმაურს. იქიდან გამოსული ყოველი ხმა გულს მიგმირავდა. არა მგონია, უფრო ძალუმად და ღრმად განეცადა ჩემს გულს ის ჩურჩული, იმ ოთახში რომ სულთმობრძავი ვინმე ჩემი ახლობელი წოლილიყო.

XIII

ალიონზე დავბრუნდი შინ და მაშინვე დავიძინე, ან უფრო სწორად, მძიმე და მტანჯველმა თვლემამ წამიღო, რომელიც უამრავი უაზრო, უცნაური და საშინელი მოჩვენებით სავსე იყო.

ფეხის ხმაზე გავიღვიძა. ვხედავ, თუსიანია. თავდაპირველად ცერა-ფერი გავიგე. თავი ისე მიმძიმდა, თითქოს შიგ ტვინის მაგაერ ტყვია ჩაესხათ. შემდეგ უცბად გამახსენდა ღამით მომხდარი ამბავი, სავსებით გამოვფხიზლდი და ფეხზე წამოვეარდი. ახლა შევნიშნე, ჩაცმული დავწოლილიყავი. „როგორ არის სარა?“, — ეს იყო ჩემი პირველი გაფიქრება და გული შემეკუჟმა.

მაგრამ ჩემს წინაშე იდგა ამ ამბების ავტორი — თუსიანი, — რომლის მოულოდნელმა დაბრუნებამ ნაკლებად როდი გამიღიზიანა ცნობისმოყვარეობა.

- ეს რა არის, განა არ გაემგზავრე? — ვკითხე გაკვირვებულმა.
- არა, — მოკლედ მიპასუხა.
- რატომ?

ხმა არ გამცა. ფანჯარასთან დაჯდა, პაპიროსი ამოიღო, მოუკიდა და გააბოლა. უჩვეულოდ სერაიოზული და ღრმად ჩაფიქრებული იყო, როგორც წინა ღამით, გამგზავრების წინ. ჩემსკენ არ იხედებოდა. მე კი გაოცებით ვადევნებდი თვალს. გახუნებული სტუდენტური ქურქი და მაღალყელიანი ფეხსაცმელები გაეხადა და ახალი კოსტიუმი ჩაეცვა. პირი გაეპარსა და ძალიან ღამაზი იყო. მოკლედ შეკრეჭილი შავი, ხშირი, მბზინავი თმა, ახლა უფრო უბზინავდა ფანჯრიდან ოთახში ჩამოდგრილი დილის მზის ათინათზე.

- მატარებელზე ხომ არ დაგიგვიანდა? — განვაგრძე გამოკითხვა.
- არა.
- მაშ რა მოხდა?

კვლავ არ მიპასუხა. პაპიროსს წევლა ისევ და ჩემსკენ ჭიუტად არ იცქირებოდა. შეძლეგ თითქოს გაბომწვევად მითხრა:

— არასოდეს მხდალი არ ვყოფილვარ და არ მინდა ვინმე ამაში დაექვდეს, განსაკუთრებით ის, ვისთანაც საქმე მაქვს.

— არ მესმის, რა სიმხდალზე ლაპარაკობ?

— წუხელ შენი ნათქვამის შემდეგ ჩემი წასელა მხოლოდ გაქცევას ნიშნავს. მაგრამ მარტო ლაჩრები გარბიან.

— გატყობ, გინდა შუბლი ტყვიას შეუშვირო.

— დიახ, — თქვა თუხიანძა და დაუძატა: — ოღონდ თუ დამნაშავე ვარ.

— შენ რა, თავი ისევ უდანაშაულო გგონია?

თუხიანი უცებ წამობტა, პაპიროსი გადააგდო და ჭიქურ შემომტედა.

— მოპიპინე, მარქარიან, — რაღაც ისე ნერვულად თქვა, რომ არც მოველოდი მისგან. — სწორედ ამიტომ არ გავემგზავრე. ბოლოსდაბოლოს, უნდა გაირკვეს, დამნაშავე ვარ თუ არა? თუ დამნაშავე ვარ, დაე დაშასხურებისამებრ დავისაჯო, და ტყვია იყოს ეს სასჯელი! ხომ ვთქვი, ტყვია არ მაშინებს-მეთქი, მაგრამ თუ დამნაშავე არა ვარ, რატომ უნდა მქონდეს ეჭვი და სხვაც დავაეჭვო? შეგიძლია მომაწირო. უამრავი ნაკლი, მზად ვარ ვირწმუნო, მაგრამ სიყალბეს ვერ დამაბრალებ. ცხოვრებაში ცუდი არაფერი ჩამიდენია, არასოდეს! ამას ვამბობ და დავამტკიცებ კიდევ. ყოველთვის მთელი გულით აღვშფოთებულვარ, როცა სხვების სიმდაბლე მინახავს. ჩემი ცოდვების შეფასებისას საერთო შაბლონს არ მიყვები. ამის საზომი ჩემი საკუთარი შეგნება და სინდისია. ჩვენთან, სამაზრო ქალაქში, იყო ერთი მასწავლებელი. განათლება გერმანიაში მიეღო და თავს ღვთისმეტყველს უწოდებდა. ერთ თავის მოსწავლეზე — ათი-თორმეტი წლის ობოლ გოგონაზე ძალა უხმარია. დავიჭირე და ისე ვცემე, კინაღამ ციხეში მოვხვდი за само-суд. ერთი ჩვენი ამხანაგი სტუდენტი ჯაშუში აღმოჩნდა, პოლიციისა და რექტორის საიდუმლო აგენტი უნივერსიტეტში; ყველას ეშინოდა მისი, მაგრამ ისეთი ოინი დავმართე, იძულებული გახდა სხვა უნივერსიტეტში გადასულიყო, თუმცა ამის გაშო მეც უნივერსიტეტიდან გამაგდეს. ასეთი შემთხვევა ჩემი ცხოვრებიდან რამდენი შემიძლია ჩამოვთვალა. თუ სხვების აზრით, რაიმე ცუდი ჩამიდენია, იმიტომ კი არა, რომ ცუდი ადამიანი ვარ ან მიყვარს ცუდი, არამედ იმიტომ, რომ

ჩემს მოქმედებას საძრახისად არ ვთვლიდი. აი, თუნდაც სარას მაგალითი. განა დანაშაულია, რომ მოწიფულმა ქალ-ვაჟმა, გულუბნის ურთიერთტოლევით, ბუნების წიაღში და ბუნების მოწოდებით ცხოვრების უმაღლესი საიდუმლოება შეასრულეს?

— ეს კი, — შევაწყვეტინე გაუთავებელი ლაპარაკი, — ეს მესმის და არც არავინ გადანაშაულებს ამაში, მაგრამ მერე, მერე როგორ მოიქეცი ამ „ცხოვრების უმაღლესი საიდუმლოს“ შესრულების შემდეგ?

— სწორედ ამას გეუბნები, ამ „შედევზე“ მინდა გითხრა, — შენიშნა თუსიანმა. — როგორც გინდა გაიგე, მაგრამ მაშინ სარა გულწრფელად მიყვარდა. იმასაც ვალიარებ, იგი ჩემი პირველი სიყვარული იყო და მართლა გულწრფელად ვეფიცებოდი, შეგირთავ-მეთქი. შემდეგ წავედი. პირველ ხანებში ძალზე მენატრებოდა, ყველა წერილზე ვპასუხობდი, როცა მისი ბარათი დაიგვიანებდა, ველარ ვითმენდი და თვითონ ვწერდი. მაგრამ თანდათანობით... შენც იცი, რომ დრო და მანძილი ადამიანთა დამოკიდებულების მტრები არიან. მით უფრო, რომ იმათ რიცხვს როლი ვეკუთვნი, ვინც სულიერი საზრდოთი კმაყოფილდება. ხვალინდელით კი არა, დღევანდელი დღით ვცხოვრობ. მთელი ქვეყანა ჩემი მგონია თავისი ხმაურითა და წარმატალი შთაბეჭდილებებით. აქამდე მუდამ ასეთი ვიყავი. მაშინ რომ დავრჩენილყავი ან ის ჩამოსულიყო ჩქთან, აუცილებლად დავქორწინდებოდი და ახლა საესეებით ჩვეულებრივი, ბედნიერი ან უბედური მეუღლენი ვიქნებოდი. მაგრამ, ვიმეორებ, გავემგზავრე და... დავივიწყე. ან უფრო სწორად, გული ავიყარე. იმიტომ კი არა, რომ ასე მინდოდა ანდა მასზე უკეთესი ვინმე ვნახე, არა, უბრალოდ — ასეთია ცხოვრება, ასეთია ადამიანის ბუნება.

— დავუშვათ, ეს ასეა; ამაზედაც გეთანხმები, — შევნიშნე ხელახლა — მაგრამ თქვენს შორის ხომ ყოველგვარი კავშირი გაწყვეტილი იყო და სარამაც, ალბათ, დიდიხანია შენზე გული აიყარა, დაგივიწყა, ზდგომარეობას შეურიგდა, გათხოვდა, საკუთარი კერა შექმნა და ემზადებოდა დედა გამხდარიყო. ახლა ვილასი სახელით, ცხოვრების რომელი უმაღლესი საიდუმლოს სახელით გაბედე მის მშვიდ ცხოვრებაში შეჭრილიყავი, მისი სულიერი მყუდროება დაგერღვია, ძველი ჭრილობა გაგეხსნა, მასხარად აგეგდო მის მიერ გადატანილი ტანჯვა, შეურაცხყოფა მიგეყენებინა მისი ქალური სათნოებისათვის, დაგემკირებინა მისი

ადამიანური ღირსება? მე მხოლოდ მის სიტყვებს ვიმეორებ. ყველაფერ ამას რას უწოდებ?

— უბრალო თავქარიანობას, განებივრებულის კადნიერებას, თუ გნებავს, მრუშობასაც, რაც გინდა, დაარქვი. ვლემულობ და თავს არ ვიმართლებ. მაგრამ ეს უბრალო ამბავი ძალზე გაბერილი და გაზრდილია. უბრალო ფარსი ტრაგედიად უქცევიათ და ერთი უღირსი საქციელი სასიკვდილო დანაშაულივით არის შეფასებული. პირდაპირ არ მესმის, გულწრფელად ვამბობ, არ მესმის.

ვერაფერი ვუპასუხე და მხოლოდ ხელები გავშალე. ამით ვაგრძნობინე, რომ ჩვენი საუბრის გაგრძელებას ზედმეტად ვთვლიდი.

მაგრამ თუხიანი ჩემთან მოვიდა, ხელი ხელში მომკიდა და შემევედრა:

— გამიგონე, მარქარიან, არ იფიქრო, ვთვალთმაქცობდე და განზრახ ვამბობდე, არ მესმის-მეთქი, დამარწმუნე, დამიმტკიცე, რომ საშინელი დანაშაული ჩავიდინე და დამიჯერე, ჩემს თავს თვითონ გავასამართლებ. შეიძლება მართლაც რაღაც ისეთი ურჩხული ვარ, რომ მარტო ჩემი მოკვლა კი არ არის საჭირო, არამედ ასო-ასო აკუწვა და ძაღლებისათვის გადაგდება.

— აბა, რა შეიძლება დავუმტკიცო ან რითი დავარწმუნო ისეთი კაცი, რომელსაც ყველაფერი დასაშვები ჰგონია? შენი მოქმედების შედეგმა, რომელიც, როგორც ცოცხალი მაგალითი, თვალწინ გაქვს და ვერაფერში დავარწმუნა, და აბა, სიტყვებით რას გავხდები?

— კი მაგრამ, ასე პირველად და უკანასკნელად მარტო მე ხომ არ მოვქცეულვარ, ასეთი ტრაგიკული შედეგი რატომ მაინც და მაინც ამ ერთს მოჰყვა? განა აქედან არ ჩანს, რომ ეს ტრაგედია ჩემი მიზეზით არ მომხდარა?

— მაშ ეს მიზეზი თვით ამ ერთის ნებასა და არსშია? ეს გინდოდა გეთქვა?

— თუ ჩემი სიტყვები ასე გაიგე... — თქვა თუხიანმა და სათქმელი აღარ დაამთავრა, ჩემს მზერას გაერიდა.

ერთხანს გაკვირვებული შევეცქეროდი. გამაოცა მისმა სიჭიუტემ.

— შენი მსჯელობა აი რასა ჰგავს, — შევნიშნე, — დგას ქუჩაში გიჟი ან მთვრალი და თოფს ისვრის. ქუჩაში ბევრი ხალხია, მაგრამ ტყვია მხოლოდ ერთს ხვდება და კლავს. შენი აზრით, დამნაშავეა ის

ერთი, და არა მსროლელი. მსროლელი მაშინ იქნებოდა დამნაშავე, ყველა გაპვლელი რომ დაეხოცა. აი შენი ლოგია.

— შენ წარმოიდგინე, რომ მართლაც ასეა — დამნაშავე სწორედ ის ერთია, — ჭიუტად დაიყინა თუსიანმა. — ანდა, თუ დამნაშავე არ არის და შემთხვევითი მსხვერპლია, მაშინ არც მსროლელია დამნაშავე. მთვრალი ან გიჟი ხომ აუცილებლად გარკვეული ემოციის გავლენით მოქმედებს და არა იმისათვის, რომ ვინმე ან განსაკუთრებით ის ერთი მოკლას.

რადგან ვდუმდი და მოძალებული განცვიფრებით ვუსმენდი, მან მისთვის უჩვეულო პედანტური სერიოზულობით გააგრძელა:

— შენ ამბობ, ეს მრუშობააო, მე კი ვამბობ — ეს არის ცხოვრების უმაღლესი საიდუმლოება, რაღაც სტიქიური ბუნებრივი ძალა, რომლის დამორჩილებაც ადამიანს, თავის გონიერების მიუხედავად, არ შეუძლია. ეს სტიქიური ძალა ჩემი სახით გამოცხადდა, ძლევამოსილად გაიარა თავისი გზა და დამნაშავე როდი ვარ, ვიღაც რომ დაეცა ამ გზაზე და ჩემს ფეხქვეშ გაისრისა, რაკი მის კაპრიზებს ვერ შეუტირგდა. ეს ხომ ნათელია, მარქარიან, სავსებით ნათელი.

— აბა რატომ სცემე მასწავლებელს მოსწავლის შეცდენისათვის?

— იმიტომ, რომ იმრუშა, ძალა იხმარა, თანაც მცირეწლოვან გოგონაზე, — აი რატომ. ძალადობა-მრუშობასა და ფიზიკურ-სულიერ ლტოლვას შორის ისეთივე განსხვავებაა, როგორც ცასა და მიწას შორის. ვფიქრობ, ესეც გასაგებია.

— როგორ არა, შენთვის ყველაფერი გასაგებია. გასაგებზე გასაგებიც, — შევნიშნე, რადგან ეს უმიზნო ლაპარაკი მინდოდა შემეწყვიტა. — მაგრამ ჩემთვის მაინც გაუგებარია, რად არ გაემგზავრე, რისთვის დაბრუნდი და საერთოდ მთელი ეს სოფისტიკა რა საქიროა? შენი უდანაშაულობა გინდა დამიმტკიცო? ვერ შეძლებ. მხოლოდ ერთში დავრწმუნდი: ან შეგნებული არა გაქვს შენი დანაშული, ან დანაშაულის გრძნობა იმდენად დიდია, რომ სინდისის დასამშვიდებლად შენი დანაშაული რაღაც ცხოვრების უმაღლეს საიდუმლოებას, რაღაც სტიქიურ ძალას გინდა გადააბრალო, რომელიც ქვეყანას თავიანი ძლევამოსილების საჩვენებლად თითქოს შენი სახით მოველინა. ეს ხომ შენს ღვთისმეტყველ მასწავლებელსაც შეეძლო ეთქვა, თუმცა მის მოქმედებას ძალადობად თვლი და შენსა და იმას შორის იხეთხავე განსხვავებას ხედავ, როგორსაც ცასა და მიწას შორის. რაც შენთვის

ცხოვრების უმაღლესი საიდუმლოება და სტიქიური ძალაა, მისთვის რატომ არის მრუშობა? არც ერთია მართალი, არც მეორე; რაკი ერთხელ შენს თავს ჩააგონე, რომ ცხოვრება დაუსრულებელი ღრეობაა, და შენც უფლება გაქვს, რაც გესიამოვნება ყველაფერი წაგლიჯო, გინდა ასევე განაგრძო. მაგრამ ახლა, როცა მკაცრი რეალური ცხოვრება, და არა ის, რომელსაც შენ ხატავ, შენს წინაშე აღიმართა და თავისი მოთხოვნილებანი წამოგიყენა, დაიბენი და აღარ იცი, რა გააკეთო. ამ მთელი შენი ფსიქოლოგია. მე აღარაფერი მაქვს სათქმელი.

ამჯერად თუსიანი გაიღურსა და წუხანდელივით სერიოზულად და მთელი გულით მისმენდა, ჩანდა, მასში რაღაც სულიერი გარდატეხა ხდებოდა, რაც გამოთხოვების დროსაც შევნიშნე. მაგრამ ახლა ძველებურად გაოგნებული არ იყო. მისი სახის ყოველ ნაკვთზე ჩემი ყოველი სიტყვა თავის მტკივნეულ კვალს სტოვებდა.

სასწრაფოდ დაეიბანე და სარას სანახავად წასასვლელად მოვემზადე. ამ საუბრისას მისი სახე სულ თვალწინ მედგა. თუსიანმა დაინახა, რომ წასასვლელად ვემზადებოდი და მკითხა:

— სად მიდიხარ?

— წავალ, გავიგებ შენი მსხვერპლის მდგომარეობას.

— კმარა, მარქარიან, — შემევედრა და შავ დიდრონ თვალებში მუქარისა და მრისხანების ნაპერწკალი გამოუყრათა. მაგრამ ეს მხოლოდ ერთი წამით. იგი თავს მოერიდა, ქუდი აიღო და ძალიან მშვიდად თქვა: — მეც წამოვალ!

გაოცებულმა შევხედე.

-- გაგიჟდი?

მაშინვე არ მიპასუხა, ჩემს წინ იდგა, ხელში ქუდი ეჭირა და დამშვიდებული, ნაღვლიანი, მტკიცე გადაწყვეტალებით სავსე იატაკს მიშტერებოდა.

— მსხვერპლიო, ამბობ. ვლებულობ, — რაღაც განსაკუთრებული ხმით თქვა. — მაგრამ მსხვერპლი საზღაურს თხოულობს და მეც მზადა ვარ ვზლა, გამოვისყიდო ჩემი დანაშაული.

— შენი არ მესმის, — ვუთხარი მისი მოულოდნელი გადაწყვეტილებით გაკვირვებულმა. — რა საზღაური? ვის უნდა უზლა? რა სახით? რისთვის?

— რანაირ საზღაურსაც მოითხოვს, ვისთვისაც გინდა, რა სახითაც, რისთვისაც! — ჩემთვის ყველაფერი ერთია — მე ვალის გადახდა მი-

ყვარს. რაკი გადაეწყვიტე და ვთქვი — გავაკეთებ კიდევ. და გთხოვ, ამ ჩემს სიტყვებს ცარიელ ლაყობად ნუ მიიჩნევ. მართალია, თავქუჩიანი ვარ, ბევრი ტრაგიკული შემთხვევა მქონია, მაგრამ ისინი ოდნავ თუ შემხებიან, ჩემზე არ დაუტოვებიათ ღრმა კვალი. ახლა კი რასაც ვგრძნობ, არასოდეს მიგრძენია.

— თქვი, თქვი, გისმენ! — ვუთხარი ძალზე დაინტერესებულმა. მის უჩვეულოდ სერიოზულ ტონსა და თვალების გამომეტყველებაზე მივხვდი, რომ ბოლოსდაბოლოს უნდა გარკვეულიყო ის მთავარი, რაც აქანდე არ მესმოდა ამ უცნაურ ახალგაზრდა კაცში.

— წუხელ, როცა სარაზე მიაბობდი, — განაგრძო თუსიანმა. — თითქმის არაფერი მიგრძენია, მხოლოდ გაოგნებული ვიყავი, იმდენად მოულოდნელი იყო ყველაფერი ეს ჩემთვის. მაგრამ შემდეგ, როცა დაგშორდი და საღებურზე წასვლის ნაცვლად სასტუმროში გაჩერდი, რაღაც მოუსვენრობამ შემიპყრო, რომელიც უფრო და უფრო მჭუხნებდა. არ დაიჭერებ, მაგრამ მთელი ღამე არ მძინებია. ფხიზელი ღარაჯივით ბოლთას ვცემდი და პაპიროსს ვეწეოდი. რა იყო ეს? სინდისი? სინდისის ქენჯანა? თავქარიანობით ჩადენილი ბოროტების შეგნება? თუ თანაგრძობა? იმ გრძნობის შედეგი, რომელსაც ოდესღაც მან მიმართ ვგრძნობდი? ანდა იქნებ სულაც ძველი სიყვარული, პირველი სიყვარული, რომლის ნაპერწკლები იმ ტანჯვის გამო, რომელიც მან გადაიტანა, უცებ ახალი ძალით გადავივდნენ წარსული წლების ფერჯლის ქვეშ წინანდელზე უფრო წმინდად, უფრო ძალუმად? არაფერი ვიცი, არაფერი მესმის, მხოლოდ, ვიმეორებ ასეთი რამ წინათ არასოდეს განვიცდია, არასოდეს ჩემს ცხოვრებაში. და თუ ცოტა ხნის წინ — ძალიან სწორად შენიშნე — სოფისტიკის გამოყენებით ვცდილობდი უმწიკვლოდ გამომეყვანა თავი, იმიტომ კი არა, რომ მართლაც უდანაშაულოდ ვთვლიდი თავს, არამედ იმიტომ, რომ მინდოდა შენი დახმარებით ამ აუტანელი ქაოსური სულიერი მდგომარეობიდან გამოსავალი მეპოვა. ცხოვრების უმადლესი საიდუმლოება, ბუნების სტიქიური ძალა და სხვა ასეთები რასაკვირველია, მხოლოდ სიტყვებია, რომელთაც შეიძლება რაღაც მნიშვნელობა ჰქონდეთ ქალსა და მამაკაცის დამოკიდებულებაზე აბსტრაქტული მსჯელობისას, მაგრამ გახვრეტილ გროშადაც არა ღირან ცხოვრებისეული ისეთი შემთხვევისათვის, როგორც ჩემი და სარას დამოკიდებულება იყო. სიმართლე თუ გინდა, სწორედ ეს არის მიზეზი, მე რომ ვერ შევქძელი წასვლა, მთელი ღამე გავიტანე და ახლა მინდა შენთან ერთად წამოვიდე მის სანახავად.

— ბოლოსდაბოლოს ხომ გამოტყდი, — შევნიშნე მე. — მაგრამ თავიდან გამოიფერთხე მისი ნახეის სურვილი, შენ ხომ არ იცი, რა მოხდა წუხელ შენი წასვლის შემდეგ.

— რა?

წუხანდელ კომპარულ შემთხვევაზე მოვეყვი, როგორ არანორმალურ მდგომარეობაში მოვიდა ჩემთან სარა რევოლუერით ხელში, ცხადია, ერთადერთი მიზნით, რომ იგი, თუსიანი, მოეკლა. როგორ გაისროლა და როგორ გაიქცა. შემდეგ ქმარმა რომ მოირბინა და ბოლოს, სარა რა მდგომარეობაში ვნახეთ სახლში.

თუსიანი ფართოდ გახელილი თვალებით ყურადღებით მისმენდა და თანდათანობით ფითრდებოდა. როცა დავამთავრე, ხელები თავში იტაცა და გაშეშდა.

— ეს შეუძლებელია, — წაიჩურჩულა მან, — ეს საშინელება... და ყველა აპის მიზეზი...

— უკვე ზედმეტია და უსარგებლო მიზეზებზე ფიქრი, — ვუთხარი მე, — თუ ნანობ და გინდა რითიმე ზღა, უკვე გვიანაა, ძალიან გვიან.

— გვიანაა... ძალიან გვიან, — ექოსავით გაიმეორა და ფართოდ გახელილი თვალები ვერ მომაშორა.

ამ მდგომარეობაში დავტოვე და გავედი.

XIV

მთავარ ქუჩაზე გასვლა ვერ მოვასწარი, რომ დამეწია.

— სად მიდიხარ? — ვკითხე.

— შენთან.

— მე სარასთან მივდივარ.

— მეც.

— რატომ?

— გავიგო, როგორ არის. — და როცა დაინახა, უარი მინდოდა მეტყვა, საჩქაროდ დაუმატა: — ნუ გეშინია, არ შემოვალ, გარეთ დაგელოდები.

გზაზე კრინტიც აღარ დაუძრავს. სავსებით დამშვიდებული და ღრმად ჩაფიქრებული იყო. როცა მივედი, მართლაც გარეთ დარჩა. მე კი შესვლისთანავე ზემოთ ავედი.

კარი ნამტირალეებთვალეებთანა მოახლემ გამილო: რომ შეეხედე, გული ჩამწყდა.

— როგორ არის ქალბატონი? — ვკითხე.

პასუხად თვალეებზე ცხვირსახოცი მიიფარა და ატირდა.

მეტი გამოკითხვა ზედმეტი იყო და საჩქაროდ გზა განვაგრძე.

ჩემს შესახვედრად გამოვიდა სახლის პატრონი, რომელმაც წუხელ სარას მიმართ იმდენი ზრუნვა გამოიჩინა. მოკლედ მიაშბო ყველაფერი. ჩემი წასვლის შემდეგ ექიმს ურჩევია ავადმყოფი სასწრაფოდ გადაეყვანათ სამშობიარო სახლში. გონწასული სარა გადაუყვანიათ ეტლით, და იქ ნაადრევი მშობიარობისაგან გარდაცვლილა.

— ჩვენ ახლახან დაებრუნდით, — დაუმატა მან; „ჩვენში“ თავის-თავსა და გარეგინს გულისხმობდა — შემოდით, შემოდით, დაამშვიდეთ თქვენი საბრალო მეგობარი, მე კი წავალ და ცოტას მაინც დაგისვენებ.

კეთილი ქალი საწოლ ოთახამდე მიმყვა, სადაც ღამით სარა სასიკვდილო აგონიაში ვნახე, თვითონ კი წავიდა.

კარი შევადე და ფრთხილად შევედი.

გულზე ხელებდაკრეფილი გარეგინი ცოლის ცარიელ საწოლთან იჯდა. მომეჩვენა, ძინავს-მეთქი, მაგრამ როცა მივუახლოვდი, წყნარად ასწია თავი და უძილობისაგან დასიებული და დაწითლებული თვალეებით მომამტერდა, დიდხანს უაზრო გამომეტყველებით მიყურებდა, თითქოს გონს ვერ მოსულყო და არც მიცნობდა. შემდეგ ნელა დაუშვა გულზე დაკრეფილი ხელები და ძალიან მშვიდი ხმით მითხრა:

— ჰო, ეს შენა ხარ... დაჯექი, — და აუდგომლად სკამი მომიწია.

უხმოდ ჩამოვართვი ხელი და დაჯექი.

— იცა, რომ სარა უკვე გარდაიცვალა? — თქვა და მშრალი, უსიცოცხლო თვალეებით შემომხედა.

მხოლოდ თავი დავუქნაე. ხმის ამოდება არ შემეძლო, ცრემლები მახრჩობდა.

— შიგნით შეიყვანეს, არ ვიცი, დაკლეს თუ რა უყვეს და უკვე მკვდარი გამოიტანეს, — ისეთი მშვიდი ხმით განაგრძო გარეგინმა, თითქოს ისეთ რამეს ყვებოდა, რაც მას არ ეხებოდა.

— შემდეგ იცი რა? ექიმი, რომელმაც სარა გაკვეთა, თავის კაბინეტში რძიან ჩაის სეამდა, — ძალიან გამიკვირდა. კიდევ ერთმა რამემ გამაკვირვა: სახლში დაბრუნებისას, ვხედავ, მზე წინანდებურად ანა-

თებს, ხალხი ქუჩებში დადის, მაღაზიები ჩვეულებრივად ღიაა — ერთი სიტყვით, ყველაფერი ძველებურად არის, არაფერი შეცვლილა, მე კი მეგონა, ყველაფერს ბოლო მოეღო, სიბნელეა... საოცარია არა?

— იცი რა, გარეგინ, — ვუთხარი და უძილობისაგან დასიბუღულ, აგზნებულ თვალებსა და გაყვითლებულ სახეში ჩავხედე, — დაღლილი ხარ და უძინარი, რომ დაწვებოდე და ცოტას დაისვენებდე, კარგი იქნება.

— ჰო, სწორედ ეს უნდა მეთქვა, — დასძინა მან. — ყველაზე მეტად ის მაკვირვებს, რომ ვიცი, მეც წინანდებურად უნდა ვქაპო, ვიარო, ვიძინო, დავისვენო, შემდეგ ისევ ვქაპო, ვიარო, ვიძინო, დავისვენო, თითქოს არაფერი მომხდარა, თითქოს ნახევარი წლის ცხოვრება მხოლოდ ტკბილი სიზმარი იყო, რომელმაც გაიარა, გაქრა, თითქოს მხოლოდ საოცარი მოჩვენება იყო, რომელიც ერთი წუთით მომელანდა და სამუდამოდ გაქრა...

უკანასკნელ სიტყვებზე ხმა აუკანკალდა, ჩაეხლიჩა და უცბად დადუმდა. მოიკუნტა, თავი ჩაქინდრა. დიდხანს იყო ამ მდგომარეობაში, შემდეგ გასწორდა და შემომხედა:

— გვედრები, გამიფანტე, თუ შეგიძლია, ჩემი ექვები, — თქვა მან. — რომ შემოხვედი, ამაზე ვფიქრობდი, მითხარი, თუ კაცი ხარ, რა უფრო მნიშვნელოვანია, აღამიანი, ცოცხალი არსება, თუ საგანი? სული თუ მატერია?

— რატომ კითხულობ?

— რატომ?

დაბინდული თვალები ოთახს მოავლო, საგნებზე სათითაოდ მიმითითა და თქვა:

— აი საწოლი, რომელზედაც ეძინა, აი მისი ფეხსაცმელები, დილაობით, როცა ადგებოდა, იცვამდა, აი მისი ქუდი, სავარცხლები, თმასამაგრები, ბეჭდები, ყველა ჩვრები და საგნები, რომლებიც მას ეკუთვნოდა. ასეთებს რამდენსაც გინდა იყიდი, ისინი ხომ რომ იყიდებიან, იმაზე მეტი არ ღირან, და ყველაფერი ესენი არსებობენ, თუ შეინახავ, რჩებიან. ის კი, რომელიც ჩვენსავით ლაბარაკობდა, ფიქრობდა, დადიოდა, რომელიც აღამიანის ზელით არ იყო შექმნილი, ერთადერთი ამდენ ხალხში, რომლის მსგავსს ამ ქვეყნად და ვერც სხვაგან ვერ იპოვი, აღარ არის და არც არასოდეს იქნება. რას ნიშნავს ეს? ნუთუ ეს ქინძისთავი უფრო ძვირფასია და უკვდავი, ვიდრე იგი, ბუნების შე-

მოქმედების განუმეორებელი ქმნილება, ან ის გული, მკერდში რომ უცემდა, ანდა მისი მებაზოხე სული? რა არის ეს, დაცინვა, თუ რაღაც ისეთი, რომლის წინაშე ადამიანის გონებას გაქვავების მეტი აღარაფერი დარჩენია...

კიდევ დიდხანს ლაპარაკობდა ხან აღელვებით, ხან ფილოსოფიური სიმშვიდით, მისთვის დამახასიათებელი გულუბრყვილო, ბავშვური შედარებებით, სანამ, ბოლოსდაბოლოს, ხელი არ მოვეიდე, ბევრი სვეწნით არ დავარწმუნე, ცოტა დაესვენა და კაბინეტში გავიყვანე. მინდოდა მოშორებოდა სარას ოთახს, სადაც ყველაფერი წარაულს აგონებდა და ასე აღელვებდა. წინააღმდეგობა არ გაუწევია, ძილმორეული ბავშვივით დამემორჩილა. დაწვა და თვალები დახუჭა.

მალე მიიი ფშინვა გავიგონე და წყნარად გამოვედი, რომ ეს სამწუხარო აშბავი თუსიანისათვის შემეტყობინებინა, რომელიც ქუჩაში მელოდა.

ის კართან ბოლთას სცემდა და პაპიროსს ეწეოდა. რომ დამინახა, გაჩერდა. სარას სიკვდილი რამდენაზე სიტყვით ვაცნობე.

თუსიანს კრინტი არ დაუძრავს, გატრიალდა და წავიდა. მე კი დავბრუნდი, რომ სარას მშობლებისათვის დეპეშა გამეგზავნა.

თუსიანი ორ დღეს არ გამოჩენილა. არ ვიცი, სად იყო და რას აკეთებდა, მიი აშბავი არც კი მაინტერესებდა, რადგან ამ ხნის განმავლობაში გარეგინს არ მოეშორებოდა, რომელიც რაღაცნაირ იდიოტიზმს შეეპყრო. მხოლოდ მესამე დღეს, სარას დაკრძალვაზე, ბრბოში წუთით გამოჩნდა თუსიანი და მერე აღარ მინახავს. დაკრძალვის შემდეგ, სასაფლაოდან რომ ვბრუნდებოდით, ბევრი ვეძებე, მაგრამ ვეღარ ვნახე.

გვიან ღამით, როცა გარეგინი შივატოვე და ის-ის იყო შინ დავბრუნდი, ისე უზომოდ მთვრალი მოვიდა, რომ ფეხზე ძლივს იდგა.

არც მომსალამებია, პირდაპირ დამიჭდა, ქული კეთაზე გადაიგდო, ხელებით მუხლებს დაეყრდნო და ამღვრეული თვალემა ქშენით მომაშტერა.

— მთვრალი ვარ, ხომ? — მკითხა.

და რადგან არაფერი ვუპასუხე, ისე განაგრძო, თითქოს დასტური მიეღო თავის სიტყვებზე:

— როგორ გგონია, რატომ? რატომ ვარ ახლა წინანდელზე უფრო მთვრალი? მიპასუხე, მიპასუხე! — თანდათან მბრძანებლურად ხმას აუწია, რაკი მე კვლავ ვდუმდი.

— ალბათ, დარდის გასაქარებლად, — ვუპასუხე ბოლოს.

— დამცინი, ხომ? ნუ დამცინი. ლოთების ამ ჩვეულებრივ თავის მართლებას არ ვცნობ. გესმის, არ ვცნობ!

— მაშინ, ალბათ, გინდა სინდისი დაიმშვიდო.

— სინდისი? რომელი სინდისი? ეს სინდისი? — წამოიყვია და ხელი მკერდზე მიიბაგუნა. — К черту еѣ. ეს ხომ ტოლსტოის მორალია. ტოლსტოი, მართალია, დიდი მწერალია, მაგრამ... ბერია. შენც ბერი ხარ, მარქარიან. ნუ გეწყინება. ყველა მორალისტი ბერია. ამ დღეებში კინალამ მეც ბერობაზე მომაქცაე. ო, ამას ვერასოდეს გაპატიებ, ვერასოდეს! შენს ჯიბრზე დავთვერი ასე, შენს ჯიბრზე, გესმის მარქარიან? Соловья баснями не кормят. მე ხშირად ვსვამ, მაგრამ დღეს დავლიე ჩვეულებრივზე მეტა, იპიტომ კი არა, მარქარიან, რომ მწუხარება დავივიწყო ან სინდისი დავამშვიდო. უბრალოდ, მინდა შენ არ მოგცე საშუალება, როგორც ამას წინათ, ყურში ჩამაფრინდე და ბერობაზე მომაქციო. გამიგე?

— მაგრამ ისევ ცდილობ თავი იმართლო. ეს უკვე რალაცას ნიშნავს, — შევნიშნე მე.

— ეს არაფერს ნიშნავს და ცდები, თუ გონია, რომ ისევ მინდა თავი ვიმართლო. რაო? ისევ საზღაური? საზღაური? და ვინ იცის, კადევ რა დარღუბალა. უკაცრავად ბრძანდებოდეთ, ეს მხოლოდ გუშინ იყო. გაიარა, გათავდა. ერთხელ ჩავიდინე სისულელე, მისი გამეორება ნამდვილი ვირობა იქნება, უკეთესია ძალი მაშაძალი იყო, ვიდრე ვირი და ჯორი. და მინდა ერთხელ და საბოლოოდ დარწმუნდე, რომ ახლა შენთან მოსანანიებლად არ მოვსულვარ. ამიტომ აი...

წამოხტა, შედგა სკამზე და ისე დაბარბაცდა, უთუოდ დაეცემოდა, რომ არ მიმერბინა და არ დამეჭირა.

— ჩამოდი, ჩამოდი! — ვუთხარი, — თორემ ჩამოვარდები!

— არა, მომეშვი, არ ჩამოვარდები! — შეკვივრა მან, თან ანთებულ თვალები ცოფიანივით უციმციმებდა. — იქით დადექი და მომისმინე, რასაც გეტყვი. აი, საქვეყნოდ ვაცხადებ, ყველას გასაგონად, დამნაშავე არა ვარ, დამნაშავე არა ვარ! არა, არა! არა! (თან ყოველი „არას“ შემდეგ მუშტს იბრტყამდა მკერდში). ამას ვიმეორებ სამჯერ და მზად ვარ თუნდაც ათასჯერ გავიმეორო, რადგან, კარგად მისმინე, მარქარიან, ქვეყნად არ არსებობენ დამნაშავენი და უდანაშაულონი, გეუბნები, არ არსებობენ-მეთქი, აღამიანი კარგსაც და ცუდსაც ბუნების კარნახით აკეთებს.

— საკმარისია, ერთხელ თქვი და გავიგეთ! ჩამოდი, გეუბნებო ჩა-
ზოვარდები! — ვუთხარი და ხელი ხელში ვტაცე, რომ ჩამომეყვანა,
მაგრამ ისეთი გამშაგებით მოიშორა ჩემი ხელი, რომ წონასწორობა
დაკარგა, და, სანამ მოვასწრებდი ხელი მეტაცნა, იატაკზე გულადმა
გაიწხლართა. კეფაზე მოგდებული ქუდი შორს გადაუყარდა.

ძლივს ავიყვანე და დავსვი. თავი უღონოდ ჩამოუყარა მკერდზე.
დუმდა. ერთიც ვნახოთ, ცრემლები წასკდა. დიდხანს ტიროდა ასე უხ-
მოდ. შემდეგ ცხვირსახოცი ამოიღო, თვალები მოიწმინდა და თავი არ
აუწევია, ისე მთხოვა წყნარად — ცოტა წყალი მომეციო. მივეცი. და-
ლია და თითქოს ცოტათი გონს მოეგო, მაგრამ მაინც დიდხანს იჯდა
ასე ჩუმად. თავს ხან ასწევდა, ხან უღონოდ ჩაჰკიდებდა. თითქოს
თვლემდა. მიუუახლოვდი. თავი გადასწია და თითით ყელი მიჩვენა.
ყელზე ნახევარი გოჯის სიგრძეზე, წვრილი წითელი ნაწიბური ემჩ-
ნეოდა, თითქოს მახვილი დანით მსუბუქად გაეკაწრა ვიღაცას.

— ეს რა არის? — ვკითხე გაკვირვებით.

გულის ჯიბე მოიქექა, ქარქაშში ჩადებული სამართებელი ამოიღო
და მომცა.

— შეინახე! — მითხრა — აღარ მომცე!

— ვაი, შე უბედურო! — აღმომხდა უნებურად.

— ეს იმ დღეს იყო, შენ რომ იქ, მისი სახლის კართან მითხარი,
მოკვდაო, — მითხრა წყნარად. — ჩემი ჭკუით მოვიდრომე საზღაური
გადამეხადა, მაგრამ ვერ შევძელი მისი შესრულება, მხოლოდ ეს უბად-
რუკი განაკაწრი დარჩა. ყველაფერი ეს ბაქიბუქი აღმოჩნდა, საბნის
ბუშტივით გაბერილი; ბუშტი არც გატკაცუნებულა, ისე გასკდა და
ჰაერი გამოვიდა. რას ნიშნავს ეს, მარქარიან, ჰა? — ორკოფულად შე-
მეკითხა და შემომაცქერდა, — ეს მე ვარ თუ არა? თავს ველარ ვცნობ.
საიდან დამჩემდა ეს ყოყმანი, სულის ეს შფოთვა, ეს საზიზღარი სულ-
მდაბლობა? მე, რუბენ თუსიანი, ვზივარ აქ, შენთან და ვტირი, რო-
გორც ვიღაც ნანა. მე, რუბენ თუსიანს, მსურდა თავი მომეკლა... და
შემეშინდა? მაშ, რაღა ვარ? რიდას მაქნისი ვარ, მომკიდე ხელი და
ჩამღრძვალე ძალღვივით წყალში გადამაგდე, რაღა! რატომ მოკვდა იგი?
რატომ? იმისათვის, რომ დავესაჯე, რომ სამაგიერო მიეზლო ჩემთვის?..

ხმა აუკანკალდა. მომეჩვენა, ისევ იტირებს-მეთქი, მაგრამ თავი შე-
იკავა. მოულოდნელად მის თვალებში მრისხანებამ იელვა და წამოხტა.

— არა, მიცვალებულებს ნებას არ მივცემ, თავისკენ გამქაჩონ, —

დაიყვირა მან. — მე ცოცხალი ადამიანი ვარ, სიცოცხლე მიყვარს და ამ სიყვარულს მსხვერპლად შევწირავ ყველაფერს და ყველას, ვინც გაბედავს და ჩემს ძღვევამოსილ გზაზე გადაჰელობება. ჩემს სიცოცხლეში პირველად ზუღელურ ქალურ გომნობებს დავემორჩილე და აი, სანამდე მივვლი... რატომ, რატომ, რატომ?..

და ყოველ „რატომზე“ ორივე ხელს ირტყამდა თავში.

ძლივს დაეაწყინარე. შევთავაზე დაწოლილიყო და გამოეძინა, რომ გამოფხიზლებულიყო.

— არა, — მითხრა მან, — ამ სადამოს უკვე მივდივარ. მოვედი, რომ სასტუმროს ვალის გადასახდელად და ბილეთის ასაღებად ფული გამოგართვა. შენი მოცემული ფული ამ დღეებში ჯანდაბაში დაეხარჯე. ჩავალ თუ არა, ყველას ერთად გამოგიგზავნი. მამაჩემს ვეტყვი, მომცეს. თუ მომცა — ხომ კარგი, არ მომცემს და მივაფურთხებ, ყველა დავთარს და თამასუქს დაეუხევე, ფულის სკივრს დაეუწევე, მას კი დავიპერ და დავახრჩობ, ასეთი ძალღიშვილი რომ გამაჩინა.

— მერე?

— მერე ჯერ არ ვიცი. მიჩვეული არა ვარ „მერეზე“ ვიფიქრო. ფული მომეცი. ჩემი ქუდიც.

ქუდი და ფული მივეცი.

ფული ჭიბეში ჩაიტენა, ქუდი დაიხურა, ხელი ჩამომართვა და ბარბაცით გავიდა.

მეტი აღარ მინახავს.

რამდენიმე წლის შემდეგ გავიგე, მამამ სახლიდან გააგდო და დედაქალაქის ქუჩებში დაეხეტებო, როგორც პროფესიონალი მათხოვარი ინტელიგენტი და ლოთი.

მე და ის

(ერთი დაკარგული კაცის დღიურიდან)

ეს დღიური შემთხვევით ჩამივარდა ხელში. თუ როგორ — ეს საინტერესო არ არის. იგი წარმოადგენს ერთ სქელ რვეულს, სადაც „დაკარგულ ადამიანს“ როგორც თვითონვე უწოდებს სათაურის ქვეშ თავის თავს, მრავალი წლების მანძილზე ყოველ დღე თავისი ცხოვრების ასავეალ-დასავეალი აღუწერს თავს.

ამ დღიურში მე გვერდი ავუარე, რაც ვიწრო პირადული და ინტერესპოკლებული იყო, და მხოლოდ ის ჩანაწერები ამოვიღე, და მოთხრობად ვაქციე, რაც ამ დღიურის, ასე ვთქვათ, არსს შეადგენენ და ნათელს ჰფენენ „დაკარგული ადამიანის“ ტრაგედიას.

აქვე დავსძენ, რომ „დაკარგული კაცის“ დღიურის იმ ნაწილს, რომელიც ეხება მისი დაცემის ტრაგედიას, სათაურად „მე და ის“ დავარქვი, და ამ სათაურითვე ვაქვეყნებ.

ნ ა რ - დ ო ს ი

მე

მე მიყვარდა ის.

ნუთუ ღირს გავიმეორო ის სამიჯნურო სიტყვები, რომლებიც სასაცილოდ და უხამსად ეჩვენებათ ცხოვრებაზე ხელჩაქნეულ სკეპტიკოსებს, მაგრამ ხელიხელ საგოგმანებლად თვლიან სიყვარულით აყვავებული ნორჩი გულები?

ყოველთვის, როცა ვუყურებდი მის ნათელ თვალებს, რომელშიც თითქოს მზე კიაფობდა, როცა მესმოდა მისი კისკისი, რაც ჯაჭათხელის ცელქი ნაკადულის ჩხრიალს მაგონებდა, როცა მკერდში

ჩავიკრავდი და გარინდებული ხარბად ვუსმენდი მისი უმანკო გულის ცემას, ხოლო ჩემს დაწვებზე ვგრძნობდი ხავერდოვანი თმების ელექტრონისებურ შეხებას — ისეთი გაშმაგებული გრძნობა მეუფლებოდა, რომ მზად ვიყავი ყველაზე საშინელი ბოროტმოქმედებაც ჩამედინა და უდიდესი გმირობაც, ოღონდ მას ებრძანებინა.

ჩემსავით მასაც ვუყვარდი თუ არა? — ეს არ ვიცი, მაგრამ მაშინ ნამდვილად დარწმუნებული ვიყავი ალალმართლად მეფიცებოდა სიყვარულს, უფრო მეტიც, ჩვენი დაცილება სიკედელსაც არ ძალუძსო, მეუბნებოდა.

იმ ხანებში ბოლო კურსის სტუდენტი ვიყავი, მალე იურიდიული ფაკულტეტი უნდა დამემთავრებინა. საკუთარ ახალგაზრდულ ენერჯიაში დარწმუნებულს, საზოგადოებრივი მოღვაწეობის ასპარეზზე მოღვაწეობისადმი დაუძლეველი მისწრაფება მქონდა, ამიტომ დიდი მომავლის ცხოველყოფელი იმედები დღენიდავ განუყრელად თან მახლდნენ. ამ ოცნებებით აღფრთოვანებული და ბედნიერი სიყვარულით ფრთებშესხმული, თავს არ ვზოგავდი, დღე და დამ გატაცებით ვწერდი სადიპლომო შრომას, რომელიც ჩემი ვარდისფერი მომავლისა და კეთილდღეობის საფუძველს წარმოადგენდა.

მაგრამ...

ოპ, ეს „მაგრამ“!..

ახლაც კი, როცა უკვე ყველაფერი დაკარგულია, იავარკმნილი და სამუდამოდ წარსულშია დარჩენილი უკან დაუბრუნებლად, მომავლდება თუ არა ის გულის მომკვლელი მომენტები, სულიერი ტკივილისაგან ლამის შეეკივლო; მათ ჩემთვის დღესაც არ დაუკარგავთ თავისი სიძველე.

მაგრამ სჯობია ჭერ თხრობა განვაგრძო.

ერთხელ, შორეულ ჩრდილოეთში ყოფნისას, როცა სტუდენტურ ოთახში განმარტოებით ჩაკეტილი, დისერტაციის უკანასკნელ თავებს ვწერდი, წერილი მივიღე, რომელშიც გასაოცარი გამანადგურებელი გულახდილობით ვწერა, — ჩვენი აღრინდელი სიყვარული სამწუხარო გაუგებრობად ჩათვალე და შეეცადე დამივიწყო, რადგან მალე სხვისი მეუღლე გავხდებო. „ვიცი, ეს ძალიან არ გესიამოვნება, მაგრამ რას იზამ! ამქვეყნად რა არ ხდება და, ვინ უწყის, რა არ მოხდება“, — ასეთი დამცინავი, უფრო სწორად, გულქვა, დემონური სიტყვებით ამთავრებდა თავის წერილს.

წერილი პირველად აინუნშიც არ ჩავაგდე; მეგონა, ხუმრობს ჩემი ანცი გოგო, სიყვარულში მცდის-მეთქი. მაგრამ შემდგომ ჯერ ძალიან გამიკვირდა, მერე გავბრაზდი და ბოლოს სახტად დავერჩი, როცა ერთ-მეორეზე გაგზავნილ წერილსა და დეპეშებზე პასუხი არ მაღირსა. ამ უკიდურეს საბედისწერო დუმილის დროს, როცა სასოწარკვეთილები-საგან გონდაკარგულმა არ ვიცოდი რა მეღონა, სრულიად მოულოდნელად მოკლე დეპეშა მივიღე — „გავთხოვდი“. მხოლოდ ეს ერთადერთი სიტყვა ეწერა, სხვა არაფერი. ისიც, ალბათ, იმიტომ გამოეგზავნა, რომ მომავალში თავი არ შემეებზრებინა წერილებით და დეპეშებით.

თავდაპირველად ამ დეპეშას მაინცდამაინც დიდად არ უმოკმე-ლია, რადგან თითქოს მის მოლოდინში ვიყავი, მაგრამ შემდგომ თანდა-თან ვაძინევდი, რომ მთელი არსებით თითქოს გავექვავდი, რალაც სუ-ლიერმა აპატიამ დამრია ხელი, ხოლო ზოგჯერ, განსაკუთრებით დამ-ლამობით, როცა ძელი არ მეკარებოდა და გონებას ავადმყოფური ზმა-ნება ეუფლებოდა, მეჩვენებოდა, აგერ-აგერ შევიშლები-მეთქი. წინათ, როცა ეკვი სრულიად არ მეპარებოდა მის მიმართ, ღრმად დარწმუნე-ბული ვიყავი ვუყვარდი, მწამდა — ჩემი იყო და მარად ჩემი იქნებო-და, თითქოს ისე ძლიერ არ მიყვარდა, როგორც ახლა, როცა მიღალატა და უკვე სამუდამოდ გამომეცალა ხელიდან. ასეა ყოველთვის: საყვარე-ლი არსება ორმაგად საყვარელი გეჩვენება მისი დაკარგვის შემდეგ.

ამერიიდან თავდაც არ მესმოდა რა მემართებოდა. ჩემ გარეთ და შიგნით ისეთ სიციარიელეს ვგრძნობდი, თითქოს ჯერ ტვინი ამოეღოთ თავის ქალადან, მერე სადღაც უდაბნოში გადავეტყორცნე — წადი საშინელი ამაოების წყვილიაღში იხეტიალე უმიზნოდ, უაზროდ, უიდე-ალოდ, ისე, რომ იქიდან თავის დახსნის არავითარი იმედი არ გაგაჩნდე-სო. მხოლოდ იმას ვგრძნობდი მკვეთრად და ნათლად, რომ გულში წვეთ-წვეთად მიგრძობებოდა შურისძიების შხამი, რომელიც ერთ დღეს უნდა გადმომენთხია იმ ვერაგ ქალზე, ასე შეუბრალებლად ფეხქვეშ რომ გათელა არა მარტო ჩემი უწმინდესი იდეალები და ჩემი გრძნო-ბები, არამედ ადამიანური ღირსებებიც, ყველა ჩემი იმედები, მთელი ჩემი მომავალი. ვიდრე ის მიღალატებდა, სულითა და ფიქრით მაღალ მწვერვალებზე მონავარდე არწივი მეგონა ჩემი თავი, ახლა კი — ფრთებდამტვრეულ, მიწაზე მლოდავ საბრალო ბელურას ვგავდი. ნუ-თუ შემეძლო მისთვის ამის პატიება? არა. და მე გადავწყვიტე, ისევე ვერაგულად გაღამეხადა სამაგიერო, როგორც თვითონ მომექცა.

„მე ხომ უკვე მკვლარი ვარ, დაე ნურც ის იცოცლებს“. — გავიფიქრე, ყველაფერი მივატოვე — უმალღესიც, დისერტაციაც, და აქეთკენ გამოვეშურე, რომ ჩემი განზრახვა სისრულეში მომეყვანა. მაგრამ აქ ისეთი თავზარდამცემი ამბავი დაჰიხვდა, აზრადაც არ გამიტარებია მსგავსი რამ — მოღალატე ქალი თავის მდიდარ მეუღლესთან ერთად საზღვარგარეთ წასულიყო.

სასოწარკვეთილებამ ისევ დამრია ხელი, იგი შურისძიების გრძნობაზე ნაკლებ არ მაწვალებდა. საკუთარი უძლურების შეგნებას სიგიჟემდე მივყავდი. იყო წუთები, როცა მზად ვიყავი თვითმკვლევლობა ჩამედიხა, რათა ერთხელ და სამუდამოდ გავნათავისუფლებულიყვი აუტანელი სულიერი წამებისაგან. მაგრამ აქვე ჩემს თავს ვეუბნებოდი, ეს სულმოკლეობა იქნება-მეთქი. გარდა ამისა, ვიმედოვნებდი, ადრე თუ გვიან შეეხვდებოდი მას და ჩემი ჯოჯობითური შეურაცხყოფისათვის ანგარიშს გავუსწორებდი. ასეთმა სულიერმა განწყობილებამ კვლავ მიმიყვანა იმ უკიდურესობამდე, როცა ადამიანი ყველას და ყველაფრის მიმართ განურჩეველი და უგრძნობი ხდება. მხოლოდ ძლიერ ბიძგებს შეეძლოთ ჩემი გამოყვანა ამ მდგომარეობიდან. ეს ბიძგები სხვაგან რომ ვერსად ვპოვე, გარყვნილი ქალებისა და მათთან დამის მთევველი ძმაკაცების წრეში ვიგემე, და ცხოვრების ღიაშალმა ნელნელა დამიწყო წოვა, მე კი ვერაფერს ვგრძნობდი, ხოლო როცა შევამჩნიე, ძალზე დაგვიანებული იყო; უკვე დაკარგული კაცი მეთქმოდა.

ამგვარად, იურიდიული ფაკულტეტის უკანასკნელი კურსის სტუდენტი, დიადი მომავლის იმედებით აღსავსე, ფართო საზოგადოებრივი მოღვაწეობის ოცნებებით ფრთებშესხმული, — ამჟამად სასამართლო საკრებულოების ქუჩიან მაგიდასთან მჯდარ წვრილფეხა შუაკაცად, სხვადასხვა თხოვნებისა და საკინკლაო განცხადებების იწერლად, სხვადასხვა ბნელი საქმეების დამცველად, მუდამ მთვრალ და ძილძორეულ „აბლაკატად“ გადავიქეცი, ამ საზიზღარი ტიპებისათვის დამახასიათებელი ყველა უარყოფითი ნიშნით. თანაც მთელი ტრაგედია იმაში მდგომარეობდა, რომ ღრმად ვგრძნობდი ჩემს დაცემას და შეცნობილი მქონდა მთელი მისი საშინელება, მაგრამ ამ კანკრობიდან ამოსვლა არ შემეძლო, უმწეო ვიყავი; იმ ჰაობს უკვე ძალიან ღრმად ჩავეთრიე. ამიტომ ერთხელ და სამუდამოდ ჩემს თავს ჯვარი დაეუსვი, სამუდამოდ დაერწმუნდი, ჩემი აღდგომა აღარ შეიძლებოდა.

და აი ერთხელ — ჩვენი ურთიერთობის გაწყვეტის ხუთი წლის შემდეგ — ქუჩაში, სრულიად შემთხვევით, პირისპირ შევეფეთე ჩემს ყოფილ შეყვარებულს. ეს ისე მოულოდნელი იყო, მეხდაცემულივით გავშეშდი ადგილზე და გაოცებისაგან უნებურად ტაში შემოვკარი. ეტყობა, ამ შეხვედრამ ისიც ძალიან შეაშინა, და როგორც შევნიშნე, პირველად ნამდვილად ვერ მიცნო. დიახ, არც გაემტყუნებოდა! მისი ყოფილი ნაცნობი მუდამ სუფთად ჩაცმული, განიერ მხარბეჭიანი, მკერდგაშლილი, 24—25 წლის ლამაზი სტუდენტი იყო, ახლა კი მის წინ იდგა ქუჩკისაგან გაზინთულ, გაცვეთილ პალტოში განვეული წვერმომშვებული, მკერდჩავარდნილი კუზიანი კაცი, რომელსაც პროფესიული ლოთის წითელი ცხვირი ჰქონდა და პირიდან იაფფასიანი ღვინის, თამბაქოსა და ნიორის მყრალი სუნი ამოსდიოდა. ის კი სულაც არ გამოცვლილიყო. ანდა, თუ რაიმე ცვლილება ეტყობოდა, იმას კიდევ უფრო დაემშვენებინა, იმდენად, რომ ვერც ერთი მხატვარი ვერ მონახავდა ამ ქალში რაიმე ნაკლს. უწინდელი გამხდარი ანცი გოგონას ნაცვლად ჩემს წინ იდგა მაღალი, მშვენიერი მდიდარი ქალი, რომელსაც გულმშვიდად ვერ ჩაუვლიდით გვერდით. ახლა ტანსაცმელს არ იკითხავთ!.. ასე ბრწყინვალედ მე ვერასოდეს ჩაეცემე და ვერც ამდენი ბრილიანტებით დაკრემშვენებდი ყურებს, მკერდს, თითებს, მაშინაც კი, თუგინდ ახდენილიყო დიად მომავალზე დამყარებული ჩემი იმედები, რომელიც ერთ დროს გამაჩნდა. ყველაფრიდან ჩანდა, რომ იგი ეკუთვნოდა ისეთ კაცს, რომელიც არაფერს იშურებდა მისთვის.

განცვიფრებაათან ერთად უნებურად რაღაც მოკრძალება და პატივისცემა ვიგრძენი ამ თვალისდამატყვევებელი ფუფუნებისადმი და ჩემი თავი ისეთი ჩია, საბრალო და საზიზღარი არასოდეს მომჩვენებია, როგორც იმ დროს.

ერთ წუთას სულის სიღრმეში მძაფრი შურისძიების გრძნობას დავუწყე ქექვა, რომელიც ერთ დროს გულს მიღრღნიდა და, მისი გავლენის ქვეშ მყოფს, თავი ამაყად და ხელუხლებლად მიმაჩნდა, მაგრამ იქ ვერაფერი ვნახე: სულის სიღრმეში სრული სიცარიელე სუფევდა.

და როცა აღელვებულმა, ენის ბორძიკით, ბოდიშის მოხდის კილოთი შევახსენე, ვინ ვიყავი, პირველად თითქოს გაოცდა, აღშფოთდა კიდევ, მერე უცბად ხმაამოუღებლად გამცილდა, ეტლში ჩაჭდა და წავიდა, უთუოდ იმ ფიქრით შეშინებული, ვაითუ უკან დამედევნოსო.

ის დღე გავატარე ღვინის ღუქანში, საიდანაც საღამოს ძალით დაში-
თხოვეს.

მასთან შეხვედრის დღიდან, თუ ნასვამი არ ვიყავი, რაც ძალიან იშ-
ვიათად ხდებოდა, და ასე თუ ისე, შეემძლო ღრმად დაფიქრება, ჩემი
მდგომარეობა ძალიან მტანჯავდა. რა იყო ის მთავარი მიზეზი, რომელ-
მაც ამ დღეში ჩამაგდო?.. მართლაც და, ხომ არ შეიძლებოდა ამის მი-
ზეზად უიღბლო სიყვარულის აღიარება?.. სიყვარულის, რომელსაც
შეუძლია ადამიანის დროებით და არა სამუდამოდ დალუპვა. მიზეზად
მხოლოდ სიყვარულის აღიარება სისულელე იყო.

ნამღვილი მიზეზი სხვაგან იყო საძიებელი. და მე დავიწყე მისი
ძებნა შეყვარებული ქალიშვილის ღალატის იქით, — თავად ჩემში,
რადგან ყოველად შეუძლებელი იყო ესოდენ დაცემა, ამისი ჩანასახი
ჩემს გულში რომ არ ყოფილიყო და მას ხელი არ შეეწყო. მაგრამ რა
იყო ეს ჩანასახი? საიდან გაჩნდა ჩემში? რა ასაზრდოებდა?.. ამ მხრივ
გულმოდგინედ ჩატარებული ძიებანი ვინ იცის რამდენ ხანს დამტან-
ჯავდნენ, ვიდრე საბოლოო გადაწყვეტილებას მივიღებდი, რომ სრუ-
ლიად შემთხვევით მივაგენი ამ ჩანასახის ნამდვილ ახსნა-განმარტებას
ერთ მოთხრობაში, რომელმაც ერთბაშად გამოამზეურა ჩემი დღემდე
დაფარული შინაგანი სამყარო.

ის მოთხრობა სიყვარულის თემაზე დაწერილი იტალიური ნაწარ-
მოებია, სათაურით „შურისძიება“.

აქვე მომყავს მოთხრობის სიტყვასიტყვითი თარგმანი მხოლოდ იმ
განსხვავებით, რომ, მოთხრობის მთავარი გმირის ჩემთან დაპირისპირე-
ბის მიზნით, სათაურად ვარქმევ „ის“.

ის

1

ვენეციაში, დოჟების, არხებისა და მხატვრების ამ გასაოცარი ქალა-
ქის ერთ უძველეს არისტოკრატიულ ოჯახში ცხოვრობდა ერთადერთი
ქალიშვილი, ლამაზი ჯულიეტა. იგი ისეთი მშვენიერი იყო, რომ მიწი-
ერ არსებას არ ჰგავდა, ზღვის აქაფებულ ტალღებიდან გამოსული ფე-
რია გეგონებოდათ: თვალები იტალიის მოწმენდილი ცასავით ცისფერი
ჰქონდა, მზერა გაბადრული და უსაზღვრო, ადრიატიკის ჰორიზონტი-

ვით. ოქროსფერი თმის კულულები თავსამკაულად ადგა იმის პატარა, ლამაზ თავს. როცა ილიმებოდა (მერე და, როდის არ ილიმებოდა!), მშვენიერ ლოყებზე ფოსოები უჩნდებოდა, ხოლო პატარა პირში, ვარდისფერ ტუჩებს შუა, სპილოს ძვალივით თეთრი და მაგარი მომცრო კბილები უბრწყინავდა. სახე მუდამ გაბადრული ჰქონდა გაზაფხულის მზესავით, დღენიდაგ მოუხვეწარი იყო ფარვანასავით, ან მსიარული ანცი ბავშვივით. ორი ფერი უყვარდა, წითელი და თეთრი; მის ტანსაცმელს და მკერდს ყოველთვის ამშვენებდა ეს ორი ფერი — მიხაკის და შროშანის. თვითონაც ამ ყვავილებივით ნორჩი და ტკბილსურნელოვანი გახლდათ, გააჩნია როგორი ფერის ტანსაცმელი ეცვა — მიხაკივით წითელი თუ შროშანივით თეთრი.

2

ერთხელ, გაზაფხულის საუცხოო საღამოს, როგორც მხოლოდ ადრიატიკის ნაპირებზე იცის, როცა ჯულიეტა მამისეული სასახლის ზემო სართულში მდებარე თავის პატარა მზიან ოთახში თეთრ ტანსაცმელს ისწორებდა, მკერდზე მიხაკის წითელ ყვავილს იბნევედა და პონტიერიალტოს დიდ არხში სასეირნოდ ემზადებოდა, გარედან მუსიკის ხმა შემოესმა, ვიდაცის მარჯვე ხელი ვიოლინოზე სერენადას უკრავდა. ჯულიეტამ ღია ფანჯარასთან მიიბრინა და ქუჩაში გაიხედა.

მუსიკოსი ყმაწვილი ბიჭი აღმოჩნდა, ფართოფარფლებიანი იტალიური ქუდი ეხურა. მელოდია, რომელსაც იგი უკრავდა, ისეთი ტკბილი იყო და მომჭადოებელი, რომ ჯულიეტას ეგონა მისა გულის სიმებზე უკრავდნენ. მექანიკურად წელამდე გაჰყო თავი ფანჯარაში და გულისყურით უსმენდა. მთელი არსებით სმენად გადაქცეულიყო, ხარბად აღიქვამდა მუსიკალურ ბგერებს და თან ტანის მოძრაობას აყოლებდა მომჭადოებელ მელოდიას, რომელსაც ყრმა-მუსიკოსის ქაიანი ვიოლინოს სიმებზე აუღერებდა ისე, გეგონებოდათ, მოჩუხჩუხე წყაროდან გამჟვირვალე ნაკადულები მოდუღუნებენო. ჯულიეტა სუნთქვას იკავებდა, რომ არც ერთი მუსიკალური ბგერა არ გამოჩენოდა. აღტაცების ცრემლები ბრილიანტებივით უბრწყინავდა თვალებში.

ბოლოს დადუმდა ვიოლინოს ხმები, და მასთან ერთად თითქოს მთელი ბუნებაც გაიჩინდა.

— ვინა ხარ? ამოიხედე მაღლა, კაბუკო მავსტრო! — ზემოდან გადმოსძახა ჯულიეტამ.

ყრმა-მუსიკოსმა ზევით აიხედა.

— მოიხადე ქუდი, სახეზე მინდა შეგხედო.

ყრმა არტისტმა მოიხადა ფართოფართლებიანი ქუდი, თავის გაქნევით გრძელი თმები შუბლიდან უკან გადაიყარა და ისევ აიხედა. რა საუცხოო თვალები ჰქონდა! მაგრამ სევდიანი და მოკრძალებული, როგორც ის მელოდია, რომელსაც სულ ცოტა ხნის წინ ჟაკავდა! რაოდენ მიმზიდველი სახე!.. მაგრამ ფერწასული და დაღვრემილი, როგორც მარმარილოს ქანდაკება... რა მაღალი და ამაყი შუბლი!.. მაგრამ არა ამქვეყნიური სიდიადით გაბრწყინებული!

— რა გქვია? — გადმოსძახა ჯულიეტამ.

— ანტონიო.

— ანტონიო, კიდევ დაუჯარი ჩემთვის!

ისევ აედერდა სიმები წინანდელზე უფრო მომაჯადოებლად და საუცხოოდ.

ჯულიეტა კვლავ ფანჯარასთან იყო გარინდებული, და სრულიადაც არ უგრძვნია დაღლა, ვიდრე სიმებმა ბოლომდე არ შეასრულეს მელოდია და არ დადუმდნენ.

— ანტონიო, მითხარი, ვინა ხარ?

— მე ობოლი ვარ.

— ვინ იყო მამაშენი?

— უბრალო მუშა, მანქანის ქვეშ ჩავარდა და მოკვდა.

— დედა?

— დედაც მამაჩემს მიჰყვა.

— და არა გყავს?

— სულ არავინ გამაჩნია.

— გინდა, შენი და ვიქნები, შენ კი ჩემი ძმა? მამას ვთხოვ, ჩვენს სახლში იცხოვრო, რომ მულდამ მაგისტანა სიმღერები დაუკრა ჩემთვის. მამა კეთილია, ძალიან ვუყვარვარ და რაც უნდა ვთხოვო, უარს არ მეტყვის. ამიერიდან ერთი ლუკმა პურიანათვის ქუჩა-ქუჩა აღარ იხეტიან. ჩვენ ძალიან მდიდრები ვართ.

— მე ძალიან ამაყი ვარ, სინიორა.

— ჩემი სახელი ჯულიეტაა.

— მე ძალიან ამაყი ვარ, მშენიერიო ჯულიეტა.

— ჩვენ არ წაგართმევთ მაგ სიამაყეს, ანტონიო.

— წაპართმევთ. როცა ერთ ლუკმა პურს შიბოძებთ.

ჯულიეტან ფეხებთან ერთი ღრამი დაუგლო და გაბრაზებული მო-
შორდა ფანჯარას. მაგრამ მაშინვე ისევ უკან დაბრუნდა.

— ანტონიო, — დაუძახა მან.

ყრმა-მუსიკოსი, რომელმაც ღრამი აიღო და ის იყო უნდა წასული-
ყო, გაჩერდა და ზევით აიხედა.

— იმაზე მაინც დამთანხმდი, რომ ყოველ დღეს, სწორედ ამ ღროს
ნობვალ და ფანჯრის ქვეშ დატყრავ ხოლმე.

— მოვალ, მაგრამ ამისთვის არა, — თქვა ანტონიომ და ნაჩუქარი
ღრამი დაანახვა.

— აბა რისთვის?

— სილამაზისათვის.

აქჯერად ყრმა-მუსიკოსის ფეხებთან ლამაზი ქალიშვილის მკერდი-
დან მოწყვეტილი წითელი მიხაკი დაეცა.

3

და მიდიოდა.

ყოველ საღამოს, როცა მზის უკანასკნელი სხივები პატრიცის სა-
სახლის ფანჯრებზე ელექტრონის ნათურებს ანთებდნენ, ჯულიეტა
ტკებობდა სულ ახალი და ახალი მომჭადოებელი მელოდებით.

— ანტონიო, ნუ ხარ ესოდენ ამაყი! ამოდო მალლა და ჩემს ოთახ-
ში დაუქარი.

ანტონიო უსიტყვოდ ავიდა ჯულიეტას ოთახში.

— ანტონიო, ნუ ხარ ესოდენ ამაყი! მოდი ერთად გავისეირნოთ
ზღვაზე.

მთვარის რძისფერი სინათლით მოფენილ მშვიდ ზღვაზე ნელ-ნელა
მიცურავდა ნავი და ღამის ღრმა სიმშვიდეში მომხიბლავი ხმები გაის-
მოდა. მთელი ბუნება, თითქოს სმენად გადაქცეულიყო, ყურს უგდებ-
და ამ ხმებს, რომლებიც ფრთებშესხმული ლალად და მსუბუქად მიფ-
რანავდნენ ყოველ მხრივ, საღდაც ზღვის მშვიდ ტალღებში და გამკვირ-
ვალე ჰაერში იკარგებოდნენ.

— ანტონიო, ნუთუ ისეთი ამაყი ხარ, რომ ნებას არ მომცემ შენს
მუხლზე თავი დაედო?

— ო!.. — ოხრავს ყრმა-არტიტი, თვალები ანთებია, მისი ქანანი ახალი შემართებით უკრავს მელოდისას, სულ ახალი ბიუანსებით გა-მოსცემს ხმებს.

ჭულიეტა ოქროსკულულებიან თავს ანტონიოს მუხლებზე აყრდ-ნობს, გაოცებული ხავერდოვანი თვალებით, სიყვარულითა და ბედნი-ერებით აღსავსე, ქვემოდან შესცქერის ყრმა მუსიკოსის ამაყად შემარ-თულ სახეს. ნავში, მთვარის რძისფერ სინათლეზე, თოვლივით ბრწყინ-ნავს ქალიშვილი თეთრი მსუბუქი სამოსით, რომელშიაც იგი ზღვის აქაფებულ ტალღებიდან ამოსულ ფერიას ჰგავს.

ყრმა-არტიტი ზემოდან დაჰყურებს მის მუხლებზე გარინდებულ სიზმარისეულ მშვენიერებას და თვითონაც უკვირს, ჩემი ხელის მოძ-რაობით ვიოლინო ესოდენ დამატყვევებლად რატომ ეღერსო!..

— ანტონიო, ნუთუ ისეთი ამაყი ხარ, რომ ერთხელ მაინც არ მა-კოცებ?

ვიოლინო ჩუმდება. ყრმა-არტიტი ნელა იხრება ფერიას სახესთან, მათი თმები ერთდება, და საკოცნელად ათრთოლებული ტუჩები მხურ-ვალედ ეწებებიან ერთმანეთს.

— ანტონიო, ანტონიო...

— ჭულიეტა, ჭულიეტა...

4

ერთ საღამოს, დათქმულ საათზე, დიდებული სასახლის მაღალი ფანჯრის ქვეშ მღვარი ყრმა-მუსიკოსი ამაოდ ცდილობდა თავისი ვიო-ლინოს მომჯადოებელი ხმებით ფერიას გამოაძახებას.

ფანჯარა დახურული იყო.

მაგრამ ყრმა-მუსიკოსი მაინც იმედს არ იწყვეტდა. ვიოლინო ხან მბრძანებლურად უხმობდა ქალიშვილს, ხან მუდარით, ხან მოთქმა-ოხვრით და თან სასოწარკვეთილებით ქვითინებდა.

ფანჯარა ისევ დახურული იყო.

მაგრამ, როცა სასოწარკვეთილებისაგან აქვითინებული ვიოლინო უქანასკნელ ხმებას გამოსცემდა, ფანჯრის ერთი ღარბა ნახევრად გაი-ღო, ჯერ ერთმა დრამმა დაიწვრიალა მიწაზე, მერე მას მოჰყვა ქალა-ღის პატარა ნაქერი. იგი ჰაერში ფრიალ-ფრიალით წამოვიდა და ყრმა-მუსიკოსის ფეხებთან ფარფატიტ დაეცა.

ანტონიომ ქალაღდი აიღო და წაიკითხა. „მამამ მითხრა, მე და შენს შორის უძირო უფსკრულია: ჩვენ ძალდა ვართ, შენ — ძირს. ნუღარ მოხვალ! დამივიწყე!“..

ერთხანს ელდანაკრავივით იღვა ერთ ადგილზე გაქვავებული, მერე ძალუმად შეკრთა, გამეხებული მზერა სტყორცნა დიდებულის მაღალ სასახლეს, მრისხანებისაგან გაშმაგებულს უნდოდა ქალაღდი ნაკუწებად ექცია, მაგრამ თავი შეიკავა, საგულდაგულოდ დაკეცა, უბეში ჩაიღო, ფეხის კვრით შორს მოისროლა მიწაზე დაგდებული დრამი, დაკოდილ მკერდზე მაგრად მიიხუტა ვიოლინო და შეუტრაცხოფის ნალველში გახვეულა ამაყი გულით იქაურობას გაშორდა.

იმ დღიდან ვენეციის ქუჩებში აღარავის უნახაჟს ესოდენ ნაცნობი ყრმა მევიოლინე.

5

გაიარა წლებმა.

ისევე ვენეცია.

ქალაქის მთელი პრესა იუწყებოდა სახელგანთქმული მევიოლინის ანტონიო ბონვინის ჩამოსვლას, რომელიც თავის ერთადერთ კონცერტს დიდ თეატრში გამართავდა. ამ ბოლო დროს არა მარტო იტალიური, არამედ მთელი ევროპული და ამერიკული პრესაც აღაპარაკდა მუსიკალური ხელოვნების ამ ახალი ბრწყინვალე ვარსკვლავის გამოჩენაზე.

კონცერტის საღამოს თეატრში ნემსი არ ჩავარდებოდა; აქ თავი მოეყარა ქალაქის მთელ ბრწყინვალე საზოგადოებას.

ანტონიო ბონვინი... ყველა მოუთმენლად მოელოდა მის გამოსვლას. და აჰა, ბოლოს გამოჩნდა კიდეც — მთელმა დარბაზმა თითქოს ერთხმად ამოიოხრა.

ნუთუ ეს ის ანტონიო არ არის, ყველა რომ იცნობდა ვენეციაში? ის ყრმა-მუსიკოსი, რომელიც შუა საუკუნეების ტრუბაღურივით დაეხეტებოდა ქალაქიდან ქალაქში, ქუჩიდან ქუჩაში, და ფანჯრებთან სერენადებს უკრავდა?

ღიახ! ღიახ! ის არის, სწორედ ის! აი ნაცნობი მელოდებიც, მაგრამ ამჯერად უკვე უჩვეულოდ დახვეწილი! — თავის თავში დარწმუნებუ-

ლი, გულჩახვეული, ზოგჯერ ზეშთაგონებული აღმაფრენით სავსე, ზოგჯერ საბრძოლო სულისკვეთებით გაუღნითილი.

და რამდენადაც მომაჯადოებელია ეს ხმები, იმდენად ლამაზია და მომხიბვლელი თვითონ ანტონიო ბონვინი — წარმოსადგეი, ცეცხლოვანი თვალებით, ანთებული სახით, მაღალი მშვენიერი შუბლით, ყურებთან ჩამოშლილი მბზინავი თმებით — ეს ყველაფერი ჰარმონიულად ესიტყვება მისი ვიოლინოს ჯადოსნურ ხმებს.

როცა უკანასკნელი ბგერები სამარისებურ სიჩუმეში კანკალით მიწყდა და არტისტი სცენიდან გავიდა, მთელი დარბაზი ერთ წაშს გაირინდა, ღრმა მომჯადოებელ ოცნებაში წაშულივით, მერე უეცრად, თითქოს ვილაც, მკვდრეთით აღდგაო, მთელი დარბაზი შეირხა და ერთხმად დაიქუხა:

— ბონვინი... ანტონიო ბონვინი... ანტონიო. აი გენიოსი... ახლო პაგანინი...

ყველამ კულისებს მიაშურა, რომ თვითველ მათგანს უშუალოდ ჩამოერთმია ხელი ახალგაზრდა გენიოსისათვის, და აღტაცებულს, მადლობა ეთქვა იმ სიამოვნებისათვის, რაც მისმა მუსიკამ მიანიჭა.

ახალგაზრდა მანეტრო დადლილია, თავის ოთახში იკეტება და უცხადებს, რომ არავის მიღება არ შეუძლია.

მაგრამ აი მასთან შედიან და ეუბნებიან, ერთ ქალს უნდა თქვენი ნახვაო.

— არა, არ შემიძლია მიღება.

— დაჟინებით თხოულობს. სახელოვანი კაცის მეუღლეა.

და უსახელებენ რომელიღაც არისტოკრატიული გვარის მაღალთანმდებობის პირს, რომელიც ათასობით ადამიანთა ბედს განაგებს.

— დაე შემოვიდეს.

ოთახში სწრაფი ნაბიჯით შედის რაფაელის მადონასავით ლამაზი და დედოფალივით მორთულ-მოკაზმული ახალგაზრდა ქალი და ჰაბუკი გენიოსის ფეხებთან ემხობა.

— ანტონიო, შენი ჯულიეტა ვარ, შენ მე მიყვარხარ...

ჰაბუკმა მანეტრომ მღელვარებით წამოაყენა მშვენიერი ასული. თვალები უჩვეულოდ უბრწყინავდა, ისევე, როცა ჯერ კიდევ საბრძოლო ყრმა-მუსიკოსმა გამეხებული მზერა სტყორცნა დიდებულის მაღალ სასახლეს, საიდანაც მგდიდურად დაითხოვეს, და როგორც დაბალი წოდების წარმომადგენელი, შეურაცხყვეს.

მუხიკოსმა ხმის ამოუღებლად ჩაიყო ხელი უბეში, ამოიღო წიგნაკი, იქიდან — საგულდაგულოდ შენახული ქალაღლის ნაქერი და ჯულიეტას გაუწოდა.

ჯულიეტამ გაპოართვა, დახედა და კარხალივით გაწითლდა.

— წაიკითხეთ, სინიორა, წაიკითხეთ, — უთხრა ანტონიომ, რაკი დაინახა, ქალი უკიდურესად აღელვებული იყო და ვერ ბედავდა თვლებში შეხედვას.

ჯულიეტამ ოდნავ გასაგონი ხმით წაიკითხა თავისი წერილი:

„მამამ მითხრა, მე და შენს შორის უძირთუფსკრულია: ჩვენ მალლა ვართ, შენ — ძირს. ნუღარ მოხვალ! დამივიწყე“.

ანტონიომ წერილი უკანვე ჩამოართვა ქალს აკანკალებული ხელიდან, ისევე მზრუნველობით დაეცა, უბის წიგნაკში შეინახა და უთხრა:

— ეჭ, სინიორა! მომიტევეთ, რომ მაშინ ყურად არ ვიღე თქვენი სიტყვები. თუმცა იმ დღიდან აღარ მოვსულვარ, მაგრამ მუდამ მახსოვხართ, თორემ ამ წერილს ასეთი მზრუნველობით არ შეეინახავდი. იგი ისეთი უძვირფასესი განძია, რომელიც თქვენ მომიძღვენით და თვალისჩინივით გაუფრთხილდები, სანამ სული მიდგას, რადგან თუ არა ეს წერილი, ახლა ის არ ვიქნებოდი, რაც ამჟამად ვარ. მე არ დამივიწყებხართ, დიახ, არა! მაგრამ, როგორც ჩანს, თქვენ ვეღარ ხედავთ იმ უფსკრულს, რომელიც ჩვენ ერთმანეთს გვაშორებს. თქვენ მალლა იყავით, მე კი — ძირს. ეს უფლებას გაძლევდათ ათვალწუნებით გეცქირათ ქვემოთ. მაგრამ მხედველობიდან გამოგრაჩათ, რომ ქვემოთ მყოფნი ზოგჯერ ფრთებს შეისხამენ ხოლმე, მალლა მიფრინავენ და შურისძიების გრძნობით არიან აღსავსენი. იმ დღიდან, როცა თქვენ თქვენი მდგომარეობის სიმალლიდან აგდებულად დამითხოვეთ მე, ქვემოთ მყოფი, დავიფიცე შური მეძია და ამისათვის სხვა გზა ვერ მოვნახე, თუ არა მხოლოდ ამადლება, ამადლება, სულ მალლა და მალლა სრბოლა იქამდე, ვიდრე თავისი ხელთქმნილი სასახლის სიმალლიდან გადმომზირალი კმაყოფილება, რომელიც მედიდურად დამცქეროდა, ჩემი ხელთუქმნელ სიმალლის წინაშე მუხლთ არ მოიდრეკდა. დღეს მიზანს მივალწიე, მაგრამ ხელახლა რომ შევიყვარო ის ქალი, რომელსაც სხვისი ფაქიზი გრძნობებით თავის შექცევა, ზემოთასა და ქვემოთას შორის გარჩევა სჩვევია, ოჰ, სინიორა, ჩემს ძალას აღემატება და არ შემძლია.

ასე მთავრდება იტალიური მოთხრობა.

მასშიც მიჯნურობის ამბავია აღწერილი, მხოლოდ ჩემი სიყვარულის სრულიად საპირისპირო შინაარსით: აქ მე ვარ — ბურჟუაზიული გარემოს ნაშიერი, ფუფუნებით ცხოვრებას მიჩვეული, განებივრებული, უნებისყოფო, სუსტხერხემლიანი ინტელიგენტი, რომელიც ბედისწერის პირველ შემოკვრაზე მიწაზე ეცემა და ფეხზე წამოდგომის ძალა აღარ შესწევს. იქ კი — ის, მშრომელი ხალხის კალთაში გამოზრდილი, უსახლკარო, თავისი კლასის რკინისებური ნებისყოფით აღქურვილი მოხეტიალე ჰაბუკი; ამ ნებისყოფით გულმცემული, ჩემსავით კი არ მოიღუნა წელში პირველი შემოკვრისაგან, არამედ, პირიქით, ვინ იცის, რამდენი დაბრკოლება გადალახა, ვიდრე თავბრუდამხვევ მწვერვალს მიაღწევდა, რათა იქიდან გადმოენთხია შურისძიების შბამი იმათზე, ვინც აბუჩად აიგდო, ფეხით გათელა მისი კაცური ღირსებები, ვინც შეურაცხპყო და დაამცირა იგი.

მხოლოდ ამაღლება, დაუღალავად სულ მალა და მალა სარბოლა!.. აი ეს არის დიადი გზა ნამდვილი შურისძიებისა!..

მაგრამ, სამწუხაროდ, ასეთი შურისძიებისათვის მე უსუსური აღმოვჩნდი.

ამის შემდეგ აბა როგორ არ ვიწამო ჩემი კლასის ბედისწერა, რომელიც შეჩვენებულ-დაწყევლილია და თანდათან ჩემსავით დამპალ ხეზე აღმოცენებულ იმ ხორცმეტს ემსგავსება, რომელიც უნდა გადაშენდეს, უკვალოდ გაჰქრეს და ადგილი დაუთმოს იმას, რაც ქვემოდან მოდის და სულ მალა-მალა მიიწევს?..

ახალი მათაზი

1

დიახ, ქალბატონებო და ბატონებო, განქორწინების პრობლემა დღეს ჩვენში ახალ სასიცოცხლო მნიშვნელობის საკითხს წარმოადგენს. მისი გადაჭრა ჩვენ ეხლა გვიხდება. მაშინ, როცა განათლებულ ევროპაში რა ხანია, გადაწყვეტილია და თითქმის ანაქრონიზმად არის გადაქცეული მასზე მსჯელობა. ყოველგვარი სიძველისა, უმოძრაობისა და ცთომილების მტერმა და იმავე დროს ახალი დიადი მოწინავე იდეების მქადაგებელმა ევროპამ პირველმა შეიცნო კაცობრიობის ცხოვრებაზე რელიგიის შემბოჭავი გავლენის სიმძიმე, მოიშორა ეს უღელი და მის ნანგრევებზე სინდისისა და გონების თავისუფლების ალამი ააფრიალა.

მართლაც, ქალბატონებო და ბატონებო, საშინელია; როცა ფიქრობთ, რა შემაძრწუნებელ ძალმომრეობას იჩენს რელიგია ადამიანის სინდისსა და გონების თავისუფლებაზე. ეს სამწუხარო ფიქრები და მწარე სინამდვილე მიკარნახებს გაცნობით, რომ ჩვენ — მეცხრამეტე საუკუნის შვილები ჯერ კიდევ შორს არ წავსულვართ ძველი და შუა საუკუნეებიდან, ე. ი. იმ დროიდან, როცა კაცობრიობას ხელმძღვანელობდა — ამ სიტყვის სრული მნიშვნელობით — რელიგია და ყველაფერი მისი სახელით კეთდებოდა, როცა კაცობრიობის სამოქალაქო, მორალური და სოციალური ცხოვრების პირობები და მოვლენები სასტიკ რელიგიურ კონტროლს ექვემდებარებოდა და ამ გზიდან იოტისოდენა გადახვევა სიცოცხლის ფასად უჯდებოდათ. ახლა, თქვენ

თვითონ განსაჯეთ, ქალბატონებო და ბატონებო, ამჟამად ჩვენც იმავე მდგომარეობაში არ ვიმყოფებით? ჩვენ, მართალია, ეგრეთ წოდებულ ახალ, განათლებულ საუკუნეში ვცხოვრობთ, მაგრამ თვითელი ჩვენგანი ნუთუ არა გრძნობს სინდისის და გონების თავისუფლების შეზღუდვის მძიმე და აუტანელ უღელს, იმ უღელს, რომლის სიმძიმეს ყოველი ადამიანი გრძნობდა ძველ და შუა საუკუნეებში?.. ქალბატონებო და ბატონებო, კმარა, რაც რელიგიურ ერივით ვიცხოვრეთ, ამიერიდან ვიცხოვროთ როგორც სამოქალაქო ერმა. ბოლოს და ბოლოს, გვრცხვენოდეს განათლებული ევროპისაგან. ჩვენ ყველაფერი იძინაგან მივიღეთ, მაგრამ რაც არსებითია — სინდისისა და გონების თავისუფლება — იმას კი გავუბრძვიართ, თითქოს გვეშინია კიდევ. მკაცრად გასაკიცხია ის ერი, რომელიც თავის თავს რელიგიის ტყვეობაში განგებტოვებს. რომელი ერი წასულა წინ რელიგიის წყალობით, რომ ჩვენ წავიდეთ? — არც ერთი! რელიგია კაცობრიობისათვის გაჩენილი და არა კაცობრიობა რელიგიისათვის. მე ვამთავრებ ჩემს სიტყვას, ქალბატონო და ბატონებო, და გვეკითხებით, განა ნეტარ სახსენებელი არ იქნება ის ადამიანი, ვინც პირველი შოიშორებს რელიგიის ძალმომრებას ცოლ-ქმრობის საკითხში, რადგან, ვიმეორებ, დღეს ჩვენთვის ყველაზე უპირველესი არსებითი საკითხი ცოლ-ქმრობის საკითხია. ეს პრობლემა ცდუნების ქვედ ქცეულა და მოითხოვს სასწრაფო გადაქრას...

მასხარიანცმა თავისი ზეშთაგონებული სიტყვა დაამთავრა. პატარა ოთახში თავმოყრილმა, მოწინავე იდეებისა, ახალი აზრების მოყვარულმა ქალიშვილმა და ბატონებმა აღტაცებით დაუკრეს ტაში ორატორს, რომელიც ნახევარი საათის განმავლობაში დიდი ენთუზიაზმით ენამზეობდა.

— ბრავო ... გაგიმარჯოს ... კარგა ილაპარაკა! — ტაშის გრიალში შიგადაშიგ გაისმოდა შეძახილები.

მასხარიანცი რამდენიმე წუთს თავს უკრავდა ხან ერთს, ხან მეორეს, მესამეს, მეოთხეს და არ იცოდა, როგორ გამოეხატა თავისი სამადლობელი.

ოვაცია და შეძახილები დამთავრდა, და ვინაიდან უკვე დამის თორმეტი საათი იყო, ამიტომ ყველა წამოდგა, სახლის პატრონს ხელი ჩამოართვეს, გარეთ გავიდნენ, პალტოები ჩაიცვეს, ქუდები დაიხურეს და სახლებსაკენ გასწიეს.

მასხარიანცმა პალტოს ყველა დილი შეიკრა, ხელთათმანები ჩაიცვა და სწრაფი ნაბიჯით გაშორდა. გზაში სულ იმაზე ფიქრობდა, როგორი შთაბეჭდილება მოახდინა მსმენელებზე, ტაშითა და შეძახილებით რომ დააჯილდოეს ახალი იდეების ქადაგებისათვის. იგი თავს პედნიერად გრძნობდა, რადგან თუ ხალხის „მასა“ ყურადღებას არ აქცევდა იმის ახალ იდეებს იმიტომ, რომ, მისი აზრით, ჯერ ამის გაგების უნარი არ შესწევდა, იყვნენ, მართალია, მცირერიცხოვანი ნათელი აზრისა და კულტურისაკენ მიდრეკილების მქონე ქალიშვილები და ახალგაზრდები — ახალი ძალები, რომელნიც გულით და სულით თანაუგრძნობდნენ და აღფრთოვანებული მიჰყვებოდნენ.

იგი ფიქრობდა თავისი ახალი იდეების სიტყვიერი ქადაგება ქალღმერთად გადაეტანა — პუბლიცისტური ან პატარა რომანის სახით, მართალია, დარწმუნებული იყო, რომ „ჩამორჩენილები“, „ბნელები მოციქულნი“ და „რუტინიორები“ ბატებივით აყიყინდებოდნენ და მასაც საშინელ დევნას დაუწყებდნენ, მაგრამ ეს სულაც არ აშინებდა, პირიქით, იმის შეგნება, რომ იგი „მსხვერპლად“ უნდა შეეწიროს თავის უწმინდეს მოწოდებას, უფრო მეტ ენთუზიაზმსა და ენერგიას მატებდა თავის მიერ არჩეულ ეკლიან გზაზე წინსვლისათვის, რადგან ისტორია ბევრ მაგალითს აძლევდა, რომ ყველა საუკუნესა და ყველა ერში, საერთოდ, ახალი აზრის, ახალი იდეების „ინიციატორი“ მუდამ დევნილი ყოფილა, წარმოიდგინეთ, სიკვდილიც კი ღირსებით — გალილეი, ჰუსი, ლუთერი და სხვა და სხვა.

სხვანაირად არც შეიძლება იყოს — საზოგადოება, რომელშიც ბუნებრივად ღრმა ფესვები აქვს გადგმული ძველ ადათ-წესებს, ახალი იდეების გაგების უნარს მოკლებულია, ვერ შეიცნობს და ვერ აითვისებს, ამიტომ მუდამ მტრულად არის განწყობილი და სამკვდრო-სასიცოცხლო ომს უცხადებს ახალ იდეებს, ისინი დამასახიჩრებელ მოვლენად მიაჩნია.

ეს ყველაფერი კარგად ესმოდა მასხარიანცს, და ისეთ ფსიქოლოგიურ ჰეშმარიტებად მიაჩნდა, რაც მრავალჯერ დაუდასტურებია კაცობრიობის წინსვლის მთელ ისტორიას. მაშასადამე, დაე, მაგ უძრავმა, დამპალმა, დამყაყებულმა საზოგადოებამ, როგორც უნდა ისე აწამოს ჰეშმარიტებისა და განათლებისათვის, დაე, ერთ-ერთი მსხვერპლი

თვითონაც გახდეს, — ამას მასხარიანცი მხიარულად გადაიტანს, გადაიტანს სიამოვნებით, იმ ბედნიერების იმედით, რომ საბოლოოდ დადგება დრო, როცა მომავალი თაობები გაუგებენ მას, გააჰკიცხავენ თავიანთ წინაპართა საზარელ საქციელს, ხოლო მასხარიანცის მანამდე უპატრონოდ შიტოვებულ საფლავზე დიდების ძეგლს აღმართავენ...

3

მასხარიანცი ისე იყო გართული ამ ფიქრებით, რომ ვერც კი ვაიგო, როგორ გაიარა კარგა დიდი გზა და სასტუმროს შიალწია, სადაც ყოველ საღამოს დადიოდა ჩვეულებისამებრ. კიბე აიარა, გრძელ დერეფანში გავიდა, ერთ-ერთი ოთახის ღია კარი შეაღო და შევიდა.

ოთახში, მაგიდაზე, ლამპა ენთო. სარეცელზე ჩუქუჭა, ქერა თმიანი ახლგაზრდა ლამაზმანი გაუხდელი იწვა, ხელები თავქვეშ ამოედო.

ქალს ეძინა.

მასხარიანცმა კარი მიხურა, ფეხაქრებით შიუახლოვდა, დაიღუნა და ტუჩებში აკოცა.

ქალს უეცრად გამოეღვიძა და ზეზე წამოხტა.

მასხარიანცმა ვაიცინა.

— გრიშა! — შესძახა ქალმა.

— მარა! — ხუმრობით გამოეპასუხა მასხარიანცი.

— სხვა მეგონა, შემეშინდა.

— რატომ აუცილებლად სხვა და მე არა?

— ისე დაიგვიანე, მეგონა, ამაღამ ჩემთან აღარ მოხვიდოდი. დიდხანს გელოდე. მერე ჩამძინებია.

— რატომ? განა სხვა დროს ასე გვიან არ მოვსულვარ?

— მოსულხარ, მაგრამ... რა ვიცი, მეგონა, ამაღამ აღარ მოხვიდოდი. სად იყავი?

— კრებაზე.

— ყოველთვის კრება და კრება... მაგარი პატრიოტი ხარ. გაიასტან, გაიასტან.... ჰა?

და მარამ ურცხვად, დამცინავი ღიმილით გადახედა მასხარიანცს.

— ეჰ, მარა! ნუთუ შენც ტუტუცებს მაღარებ? — სერიოზული, მაგრამ ოღნავ კიცხვით შეეკითხა მასხარიანცი...

— კმარა, კმარა, ჩემი ნუ გრცხვენია...

— Вот еще! შენი რად უნდა მრცხვენოდეს?

— ჰა, ჰა, ჰა... — წვრილი, მაგრამ მაღალი ხმით გადაიკისკისა მარამ. მასხარიანცის ლამაზ თავს ორივე ხელი მოხვია და რამდენჯერმე მაგრად ჩაკოცნა.

მასხარიანცმა პალტო გაიხადა, ხელთათმანები წაიძრო და იქვე სკამზე ჩამოჯდა.

— აბა, მარა, რას ვაკეთებთ — წარმოთქვა მან, — მე ძალიან მშია.

— დაუერეკო?

— დაუერეკე.

მარამ ერთი ნაბიჯი გადადგა ზარისკენ, მაგრამ უეცრად შედგა და მასხარიანცისკენ შემობრუნდა.

— გრიზა, — სერიოზული ტონით უთხრა ქალმა, — სახელდახელოდ ათი მანეთი უნდა მომცე.

— რად გინდა?

— ზამთრის ახალი ქუდეები მოუტანიათ, უნდა ვიყიდო, თორემ ჩემი ქუდისნაირს ახლა აღარავინ იხურავს.

— კარგი, მოგცემ. მალე დაუერეკე, ძალიან მშია.

მარა სიხარულისაგან ადგილზე შეხტა, შემოტრიალდა, მერე ზართან გაჩნდა, მაგრამ უეცრად შეჩერდა, ისევე მოტრიალდა, ჰაეროვანი კოცნა გაუგზავნა მასხარიანცს, ზარზე დაიხარა და ელექტრონის ღილაკს თითი დააჭირა.

უმალ გამოცხადდა მსახური.

— მე შეუკვეთო, თუ შენ? — მიმართა მარამ მასხარიანცს.

— შეუკვეთე, რაც გინდა, მხოლოდ მალე მოიტანონ.

მარამ საუკეთესო ვახშამი შეუკვეთა.

მსახური გავიდა.

ნახევარი საათის შემდეგ მასხარიანცი და მარა მაგიდას უსხდნენ და ვახშამს შეეჭკეოდნენ. მაგიდაზე იდგა ერთი ბოთლი რჩეული კახური ღვინო და ერთი ბოთლი შამპანური. პირველი მასხარიანცისთვის, მეორე — მარასთვის.

4

ღამის სამი საათი იქნებოდა, მასხარიანცი ეტლით რომ დაბრუნდა შინ. თუმცა კახურ ღვინოს, ცოტა არ იყოს, თავისი გავლენა მოეხდინა, მაგრამ გონება არ დაეკარგა, ყველაფერი ახსოვდა. მსუბუქი ნაბიჯებით

გაიარა გრძელი აივანი, თავის დაქირავებულ ბინის ერთი ოთახის კართან შეჩერდა და მაგრად დააბრახუნა.

სიცივისაგან მოკუნტულმა ღამისპერანგიანმა მეუღლემ კარი გაუღო. მასხარიანცმა სახეზეც კი არ შეხედა თამარს და შიგნით შევიდა.

ცოლმა კარი დაკეტა.

— ასე რად დაიგვიანე, გრიგორ? — გაუბედავად შეეკითხა იგი.

მასხარიანი თავის ოთახში შესვლას აპირებდა. უეცრად შეჩერდა და ანთებული თვალებით მიუბრუნდა თამარს.

— რა შენი საქმეა? — დაუყვირა მან, — მე შენს საქმეებში ვერევი? არა, მაშ შენ რაღას მთხოვ ანგარიშს?.. ათასჯერ და ასი ათასჯერ მითქვამს, ჩვენ ერთმანეთის პირად საკითხებში არ უნდა ვერეოდეთ-მეთქი... გეკითხები, მითქვამს თუ არა?.. ჰა, მითქვამს თუ არა?..

სიცივისა და შიშისაგან აცახცახებული საბრალო ქალი კართან მოკუნტული იდგა, თავის ალებას და ქმრისათვის თვალის გასწორებას ვერ ბედავდა.

— ცოლ-ქმარი ვართ, ვალდებული ხარ მითხრა, — განაგრძო მასხარიანიცმა, — რაც შენ გეხება, მე უნდა ვიცოდე, რაც მე მეხება, შენ უნდა იცოდე. ასეა თუ არა? მაგრამ იცი, ასე ვინ იქცევა? — ასე მხოლოდ ხარაზ გევოს და მეჭლანე მათოს სჩვევიათ თავიანთ ღამაზ ქალებთან ურთიერთობაში. მაგრამ ცოტათი ნასწავლი, ინტელიგენტი კაცისათვის ეგ დიდხანია ანაქრონიზმად იქცა. კულტურა ახლა ცოლ-ქმარს შორის სრულ თავისუფლებას მოითხოვს: ქმარი ვალდებული არ არის ანგარიში ჩააბაროს ცოლს, ცოლმა — ქმარს, თუ ამჟამ არ შოისურვებენ. განათლებულ ევროპაში დიდხანია დაიმსხვრა ის დაწყველილი ბორკილები, რითაც ცოლ-ქმარი მთელ თავის სიცოცხლეში ერთმანეთზე იყვნენ გადაბმული, თუგინდ ეგ სიცოცხლე შხანნი ყოფილიყო და სიკვდილის გარდა, არაეის უფლება არ ჰქონდა მაგ ბორკილებს დამსხვრევისა. ჩვენში კვლავ არსებობს ეგ ბორკილები, ეგ საზარელი ჭაჭვი ჩვენი უვიცობის, ჩვენი სიბნელის, ჩამორჩენილობის გამო. საკითხავია, ამ ჭაჭვს ვინა სქედს? — საშინელია, — რელიგია, ეკლესია... მაგრამ პირველი მე ვიქნები, რომ დავამსხვრევ მაგ ჭაჭვს და წყვილიადში ჩაფლულ ჩვენს მორწმუნეებს დავანახებ, რომ რელიგია, ეკლესია არაფერს წარმოადგენენ, რომ თავისუფალი ადამიანისათვის არის მხოლოდ ერთი რამ და ეგ ერთი რამ სინდისისა და გონების თავისუფლებაა...

იგი გავიდა თავის ოთახში, მაგრამ იმავე წუთს უკან დაბრუნდა.

— უკანასკნელად გაფრთხილებ, — შეჰყვირა მან, — ამიერიდან აღარ ვაბედო შეკითხვით მომმართო, რატომ დავიგვიანე, საღ ვიყავი და მისთანები. ამ ბოლო დროს პირდაპირ აქა მაქვს მომდგარი (კიბერთან შიიტანა ხელი). კმარა რაც ხარაზ გევოსა და ნეჯლანე მათოსის როლი მათანაშე, ამიერიდან ეს აღარ გამეორდება... მე არ შემიძლია დავიხშო (მან ხმას უფრო აღწია) სინდისისა და გონების თავისუფლება, გენძის, თუ არა. აღარ შემიძლია: ეგ საშინელი სიბილწეა და ჩემს მსჯელობას, ჩემს იდეებს, ჩემს სულსა და გულს ეწინააღმდეგება.

მან ცოლისკენ ერთი ნაბიჯი გადადგა და ხმადაბლა განაგრძო:

— მე შენთან ველარ ვიცხოვრებ, გენძის?.. ერთად მცხოვრებლებმა ერთმანეთს უნდა გაუგონ, მაგრამ თუ ვერ გაუგებენ, მაშ რატომ უნდა იცხოვრონ ერთად? ერთი ეს მითხარი, როდემდის უნდა ვილაპარაკოთ მხოლოდ საკმელზე, სარეცხზე, ბავშვის ტანსაცმელზე და სხვა ასეთ სისულელეებზე? ქვეყნის პოლიტიკურად გათვითცნობიერებულ საზოგადოებას ათასნაირი საკითხები, მოვლენები, იდეები აღელვებენ; ეკონომიური, პოლიტიკური და სოციალური ახალახალი აზრები უტრიალებენ. ჩემი ტვინიც მოითხოვს მათი მონაწილე გავხდე, მაგრამ განა შენ შეგიძლია ჩემთან ერთად იფიქრო, ლოგიკურად იმსჯელო? შენ, რომელსაც ჩემი ცხოვრების ამხანაგი გქვია და ჩემთან ერთად ცხოვრობ?.. და ბოლოს, რა გინდა ჩემგან? რატომ არ მონახავ ისეთ კაცს, რომელიც შენ გაგიგებდა და შენც მას გაუგებდი?.. წადი, თავისუფლებას განიჭებ, ოღონდ მეც გამათავისუფლე... მე ხომ ჩემს ცხოვრებას არ მოვიშხამავ მხოლოდ იმიტომ, რომ ეკლესიაში მღვდელს ვუთხარი, — „პატრონი ვარ-მეთქი“... ასე მხოლოდ ნამდვილი სულელები იქცევიან და ისინი, რომლებმაც არ იციან, რას ნიშნავს სინდისისა და აზრის თავისუფლება, — მე კი, ბოდიში, მაგისტანებს არ ვეკუთვნი, დიახ, არა და არა...

იგი გაჩუმდა, თავისი ოთახისკენ გასწია, მაგრამ უეცრად ისევ შეჩერდა და ცოლს მიუბრუნდა.

— ხვალღიდან აქ აღარა განაზო, — მკაცრად გააფრთხილა. — წადი, სადაც გენებოს, მე შენთან ცხოვრება აღარ შემიძლია. გესმის, ხვალღიდან?

ცოლი შეერთა და მუდარებით აღსავსე თვალით შეხედა.

— გრიგორ... — ჩურჩულით აღმოხდა აცახცახებულ ქალს.

— მე შენ აღარა გცნობ, დღეიდან ჩვენ უცხონი ვართ ერთმანეთსათვის. — და მასხარიანცმა თავის ოთახის კარის საკეტს ჩაავლო ხელი.

— გრიგორ, — გაიმეორა ქალმა, — ნეტა რისთვის?

— რისთვის, — შეღრიალა მასხარიანცმა, — იმისთვის, რომ უვიცი ხარ, აი რისთვის!

— მასწავლე, რაც გენებოს, მხოლოდ... ნუ გამაგდებ...

— მასწავლე! მე ვასწავლო?.. მე ისეთი ცოლი არ მინდა, რომელმაც ახლა უნდა ისწავლოს.

— მაშ შენ დღემდე არ იცოდი, რომ უსწავლელი ვიყავი? რატომ მითხოვე?

ცოლის ასეთმა გაბედულებამ უფრო აღაშფოთა მასხარიანცი.

— მაშინ სხვა დრო იყო, ეხლა სხვა დროა, — დაიღრიალა მან. — მაშინ ჩემი შეხედულება ცოლ-ქმრობის შესახებ სხვა იყო, ეხლა სხვაა. ახალი ცხოვრება მუდამ ახალ მოთხოვნილებებს უყენებს აღამიანს! ამ შემთხვევაში, მე ჩამორჩენილ და გაყინულთა რიცხვს არ ვეკუთვნი, რომ მუდამ ძველ ზურნა-დუღუჭზე ვიცეკვო... ხვალ, უკანასკნელად გეუბნები, ხვალ... თუ გინდა შვილიც თან წაიყვანე.

— გრიგორ, გრიგორ... — მუდარით შებღავლა ცოლმა და რამდენიმე ნაბიჯი გადადგა ქმრისკენ, მაგრამ მასხარიანცი თავის ოთახში შევიდა და კარი მაგრად მიუჯახუნა.

თამარმა კართან ჩაიმუხლა, ხელები სახეზე მიიფარა და საშინელმა, შეკავებულმა ქვითინმა კინაღამ დაახრჩო.

პატარა, სამი წლის გოგონა, რომელსაც მამის ყვირილზე გამოღვიძებოდა, სასთუმალზე წამომჯდარიყო, არაფერი გაეგებოდა და მღუშარე ჰოწმე იყო ოთახში მის მშობლებს შორის ატეხილი დავისა. მერე დაინახა, რომ დედა ქვითინებდა და თვითონაც ტირილი დაიწყო.



მეორე დღეს ღამის მატარებლის მესამე კლასის ერთ-ერთი ვაგონის კუთხეში მოკუნტული იჯდა შალში გახვეული თამარი. მის მუხლებზე თავი დაედო პატარა გოგონას და ტკბილად ეძინა. იმათ მალდა, ვიწრო თაროზე სხვების ბარგთან ერთად, თეთრად შეხვეული ფუთა იყო, რომელშიც ეწყო ის, რაც ქალს თავისი ქმრის ოჯახიდან წამოვლო.

იგი მიდიოდა შ... თავის მამის ოჯახში.

ბევრი ტირილისაგან თვალები დასიებოდა, დასწითლებოდა, გული სავსე ჰქონდა ღარღით, მზად იყო ყოველ წამს აქვითინებულიყო. ნეტა რა დააშავა, რა ცოდვა ჩაიდინა, რომ ასე უღმერთოდ მოექცა გრიგორი და ოჯახიდან გამოაგდო?.. ხომ ზედმიწევნით უყვარდა მეუღლე, ხომ გულით და სულით ერთგული იყო თავისი ოჯახისა, მაშ რაღა უნდოდა გრიგორს, რაღას მოითხოვდა მისგან?!

„რასაკვირველია, მას სხვა უყვარს, ამიტომ გამოაგდო“, — ფიქრობდა თამარი, თუმცა თან ცდილობდა სხვაგვარი ახსნა-განმარტება მიეცა მეუღლის საქციელისათვის, მაგრამ რამდენადაც ბევრს ფიქრობდა ამაზე, ბოლოს მაინც პასუხს იმ ექვიანობაში ეძებდა, დღენიადაც ტვინს რომ უხვრეტდა...

1889.

ერთ-ერთი სემლიანი ღლე

პატრიკიანმა ერთი დაიხედა თავის ძველ ტანისამოსზე, წვერ-მოდრეკილ ფეხსაცმელზე, ოთახიდან გამოვიდა, კარებს კლიტე დაადო, გასაღები ჯიბეში ჩაიღო, ეზო გაიარა და სახლის პატრონის წითლად შეღებილ ფართო აივანზე ავიდა, რომელიც სისუფთავისაგან სარკესავით ლაპლაპებდა დილის მზის სხივებზე. იმწუთას ისეთი შეგრძნება ჰქონდა, როგორც პირუტყვებს აქვთ ხოლმე, როცა ისინი სასაკლაოზე მიჰყავთ. პატრიკიანი გამხდარი ჭაბუკი იყო, ძალზე კეთილი თვალები ჰქონდა და მოკრძალებული მიხრა-მოხრა. სამზარეულოდან გამოსულ მსახურს მორიდებით სთხოვა სახლის პატრონისათვის გადაეცა, რომ მისი ნახვა სურდა. მსახური ჩოხის კალთების ფრიალით გაეშურა თხოვნის შესასრულებლად. პატრიკიანმა თვალი გააყოლა მაღალყელიან საცვეთებს, რომლითაც უხმაუროდ მიაბიჯებდა მსახური იატაკზე. მერე ღია ფანჯრიდან სამზარეულოში შეიხედა, თოვლივით თეთრარახჩინიანი, თეთრებში გამოწყობილი მზარეული მარდად ბღღენიდა ახალდაკლულ ვარიებს, თან რაღაც საცეკვაოს უსტვენდა. მსახური გამოვიდა და ხელით ანიშნა. პატრიკიანმა ფრთხილად გაიარა აივანზე, კარებთან ფეხები გაიწმინდა, მსახურის წინამძღოლობით სასადილო ოთახში შევიდა, იქიდან კი — სხვადასხვა მცენარეების წაღკოტში ჩაფლულ ფართო და მაღალქერიან დარბაზში. ჩაუარა სკამების, სავარძლების, მაგიდების, დივნების რიგს და სახლის პატრონის კაბინეტთან შეჩერდა. მსახურმა კარი გააღო, მობრძანდითო, უთხრა და თვითონ უკან გამობრუნდა.

ყველაზე დიდი ფანტიკოსი ღვთის მორწმუნე, ალბათ, ისე მოკრძალებით არ შევიდოდა წმინდა სალოცავში, როგორც პატრიკიანმა სახლის პატრონის კაბინეტში შეაბიჯა. სახლის პატრონის — დავით ფომიჩ

ადამიროვის გვარი სადარბაზო შესასვლელის კარებზე სპილენძის ფირფიტაზე იყო ამოტვიფრული, იგი 40 — 45 წლის კარგად ჩასხმული კაცი გახლდათ. სახე ბრინჯაოსაგან ჩამოსხმულს მიუგავდა, შექალაქავებული უხეში თმა და მოკლე წამახვილებული წვერი ჰქონდა. იგი საწერ მაგიდას უჯდა, რომელზეც წიგნები, ქაღალდები, საშრობი, კალმები და სხვა წვრილი ნივთები ეწყო, და წერით იყო გართული.

— ბოდიში, ახლავე — თქვა მან, წამით პენსნეს ზევიდან გადმოხედა მომსვლელს, და წერა განაგრძო.

პატრიკიანი როგორც შემოვიდა, ისევე გაქვევებული იდგა.

— გთხოვთ, დაბრძანდეთ, — ისე უთხრა სახლისპატრონმა, რომ წერა არ შეუწყვეტია.

პატრიკიანი ნელა ჩამოჯდა სკამზე, ქუდი მუხლებზე დაიდო, ირგვლივ თვალი მოავლო. ოთახი დარბაზივით მდიდრულად იყო მორთული, მაგრამ ამ მორთულობაში საცნაური იმდენად გემოვნება როდი იყო, რამდენადაც მოსწრაფება ფაფუკი ნივთებისადმი.

საითაც მიიხედა პატრიკიანმა, ყველგან ნოხები და ხავერდის პატარა ბალიშები მოხვდა თვალში. აქვე იდგა ერთი კარგა გრძელი მინის-კარიანი კარადა, რომლის თაროზე ჯარისკაცებივით ჩამწკრივებულიყუნენ ოქროს ყდაში ჩასმული წიგნები. პატრიკიანის აზრით, ეს კარადაც უთუოდ ოთახის აუცილებელი სამკაული, გახლდათ, თორემ, დავით ფომიჩს აბა სად ჰქონდა იმდენი დრო, ასეთი სქელტანიანი წიგნები გადაეკითხა, რადგან კერძო და საზოგადოებრივ საქმეებით იყო გადატვირთული. იგი ფაბრიკანტი გახლდათ, ქალაქის სათათბიროს მონაწილე, ქალაქის რამდენიმე კომისიისა და ბანკის გამგეობის წევრი, კლუბის მამასახლისი, სკოლისა და ეკლესიის მზრუნველი და ვინ მოთვლის, კიდევ ვინ...

ისარგებლა შემთხვევით, რომ სახლის პატრონი თავდალუნული განაგრძობდა წერას და პატრიკიანმა მონინდომა კარადაში დალაგებული წიგნები გადაეთვალიერებინა, მაგრამ ადგილიდან დაძვრა ვერ გაებედა. მიაშტერდა სახლის პატრონს, რომელიც ხელის სწრაფი მოძრაობით შეუსვენებლივ წერდა, თან ტუჩის მარცხენა კიდეც იკვნეტდა.

— აბა, რას გვიბრძანებთ? — მიმართა დავით ფომიჩმა, წერა რომ დაამთავრა და შავი მარმარილოს საშრობი რამდენიმეჯერ დაადო ქალაქს.

— მე... მომიტევეთ, — დინჯად წარმოთქვა პატრიკიანმა მოძალე-

ბული მღელვარებით. — გუშინ საღამოს კიდევ შეეცხსენებიათ ქირის გადახდა... მე მოვედი გთხოვოთ, რამდენიმე დღე ისევ მადროვოთ.

სახლის პატრონმა პენსენე მოიხსნა, ნიდაყვებით დაეყრდნო მაგიდას და სერიოზულად, გულმოდგინედ გადახედა.

— ძნაო, პატივცემულო, — უთხრა, — მგონი შეიდი დღეა, რაც გელოდები, არა?

პატრიკიანმა თვალეზი დახარა.

— დიახ, მაგრამ... გთხოვთ, კიდევ რამდენიმე დღე... თუ შეიძლება.

— საქმე ერთი-ორი დღე როდია, — შეაწყვეტინა დავით ფომიჩმა, — რამდენიმე დღე რა არის განა, შეიძლება მოცდა, რატომაც არა? ხედავთ, ვიცდი კიდევ. მაგრამ უბედურება ის არის, რამდენიმე დღის შემდეგ, როცა იძულებული ვიქნები გაგახსენოთ თქვენი ვალი, ვაითუ მოხვიდეთ ისევ, როგორც ახლა მოსულხართ და კვლავ მთხოვოთ, კიდევ რამდენიმე დღე მაკალეთო. ეს გამოცდილებით ვიცი, ამას ბოლო არ უჩანს. ამიტომ ერთხელ და სამუდამოდ კანონად დავთქვი, — ვინაიდან მე თავად პუნქტუალური კაცი ვარ, — როცა რომელიმე მდგმური წესიერად და თავის დროზე არ იხდის ქირას, წინადადებას ვაძლევ დაცალოს ოთახი. თქვენც გეუბნებით, თუ ქირის გადახდა არ შეგიძლიათ, დამიცალეთ ოთახი. მეც ყოველთვიური გადასახადები მაქვს, თუ ჩემი კრედიტორი, ბანკი, არ მიცდის, მე რაღად უნდა გელოდოთ?

დავით ფომიჩი გადამწყვეტი კილოთი ლაპარაკობდა და ალმაცერად უმზერდა პატრიკიანს ალმურმოდებულ საბრალო სახეში.

— კარგად მესმის თქვენი მდგომარეობა, — მხრები აიჩეჩა პატრიკიანმა, თუმცა საეხებით არ გაეგებოდა მის რამდენიმე მანეთს რა მნიშვნელობა უნდა ჰქონოდა ასეთი მდიდარი კაცისათვის. — მაგრამ გთხოვთ, შეხვიდეთ ჩემს მდგომარეობაში. სოფლის მასწავლებელი ვიყავი, როგორც მოგეხსენებათ, მთავრობამ სკოლები დაგვიკეტა, ამჟამად უმუშევარი ვარ. სწავლის გააგრძელებლად საზღვარგარეთ წასვლა გადავწყვიტე, რამდენიმე ქველმოქმედს მივმართე, უარი მითხრეს. მერე ერთ ვაჭართან დავიწყე ნოქრობა. მინდოდა ეკონომია გაბეჭვია, იმდენი თანხა დამეგროვებინა, რომ ჩემი მიზნისათვის მიმეღწვია, მაგრამ ავად გაუხლი და რაც შემონახული ორიოდ გროში მქონდა, დამეხარჯა. ამჟამად არაფერი გამაჩნია, დღეები ისე გადის, მშვიერი ვარ...

— რა საჭიროა, მაგას რომ მიყვებით? — შეაწყვეტინა დავით ფო-

მიჩმა და ბრინჯაოსფერ სახეზე უკმაყოფილებისა და თანაგრძნობის აშკარა ნიშნები დააჩნდა. — თქვენ განათლებული ახალგაზრდა ხართ და თავმოყვარეობა ნებას არ უნდა გაძლევდეთ სხვას უამბოთ პირადი გასაქირი. მეც ათასგვარი დარდი და ჭავრი მაქვს, დავჯდუ და თქვენ გიამბოთ? ეგ ლამაზი არ არის, არა და არა. ამბობთ, რამდენიმე დღე გაცალოთ? — კეთილი, მოვიციდი, მაგრამ მაინც არ მესმის, როგორ მოახერხებთ ქირის გადახდას, როცა თავად აღიარეთ არაფერი გამაჩნია და თანაც უმუშევარი ვარო?

პატრიკიანმა თვალები დახარა, ქუდი უნებლიეთ ერთი მუხლიდან მეორეზე გადაიტანა.

— მე... იციო?... მე... ორი წიგნი მაქვს დაბეჭდილი, — ისე აღელვებით წარმოთქვა, თითქოს რცხვენოდა, ასეთი საქმე რომ ჰქონდა გაკეთებული, — დიდო ხანია, წიგნის მალაზიაში არ შევსულვარ, დღეს გავივლი, ალბათ, იმდენი მაინც იქნება გაყიდული, რომ...

— მწერალი ხართ? — შეეკითხა სახლისპატრონი და გაოცებით მიაჩერდა აღელვებულ თვალებში.

— არ შეიძლება ითქვას მწერალი ვარ-მეთქი, მაგრამ... ვწერ.

— რასა წერთ?

პატრიკიანმა თავი ასწია და დარცხვენილი ღიმილით შეხედა.

— ვინ იცის?... ვწერ, რა!..

— ეგ თქვენი საქმეა, — თქვა სახლის პატრონმა და წამოდგა. პატრიკიანიც წამოდგა, — თქვენი მეზობელი ქვრივი ქალი, დანებსა და კლიტეებს რომ ჰყიდის ეზოს კარებთან, ათი წელია ცხოვრობს, და არ მახსოვს, დროზე არ გადაეხადოს ბინის და მაგიდის ქირა, ძიუხედავად იმისა, რომ მარტოლმარტო ინახავს იმოდენა ოჯახს. ჰო, ამით ის მინდა ვთქვა, რომ...

მაგრამ სათქმელი არ დაამთავრა, ეტყობა, რალაც მოაგონდა და საწერ მაგიდაზე დალაგებული ქალაღებებს ქექვა დაიწყო.

— ასეა თუ ისე, ნახვამდის, — უგულისყუროდ უთხრა პატრიკიანს, — რამდენიმე დღესაც მოვიციდი.

პატრიკიანი გამოვიდა. სასაღილო ოთახში გავლისას სახლის პატრონის ცოლი დაინახა, — მაღალი, ძალიან გამხდარი და მეტისმეტად უსახური ქალი, იგი მაგიდების ბოლოში იდგა ვერცხლის ჩაიდანთან და ჩაის ქიქებს რეცხავდა. იქვე იმისი პატარა ბიჭი იდგა, — თეთრ პურზე თავლსა და კარაქს უსვამდა, ხარბად ილუკებოდა.

— ოთახის ქირა მოიტანეთ? — მიაძახა ქალბატონმა პატრიკიანს, როცა ეს უკანასკნელი ხმის ამოუღებლად აივნისკენ მიდიოდა.

პატრიკიანი შეჩერდა.

— არა, ქალბატონო.

— რატომ?

— ბატონს ვთხოვე და თანხმობა მივიღე, რომ რამდენიმე დღეს მადროვებს.

— რამდენიმე დღეს, რამდენიმე დღეს! — უხეშად გაიმეორა ქალბატონმა და ჩაი დაუსხა ბიჭუნას, — აღარ ვიცი, როდის დამთავრდება თქვენი რამდენიმე დღე! ძალიან ბოროტად სარგებლობთ იმისი კეთილი ბუნებით. ასე არ შეიძლება. ან თავის დროზე უნდა გადაიხადოთ, ანდა, თუ არ შეგიძლიათ ქირის გადახდა, ოთახი დაცალოთ.

— ქალბატონო, — თავის მართლება სცადა პატრიკიანმა, მაგრამ ქალბატონმა უფრო უხეშად შეაწყვეტინა.

— გაგონებაც არ მინდა.

და გაბოროტებული ბუფეტისკენ შებრუნდა.

პატრიკიანმა ტუჩს კბილი დააქირა და გარეთ გავიდა.

აივანზე სახლის პატრონის ასულს მოჰკრა თვალი. დედასავით შეუხედავ ქალიშვილს, იგი თავის აღმზრდელ ფრანგ ქალთან ერთად ხელი-ხელგაყრილი დასეირნობდა, შემოდგომის საამური მზით განათებულ აივანზე დამტკრეული ფრანგულით მასლაათობდა. როგორც სჩვევიათ ქალებს, ორივე რატრატებდა და ერთმანეთს ლაპარაკს არ აცდიდნენ.

პატრიკიანმა სცადა გრძელ აივანზე ისე გაეელო, რომ მათ არ შეემჩნიათ შარვლის გაცვეთილი ტოტები. სამზარეულოსთან გავლისას ცხვირში საამური სუნი ეცა, შემწვარ-მობრაკულის მადის მომგვრელი შიშინი, რამაც მშიერ კაცს ნაწლავები აუწვა. დილის საუზმისთვის ეტყობა, ვარიკებს სწავდნენ.

პატრიკიანი ეზოში ჩავიდა და ქუჩისაკენ მიმავალმა ეზოს კარებთან ჩაუქმებული მეზობელი დედაკაცი დაინახა, ტაბურეტზე იჯდა გრძელ და ვიწრო მაგიდასთან, ზედ მწყობრად ელაგა ყოველნაირი დანები, მაკრატლები, კლიტეები, გაზები, ჩაქუჩები, სადგისები, საფულეები და სხვადასხვა წვრილმანები. „ბედნიერი ქალის თვითონ ცხოვრობს, თავის დიდ ოჯახსაც ინახავს, სახლის ქირასაც ყოველთვიურად წესიერად იხდის და სახლის პატრონის გაკიცხვასა და ფურთხს

არ იმსახურებს“, — გაიფიქრა პატრიკიანმა და ებრაელის დედაკაცს გვერდით ჩავლისას მიესალმა.

— ზაჩემ შელოდნია ნე ბრალი გაღიაჩეი ვადი! (დღეს ცხელი წყალი რატომ არ წაიღეთ), — შესძახა ებრაელის ქალმა ებრაელებისათვის დამახასიათებელი გამოთქმით.

პატრიკიანი წამით შეჩერდა, ჩასუქებულ დედაკაცს კეთილ სახეში შეხედა.

— იმიტომ, რომ შაქარი გამითავდა! — მიუგო გულგრილად.

ებრაელის დედაკაცს გაუყვირდა და ტაბურეტიდან წამოდგა.

— განა ეს საქმეა! — წამოიძახა მან. — შაქარსაც მოგცემდით, ვითომ რა დიდი ამბავია!

— არა, ისედაც თქვენგან ძალიან დავალებული ვარ.

— რის დავალება, რას ამბობთ? ყოველ დღე ცხელი წყლის მოცემა რა დიდი საქმეა? თუ შაქარი არა გქონდათ, გეთქვათ, შაქარსაც არ დაგიქვრდით.

— არაფერია, ერთი დღე ჩაი თუ არ დავლიე, არ მოვკვდები, — მიუგო პატრიკიანმა, ისევ გულგრილად გაიცინა და საჩქაროდ გავიდა ქუჩაში. ეს ქუჩა ქალაქის ერთ-ერთ სავაჭრო შუკას წარმოადგენდა — აქ მულამ ხმამაღალი ლაბარაკი გაისმოდა, ჩოჩქოლი იყო. ათი საათი სრულდებოდა, მზის სხივებს დამისეული თრთვილი გაედნო სახურავებზე, ღარებიდან წყალი დიოდა და ქუჩებში პატარა გუბეები იდგა. პატრიკიანმა იგრძნო. ჩრდილში ჰაერი შედარებით უფრო ცივიაო, ხელები შარვლის ჯიბეში ჩაიწყო და ცდილობდა მზიან მხარეს ევლო. მიუხედავად ამისა, აქეთაც არ გაუთბა ჯანი, სხეული უცახცახებდა. ამის მიზეზი შემოდგომის ცივი ამინდი როდი იყო, არც ის, თბილად, რომ არ ეცვა, არამედ ამ დილის უჩაიობა და შიმშილი. უფრო მეტად ხელებზე სციოდა, ცდილობდა ღრმად დაემალა ჯიბეში, მაგრამ წლების მანძილზე ნაცვამ სერთუქს მკლავები ისე დამოკლებოდა, რომ მაჯას აღარ უფარავდა.

პატრიკიანს, უპირველეს ყოვლისა, წიგნის მაღაზიაში უნდა შეეველო. იმედი ჰქონდა, ფულს იმდენს მიიღებდა, რომ ბინის ქირასაც გადაიხდიდა და ცოტაოდენი საცხოვრებლადაც მორჩებოდა. მაგრამ წიგნის მაღაზიაში უთხრეს, ამ სამი თვის განმავლობაში ორი წიგნიდან ერთი სავსებით არ გაიყიდა, მეორიდან კი ხუთი ცალია გაყიდული და საკომისიო პროცენტების გამოქვითვის შემდეგ მანეთი და ერთი

აბაზი მისცეს. პატრიკიანს გული გაუტყდა, სახეზე უნდელი ღიმილი აღებუქდა, ფული ჯიბეში ჩაიყარა და წიგნის მაღაზიიდან ისეთი მძიმე გრძნობით გამოვიდა, რანაირიც მათხოვრებს აქვთ ხოლმე მოწყალების მიღების შემდეგ. სირცხვილისა და დამცირებისაგან სახელაღწილი წუთით შეჩერდა წიგნის მაღაზიის ვიტრინის წინ, სადაც ოღნავ დაორთქლილი მინის იქით თვალი მოჰკრა კობხად დალაგებულ რუსულ წიგნებს, ცოტა მოშორებით კუნჭულში სომხური წიგნები ელაგა. მათ შორის დაინახა თავისი პატარა წიგნებიც, მერე პირი იბრუნა და მწარე ფიქრებით გაბრუებული იქაურობას განშორდა. აღარ მოგონებია ჩაი, შიმშილი და, ვინაიდან სხვაგან წასასაქლელი ადგილი არ ეგულებოდა, თანაც სციოდა, პირდაპირ რედაქციისაკენ გასწია.

რედაქციაში, როგორც ყოველთვის, დღესაც მარტოდმარტო მჯდარი მდივანი დაუხედა — ხმელ-ხმელი ახალგაზრდა. მას პრიალა სათვალე ეკეთა, მარცხენა ხელის ნეკზე ნახევარვერშოკი ფრჩხილი გაეზარდა. იგი იჯდა და სწრაფად წერდა გრძელ ვიწრო ქაღალდზე. ნეკი კარგა მოშორებით გაეშვირა მეზობელი თითებისგან.

პატრიკიანი, როგორც უმუშევარი და უხელფასო თანამშრომელი, ყოველდღე ესტუმრებოდა ხოლმე რედაქციას, ისე რომ, მდივანი და პატრიკიანი შეხვედრისას აღარც კი ესალმებოდნენ ერთმანეთს. ამ დღესაც პატრიკიანი მდივნის ოთახში შევიდა, ხმაამოუღებლივ მიუჯდა იმისი საწერი მაგილის კიდეს, აიღო ადგილობრივი რუსული გაზეთი, რომლიდანაც მდივანი ცნობებს კრეფდა და გადათვალთვრება დაუწყო.

ერთი ადგილობრივი ცნობის გადაკითხვის შემდეგ შეეკითხა:

— ეს ცნობა რატომ არ შეგიტანია?

— რომელი ცნობა? — თავის მხრივ შეეკითხა მდივანი და წერა განაგრძო.

— ვილაც ახალი გამოჩენილი მომღერალი ჩამოსულა, — ჟაპინოვი, ოპერის თეატრში საგასტროლოდ არის მოწვეული.

— ჯანდაბას იმათი თავი! — გულიდან აღმოხდა მდივანს და თავაუღებლივ განაგრძო წერა. — ჩვენ რა? ყველა გაზეთებს განცხადებებს აძლევენ, სეზონის უფასო ბილეთებს უგზავნიან, ჩვენ კი ძალდაც არ გვაგდებენ... რა ძალა გვადგა მათთვის რეკლამები ვბეჭდოთ? — შენ გადახედე, სხვა ხომ არაფერი გამომჩა.

შემოვიდა სტამბაში მომუშავე პატარა შეგირდი. ხელები და სახე

გამურული ჰქონდა. საზაფხულო ლურჯი ბლუზა ეცვა. მორჩილი სხეული სიცივისაგან უცახცახებდა.

— მასალა, — დაიძახა მან.

— მოიცადე ცოტა ხანს, — უთხრა მდივანმა და უფრო უმატა წერას. დაამთავრა, ნაწერი სხვა ქალაღებთან ერთად დაეცა და შეგირდს გაუწოდა. — აბა, წაიღე, როცა კიდევ მოგიხდეს წამოსვლა, ჰკითხე კიდევ რამდენი სვეტი იქნება საჭირო.

შეგირდი გავიდა და გარეთ დაიხურა ქუდი.

— აბა, პატრიკ, უსაქმოდ ნუ ზიხარ, — უთხრა მდივანმა, სათვალე გაისწორა და ახალი საქმისათვის მოემზადა. — მასალა არა გვაქვს, საჩქაროდ ერთი რამე დაწერე.

— არა ვარ გუნებაზე, — მელანქოლიურად უპასუხა პატრიკიანმა.

— მე ისეთ კარგ გუნებაზე ვარ, რომ...

— შენ ნამდვილი მანქანა ხარ.

— კარგი, ნუ ლაპარაკობ, დაწერე რამე, ლამის სული ამომხდეს. წუხელ ორ საათამდე სტამბაში ვიყურებუტე, კორექტორი ავად გამხდარიყო. ხვალ-ზეგ კურიერის როლსაც დამაკისრებენ.

— რედაქტორი სად არის? რატომ არ გენმარება?

— ფულის საშოვნელად წავიდა. სტამბის პატრონი დაემუქრა, თუ დღეს ფული არ გადამიხადე, ნომერს არ გამოვუშვებო. ასოთამწყობებიც ფულს თხოულობენ, ფოსტა-ტელეგრაფიც, სახლის პატრონიც, — რომელი ერთი მოვთვალო? ხვალ-ზეგ ხელმოწერა უნდა დაიწყოს, გაზეთი სისტემატურად უნდა გამოვუშვათ, რომ ხელისმომწერლები არ დაფრთხნენ, და უცბად — ასეთი შერცხვენა... დაწერე, დაწერე, რა დროს ლაპარაკია:

— რა დავწერო?

— რაც გინდა, თუგინდ — მთვარეზე ან ვარსკვლავების შესახებ. ერთი იმდენი, რომ გაზეთის ფურცლები ავავსოთ.

პატრიკიანმა რამდენიმე ფურცელი ქალაღლი დინჯად აიღო, კალამი ჩააწო მელანში, ცოტა ხანს იფიქრა და სათაური დაწერა. „სამი თვე და მხოლოდ ხუთი ეგზემპლარი“, ხაზი გაუსვა. შეჩერდა, შუბლი მოიფხანა და კარგა ფიქრის შემდეგ დაიწყო:

„ამ დღეებში შევხვდი ჩვენს ერთ-ერთ დამწყებ მწერალს, რომელიც კრიტიკისა, ან იმის, რასაც ჩვენში კრიტიკას უწოდებენ, ერთსულოვანი აღიარებით შნოსა და ნიკს არ არის მოკლებული. შემომჩივლა, დი-

დი წვალებით გამოცემულ ორი თხზულებიდან სამი თვის განმავლობაში ერთი წიგნისა გაიყიდა მხოლოდ ხუთი (ასი არ გეგონოთ) ცალი, ხოლო მეორისა არც ერთი ეგზემპლარიო. ეს სამწუხარო ამბავი ძალიან კარგი საზომია იმის გამოსაკრეველად, თუ ჩვენი საზოგადოება რამდენად არის დაინტერესებული კითხვით, და, იმავე დროს, ფრიად დამაფიქრებელია ჩვენი ლიტერატურის მომავლის შესახებ. ჩვენი საზოგადოება...“

პატრიკიანი კვლავ შეჩერდა, იფიქრა, იფიქრა, მერე კალამი დადო და თქვა...

— აქ არაფრის დაწერა არ შეიძლება, ხელის თითები წამძვრა.

— დაწერე ერთი და! — შეჰყვირა მდივანმა, რომლის კალამი სწრაფად დაჩრიალებდა ქალაღზე. — დიდი ხანია ასეთი ნაზი გახლდი? თითქოს შენი საქათმე ამაზე თბილი იყოს, თთახი რომ დაგირქმევია... წერე. — პატრიკიანმა გაციებული ხელები ერთმანეთს აუსვ-დაუსვა, პირიდან გამოშვებული ორთქლით გაითბო თითები, კალამი აიღო, ხაზი გაუსვა „ჩვენს საზოგადოებას“ და განაგრძო:

„მართალია, არ შეიძლება იმის მტკიცება ჩვენს საზოგადოებას კითხვა არ უყვარსო, მაგრამ...“

— შეიძლება შემოვიდე, — გაისმა ძლიერი ბარიტონი.

პატრიკიანმა და მდივანმა ერთდროულად აიღეს თავი და დერეფნის კარებისკენ გაიხედეს. აქ ერთი მხარბეკიანი ახალგაზრდა იდგა, წვერულვაშგაპარსული, ძვირფას ქურქში გახვეული და პრიალა ცილინდროსანანი.

— გთხოვთ, — მექანიკურად წარმოთქვა მდივანმა.

უცნობი ძალზე თავდაჭერებული ნაბიჯით შემოვიდა, ცილინდრი მოიხადა და თავისი ვინაობა განაცხადა:

— საიმპერატორო თეატრის მომღერალი ჯათინიანი. ალბათ იცით, რომ გასტროლებზე ვარ მოწვეული და ადგილობრივ სახაზინო თეატრში უნდა ვიმღერო.

— ჰო, როგორ არა, — წარმოთქვა მდივანმა, მექანიკურად წამოდგა და თავისდაუნებურად თავაზიანად ჩამოართვა ხელი. — გთხოვთ, დაბრძანდეთ.

სანამ დაჯდებოდა, ჯათინიანმა ქურქის ღილები გაიხსნა, მკერდი გამოაჩინა, თქვა: „უჰ, ძალიან ცხელა“, ცილინდრი მაგიდაზე თავდაყი-

რა დადო, ძვირფასი ტყავის ხელთათმანები ცილინდრში ჩაყარა და მხოლოდ ამის შემდეგ დაჯდა მდივნის შეთავაზებულ სკამზე. მეგრე შეამჩნია, რომ საწერი მაგიდა მტკრიანი იყო და, ცილინდრის ქვეშ გაზეთი გაფინა.

— რედაქტორი აქ არის? — იკითხა და ცხვირსახოცით შუბლი მოიწმინდა.

— სამწუხაროდ, არა, — უპასუხა მდივანმა მონური პატივისმცემლის ღიმილით და უნებლიეთ ყურადღება მომღერლის წითელ ატლასის პალატუხზე დამაგრებულ ცეცხლოვან ბრილიანტზე შეაჩერა, დაჯდა, არ იცოდა, როგორ დაემალა მომსვლელის თვალიდან თავისი ქუჩკიანი, დაკმუჭვნილი მანუეტები.

— როგორც სომეხმა მომღერალმა, ჩემს ზნეობრივ მოვალეობად ჩავთვალე შემომველო სომხური გაზეთის რედაქციაში, — თქვა ჯაფინიანმა. — ალბათ იცით, ხმა იტალიაში მაქვს დამუშავებული, საიდანაც ამ ექვსი წლის წინ ოდესაში მიმიწვიეს. მეორე წელს ვიმღერე ირკუტსკში, შემდეგ თითო სეზონი ხარკოვში, კიევში, მოსკოვში, ხოლო გასულ სეზონში ვმღეროდი პეტერბურგში. ახლა თბილისში მომიწვიეს. თბილისი მუსიკალური ქალაქია და ვგონებ სათანადოდ დამაფასებს. ბოდიში, თქვენ სატახტო ქალაქის გაზეთებს ღებულობთ?

— როგორ არა.

— მაშინ, ჩემს შესახებ დაბეჭდილი რეცენზიები წაკითხული გექნებათ. ყველა ერთბირად აღტაცებულნი არიან. მხოლოდ ზოგიერთი უცხოთა მოძულე გაზეთები, როგორც „Новое время“ და „Свет“-ია, ცდილობდნენ ჩემს დამხობას, რაკი გაიგეს, სომეხიარ, მაგრამ ვერ მოახერხეს. რა მნიშვნელობა აქვს სომეხი ვარ თუ რუსი? მე მხოლოდ მომღერალი ვარ, შემიძლია დღეს სომხურად ვიმღერო, ხვალ რუსულად, შემდეგ იტალიურად. ასე არ არის?

— რასაკვირველია.

— თუმცა აფიშებზე უაბინოვსა ვწერ, მაგრამ ეგ იმისათვის კი არა, რომ რუსად მინდა თავი მოვაჩვენო. ეს რომ მდომოდა, მაშინ ივანოვს დავწერდი, სიდოროვს და სხვა. მე მხოლოდ იმიტომ გადავაკეთე, რომ ჯაფინიანის გვარს როგორ დასწერ რუსულად — Джапиниан? რუსულ ანბანში არც ჯ არის, არც ფ, თორემ სომხურიდან მულამ ჯაფინიანს ვწერ და არასოდეს არა ვმალავ, რომ სომეხი ვარ. თქვენ სხვა რამესაც გეტყვით, — განაგრძო ყბედმა მომღერალმა, — ჩემს ანტრეპრე-

ნორს ოდესაში მიწვევის დროს უნდოდა აფიშაზე ჟაპინი დაეწერა, მაგრამ ფრიად თავაზიანად ჩავაგონე, რომ არავითარ შემთხვევაში იტალიელად არ მოვინათლებოდი. თუმცა, მოგესხენებათ, იტალიელი მომღერლები ძალიან უყვართ რუსეთში. მე რომ მდომოდა ჩემი ერისა და სარწმუნოების ღალატი, ჟაპინს დავირქმევდი. ეს კარგიც იქნებოდა და გაცილებით მომგებიანიც, ვიდრე ჟაპინოვია... ასე არ არის?

— რასაკვირველია, — კვლავ დაეთანხმა მდივანი.

მომღერალი ბევრს ლაპარაკობდა, განსაკუთრებით თავის თავზე. ხმა თამამად და მხნედ გაისმოდა. „როდის დაამთავრებს და მოშორდება?“ ფიქრობდა მდივანი, მაგრამ არავითარ უქმაყოფილებას არ იმჩნევდა. პირიქით, მღუმარედ ყურს უგდებდა ისევე ისე მონური პატივისმცემლის ღიმილით.

— ასე, — ბოლოს დაამთავრა ლაქლაქი მომღერალმა და წამოდგა, — ხელს აღარ შევიშლით. ჩემი უმდაბლესი სალამი ბატონ რედაქტორს. — ამ სიტყვებზე მომღერალმა უბიდან აშოილო თავისი სადარბაზო ბარათი და მდივანს წინ დაუღო. — ვიმედოვნებ, რომ ის, აგრეთვე თქვენც, მობრძანდებით ჩემი სიმღერის მოსასმენად. ჩემი დებიუტი ჩატარდება ამ თვის ათში. უნდა ვიმღერო ონეგინის პარტია, შემდეგ გამოვალ „მაზუპაში“, „კნიაზ იგორში“, „კუპეც კალაშნიკოვიში“, „ცარსკაია ნევესტაში“, „ეიზნ ზა ცარიში“, „რუსლან ი ლიუდმილაში“, „რუსალკასა“ და სხვა ოპერებში, ნახვამდის.

ჯაფინიანმა მაგრად ჩამოართვა ხელი მდივანს, თავაზიანად დაუკრა თავი მაგიდის ბოლოში მღუმარედ და ოთხად მოკუნტულ პატრიციანს, ცილინდრი დაიხურა და ისევე თავდაჭერებული გავიდა, როგორც შემოვიდა, ქალურ, მაღალ ქუსლიან პრიალა ფეხსაცმელების ბაკუნით.

მდივანმა კარებამდე მიაცილა, უკან მობრუნდა, ტაში შემოჰკრა და ძალზე გაოცებულმა წამოიძახა:

— ვაი, ვაი!... ნახე, პატრიკ? იცი ვინ იყო? გუშინ-გუშინწინ მექელებზე დიაკვანი... იცი... ახლად გამახსენდა, პატრიკჯან, ახლა. რედაქტორმა მიაბო, როცა ეკლესიის მამასახლისად არჩევის განცხადება მოჰქონდა, შემოსვლას ვერ ბედავდა ხოლმეო, ახლა კი... თავის მორალურ ვალდებულებად მიაჩნია რედაქციაში შემოვლა! ცილინდრს გაზეთი დაუფინა, რომ არ გამტკერიანებულყო. შენ იმის ჰალსტუხზე ბრილიანტი შეამჩნიე, ქურქი. ჩვენ აქ სიცოვისაგან კბილს კბილზე ვაცე-

მინებთ, ის კი ოფლს იწმენდდა... ესეც შენი მასწავლებლობა და მწერლობა, ვაი შენს თავს, პატრიკჯან, მწერალო.. მწერალი კი არა, ჯანდაბა არ გინდა! ჯანდაბამდე გვეკონია გზა შენც და მეც, — დაუმატა მღვიანმა და თავის ადგილზე დაჯდა.

— შენ ის მითხარი, ახლა ხომ დასწერ ცნობას? — შეეკითხა პატრიკიანი დაცივნის ღიმილით.

მღვიანმა პასუხის ნაცვლად ხელები გულზე დაიკრიფა, მხრები აიჩეჩა, კომიკურად შეიშმუშნა, ცოტა ხანს ჩაფიქრდა, მერე უეცრად უბნის საათს დახედა და ისე დაიძახა, რომ მის ხმაში გაოცება უფრო ჩანდა, ვიდრე სიბრაზე.

— რამდენი დრო დაგვაქარგვინა მაგ დაწყევლილმა!.. სტამბაში კი მასალა არ არის. წერე, წერე, პატრიკჯან, ვნახოთ, რა გამოვა ამ სახედრული მარტვილობიდან.

— „იტრიალე, იტრიალე, ჩემო ჯარა“... — წარმოთქვა პატრიკიანმა, კალამი მოიმარჯვა და ისე გამწარებით მოეშადა წერისათვის, რომ თვითონაც არ იცოდა, ვისზე და რაზე იყო გულმოსული.

მღვიანი ამ დროს უკვე გამალებით წერდა: „ჩვენი თანამემამულე მომღერალი ჯაფინიანი (თეატრალური გვარი ეპინოვი) საგასტროლოდ მოწვეულია თბილისის სახაზინო ოპერის თეატრში. იტალიაში დაოსტატების შემდეგ, ამ უკანასკნელი ექვსი წლის მანძილზე მღეროდა რუსეთის სხვადასხვა ქალაქებში, მათ შორის — მოსკოვში და პეტერბურგში, სადაც ადგილობრივი გაზეთების დამოწმებით, დიდი წარმატება ჰქონია. თბილისის საოპერო თეატრში პირველად გამოვა ამ თვისათვის ჩაიკოვსკის ოპერა „ევგენი ონეგინში“, შეასრულებს ონეგინის პარტიას“.

უნდოდა რამდენიმე სიტყვა კიდევ დაემატებინა, რომ საზოგადოების ყურადღება მიექცია სომეხ ნიჭიერ მსახიობზე, მაგრამ მოაგონდა მისი წარსული და შეეშინდა, ვაითუ ჯაფინიანის ნაცნობებმა გაზეთი მასხარად აიგდონო, ამიტომ, რაც დაწერა, იმით დაკმაყოფილდა, ნაწერი გვერდზე გადადო, მერე გადახედა პატრიკიანს, იგი ძალიან ნელა წერდა, წარამარა შუბლს ისრესდა და უთხრა:

— პატრიკჯან, დაუჩქარე, თორემ საცაა ის პატარა სულთამხუთავი მოვა და მასალას მოგვთხოვს.

შემოვიდა ექსპედიტორი, ხელში ფოსტიდან წამოღებული გაზეთების და წერილების შეკრულა ეჭირა. მღვიანი უპირველესად წერილებს

ეცა, თვალთვლება დაიწყო. იმდენად იყო გავარჯიშებული, რომ ორსამ სტრიქონს თავში წაიკითხავდა, რამდენიმე სტრიქონს შუაში, შემდეგ ბოლოში, ხელად გაიგებდა წერილის შინაარსს და მაშინვე სწყვეტდა შეიძლებოდა თუ არა წერილის დაბეჭდვა.

— ვაი, ეს წყეულები თითქოს შეთქმულები არიან, რომ მხოლოდ მღვდლებზე, დიაკვნებსა და სკოლების მზრუნველებზე წერონ! — წამოიძახა მღვიანმა რამდენიმე წერილს გადათვალთვლების შემდეგ. — მღვდელი და დიაკვანი, დიაკვანი და ეკლესიის მამასახლისი... გეგონება, სხვა თემა არაფერი იყოს, მე თქვენი...

და გაბრაზებულ მღვიანს უნებლიეთ წამოსცდა ინტელიგენტი კაცისათვის შეუფერებელი რამდენიმე უწმინდური სიტყვა სამაზრო კორესპონდენტების მისამართით, რომლებიც მღვდლებისა, დიაკვნებისა და მათ ავან-ჩავანთა გარდა სხვა არაფერზე წერდნენ. მღვიანმა ეს კორესპონდენტები დაქმუნა და მაგიდის ქვეშ კალათში უნდა ჩაეყარა, მაგრამ მოაგონდა, რომ საგაზეთო მასალა აკლდა, ამიტომ გადაიფიქრა და გვერდზე გადადო. დანარჩენი წერილებიც გადათვალთვალა, მაგრამ, ეტყობოდა, არც იმათში იყო რაიმე სახიერო. როცა წერილების გადათვალთვლებას შორის, უპირველესად დაიწყო იმ წერილების გასწორება, რომლებსაც ნაწილობრივ მაინც ჰქონდათ საზოგადოებრივი მნიშვნელობა და გაზეთისათვის გამოდგებოდნენ. უმოწყალოდ შლიდა მთელ გვერდებს და მათ ნაცვლად მოკლე წინადადებებს ამატებდა, თან ცდილობდა, ზუსტად დაეცვა საგაზეთო მართლწერა, რომლის შემოქმედი თვითონ იყო.

ამასობაში პატრიკიანი წერდა და წერდა თავის სტატიას. სიცივეს უკვე ყურადღებას აღარ აქცევდა. ერთ საათში სტატია მზად იყო. დაწერილი ფურცლები ნომრების მიხედვით დაალაგა, მღვიანს წინ დაუდო და წამოდგა.

— რაო, მიღიხარ? — შეეკითხა მღვიანი, თავი ასწია და პრიალა სათვალღან გამოხედა.

— ჰო, გავიყინე. წავიდე, ვნახო რას გავაწყობ. დღეს ლუქმა არ ჩამიღია, არც ჩაი დამილეგია. გადათვალთვლერე ეგ სტატია, — ძალზე უგულოდ დაიწერე. თუ გამოგადგება დაბეჭდე, თუ არა — კალათში უძახე. ნახვამდის.

და პატრიკიანი კარებისკენ გაემართა. წინა ოთახში წამით შეჩერდა, ვერ გადაეწყვიტა წასვლა, მერე მექანიკურად დაიჭნია ქუდი, რო-

მელიც ზელში ეჭირა, დინჯად უკან გამობრუნდა, მივიდა მდივანთან და ისე ჩუმად ჩაილაპარაკა, თითქოს ეშინია არავინ ყური არ მოჰკრასო...

— არ შეგიძლია ხუთი მანეთი მასესხო?

— ხუთი მანეთი? — წამოიძახა მდივანმა და სასწრაფოდ თავი აიღო.

— ჰო, გთხოვ. ბინის ქირა უნდა გადავიხადო, თუ არ მივეცი, გარეთ მიპირებენ გამოგდებას.

— ახლავე, ამწუთას, ხუთი მანეთი რა არის განა? — უპასუხა მდივანმა, სწრაფად ამოიღო ძველი, გაცვეთილი საფულე, გახსნა, რაც ჰქონდა — შავი და თეთრი ფულები — გადმოყარა მაგიდაზე და დაიწყო დათვლა. — 10, 20, 35, 50, 58, 60, 62 კაპიკი. ეს არის ჩემი მთელი კაპიტალი. თუ აქედან ხუთი მანეთი გამოვა, წაიღე და სახლის პატრონს მიაშავე. ხუთი თვეა — ჩამაგირი არ მიმიღია, დაიჯერებ, თუ არა?

ერთ წუთს პატრიკიანი თვალებში შეჰყურებდა მდივანს.

— მაშ რითი ცხოვრობ? — შეეკითხა.

— შენ რითი ცხოვრობ? — მიუგო მდივანმა.

პატრიკიანმა უიმედოდ ჩაიქნია ხელი, მერე ქული დაიხურა, დაიხურა კი არა, პირდაპირ თავზე დაიხეთქა და გარეთ გავიდა.

უკვალოდ დაკარგული

ბავშვთან და ძიძასთან ერთად სეირნობიდან დაბრუნებული ახალგაზრდა ქალი ის იყო ფეხსაცმლის გამოცვლას აპირებდა, რომ ქმრისა და ვაჟიშვილის მოსვლამდე სადილის მაგიდა გაეწყო, როცა შემოვიდა მოახლე და მოახსენა, ერთ ბატონს თქვენი ნახვა სურსო.

— ვინ ბატონია? — ცნობისმოყვარეობით შეეკითხა ქალბატონი.

— არ ვიცი.

— მე მკითხულობს?

— დიახ.

— იქნებ ჩემს მეუღლეს?

— არა, თქვენ.

— რისთვის?

— ეუთხარი, სადილობის დროა, არავის იღებს-მეთქი, მაგრამ არ წავიდა, ძალიან საჭირო საქმე მაქვსო.

ახალგაზრდა ქალი მივიდა მაღალ სარკმელთან, რომელიც ქუჩას გადაჰყურებდა, ფეხის წვერებზე შედგა, სცადა ქვევით გადაეხედა, რომ თვალი მოეკრა სტუმრისათვის, მაგრამ კარებთან ვერაფერი დაინახა, გარდა ნაცრისფერი ფაფახისა.

— კარგი, წადი შემოიპატივე სასტუმრო ოთახში, სანამ მე გამოვიდოდე, — უბრძანა მოახლეს.

მოახლე გავიდა.

ახალგაზრდა ქალმა აღარ გაიხანდა წაბლისფერი აბრეშუმის ბლუზა, გაისწორა, სარკესთან მივიდა, პუდრი გადაისვა სახესა და კისერზე, თმა გადაივარცხნა და სასტუმრო ოთახისკენ გასწია.

სასტუმრო ოთახში შესვლისთანავე უეცრად შეჩერდა. ერთი კი დააპირა დაეკვილა და გიჟივით უკან გაქცეულიყო, მაგრამ გაკვირვე-

ბა და ცნობისმოყვარეობა ისე დიდი გამოდგა, რომ ადგილზე გაქვავდა თვალბლაქვეტილი.

მის წინ, სასტუმრო ოთახში შემოსასვლელ კარებთან, მაღალი ფანჯრებიდან უხვად შემოჭრილ შუადღის მზის სხივების ნაკადში გაუნძრევლად იდგა კაცი და იცდიდა. იგი 30 — 35 წლის ტანმაღალი ვაჟაკი იყო, მზისგან სახეგარუჯული. ეცვა ჯარისკაცის ძველი უსამხრეებო რუხი ფარაჯა და ოდნავ გახუნებულკოკარდიანი დასრესილი ტყავის ფაფახი ეხურა, ცალი ფეხი არა ჰქონდა, გრძელი ფარაჯის კალთის ქვეშ მხოლოდ ერთი ფეხი მოუჩანდა მოძველებულ და დიდიხნის გაუწმენდავი ჩექმით, მეორე ფეხის მაგიერ კი ყავარჯენს ხმარობდა.

ვინაიდან მარჯვენა ხელი ყავარჯენისათვის ჩაველო, ჯარისკაცმა ფაფახი მარცხენა ხელით მოიხადა, მღუმარედ მიესალმა თავის დაქნევით და გაირინდა, ალბათ, იმის შიშით, ვაითუ ახალგაზრდა ქალმა რაიმე უცნაურობა ჩაიდინოს — იკივლოს, შიშნაკრავი გაიქცეს და შეეღა ითხოვოსო — ამას ამეღავნებდა ქალის სახის გამომეტყველება, რადგან სხვა არაფერი შეეძლო ეკარნახა მისთვის ასეთ მოულოდნელ, უეცარ შეხვედრას.

მაგრამ გაოგნებული ახალგაზრდა ქალი გაუნძრევლად იდგა და ცნობისმოყვარეობისაგან გაქვავებული, დაჭუტულ თვალებს ვერ აშორებდა სტუმრის დიდრონ, ჭკვიან შავ თვალებს, რომლებიც ახლო წარსულში ისე ნაცნობი იყვნენ, იმდენად ახლობელი და საყვარელი, რომ მაშინვე იცნო, ვინც იყო ეს კაცი.

— არამ! — წაიჩურჩულა ქალმა ოდნავ შემკრთალი, გაბზარული ხმით.

— დიახ, მე ვარ, ფლორა, — დინჯად მიუგო მოსულმა, კისერი ოდნავ წაიგრძელა და სიყვარულით, ნატვრა-ოცნებით ჩააშტერდა ქალს თვალბლაქვეტილი.

ხმა ეცნაურა... ბოლო მოეღო ექვს. და ახალგაზრდა ქალში გაოგნება და ცნობისმოყვარეობა უეცრად შეცვალა ისეთმა მომაკვდინებელმა შიშმა, როგორიც ადამიანს მოულოდნელი შემთხვევის დროს დაეუფლება ხოლმე, გაღარჩენის არავითარი შანსი რომ აღარ გააჩნია. საშინელი სინამდვილის შეცნობამ ელვისებურად იმოქმედა მის ერთბაშად გაბრუებულ ტვინზე, მთელი არსებით შესძრა, თვალთ დაუბნელდა, გულმა ბაგაბუგი დაუწყო, თავბრუ დაეხვია და უთუოდ ძირს დაეცემოდა, რომ შემთხვევით იქვე სკამზე არ ჩამომჯდარიყო.

მომსკელმა, ცალ ფეხზე ხტუნვა-ხტუნვით და იატაკზე ყავარჯნის რაკა-რუკით, მიიბრინა მასთან და შეშინებულმა შესძახა:

— ფლორა!...

გაფითრებულმა ახალგაზრდა ქალმა თვალები დახუჭა, თავი დახარა და ხელებით ისე დაიფარა, თითქოს ახალ დარტყმას მოეღოსო.

მაგრამ სტუმარმა მარცხენა ხელი მოწიწებით მოკიდა ქალის სათუთად მოვლილ თეთრ, ფუნჩულა, ბრილიანტის ბეჭდებით დამშვენებულ ნაზ ხელს, ბაგეებთან მიიტანა და გულისამაჩუყებელი დამამშვიდებელი ხმით უთხრა:

— ნუ გეშინია, ფლორა, შურისძიებას კი არ მოვუყვანივარ შენთან, არამედ სევდას, კაეშანს, რომელიც ამდენი ხნის განმავლობაში შორეულ მხარეში გადახვეწილს მტანჯავდა. ძალიან კარგად მესმის შენი მდგომარეობა. მკვდრები აღარ ცოცხლდებიან, მაგრამ თუ მოხდა სასწაული და აღდგენენ, ასეთ თავზარს სცემენ იმათ, ვისაც, ვინ იცის, იქნებ ზღვა ცრემლი დაუღვრია მათთვის. აიღე თავი, შემომხედე, მინდა ერთხელ ჩაგხედო თვალებში, მე შენს სანახავად მოვედი მხოლოდ... შენი და ჩემი შვილის... და მურაზის მოსაკლავად.

ზმა აუკანკალდა, თვალები ცრემლით აევსო.

ახალგაზრდა ქალმა თავი აიღო, შეხედა სიყვარულით აღსავსე ცრემლმორეულ თვალებში, უეცრად გული ამოუჯდა, ბოლმა ყელში მოაწვა, ხელები თვალებზე მიიფარა და გულამოწყენით დაიწყო ქვითინი; ებრალებოდა არამი, ეს უბედური ადამიანი.

— ნუთუ სიზმარი არ არის? — აღმოხდა აქვითინებულ ქალს.

— სიზმარი? — გაიმეორა მოსულმა. — რომელი სიზმარი შეედრება გამომგონებლობაში სინამდვილეს, მეტადრე ჩვენს სინამდვილეს. ვინ წარმოიდგენდა, თუ ოდესმე ასე შეგხვდებოდი და თანაც აქ, უცხო ოჯახში, რომლის კარი გულდაწიკვებით შემოვალე?!

— არამ, მე არა ვარ დამნაშავე. ჰკითხე დედაშენს, შენს დას, ისინიც კი დაამოწმებენ, რომ მე იმედი არ დამიკარგავს, ვითმენდი, გელოდებოდი...

— დამშვიდდი, ჩემო ძვირფასო, დამშვიდდი, უკვე ვკითხე და ყველაფერი ვიცი, დამშვიდდი.

— შენი სახელი უკვალოდ დაკარგულთა ოფიციალურ სიაში მანკენეს, — განაგრძო ფლორამ თვალების წმენდით, — და ამიხსნეს, ან

მოკლულია და მისი გვამი ბრძოლის ველზე დარჩა, ანდა, უკიდურეს შემთხვევაში, ტყვედ არისო. ამის შემდეგ თითქმის მთელი ოთხი წლის მანძილზე შენგან არაფერი ისმოდა, ამიტომ ისლა დაგვრჩა გვეფიქრა, რომ შენ დიდი უბედურება დაგატყდა, ესე იგი მოგკლეს. თორემ ტყვეობაში რომ ყოფილიყავი, ნუთუ მთელი ოთხი წლის განმავლობაში ერთ ცნობას არ მივიღებდით ან წერილობით, ან სხვა საშუალებით?

— ომის დროს რა წერილების მიწერ-მოწერაზე შეიძლება ლაპარაკი ორი მოსისხლე მტრის ქვეყნებს შორის! მით უმეტეს, ჩვენ ჩაკეტილები ვიყავით საკონცენტრაციო ბანაკში, საიდანაც არც ჩვენ შეგვეძლო რაიმე ცნობის გაგზავნა და არც გარედან მიღება.

— მაშ, ტყვედ ჩავარდი?

— ხო, ჩვენები გაიქცნენ და მე, ფეხდასახიჩრებული მიმატოვეს ბრძოლის ველზე. ნეტავი ფეხის ნაცვლად თავის ქალა დამმსხვრეოდა, ქალა, სადაც თავს იყრიან ყველა ტანჯვა-ვაების ჩანასახები. ვერ წარმოიდგენ, რამდენი ტკივილი და მწუხარება გადავიტანე ჯერ საავადმყოფოში, მერე საკონცენტრაციო ბანაკში... ფიზიკურ ტკივილებს ვინდა ჩიოდა, სულიერად ვიტანჯებოდი შენთვის, ჩემი ბავშვისთვის, დედისთვის, დისთვის. ათასგვარი ექვი მიღრღნიდა გულს, ერთიმეორეზე საშინელი, ერთიმეორეზე უიმედო, უსასოო. ვფიქრობდი — ნეტა როგორ არიან? როგორ ცხოვრობენ? ვაითუ მტერი შეესია, ყველა გამოასალმა სიცოცხლეს, ანდა სადმე გაიხიზნენ, რაიმე გადამდებმა სენმა მოჰყოლო ბოლო...

არამი იქვე სკამზე ჩამოჯდა, ყავარჯენი კედელზე მიაყუდა, და ჯაღვრემილმა ფიქრიანად დაუმატა:

— ახლა კი... ვინ იცის, ეს არ მომხდარიყო, მე რომ შემძლებოდა და თქვენთვის ჩემი ამბავი მომეწუდინა... პასუხიც მიმელო...

მან მწარედ გაიქნია თავი და გაჩუმდა.

— შენი ამბავი თქვი, მაგრამ ჩემ სულიერ ტანჯვას აღარ იკითხავ? — მიუგო ფლორამ. — ჯერ დღენიდავ ვკანკალებდი ჩემი ძვირფასი აღამიანის სიცოცხლეზე ფიქრისაგან, შემდეგ მთელი ოთხი წელი ვცხოვრობდი ბურუსში, მოლოდინსა და სასოწარკვეთილებაში... ამას ემატებოდა მატერიალური ხელმოკლეობა, ყოველდღიური ზრუნვა არსებობისათვის. სადამდე გაგვწვდებოდა ის მცირე დახმარება, ჩვენ რომ ვიღებდით. მოხუცი დედაშენი ავადმყოფობდა, შენს დას გასამრჯელო, რასაც გაკვეთილებში იღებდა, თვითონაც არა ყოფნი-

და, მე კიდევ — პატარა ბავშვით ხელში. პირველ ხანს, სანამ დედაშენი ძალიან არ იყო ავად და შეეძლო ბავშვისთვის ყურადღების მიქცევა, პატარა სამსახური ვიწოვე საქალაქო გაერთიანებაში, მაგრამ, შემდეგ იძულებული გავხდი თავი დამენებებინა, ვინაიდან დედაშენი თავად იყო მოსავლელი, და ბავშვი სრულიად უპატრონოდ დარჩა. ბოლოს გათხოვდა შენი და, დედა თავისთან გადაიყვანა. სახლში მარტოდმარტო დავრჩი ჩემი ჩვილი ბავშვით, ყოველგვარ სახსარს მოკლებული. სახლში აღარაფერი გავვაჩინდა, ყველაფერი გავყიდე.

არამი მდუმარედ იჯდა, ფაფახი მუხლებზე დაედო და დინჯად, გულდასმით ისმენდა ყოფილი მეუღლის აღსარებას. თან ხან ფართო, მაღალქერიანი ოთახის ავეჯეულობასა და ძვირფას მოწყობილობას ათვალეირებდა, ხანაც ახალგაზრდა ქალის თვალწარმტაც ტანსაცმელს, ბექლებს, ყურებზე მოელვარე ბრილიანტის საყურეებს, თმაში გარკობილ პრილა ძვირფას დასაბნეევებს და რაღაც იდუმალი ექვი, რომელიც აქ მოსვლამდე შესამიანი გველივით ჩასძრომოდა ხელში და შეხვედრის პირველი წუთების გამო დროებით გარინდებულიყო იქ, ახლა თანდათანობით იღვიძებდა. ქალმა დაამთავრა მოყოლა. კაცი ისევ მდუმარედ იჯდა, გარეგნულად მშვიდად გამოიყურებოდა, ნერვიულობისაგან მხოლოდ ერთადერთი მუხლი უკანკალებდა ოდნავ შესამჩნევად.

— მაშ ასე, — დაილაპარაკა მან მცირე ხნის დუმილის შემდეგ ისე, რომ ქალისთვის არ შეუხედავს. — დარჩი მარტოდმარტო, ყოველგვარ სახსარს მოკლებული... მაგრამ რატომ? — ოდნავ გასაგონი ხმით შეეკითხა იგი, — ნუთუ არავინ გეხმარებოდა?..

— ვინ უნდა დამხმარებოდა? — სახეზე გულუბრყვილო გამომეტყველებით იკითხა ქალმა.

არამმა აუჩქარებლად, მაგრამ აღმაცერად გადახედა.

— ის ბატონი, ომის დროს საქალაქო გაერთიანებაში თბილად რომ იყო მოკალათებული.

ფლორა გველნაკებნივით შეკრთა და მთელი სხეულით წინ გადაიწია.

— მაგით რა გინდა თქვა? ის ხომ არა, რომ იმას მივთხოვდი?

— არა, მაგის თქმა არ მინდა.

— მაშ რა?

— ის რომ... მე სხვა რამე მითხრეს, — დინჯად უპასუხა არამმა მოგვიანებით და ახლაც არ შეხედა ქალს.

— სხვა რამ?.. რა?.. ვინ?

— ვინც იყო...

— გამოცანებით ნუ ლაპარაკობ, არამ, — შეკავებული მღელვარებით შესძახა ქალმა. — პირდაპირ აღიარე, დამ მითხრა-თქო.

არამმა პასუხი არ გასცა, დინჯად იჯდა, პირქუშად, ქალს სახეზე არ უყურებდა.

— რაღა სდუმხარ, რატომ სახეში არ მიყურებ? — უთხრა ქალმა გამოიწვევი, გაბედული ხმით. — ხედავ, მე არ მეშინია, რადგან ბინძური ქორისა და ცილისწამებისადმი სხვა გრძნობა არ გამაჩნია, გარდა ზიზღისა. მაგრამ იცი რად გამქორა და დამწამა ცილი? — იმიტომ, რომ აღარ ვისურვე — ის ქალბატონი ყოფილიყო, მე კი მისი მოახლე.

არამმა გაკვირვებით შეხედა ქალს.

— ეგ ახალი ამბავია ჩემთვის.

— რაჟაკვირველია, ამას არ გეტყოდა. მერწმუნე, არამ, ამ ამბავს, რაც არ უნდა მომხდარიყო, არც მე გაგიმჟღავნებდი, იმისი საზიზღარი ქორისათვის ყურადღება რომ არ მიგექცია.

— ჯერ ერთი, მე არ მითქვამს რა მითხრა მან, მეორეც...

— რაღა ფასი აქვს, რომ მითხრა? შენი ლაპარაკის კილო და გადაკრული სიტყვები უკვე თავისთავად დაღადებენ, ბოროტ განზრახვას, მტრობასა და შურს რამდენი რამ ჩაუწვევთებია შენთვის. ჩემი უბედურება ის იყო, რომ საკუთარი შრომით საშუალება არ მქონდა მერჩინა ჩემი თავიცა და ბავშვიც და მინდოდა თუ არა, ხელებში უნდა მეყურა მისთვის. ის კი, ვინაიდან ერთ ლუკმა პურს გადმოგვიგდებდა, თავის თავს უფლებას აძლევდა დაემცირებინა ჩემი თავმოყვარეობა. სულ ბუტბუტებდა, ჩიოდა, წარამარა პირში მახლიდა, რომ ერთ ლუკმა პურს გვაკმევდა, რომ მძიმე უღელივით ვაწევართ კისერზე ზედმეტი ბარგივით. იმას კი არა ხედავდა. რომ ოჯახში ყველაფერს მე ვაკეთებდი, ვასუფთავებდი, ვაკერებდი, ვრეცხავდი, კერძს ვზარშავდი, ავადმყოფ დედას ვუვლიდი... ჩემ ადგილას რომ ვინმე მოახლე ყოფილიყო, ალბათ, იმას უფრო მეტი პატივისცემა ექნებოდა, ვიდრე მე, ამ ოჯახის სრულუფლებიან წევრს, იმის უბედური ძმის მეუღლეს, ძმის-შვილის, ბედკრული შვილის დედას. თითქოს არ კმაროდა ჩემი სევდა,

ჩემი ტანჯვა-ვაება, ისიც თავის მხრივ მიწამლავდა ისედაც გამწარებულ სიცოცხლეს. ერთხელ ჩქამდე მიმიყვანა, ცოტას გაწყდა, შვილიანად წყალში გადავვარდი, რათა ერთხელ და სამუდამოდ გავთავისუფლებულიყავი იმ ჭოჯოხეთისგან. ამის შესახებ თუ გითხრა რაზე?.. რასაკვირველია, არა. მხოლოდ იმან ჩაგიმარცვლავდა, რითაც განამტყუნებდა და მთელ ბრალდებას მხოლოდ მე ამკიდებდა. ვაი სირცხვილო.

— მე იმისი სიტყვებისათვის ყურადღება არ მიმიქცევია და შენი ჩივილიც ზედმეტად მიმაჩნია, — ცივად უბასუხა არამმა.

— როგორ თუ ზედმეტად?.. მაშასადამე, არ გინდა გაიგო, რამ მიძულა ასეთი ნაბიჯი გადამედგა?

— არ მინდა, რადგან მაგითი არაფერი გამოსწორდება. შენა ხარ დამნაშავე, თუ ჩემი და, უკვალოდ დაკარგულთა ავბედითი სია, თუ ის, რომ მე ხმა ვერ მოგაწვდინე — ყველაფერი სულ ერთია. რა ფასი აქვს ჩემთვის? ვთქვათ, დაწვრილებით ვეძიე და ვიპოვე ჩემი გაუბედურების მიზეზი, მაგითი ნუთუ იოტისოდენად შეიცვლება ჩემი ბედ-შავი მდგომარეობა? შენ რომ არ გეთქვა, რედაც კარგად ვიცოდი ჩემი წასვლის შემდეგ რა პირობებში მოგიხდებოდა არსებობა. ერთის მხრივ, ეგ ამბავი, მეორეს მხრივ, შენი გადაწყვეტილება — ის ცოცხალი ადარ არისო, ჩანს, საკმარისად მიიჩნიე, რომ თავისუფლად გეგრძნო თავი და...

— როგორ თუ ჩემი გადაწყვეტილება, როგორ თუ მივიჩნიე, — ელდანაკრავივით დასძინა ქალმა.

მაგრამ არამმა უღმობელი სიმშვიდით განაგრძო:

— შენ იტანჯებოდი, ითმენდი, მელოდებოდი იმდენ ხანს, რამდენიც დაწესებული ყოფილა, რამდენის ძალაც შეგწევდა, რამდენის ატანაც შეუძლია ახალგაზრდა ლამაზ ქვრივ ქალს, სანამ...

— არამ, — შეჰყვირა ფლორამ და წამოხტა.

— ... სანამ ბედის დოლაბი უეცრად შემოტრიალდა და შენს წინ ახალი ბედნიერების კარი გაიღო, — რასაკვირველია, ბედნიერი, მშვენიერი, იღბლიანი (ქოვრების კარი, რაზედაც ნათლად დალადებენ შენი სამკაულოები და აქაურობა. უნდა გამოგიტყდე, მე ვერაზოდეს ასე ვიკრიშთავდი, ასე მდიდრულ და ბრწყინვალე ცხოვრებას ვერ შეგიქმნიდი, ამიტომ...

— გაჩუმდი, არამ, გაჩუმდი, კმარა, — შესძახა აღშფოთებულმა ქალმა. — ვინ შოგცა ნება აძლენი შეურაცხყოფა მომაყუებო? რას ხიშნავს — ჩემით გადაეწყვიტე? რას ნიშნავს — ახალგაზრდა, ლამაზი ქვრივი? რა გინდა მაგითი თქვა?

— არაფერი იმაზე მეტი, რაც გითხარი.

— შე შენი ლაპარაკი ვერ გამიგია. შემომხედე თვალებში და პირდაპირ ამიხსენი, მაგ გადაკრული სიტყვებით რა გინდა შითხრა?

არამმა უეცრად პირდაპირ შეხედა თვალებში და აქამდე მშვიდი და უწყინარი სახე პირქუსში გაუხდა; ეტყობა, ველარ მოერიო იმ სულისამაფორიანებელ ექვიანობის გრძნობას, რის დამალვას გარეგნული სიმშვიდის იერქვეშ ცდილობდა.

— აი, პირდაპირ გიყურებ და აშკარად გეუბნები, — მიუგო არამმა ყოველ სიტყვაზე მახვილის დასმით, — თავი ძალიან ნაადრევად გიგრძენია თავისუფლად.

— როგორ?

— ისე. ჯერ მე ვარსებობდი, ჯერ მიწაში არ ვიყავი ჩასული.

— განა მე ეგ ვიცოდი?

— განა ის კი იცოდი, რომ აღარ ვიყავი ცოცხალი? დარწმუნებული იყავი?.. უტყუარი ცნობა გქონდა?

— სია...

— დიახ, უგზოუკვლოდ დაკარგულთა და არა მოკლულთა, ასე არ არის?

ფლორა სახტად დარჩა, ერთხანს მდუმარედ იდგა და საგონებელში ჩაფარდნილი შეჰყურებდა ყოფილი ქმრის მომაკვდინებელ თვალებს, რომლებშიც ექვიანობის გრძნობა ელვარებდა. მერე ჩამოჯდა, თვალებზე ხელები მიიფარა და აქვითინდა.

— უგულო, უღმერთო, — დაიწყო ფლორამ, თან ქვითინებდა. — ნუთუ იმიტომ ვიტანჯებოდი წლების მანძილზე, იმიტომ ავიტანე იმდენი შიმშილი, ნაკლებობა შენი მიზეზით და შენთვის, რომ ბოლოს მოსულიყავი და შეურაცხყოფა მოგეყენებინა? რამდენი დღე დამიღამებია შენზე ფიქრში, რამდენი ღამე გამითენებია ტირილსა და მოთქმაში, წლების მანძილზე მოველოდი შენგან რაიმე ცნობის მიღებას, დუმილით ვითმენდი შენი დისაგან წყევლა-კრულვას და სახეში შემოფურთხებას შენი ხათრით, ეხლა კი მოხვედი და მისაყვედურებ — ძალზე აჩქარებულხარო. მთელი ოთხი წელი ჩემი ხვედრი იყო მხო-

ლოდ მწუხარება, ცრემლები, მაგრამ ვითმენდი, შენკენ მეკირა აცრემლებული თვალები და ამას აჩქარებულობას ეძახი? სად შეძებნა შენს მიერ დასახელებული საბუთი, რომ გულდამშვიდებული ვყოფილიყავი? და ბოლოს, ეს ნაბიჯი სწორედ შენი შვილისათვის გადავდგი; იგი მშიერი იყო, ტიტველი, მე კი — მარტოხელა, უმწეო. შენ კი საქმე ისე გამოგყავს, თითქოს მე შემთხვევით ვისარგებლე და შევეცადე შეძლებისდაგვარად მალე გავთავისუფლებულიყავი შენგან. ნუთუ ასე მიცნობდი ჩვენი ოთხი წლის თანაცხოვრების მანძილზე? მაშ რაღად გაიძახი, შურისძიებამ არ მომიყვანა შენთანო? აი სად გამოაშკარავდა ის სხვა რამე, რაც ჩაგაწვეთა შენმა დამ ჩემს შესახებ. ესეც შენი განცხადება, დის ნათქვამებისათვის ყურადღება არ მიმიქცევიაო.

არამი თავის ერთადერთ მუხლს იღაყვით დაყრდნობოდა და ჩაფიქრებულ თვალს არ არიდებდა იატაკს. კრინტს არა სძრავდა. როცა ქალმა ტირილთან ერთად დაამთავრა თავისი აღსარება და ყოფილი მეუღლის გაიციხვა, ოთახში დიდი ხნით დუმილმა დაისადგურა.

— იცი რა, ფლორა? — კარგა ხნის სიჩუმის შემდეგ წარმოთქვა არამმა, გასწორდა და ისე მშვიდად გადახედა ქალს, თითქოს არაფერი მომხდარიყო. — როცა შენთან მოვდიოდი, ვერ გეტყვი, მდგომარეობასთან შერიგებული ვიყავი-მეთქი. ეგ შეუძლებელია. ასეთ მდგომარეობას არც ერთი აღამიანი არ შეურიგდება. გულში დათქმული მქონდა, თავი შემეკავებინა და არავითარი საყვედური არ მეთქვა, თუგინდა მარტო იმ მიზეზით, ზედმეტად და უსარგებლოდ ჩავეთვალე, სულერთია ამით წარსულს ვერ დავიბრუნებდი. მაგრამ, თუ მაინც რამდენიმე უსიამოვნო სიტყვა უნებლიეთ წარმოვთქვი, რისთვისაც ახლა ძალზე ვნანობ და გთხოვ მაპატიო, ეგ უნდა მიაწეროთ იმას, რომ... (ხმა აუკანკალდა). ფლორა, ნეტავი თუ გრძნობ ამწუთას რა ხდება ჩემს სულში? შენ ხომ ჩემი იყავი, მშობლიური, საყვარელი და როგორც მაშინ მეჩვენებოდა, ჩემგან განუყრელიც. ახლა კი ზიხარ ჩემს პირდაპირ, აგრე რიგად ლამაზი, ესოდენ მშვენიერი, სასურველი, სანატრელი, და მე კი უფლება არა მაქვს თითით შეგეხვო, უფრო მეტიც; არ ვიცი, რა დაგიძახო, რად ჩავთვალო! ამიტომ ჩემი უბედურება ისე მრისხანედ, ისე მძლავრად, ისე მტკივნეულად არასოდეს არ განმიცდიდა, როგორც ახლა განვიცდი, აჰ, შენთან, როცა შენ გიმზერ. ამავე დროს ისე საცოდავად, ისე უმწეოდ და უბადრუკად თავი არასოდეს არ მიგრძენია, როგორც აჰ, ამ უცხო სახლში, სადაც თავადაც არ ვი-

ცი, რისთვის მოვედი, უცხო ადამიანივით, დაუპატიებელი სტუმარ-
ვით თუ მათხოვარბრით? იმდენი ხნის ტყვეობის შემდეგ შენ იმ რწმე-
ნით ვბრუნდებოდი, მეგონა შენს ხვევნა-ალერსში დავმარხავდი და და-
ვიწყებას მივცემდი საკუთარი თვალთ ნახულ საზარელ წარსულს,
ახალ ცხოვრებას ახალი ოცნებებით ვეზიარებოდი, მაგრამ! მუხთალმა
ბედისწერამ აქაც არ დამინდო, წამართვა შენი თავი და დამიხშო ოც-
ნებანი. თუ აქეთ მომავალი ჩემს ერთადერთ იმედად გსახავდი, ჩემს
ერთადერთ დასაყრდენად და მხსნელად გიგულებდი, დღეს შენში ჩემს
საბოლოო დამლუბველს ვხედავ, ჩემს საფლავს...

იგი გაჩუმდა, ნამტირალევი თვალები რომ არ დაენახებინა ქალის-
თვის, თავი კვლავ დახარა.

— ოჰ, ღმერთო ჩემო, ეს რა ხდება ჩემს თავს, — საბრალობელი
ხმით უიმედოდ ამოიოხრა ფლორამ.

— დიახ, მესმის, შენთვისაც სამძიმოა, — მცირე ხნის შესვენების
შემდეგ კვლავ ალაპარაკდა არამი და გასწორდა. — მაგრამ არა ლშავს,
მალე წავალ, და შენ... მაპატიე. ვალდებული ვარ ტუჩებზე კბენით შე-
ვიკავო თავი, რომ კვლავ ზედმეტი სიტყვა აღარ წამოვროშო. შენ არ
მიგიძღვის ბრალი. ვიცი, ვინც არის დამნაშავე, უფრო სწორად დამ-
ნაშავენი. ისინი მალლა სხედან, სამეფო ტახტებზე და ოქროთი სავსე
ტომრებზე. მათ აურ-დაურის ქვეყანა, რომ ერთმანეთს რამე გამოს-
ძალონ. ისინი არიან, რომ მილიონობით ჩემისთანა უბედურთა სისხ-
ლის ფასად თავიანთ გაუმადლარ სტომაქს იყორავენ. აი ვის უნდა
სწვდეს კაცი ქეჩოში და ანგარიში მოსთხოვოს. ცეცხლი ანთია ჩემს
ჯანში, მაგრამ რას ვიზამ! ჩემი უდიდესი უბედურება ის არის, რომ მე,
როგორც საზოგადოების ერთ წევრს, კოლოსოდენა ძალაც არ შემწვევს
შურისძიებისა; მაგრამ ასე დიდხანს არ გაგრძელდება, მოვა დრო,
როცა...

იგი უეცრად გაჩუმდა, ყურთასმენად გადაიქცა. მეზობელი ოთახი-
დან ბავშვის ხმა მოისმა, რასაც მალე ფეხის ხმაც მოჰყვა. უეცრად კა-
რი გაიღო და ოთახში მოგიზგიზეთვალემა შეიდი-რვა წლის ბიჭუნა
შემოიჭრა, რომელსაც ხელში რაღაც ქაღალდი ეჭირა.

— დედა, — დაიძახა ბავშვმა და ახალგაზრდა ქალთან მიიჭრა, —
დღეს ნიშნები დაგვირიგეს, არც ერთი ორიანი არა მაქვს, აბა ნახე.

ფლორა შეშფოთებული წამოდგა, ქაღალდი მექანიკურად ჩამოართვა
და დაბნეული ღიმილით გადახედა ყოფილ მეუღლეს.

— ეს... ჩვენი სურვილია, — თქვა.

არამი გაქვევებული იქნა, კისერი წაეგრძელებინა და დაკლტული თვალებით შეჰყურებდა ბიჭუნას. თითქოს თვალებს არ უჭერებდა, რომ სამი წლის პატარა, გამხდარი ყმაწვილი, როგორც ომში წაყვლამდე დატოვა დედის ანაბარად, ამ რამდენიმე წელში ასე ტანს აიყრიდა, გაიზრდებოდა.

მამასავით მალალი, მამასავით შავგვრემანი, მამასავით დიდრონ შავთვალებიანი, მაგრამ, მამისაგან განსხვავებით, უფრო მაგარი აღნაგობისა და მხარბეჭიანი სურვილი ვიღაც ფარაჯიანი ბატონის წინაშე იდგა და ისეთი ბავშვური გულგრილობით უყურებდა მას, როგორც უცხოს, რომელთანაც არავითარი საქმე არა ჰქონდა.

დედამ სურვილს ხელი მოჰკიდა და არამთან მიიყვანა.

— სურვილს, ეს ის მამიკოა, ომში წავიდა-მეთქი, გახსოვს, მე რომ გელაპარაკებოდი?

— ის მამიკო? — იკითხა ბავშვმა ისე, რომ ცნობისმოყვარეობის ნატამალიც არ დასტყობია.

— ხო, ის მამიკო, ჩემო შვილო, და არა ახალი მამა, — რაღაცნაირი სიმწარეგარეული კილოთი დაუმატა არამმა, და უცნაური ღიმილისაგან სახე დაებრცია.

ახლაგაზრდა ქალმა ტუჩზე იკბინა და ყურებამდე გაწითლდა.

— მაგრამ თქვენ ხომ მოგკლეს? — შეეკითხა სურვილი და ამჯერად ბავშვური ცნობისმოყვარეობით მიამტერდა უცნობ მამას.

— ვინა თქვა, შვილიკო, რომ მოგკლეს?

— დედა ამბობდა.

— დედა შემცდარა, ჩემო ბიჭიკო, მე მხოლოდ ფეხში დამპკრეს. აი, ნახე.

არამმა ფარაჯის კალთა გადაიწია და მოჭრილი ფეხი უჩვენა. ფეხი მუხლზევით ჰქონდა მოკვეთილი, იმდენადვე გადაჭრილი ჰქონდა სამხედრო შარვლის ტოტი და გადაკერილი პარკივით ეკიდა.

სურვილი ცნობისმოყვარეობით უყურებდა, შემდეგ ხელით ფრთხილად გადაუწია ფარაჯის მეორე კალთა და საღ ფეხს დახედა.

— ახლა ამ ერთი ფეხით დადინხართ? — შეეკითხა.

— არა, ისევ ორი ფეხით.

— როგორ? — გაუკვირდა ბავშვს.

— აი, შეხედე, — მამამ მიუთითა კედელზე მიყუდებულ ყავარ-

ჯენზე, — ილიის ქვეშ შევიდგამ და ისე დავდივარ, როგორც ორ-
ფეხიანი.

— იციტ რა, ბატონო? — მიმართა ბიჭმა ბავშვური ცნობისმოყვა-
რობით, — ქუჩაში ვხედავ ხოლმე ადამიანებს, რომლებიც ასეთი ჯო-
ხებით დადიან. ისინიც ომში არიან ნამყოფი?

— კი, ყველანი. მაგრამ ყური დამიგდე, შვილიყო, აი რა უნდა გი-
თხრა: ამიერიდან ბატონი აღარ დამიძახო, ხომ იცი, რომ მამაშენი
ვარ.

— ჰო, სურიკჯან, — თავის მხრივ დაუმატა დედამ, — ამიერიდან
ჰუდამ მამა დაუძახე. გესმის?

მაგრამ სურიკა მღუმარედ იდგა და სერიოზული ბავშვური გაო-
ცებით ხან დედას უყურებდა თვალბში, ხან ფარაჯიან ცალფეხა კაცს,
რომ აძალებდნენ, მამა დაუძახეო.

ხეიბარმა ხელი მოჰკიდა და თავისკენ მიიზიდა.

— ჩემო შვილიყო, ნუთუ არასოდეს არ გინახივარ?

სურიკმა გულდასმით შეხედა თვალბში და უარყოფის ნიშნად თა-
ვი გააქნია.

მამამ უფრო ახლოს მიიზიდა ბავშვი და მუხლზე მიიკრა.

— აბა, კარგად დამაკვირდი, სურიკ, იქნებ მოიგონო, იმ დროს შენ
ისე პატარა არ იყავი, ლაპარაკობდი, დარბობდი, ცეკვავდი, პატარ-პა-
ტარა ლექსებსაც კი ამბობდი, მღერობდი. მე რამდენიმე სათამაშო მო-
მიტანია შენთვის — რკინიგზა, ავტომანქანა, ცხენი, და სხვა ბევრი რამ.
ცხენივით შეგისვამდი ხოლმე და ისე დავრბობდი ოთახებში, შენ იცი-
ნობდი, ჟღერტულვობდი. მერე... წაგიყვანდი სასეირნოდ, წითელ, ცის-
ფერ ბურთებს ვყიდულობდი, ხილს, კანფეტს, შოკოლადს გაჰმეკვდი.
ნუთუ არაფერი აღარ გახსოვს?

— არა, არ მახსოვს, — უპასუხა ბავშვმა, და ისევ უარყოფითად
გაიქნია თავი.

— სულელო, როგორ არ გახსოვს? — შენიშნა დედამ, — რამდენ-
ჯერ გიამბე მავის შესახებ.

— ვა, ძალაა? არ მახსოვს, — წამოიძახა ბავშვმა და სახე ისე კო-
მიკურად დამანჭა, რომ დედ-მამამ უნებლოეთ გაიცინა.

აქნობამდე მამა ყოველ ღონეს ხმარობდა და თავს იკავებდა, ცდი-
ლობდა ისეთი რამ არ ჩაედინა, რომ ბავშვი დამფრთხალიყო. მაგრამ
ახლა ვეღარ მოითმინა, უცბად ორი ხელით აიტაცა, მუხლზე დაისვა,

მაგრა მიიკრა და გიჟივით დაუწყო მოფერება, კოცნიდა თავზე, ლოყებზე, ტუჩებში, თვალებში, სადაც მოხვდებოდა. ერთხელ, ორჯერ, და ეგონა. მის გულში იმდენი წლების მანძილზე დაგროვილ მამური სიყვარულის გრძნობას საზღვარი არ ექნებოდა.

მამის ძარღვმაგარ მკლავებში მომწყვედელი ბავშვი შიშისაგან ფართხალბედა, სახეს აქეთ-იქით აბრუნებდა, თავს არიდებდა, არ სიამოვნებდა იმისი კოცნა და ყვიროდა:

— ვაიმე, რა გინდა, გამიშვი, არ მინდა... დედა... — მამას კი ფიქრად არ მოსდიოდა გაეშვა ბავშვი, უფრო მაგრად იკრავდა მკერდში და გაღარეულივით კოცნიდა. ბოლოს, როგორც იქნა, სურვილი თავისი მოქნილი სხეულის წყალობით ხელიდან გაუსხლტა, განზე გადგა და ქარხალივით აწითლებულმა ტანისამოსის სწორება დაიწყო, თან მრისხანე მზერას არ აცილებდა მამას.

დედამ ყურადღება მიაქცია ბავშვის შეურიგებელ გამომეტყველებას და შეშინდა, უხეშად არ მიმართოს მამასო, როგორც საერთოდ სჩვეოდა, როცა აბრაზებდნენ, ამიტომ სასწრაფოდ მივიდა მასთან და ყურში რაღაც ჩასჩურჩულა, რასაც ყმაწვილმა წამიერი ქვითინით უპასუხა. დედას თმა აებურძგნა და ყოფილ მეუღლეს გადმოხედა. არამი თავდახრილი იქდა, თვალებზე ცხვირსახოცი მიედო, მხრები და ზურგი შეკავებული ქვითინისგან ეკრუნჩხებოდა.

ამ დროს მეზობელ ოთახიდან ძუძუმწოვარა ბავშვის ტირილი მოიქცა, შემდეგ მამაკაცის თამამი, გაბედული და თვითკმაყოფილი ხმა. იგი, როგორც ეტყობოდა, ძიძას ელაპარაკებოდა.

— ვა, მამიკოა! — წამოიძახა სურვილი და წამით სახე გაუბრწყინდა. — მომეცი, დედა, ნიშნების მოწმობა, მამიკოს ვაჩვენო.

შეშინებული დედა თვალწარბის მოძრაობით ანიშნებდა გაჩუმდიო, მაგრამ ბავშვი ვერ მიუხვდა, არც მიაქცია ყურადღება რას ეუბნებოდა დედა, საჩქაროდ ხელიდან გამოსტაცა საბუთი და მეორე ოთახში გავარდა.

შვილის მხიარულ წამოძახილზე არამი გასწორდა, მუხლზე დახრილი სხეულით ანაზღეულად წამოიწია, და წამით ცრემლგამშრალი უჩვეულოდ მოელვარე თვალები მიშტერებული დარჩა იქით, სადაც ბავშვი გაუჩინარდა. შემდეგ მძიმედ გადახედა ახალგაზრდა ქალს, მექანიკურად მოძებნა ფარაჯის ჯიბე, ცხვირსახოცი შეინახა, იატაკზე დავარდნილი ფაფახი აიღო, ყავარაჯენი ილღიაში ამოიღო და ცალ

ფეხზე ხტუნვა-ხტუნვით იმ კარისაკენ გასწია, საიდანაც მოახლემ შე-
მოიყვანა.

— მიდიხარ? — ნელა, გაუბედავად შეეკითხა ახალგაზრდა ქალი.
ბეიბარმა პასუხი არ გასცა, გარეთ გავიდა.

მეორე დღეს ხიდზე, რომლის ქვეშ აღელვებული მდინარე გაშმა-
გებით მიაგორებდა უზარმაზარ მღვრიე ტალღებს, ხალხმა იპოვა ერ-
თი ფარაჯა და ყავარჯენი.

1920

უკანასკნელი მოქიპანები

ჩემს მკითხველებს

პივილე წერილი და მასთან ერთად ცალკე რვეული ჩანაწერით, რომელსაც აქვე ვაქვეყნებ.

ამხანაგო ნარ-დოს!

მე თქვენი მოთხრობის — „ერთ-ერთი სევდიანი დღე“. — გმირი — პატრიკიანი ვარ. მართალია, ჩემი ნამდვილი გვარი პატრიკიანი არ არის, მაგრამ ეგ სულერთია, დაე თქვენი მკითხველებისათვის პატრიკიანად დავრჩე; ნამდვილი გვარის გამოცხადებით საქმის ვითარება არ შეიცვლება, ამიტომ საწინააღმდეგო არაფერი მაქვს.

იმ მოთხრობის გამოქვეყნებიდან დაახლოებით ოცდაათი წელია გასული, არ ვიცი, ოდესმე დაინტერესებულხართ თქვენი ნაწარმოების მთავარი პერსონაჟების ბედ-იღბლით თუ არა? ესე იგი, ჩემით, ჩემი სახლის პატრონით, რედაქციის მდივნით და სახაზინო თეატრების მომღერალ ჭაფინიანით ანუ უაპინოვით, როგორც იმ დროს აფიშებში უწოდებდა თავის თავს. თუ დაინტერესებულხართ და არაფერი გაგიგიათ, მე შემძლია მოგიყვებ.

დავიწყებ ჩემით

ორი პატარა წიგნის გამოცემის შემდეგ, რასაც მასწავლებლობიდან შემონახული უკანასკნელი კაბიკები მივაფლანგე, ერთხელ და სამუდამოდ ხელი ავიღე მწერლობაზე, ცეცხლში დავწვი ჩემი ყველა ნაწერი

და გოლიცინის რეჟიმის* შემდეგ, როცა კვლავ გაიხსნა სომხური სკოლები, ისევ სკოლას დაუბრუნდი. იმ ბნელი და ნესტიანი ოთახიდან, რომლის ქირას იმ შავბნელ ღროს ძლივს ვიხდიდი, იმავე ეზოში მეორე სართულზე მდებარე ნათელ ოთახში გადავედი, ცოლი შევირთე, სამი ვაჟი და ერთი გოგონა შემეძინა, მოკლედ — კარგად ვცხოვრობდი. ჩემი უფროსი შვილი რიგიანი ბოლშევიკი გამოვიდა და მაისის აჯანყების ღროს დაიღუპა. იმის მომდევნოც აგრეთვე ბოლშევიკ-კომუნისტია და ამჟამად რაიონში მუშაობს ინსტრუქტორად. ქალიშვილი — მასწავლებელია, ხოლო უმცროსი მუშაობს სწავლობს და, ეტყობა, თავის ძმებზე უფრო მაგარი ბოლშევიკი დადგება. ამჟამად სამოცი წლის მოხუცი ვარ. მასწავლებლობას თავი დავანებე. პენსიაზე გადავედი. შარშანდლიდან მე და ჩემი მეუღლე რაიონში გადავსახლდით, სადაც ჩემი ქალიშვილი მუშაობს. მასთან ისე უდარდელად ვცხოვრობ, რომ სულ დამავიწყდა ჩემი მძიმე წარსული, რაც თქვენს მოთხრობაშია აღწერილი.

რ ე და ქ ც ი ის მ დ ი ვ ა ნ ი

იმის ცხოვრება ხომ ნამდვილად სახედრის მარტვილობა იყო. ფანატიკურად იყო შეყვარებული გაზეთზე, წლიდან წლამდე ყოველ დღე მარტოღმარტო ავსებდა მის გვერდებს, დილიდან საღამომდე რედაქციაში მუშაობდა, ღამეს კი სტამბაში ატარებდა და იმდენსაც არ ღებულობდა, რომ მაძღრისად ექამა და ზამთარში თბილად ჩაეცვა. ბოლოს მიაფურთხა გაზეთს, საერთოდ ყველაფერს, ეჩმიაწინს წავიდა, ბერად აღიკვეცა, შემდეგ არქიელად ექურთხა, დაიწყო წერილების წერა ქურნალ „არარატში“, კინალამ ეპისკოპოსობა და ეპარქიის უფროსობა მიიღო, სტომაქი, ცოტა არ იყოს, გამოებერა და გარდაიცვალა როგორც უცნობი და დავიწყებული ადამიანი.

მ ო მ ღ ე რ ა ლ ი ჯ ა ფ ი ნ ი ა ნ ი

ბოლოს გამოირკვა, რომ ამ გაფუყული სახელის კაცი დიდი უნიჭო ყოფილა, სმენაც კი არა ჰქონია, და როგორც მალე ამალღდა სახაზი-

* მე-19 საუკუნის დამლევს მეფის ნაცელად კავკასიაში თავადი გოლიცინი იყო. მისი ბატონობის დროს სომხებს ავიწროებდნენ, დაიხურა სომხური სკოლები, იღვენებოდა სომხური კულტურა.

ნო თეატრების სცენაზე, თავისი მართლაც მძლავრი ხმის წყალობით, ისევე სწრაფად ჩამოვარდა ძირს. ჯაფინიანს არ დავიწყებია თავისი წინანდელი დიაკნობა და ხანდახან თავის ამა თუ იმ გარდაცვლილ მეგობარს დაკრძალვის დროს კამეჩისებური ხმით „საუეუნო განსვენებას“ შეაწევს ხოლმე მიცვალებულის ახლობლების პატივსაცემად, რითაც გულს უჩუყებს მათ (მეტადრე ქალებს) და ცხარე ცრემლებს აფრქვევინებს. ცილინდრმა, წითელმა ჰალსტუხმა, მოზრდილი ბრილიანტით, და მალაქქუსლიანმა პრიალა ფეხსაცმელებმა რა ხანია ქირი მოგვამათ. მიუხედავად თავისი ასაკისა — დაახლოებით სამოცდახუთი წლისაა, ჯერ კიდევ ყოჩაღადაა და ახლა შეგიძლიათ ნახოთ მოლოპრილ თავზე შოფრის კეპით, უბრალო ბლუზით და დაკერებული ფეხსაცმელებით. დღენიდაგ დაძრწის სხვადასხვა კოოპერატიულ მაღაზიებში, რომ რამდენიმე კილო კარტოფილი მიიტანოს შინ ტილოს პარკით, რომელსაც ყოველ შემთხვევისათვის მუდამ თან დაატარებს. ამბობენ, თავს კერძო სიმღერის გაცვეთილებით ირჩენსო.

ს ა ხ ლ ი ს პ ა ტ რ ო ნ ი

ჩემი წერილის მთავარი მიზანი სწორედ ეს არის. მინდა განსაკუთრებით შევჩერდე მასზე და თქვენი ყურადღებაც სწორედ აქეთკენ მივაპყრო. შარშანწინ გარდაიცვალა. დაახლოებით სამოცდაათი წლის ასაკში. მისი სახით საფლავში ჩაესვენა ჩვენი ფუფუნებამოყირკებული ბურჟუაზიის ერთ-ერთი უკანასკნელი ტიპიური წარმომადგენელი. მისი ცხოვრების მარტივი დახასიათება რევოლუციამდე და შემდეგ ახალი მოთხრობის მაშალას მოგცემდათ თქვენ. მისი ცხოვრების აღწერას ამ წერილთან ერთად გადმოგზავნილ ჩემს რვეულში იპოვნით.

თქვენი პ ა ტ რ ი კ ი ა ნ ი

დავით ფომიჩ ალამიროვი

(პატრიკიანის რვეული)

შუატანის, ჯმუხის, ჩასხმული, ძალზე მკვირცხლი ვაჟაკი იყო, მუდამ კოხტად იცვამდა, ნაცრისფერი შაპო* ცოტა გვერდზე ეხურა,

* შაპო (ფ რ ა ნ გ.) — ქული.

თითები ბეჭდებით ჰქონდა დამშვენებული. ერთი მათგანი, მოზრდილ-ბრილიანტიანი, ცეცხლივით ელვარებდა. ფეხსაცმელებზე გვერდზე შესაყარავ თეთრ გამაშებს ჩმარობდა. ზამთარ-ზაფხულ ნაცრისფერ ხელთათმანებს ატარებდა, მაგრამ მხოლოდ მარცხენა ხელზე იცვამდა, მარჯვენა ხელისა ისე ეჭირა. ალბათ, ბეჭდები თუ უშლიდა ჩაცმას. დადიოდა სწრაფი და მტკიცე ნაბიჯით, მოკაუჭებული ხელჯოხი მკლავზე ეკიდა. ყვითელი პირისახე, გეგონებოდათ ბრინჯაოსაგან აქვს ჩამოსხმულიო, ფენა-ფენა ღრმა ნაოქებს დაეფარა თვალებთან და პირის კიდებთან. ბრინჯაოსფერი სახით და მეტადრე თვალების მახვილი და სერიოზული გამოხედვით ენერგიული, მტკიცე ნებისყოფის ადამიანის შთაბეჭდილებას ტოვებდა. არ ვიცი რატომ, ძალიან მეშინოდა იმისი სახისა და გამოხედვისა, როცა ბინის ქირას ღროზე ვერ ვუხდიდი და ამის გამო ან თვითონ ჩამოდიოდა ჩემთან, ან თავისთან მიძახდა, თუმცა არასოდეს ზრდილობის საზღვარს არ გადავიდოდა, ლაპარაკი მაინც მრისხანე და გამყინავი იყოლა.

ქალაქში იცნობდნენ საპნის ქარხნის მეპატრონედ. გარდა ამისა, რამდენიმე დიდი სახლი ჰქონდა, სავაჭრო დუქნებით. ერთ-ერთი სახლი სასტუმროს წარმოადგენდა. აქტიური წევრი იყო რამდენიმე აქციონერული ამხანაგობისა. ერთი ასეთი ამხანაგობა თვითონ დააარსა ბაქოში ნავთის საბადოების აღმოჩენის მიზნით.

თავისი სიმდიდრისა და სახელის წყალობით ყველა საზოგადოებრივ არჩევნებში პირველი კანდიდატაგანი იყო და მხარს უჭერდა კადეტების პარტიას... ამგვარად, ერთდღიანვე დროს, იგი ქალაქის საბჭოს წევრიც იყო, ბანკის დირექტორიც, კლუბის უფროსიც, საქველმოქმედო საზოგადოების გამგეობის წევრიც, სკოლის მზრუნველიც, ეკლესიის მამასახლისიც, და კიდევ... ვინ იცის რა არა. საკვირველი ის იყო, რომ თავისი დაუღვარევი ენერგიის წყალობით ყველგან ასწრებდა. ის სახლი, სადაც დავით ფომიჩი ცხოვრობდა, ორსართულიანი იყო და ქალაქის ყველაზე დასახლებულ სავაჭრო ქუჩაზე მდებარეობდა. მთელი ზემო სართული მსახურთა ოთახებრთ, სამზარეულოთა, აბანოთი, სათავსოებით სახლის პატრონს ეკავა, ხოლო ქვემო სართული ქუჩაში გამავალი ფართო და მაღალი დუქნებით, მთლიანად გაქირავებული ჰქონდა განთქმულ ვაჭრებზე, რომლებიც აქვე, ეზოში ცხოვრობდნენ. ისინი ყველა ცნობილი ვაჭრები იყვნენ, ზოგი ძვირფასი თვალ-მარგალიტით ვაჭრობდა, ზოგს საფუნთუშე ჰქონდა მოწყო-

ბილი, ერთ დუქანში ოპტიკური ხელსაწყოები იყიდებოდა, მეორეში აფთიაქი იყო, მესამეში—საუკეთესო ხილის ფარდული. ეზოში მობინადრეთაგან ყველაზე ღარიბი მე ვიყავი, ერთი ბებია ქალი თავისი მოხუცებული დედით და წვრილშვილიანი ებრაელი დედაკაცი, რომელიც ეზოს ჭიშკართან რკინა-კავეულით ვაჭრობდა — კლიტეები, მაკრატლები, დანები, საათები და სხვა. ამ საბრალო ღარიბ-ღატაკთა ბინებში ყველაზე ცუდი ოთახი ჩემი იყო — ნესტიანი, ბნელი, საერთო საპირფარეშოებთან მიკრული. სირცხვილიც იყო ოთახი ეწოდებინა ვინმეს, ადრე იგი სახლის პატრონის საქათმეს წარმოადგენდა თურმე, აუარებელ ქათმებს ინახავდა ოჯახისთვის (კუქის რომელიღაც ავადმყოფობის გამო ექიმებს აეკრძალათ ქათმის ხორცის გარდა სხვა ხორცის ჭამა), მაგრამ ვინაიდან ქათმების სკინტლის სუნს მდგმურები შეეწუხებინა, ამიტომ დავით ფომიჩს ქათმებისთვის სპეციალური ადგილი გამოეძებნა სხვენში, ყოფილი საქათმე კი ოთახად გადაუკეთებია და იმ პირქუშ დროში მე მომაქირავა.

დავით ფომიჩის ოჯახი დიდი არ იყო — თვითონ, მეუღლე და ქალ-ვაჟი. ორივე შვილს შინ ასწავლიდა დაწყებულ მუსიკით, გიმნაზიის სრული კურსით დამთავრებული. ფრანგული ენის მასწავლებელი ქალიც ცალკე ჰყავდა. ერთხანს სომხური ენის სწავლებაც მოიხურვა, რისთვისაც მე მიმიწვია, მაგრამ როგორც ვაჟმა, ისე გოგონამ კატეგორიული უარი განაცხადეს იმ მოტივით, ჯერ ერთი, სომხური ძალიან ძნელი ენააო, მეორეც, რაში გამოგვადგება ეგ „კროების“ ენაო (ოჯახში ლაპარაკობდნენ რუსულად და ფრანგულად).

ქალიშვილი ძალზე შეუხედავი იყო, მამასავით ყვითელი და უთუოდ ავადმყოფი. სისტემატურად, კვირაში ორჯერ, ექიმი დაიარებოდა მათ ოჯახში. მშობლები განსაკუთრებულ ყურადღებას აქცევდნენ ქალიშვილის მუსიკალურ ზმენას, თუ ვინაცობაა, ქუჩაში, ან ეზოში შეარღნე ან გარძონზე დამკვრელი გამოჩნდებოდა, მათი მსახურები მაშინვე გადევნიდნენ, რომ ქალიშვილის სმენა არ შებღალულიყო „ველური“ ხმებისგან.

ვაჟი, ძალზე სანდომიანი, ცქვიტი და ანცი ყმაწვილი იყო, იგი არ წააგავდა არც მამას, არც დედას და, რაც მთავარია, არც თავის დაიკოს, ამიტომაც ყველა უყვარდა, ყველა ეფერებოდა, ეალერსებოდა. საერთოდ, პირმიცემული იყო და სახლში ყველა ოინბაზობას სჩადიოდა. ჯერ ოცი წლისაც არ იქნებოდა, მაგრამ გიმნაზიის მთელ კურსს უკვე

დამთავრებულად თვლიდა და სწავლა აღარ უნდოდა. ჭიბე მუდამ ფულით ჰქონდა სავსე და როგორც მოეპრიანებოდა, ისე ფლანგავდა. რამდენჯერმე დიდი „სკანდალის“ გამო დაეპატიმრებინათ, მაგრამ მამის წყალობით განთავისუფლებულიყო. ქუჩაში რომ გავიდოდა, ქუდს კეფაზე გადაიდებდა და შუბლზე გადმოვარცხნილი ლამაზი ხუჭუჭა თმა მოუჩანდა.

რალა სათქმელია, რომ დავით ფომიჩი, როგორც შეძლებული კაცი, ძალიან მდიდრულად ცხოვრობდა. ყოველ ზაფხულს ოჯახით საზღვარგარეთ მიდიოდა, იქიდან ისეთი ნივთები ჩამოჰქონდა, ყველა სახტად რჩებოდა. იმ ნივთების უმეტესი ნაწილი უბრალო ხარახურა იყო, — მაგილაზე ან ბუხჩის რაფაზე დასაწყობი საგნები — უცნაური ფორმის და კონსტრუქციის საათები, ალბომები, ლარნაკები და სხვა. ერთხელ ძალზე ლამაზი მსუბუქი მანქანაც ჩამოიტანა, რომლითაც ოჯახის წევრებთან ერთად დასეირნობდა ხოლმე. მაგრამ ყველაზე თვალწარმტაცი ლუდოვიკოს — არ ვიცი რომლის — სტილით დამზადებული ავეჯი იყო, რომელიც პარიზში თავის სადარბაზო ოთახისთვის შეეკეთა. ბაჭიბუქით ამბობდა, მარტო მაგიდა, დივანი და ორი სავარძელი ათიათასი მანეთი ღირდა. ძალიან უყვარდა მეგობრების წრეში იმ ეპიზოდის მოყოლა, პარიზში ყოფნის დროს რომ გადახდენოდათ.

— ერთ საღამოს ბულონის ტყეში ვისხედით. იცით, ალბათ, ამ ტყეში როგორი საზოგადოება დადის საჭეირნოდ — მდიდარი, წარჩინებული ხალხი. ჩემმა ცოლმა უყურა, უყურა, მერე ღრმად ამოიოხრა და თქვა: „ეჰ, ჩვენც ვიტყვით ვცხოვრობთო და ესენიც!“.

მოვიდა თავზარდამცემი ომი. ერთადერთი ზარალი, რაც დავით ფომიჩმა განიცადა, ის იყო, რომ სამხედრო საჭიროებისათვის მსუბუქი მანქანა ჩამოართვეს. ძალიან გულნატკენი დარჩა დავით ფომიჩი, მაგრამ რა ექნა! მას ერთი სხვა დარდიც აწუხებდა, შეიძლება შვილი ჯარში გაეწვიათ და საპაქლოზე წაეყვანათ. ეს საშიშროება რომ თავიდან აეცილებინა, შვილი სასწრაფოდ იუნკერთა სასწავლებელში მოაწყო და ისე მოახერხა, რომ ომის დამთავრებამდე ზურგში დატოვა, თვითონ კი, როგორც „ცნობილი საზოგადო მოღვაწე“, საქალაქო გაერთიანებაში რომელიღაც დიდი თანამდებობა დაიკავა და მისთვის ნაცნობი ფანდებით კარგა მოითბო ხელი. მაგრამ, როცა თურქებმა სარიყამიშარადაჰანის ფრონტი გაარღვიეს და თბილისისკენ აპირებდნენ გამოლაშქრებას, დავით ფომიჩი ერთ-ერთი პირველთაგანი იყო, ნიკოლოზ

II-ის კვალდაკვალ, ოჯახით ჩრდილოეთისაკენ რომ გაიქცა, საიდანაც მასამდე არ დაბრუნდა, ვიდრე თურქებს არზრუმისკენ არ დაახევინეს და კავკასიის ფრონტი საესეებით არ უზრუნველყვეს.

თურქების დამარცხებამ ისე აღაფრთოვანა დავით ფომიჩი, რომ დაუცხრომლად დაიწყო მონაწილეობის მიღება სომეხ მოხალისეთა რაზმების შექმნისათვის საპირო ფონდის—„ერთი სომეხი — ერთი ოქრო“ — შეგროვებაში. ხოლო როცა ანდრანიკს გენერალ-მაიორის წოდება ებოძა, ამის აღსანიშნავად დავით ფომიჩმა მდიდრული წვეულება გამართა.

კავკასიის ფრონტზე რუსული ჯარების ზედიზედ მოპოვებულ წარმატებებს დავით ფომიჩი საერთოდ სომეხ მოხალისეთა რაზმებს მიაწერდა. მამულის მოყვარეობის საღერღელაშლილი ისე გაფუყული დადიოდა, ვინც უყურებდა, უმალ ახსენდებოდა კრილოვის არაქიდან ბუზი, სახნავიდან მომავალი ხარის რქაზე რომ იჯდა და ტრაბახობდა: „ჩვენც ვხნავდითო“.

შემდეგ მოხდა თებერვლის რევოლუცია, და დავით ფომიჩს ცოტა ცივი წყალი გადაესხა, მაგრამ ერთი ბეწვიც არ დაჰკლებია. იმ დროს, როცა ჩვენ სიმინდის ან ქერის პურს ძლივს ვშოულობდით, დავით ფომიჩის ოჯახი ფრანგულ ფუნთუშებს მიირთმევდა.

მაგრამ აი, უეცრად პეტროგრადიდან ოქტომბრის გუგუნმა შოალწია, და დავით ფომიჩს უნებლიეთ გაატრა სხეულში გაურკვეველი შომაგლისადმი შიშის გამო. იმ მომავლის წინაყარი აღმოჩნდა კავკასიის ფრონტის გამიშვლება და თურქების შეტევაზე გადმოსვლა. შიშით დაზაფრული დავით ფომიჩი თავიანი ოჯახით ხელშეორედ გაიხიზნა ჩრდილო კავკასიაში. იქიდან იმ დროს დაბრუნდა, როცა ინგლისელებს თურქები და გერმანელები გაერეკათ, ამიერკავკასიაში დამკვიდრებულ იყვნენ თავიანთი უნიფხო შოტლანდიელებით, ინდური ხურჩით, აუარებელი ჯორებით და „დაჰყავი და იბატონე“ პოლიტიკას ატარებდნენ. ინგლისელების ბატონობის დროსაც დავით ფომიჩი ცუდად არ გრძნობდა თავს. მაღალი წოდების ზოგიერთ საწმენდრო პირებთან მეგობრობდა კიდევ და ხშირად სტუმრად მოჰყავდა სახლში.

იყო ერთი მომენტი, როცა იმედოვნებდა — დაშნაკელები სომხეთში მალე ფინანსთა მინისტრის თანამდებობაზე მიიწვევდნენ, მაგრამ გულის წუხილით შეიტყო, რომ ოქტომბერი ჩრდილოეთიდან უკვე ბაქოში მობრძანებულიყო. მერე ხმა დაირხა, ერევანში მისულაო და მა-

ლე თბილისში ამოჰყოფს თავსო. ეს ამბები ისე სწრაფად და თავბრულდამხვევი სიჩქარით ხდებოდა, რომ დავით ფომიჩმა თავისი საქმეების მოგვარება ვერ მოასწრო, მხოლოდ ის მოახერხა, რომ ცოლი, ქალიშვილი და ვაჟი ინგლისელებთან ერთად საზღვარგარეთ გააგზავნა, თვითონ კი აქ დარჩა, რომ საქმეები მოეგვარებინა და ხელსაყრელ წუთებში თავისიანებს კვალდაკვალ მიჰყოლოდა.

ეს ხელსაყრელი წუთი უნდა ყოფილიყო ბოლშევიკების თბილისში შემოსვლის წინა დღე. როგორც შემდეგ თვითონ დავით ფომიჩი მომიყვა, მეგობარი ინგლისელი, რომელიც აქ დარჩენილიყო მენშევიკების მრჩეველად, დავით ფომიჩს შეჰპირებოდა, თან წაგიყვანო, მაგრამ პანიკით შეპყრობილს ან დავიწყებოდა, ან დრო არა ჰქონდა შეეტყობინებინა მისთვის და მენშევიკებთან ერთად ორი დღით ადრე გაქცეულიყო. ეტყობა, ბოლშევიკების თბილისში შემოსვლის დღე ზუსტად ვერ განესაზღვრა.

ამრიგად, დავით ფომიჩს ინგლისზე ჰქონდა იმედი დამყარებული, ღამე მშვიდად სძინებია, მაგრამ თებერვლის სუსხიან დილას რომ ამდგარა, უნახია, ოქტომბერი უკვე თბილისშია, ხოლო აღარც ინგლისელი ჩანდა და აღარც მენშევიკი. თავი ხაფანგში მომწყვდეული თავვივით უგრძენია, თურმე აქეთ-იქით ეხეტეებოდა, რკინის სიმებზე დრუნჩის მიხლა-მოხლით სულ გასისხლიანებულა, მაგრამ ამოდ. ბოლოს დარწმუნებულა, რომ ხსნა აღარ იყო და თვალებგადმოკარკლული გარღუვალი აღსასრულის მოლოდინში ყოფილა.

აღსასრული კი მართლაც უახლოვდებოდა, პირველად ნელ-ნელა, შემდეგ უფრო სწრაფი და მტკიცე ნაბიჯით.

პირველ ყოვლისა, გაცამტვერდა ქალაქის საბჭო, ბანკი, საკრებულო, აქციონერთა ამხანაგობები — ეს ყველაფერი სიზმარივით გაითანტა და დავით ფომიჩმა თავი წყლიდან ხმელეთზე გადმოგდებული თევზივით იგრძნო. შემდეგ თანმიმდევრობით ჰაერში გაითანტა მისი პირადი ქონება: პირველ რიგში საჰნის ქარხნის ნაციონალიზაცია მოახდინეს, მერე სასტუმროს, შემდეგ ერთი სახლის, მეორის, მესამის, და ბოლოს ჯერი მიღვა იმ სახლზე, სადაც თვითონ და ჩვენი ეზოს ბინადრები ვცხოვრობდით.

ყველაზე მეტად ამ სახლზე ფიქრისას ცახცახებდა, რადგან მარტო ოთახების მოწყობილობა, ძვირფასი ავეჯი ერთ რამედ ღირდა, ის კი ვერაფრის გადამალვას ვერ ახერხებდა. რაც ოქრო, ვერცხლი და ძვირ-

ფასი ნივთები ჰქონდა, ოთახის ერთ განჯინაში მოეთავსებინა, და საგანგებოდ მოემზადებინა საზღვარგარეთ გასაგზავნად, მაგრამ არ დასცალდა. ეს ყველაფერი გამოირკვა იმისი გარდაცვალების შემდეგ, როცა სახლის შექეთება დაიწყო.

საპნის ქარხნის, სასტუმროს, დანარჩენი სახლების ნაციონალიზაციის შემდეგ უნდოდა ეს უკანასკნელი სახლი მაინც როგორმე გადაერჩინა და სირაქლემას „გაიძვერობას“ მიმართა: პირველ ყოვლისა, საღარბაზო შეასვლელზე გაკრული თუნუქის ფირფიტა, რომელზეც ოქროს ასოებით იმისი სახელი და გვარი ეწერა, ჩამოგლიჯა, მერე კარებზე გაყვანილი ელექტრონის ქსელი მოშალა, კარები მაგრად ჩაეკეტა და ეზოდან დაიწყო სიარული. ქუჩის მხარეს ყველა ფანჯარა და დარბაზი ნიადაგ დახურული ჰქონდა. ყველა მსახური დაითხოვა. დღე არასოდეს შინ არ იყო, დილაადრიან მიდიოდა, ვინ იცის სად, და გვიან ღამე ბრუნდებოდა. ისედაც ბრინჯაოსფერი სახე მთლად გაუყვითლდა, ნაოქები უფრო მოშვებოდა და პარკებივით ეკიდა, შაპოს გვერდზე აღარ იხურავდა, თვალბზე ჰქონდა ჩამოფხატული, ბეჭდები სადღაც გამქრალიყო, მაგრამ ხელჯოხს და ხელთათმანებს ძველებურად ატარებდა. წინათ ეზოს ბინადართ ან ნაცნობებს გამოელაპარაკებოდა ხოლმე, მაგრამ ახლა მღუპარედ ესალმებოდა და ისევე ჩუმად გაივლიდა.

საბოლოოდ, საერთო წესით, უკანასკნელ სახლსაც ნაციონალიზაცია გაუკეთეს და რომელიღაც დაწესებულება შესახლდა. ჩამოართვეს ოთახების მთელი მოწყობილობა, მათ შორის ლუღოვიკოს სტილის მაგიდა და სავარძლები. როცა დავით ფომიჩმა დაკარგა მთელი სიმდიდრე, პატივი, და თავდაც შეურიგდა ამ მდგომარეობას, მაშინდა დამიმეგობრდა, ხშირად მინახულებდა ხოლმე და ჩივილით მეუბნებოდა, მართალია, პირველ ხანებში ძალიან ვწუხდი სახლის დაკარგვას, მაგრამ არ მეგონა თუ საცხოვრებელ ბინასთან ერთად ავექსაც ჩამომართმევდნენო.

— თორემ, — დაუმატებდა, — წინააწარ რომ მცოდნოდა, მაშინ ერთ ბეწვსაც არ გაუშვებდი, თვალში გასაყრელ ბეწვს. ღარიბი ნათესავეები ბევრი მყავს, ყველას გაუუნაწილებდი, თითო რამეს მივცემდი, თქვენ მოგცემდით, მეეზოვეს, ერთი სიტყვით, ძაღლსა და ღორს ვაჩუქებდი, ოღონდ ისინი არ დაპატრონებოდნენ ჩემი ოჯახისათვის ჩემი გემოვნებით შეძენილ მოწყობილობასა და ავეჯს.

დავით ფომიჩს ნება დართეს თავისი საჭიროებისათვის აედო ყველაზე საჭირო ნივთები, ტანსაცმელი და მიუჩინეს სამზარეულოს გვერდით ის ოთახი, სადაც წინათ ღამეს ათევდნენ მზარეული და მსახურები. თავდაპირველად ეს დამცირება დავით ფომიჩმა შეუღრეკლად გადაიტანა, თუმცა გულის სიღრმემდე ნაწყენი იყო. უწინდელივით ყოველ დილას სადღაც მიდიოდა და გვიან ღამით ბრუნდებოდა. არავის ელაპარაკებოდა, არც ესალმებოდა. იმის ოთახის გვერდით — სამზარეულოში — ცხოვრობდნენ დაწესებულების ორი მსახური — შიკრიკი მეუღლით. იგი ოთახებს ალაგებდა და დაწესებულების მოსამსახურეებს ჩაის უმზადებდა. დავით ფომიჩს მეზობლები ვერ აეტანა და უფრო იმათ გაუარბოდა.

ამის შემდეგ უკანასკნელ წლამდე ამ სახლში ბევრი ცვლილება მოხდა; ერთი დაწესებულების ნაცვლად მეორე მოვიდა, მერე ესეც წავიდა, სახლი საბოლოოდ „ეკატს“* გადაეცა. ღუქნები მუშაობა დაიკავეს, კერძო ვაჭრები განდევნილ იქნენ თავიანთი ბინებიდან, მათ ოთახებში მუშები ჩასახლდნენ, სხვათა შორის, — დავით ფომიჩის საპნის ქარხნის რამდენიმე მუშა ცოლ-შვილით; ზემო სართულში დაბინავდნენ პასუხისმგებელი საბჭოთა მოსამსახურეები, ხოლო დავით ფომიჩი ზემოდან ქვემოთ გამოისტუმრეს და ჩემს ყოფილ ოთახში მოათავსეს, უფრო სწორად, თავის ძველ საქათმეში, საიდანაც მე, ცოლის შერთვის შემდეგ, რა ხანია, იმავე ეზოში, უფრო კარგ ბინაში ვიყავი გადასული.

ეს შეურაცხყოფა კი ვედარ აიტანა დავით ფომიჩმა, ამპარტავან გულში დაგროვილი შეურაცხყოფისა და დამცირების შხამი ერთიანად ამოანთხია. სასტიკად განრისხდა, ცოფებსა ყრიდა, ჩასისხლიანებულ თვალებს აბრიალებდა, ფეხებს აბაკუნებდა, იმუქრებოდა, მე მაგათ ვაჩვენებ სეირს, წავალ, ვუჩივლებ სადაც ჯერ არსო, მაგრამ იმის მუქარას მხოლოდ სიცილით პასუხობდნენ, და იქვე ჩააგონებდნენ, ესლა აღარც პრისტავი არის, აღარც გუბერნატორი, სადაც გინდა იჩივლო, ყველგან ჩვენსავით მუშებს შეხვდები და იპინიც სასაცილოდ აგიგდებენო, ამიტომ ურჩევდნენ, უმჯობესია ჩუმად იყავ, შენს ტყავში დაეტყე, თუ არ გინდა ეს ბინაც დაკარგო და ქუჩაში დარჩეო.

ამ რჩევა-დარიგების შემდეგ დავით ფომიჩი თუმცა დაჩუმდა, მაგ-

* ეკატე — ბინის დაქირავების კოოპერატიული ამხანაგობა.

რამ თავის ტყავში მაინც ვერ დაეცია. რამდენიმე დღე გაუჩინარდა, სულ არ გამოჩენილა. სად იყო, რას აკეთებდა — არავინ იცოდა. მხოლოდ ერთ დილას მოვკარი თვალი, თავის საქათმეში დაფუსფუსებდა. ჩემს შეკითხვაზე, დავით ფომიჩი რას აკეთებს-მეთქი, მეეზოვე პოლოს-მა სიცილით მიპასუხა:

— რა უნდა გააკეთოს, თავის ხარა-ხურას აწესრიგებს. ნათქვამია, რო მოშივა — შექამსო.

ამჟამად, როგორც ამბობენ, იგი ერთბაშად მოტეხილი ჩანდა, დაბერებული, წელში მოხრილი. ისე მაგრად ამოედოთ ლაგამი, რომ თავის აწევის ძალა აღარ შესწევდა. მოყვითალო სახე თანდათან უშავდებოდა, მუდამ კობტად გაპარსულ პირისახეს უხეში თეთრ-შავი ბალანი უფარავდა, უწინდელი ლამაზი დაუთოებელი ტანისამოსი დაკმუჭვნოდა და ზედ ჩამოხეთილი საკმელების კვალი აჩნდა, მშვენიერი შაპოს ნაცვლად თავზე რაღაც უბრალო ქუდი ედო.

ხანდახან, დამლაშობით, მის ფანჯარასთან გავლის დროს, ნახავდით მაგიდას უჯდა, ცხვირზე სათვალე ეკეთა, რაღაცას წერდა. ალბათ, საზღვარგარეთ თავის ოჯახის წევრებს წერილებს უგზავნიდა. მაგრამ უფრო ხშირად საზოგადო ბაღში ნახავდით, თავისავით გახუნებულ ნაკაცარებთან, ერთ მივარდინლ კუთხეში მშვიდად მოსაუბრეს. ბაღის ეს კუთხე მათი თავშეყრის ადგილი იყო, სადაც ყოველ დღე ერთსა და იმავე საათებში მოდიოდნენ, მიჩენილ მერხზე სხდებოდნენ ერთმანეთის პირდაპირ, იგონებდნენ წარსულ დღეებს და აწმყოსა და მომავალზე წინასწარმეტყველებდნენ. მათ შორის იყო ერთი ყოფილი გენერალი, ოდესღაც წითელსარჩულიანი უეპოლეტებო მაზარით, ერთი პოლკოვნიკი, სამოქალაქო იაფფასიანი პალტოთი, ჩინოვნიკის მოძველებულქუდიანი მოხელე, რომელსაც კოკარდის ადგილას გახუნებული მაუღის ლურჯ ფონზე ნახვრეტი თეთრად მოუჩანდა. ამ ანტიკურ სამყაროს ეკუთვნოდნენ ყოფილი დიდი კომერციული სახლის წარმომადგენლები, ნოტარიუსი, მოსამართლე, ბორისის ერთი მაკლერი და ოდესღაც მდიდარი მრეცლის მღვდელი. მას ანაფორა გაეხანდა, პალტო ჩაეცვა, მაგრამ წვერ-ულვაში გაეშვა და მიცვალებულთა კურთხევის დღეებში სასაფლაოზე გარბოდა, თუმცა საფლავის კურთხევით დიდად არ აწუხებდნენ.

ერთხელ დავით ფომიჩს მეეზოვე პოლოსა გამოეგზავნა ჩემს მეუღლესთან და დაებარებინა, ნემსი და ძაფი მათხოვეო. როცა ვკითხე,

რად უნდა-მეთქი, პოლოსმა მიპასუხა, შარვალზე ღილი უნდა დაიკე-
როსო.

— ძაფი ავაგეო, — თქვა მან, — მაგრამ თვალი აღარ მიჭრის და
დავკარგეო. — ახია მაგაზე, — გულიანად დაუმატა მეეზოვემ. ცოლ-
შვილს ზაგრანიცაში რაღა გზავნიდა? ბალშევიკები ხომ არ შესჭამდ-
ნენ იმათ? საცა თვითონ იქნებოდა, ისინიც იქა ჰყოლოდა. ეგ საქმეა
განა, რომ შინ ღილის დამკერებელიც არა ჰყავს? მარტოდმარტო დარ-
ჩა ბაიყუშივით. ცუდი კაცი იყო და ცუდადაც ითვლის თავის უკანასკ-
ნელ დღეებს. ოცი წელი ძალღვივით მიმსახურა. მუქთად. რამდენი ვეხ-
ვეწე, ვემუდარე, ერთი ოთახი მომეცი, სარდაფიდან ცოლ-შვილს ამო-
ვიყვან, სინათლის ღირსს გავხდი-მეთქი, მაგრამ არა ქნა და არა, სულ
ამას გაიძახოდა, შენი შვილების აყალმაყალის თავი არა მაქვსო. ძა-
ლიან კარგია, რომ იქიდან იფრინეს და თავგის სოროში შეაძვრინეს.
დაე გაიგოს ჩვენისთანების ყადრი. მაგრამ რაღა დროს? წარსული
უკან დარჩა და ეხლა იმ საქათმეში მოკუნტულს რო ვხედავ, მეცოდე-
ბა. ხანდახან პურსა მთხოვს, ვაძლევ. პურის „ქნიყკა“ არა აქვს.

— ნუთუ მართლა პურის ფულიც არ აქვს? — გამიკვირდა.

— ე, მაწავლებლო, რას ამბობ, როგორ არ ექნება? ნათქვამია —
აქლემი ისე არ დავარდება, ვირის საპალნე ვერა ზილოსო.

— მაშ პურს შენ რაღად გთხოვს?

— უნდა გვაჩვენოს, ნახეთ, ნახეთ ბალშევიკებმა საწყალი მოხუცი
რა დღეში ჩამაგდესო. ძალიან დაქოქილი ქოფაკია, ლაპარაკი ზედმეტია.

დავით ფომიჩი, ის კაცი, რომელიც წინათ მე, საწყალ მასწავ-
ლებელს, უბრალო სალამსაც არ მაძლევდა, ცდილობდა ჩემთან ნელ-
ნელა დამეგობრებას. პირველად, მეტწილად ცივ და წვიმიან ამინდში,
როცა ვერსად მიდიოდა, საღამოობით ჩემთან შემოვივლიდა ხოლმე
გასათბობად და დროის მოსაკლავად. კარგა ხანს რჩებოდა, უძილობას
უჩიოდა; კითხულობდა, საერთოდ, საზღვარგარეთთან საფოსტო მი-
მოწერა თავისუფალია თუ არაო?.. ჩემს ცოლს ეცოდებოდა, ჩაითა და
რაც ოჯახში მოგვეპოვებოდა, იმით უმასპინძლდებოდა. ჩემი კომკავ-
შირელი ვაჟიშვილი ამას ვერ იტანდა, თუმცა, უნდა ითქვას, მეტწი-
ლად შინ არც იყო ხოლმე, საღამოობით მუშფაკში დაიარებოდა და
არა ხედებოდა მას.

შემდეგ ხანებში დავით ფომიჩმა ისე მოუხშირა ჩვენთან სიარულს,
რომ უკვე აუტანელი გახდა. თითქმის ყოველ დღე ჩვენი სტუმარი იყო,

და ბოლოს ჩემს ცოლსაც მობეზრდა. „ჭირი გახდა ჩვენ თავზე“? — გაიძახოდა იგი, მაგრამ მაინც პატივსა სცემდა.

დავით ფომიჩი ჩვენ სახლში ძალიან ფრთხილად ლაპარაკობდა ბოლშევიკებზე, იცოდა ჩემი უფროსი შვილი მაისის აჯანყების დროს როგორც ბოლშევიკი მსხვერპლად რომ შეეწირა, მეორე შვილიც ბოლშევიკი იყო, სამაზრო ინსტრუქტორი, უმცროსი შვილი კი — კომკავშირელი, თუმცა მას ბავშვად სთვლიდა და ყურადღებას არ აქცევდა. მაგრამ როგორც კი ძველი დარღები გაუახლდებოდა, თავს ვედარ იკავებდა. ლანძღვა-გინებით იხსენიებდა ბოლშევიკებსაც, საბჭოთა ხელისუფლებასაც, ყველა მეფესაც და განსაკუთრებით ნიკოლოზ II-ს. გაცოფებული დავით ფომიჩი პირდაპირ საფლავიდან იღებდა და ძაღლების კერძად ხდიდა ნიკოლოზ II, კადეტებს არ დაუჯერაო, ევროპული პარლამენტური წესები და პასუხისმგებელი სამინისტრო დროზე არ შემოიღო, სახელმწიფო სათათბირო გარეკაო და სხვა.

— მას რომ თავის დროზე შეესრულებინა კადეტების მოთხოვნილებანი, — ამბობდა დავით ფომიჩი, — არც რევოლუცია მოხდებოდა, არც მენშევიკ-ბოლშევიკი იქნებოდა, არც სავეტ-მავეტი, არც ჟაკტი-მაკტი და თითონაც ძაღლების კერძი არ გახდებოდა.

დავით ფომიჩი ღრმა სიძულვილით იხსენებდა მეტადრე ჟაკტს და „თავის“ სახლზე ჩიოდა: დღეღღებზე კერანდება სახლი, სახურავიდან წვეთი ჩამოდის, წვიმისაგან ღარები დაუხანგდა, დაცხავდა, ზოგიერთი კიდეც ჩამოვარდა, წვიმის წყალი კედლებზე დის და კედლები ჩამორეცხილია, შენობა ნამიანდება, მდგმურებიც უწესო, დაუდევარი ხალხია, ფანჯრების მინებზე ამსხვრევენ, თუნუქის ღუმელებს ანთებენ ოთახებში, მიღები ფანჯრებიდან გამოუყვიათ, კედლის კარნიშები გამურულია და სხვადასხვა, ყველაფერ ამაა კი ჟაკტი ყურადღებას არ აქცევსო.

— კარგი და, მერე თქვენ რა, დავით ფომიჩი? — ეუთხარი ერთხელ: როცა კვლავ დაიწყო ჩივილი, — სახლი ხომ თქვენი აღარ არის!

სიბრაზისგან ანთებული თვალებით შემომხედა, ისე, როგორიც მია ნეტარ დროს მინახავს წარსულში, როცა რაიმე საქმეზე გამშაგდებოდა ხოლმე.

— სახლი ჩემი იყო და ჩემი იქნება, — მძიმედ დასძინა მან განსაკუთრებული მახვილის დასმით სიტყვა „ჩემზე“. თან ყოველ „ჩემის“ თქმაზე მაგიდაზე მაგრად დაჰკრავდა ხოლმე მუშტს.

— ეგ როგორ, დავით ფომიჩ?

— მე ვიცი, როგორც, — და „მე“ ნაცვალსახელი განსაკუთრებული იღუმალებით გაიმეორა.

— მერე და როდის, დავით ფომიჩ? — განვაგრძობდი გამოკითხვას. მე უკვე სიამოვნებას მგვრიდა იმის უაზრო მტყიცებანი.

— როცა დრო მოვა, — იმავე იღუმალებით მიპასუხა მან.

— ეგ დრო როდის მოვა?

— მალე, მალე. რადგან არ შეიძლება ქვეყანას დიდხანს განაგებდნენ ავაზაკები.

ამჯერად სიტყვა „ავაზაკები“ განსაკუთრებული სიშმაგით წარმოთქვა და ჩანდა, კვლავ აპირებდა რალაციის თქმას. რომ უეცრად ხმაურით გაიღო მეზობელი ოთახის კარი და შემოვიდა, უფრო სწორედ, შემოვარდა ჩემი კომკავშირელი ბიჭი. ეტყობა, სახლში ყოფილიყო, ჩვენი ლაპარაკი მოესმინა მეზობელი ოთახიდან, მე კი არაფერი ვიცოდი. ასე რომ შემოვიდა და იმის ანთებულ თვალებს შეეხედე, მაშინვე მიგზვდი დავით ფომიჩის მიერ ნათქვამ „ავაზაკებს“ აელელებინა.

არც შეემცდარვარ.

ჩემი შვილი ჩიქურ მივიდა დავით ფომიჩთან, წინ დაუდგა და შეეკითხა:

— ვინ არიან ეგ „ავაზაკები“?

იმის ხმაში შეკავებული სიბრაზე და საბრძოლო ორღესული რეკდა. დავით ფომიჩმა წარბებიდან მრისხანედ გამოხედა და წყნარად უპასუხა:

— შენ არ გელაპარაკებიან, ჯერ ბავშვი ხარ.

ჩემი ბიჭი გაცეცხლდა, გადაირია. შემეშინდა მოხუცს ხელი არ შეახოა-მეთქი.

— არა, მე მელაპარაკეთ, მე! — შეჰყვირა ახალგაზრდული თამამი ხმით. — მამაჩემი ჩაგიხელებია და იმას ელაპარაკები? გინდა ლამის გადაიბირო? მე მელაპარაკე, ჩვენ გველაპარაკე, ჩვენ, გესმის! ჩვენა ვართ — თქვენ რომ ბავშვები გგონივართ — ისინი, ვინც ანგარიშს გთხოვენ და გსჯიან თქვენ და განგსჯით მანამდე, ვიდრე დედამიწის ზურგიდან არ აღგგვით თქვენი შთამომავლობიანად. ავაზაკებიო, ამბობთ. თქვენზე დიდი ავაზაკები? თქვენ ხომ მთელი საუკუნეების მანძილზე წურბელასავით წოვდით მუშების სისხლს, მათ ნაოფლარს ით-

ვისებლით, თქვენთვის სასახლეებს იგებლით, გარყენილ ცხოვრებას ეწეოდით და გათახსირებულ შთამომავლობას იმისთვის ამზადებდით, რომ თქვენი საძაგელი საქმე განეგრძო.

ცალკე მე, მეორე მხრივ ჩემი მეუღლე, რომელიც ამ ყვირილზე შემოასულიყო, ეცდილობდით შვილის დამშვიდებას, გვინდოდა გარეთ გაგვეყვანა, მაგრამ იგი მხრებით გვიგერიებდა, აქეთ-იქით გვახლიდა და სიბრაზისგან ვაცეცხლებული, კომკავშირული შემატებით, მძიმე უროსავით ურტყამდა თავის ფილიპიკებს დავით ფომიჩს — ბურჯუაზიას.

ბოლოს, როგორც იქნა, ჩემმა მეუღლემ მკლავში ჩაავლო ხელი და თითქმის ძალით გაიყვანა მეორე ოთახში.

გადავხედე დავით ფომიჩს. იგი გამოთავყვანებული შემომტკეროდა, თავს ძალუმაღ აკანტურებდა. მთელი სხეულით ხან შეხტებოდა, ხან გაქვავდებოდა. ამ მდგომარეობაში იყო რამდენიმე წუთი, შემდეგ წამოდგომა დააპირა, მაგრამ ერთბაშად ვერ მოახერხა, ორი ხელით დაეყრდნო მაგიდას, დამძიმებული ტანი ძლივს აიტანა და მოხუცებულის მერყევი ნაბიჯებით უსიტყვოდ გავიდა გარეთ.

ეს იყო და ეს, ამის შემდეგ ჩვენ სახლში ფეხი აღარ შემოუღვამს. როცა ჩემს შვილს ვუწყავედურებდი, რას ჰკავს შენი საქციელი, და ვუთხარი, დავარდნილს აღარა სცემენ-მეთქი, პირდაპირ მომახალა, შემარიგებელი პოლიტიკის ადამიანი ხარო, მაგისტანებს კი მარტო ცემა არ ეყოფათ, ფეხქვეშ უნდა ჩაიგდო და გასრისო, რომ ველარ წამოღგნენო.

— თორემ, თუ ადგნენ, მამაჩემო, ვაი შენც, ჩვენც და იმათაც, ვინც ძლივს განთავისუფლდა ამათი მარწუხებიდან, — დაუმატა მან.

ამ შემთხვევის შემდეგ რამდენიმე თვემ გაიარა. ამ ხნის განმავლობაში იშვიათად ვხედავდით დავით ფომიჩს, წარმოიდგინეთ, ეზოშიც კი არა ჩანდა. თუ პირდაპირ შეეხვდებოდით, ისე ექირა თავი, ვითომ ვერ დამინახა, და გვერდს ამივლიდა. ძალიან შემომწყურალი იყო.

ერთ დღეს, როცა სადილის საქმელად შინ დავბრუნდი, ცოლმა მითხრა, ამ რამდენიმე საათის წინ დავით ფომიჩს დამბლა დაეცა, ეს-ეს არის სასწრაფოთი საავადმყოფოში წაიყვანესო.

ამის მიზეზი უთუოდ იმდღევანდელ გაზეთებში დაბეჭდილი დეპეშა იყო, რომელიც მოაკოვიდან სააგენტოს გადმოეცა. მე იგი იმ დღით წავიკითხე. დეპეშა ეხებოდა სახელმწიფო პოლიტსამმართვე-

ლოს მიერ შეპყრობილ ტერორისტული ჯგუფის გასამართლებას. ამ ჯგუფის მონაწილეები, რომლებსაც სხვადასხვა დროს ყალბი პასპორტებით გადმოელახათ საზღვარი, გამოგზავნილი იყვნენ საზღვარგარეთ მოქმედ რუჰი მონარქისტების ორგანიზაციისაგან ტერორისტული აქტების მოსახდენად და ჯაშუშობისათვის. გასამართლების შემდეგ მათ მიესაჯათ სოციალური დაცვის უმაღლესი ზომა — დახვრეტა. დეპეშაში სათითაოდ მოხსენებული იყო დახვრეტილების სახელი, გვარი და ვინაობა. მათში ერია აგრეთვე დავით ფომიჩის შვილი, ყოფილი იუნკერი. ამ გაზეთის ნომერი დავით ფომიჩს ხელში სკეპროდა, როცა დამბლა დაეცა.

საღილის დროს ჩვენი ლაპარაკის თემა ეს შემთხვევა იყო.

— ნახე, მამა, ვის იცავდი? — მომახალა კომკავშირელმა ბიკმა.

გამეცინა. არ ვიცი საიდან მოუფრინდა ეს აზრი, რომ მე ვიცავდი დავით ფომიჩს, საერთოდ იმისთანებს და მათ გველურ შთამომავლობას!..

ცნობისმოყვარეობამ წამძლია და ერთხელ საავადმყოფოში წავედი დავით ფომიჩის სანახავად.

დამბლას სხეულის ნახევარი წაერთმია მარცხენა მხრიდან მარცხენა ფეხამდე. სახე ისე დაღრეჯოდა, ძლივს ვიციანი. მარჯვენა თვალი დაპატარაებოდა, ხოლო მარცხენა ისე გადიდებოდა და დამახინჯებოდა, რომ შემზარავი სანახავი იყო. თვალის კაკალი ქუთუთოებიდან ამოწეულიყო, ირგვლივ ბუნდოვანი თეთრი გარსი ერტყა, მაგრად მოხარშული კვერცხის ცილასავით და სულ გაქვავებოდა. ნახევარი პირი მალა აბრეცოდა, ნახევარი ძირს ჩამოვარდნოდა და დორბლი სდიოდა. ვეღარ ლაპარაკობდა, თითო-ოროლა სიტყვას ამოთქვამდა, ისიც გაუგებარს. როცა ვკითხე, რა გინდა-მეთქი ძლივს წამოილულულა:

— სსკ-ლი... სსკ-ლი...

რომ გაეგებინებინა, რა უნდოდა, მარჯვენა თვალი დახუჭა, ხელი ასწია. მივხვდი, უნდოდა ეთქვა — „სიკვდილი, სიკვდილი“. ცოტა ხნის სიჩუმის შემდეგ კვლავ ამოილულულა:

— რო... მო... ვ... კ... დე... ტ... რ... ტ... ით... და... მ... ხე...

დიდხანს ვერ მივეუხვდი. მანაც დიდხანს იწვალა, სანამ სხვადასხვა ნიშნებით ძლივს გამაგებინა, რის თქმა უნდოდა: „როცა მოვკვდე, ტერტერით დამმარხეთო“...

— დავით ფომიჩ, — მივუბე, — როგორც ვიცი, თქვენ ლიბერალი კაცი ხართ, ტერტერ-მერტერს არა სცნობდით, თუმცა ეკლესიის მამასახლისი იყავით. ეგ როგორ მოხდა, მღვდლით რომ გინდა დაიმარხოთ, მერე ეხლა, როცა მღვდლით და წირვა-ლოცვით არავინ იმარხება?

დახუჭული თვალი უეცრად აეხილა, მრისხანების მსგავსმა რაღაცამ გაიღევა მის სახეზე და დამბლიაგან წართმეულმა ენამ მოულოდნელად ჩქარ-ჩქარა წაილულლულა:

— ბ... ბო, ჯი... ბრ, ბ... ბოჯი... ბრ... — ამ ნაწყვეტ-ნაწყვეტი სიტყვების აზრიც გამაგებინა, მას უნდოდა ეთქვა: ბოლშევიკების ჯიბრზე, ბოლშევიკების ჯიბრზეო...

რატომ ეგონა, მღვდლით თუ დაიმარხებოდა, ამით ბოლშევიკების ჯავრს იყრიდა — საიდუმლოდ დარჩა.

საავადმყოფოში ამ ერთი შეხვედრის შემდეგ, დავით ფომიჩი ველარა ვნახე.

რამდენიმე დღე ეცოცხლა. როდის მოკვდა, როგორ და სად დამარხეს — არავინ იცოდა.

მხოლოდ ერთ დღეს გამოჩნდნენ ვიღაც მემკვიდრეები, ალბათ, ის ღარიბი ნათესავები, რომელთაც დავით ფომიჩმა ვერ უნაწილა, ან, უფრო სწორედ, არ მოისურვა გაენაწილებინა თავის ბინის ავეჯი. — მოვიდნენ, იმისი ოთახის დალუქული კარი გააღებინეს და რაც იყო, წაიღეს. ამ ავეჯში იყო აგრეთვე ერთი დიდი სკივრი, შიგ ეწყო საზღვარგარეთიდან ჩამოტანილი საუკეთესო კოსტუმები, რომელთაგან ზოგი ჩაუცმელიც იყო.

რამდენად სიმართლეა, არ ვიცი, მხოლოდ ამბობდნენ და ამტკიცებდნენ კიდევ, ამ სკივრის ცალკე საიდუმლო კუთხეში ოქროს მრგვალი თუმნიანები იპოვნესო.

ფიქრობენ, ის ოქროები „ერთი სომეხი — ერთი ოქროს“ ფონდიდან აწაპნილი ქონება უნდა ყოფილიყო, რომელიც დავით ფომიჩს „შავი ღლისთვის“ შემოენახა.

ასე იცხოვრა და ასე მოკვდა ძველი ქვეყნის ერთი იმ მოჭიკანთაგანი, რომლებიც, ახალი ცხოვრების მიერ ასპარეზიდან განდევნილნი, ყოველდღე, ერთ და იმავე საათებში საზოგადო ბაღის ყრუ კუთხეში იკრიბებოდნენ სალაპარაკოდ — იგონებდნენ გარდასულ დღეებს და მარჩიელობდნენ აწმყო-მომავალზე.

როგორ განაპურნას

დიდი ქალაქის ერთი განაპირა უბანი. მარადიული ნაგვით მოფენილი ოღროჩოღრო ქუჩები, რომლებიც ვიწრო გასასვლელებით ერთმანეთს ჯვარედინად კვეთენ, ანდა ბრმა მათხოვარივით სადღაც კედელს აწყდებიან. ერთიმეორეზე მიყრილი, პატარ-პატარა ქონხები, რომლებიც ისე არიან მოფამფალეებული, ლამის გამვლელს თავზე ჩამოენგრენ. დაბალი, პატარა სარკმელები — ნახევრად მინიანი, ნახევრად ქალაქდაკრული, დამპალი კარ-შესასვლელები, მიწური ბანები, ზამთარში თოვლის სიმძიმეს რომ ძლივს უძლებენ, გაზაფხულზე მწვანე ბალახით იფარებიან, წვიმიან ამინდში კი წყალს ატარებენ, და საბრალო მცხოვრებლებს აიძულებენ თავი შეაფარონ წალოებს, კართანჯრების კუთხეებს, ან ფალას-ფულასი წამოიხურონ.

ერთ-ერთ ასეთ ქონში ცხოვრობდა ფეიქარი თოროსი. ეს ქონი სხვა ბინებისაგან იმით გამოირჩეოდა, რომ კედლები ნახევრად ალიზით იყო ამოშენებული (თიხისა და ბზის ნარევი) და სახურავზე ერდო ჰქონდა, რომელიც დაფარული იყო გატეხილი ქვევრის ზემო ნაწილით. ფეიქარ თოროსის დაზგა სწორედ ამის ქვეშ იდგა და ზამთრობით ერდოდან ჩამოსულ სინათლეზე მუშაობდა, რადგან ქონის ერთადერთი ფანჯარა ძალზე პატარა და თანაც დაზგიდან კარგა მოშორებით იყო.

ერთ დროს ძალიან მხნე ხელოსანი, ფეიქარი თოროსი, მიუჯდებოდა ხოლმე თავის მაჰა-პაპურ დაზგას, ფეხებს ორმომში ჩაუშვებდა, მაქოებს ერთი ხელიდან მეორეში ინაცვლებდა, და დილიდან შუაღამემდე ქონის იღუმალ სიჩუმეში ჯარას განუწყვეტელი ხრიალი გაისმოდა. ამჟამად იგი ძალზე დაბერებულიყო, წელში მოხრილიყო, კუხები ამოჩროდა, თეთრი წვერი მკერდამდე ჩამოზრდოდა, დიდრონი

წარბები მიმქრალ თვალებზე ჩამოფხატოდა, ხელები უკანკალებდა, უხელჯოხოდ ველარ დადიოდა. აღარ ახსოვდა, რა დროიდან მიეცა იმისი დაზგა „ღრმა ძილს“, ჩონჩხივით გაშეშებული იღვა ერდოს ქვეშ, ბოძთან, დავიწყებოდა რა დღიდან მიაგდო კუთხეში ბორბალპორეცილი ჯარა, ფიქრობდა და ვერ იგონებდა, რა დროიდან ეყარა მტვერში მასრები ბნელი კედლის ძირას — იმ თუნუქის ლამპასთან ერთად, რომელიც ლამდამობით დაზგასთან ბოლავდა.

ისიც კი აღარ ახსოვდა, როდის გარდაეცვალა მეუღლე. რომელთანაც რამდენიმე შვილი შეეძინა და მათგან ერთიღა იყო ცოცხალი. ის ერთი შვილი, ახლა ოცდაათი წლის ქალი, გახლდათ იმისი ერთადერთი ნუგეში ამ ღრმა მოხუცებულობის დროს. ამ ქალს სახელად მართა ერქვა. იგი საკუთარი შრომით აცხოვრებდა მოხუცებულ მამას, აჭმევდა, ასმევდა, აცმევდა. მხოლოდ იმიტომ არ გათხოვდა, რომ მამა უპატრონოდ არ დარჩენილიყო. მართა, უბნის ქალებთან ერთად, საშუაოს სახლში ღებულობდა თერძებისგან და მთელი დღე შეუსვენებლივ მუშაობდა, ქსოვდა, ღებავდა, ჩარხს ატრიალებდა. მაშინაც კი მუშაობდა, როცა ზოგჯერ მეზობელ ქალებთან იჯდა — ართავდა, ან ძაფს ახვევდა; სახლში ხომ, დაზგის წინ ტახტზე ფეხმორთხმული, ხელს არ გააჩერებდა.

გასაოცარი ქალი იყო მართა. სიცილი და მხიარულება თითქმის უცხო იყო მისთვის. მუდამ დინჯად ექირა თავი, ბევრი ლაპარაკი არ უყვარდა, ყოველთვის ფხიზელი, სერიოზული და ჩაფიქრებული იყო, გეგონებოდათ რაღაცას დაეძებს და ვერ უპოვიაო. ჯერ კიდევ დედის სიცოცხლის დროიდან მოსდგამდა უკიდურესი ღვთისმოსაობა და ყოველგვარი ცრუ აზრებისადმი რწმენა, ყველა წმინდანი სწამდა და მათ წინაშე მოკრძალება და თაყვანისცემა სჩვეოდა. ამ წმინდანებში ყველაზე მეტად წმინდა გიორგის ეთაყვანებოდა, ზამთარ-ზაფხულ ყოველ კვირაძალზე მიდიოდა ეკლესიაში სალოცავად, ხოლო ყოველი წლის შემოდგომაზე ამ წმინდანის სახელზე მთელი კვირა მარხულობდა, პირში არაფერს იღებდა, წყალსაც კი არა სვამდა, სანამ მეშვიდე დღეს არ ეზიარებოდა. ერთხელ, მარხულობის დროს, ისე ავად გახდა, კინაღამ მოკვდა, მიუხედავად ამისა, მაინც თავისი არ დაიშალა — მარხვას კვლავ ინახავდა.

უდიდესი მოკრძალებით ინახავდა აგრეთვე დიდ მარხეასაც, ხოლო აღდგომიდან ამაღლებამდე ორშაბათობით არ მუშაობდა, კუჭის-

აშლილობა არ გავრცელდეს და ყანები სეტყვამ არ დააზიანოსო. ასე იქცეოდნენ მისი მშობლები და არც მართა ლალატობდა ამ ტრადიციას.

მართას სწამდა დევების, ეშმაკების, ალებისა და ქაჯების არსებობა, თილისმებისა და ხალხური შელოცვების ძალა. სიზმარში ნახული ყოველი ცხოველი ან საგანი, მისი აზრით, ან კარგის, ან ცუდის მომასწავებელი იყო, და ბევრად თავს არ იწუხებდა, თუ სიზმრები არ სრულდებოდნენ.

ბავშვობისას დედისაგან გაეგო, რომ ყოველი ადამიანის მარჯვენა მხარზე ანგელოზი ზის, მარცხენაზე კი — ეშმაკი, ესენი ერთმანეთს ეჩხუბებიან, ანგელოზს კაცი სიკეთისკენ მიჰყავს, ეშმაკს — ბოროტებისაკენ, ამიტომ დაძინების დროს მუდამ მარცხენა მხარეზე უნდა დაწვე, რომ ეშმაკი ქვეშ მოყვეს და დაითრგუნოსო. მართა მუდამ ასეც იქცეოდა, დარწმუნებული იყო, რომ მარცხენა მხარეს დაწოლით ეშმაკს ამარცხებდა და კეთილ ანგელოზს ახარებდა.



გაზაფხულის ერთ-ერთ ბოლო დღეს ქლექისაგან ვარდაიცვალა თოროსაანთ შორეული ნათესავი ბიჭი, სახელად დარჩო. მართა წაიყვანეს ჭირიაფულებისათვის დაძების შეკერვაში დასახმარებლად. სამი დღე-ღამე დარჩა მართა მიცვალებულიანთ ოჯახში და შინ დაბრუნდა დაკრძალვის დღეს უკვე შემოღამებულზე, როცა ყველანი წავიდ-წამოვიდნენ. მამა შვილზე ადრე დაბრუნებულიყო, ქონის ზღურბლზე იჯდა და მართას ელოდებოდა.

მართა ქონში შევიდა ლამპის ასანთებად, მაგრამ შედგა ფეხი თუ არა, ისე შეჰკივლა, გეგონებოდათ გველმა უქბინაო.

ამ საზარელმა კივილმა ახალგაზრდასავით წამოახტუნა მოხუცი მამა და ქონში შეაგდო. ქალიშვილი მაგრა მოეხვია მოხუცს.

— ვაიმე, მამიჯან, ძაღლები! კატები! — შემადრწუნებელი ხმით შესძახა მართამ და, რაც ძალი და ღონე ჰქონდა, ისე მაგრა ჩაეკრა მამას, თითქოს დახმარებას სთხოვდა.

მამამ, რომელიც ძლივს აკავებდა მართას, ხელი გადაუსვა თავზე და ძალზე შეცბუნებული შეეკითხა:

— მართაჯან, რას ამბობ?

— ძაღლები, კატები, — გაიშეორა შართამ, და მამამ თვრძნო, რომ ქალიშვილი მთელი სხეულით ცახცახებდა.

— რა ძაღლი, რის კატა, შვილო?

— აგერ... ხორცს გლეჯენ...

— რა ხორცი? სად?

— აგერ... ტახტის ქვეშ, ტახტის ქვეშ...

მოხუცმა ძლივს გაითავისუფლა თავი ქალის მკლავებისაგან, სიბნელეში ხელის ფათურით მიუახლოვდა მაგიდას, რომ ლამპა აენთო, მაგრამ ხელები უკანკალებდა, თანაც ქალიშვილი გვერდიდან არ შორდებოდა, შიშმორეული, ძალუმად ეკვროდა და საშუალებას არ აძლევდა თავისუფლად ემოქმედნა. ბოლოს, დიდინის ხელის ფათურის შემდეგ, ძლივს იპოვა ასანთი, როგორც იქნა, ლამპა აანთო და მის შუქზე ქალიშვილს რომ შეხედა, გაკვირვებისგან გაქეპავდა; მართას პირისახე მოღრეცოდა, დამახინჯებოდა, თვალები გადმოკარკლოდა, უგუნური გამომეტყველება ჰქონდა, ფერდაკარგული იყო და ფოთოლივით ცახცახებდა.

— მართაჯან, ეგ რა დაგმართია? — უნებლიედ წამოიძახა მოხუცმა სუსტი, აკანკალებული ხმით, — რად კანკალებ?

— ძაღლები, მამიჯან, კატები... აბა შეხედე, ხორცს როგორა გლეჯენ... ტახტის ქვეშ, — შეშინებული იმეორებდა მართა და ხელს ტახტისაკენ იშვერდა.

— ღმერთი, რჯული, შვილო, აქ ძაღლი და კატა არ არის, გელანდებ, — პირჯვარი გადასწერა მოხუცმა. მაგრამ მართა კვლავ თავისას იმეორებდა, მამას მაგრად ეკვროდა და შიშით შეპყრობილი თვალს არ არიდებდა ტახტს.

მოხუცმა ქალიშვილისაგან ძლივს გაითავისუფლა თავი, აკანკალებული ხელით აიღო ლამპა, მიუახლოვდა ტახტს, ლამპა ძირს დადგა, ფარდაგის კალთა ასწია და შეიხედა.

— აბა, შენც შეიხედე, სად არის აქ ძაღლი და კატა? — მიმართა მოხუცმა მართას.

მართამ ადგილზე ჩაიმუხლა, თვალებდაჭყეტილმა შორიდან შეიხედა ტახტის ქვეშ, სადაც გარდა თიხის საცეცხლურისა, რასაც ზამთარში ქურსუს ქვეშ ხმარობდნენ ხოლმე, შეშის საჭრელი ცულისა და ცოცხის მეტი სხვა არაფერი იყო.

— არ არის? — გაბმით იკითხა მან.

— არ არის, მაშა! ჩემ გეუბნებოდი, გეჩვენება-მეთქი...

მოხუცმა ფარდაგის კალთა ჩამოუშვა, ლამა აიღო და მაგიდაზე დადვა.

— დაჯექი, შვილო, დაჯექი. ცოტა ცივი წყალი დალიე, შეშინებული ხარ.

აიღო წყლის ჯამი, მივიდა კედელთან, ნახევრად მიწაში ჩათლული ქვევრიდან წყალი ამოიღო და ქალიშვილს წინ დაუდგა.

მაგრამ მართამ ხელი არ ახლო. ახლა უკვე დამშვიდებული იჯდა, თავი ხელებში ჩაერგო, ერთ წერტილს მიმტერებოდა, თითქოს რაღაც ფიქრებს თავს უყრიდა.

— ჩვენი ტახტის ქვეშ არა, — ამოილულულა მართამ დიდი ღნის სიღრმის შემდეგ. — იმათი ტახტის ქვეშ... ხალხი რომ წავიდა, დედამ მითხრა. ტახტის ქვეშიდან მოზვრის ხორცი გამოიღე და ჯანჯინაში შეინახეო. როცა დავიდუნე ხორცის გამოსაღებად, ვნახე, ხორცს ძაღლები და კატები დაჟეოვნენ და გლეჯდნენ... ისე შემეშინდა... ისე შემეშინდა, რომ...

— რა მოზვრის ხორცი? — შეეკითხა მოხუცი.

— დარჩოიანი რომ ზრდიდნენ... იმ სამღვთოსი. ბოლნისში უნდა წაეყვანათ და წმინდა გიორგის კარზე დაეკლათ, რომ დარჩო გამოჯანსაღებულყო.

— ქელებში ის მოზვერი დაკლეს?

— მაშ.

— ვაი! ვაი! — თავის ქნევით თქვა მოხუცმა. — მერე და, მართლა ძაღლები და კატები დასეოდნენ?

— რა ვიცი... შიშისაგან გული წამსვლია... მითხრეს, ვერაფერიც ვერა ვნახეთ, მოგლანდებიაო...

— მოგლანდებია, მაშ, აი როგორც ეხლა, — დაუმატა მოხუცმა. — ადე, შვილო ადე, ლოგინი გაშალე, დავიძინოთ. სამი დღე გაწვალდებოდი, ძალზე დადლილი იქნები. აი მეც მეძინება.

და სრულიად დამშვიდებულმა მოხუცმა დაამთქნარა.



რამდენიმე დღეს მართას ყოფა-ცხოვრებაში რაიმე უცნაურობა არავის შეუნიშნავს. ჩვეულებისამებრ დილაადრიაან დგებოდა, პატარა ჩაიდანს დადგამდა, ლოგინს ალაგებდა, ტახტსა და იატაკს ჰკვიდა,

ყველაფერს ასუფთავებდა, მერე სამუშაოს ჩაუჯდებოდა. პაპამ ჩაიღანი აღუღლებოდა. შემდეგ მამასთან ერთად ხმის ამოუღებლად ჩაის სვამდა ხმელა პურით, და ისევ განაგრძობდა მუშაობას სადილობაშდე, საღამომდე. იმ დღიდან, რაც მართა უცნაურად მოიქცა, მამა განსაკუთრებულ ყურადღებას აქცევდა შვილს და ამჩნევდა, რომ მართა მუშაობის დროს თავის თავს ელაპარაკებოდა, სახეს მანკავდა, ხან იცინოდა, ყოველ მიზეზს გარეშე. ზოგჯერ მგლოვიარესავით კენესოდა, ტიროდა. ერთ დღესაც, როცა მოხუცი ოთახში შემოვიდა, დაინახა, რომ მართას ტახტი გამოეწია და ცულით მიწურ იატაკს თხრიდა.

— მართა, რას შვრები? — შეეკითხა გაოცებული და შეშინებული მოხუცი.

— ვიღებ... ვიღებ, — მიუგო მართამ და ცული ძალუმად დაჰკრა იატაკს.

— რას იღებ?

— მოზვერს...

— რა მოზვერს?

— საძლეთო მოზვერს... დიახ, საძლეთო მოზვერს... წმინდა გიორგის მოზვერს... რამდენი ხანია ზმუის... ცოდო არ არის?.. ცოდო არ არის?.. გაგონილა ძაღლებმა და კატებმა დაგლიჯონ?..

ლაპარაკობდა და თან ხენეშით თხრიდა იატაკს, ირგვლივ ფანტავდა მიწას.

მოხუცი ადგილზე გაქვავდა, უყურა, უყურა, მერე შეჰყვირა „ვაიმეო“, ორივე ხელი თავში შემოირტყა და გარეთ გავარდა მეზობლების დასაძახებლად.

რამდენიმე წუთში მთელი უბანი აყაყანდა, „თოროსაანთ მართა გაგიეებულაო“. დიდი და პატარა, ქალი თუ კაცი, — ყველას საქმე მიეტოვებინა და ფაციფუცით მოსულიყვნენ გიჟის სანახავად. თორასაანთ ქოხთან შიგნით თუ გარეთ ნემსი არ ჩავარდებოდა, იმდენ ხალხს მოეყარა თავი. ყველა ცდილობდა როგორმე შემძვრალიყო შიგნით. ქუჩაში აღრზაურბი იდგა.

მართა ამ თხრილ მიწაზე იჯდა ცულით ხელში, შეშლილის უაზრო მზერით უყურებდა შიგნით შემოსულ ქალებსა და ბავშვებს, ტუჩებს განუწყვეტლივ იკნეტდა, კაბის კალთას თითებზე იხვევდა, იხსნიდა და იხვევდა. მღუმარედ იჯდა, კრინტს არ სძრავდა, მაშინაც კი დუმდა,

როცა სალაპარაკოდ იწვევდნენ. რამდენიმე გულადმა სცადა ცული წაერთმია, უნდოდათ აეყენებინათ, მაგრამ მართამ ცული ლაჭებში ჩაიდო, მთელი სხეულით მოიკუნტა და იმ ბავშვივით აქვითინდა, სათამაშოს წართმევას რომ დაუპირებენ.

ტახტის ბოლოს მოკუნტული იჯდა მოხუცი მამა, ზურგზე კუზი აჩნდა, თეთრი წვერი მუხლებში ჩაერგო და მწარედ ქვითინებდა.

ქოხში მოგროვილი ქალები მოხუცსა და მის გაგოყებულ ქალიშვილს რომ უყურებდნენ, ცოდვისაგან იწვოდნენ, ისინიც ტიროდნენ. ადგილიდან არავინ იძროდა, მაგრამ ისე იყვნენ შეშინებულნი, მართას სულ ოდნავ რომ წამოეწია, არ გვეცესო — ქუდმოგლეჯილი გარეთ გარბოდნენ.

ის ქალები კი, რომლებმაც ქოხში შესვლა ვერ მოახერხეს, ასე საუბრობდნენ:

— ქალო ნატო, ნეტა რისგან შეიშალა კეუაზე? ეფომ თქვა, დარჩოს სულთამხუთავ ანგელოზს დაურტყამსო, ნეტა თუ მართალია?

— რა ვიცი, ზოგი რას ამბობს, ზოგი რას! სხვები კი ამბობენ, ბოლნისის წმ. გიორგის შეუკრავსო.

— უი, ვენაცვალე იმის ძალას! ამ საბრალოს ნეტა რას ერჩის?

— ამბობენ, დარჩონთ ტახტის ქვეშ ძაღლები და კატები მოსჩვენებიაო.

— მართალია, მართალი, — გულგრილად ჩაერია ლაპარაკში ხანში შესული დედაკაცი, რომელიც ყველაზე გვიან მოსულიყო და თან წინდას ქსოვდა. — ცხონებულ დარჩოს სულელ დედას ბოლნისის წმ. გიორგისათვის შეთქმული მოზვერი დარჩოს ქელეხში დაუკვლევინებია და სამღვთოს დარიგების ნაცვლად ხაშლამა მიუტანია ქელეხში. მაშ კეუთმყოფელი ადამიანი ამნაირ სისულელეს ჩაიდენდა? ადამიანი რომ სულელი იქნება, სულელია, მორჩა და გათავდა! იმ ხაშლამიდან ქელეხში რაც უქამიათ, უქამიათ, დანარჩენი ტახტის ქვეშ შეუნახია. იმ დღეს, როცა ხალხი წასულ-წამოსულა, დარჩოს დედას მართასათვის უთქვამს, ხორცი ტახტის ქვეშიდან გამოიღე და განჩინაში შეინახეო. მართა რომ დაღუნულა ხორცის გამოსაღებად, დაუნახავს, ხორცს ძაღლები და კატები მისევიან და ფლეთენ, გლეჯენ. მართას შიშისაგან გული შეწუხებია. ყველა მისცვივანია, წყალი უსხამთ, ყურები უწევიათ, რის ვაი-ვაგლახით მოუსულიერებიათ. აი საქმე ესე ყოფილა, თუ მართალი გინდათ.

- მაშ ძაღლი და კატა არა ყოფილა?
- ძაღლი და კატა არა, ფეხები! მოსჩვენებია.



უბნის დედაკაცებს წასვლის შემდეგ თოროსის შორიახლო ნათესავი ქალები შეგროვდნენ და ბჭობა გამართეს როგორ მოქცეულიყვნენ, რომ მართასათვის ეშველათ. ამ თავყრილობას თავმჯდომარეობდა მეზობელ ხარაზ პეტოს ქვრივი დედაკაცი — ოსანა, რომელიც განთქმული მოლაპარაკე იყო და იმის მონაწილეობის გარეშე უბანში არაფერი კეთდებოდა. ოსანას წინადადებით გადაწყვიტეს მიეშარათათ ტერტერას სიძე მკითხავ და ექიმბაშ გრიგორისათვის, რომელიც სახელგანთქმული იყო ცრუმორწმუნე ხალხში. იმდენი ლეგენდები არსებობდა ამ მკითხავისა და ექიმბაშის შეპახებ, წლის რა დროსაც და კვირის რა დღესაც უნდა მისულიყავით, იმის მისაღები ოთახი ხალხით იყო სავსე. მერე და, ვინ არ მოდიოდა, რა ერის და შილეთის ხალხი არ გინდოდა, ქალი თუ კაცი, დიდი თუ პატარა. მეტ წილად, რასაკვირველია, ქალები. ისინი საათობით რიგში იდგნენ და ელოდებოდნენ მიღებას. ასეთ პირობებში იოლი როდი იყო იმისი ადგილიდან დაძვრა თუ წინასწარ კარგ გასამრჩელოს არ დაპირდებოდი. თოროსას სამკედრო ცოტაოდენი გროშები ჰქონდა შემონახული, დანარჩენი ნათესავებმა დაუმატეს, მრგვალი თანხა ოსანას გადასცეს და მკითხავ გრიგორისთან გაგზავნეს.

მკითხავმა ჯერ იუარა, გასამრჩელო მცირე ეჩვენა, თქვა, დრო არა მაქვსო, მაგრამ ბოლოს, ოსანას ქაქანს ვერსად გაექცა, დაეთანხმა და შეპირდა, ხვალ ნასადილევს შემოვივლი ავადმყოფის სანახავადო.

დაახლოებით ორმოცი წლის ჩასუქებული კაცი იყო იგი, წერილი მომღიმარი თვალებით, მრგვალი, სუფთად გაპარსული წითური სახით. პიჯაკის ქვეშ ყვითელი ჩესუჩის ახალუხი ეცვა, ოქოსფერი ვიწრო ქამარშემოქერილი და ხელში მუდამ ქარვის კრიალოსანი ეჭირა, რომლის თვლებს ერთი ბოლოდან მეორე ბოლოსკენ მარცვლავდა.

მეორე დღეს, ნასადილევს, მან შეასრულა დაპირება და ოსანას წინამძღოლობით ავადმყოფთან მოვიდა. მსუქან პირსახეზე, გამომეტყველებაზე, ცოტა გვერდზე დახურულ ქუდქვეშ მომღიმარ თვალებზე ეტყობოდა, რომ კარგა ნაქამ-ნასვამი იყო.

მოვიდა და უბანი ხელახლა აყაყანდა, ამჯერად უფრო მეტი ცნობისმოყვარეობით, ვიდრე გუშინ, როცა პირველად ხმა დაიჩხა, მართა ვაგიჟდაო. უბნის ქალები ერთმანეთს გადასძახოდნენ, თან მირბოდნენ, ზოგნი ძუძუმწოვარა ბავშვებით, ზოგნი ფეხშიშველა, ზოგს სიჩქარისაგან ერთ ფეხზე წაწოცვა ჩუსტი, მეორე დავიწყებოდა, ზოგი სახელდახელოდ ჩაქმულ ჩუსტებს მიაფრატუნებდა, ზოგი თავშლის წვერებს გზაში ისკვნიდა, ღილებს იკრავდა. უმეტესობა უბნის ბავშვები იყვნენ, რომლებიც, თითქმის ტიტკელები და ფეხშიშველა, ხტუნვა-ხტუნვით მორბოდნენ.

წინა ღღესვე, ტახტის ადგილიდან დაძრისა და მიწის ამოთხრის შექდეგ, მართა დაღინჯდა, ენა მუცელში ჩაიგდო და ჩუმად იყო. ახლაც, მკითხავ გრიგორის შესვლისას, იგი ისევ წყნარად იჯდა ტახტზე. იდაყვები მუხლებზე დაეყრდნო, თავი ხელის გულზე დაედო და ფანჯრიდან გაშტერებული იმზირებოდა გარეთ, თითქოს ღრმა ფიქრებშია წასულიო. გრიგორს მოკრძალებით შესთავაზეს ქოხის ორი ძველებური სკამიდან ერთ-ერთი. მკითხავი დაჯდა და დაწვრილებით დაიწყო გამოკითხვა. თანაუბნელები ერთმანეთს არ აცლიდნენ, ზოგი თავიდან, ზოგი ბოლოდან ყვიბოდა მართას ამბავს.

გრიგორი იჯდა ქუდი კეფაზე მოეგდო, სკამის ზურგს მიყრდნობოდა; ხელები გულზე დაეკრიფა, კრიალოსანს მარცვლავდა, უსმენდა და თან ხან მართას გადახედავდა, რომელიც უძრავად იჯდა, ხან კარებისკენ იხედებოდა, საიდანაც ჩუმად, ერთმანეთის ხელის კვრით, ჩურჩულით შემოდდიოდნენ უბნის ქალები და ერთი მეორის ზურგს უკან დგებოდნენ.

როცა გაეცნო მდგომარეობას, გრიგორი წამოდგა, სკამი მიაჩოჩა და მართას წინ ჩამოჯდა.

მართა გაინძრა, გასწორდა, დაშვებული წარბებიდან გამოხედა მკითხავს, მერე უეცრად წარბები აზიდა, ენა გამოუყო, ტაში შემოჰკრა და კისკისი დაიწყო.

შეშლილის ამ საქციელზე სეირის საყურებლად მოსულ ქალებსაც სიცილ-ხარხარი აუვარდათ.

გრიგორმა არავეითარი ყურადღება არ მიაქცია გიჟის ამ საქციელს, კრიალოსანი მშვიდად ჩაიდო ახალუხის ჯიბეში, მეორე ჯიბიდან აბრეშუმის ცხვირსახოცში ფაქიზად შეხვეული რაღაცა ამოიღო და ნელ-ნელა გახსნა. ეს სიძველესა და ხმარებისგან გაცვეთილ-გაქუქყიანებუ-

ლი ტყავისყდიანი პატარა სქელი წიგნი იყო, რომელსაც იგი „სოლომონის წიგნს“ უწოდებდა. დიდხანს ფურცლავდა. ბოლოს ერთ ადგილზე შეჩერდა და ჩუმად დაიწყო კითხვა.

ოდნავი ჩურჩულიც კი მიწყდა. ყველა სმენად გადაიქცა.

მართაც უწინდელივით დუმდა, წარბები დაეშვა და უაზროდ უყურებდა გრიგორის ტუჩებს. მაგრამ ორიოდ წუთის შემდეგ მართამ შეეცრად მუხლებზე დაირტყა ხელები, სწრაფად წამოხტა, ტახტიდან ისკუპა და კარისაკენ გაეშურა.

გიჟი ქალის საქციელზე ქოხში გამეფებული მოლოდინით აღსავსე საწიგნო დუმილი შეეცრად დაირღვა და საშინელი ზმაური ატყდა. „შეშინებულმა ბრბომ ყვირილ-ღრინანცელით დაიხია კარებისაკენ, მაგრამ ოთახში იმდენი ხალხი იყო ერთმანეთზე მიქცეული, რომ ვიწრო კარებში გასვლა ვერავინ მოახერხა, გარდა ზღურბლთან შეკრებილი რამდენიმე ადამიანისა, რომლებმაც თავპირის მტვრევით მოკურცხლეს. სანამ სხვებიც მოახერხებდნენ გარეთ გასვლას, ოსანამ და რამდენიმე გულადმა ქალმა დააკავეს გიჟი. მართა ხელებზე კბენდა მათ, მაგრამ ძალით ისევ ტახტზე დასვეს, და მკითხავის ბრძანებით ორივე ხელი უკან თოკით შეუკრეს.

ქოხი დატარიელდა, სეირის საყურებლად მოსული ქალები და ბავშვები ერთიანად გაიკრიფნენ.

— კარი ჩაქეტეთ, აღარავინ შემოუშვათ, — უბრძანა მკითხავმა, რომელსაც ახლა სერიოზული და დაფიქრებული სახე ჰქონდა. — რა ამბავია? მაიმუნს ხომ არ ათამაშებენ აქ?

კარი ჩაიკეტა, გარდა გრიგორისა, გოქისა და იმისი მოხუცი მამისა, ქოხში ღარჩნენ ოსანა და ის რამდენიმე გულადი ქალი, რომლებმაც მართა დააკავეს.

* * *

მკითხავმა გრიგორმა თავისი ადგილი დაიკავა, ისევ მართას პირდაპირ ჩამოჯდა და „სოლომონის წიგნის“ ფურცლავდა დაიწყო. გიჟი ამჯერად წყნარად იჯდა და არავითარ პროტესტს არ აცხადებდა ხელების გაკვრის გამო. ღროღადრო ქოხში სრული ზიჩუმე გამეფდებოდა ხოლმე. მხოლოდ გარედან მოისმოდა ბრბოს ჟრანპული და ბავშვების შე-

ძახილები. პატარა ფანჯარასთან მოჯარებული ქალების პირისახესა და ანთებულ თვალებს ისე დაებურათ ფანჯრის მინები, რომ ქოხში თითქმის ბნელოდა.

ის იყო გრიგორის ხელახლა უნდა დაეწყო სათანადო ლოცვის კითხვა-დუღუნი, რომ მართას სიგიჟის ახალი ნიშნები დაეტყო. ჭერ შეეცადა გაკრული ხელების გახსნა-გათავისუფლებას, მაგრამ როცა დაინახა, თავს ამაოდ იწუხებდა. მაშინ ფეხების ბარტყუნი, წიხლების ქნევა დაიწყო, თან იგრინებოდა, ყვიროდა, იწყევლებოდა. გრიგორმა თავი გააქნია, წიგნი დახურა და წამოდგა.

— შეხედეთ, შეხედეთ, რას სჩადიან წყეულები! — თქვა მან იღუმალის ხმით და თვალთ მართაზე ანიშნა, — ხელები გაუხსენით, ეგება დამშვიდდეს.

მართას ხელები გაუთავისუფლეს, და მართლაც დამშვიდდა, მაგრამ ამჯერად ტირილი დაიწყო.

— მაშ მე მკთიხავი გრიგორი არ ვიყო, თუ თქვენ ამ საწყალი ქალის ტანჯვის ნება მოგცეთ, — წარმოთქვა გრიგორმა იმავე იღუმალის ხმით, მაგრამ ვისი მისამართით იყო ნათქვამი ეს სიტყვები, ვერავინ მიხვდა. შემდეგ ბრძანა, რომ თასით წყალი მოეტანათ.

წყალი მოუტანეს. გრიგორმა აიღო და ტახტზე მართას წინ დადგა.

— ვინმე პატარა ბავშვი იქნება, დაუძახეთ მოვიდეს.

ოსანამ კარი გააღო, თავიანთი უბნის ბავშვს მოუხმო, რომელსაც გარდა ჭუჭყიანი პერანგისა, სხვა არაფერი ეცვა. ოსანამ ბავშვი შეიყვანა და ქოხში შემოსასვლელად მომზადებულ ქალებს კარი სწრაფად მიუხურა.

გრიგორმა ბავშვს ხელი წაავლო, მიიყვანა და დასვა იქ, სადაც თასით წყალი იდგა.

— წმინდა სანთელი არა გაქვთ? ერთი წყვილი მომიტანეთ.

თოროსმა აკანკალებული ხელით თაროდან წყვილი თაფლის სანთელი გადმოიღო, რომელთაც ყოველ კვირაძალზე თავის დაზგაზე ანთებდა ხოლმე და მკითხავს გადასცა.

გრიგორმა სანთლები აანთო, თასზე მიაკრა, მიუბრუნდა იქვე მდგომთ და დაძახებული იღუმალის გამომეტყველებით დამსწრეთ მიმართა:

— თურმე ნუ იტყვით, ამ საწყალს მუცელში ეშმაკები ჩასძრომია...

— როგორ თუ ეშმაკები? — უნებლიეთ წამოსცდათ იქ დამსწრეთ.

— ჩვეულებრივი ეშმაკები. ჩქებიანი და კულებიანი, ნამდვილ ეშმაკებზე შოგახსენებთ. ხუშრობა არ გეგონოთ.

ყველანი შიშის ზარმა აიტანა, ზოგიერთმა პირჯვარიც კი გადაიწერა. მოხუცი თოროსი ადგილზე გაქვავდა: უებილო პირი გააღო, გრძელი წვერი ააცანცარა, მოხუცებულობისაგან ისედაც დაწვრილებული კისერი უფრო წაიგრძელა და მკითხავს შეეკითხა:

— მერე?..

— მერე ის, რომ სამნი არიან, სამივე ძალზე ბოროტნი, როცა კითხვა დავიწყე, ხომ დაინახეთ, როგორ გააგიჟეს ქალი. ეშმაკებს უნდათ ეს საცოდავი წაიყვანონ, წყალში გადააგდონ.

მკითხავის ამ სიტყვებზე მოხუცმა თავის კანტურს უმატა.

— ო, შენი ჰირიმე! — ტირილით წამოიძახა მოხუცმა, — იმ ეშმაკებს ამ ქალის მუცელში რა უნდათ?

— აბა რა გეგონათ, წმ. გიორგისათვის გაზრდილი სამღვთო მოზერის ქელეხში დაკვლა სახუმარო საქმეა? თქვენი აზრით, წმინდანი შურს იძიებს თუ არა?

— კარგი, ვენაცვალე იმის მადლსა, მაგრამ მართამ ხომ არ დააკვლევინა, ამას რადა სჯის?

— შენ რა იცი, ბიძაჩან, წმინდანი მართალსა სჯის. რომ ცოდვილები ჰქუთაზე მოიყვანოს, რათა მისი საწინააღმდეგო საქმე არ ჩაიდინონ. შენ არხეინად იყავი, ნუ დარღობ, — დაუმატა გრიგორმა გამამხნევებელი ღიმილით და მხარზე ხელი დაარტყა, — მალე მოვარჩენ. მე მკითხავი გრიგორი მქეია, ეშმაკი კი არა, თვითონ სათაელიც რომ მოვიდეს, ვერ გადაშირჩება. მაშ ახლა დავიწყოთ.

მან ბრძანა, ორნი მართამ მოუსხედით მარჯვნივ და მარცხნივ, ვინიცობაა ეშმაკებმა მოისურვეს ხელახლა ქალის წაყვანა წყალში გადასაგდებად, დააკავეთ და არ გაუშვათ გასაქცევადო.

ოსანა და ერთი კიდევ ვიღაცა აქეთ-იქით მიუსხდნენ მართას. თოროსი ტახტის კიდზე მოთავსდა. მართა წყნარად იჯდა, სრულიად გულგრილად, არავითარ ყურადღებას არ აქცევდა მის ირგვლივ რა ზღებოდა.

გრიგორმა სანთლები აანთო, წინანდელ ალაგას, სკამზე მოიკალათა, „სოლომონის წიგნი“ გახსნა და წარმოთქვა:

— მი ახლა ამ ლოცვას სამჯერ წაეკითხავ, ეშმაკები სათითაოდ გამოვლენ და წყლიან თასში ჩაცვივიან. მაგრამ ჩვენ ვერ დავინახავთ,

მარტო ეს პატარა უმანკო ბავშვი შეამჩნევს! — და თასის ახლოს ფეხ-
მოკეცილ ბავშვს მიმართა: — უყურე ამ წყალს, თვალი არ მოაშორო,
როგორც კი დაინახო, ეშმაკები წყალში ცვივიან, მე მაცნობე. გაიგე?
ბავშვმა თავი დაიქნია, თვალები დაქყიტა და წყალს დააცქერდა.

გრიგორმა დაბალი ხმით დაიწყო კითხვა. თან ხან მართას უყურებ-
და, ხან წიგნს, ხან ბავშვს. იქ მყოფთ წინასწარშეგონებულთა და ცრუ-
მორწმუნეთა უწმინდესი მოკრძალება დაუფლებოდათ და ისე ელოდნენ
სასწაულს. მაგრამ ეს სულიერი განწყობილება შინაგან შიშს უფრო წა-
აგავდა, რადგან საქმე ეშმაკებს ეხებოდა. სასწაულის მოლოდინში ისი-
ნიც ხან მკითხავის ტუჩების მოძრაობას უყურებდნენ, ხან მართას, ხან
ბავშვს, რომელს წინაშე წყლით სავსე თასი იდგა, და ნატრობდნენ,
იქნება ჩვენც დავინახოთ ეშმაკებიო... არავის ფიქრად არ მოსდიოდა.
ნუთუ იმდენად პატარები იყვნენ ეშმაკები, რომ თასში ჩაეტეოდნენ
და ერთ მუქა წყალში დაიხრჩობოდნენ.

მართა კი კვლავ მღუშარედ იჯდა, უძრავად და ისე სერიოზულად,
რომ ექვსაც ვერავინ მიიტანდა თუ გიჟი იყო. თვალები ანთებული
სანთლებისათვის მიეპყრო, რომლებიც მის შერყეულ ტვინში რაღაც
ბნელ მოგონებებს ჰბადებდნენ იმ დროისა, როცა ჯანმრთელი იყო
და, როგორც კეთილმორწმუნე, თავიანთსა სცემდა წმინდანებსა და
ჯვრებს.

გარეთ შეგროვილი ბრბო უფრო და უფრო აწვებოდა ფანჯარას და
საზეიმო მოლოდინში ისიც რაღაც სასწაულს ელოდებოდა ქოხიდან,
სადაც მკითხავი დაბალი ხმით ლოცვანს კითხულობდა; ყველა ფიქრობ-
და, რომ შიგნით რაღაც იღუმალებით მოცული ამბავი ხდებოდა.

— ჰა, არ ჩაცვივდნენ? — დიდი ხნის შემდეგ მიმართა მკითხავმა
ბავშვს და კითხვა შეწყვიტა.

ბავშვმა თასისათვის თვალმოუშორებლად თავით ანიშნა, არაო.

— მაგრა სხედან! — დასძინა გრიგორმა და კითხვა განაგრძო.

კიდევ ხუთმა წუთმა გაიარა.

— ჰა, კიდევ არ ჩაცვივდნენ?

— არა, — უპასუხა ბიჭმა.

იგივე კითხვა-პასუხი-მესამედ განმეორდა; საძაგელ ეშმაკებს მარ-
თას მუტლიდან გამოსვლა და წყალში ჩახრჩობა არა სურდათ.

თორბმა, ოსანამ და დანარჩენმა დამსწრეებმა, თითქოს პირი შე-
უკრავთო. ერთგვარი გაკვირვებით გადახედეს ერთმანეთს. ეს მზერა,

ამკარად ჩანდა, ექვისა და მართლმორწმუნეობის პირველი სხივი იყო, რომელმაც ელვასავით გაიბრწყინა მათ ბნელ გონებაში.

გრიგორმა უმაღლვე იგარძნო ეს და სანამ საკუთარ შინაგან დაბნეულობას სძლედა — არ იცოდა როგორ მოქცეულიყო, როგორ დაეღწია თავი ამ უსიამოვნო ვითარებისაგან — უეცრად მართა მივარდა, სანთლები ჩააქრო და მაღალი ხმით დაიწყო სიცილი, გიჟური ხარხარი.

გრიგორმა მარჯველ ისარგებლა ამ შემთხვევით.

ნახეთ? — შწარე ღიმილით წარმოთქვა მან, — ეს მართა კი არა, ის წყეულები იყვნენ! სანთელიც ჩააქრეს, ვითომ შენს ლოცვას არაფრად ვაგდებთო... რაკი ასეა, ახლა მე ვიცი რასაც ვიზამ...

მან განკარგულება გასცა თასი წაელოთ, „სოლომონის წიგნი“ ცხვირსახოცში შეახვია, ჭიბეში ჩაიღო და ფეხზე წანოღა.

— შეგიძლიათ ერთი მათრახი ან ლახტი* მიშოვოთ?

ამ უცნაურმა მოთხოვნამ ახალი განცვიფრება გამოიწვია იქ მყოფთა შორის.

— ლახტი?.. მათრახი? — იკითხეს აქეთ-იქიდან.

— ჰო, ჰო, ლახტი, ან მათრახი, სულ ერთია, რაც იქნება.

— რად გინდა? — ჰკითხა ავი წინასწარგრძობით შემფოთებულმა თოროსმა.

— რაო, გვერდზე მოგიჯღეთ და წვრილად გიამბოთ რად მინდა? — ანაზღეულად შეჰკვირა გრიგორმა, გაბოროტებულმა უფრო თავისი წარუმატებლობით, ვიდრე აეთი შეკითხვებით. — გეუბნებით მინდა, იშოვეთ, თორემ, ამ წუთას ავდგები და წავალ.

და სანამ მკითხავის გულისმოსვლით შეშინებულნი ოსანა და დანარჩენები ჩურჩულით მსჯელობდნენ სად ეშოვათ ლახტი ან მათრახი, მან ხელახლა მოუთმენლად დაიღრიალა:

— აბა მალე, მე ვალდებული როდი ვარ ათი საათი გელოდოთ, სადაცაა დაღამდება.

ოსანამ მიატოვა თათბირი, საჩქაროდ მივიდა კართან: — „ესაა მივდივარ, ვიშოვიო“, — თქვა და წავიდა. მაგრამ კარგა ხანმა გაიარა, სანამ მათრახით ხელში დაბრუნდა.

გრიგორმა მათრახი ჩამოართვა და ბრძანა ყველანი გარეთ გასულიყვნენ.

* ლახტი — მაგრად დავრეხილი თოკი.

ამ განკარგულებამ უფრო დააქვეა დამსწრენი, მაგრამ არავის კრინტი არ დაუძრავს, ვერავინ გაბედა შესიტყვებოდა; გრიგორს ისეთი საშინელი გამომეტყველება ჰქონდა, რომ მასში ვეღარ იცნობდით ღიწქ, ტკბილად მოსაუბრე მომღიმარ კაცს. მარტო თოროსმა გაბედა და შეეკითხა:

— მეცა?

— ყველა, ყველა. შენც, ეი, ძაღლის ლეკვო, — მიმართა გრიგორმა ბავშვს, რომელიც თამამად იდგა მის წინ იმის მოლოდინში, იქნებ კიდევ რაიმე ახალი დავალება მომცენო.

ყველაზე უწინ ბავშვმა მოკურცხლა, ამის შემდეგ ხმის ამოუღებლად ერთი მეორეს მიჰყვნენ თოროსი, ოსანა და სხვები.

— ეგ ხალხიც მოაშორეთ ფანჯარას, არავის ნება არ დართოთ შემოიხედოს, — ყვირილით მიადევნა გრიგორმა და კარი მიუხურა.

* * *

მეტისმეტი მოუსვენრობით აფორიაქებული და ბნელი ეჭვებით შეპყრობილი თოროსი იქვე კართან მიწაში ჩაფლულ ლოდზე ჩამოჯდა, გრძელი, თეთრი წვერი მუხლებშუა ჩაბლუჯა, დაფიქრებული ოსანა კი ფანჯარასთან მოჯარებულ ხალხს ერეკებოდა. თან ნაწყვეტ-ნაწყვეტ პასუხებს აძლევდა უამრავ შეკითხვებზე.

ასეთივე შეკითხვებს აძლევდნენ იმ პატარა ბიჭსა და ქალებს, რომლებიც ქოხიდან გამოვიდნენ. ეშმაკების ხსენება შიშის ზარს სცემდა ხალხს, ზოგნი პირჯვარსაც იწერდნენ, ზოგს შიშისაგან ენა ჩაუვარდა, მხოლოდ ურწმუნოები იწევდნენ ცხვირს და ამბობდნენ — „ეშმაკები არა, ფეხები არ გინდათ“. ცნობისმოყვარეობამ უმადლეს წერტილს მიაღწია, ყველა ფიქრობდა, ნეტა ქოხში რა ხდებოა.

მაგრამ იქიდან ჯერჯერობით არაფერი ისმოდა, იღუმალი სიჩუმე სუფევდა.

უეცრად ქოხიდან საშინელი ყვირილი მოისმა, რასაც გულსაკლავი ხვეწნა-მუღარა მოჰყვა.

ქუჩა წამით გაირინდა. მერე კი აურზაური ატყდა.

ოსანა, რომელიც ზურგით იყო აყუდებული ფანჯარაზე რომ იქ არავის შეეხედნა, უცბად შებრუნდა, თვალები მოიჩრდილა და ქოხში შეიხედა.

ბრბო უეცრად მიიქრა ფანჯარასთან.

ქობიდან განუწყვეტლივ მოისმოდა ყვირილი, რაც თანდათან ძლიერდებოდა. დროდადრო რაღაც ყრუ დარტყმის ხმა გამოდიოდა, თითქოს წიკვლით ფარდაგსა ბერტყავენო. ყოველ დარტყმაზე მკითხავეი გაიძახოდა: „თქვი ეშმაკების სახელი, თქვი ეშმაკების სახელიო“...

— ვაი, დამიბრმავდეს თვალები, ქალო, მათრახითა სცემს, — შეპკივლა ოსანამ და სახე უფრო მიუახლოვა მინას.

— ჰო, ჰო, ქალებო, — გამოეხმაურა ოსანას ერთი სხვა ქალიც, რომელიც თვალებდაქვეტილი შიგნით იყურებოდა. — ვაი, ვაი, თქვენი ჰირიმეთ, როგორ ურტყამს, რა უღმერთოდა სცემს... შეხედეთ, ხელფეხი თოკით შეუქრავს... უი, უი, უი, საწყალი მართა, როგორ იკლავნება, ერთი უყურეთ, თქვენი ჰირიმეთ!..

და ველარ მოითმინა, შეებრალა საბრალო ქალი, მივარდა ფანჯარას და კაკუნი დაუწყო, მერე ხალხს მიმართა აღელვებულმა:

— ქალებო, რას გაშეშებულხართ! მიდით, კარები გააღებინეთ. მოკლა, მოკლა საწყალი ქალი...

მაგრამ, სანამ გაქვავებული ხალხი ადგილიდან დაიძვრებოდა, ოსანა მიიქრა კართან და მუშტები დაუშინა. მას მოეხმარნენ სხვებიც და უთვალავმა ხელმა გამეტებით ბრახაბრუხი აუტეხა სიძველისაგან დაფუტტუროვებულ და ბაღლინჯოთი საეყ კარს. კარის ბრახუნი, ქობში მართას გულსაკლავი კვილი, გარეთ ბრბოს ყიყინი, ბავშვების ყრიამული — ეს ყველაფერი სოლომ-გომორს მოგაგონებდათ.

თოროსიც წამომდგარიყო, ირწეოდა, სხეულს ძლივს იმაგრებდა, ქაღარა თავს სულელივით აკანტურებდა, ხან ერთს შეხედავდა, ხან მეორეს და ეკითხებოდა:

— რა ამბავია? რა მოხდა?

• • •

ამ დროს ქვრივ ოსანას ცოლ-შვილიანი ბიჭი, რომელსაც თაბახით მოვაჭრე ცაკანას ეძახდნენ, ცარიელი თაბახით ხელში და მხარზე გადაკიდებული სასწორით, პირში ჩიბუხგარჯობილი, შინ ბრუნდებოდა. იგი წამით შეჩერდა თავიანთი სახლის წინ, გულცივად გადახედა ქუჩაში მოყრიამულე ხალხს, ქალების ჩვეულებრივი ჩხუბი ეგონა,

რასაც უბანში ხშირად ხედავდა ხოლმე, მაგრამ მალე მიხვდა, ჩვეულებრივ აყალმაყალს არ ჰგავდა, რაღაც უჩვეულო ამბავი იყო. შაშინვე თაბახი მიწაზე დადო, სასწორი მხრიდან მოიხსნა, თაბახში ჩააგდო, ჩიბუხი პირიდან გამოიღო და იქვე მდგომ ქალს შეეკითხა:

— რა ამბავია?

ძალზე აღელვებულმა ქალმა ნაწყვეტ-ნაწყვეტად უამბო საქმის ვითარება.

— ანე რომ ბღავის, მართაა? — შეეკითხა ცაკანა, როცა ყურადღებით მოუსმინა ქალის ნაამბობს.

— ჰო, ჰო, ჰო, მაშ, — ტირილმორეული სმით უბასუხა ქალმა. — მოკლა საცოდავი, ცემით მოკლა. კარიც რაშდენი ხანია ჩაკეტილი აქვს, არ გვიღებს...

ცაკანამ ჩაპქრალი ჩიბუხი მკლავზე დაიბერტყა, ტყავის წვრილ ქანარში აუჩქარებლად გაირქო, და ფართო ნაბიჯით გასწია თოროსანთ ქოხისაკენ, რომლის კარს ქალები მაგრად აბრახუნებდნენ.

— გაიწიეთ, დამანახვეთ, — თქვა მან.

ხალხი აქეთ-იქით მიდგა, გზა უტია.

თავის ძალ-ღონეში დარწმუნებული კაცის სიღინჯით იგი მივიდა კართან, ერთი ხელი შეეყო კარის ქვემოთ, სადაც წვიმისაგან დამპალი ერთი ფიტარი ჩამოვარდნილიყო, მეორე ხელი წაავლო რკინის საკეტს, ასწია, კარები ერთბაშად ძირიანად ამოგლიჯა და ქოხში გადაისროლა.

ცაკანა შევიდა. მას მიჰყვა ბრბოც.

თვალწინ ასეთი სურათი წარმოუდგათ. ხელფეხშეკრული მართა ტახტზე ეგდო, თეთრი თავშალი თავიდან მოხსნოდა, სახეზე ჩამოფხატოდა, გაწეწილ თმებქვეშ სახე აღარ მოუჩანდა.

მართა ახლა აღარა ყვიროდა, აღარც ინძრეოდა, მწარე ტკივილებიანგან გულსაკლავად კვნესოდა. მის გვერდით მათრახით ხელში იდგა მკითხავი გრიგორი, დაღლილ-დაქანცული. უეცრად კარის მოგლეჯას, ბრბოს ქოხში შემოქრას, ეტყობა, არ მოელოდა, ამიტომ გაფითრდა და აღვილზე გაქვავდა.

თოროსი ძლივს მიფრატუნდა ტახტთან, ცოცხალ-მკვდარ შეიღს დაემხო და გულსაკლავად წაიღულღულდა:

— ბალა-ჯან, შეილო-ჯან...

ოჰანამ და ქალებმა ისარგებლეს ცაკანას იქ ყოფნით, მისცივიდნენ შეკრულ-შებოჭილ მართას და თოკი შემოხსნეს, თან გაიძახოდნენ:

— ვაი, ამ უსულგულოს, როგორ შეუბოძია...

ცაქანა თავისი წარმოსადეგი ტანით წინ აეტუზა შიშისაგან და დაბნეულობისაგან გაქვავებულ გრიგორს. თვალები შეკავებული მღვლეარებისაგან უბრწყინავდა.

— ეს რა ჩაგიდენია? — უთხრა მან და მართაზე მიუთითა, რომელსაც ხმა თანდათან უწყდებოდა. — ასე არჩენ ავადმყოფებს?

— მაშ ლოცვამ რომ არ გასკრა, — წაილულლულა გრიგორმა.

— რა ლოცვამ?

— ეშმაკების გასადევნმა ლოცვამ.

— რა ეშმაკები, ეე! მეც ხომ დედაკაცი არა ვარ, მომატყუო. ხომ არ გინდა ახლავე მატყლივით გაგწიწო! ასე უღმერთო საქმე იქნება, შენ რომ ჩაგიდენია?

— მაშ გიყს როგორ განკურნავ?

— შენი ჭკუით, ეს გიჟია, შენ კი ჭკვიანი, რაღა! შენი ჭკუა ეს არის? ქალი იმდენი გიცემია, ლამის მოკვდეს. გაიძახი ლოცვა და ეშმაკებო. შე ახმახო-მუღრეგო. ადამიანურ ხელობას ვერ იაწავლიდი, რომ ქალების ჯადობაზობა არ დაგეწყო! ქუდს რაღად ატარებ, წადი ლეჩაქი დაიხურე, რაღა! ფუ, შევარცხვინე ის, ვინც ვაჟკაცი დაგიძახოს. საიდან მოიგონე, მუცელში ეშმაკები ჩასძრომიო? ერთი ვინმემ გკითხოს — ეშმაკი რა არი? საიდან ჩაძვრა, რისთვის ჩაძვრა? ვაჰ, თუ ეშმაკი გინდა, სადღა დაეძებ, აგერ შენ ეშმაკი ხარ, მა რა დარდუბალაა! ტყუილებით ხალხს ატყუებ, ფულებს იჯიბავ, ღიპს ისქელებ.

— სულ ტყუილებით, მაშ! — დაემოწმნენ ცაქანას სიტყვებით გამხნევებული ქალები.

— სწორედ მითხარი, რამდენი გამოართვი? — განაგრძო ცაქანამ, — ერთი ეგ მათრახი აქ მომე...

და ცაქანამ აღარ აცალა, გრიგორს მათრახი თვითონ გადაეცა, მივარდა, ხელიდან გამოგლიჯა და შეუტია:

— თქვი, რამდენი გამოართვი?

— ოცი მანეთი, ცაქანჯან, ოცი მანეთი, — აქეთ-იქიდან მიაძახეს ქალებმა.

— თანაც ამბობდა, ცოტა არისო, — დაუმატა ოსანამ, რომელიც სხვა ქალებთან ერთად მართას დასტრიალებდა.

— ამბობდი, ცოტააო, ჰა? — თვალები დაუბრიალა გრიგორს და

თავი გაიქნია. — ოცი მანეთი... შე არამზადავ, მე მთელი დღე ქუჩა-ქუჩა დავეთრევი, დღეში ერთ წყვილ ჩუსტსა ვცვეთავ, ბევრი ყვირილისაგან უკლი ჩახრინწული მაქვს, თაბახისაგან კისერი მიშეშდება, ლამის მომწყდეს და შალურს ძლივს ვიგებ, რომ ცოლ-შვილი შევინახო. შენ კი ტყუილი ლოცვისა და კითხვისათვის ოც მანეთს იღებ, მერე იაიცი ვისგან? (ცაკანამ თოროსს მაჯაში წაავლო და წინ გამოსწია), — ამისაგან, ამ საცოდავი მოხუცისაგან? ამისი თეთრი წვერისა მაინც შეგრცხვენოდა, მამ ამ თეთრი წვერის მადლი არ უნდა გაგაწყურეს? შენი განკურნებულნიც ხომ ეს არის (ცაკანამ ტახტზე დაგდებულ ცოცხალ-მკვდარ მართაზე მიუთითა), საწყალი ხმას ვეღარ იღებს, იმდენი გიცემია.

მართლაც, მართა ისე იყო მილასლასებული, რომ ძლივს ისმოდა ოხვრა-კენესასთან არეული სიტყვები: „ვაი მოვკვდი... ვაი მოვკვდიო“...

— აბა ახლავე ამოიღე ის ოცი მანეთი, თორემ, ამ მათრახს უყურებ? ტარიანად ზედ დაგამტვრევ. ჰა, რას გაშეშებულხარ? ამოიღე, გეუბნები, მალე! — შეჰყვირა გაცეცხლებულმა ცაკანამ.

— ძმაო, რას მემართლები, რა გინდა ჩემგან, — ბოლოს მიუგო მკითხვემა, რომელიც თავის მართლებას ფიქრობდა და არ უნდოდა იოლად ქედი მოედრიკა. — მე ძალით არ მოვსულვარ, თუ არ უნდოდათ, ნუ დამიძახებდნენ, არც ფული წამირთმევია ძალით, არ უნდოდათ — ნუ მომცემდნენ. აი, ჰკითხე, თუ ათასი თხოვნა-მუდარით არ მომიყვანეს?

— ახლა, რას ფიქრობ, არ გინდა დაუბრუნო, რაღა? — ავის მომასწავებელი ხმით უთხრა ცაკანამ, როცა ბოლომდე დინჯად მოუსმინა და მათრახი შემართა.

ცოლი, რომელიც გვერდში ედგა, ხელში ეცა.

— უი, ცაკანჯან, — შიშით ჩასჩურჩულა, — დაგწყევლის...

— აბა, იქით გაიწი, ჰა, — სიძულვილით მიუგო ცაკანამ და მკლავი გამოგლიჯა ცოლს. — დამწყევლის... ერთი მაგისი ლოცვა მწამს და ერთიც მაგისი წყევლის მეშინია, მართალს ამბობს, ეს ყველაფერი თქვენი ჩადენილი საქმეა, ქალებისა, ქათმის ტვინი რომ გაქეთ. თქვენ რომ არა, ეს ჯადობაზებიც არ იქნებოდნენ. აბა, — მიუბრუნდა ცაკანა გრიგორს, — მაძღვე, თუ არა?

მკითხავი ჯერ ყოყმანობდა, ეტყობოდა, უმძიმდა ოცი მანეთის დაბრუნება, მაგრამ, ერთის მხრივ, ცაკანას მუშტებმა, მეორე მხრივ, იმის

შიშმა, რომ თავისი „ექიმობის“ შედეგი თვალწინ ჰქონდა, აიძულა ღამორჩილებოდა.

— რაკი შაძალებ, რა ვიზამ, მივცემ, სხვა რა გზა მაქვს, — და ხელი ჩაიყო პიჯაკის ჯიბეში, ტყავის სქელი საფუღე ამოიღო, დათვალო ოცი მანეთი და ცაკანას გადასცა: — გაძლევ, მაგრამ იცოდე, ეგ ვაჟაკობა არ არის. აფსუს, რამდენი დრო დავკარგე, ამდენ ხანს სახლში რომ ვყოფილიყავი...

— აბა, მორჩი, ბევრს ნულარ ლაქლაქებ, — შეაწყვეტინა ცაკანამ, — და აქედან მოწყდი, ჩქარა!..

მკითხვემა ქუდი თვალებზე ჩამოიფხატა, სირცხვილისაგან და უძლურების სიბრაზისგან გაფითრებულმა კარისაკენ გასწია და თან ქალების დამცინავი ღიმილი გაიყოლა.

— არ იფიქრო, ამით მორჩა და გათავდა ყველაფერი, — მიძახა ცაკანამ, — თუ ეს ქალი ამ ცემის შემდეგ არ განიკურნა... ჩემი ვაჟაკობა მაშინ ნახე...

შარათა მათრახით ცემისაგან მალე მორჩა, მაგრამ რამდენიმე თვის შემდეგ სიგიჟისაგან გარდაიცვალა. მალე მას მოხუცი მამაც მიჰყვა.

ხოლო მკითხვეი გრიგორი, წინანდელივით მომღიმარი და ლოყებლაყლაყა, დღესაც განაგრძობს თავის ხელობას.

საქულა სალოცავად წავიდა

დურგალმა საქულამ ნელა შეაღო კარი და შინ შევიდა.

მის ცოლს, ნატოს, მკლავები დაეკარწახებინა, იატაკზე ჩაკუზულიყო და დაკოწიწებულ თაბახში სარეცხს რეცხავდა. ბუხარში ზედადგარზე იდგარ ქვაბის ქვეშ რაძლითივე წვრილი შეშა ხრჩოლავდა. მიწური იატაკი ატალახებულიყო და სარეცხის საპნიანი წყალი ალაგ-ალაგ გუბებელად დამდგარიყო. ოთახში ჰაერი ნესტის, საპნის და ბოლის სუნით იყო გაჟღენთილი. ტახტზე მდგარ აკვანში ძუძუწოვარა ბავშვს ეძინა.

ცოლმა შეხედა ქმრის დაავადებულ და დაღვრემილ სახეს და გული ჩაეთუთქა. „ისევ ვერ არის კარგად“, — გაიფიქრა მან და გულდაწყვეტილი მიაჩერდა.

საქულამ კარი მიხურა, ტახტთან მივიდა, მუთაქა თავქვეშ დაიდო და მიწვა.

— ერთი რამე დამაგდე ზედ, — უთხრა მიფუსტებული ხმით და მოიკუნტა.

ნატომ საპნიანი ხელები გაიწმინდა, ტალახიანი ჩუსტები გაიხადა, ავიდა ტახტზე, განჯინიდან საკმაოდ დიდი და სქელი საბანი გადწოდილო და ქმარს დაახურა.

— კარგად დამახურე, მთელი სხეულით ვკანკალებ, — წამოილულულა საქულამ და საბანი თავზე გადაიფარა.

ნატომ საბანი შეუქეცა, გაუსწორა, რომ სიცივე არსაიდან შესვლოდა.

— გინდა ერთი საბანი კიდევ გადავახურო? — შეეკითხა ცოლი.

— დამახურე.

ნატომ სხვა საბანიც მიუტანა, დაახურა და ხელახლა შეუქეცა

გვერდებზე. ახლა საქულა თავ-ფეხიანად საბნებში იყო გახვეული. ნატოს სარეცხი გადაავიწყდა, ერთხანს ქმარს მიუჭდა.

ხანმოკლე და მძიმე სიჩუმის შემდეგ საბნების კიდე სახიდან გადაუწია ქმარს და ჩურჩულით ჰკითხა:

— საქულა?

საქულამ თვალები გაახილა, შეხედა.

— საავადმყოფოში არ წახვედი?

— ვიყავი.

— რა გითხრეს?

— ათ შაურსა მთხოვენ.

— რომ ამბობენ, ვისაც არა აქვს, არ სთხოვენო?

— მითხრეს: პოლიციიდან, ან მღვდლისაგან ქალაღდი მოიტანეო.

— მერე, იყავი პოლიციაში?

— შევმა ჭირმა მიაკითხოს პოლიციას, მათი თავი ვისა აქვს?

— ძღველთან წახვიდოდი.

— ისიც წყალს წაუღია. ახლახან ვნახე მოედანზე მუცელგამობერილი იდგა. ათი შაური რა არისო, მითხრა, ახალგაზრდა კაცი ხარ, ერთ დღეს რომ იმუშაო, ათ შაურს კი არა, სამ მანეთს გააკეთებო მამაო, ვეუბნები, ჯანი არ მემორჩილება-მეთქი, კარგო, გეხუმრებით, მითხრა. კვირას წირვაზე მოდი და მოგცემო.

— აი, დაენგრეს ოჯახი, — სიკაბასით წამოიძახა ნატომ. — ამ ყოფაში კვირამდე როგორ უნდა გასძლო... ქელები ყოფილიყო, ვინ შოასწრებდა. — თქვა და გაჩუმდა გულჩათხრობილი. დიდხანს განუზომელი სევდით უმზერდა ქმრის გამხდარ, გაფითრებულ სახეს, რომელზეც ავადმყოფობას თავისი წარუშლელი კვალი დაემჩნია. სამი წელია, ეს გაურკვეველი ავადმყოფობა აღნობდა და აჭკნობდა საქულას. წამალი არ დარჩა, რომ მუცელში არ ჩაესხა, ექიმი არ გამორჩა, რომ არ მიემართა. მთელი დღეები და კვირეები წმინდანების კარზე გაატარა. სამღვთოები დაკლა, წითელი და თეთრი სამოსი ჩაიცვა, მაგრამ აოფერმა უშველა. პირიქით, საქულა დღედღეზე უარესად ზღებოდა, სენმა უფრო ღრმად გაიდგა ფესვები. პირველ ხანებში ცოტაოდენს მაინც ჩხირკედლაობდა, ჯანს ძალას ატანდა, მაგრამ ახლა ძღვომარეობა სავსებით სავალალო შეექნა, ხელეჩოს ხელის მოკიდება და სულის ელში მობჭენა ერთი იყო, ისეთი მაგარი გულისძგერა ემართებოდა, თითქოს ბუდიდან გაღმოვარდნა ლამობსო. ამ სამი წლის მანძილზე

ოჯახი მთლიანად დაექცათ, გატყავდნენ. რაც ოქრო-ვერცხლი ჰქონდათ სულ გაყიდეს — დააგირავეს, გამოსყიდვა ველარ შეხძლეს და მიატოვეს. ზედმეტი ბარგი-ბარხანა რაც ჰქონდათ, ისიც ჩალის ფასად გაანიავეს, ვალებში ჩაცვივდნენ და ღღეს იქამდეც მივიდნენ, რომ წამლის საყიდელი „ათი შაური“ არ გააჩნიათ.

ნატომ მწარედ ამოიოხრა.

— საქულ! — კვლავ წაიბუტბუტა.

საქულამ თვალები გაახილა.

— არა გშია?

— არა.

— აგერ ორი-სამი ღღეა პირში ნაწილი არ ჩავიდვია, ცოტა რამ შეკამე, რომ ძალ-ღონე შეგემატოს. ჰელნარაანთმა სამღვთო მოგვიტანეს, შენ შეგინახე, ადე, ჰამე, სადაცაა ღედაც თონიდან პურს მოიტანს.

— თუ არ მინდა, რა ვქამო?

— არა უშავს, ძალით ჰამე. თორემ, ეგრე პირმოკუმული ხომ უფრო დასუსტდება. ადე.

— ეჰ, — გაბოროტებით წამოიძახა საქულამ და კვლავ თვალები მილულა.

ნატომ ისევ ღრმად ამოიოხრა და ერთხანს ჩუმად იჯდა, ღრმა ფიქრებში ჩაფლული.

— ჰო, საქულჯან, — უცებ წამოიძახა, თითქოს რაღაც მოაგონდაო. — დილას უნდა შეამბნა შენთვის, მაგრამ უკვე წასული იყავი. წუხელ ძალზე გასაოცარი სიზმარი ვნახე. ვითომ შენ ეგრე იწექი ტახტზე, ერთიცი ვნახოთ, ვილაც წითელ ცხენზე მჯდომარე, გაშიშვლებული ხმლით შემოვეარდა და პირდაპირ შენკენ წამოიწია, — „რას გაშოტილხარ, რატომ არ მოდიხარო“, და ხმალი რომ მოგიქნია, — უცებ გამომეღვიძა. როგორ შემეშინდა, როგორ შემეშინდა, გულს ბაგა-ბუგი გაჰქონდა, მეგონა, მართლა გკლავდა. ეხლა, იცი რას გეტყვი, საქულჯან, ღედა რომ მოვა, მკითხავთან გავგზავნოთ, რა ვიცი, იქნებ ისევ სასწაულის ბრალია და შენ კი ტყუილ-უბრალოდ წამლებით უნდა გაიქციო.

— ვა, იხევე სასწაული? — მწარე განკიცხვით წამოიძახა საქულამ.

— ვაი ჩემ თავს, აბა რას ამბობ, საქულჯან, არა, გენაცვალე, სასწაულზე ნურაფერს იტყვი, ეწყინება, — მოკრძალებით წარმოთქვა ნატომ. — მართალია, სასწაულის კარზე ბევრჯერ მივსულვართ, მაგრამ

მერე რა, ეს ერთიცა ვცადოთ. საქულჯან, შენ ვერ წარმოიდგენ, რანა-
ორად ვნახე, ასე აშკარად, ასე ნათლად, აი ახლაც კი თვალწინ მიდგა
ცხენიანი კაცი გაშიშვლებული ხმლით ხელში. რას იტყვი, საქულჯან,
დედა რომ მოვიდეს, გავგზავნოთ?

საქულას თვალეზი უკვე დაეხუჭა.

— ეჰ, როგორც გენებოთ, ისე მოიქეცით, — წარმოთქვა ბოლოს.

— ჰო, ჰო, საქულჯან, გავგზავნოთ, გავგზავნოთ.

აკვანში ბავშვი ატირდა.

ნატო წამოღგა, აკვანთან მივიდა, დაიჩოქა, რწვევა დაუწყო, მაგრამ
რაკი დაინახა, რომ ბავშვი არ ჩუმდებოდა, აკვანზე გადაეყუდა, ძუძუ
ჩაუღო პირში, თვითონ კი ღრმა ფიქრებს მისცა თავი და ერთ წერ-
ტილს მიაშტერდა.

• • •

კარი გაიღო. სახლში მოხუცებული, გამხდარი, დაბალი ტანის, სევ-
დიანი გარეგნობის კეთილი დედაბერი — საქულას დედა შემოვიდა.
მან ლურჯ სუფრაში გახვეული პური შემოიტანა. უკან შემოჰყვა ოთხი-
ხუთი წლის გამხდარი გოგონა, მისი შვილიშვილი. ბავშვს ორი პური
მაგრა მიეკრა გულზე. ერთი პური ჩაცურებოდა, ძირს უვარდებოდა,
სასწრაფოდ მიიღბინა ტახტამდე, ფეხის წვერებზე დადგა და პურები
ტახტზე შეყარა.

— დიდი ხანია, არ ჩაწოლილა, — სევდიანად ჩაიბუტბუტა დედა-
ბერმა, როცა ტახტზე მწოლიარე შვილს გადახედა. — შე კაი კაცო, რო-
ცა არ შეგიძლია, რა ძალა გადგია, რომ სისხამ დილით გარბიხარ.

შებეული პური ტახტზე დადო და დაბალი ხმით რძალს მიმართა.

— სძინავს?

— არ ვიცი, ახლა ეღვიძა, — მიუგო ნატომ.

დედაბერი მიუახლოვდა შვილს და შეეკითხა:

— საქულჯან!

— რა გინდა?

— გძინავს?

— არა.

— როგორა ხარ?

— ეჰ, რა ვიცი, როგორა ვარ.

— თბილ-თბილი პური მოვიტანე, ადგი, ჰამე.

— რა ზაპლა წაიღეთ, — შეუტია საქულამ ნერვიულად და მეორე გვერდზე გადაბრუნდა.

ღრმა სევდით მოცული დედაბერი პატარა ხანს დასცქეროდა ავად-მყოფ შვილს, შემდეგ ბოღმიანად ამოიოხრა, წავიდა, შეკრულა გახსნა, თბილ-თბილი პურები ამოალაგა და ტახტზე დააწყო, რომ ნიავს გაეცლო. სახლში თბილი პურის საამო სუნი დატრიალდა.

— ქალო, მაშ საავადმყოფოში არ წასულა? — ჩუმად შეეკითხა რძალს. მას ძუძუს წოვება დაემთავრებინა და ბავშვს არწევდა.

ნატომ უამბო, რომ სიღარიბის მოწმობის უქონლობის გამო საავადმყოფოში უფასოდ არ მიედოთ. ისიც უთხრა, მღვდელი კვირისათვის შეპირებია მოწმობის მოცემასო.

— აი, მიწამ უყოს პირი შენს ტერტერას, — წამოიძახა აღელვებულმა კეთილმა დედაბერმა. — მაშ ის აღამიანია? ამ მდგომარეობაში კვირამდე როგორ გაძლოს? დღეს მგონი ორშაბათია, არა?

— რა ვიცი? — უიმედოდ უპასუხა დაღვრემილმა რძალმა და აკვანს ადგილი შეუცვალა, რადგან ფიცრები, რომელზედაც აკვანი იდგა, ძალზე ჭრიალებდა. — გოგო, მოდი ერთი დაარწიე, სარეცხი დამრჩა, — მიმართა გოგონას, მას თბილი პური მოეტეხა და გემრიელად შეექცეოდა.

პატარა გოგონა ტახტზე ავიდა, მოიკეცა, ერთი ხელით აკვანს არწევდა, მეორეში პური ეჭირა და მადიანად კბეჩდა.

ნატო ტახტიდან ჩამოვიდა, ფეხებზე ჩუსტები წამოიკეცა, ვიდრე სარეცხის რეცხვას შეუდგებოდა, დედამთილს მიუჯდა გვერდზე და ყურში ჩასჩურჩულა.

— დედიჯან, ადექი და წადი მკითხავთან, ვნახოთ, რა პასუხს მოგცემს ჩემს სიზმარზე, დილას რომ გიამბუ. აი ნახავ, თუ ის ცხენოსანი წმინდა გიორგი არ იყოს.

— აბა რა ვიცი, შვილო, — ნაღვლიანად უპასუხა დედაბერმა. — წმინდა გიორგიც ვინახულეთ, სამღვთოც დავუქაღით, მაგრამ შველით კი არაფერი ეშველა.

დედაბერმა მძიმედ ამოიოხრა.

— არა, არა, დედიჯან, შენი სულის ჭირიმე, ადე, ადე, ეხლავე წადი, — შეეხვეწა რძალი. — აი, ერთი აბაზი მაქვს, მოგცემ.

ნატომ კაბის ჯიბიდან სასწრაფოდ ამოიღო ცხვირსახოცი, წვეარში გამონასკული ერთი აბაზიანი გამოხსნა და დედამთილს გადასცა.

დედაბერმა ფული ბურნუთისაგან გაყვითლებულ ცხვირსახოცში გამოკრა, ჯიბეში ჩაიღო, მოიხვია გახუნებული შალი და გზას გაუდგა.



დაახლოებით სამმა საათმა გაიარა. ნატოს სარეცხი უკვე გაეწვლო წყალში და ეზოში თოკზე ჰფენდა, როცა დედამთილი დაბრუნდა.

— ხომ არ ამდგარა? — შეეკითხა დედამთილი.

— არა. ძალიან კარგად სძინავს, — უპასუხა ნატომ და ჰკითხა, — რატომ დაგაგვიანდა ამდენ ხანსო.

დედაბერმა შალი მოიხსნა, კარებთან სკამზე ჩამოჯდა.

— რას ამბობ, ქალო, ნეტავ თუ საშუალება არის მასთან შესვლისა? — მიუგო დედამთილმა. — რამდენი მუშტარი ჰყავს იმ დასაბრმავებელსა, — სახლს ზანზარი გააქვს.

— კარგად კი მიხვდა, დედიჯან? — ჰკითხა რძალმა.

— ისე თითო-თითოდ ჩამომითვალა, თითქოს ჩვენსა ყოფილიყო.

— მართლა...

— შენმა მზემ.

ნატომ სასწრაფოდ მოიკალათა დედამთილის გვერდით.

— მაინც რა თქვა? — ძალზე დაინტერესებული შეეკითხა იგი.

— რომ ვთქვა დანაკარგიო, თქვა, დანაკარგი არ არისო, რომ ვთქვა მოგზაურიო, არც მოგზაურიო. ეს ვინც არის, არც ბავშვია, არც მოხუცი. ეს რა არისო? თქვა, წინ ხელეჩო უდგია, თუ სხვა რაიმე, არ ვიცი, მაგრამ რას იზამ, საცოდავს ხელში ძალა გამოლევია, რომ ხელეჩო აიღოსო.

— მართლა? დედიჯან, ეგრე თქვა? — შესძახა გაკვირვებულმა ნატომ.

— ღმერთის მადლმა. აფსუსო, თქვა, მერე და, რა კარგი აღამიანია, როდის ვახდა ავად, რომ ეგრე ჩამოძხმარა. აი, აშკარადა ჩანს, რომ მთელი ნაშრომ-ნაწვალი წამლებში დაუხარჯავს, მაგრამ არა შევლებია. ესენი ვინ არიან? ორი პატარა, ერთი ღიღი. ეს ღიღი დაა თუ ცოლი, ძალიანა წუხს. აი, ერთიც არის, მოხუცებული, ესეც ღიღ ფიქრებშია. ესეც ხომ შენა ხარ, რაღას მაწვალებო.

— უი, მართლა, დედიჯან! — წამოიძახა ნატომ, თან უკიდურესი გაცეცხისა და სიამოვნებისაგან თვალები გაბრწყინებოდა.

— მართალი რომელია, ქალო. გეუბნები, ისე თითო-თითოდ გად-
მომილაგა, თითქოს ჩვენს სახლში ყოფილიყო.

— მერე?

— მერე... ეს რა არიო, წამოიძახა, ცხენოსანია, თუ ფრთოსანი?
მხოლოდ მიწიერი არ არისო. დახე, დახე, ცხვირის ნესტოებიდან
ცეცხლს აფრქვევს, როგორც გავარგარებული თონიდანო. რალა ბევ-
რი გავაგრძელო, წმინდანია რალა, ვერ ამჩნევთ, მე ხომ ბრძენი არა
ვარ, რომ ყველაფერი სწორად გავიგოო. ვისი მლოცველიაო, მითხრა,
წმინდა სარქისისა, თუ წმინდა გიორგის, სალოცავად უნდა წავიდესო.
სხვა რალა გითხრა, რაც იყო, ეს არის, მეტი არაფერი.

— უი, წმინდა სარქისის და წმინდა გიორგის მოწყალება ნუ მოგ-
ვაკლავს, — წარმოთქვა ნატომ, თვალები მალლა ალაპყრო და მოწიწე-
ბით პირჯვარი გამოისახა. — ხედავთ, ჩემი სიზმარი გამართლდა. უი,
თვალეები დამიბრმავდეს, შარშან ექიმებს გამოვუღდექით, თელავში არ
წავედით ღამის თვეად და ხედავთ, რა მოხდა?

— ჰო, ისიც თქვა, — შეაწყვეტინა დედაბერმა, — სამი ღღე და
ლაქე გარეთ, ეკლესიის კედელთან უნდა იწვეს: ჰერად ზეცა ეფაროს,
ლოგინად დედამიწა ჰქონდეს, რადგან ის ცეცხლოვანი ფრთოსანი
ზეცაა და დედამიწას შუა დაფრინავსო.

ნატომ ღიღის მოწიწებით ერთხელ კიდევ გამოისახა პირჯვარი და
გადაქრით განაცხადა:

— ანე, მაშ, ახლავე სანთელს შემოვავლებ და გადავდებ თელეთის
წმ. გიორგისათვის, ვენაცვალე იმის ძალას და მადლსა.

იგი სასწრაფოდ წამოდგა, დარჩენილი სარეცხი თოკზე გადაფინა
და ოთახში შევიდა. დედამთილიც ფეხდაფეხ მიჰყვა. ნატომ ჩუსტები
გაიძრო, ტახტზე ავიდა, განჯინიდან ორი ყვითელი თაფლის სანთელი
გამოიღო, ფეხაკრებით, რომ ტახტის ფიცრებს არ ეჭრიალა, ავადმყოფ
მეუღლესთან მივიდა; თავზე შემოავლო, ისევე ფრთხილი ნაბიჯით გა-
იარა ტახტი, ძირს ჩამოვიდა, ჩუსტები ჩაიცვა და სანთლები ბუხრის
თავზე დააწყო, იქ, სადაც ყოველ კვირაძალზე ანთებდნენ და ლოცუ-
ლობდნენ.

* * *

ავადმყოფმა დაიკვნესა და საბანქვეშ გაინძრა.
დედაბერი მიუახლოვდა.

— საქულჯან!

— ჰა!

— გლვიძავს?

— ჰო.

— მკითხავთან ვიყავი.

საქულამ საბნის კიდე გადაიწია და გაოცებით შეზღდა დედას თვალებში.

— ჰოდა, რა გითხრა?

აწითლებულ დანამულ პირისახესა და სიცხიან ამღვრეული თვალე-ბის გამომეტყველებაზე ეტყობოდა, რომ გამაჯანსაღებელი ოფლი მოსვლოდა.

— უი, გენაცვალე, საქულჯან, ეგ რა კარგი საქმეა, ოფლი მოგსვ-ლია, — წამოიძახა ნატომ, სწრაფად მოიხრინა, მოიძრო თავშალი და ავადმყოფს ოფლი შეუმშრალა. — არ გადაიხადო, საქულჯან, შენი ჭი-რიმე, არ გადაიხადო. — უთხრა და საბნის ნაპირები ჩაუკეცა. — ისე კარგად გაუგია, საქულჯან, რომ პირდაპირ გასაკვირია. დედი, მოდი ერთი უამბე.

დედაბერმა ავადმყოფის გვერდით მოიკეცა და დაწვრილებით უამბო მკითხავის ნათქვამი.

ნატო ფერხთით უჯდა ავადმყოფს, თვალ-წარბში შეჰყურებდა, აინტერესებდა მკითხავის წინასწარმეტყველება როგორ იმოქმედებდა ავადმყოფზე.

საქულა დუმდა, ყურადღებას არ აქცევდა, მარტო გამხმარ ტუჩებს ილოკავდა.

პატარა გოგონა ცალი ფეხით აკვანს არწევდა. თან თოჯინას ათახა-შებდა. თვითონ გაეკეთებინა: ერთ ბრტყელ ღილზე თეთრი ნაქერი შე-მოეხვია, ღილი შავი ძაფით დაემაგრებინა ჯოხზე, ზედაც თავის ხელით შეეკერილი რალაც ტომარა ჩამოეცვა და თოჯინა უკვე მზად იყო. თა-მაშიც მინი თოჯინასავით მარტივი და უბრალო იყო. ენით და ტუ-ჩებით რალაც სათამაშოს აჰყიპინებდა, თან თოჯინას ტახტზე ათამა-შებდა.

— ახლა რას იტყვი, შვილო, თელეთში წავიდეთ თუ არა? — შე-ეკითხა დედაბერი, ლაპარაკის დასრულების შემდეგ.

— რითი უნდა წავიდეთ, — მიუგო საქულამ. — ათი შაური არა

მაქვს, რომ საავადმყოფოში გადავიხადო და თელეთში რითი წავალთ?.. სულ ცოტა, ერთ-ორი თუმანი მაინც დაგვეკირდება.

— საქულჯან, ეგრე ნუ იტყვი, გენაცვალე, წმინდანს ეწყინება, ორი თუმანი რა არის, ვისგანმე ისესხე. წახვალ, ილოცებ, გამოჯანსაღდები, მერე იმუშავებ და ორ კვირაში გადაუხდი.

საქულას ისედაც ბევრი ძველი ვალი ჰქონდა და ახლის აღება უმძიმდა. გარდა ამისა, ამ მდგომარეობაში მყოფ ადამიანს, აბა, ვილა ენდობოდა.

— სახლი დააგირავე, ჯანდაბას ჩვენი თავი, სახლი ხომ შენ არ გჯობია? — უპასუხა ნატომ.

— შენც თქვი, რა... — აღელვებით უპასუხა საქულამ. — იქნება არ ჰოვრჩი და მოვეკვდი, რითი უნდა დამმარხოთ? საქმელ-სასმელს ბევრს იშოვით, რომ სახლის ქირაც აძლიოთ? ერთი ქეციანი ჰერი გაქვთ, ეს მაინც დაგრჩეთ, რომ ქუჩაში არ დარჩეთ.

— ეჰ, რეებს ამბობ, საქულჯან, შვილო, — აღერსით უთხრა დედაბერმა. — ეგ რა სათქმელია, შენ რომ ამბობ. ცოტა ჩვენც შეგვიბრალე, გულში ცეცხლს რად გვინთებ და გვხრუკავ.

კეთილ დედაბერს თვალები ცრემლით აევსო.

— მაგას ხომ ღმერთი არა სწამს! — წამოისლუკუნა ნატომ და თავშლის წვერები თვალებზე მიიღო.

ერთ წამს ოთახში მძიმე სიჩუმე გამეფდა. დადუმებულიყო პატარა გოგონაც, თოჯინა კალთაში ჩაეგდო და გაოცებული შესტკეპროდა ხან ღედას, ხან მამას, ბებიას...

— კარგი, ეს ერთხელაც ვცადოთ, — დაეთანხმა საქულა, რომელსაც ზედმიწევნით ეგრძნო თავისი უკანასკნელი სიტყვების მთელი სიმძიმე.

* * *

საღამო უამს საქულა ერთ თავის ნაცნობ მოიჯარადრესთან წავიდა. იგი მთელ ქალაქში განთქმული იყო დურგლებშიც, კალატოზებშიც და მუშებს შორისაც. მოიჯარადრეს სერგეი სტეფანიჩის სახელით იცნობდნენ ან უბრალოდ სერგო ალათ მოიხსენიებდნენ.

სერგეი სტეფანიჩი ახოვანი ტანის, გრძელუღვაშებიანი, დაახლოებით ორმოცდაათი წლის ვაჟკაცი იყო. შავი ატლასის ახალუხი ეცვა

და ზედ ოქროს საათის მსხვილი ძეწკვი უპრიალებდა. იგი დიდი შენობის ეზოში ერთიმეორეზე დაწყობილ მსხვილ ფიცრებზე იჯდა. ახალუხზე საზაფხულო პალტო ეცვა და კალთები შემოეკეცა, ხელში კრიალოსანი ეჭირა, თან დღის ბოლოს უკანასკნელ სამუშაოებს გასცქეროდა. ათეული ოსტატები და მუშები ირეოდნენ ნახევრად აშენებულ კედლებზე, ეზოში გაფანტულ ფიცრების ირგვლივ, ცემენტის კასრებთან, ქვიშის, მიწის, ტალახის, გაჯის, კირის და აგურების ბურგების მახლობლად... მაღალი კედლის თავზე მზის ჩამავალი სხივებით გაბრწყინებული სპარსელი კალატოზი თან აგურს აგურზე ადებდა, თან სასიამოვნო ტენორით ბაიათს აკრიალებდა.

— უსტა საქულ? — შესძახა სერგეი სტეფანიჩმა. — კაცო, ეგ რა მოგსვლია, ისევე აეადა ხარ?

— დიახ, ალაჯან.

— შე ოჯახაშენებულო, ნუთუ აქამდე ვერ გამოჯანსაღდი? წამლებს ხომ ღებულობ?

— რა ვიცი, რაც მქონდა და არა მქონდა, სულ წამლებში მივიეცი, მაგრამ არათფერი მეშველა. ეს ოხერი სენი შემიძვრა ჯანში და აღარ გამოდის.

— არა მუშაობ?

— ხანდახან, როცა კარგადა ვარ, ცოტა-ცოტას წავიმუშავებ ხოლმე, მაგრამ, აბა, რა გამოეა ასეთი მუშაობით? ოჯახის შენახვა ძნელია, ალაჯან.

— თუ შეგიძლია, მოდი, იმუშავე, აქაც და სხვაგანაც სამუშაო ბევრი მაქვს.

— მინდა, როგორ არ მინდა, ალაჯან, აი ახლა, ამით რომ ვხედავ, — საქულამ ირგვლივ მიუთითა, — ჯანში ცეცხლი შეკიდება, მაგრამ, რას იზამ, როცა ამ ოხერ ხელებში არაქათი აღარა მაქვს.

— მაშ რაზე მოსულხარ?

— მოვედი, რომ... — წაილულლულა საქულამ და თვალები დახარა, სიტყვა ვერ დააბოლოვა.

— ალბათ კიდევ ფული გინდა, არა?

— ჰო, ალაჯან, — წარმოთქვა და საცოდავად შეხედა.

— მაშ ის, წინანდელი ათი მანეთი?

— ის წინანდელი ათი მანეთიც... რასაკვირველია, — კვლავ წაილულლულა საქულამ და დაუმატა, — თუ რომ...

— რა, თუ რომ?

— თუ რომ... მე რა ვიცი, გირაო გენებოს...

— რა გირაო.

— შენ იცი, რაღა ალაჯან, ერთი სახლი მაქვს...

— ვითომ ისიც სახლია... — სერგეი სტეფანიჩმა მხიარულად გადაიხარხარა, ცქვიტი ჭაბუკივით ზეზე წამოხტა, ხელით უკანა მხარე გაიბერტყა. — კაცო, რა სახლია, ერთი წიხლი რომ ვკრა, გადაიქცევა. საქმე გაქვს, საქმე თქვი.

— აბა რა ვთქვა, ალაჯან, ეგ არის, მაგის მეტი არაფერი მბადია. გინდა — მიიღე, არა და — პირდაპირ მტკვარში გადამაგდე. სხვა გზა არ გამაჩნია, ალა.

სერგეი სტეფანიჩმა ისევ გაიცინა.

— ვაი, საწყალო ჩემო საქულ, რა კაი კაცი ხარ, — თქვა და კეთილი გრძნობით მხარზე ხელი დაარტყა. — შენ ის მითხარი, კიდეც რამდენი გინდა?

— კიდეც ოცი მანეთი რომ მიბოძო, ალაჯან...

— ოცი მანეთი? ოცი მანეთი რა არი? ოც მანეთს ერთი რომ შეუბერო, გაქრება, — განაგრძო სიცილით სერგეი სტეფანიჩმა.

— ჭერჭერობით ოცი მანეთიც მეყოფა, ალა. — მიუგო გულმომაგრებულმა საქულამ. — მერე ვნახოთ, რა იქნება...

სერგეი სტეფანიჩმა უეცრად სერიოზული გამომეტყველება მიიღო.

— ეგ კი ლამაზი არ არის, არა, არა, უსტა საქულ, — სწრაფად გააწყვეტინა სიტყვა, — ოც მანეთსაც რომ გაძღევ, ეგეც ჩემი სულის გულისათვის, რადგან კაი კაცი ხარ, კარგი ოსტატი, ჩემთან ბევრჯერ გიმუშავია, თანაც არა ლოთობ.

— ღმერთმა გადღეგრძელოს, ალაჯან, შენი პური ბევრი მიჭამია, მაღლობელი ვარ: სხვა რაღა მოგახსენო, ალაჯან, თუ გამოვჯანსაღდი და არ მოვკვდი, ის მე ვიცი.

— ახლა კი ცოტა მოითმინე, ავერ საცაა შაბაში იქნება. მერე ჩვენსა წავალთ, ოცდაათი მანეთის პატარა ვექსილს დავწერთ, — წინანდელათ მანეთზე გეუბნები, — და ბოლოს, როცა გამოკეთდები, ჰა, რას იტყვი, კარგად არ გეუბნები? — შეეკითხა სერგეი სტეფანიჩი, რომელმაც შეატყო, რომ საქულა ვექსილის ხსენებამ საგონებელში ჩააგდო.

— როგორც გენებოს, ალაჯან, — მიუგო საქულამ და ყურს უკან მოიფხანა.

— არა, შენ როგორა გსურს? ვექსილს იმიტომ გეუბნები, რომ სახლის დაგირავება დიდ აყალმაყალთან არის დაკავშირებული, — ეს გაგრძელება, ზედმეტ უბრალო ხარჯებს გამოიწვევს.

— კარგი, ვექსილი იყოს, — დაეთანხმა საქულა.

* * *

მეორე დღეს ნატომ რამდენიმე არშინი თეთრი მიტკალი იყიდა, პერანგი შეუყერა და საქულას ახალუხზე გადააცვა. რამდენიმე დღის შემდეგ კი „თელეჟკაზე“ იჭდა მთელი ოჯახი და თელეთს მიემგზავრებოდა. „თელეჟკის“ ბოლოში, ფიცრებზე დაკრული სამღვთო ცხვარი იყო დაკრული, და თავისი ცხვრული თვალებით მტკრიან გზას გასცქეროდა.

გრძელმა ქვიანმა გზამ, — „თელეჟკის“ ყანყალმა და სიცხის ბულმა ისე მიააუსტა საქულა, როცა სადილობისას თელეთს მივიდნენ, დედის და ცოლის დახმარებით ძლივს გადმოვიდა „თელეჟკიდან“ ფეხების ფრატუნით, რის ვაი-ვაგლახით მივიდა დიდი კაკლის ხის ქვეშ გრძელ სკამამდე და ბოლოში ჩამოჯდა.

ამავე კაკლის ფართო ჩრდილში, ოთხკუთხედ ფიცრულზე, მორთულ-მოკაზმულ ქალბატონებს მოეყარა თავი, ქალიშვილებს და მოსწავლე ქალ-ვაჟთ, თბილისელი მდიდარი ბაზაზების, ბაყლების და ღვიწით მოვაჭრეთა ოჯახებს, ისინი მსახურებით და მხლებლებით მოსულიყვნენ, მონასტრის საუკეთესო ოთახები დაეკავებინათ, არა როგორც მლოცველებსა და ღამის მთეველთ, არამედ როგორც მოაგარაკეებს, ღროს გამტარებლებს. შორიახლო ერთმანეთის გვერდით ორი სოფლელი მღვდელი იჭდა ქოლგებით ხელში, მშვიერი მგლებივით მიშტერებოდნენ აივანზე იმ მსახურთ, მაგიდებზე თეთრ სუფრას რომ მლიდნენ, ყავის სამზადისს შესდგომოდნენ. ღორივით ჩასუქებულნი, ანაფორაში გახვეული მონასტრის ბერი თავისი ბინის აივანზე, სამრეკლოს ქვეშ ნარდს ეთამაშებოდა ერთ-ერთი მლოცველის ვაჟიშვილს.

— თქვენ წადით, ემთხვიეთ, ვიდრე მე ლოგინს გავშლი და ამ ბარგი-ბარხანას ოთახში შევყრი, — უთხრა ნატომ დედამთილს და ქმარს.

დედაბერმა ხელი მკლავში მოავლო საქულას, ეკლესიაში შევიდნენ, სანთლები დაანთეს, ემთხვიენ, მუხლი მოიყარეს, ილოცეს, კვლავ

ემთხვიენ, „პაპანიჩი“ წააკითხეს მღვდელს, ფეხდაფეხ რომ შემოჰყვა მათ. როცა გამოვიდნენ, ნატოს, მკითხავის განკარგულების თანახმად ეკლესიის კედლის ძირში, უკანა მხარეს გაეშალა ლოგინი, თან მოტანილი საგნები კი ერთ-ერთ ცარიელ ოთახში შეეყარა. ძუძუს ბავშვი ტიროდა პატარა გოგონას კალთაში, ბავშვი ანანავებდა და „სუ-სუ“ს ჩასძახოდა, მაგრამ ამაოდ, პატარას ვერ აჩუმებდნენ.

როგორც კი საქულა ეკლესიიდან გამოვიდა, მაშინვე ლოგინში ჩაწვა.

დედამ თავი მიანება და რძლის მისაშველებლად გასწია, რომ ოთახი მიელავებინათ, ოთახი ძალზე ნესტიანი და ჭუჭყიანი იყო.

იმ დღიდან მოყოლებული, ეკლესიის კედლის ძირში იწვა ლოგინში. ლამაზობით დედა გვერდზე უჯდა, დარაჯობდა. საბედნიეროდ, კარგი დღეები დაიჭირა, სასიამოვნო დარი იდგა და საქულაც კარგად გრძნობდა თავს. მეორე დღეს, დილით სამღვთო დაკლეს. ყველაზე საუკეთესო ნაჭრები და ტყავი წაიღეს მონასტრის ბერმა, მღვდელმა, დიაკვნებმა და მნათემ. რაც დარჩა, მლოცველებს გაუნაწილეს. ნახარშის წვენი ფეხშიშველა ბავშვებს და დედაკაცებს დაურიგეს, ათასნაირი ჭურჭლებით რომ მოსულიყვნენ.

ძალზე ცხელოდა, ხვატი იდგა, სულს ვერ ითქვამდა კაცი. საღამო ეჟამს პოიღრუბლა, ჩამობნელდა, ელვა-ქექა დაიწყო, ჯერ შორიდან, მერე უფრო ახლო და ახლო, ჰაერი შეირყა, ატოკდა, შემდეგ კი ისეთი შედგარი ქარი ამოვარდა შრიალ-გრიალით, რომ მთელი ზეცა და დედამიწა ერთმანეთში აირია, მტვრით და ნაგვით აავსო ყოველი კუთხე. ერთი რალაც საფანტისოდენა ცივი და მრგვალი მოხვდა საქულას პირისახეზე, რომელსაც საბნის წვერი აეწია და გოცეებული შეკუთრებდა ბუნების ამ გაშმაგებულ სტიქიას. ერთს მოჰყვა მეორე, მეორეს მესამე, მეოთხე... თანდათანობით უფრო მომსხო და ხშირი. საქულამ მარდად იბრუნა გვერდი და თავზე საბანი წაიხურა. სეტყვანარევი წვიმა განუწყვეტლივ ურტყამდა საბანზე. ნატომ სასწრაფოდ მოარბენინა ფარდაგი და ზედ დაავლო, დედაბერმა კი ერთი ორი ტომარა მოიტანა და ისიც გადაათარა.

საქულა მოკრუნჩხულიყო ამ სიმძიმის ქვეშ, ჰაერი არ ყოფნიდა,

• პარაკლისის გადახდა ავადმყოფის განკურნების მიზნით.

თან სეტყვანარევ წვიმას ყურს უგდებდა, უმოწყალოდ რომ უკაკუნებდა ფარდაგზე და ტომრებზე. ესმოდა, რა სასტიკად ჰქროდა ქარი, ელვა-ჰეჰა-ქუხილი და კაკლის ხის საცოდავი შრიალი. ავადმყოფმა იგრძნო ბალიშზე დაგროვილი წყალი, რომელმაც ნაკადულივით ჩაუქროლა ყურების ძირში, მორიავედა მთელ ლეიბზე, მერე კი ყოველი კუთხიდან სისველე და წყალი შეუღდა ლოგინში.

მთლად დალუმპული ცოლი და დედა, აღლევებულები იდგნენ და არ იცოდნენ რა ელონათ. მკითხავს ნაბრძანები ჰქონდა, ავადმყოფი სამი დღე და ღამე უნდა იწვეს ღია ცის ქვეშო, სამი დღე და ღამე კი ჯერ არ გასულიყო, არადა, არც ავადმყოფის ამ მდგომარეობაში დატოვება შეიძლებოდა.

- ქალო, ავწიოთ და სახლში შევიყვანოთ, — ეუბნება დედაბერა.
- სამი დღე რომ არ შესრულებულა, — ჰკითხა რძალმა.
- ქალო, მაშ ამ წვიმას ვერა ხედავ?
- აგერ, საცაა გადაიღებს.
- როგორ გადაიღებს, ვერა ხედავ, რა ქეჰა-ქუხილია, როგორი თავსხმაა.

მართლაც, წვიმა გადაღებჯს არ აპირებდა. ახლა სეტყვაც წვიმად ქცეულიყო და ისე კოკისპირულად ასხამდა, თითქმის აღარაფერი არა ჩანდა. განუწყვეტელი ჰეჰა-ქუხილი, წვიმის შხაპუნი, ახლო-მახლო დელებში მოვარდნილი ნიაღვრების ჩხრიალი, ხეების შრიალი — ისე აყრუებდნენ არემარეს, რომ ერთი მეორეს ახლოს მდგომ რძალ-დედამთილს ერთმანეთის ლაპარაკი არ ესმოდა.

ლოგინში მოკუნტული საქულა გრძნობდა ყოველი კუთხიდან როგორი ჩხრიალით ჩასდიოდა წყალი, წვიმას ისე დაესველებინა და დაემძიმებინა საბანი, ფარდაგი და ტომრები, რომ განძრევის საშუალებას აღარ აძლევდა. ჰაერი არ ჰყოფნიდა, რაც იყო, ისიც აბანოს ბულს მოგაგონებდათ, პირდაპირ იხრჩობოდა, იგულებოდა. საცოდავმა ველარ აიტანა, ყველაფერი გვერდზე მიყარა და ლოგინში წამოჭდა. ახლა კი წვიმა პირდაპირ თავსა და წელზე ურტყამდა.

— თქვე უღმერთოებო. თქვენა, ხომ მომკალით, — წამოიყვირა მან. ცოლმა და დედამ სასწრაფოდ, რის ვაი-ვაგლახით წამოაყენეს და კოკისპირულ წვიმაში ძლივ-ძლიობით გადაიყვანეს ოთახში.

სამი დღისა და ღამის თევა უკვე დამთავრებულიყო, თუმცა საქულამ მესამე დღეს ღია ცის ქვეშ არ გაატარა. მეოთხე დღეს ქალაქიდან „თელეჟკა“ მოვიდა მათ წასაყვანად. საქულა „თელეჟკაში“ დააწვინეს, მთლად ღონემიხდილი, დაოსებელი, გზაში უჩიოდა გვერდებში კვლებს, მხოლოდ მაშინ დამშვიდდებოდა, როცა ხველება აუვარდებოდა. ისეთი მშრალი და სუსტი ხველა ჰქონდა, თითქოს ორძოდან ამოდის ეს ხმაო. ზოგჯერ პირდაპირ სული ეხუთებოდა, იხრჩობოდა. დედა და ცოლი გვერდზე ესხდნენ და ღვინის ბოთლით წყალს პირისახეზე უშხაუნებდნენ, რომ გონს მოსულიყო.

ტახტზე ლოგინში იწვა საქულა, თავი თეთრი ხილაბანდით ჰქონდა შეკრული. ქვეშიდან გრძელი ჭუჭყიანი თმები გამოსჩროდა და გამხდარ პირსახეზე მოფენოდა. ისე გაძვალტყავებულიყო, რომ სახეზე მარტო გრძელი და წვრილი ცხვირიღა უჩანდა, თვალები უპრიალებდა და კარებისაკენ იყურებოდა. გარეთ, მეზობლის სახლის კედელს ზაფხულის შუადღის მზე მისდგომოდა, ბრწყინავდა. ქუჩის კარებთან, ჩრდილში გაწოლილიყო ქოფაკი, წითელი ენა გადმოეგდო და სიცხისაგან ქაქანებდა. საქულა ამალღებულ ბალიშზე ნახევრად მიწოლილი გაშტერებული იცქირებოდა გარეთ და მძიმედ ჰქმინავდა. ორი დღეა, კვლებს და ხველებას აღარ გრძნობდა, ნაცვლად ამისა, იქ, შიგნით, რაღაც არაჩვეულებრივ სიცარიელეს დაესადგურებინა, თითქოს ფილტვი, გული და მთელი შიგნეული ნაწლავებიანად გამოეღოთ, გადაეყარათ.

უსაზღვრო სევდისაგან გაშრალი დედა მისჯდომია მოჩაკვდავ შვილს გვერდით და ცხვირსახოცით ბუზებს უგერიებს. ნატოც აკვანთან ზის, ძუძუს აწოვებს ბავშვს და გაშტერებული უიმედოდ შესცქერის ოთახის ერთ კუთხეს, სადაც ნესტისაგან დანამული გაჯი ჩამოცვენას აპირებს. წინაწარვე შეიძლება დაასკვნა, რომ საბრალო უკვე შეერიგებია ყოველგვარ მოვლენას. პატარა გოგონაც ფანჯარასთან ტახტზე მოკალათებულა და ბუზებს იჭერს.

მძიმე და სულშემხუთავი სიჩუმე გამეფებულიყო შინ და გარეთ. ამ მყუდროებას ხართუთით მოვაპრე კინტო არღვევდა. თავზე თაბახი დაედგა, მხრებზე სასწორი გადაეკიდა და ქუჩა-ქუჩა გაჰყვიროდა: „თუთა, თუთა, ახალი თუთა“. იგი ერთ წამს ღია კარებში შეჩერდა და ბოხი ხმით შესძახა: „ხართუთა არა გნებათ“. რაკი დაინახა, რომ არა-

ვინ გამოეპასუხა, სასწორის ჩხაკუნით და ყვირილით თავისი გზა განაგრძო.

ყოველდღიურმა ცხოვრებამ სიკვდილის საზარელი აჩრდილი განდევნა და ეს გაგრძელდა მანამდე, ვიდრე კინტოს ხმა საბოლოოდ არ მიწყდა, რის შემდეგ ოთახში კვლავ უფრო მძაფრად გაისმა სიკვდილის აჩრდილის ირგვლივ შემზარავი ფიქრები.

აედანყოფი თვალებდახუჭული წევს, რომ არ სუნთქავდეს, ნკვდარს ემსგავსება უკვე. მოხუცი დედა მოუსვენრად თვალს არ არიდებს მის პირისახეს, თავი ძალიან ერყუევა, თითქოს რალაცის თქმა უნდა, მაგრამ ორ ძალუძს, ვერ ბედავს. ბოლოს ბუზების განდევნას თავი დაანება, დაემხო შვილის პირისახეს და გაუბედავად რალაც წაიბუტბუტა:

— საქულჯან?..

საქულამ ოდნავ გაახილა თვალები და დედას შეაცქერდა.

— რა იქნება, რომ მღვდელს შევატყობინოთ?

— ვაჰ, კიდევ მღვდელი? — ისე მძლავრად წამოიძახა აედამყოფმა, რომ დედაც და ცოლიც სახტად დარჩნენ. რამდენი ხანი იყო იმისი ისეთი მძლავრი ხმა არ გაეგონათ. — თქვენმა მღვდელმა და სალოცავმა არ ჩამაგდო ამ დღეში!.. რალა გინდათ ჩემგან?.. გამანებეთ თავი, რომ სული წყნარად მივაბარო...

ხმა უცებ ჩაუწყდა, თვალები ცრემლით ავესო, ველარაფერი წარმოთქვა.

— რა ვიცი, შვილო, იქნება რაიმე... — უპასუხა დედამ და გულდამწვარამ სიტყვა ველარ დაამთავრა, რომ შვილი აღარ გაებოროტებინა.

საქულა თანდათანობით მშვიდდება და ისევ გასცქერის მეზობლის მზიან კედელს. დიდხნის სიჩუმის შემდეგ ტუჩები იწყებენ თრთოლვას, რალაცას ამბობს, მაგრამ მისი ნათქვამი გაურკვეველი რჩება.

— რა არის, საქულჯან? — ეკითხება დედა და კვლავ ემზობა პირისახეზე.

ნატო, აქამდე ძუძუს რომ აწოვებდა ბავშვს, ყურებდაცქვეტილი მიბრუნდა ქმრისკენ.

— გეუბნებით, მოიჯარადრე სერგო... — ძლივს წარმოთქვა მომაკვდავმა, რადგან ყოველი სიტყვის თქმაზე სული ყელში ებჯინებოდა, — ის, ვისიც სამი თუმანი მმართებს... ცუდი კაცი არ არის... იქნება არა

გთხოვოთ... მაგრამ თუ გთხოვთ... ჩემი იარაღი მიეცით... თუ არ
ეყოს... ქაშარი გაყიდეთ. სული არ დამიმძიმოთ...

საცოდავ დედას ენა დაება, არ იცოდა, რა პასუხი გაეცა.

ნატოც გრძნობდა, რომ რაღაც მძიმედ აწვეებოდა ყელში... მან თავი
აკვანს დაადო, სახე მკლავებში ჩარგო და ყოველნაირად ცდილობდა
ქვითინი შეეკავებინა.

ხოლო პატარა გოგონა თითებს დაატარებდა ფანჯრის მინაზე, რომ
ბუზები დაეჭირა და კინტოს მიბაძვით მექანიკურად გაიძახოდა: „თუთა,
თუთა, ახალი თუთა“.

სულზე მინაწრო

ზამთარი მოახლოებულყო. სიბნელეს ჯერ მთლად არ მოეცვა არემარე. ზეცა ზაფხულის მდინარესავით ამღვრეულიყო. გამხეცებულ ქარი ზუზუნით დაჰქროდა, მოსტაცებდა ქუჩაში მიმავალ მგზავრს ქულს, მიწიდან ალოკავდა ნაგავს, მტვერს. არახუნებდა კარ-ფანჯრებს, ჰაერში იტაცებდა მეწვრილმანის ღუქნის თავზე მიკრულ აბრას და სადღაც შორს იკარგებოდა.

ქრაქების მომკიდებელს კიბე მხარზე გაედო, ქრაქები ხელში დაეკირა და ასანთებად გარბოდა.

ქუჩის კუთხეში ანთებულ ქრაქებს ქარისაგან თავები დაეხარათ, ციმციმებდნენ და გამურულ მინებიდან ბნელიანი ადამიანის დაწირბლული თვალებივით გამოიყურებოდნენ.

ცარიელ ქუჩაში ერთი პატარა ძალი მოკრუნჩხულიყო, ჩარაზული კარის წინ საცოდავად ცახცახებდა და წკავეწკავებდა. მღებავი დავითა შინ ბრუნდებოდა. ხელები ლურჯი ახალუხის ჯიბეში ჩაეწყო. ქარი უფრიალებდა გაცვეთილ ჩოხის კალთებს და ტყავის ქამარზე ერთი წვერით გამობმულ წითელ ხელსახოცს. მთელი ტანსაცმელი, — ქაპრიდან ფეხსაცმელებამდე, დაფარული ჰქონდა ყოველნაირი ფერის საღებავების წინწყლებით, რომელთა შორის თვალში თეთრი ფერი გეცემოდათ. უიმედო და უმიზნო ადამიანის ნაბიჯით მიაბიჯებდა და თავისთვის რაღაცას ბუტბუტებდა. ცივი ქარი უმოწყალოდ ურტყამდა გაბურძგვნილ სახეში. მტვრით უფარავდა წვერ-ულვაშს და მსხვილ წარბებს. ქარი ძალას ატანდა თვალები დაეხუჭა და ყურებამდე ჩამოფხატული ქუდის მოტაცებას უქადდა, ზოგჯერ ქარი ისეთ მძლავრ იერისმს შიიტანდა დავითზე, რომ იგი ძალაუნებურად შეჩერდებოდა, ადგილზე შეტორტმანდებოდა და მთელი სხეულით წინ გადაიღუნე-

ბოდა, რომ არ წაქცეულიყო, მაგრამ მაინც არაფერს გრძნობდა მაგარი სასმელის უსაზღვრო წყურვილის მეტს, რის გამოც პირში ენა გაშრობდა, გამოფიტოდა ნაწლავები.

სამი კვირა სრულდებოდა, დავითი უსაქმოდ დადიოდა, სამუშაო არ იყო, ზამთარი კარს მოსდგომოდა, სახლის ამშენებელს უკვე დაემთავრებინა აშენება, შემკეთებელს ბინა შეეკეთებინა. ახლა აღარავინ აშენებდა ახალ შენობას, არავის სჭირდებოდა იატაკების, აივნების, სახურავების შეღებვა, ასეთი სამუშაოების დრო უკვე მოთავებულიყო.

ზაფხულის და შემოდგომის სამუშაოს დღიური ხელფასი იმავე დღესაც არა ჰყოფნიდა, მაშინვე ქრებოდა. ახლა ერთი გროშიც არ ეგდო ჭიბეში. დღეს პირველი შემთხვევა იყო, რომ ერთი წვეთი არც არაყი ჩაეშვა პირში, არც ღვინო. მთელი ერთი დღე... გასაოცარი რამ იყო ეს და ნამდვილად უკვირდა კიდევ, რომ აქამდე ჭკუაზე არ შემცდარა, არ მომკვდარა. დღემდე, ვიდრე ამ საშინელ დღეს მოაღწევდა, მთელი თვის განმავლობაში და შემდეგაც, როდესაც ჭიბეში ფული ეგულებოდა, არ ყოფილა დღე, რომ სამუშაოდან ხელად არ გაქცეულიყო ახლო „სამიკიტნოში“ პირის გასასველებლად, ან მუშაობის შეძლეგ მთელი საათობით არ დამჭდარიყო სამიკიტნოში თავის ამხანაგებთან ერთად და შემდეგ კარგად „დასველებული“ შინ შუალამისას ბაიათის ღიღინით არ წასულიყო. ახლა კი... ნისიად მაინც მიეცათ ნახევარი თუნგი ღვინო, ან ერთი „ტრიცატკა“ არაყი. არა, არ აძლევდნენ შეუბრალებელნი, წინათ აძლევდნენ ხისიად, მაგრამ ახლა აღარ ენდობიან. ხედავენ, რომ დაგროვილ ვალსაც ვერ იხდის. ერთერთ რომელიმე ამხანაგს მაინც დაეპატიჟა, არა, აღარავინ ეპატიჟებოდა, ყველანი მასავით უსაქმოდ დაიარებოდნენ. ყველას ჭიბეში თაგვები დათარეშობდნენ. იმ ოხერ სახლშიც აღარ დარჩენოდა ძვირფასი რამ ნივთი — ვერცხლის კოვზი, ოქროს ბეჭედი, საყურე ან ნოხი, რომ ცოლის მაღულად წამოედო, დაეგირავენბინა. ან გაეყიდა. სახლი გამოცარიელებული იყო, ცოლი და ბავშვები ტიტველ-შიშველნი დაუდიოდნენ, თვითონ კი დარდსა და ბოლმას აევსო. დღეს მიკიტანმა, რომელთანაც ზაფხულის თითქმის მთელი ნაშრომი დატოვა, დინჯად გადაუშალა დავთარი და უთხრა:

— აი, ოსტატო დავით, ერთი თუმანი და ხუთი შაური ვალი გაქვს. მოიტანე, ჩამაბარე, ძმაო, და შემდეგ დაჭექი, რამდენიც გასურდეს სვი და ჭამე, შაქრად შეგერგოს.

მან ყურადღებაც არ მიაქცია დავითის ხევწნა-მუდარას, მოკვდა, გაკერპდა, გაქვავდა და ერთი ჭიქა არაყიც არ მიაწოდა, რომ გამოფიტული ხახა დაესველებინა.

ახლა მთლად იმედდაკარგული ბრუნდებოდა შინ, სასოწარკვეთილი, გაბოროტებული ყველაზე და ყველაფერზე. როდესაც ფიქრობდა ხვალაც, ზეგაც და, ვინ იცის, კიდევ რამდენ ხანს ისევე ასეთი მარცხიანი დღე უნდა განეცადა, როგორც დღეს, გონება ეკარგებოდა. წარაშა-რა იჩხრეკდა ახალუხის ჭიბეებს, ისინჯავდა, ამოწმებდა იმ იმედით. იქნებ ჭიბის კუნძულში ერთი ორშაურიანი ან სამშაურიანი მაინც ეპოვა, მაგრამ დაგლეჯილ ჭიბეებში თითები მხოლოდ თმისმაგვარ შეკორძებულ ქუქუს პოულობდნენ. ქართან ბრძოლით ვიწრო და მრუდღე ქუჩას მიაღდა, რომლის გაყოლებით აქეთ-იქიდან ერთმანეთს მიუყუდებოდნენ პატარ-პატარა სახლები, თითქოს იმის შიშით, არ წაევიქცეთო. სახლები საცოდავად გამოიყურებოდნენ თავის მიღრეცილ-მოღრეცილი ფანჯრებით, დამპალი კარებით... დავითი შეჩერდა ერთ-ერთი კარას წინ, რომლის ქუქრუტანებიდან სინათლე გამოსჰქვიოდა. იმის ნაცვლად, რომ ხელით დაეკაჯუნებინა, კარებს ფეხით მაგარი წიხლი ჰკრა. კარებმა კრიალი დაიწყო, ცოტაც და, დაინგრეოდა კიდევ. მაგრამ არ გაიღო, შიგნიდან ჩარახული იყო. ამ შემთხვევამ უფრო გააცოფა იგი და წიხლი პირველზე უფრო მძლავრად სდრეუბა.

— ჩაძაღლით, დაიხოცებით! — დაიღრიალა, თან ლანძღვა-გინება დააყოლა.

შიგნიდან კარის საკეტის ჩხარუნი მოისმა. ფეხიშიშველმა დაგლეჯილ ტანსაცმლიანმა, თმებაბურძენულმა პატარა გოგონამ კარი გააღო, სიცივეზე შეაკანკალა, ერთ მხარეს გადადგა და მამას გზა დაუთმო.

დავითი შევიდა, სისხლიანი თვალები მიმოავლო მშვიერ გოგონას, საცოდავად რომ შეჰყურებდა მამის ცარიელ ხელებს და, იმ დროს, როდესაც კარებს რახავდა, ერთი მძიმე მუშტის დარტყმა იგრძნო კედელში. ხმა არ ამოუღია, იმავე ადგილას გაჩერდა, ხელები თავზე დაილაგა და ქათამივით იქვე ჩაიკეცა. მამის მეორე დარტყმას მოელოდა და ამიტომ შინშილისაგან დასუსტებულ, ღონემიხდილი ჩონჩხად ქცეული ხელებით იფარავდა თავს, მაგრამ მამა მხოლოდ ერთი დარტყმით დაკმაყოფილდა და იმწამსვე ცოლს მიუბრუნდა, რომელიც ტახტზე მოკეცილი რაღაცას კერავდა ლამპის შუქზე.

— ჰა, მოკვდით და ჩაძალდით! კარები კინაღამ დავამტვრიე, გახავერ გაიგეთ? აი დავაყრუათ ღმერთმა. ისე მაგრად ჩაგირაზავთ, თითქოს ყაჩაღებისა გეშინოდეთ. ძალიან გეშინიათ უცებ შინ არავინ შემოგიცვივდნენ და არ გაგძარცვონ. ოჰ, თქვენი გაჩენის დღე დაიქცეს, თქვენ ხომ ჩემთვის ცოლი და შვილი არა ხართ, კირი და ცეცხლი ხართ. ჯიბეში ბარაქა მას შემდეგ გამიწყდა, რაც ფეხი შემოდგი ჩემს სახლში.

დავითის წარმოთქმული ყოველი წინადადება ქუჩური ლანძღვა-გინებით შეზავებული იყო. ცოლმა კრინტი არ დასძრა, თავიც კი არ აიღო საკერავიდან. ქმრის ღრიალი, ცემა და ლანძღვა-გინება ჩვეულებრივი ამბავი იყო მისთვის. მთლად დაეკარგა თავისი მნიშვნელობა და ზეგავლენა. უკვე დიდი ხანი იყო, მათა აღარ პასუხობდა ქმარს. ერთხელ და საპუდამოდ დარწმუნდა, რომ პასუხის გაცემა სრულიად ზედმეტი იყო, უსარგებლო და ხშირად საშიშიც, რადგან სიტყვას სიტყვა მოსდევდა და დავითი ხშირად გადადიოდა მუშტებზე. ცოლის ერთადერთი პასუხი დუმილი და უყურადღებობა იყო. ძალღს ეყვანა, თუ დავითს ელაპარაკება, სულ ერთი იყო მისთვის. მოხდებოდა, რომ დავითი მთელი საათობით ყვიროდა, ღრიალებდა, უწმაწური სიტყვებით იგინებოდა, მაგრამ მათა თავჩაქინდრული, გაქვავებული, დაღუმებული განაგრძობდა თავის საქმეს.

მძიმე იყო, ძალიან მძიმე საცოდავი ქალის ზვედრი ღიჟი ქმრის ხელში. იმ დღის შემდეგ, რაც ქმრის ოჯახში შედგა ფეხი, ერთი ნათელი დღე არ ახსოვს. ყოველთვის ცემა და ლანძღვა, ყოველთვის ლანძღვა და ცემა. ცემას და ლანძღვას კიდევ აიტანდა, შეუთრგლებოდა ასეთ მოპყრობას, რომ ბავშვებზე მაინც ეზრუნა. ბავშვებიც უპატრონოდ იყვნენ მიტოვებულნი, რასაც შოულობდა, ღვინო-არაყში ფლანგავდა. მამ რიღას მაქჩაზი იყო, უკეთესი არ იქნებოდა, ქმარი სულაც არ ჰყოლოდა! საწყალი ქალი, თვითონ გაუძღვებოდა თავის ოჯახს ისე, როგორც ქალს შეეფერებოდა.

„ღამდამობით მაინც არ დაველოდები მის მოსვლას შიშით, აგერ საცაა მოვა გაღეშილი, ჩაძინებულ ბავშვებს გულებს დაუხებთქავს და მთელ უბანს შემოიკრებს თავზე“, — ფიქრობდა ქალი.

ოჯახს თვითონ მათა ინახავდა, ბავშვებს თავისი შრომით აცმევდა და კვებავდა. მამ რაღად უნდა ქმარი, რა საქირა ოჯახისათვის?

მათა დღედაღამ მუშაობდა. კერავდა, თეთრეულს რეცხავდა, პურს

აცნობდა, ბაწარს გრეხდა, ძველ ტომრებს აკერებდა, ლეჩაქებს ბას-
მავდა, ნუშ-კაკალს და თხილს ამტერევდა, — გაპირებდას მისთვის ყვე-
ლაფერი ესწავლებინა. უკვე შეჩვეოდა ყოველგვარ სამუშაოს და არც
ერთ დღეს მარჯვენას არ ასვენებდა: შრომას, ნაკლულობას, ტანჯვა-
ვაებას და ქმრის მიერ მიყენებულ ფიზიკურ და ზნეობრივ წაშებას
მთლად ჩამოეხმო, ჩონჩხად ექცია საცოდავი ქალი. მისი ცხოვრება
პირუტყვის ცხოვრებას წააგავდა: არ იცოდა, რა დღე თენდებოდა, ან
რა დღე ღამდებოდა. მხოლოდ ერთი რამ იცოდა კარგად — ბავშვები
მშვივრები არიან და საჭიროა შრომა, ბავშვები შიშველ-ტიტველნი
არიან და საჭიროა მუშაობა. სახლის პატრონი ქირას ითხოვს, მაშასა-
ღამე, საჭიროა შრომა, შრომა, შრომა...

აგერ ახლაც, მიუხედავად იმისა, რომ შაბათი ღამეა — კვირაძალი,
როდესაც ყოველი სამუშაო ადრე წყდება, ის მაიხც განაგრძობს მუ-
შაობას. ჰკერავდა მთელი დღე — დილა ადრიან დაწყებული. უნდოდა
გათავებინა და პატრონისათვის ჩაებარებინა, რამდენიმე კაპიკი მიე-
ლო, რომ ხეალ პური მაინც ეყიდა.

პატარა ბავშვი ბევრი ტირილისაგან დაღლილიყო და მისძინებოდა.
უფროსი გოგონა კი ელოდებოდა, და, რას — თვითონაც არ იცოდა. მა-
იას თითები გაფიჩხებოდა, ნემსი ძლივს ეჭირა, წელში მოღუნული
იჯდა, გამოფიტული.

დავითმა დიდხანს, ძალიან დიდხანს იყვირა, იღრიალა, იგინა,
ილანძლა, მკვდარი და ცოცხალი არ შეარჩინა. შემდეგ ტახტზე წამოწ-
ვა, ხელები თავქვეშ ამოიდო და თვალი ქერს გაუშტერა, რომელსაც
წვიმისაგან ათასფერი დასდებოდა. პატარა გოგონა მამის შიშით კა-
რებთან ჩაკუნტულიყო. იქედან მძლავრად მოჰქროდა ცივი ქარი. ბავშ-
ვი ფრთხილად წამოდგა, კატის ნაბიჯებით მივიდა, აფოფხდა ტახტზე
და დედის გვერდით მოიკრუნჩხა: ტიტველი კანკები ჩითის კაბის მოკ-
ლე კალთებით დაეფარა, მალე თვალის ქუთუთოები დაუმძიმდა და
იქვე ჩასთვლიმა.

დედამ კბილებით დაწყვიტა საკერავი ძაფი და ამ დროს თვალი
მოჰკრა ჩაძინებულ გოგონას, საბრალო თავს აკანტურებდა.

— გოგო, გეძინება? წადი დაიძინე!

გოგონამ გაახილა ამღვრეული თვალები, ერთ წამს გაბრუებულმა
შეხედა დედას, მერე თავის ფხანა დაიწყო და ჩუმად ამოილულულა.

— მშოა.

— მეც მშობი, — გამოეხმაურა ტახტის ბოლოში მწოლიარე პატარა ბავშვი, რომელსაც ღრიალზე გამოღვიძებოდა და აქამდე ჩუმად იყურებოდა საბნის ქვეშიდან, პატარა თვალებით შესცქეროდა ლამპის სინათლეს.

— ხვალ, ხვალ, შვილებო, გენაცვალოთ დედა.

მაგრამ პატარამ და მისგან გულგამაგრებულმა დიდმა გოგონამ უფრო ხმამალა დაიწყეს სლუკუნი.

— გაჩუმდით, ძაღლის ლეკვებო, თორემ, თუ წამოვდექი, — უცბად წამოიყვია დავითმა, სწრაფად გადაბრუნდა მეორე გვერდზე და მუშტი ღონივრად დაარტყა ტახტს.

პატარა წამსვე გაჩუმდა და საბანი თავზე წაიხურა, გოგონამაც უმალ ხმა ჩაიწყვიტა და მუხლებზე დაჩოქილი ლოგინთან მიფოფხნდა, დაწოლის წინ სხეული მოიფხანა, შემდეგ საბნის ერთი წვერი ასწია, ლოგინში ჩაწვა, თავი მიაღო ძმის თავს და სულ მალე ჩაეძინა.

გარეთ ქარი დასივისებდა, ჩამოირბენდა ბუხრის მილიდან ოთახში. კარებს და ფანჯარას არახუნებდა. ოთახში კი ისმოდა ბავშვების სუნთქვა და ზოგჯერ დავითის ხვრინვა. მაია თავჩაქინდრული გახაგრძობდა საკერავს. კერავდა და კერავდა, თეთრი ნაჭერი მის თვალებში ხან წითლად მოჩანდა, ხან ყვითელ ზოლებად.

დავითი ტახტზე იწვა, მაგრამ ვერ ისვენებდა, თითქოს ციებ-ციებლებმა შეჰყროდა, ისე ბორგავდა. მაგარი სასმელის წყურვილი უფრო და უფრო ემატებოდა. ფიქრობდა, ამ ღამეს ვერ გავათენებო. ან მოვკვდები, ან გავგიყდებიო. მთელი დღის განმავლობაში თავს შეუძლოდ გრძნობდა. თავი ლოღვივით დამძიმებოდა, თვალებიდან წყალი ჩამოსდიოდა. ხელები უკანკალებდა, მუხლებში რაღაც ღიტინს გრძნობდა, მუცელში კი თითქოს ფტტკრები უბზუოდნენ. არაფერი ეკამა, მაგრამ მაინც უიმშილს არა გრძნობდა, ჰამაზე არც ფიქრობდა, მხოლოდ იცოდა და გრძნობდა, რომ რამდენიმე ჰიქა არაყი საკმარისი იყო ყველა ამ სნეულებათაგან სწრაფად განკურვინათვის.

— ოჰ, მე თქვენი... — ერთი მძიმე მუშტი კიდევ დაარტყა ტახტს და გაურკვეველი მისამართით შეივინა. წამოჯდა, ფეხები ტახტზე ჩამოკიდა, მოიკრუნჩხა, თავი ხელებში მოიბლუჯა და მუხლებამდე ჩაჰკიდა. ძილი მაინც მოსვლოდა, იქნებ დავიწყებოდა ყველაფერი. ეს აუტანელი წყურვილი, მაგარი სასმელის წყურვილი ისე არ სტანჯავდა, როგორც მასზე ფიქრი, სხვადასხვა წარმტაც სურათებად რომ ეჩვენებოდა.

ფეხზე წამოდგა, ოთახში ბოლთის ცემა დაიწყო, ფიქრობდა, რა საშუალება გამოენახა ასეთი საშინელი მღვდმარეობიდან თავის დასაღწევად.

ოთახში სიარულის დროს, როგორც კი კუთხეს მიუახლოვდებოდა, თვალს მოჰკრავდა წყლის დოქს. ჭერ ყურადღებას არ აქცევდა, შემდეგ კი გაჩერდა მის წინ და კარგა ხანს ვერ დასძლია ერთგვარი სიძულვილი, როგორც ლოთს, სძულდა წყალი. მაგარი სასმელის წყურვილი კი სულს უხუთავდა, ნერწყვი უშრებოდა პირში, ხახა გამოფიტვოდა, ყელი რითიმე უნდა დაესველებინა. და დავითი ნელნელა დაიღუნა კიდეც დოქისაკენ. მაგრამ ამ დროს ერთმა უცნაურმა ფიქრმა გაუელვა თავში, რამაც დაღვრემილი პირისახე გაუბრწყინა. სწრაფად მიუახლოვდა კედელში ჩატანებულ კარადას, გამოაღო კარი და იქიდან არყის ცარიელი ბოთლი გამოიღო. დოქიდან ერთი ჭიქა წყალი ჩაასხა ბოთლში, დაუწყო გამორეცხვა. კარგახანს რეცხავდა ბოთლის კედლებს, შემდეგ ტუჩებზე მიიყუდა და დალია. თვალები დაეხუჭა, ტუჩები მაგრად მოეპირა ბოთლის პირისათვის და ისე სვამდა ნარეცხს. ამ დროს მის სახეს ისეთი საზარელი გამომეტყველება მიეღო, თითქოს სასაქმებელ ზეთს ღებულობსო. ცოლმა პირველად წამოსწია თავი, ქოქოლა მიაყარა და საქმე განაგრძო.

დავითმა თვალი შეაწრო ცოლის საქციელს, მოესმა, თითქოს რაღაც წაიბურტყუნა კიდეც დავითის მისამართით.

— პა, რასა ბურტყუნებ? — მიუბრუნდა ცოლს. ბოთლი ტუჩებიდან მოიშორა, გაშტერებული თვალებით დიდხანს უმზერდა. შემდეგ კი მიმართა: — რა იყო, ჯანი ხომ არ გეჭავენბა? თუ გეჭავენბა, მოდი და დაგფხან.

ცოლმა ხმა, კრინტი არ დასძრა.

დავითმა ბოთლი თავის ალაგას დაღო. კარადის კარი მხიარულად დახურა და ტახტზე წამოწვა. წყალს თუმცა ცოტა არყის გემო მისცემოდა, მაგრამ, რასაკვირველია, ის არ იყო, რომელსაც დაღევდა თუ არა, მაშინვე ცხვირიდან ბოლს გამოადენდა ხოლმე, თვალებიდან ცრემლებს გადმოაცვენინებდა, ბალზამივით დაუვლიდა ადამიანს მთელ ძარღვებში. ამ ფიქრს უფრო გაეტაცებინა დავითი. მას სურდა, ცოლს ხმა ამოეღო, ეთქვა რამ, რომ წამსვე წამომხტარიყო და ერთი მაგრად ეცემა, გულის მთელი გესლი და ბოლმა მასზე გადაენტხია. მაგრამ თევზივით გაჩუმებული მათა თავის საქმეს განაგრძობდა.

კარები გარედან დააკაუნეს. დავითმა თავი წამოყო, კარებისაკენ გაიხედა და ისევ ტახტზე გაიშხლართა. ეგ უსათუოდ აკოფა იქნება, მათი პირმშო შვიდი-რვა წლის ბავშვი, რომელიც ახლა ბრუნდებოდა დუქნიდან სახლში, მეოთხე თვე სრულდებოდა, ერთ მექვაბესთან ჰყავდათ შეგირდად მიბარებული. ერთი წელი უფასოდ უნდა ემსახურა, ვიდრე ხელობას შეისწავლიდა.

რაკი კარი მაშინვე არ გაუღეს, რახუნი კიდევ განმეორდა. დავითი წამოხტა, ტახტზე ჩამოჯდა და ყვირილით მიმართა ცოლს:

— დაყრუვდი, არ გესმის განა, ესეც მე ხომ არა ვარ. აეთრიე, გაუღე კარი, აი განბი მაგ ლამპასავით, ერთი ვინმემ ჰკითხოს, რა სარგებლობა მაქვს მაგ ოხერ-ტიალ კერვისაგან. ნავთსაც გათენებამდე ხომ ტყუილ-უბრალოდ წვავ.

მაიამ საკერავი ერთ მხარეზე გადადო, წელში ძლივს გასწორდა, ჩამოვიდა ტახტიდან და კარი გააღო.

შემოვიდა აკოფა. დაგლეჯილი ტანისამოსი ეცვა, ტიტველა ხელ-ფეხი მოუჩანდა, გამურული პირისახე. სიცვიისაგან მთელი სხეულით ძაგძაგებდა, კბილზე კბილს აცემინებდა, გამურულ პირსახეზე მხოლოდ თვალები უბრწყინავდა ბავშვური უსაზღვრო აღტაცებით.

— დედილოჯან, — შემოსვლისთანავე შესძახა მან. — დღეს ერთი მოვიდა და ქვაბები იყიდა ჩემგან, მერე სახლამდე წავუღე და ერთი აბაზიანი მაჩუქა, აი!

დავითი ფულის ხსენებაზე ჩიტივით წამოხტა და ერთი ნახტომით კარებთან გაჩნდა.

— აბა, აბა...

და დამშეული მგელივით შეეცადა ფულის წართმევას.

დედა შეილისა და მამის შუა ჩადგა.

— არ მისცე, არ მისცე, აკოფჯან, პური არა გვაქვს. პურს ვიყიდით. სიტყვა არ დაემთავრებინა ცოლს, რომ დავითმა ორივე ხელი ჩაავლო გაძვალტყავებულ მხრებში და ისეთი სიმძლავრით გადაისროლა უკან, რომ მაია უგონოდ გაიშხლართა მიწაზე.

— მომეცი! — დაიღრიალა და ისე მაგრად მოუჭირა ბავშვის მუცს ხელი, რომ ბავშვმა ტკივილისაგან შეჰკივლა და ფული სწრაფად გაუშვა ხელიდან. დავითმა ფული უცებ აიტაცა და სულელივით გარეთ გაეარდა...

როდესაც მაია გონს მოვიდა და თვალები გაახილა, მოეჩვენა, თით-

ქოს სიზმარში იყო. აკოფა კედელს მიჰკეროდა და გულამოსკვნილი
ქვითინებდა. ცივი ქარი საშინლად უბერავდა ღიად დატოვებულ კარე-
ბიდან ლამპას, ლამის ჩაქრობას ემუქრებოდა. მათი დიდი ტანჯვით იქვე
წამოჭდა და ორივე ხელი კისერზე მოიხედა. თვალები დახუჭა, მწარე
ტკივილებსაგან მძიმედ და ღრმად ამოიხვნეშა.

— კარი დახურე აკოფჯან, დახურე, ცივა. — ძლივს წამოილულულ-
და მან.

1889

ჰ ო პ ო პ ი

მთელ უბანში და მაზრაში „პოპოპის“ ზედმეტი სახელით ცნობილ, ლოთობისაგან სახეწამოსიებულ — ჩაწითლებულ, ასე ორმოციოდე წლის იარაღის ოსტატს ახატურს, რომელსაც ახალუხი ეცვა და ტყავის ქაპარი ერთყა, საქათმესავით პატარა ღუქანი დაეკეტა და საღამო ჟამს შინ ბრუნდებოდა. ცალ ხელში ნახევართუნგიანი ხელადა ეჭირა, წლების მანძილზე წითელი ღვინისაგან ზედაპირგამავეებული, მეორეში — წითელი ხელსახოცი, რომელშიაც ცოტა „დოში“ (თევზი), მცირეოდენი მწვანელი, ერთი კონა წითელი ბოლოკი და ორი თეთრი „შოთი“ (გრძელი ქართული პური) ჰქონდა გამოკრული. პურებს ხელსახოციდან ყურებივით გამოეშვირათ ბოლოები.

მზე ახალი ჩასული იყო, ზაფხულის აუტანელ სიცხეს ცოტა ძალა დაეკარგა, მაგრამ ჰაერში ჭერ კიდეც იდგა მზისაგან გახურებული მტკრის ბული. მთელი დღის შრომისაგან მოქანცული უბნის ქალები გუნდ-გუნდად ისხდნენ თავიანთ ეზო-ყურესთან, შიშველი ფეხები გამოეშვირათ, თავშლის ბოლოები ნახევრად გადაღელილ გულ-მკერდზე ჩამოეშვათ და კორაობით იქცევდნენ თავს. უქულო და ფეხშიშველი, კუკუყიანი, ერთმანეთში ბუზების გუნდასავით არეული გოგო-ბიჭები ჟივილ-ხივილით დარბოდნენ ქუჩებში და არემარეს აყრუებდნენ.

— პოპოპ! — უეცრად წამოიძახა ერთმა მათგანმა.

პოპოპმა ამ წამოძახილს ყურადღებაც კი არ მიაქცია, ეტყობა, იმდენად ჩვეულებრივი ამბავი იყო მისთვის, და გულგრილად განაგრძო თავისი გზა. ქულის ქვეშიდან ოფლი წურწურით სდიოდა და ყურებს უკან გახურებულ მხრებზე ეწვეთებოდა.

— პოპოპ!... — დაიძახა მეორემ, მესამემ, მეოთხემ... და ბოლოს ეს

ცალკეული წამოძახილები ერთ ისეთ ყოყინად გადაიქცა, რომ ყველაზე მოდუნებულ ნერვებსაც კი ააფორიაქებდა.

ჰოპოპმა ველარ მოითმინა, უწმაწურად ლანძღავდა ადევნებულ ბავშვების გუნდს, მაგრამ გზა მაინც უკან მოუხედავად განაგრძო.

ბავშვებიც, ეტყობა, ამას ელოდნენ, ჭყვივლს უმატეს, ერთი აურზაური ატეხეს, ზოგმა ქვებიც დაუშინა.

მაგრამ ჰოპოპი მშვიდად მიდიოდა, თავის დაცვაზე არც ფიქრობდა, თუმცა კარგად ხედავდა როგორი ზუზუნით ჩაუქროლებდნენ ხოლმე ქვები ხან მარცხნივ, ხან მარჯვნივ, ხან თავზე და მიწაზე დაცემისას მტვერს აყენებდნენ. ის კვლავ ილანძღებოდა და ისე განაგრძობდა გზას. ალბათ ასეც მივიდოდა სახლამდე, რომ ერთი ქვა ფეხში არ მოხვედროდა. ეტყობა ფეხი მწარედ ეტკინა, რადგან უეცრად გაჩერდა, თვალისდახამხამებაში ღვინის ხელადა და ხელსახოცში გამოკრული სურსათი მიწაზე დადო, ერთ მოზრდილ ქვას დაავლო ხელი, ჩასისლიანებული თვალები გააელვა და მოემზადა, რომ ბავშვებისათვის ესროლა, მაგრამ მათ ერთი კი დასჭყვივლეს, პირი იბრუნეს და მიხვეულ-მოხვეულ ქუჩებში გაიფანტნენ.

— აი მე თქვენი.... — და უწმაწური ლანძღვა-გინება მიაყოლა. — ერთი გაჩერებულყავით, გიჩვენებდით სეირს! ქვებით გინდათ ჩხუბი?.. მაშ ვიჩხუბოთ, სადღა გარბიხართ, მე თქვენი... (ისევ ლანძღვა) ფუი! კაცს ქუჩაში ველარ გაუვლია! ვაჰ, სოფლის ძაღლებივით არ დამესიენ. კაცო, ერთი ეს მითხარით რამე დამიშავებია? დამანებეთ თავი რაღა, მივიდე შინ და დაეეგლო, მე თქვენი.... — და კვლავ შეუკურთხა.

სატურმა ქვა დაავლო, საჩვენებელი თითით ჩამოიწმინდა ოფლიანი შუბლი, ხელი ჩაიქნია, დაიხარა, ნატკენ ფეხს დაუწყო სრესა, თან ილანძღებოდა.

— ჰა. უსტა ასატურ, ეგრე რამ გაგაცეცხლა, — გვერდით ჩავლისას შეეკითხა ერთი ნაცნობი.

ჰოპოპმა გადახედა, ხელადა და შეკრულა აიღო და ბუზღუნით განაგრძო გზა.

— ვაჰ, ასეთი რამე გაგონილა? ერთხელ არხეინად ვერ ჩავიარე, ზომ ეს ძაღლის ლეკვები უკან არ ამედვენონ! ჰოპოპ და ჰოპოპ... (ისევ შეუკურთხა ბავშვებს). — ჰოპოპი რა თქვენი ტოლია!

— რას იზამ, ბავშვებია, უსტა ასატურ, ყურს ნუ უგდებ, — მიუგო მის წინ მიმავალმა ნაცნობმა.

— კაცო, მერედა, ყურს ვინ უგდებს, მე მაგათი... (ისევე შეკურთხება). დამინახავენ თუ არა, სოფლის ძაღლებივით გამომეკიდებიან ხოლმე, ქვებსაც მესვრიან, ქვებსაც...

მაგრამ ნაცნობი ყურს აღარ უგდებდა, სხვა ქუჩისაკენ წავიდა.

ჰობოპი ერთხანს კიდევ აგინებდა ბავშვებს, მერე მანაც თავის ქუჩისკენ გაუხვია. კარებთან ჩამომსხდარ ქალებს რომ ჩაუარა, ერთმა ახალგაზრდა ქალმა მიაღვენა:

— ჰობოპ!

და მაშინვე კისკისით სახე გვერდით მჯდარი ამხანაგის მხარს უკან ჩამალა. ამაზე სხვა დედაკაცებმაც გადაიხარხარეს, გარდა ერთი დედაბერისა, რომელმაც გაკიცხა დამძახებელი.

ჰობოპს, მართალია, უკან არ მოუხედია, მაგრამ ჩავლსას ერთი ისე გემრიელად შეუკურთხა ქალს, რომ დედაბერმა ნიშნის მოგებით უთხრა:

— ჰა, ეგ გინდოდა?

დანარჩენმა ქალებმა კი სირცხვილსაგან პირები მოკუმეს, ერთმა-ნეთს მუჯღუგუნებს ჰკრავდნენ და ძლივს იკაევდნენ სიცილს.

ამის შემდეგ ჰობოპი იმ ქალს მისამართით კიდევ ილანძღებოდა, თან შინისაკენ მიაბიჯებდა.

* * *

მთელ უბანს ასატურისთვის ჰობოპი შეერქმია ხალხური თქმულე-ბის საფუძველზე — „ოფოფი თვითონ ყარდა და ეგონა ბუდე ყარსო“. მართლაც ასატური ძალზე მყრალი კაცი იყო, ახირებულ მოჩხუბარი. თუმცა ამაში ნაწილობრივ თვითონ თანაუბნელებს მიუძღოდათ ბრალი, მოსვენებას არ აძლევდნენ, ჰობოპის გაბრაზებით ერთობოდნენ. მაშინაც კი არ ასვენებდნენ, როცა შინ იყო, მაგიდას უჯდა, ღოქი გვერდით ედგა და ჩახლეჩილი ხმით თურქულ ბაიათს მღეროდა — უბნის ქალები, რომელთაც სიამოვნებდათ მისი უწმინდური ლანძღვა-გინება, ვინმე ცუდლუტ ბავშვს შეაგულიანებდნენ, ჰობოპის გასაბრაზებლად გაგზავნიდნენ. ბავშვიც წამსვე გარბოდა. თავს ფრთხილად შეჰყოფდა კარებში, შესძახებდა „ჰობოპ!“ და კურდღელივით გახტებოდა. სწორედ ეს

ერთადერთი სიტყვა ჰობოპს ქეიფის მადას უქარგავდა, იგი მაშინვე შესწყვეტდა სიმღერას, გარეთ გამოვარდებოდა და ისეთ ორტომტრიალს ასტეხდა, რომ მთელი უბანი მყის იქ გაჩნდებოდა.

ჰობოპი ვერავის ეგუებოდა, ბაზარში თუ უბანში მეზობელი არ იყო დარჩენილი, რომ არ წაჩხუბებოდა და იმ მეზობელს ერთი მაგრადა არ გაელახა. ცოლთან ხომ გაუთავებელი ომი ჰქონდა. ის ცოლს სცემდა, ცოლი მას. იქამდე ჩხუბობდნენ, სანამ მეზობლები არ გააშველებდნენ, ანდა ვიდრე ორივეს ძალ-ღონე არ გამოეცლებოდა. პოლიციის გარდა არავისი არ ეშინოდა, ისიც იმიტომ, რომ არა ერთხელ ჩაესვათ ვერთხებით საუსე სარდაფში და რამდენჯერმე თვითონ ბოქაულს ცხვირ-პირიდან სისხლი ედინა.

მართალია, ჰობოპი ლოთი იყო, მაგრამ მხოლოდ ღვინოს სეაძდა, ისიც წითელ ღვინოს. არაყი არ უყვარდა და თუ დაღვედა, სახეზე ისეთი გამომეტყველება ემჩნეოდა, თითქოს აგერ-აგერ გული უნდა აერიოსო. საკმელებსაც არჩევდა. წვნიანი კერძი არ უყვარდა, სამარხვო საკმელები, განსაკუთრებით ლობიო, მთელი არსებით სძულდა, მისი ყოველდღიური საკვები მსუქანი დროში, ხიზილალა, მწვადი, ქორფა მწვანელი, წითელი ბოლოკი და თეთრი პური იყო. ხოლო შედარებნით ასეთი ძვირი საკმელების საყიდელი ფული მუდამ ჰქონდა, ვინაიდან თავისი საქმის კარგი მცოდნე იყო და იმდენად დაოსტატებული, რომ გროშებად ღირებული დაუანგებული ხმალი, ხანჯალი, ან თოფი, შეეძლო ძველთაძველ ნიუთად მიეყიდა ვინმე ევროპელი ტურისტისათვის და კარგა ხელი მოეტბო.

ღვინის ხელადა ხელში რომ ეჭირა, უკვე თხუთმეტ წელზე პეტია ხმარობდა. დილდილაობით ცარიელს გაიყოლებდა დუქანში, საღამოს კი სავსე მოჰქონდა. ისე უყვარდა, რომ შაბათ საღამოს, გამოსცლიდა თუ არა, ზედ სანთელს აანთებდა და იტყოდა: „ამაშია ბარაქა! რაც ამ ხელადიდან ღვინოსა ვსევამ, საქმეც კარგად მიმდისო“. ერთხელ მის ექვსი წლის უფროს ბიჭს ფეხი მოუხვდა ხელადაზე. ხელადა გაგორდა, ცოტა გაწყდა, კინაღამ ტახტიდან გადმოვარდა და გატყდა. ჰობოპი ეცა ბიჭს და ისე უმოწყალოდ დაუწყო ცემა, ცოლს რომ არ გამოეგლიჯა, ხელში შემოაკვდებოდა. კიდევ კარგი, ხელადა უკვე ცარიელი იყო, თორემ ცემა-ტყუბა არც ცოლს ასცდებოდა.

ჰობოპი რომ შინ მოვიდა, ცოლი იქ არ იყო. გარეთ კედელთან მისი შვილი ნაფოტებისაგან სახლს აშენებდა. მოკლე, ჭუჭყიანი პერანგის პეტი არაფერი ეცვა.

— სად არის დედაშენი? — ჰკითხა მამამ.

ბიჭი წამოდგა, თვალები მიაპყრო ხელსახოცს, მამას რომ ხელში ეჭირა და მიუგო:

— ბაგრატაანთა გადავიდა.

ჰობოპმა თვალები დააკვესა.

— კიდევ?.. ოჰ, მე იმისი... — შეუყურთხა, სწრაფად შინ შევიდა ხელადა და შეკრულა ტახტზე დადო და ისევ შვილს მიუბრუნდა. — წადი, ავ წუთას დაუძახე. აბა, გასწი.

ბიჭი, რომელიც მამას ოთახში შეჰყოლოდა და თვალს არ ამოვრებდა ხელცახოცს, უცებ შემობრუნდა და გარეთ გავარდა.

— ბაგრატაანთა გადავიდა!... კარგი, ძალიან კარგი, — ხმაშალდა ელაპარაკებოდა თავის თავს ჰობოპი. — აი, მოხვალ და მე შენ გიჩვენებ... ბაგრატაანთა გადასვლა როგორ უნდა... ჰეი გიდი! მაშ ასატური ნომკვდარა რაღა! ცოცხალი აღარ არის, მიწაზე არ დაიარება, რომ მის ცოლს სხვები ეკურკურებოან!.. ჰობოპად რომ ვიქეციით განა ნაშუსიცი დაეკარგეთ?.. მაშ საფლავში არ უნდა დაიმარხოს ეს ქული?..

და თავიდან ქული მოიშვლია, რაც ძალა შესწევდა, მიწაზე დაანარცხა. მერე ლანძღვა-გინება დაუწყო ცოლს, თან ქამარი შეიხსნა, გაიხადა ახალუხი, ფეხსაცმელი, აყროლებული წინდები, შარვალი, შემდეგ ზღურბლზე გაჩერდა და მოკლე პერანგის კალთების ქნევით იმშრალეებდა ოფლში გაწურულ სახესა და მუცელს.

მოუთმენლად ელოდა ცოლის დაბრუნებას, მაგრამ რაკი ქალი ჯერ არ ჩანდა, გაცეცხლებულ გულზე ხელადას მიაკითხა, მოიყუდა და ხარბად დალია ღვინო. წყურვილი რომ მოიკლა, ხელადა ადგილზე დადგა, მერე ხელსახოცის გაუხსნელად ერთ-ერთ შოთს ბოლო წაუტეხა, პირში იტაცა და ღეჰვა დაუწყო.

ღედის დასაძახებლად გაგზავნილი ბავშვი ტყვიასავით შევარდა შინ.

— ახლავე მოვდივარო, — თქვა ბიჭმა და ამჯერად მამას პირში მიიჩერდა.

— ჰჰ, — პურის ღეჰვით ჩაიბურტყუნა ჰობოპმა და ხელი ისევ ხელადისკენ წაიღო.

აჲ და ამრიგად, როცა ხელადა რამდენჯერმე მოიყუდა და ისევ ტახტზე დადგა, ზღურბლზე გამოჩნდა ცოლი, ლამაზი ჩასხმული დედაკაცი; ძველი ჩუსტები ეცვა, ხელში ძუძუმწოვარა ბავშვი ეჭირა.

— აჲ, მეც მოველ, რა გნებავს? — გაბედულად მიმართა ღრმა რწმენით, რომ ერთ-ერთი ყოველდღიური სცენა გამეორდებოდა.

— რა გნებავს? — თქვა ჰობობმა, რომელსაც ხელადა ეს-ეს არის ისევ მოეყუდებინა. ხელადა ტახტზე დადგა, პერანგის სახელოთი ტუჩები მოიწმინდა, მიუახლოვდა ცოლს, ხელი ჩაავლო, ოთახში შეათრია, მუქარით გამოეკვიმა და უთხრა: — საღ იყავი?

— ბაგრატაანთა. — ისევ ისე გაბედულად მიუგო ცოლმა.

— რას აკეთებდი იქ?

— რა უნდა გამეკეთებინა? სარეცხი ჰქონიათ. დამიძახეს, რომ ხვალ გავურეცხო.

— სარეცხი?! სარეცხი?! ოხ მე შენი... (შეუკურობა)... რაო, განა მშიერ-ტიტველი ხარ, უპატრონო ოხერი, რომ სხვებს სარეცხს ურეცხავ, ჰა? მაშ მე ცოცხალი აღარ ვყოფილვარ, რაღა, ძაღლებსა და მგლებს შეუქამივარ!.. ვაჰ, გაგონილა ჩემი ცოლი სხვისი მოსარეცხე იყოს? განა ბაგრატა ვისი ძაღლია, რომ ჩემმა ცოლმა სარეცხი გაურეცხოს? იმისთანებს ასს ვიყიდი და გავყიდი, ჩემმა ცოლმა კი სარეცხი უნდა გაურეცხოს?.. რა ბედენაა თუ ქუღზე კაჲარდა აქვს, მე იმის... (ლანძღავს ბაგრატას). ჰეი, დედაკაცო, რა სარეცხი, რას მიედმოედები, ვის ატყუებ? აზირ ისა თქვა... ჯერ აქეთ მოდა, აქეთ... — ჰობობმა უფრო ღრმად შეითრია ცოლი ოთახში, ხმას დაუწია, კისერი წაიგრძელა და კბილებში გამოსცრა. — აზირ ისა თქვა, სამამაძაღლოდ ვიყავი წასულიო? ჰა, ტყუილია!.. კიდევ იტყვი, ტყუილიაო?..

ცოლმა ხელი გაინთავისუფლა, ქოქოლა მიაყარა.

— აი დაგმარხე შე გიჟო-სულელო! — ზიზლით შესძახა და გარეთ გაასვლელად მოემზადა.

მაგრამ ქმარმა ხელი ჩაავლო მხარში და ადგილიდან დაძვრის ნება არ მისცა.

— გაჩერდი! — დაიყვირა. — საღ მიდიხარ, რად მიდიხარ? გგონია ხელიდან წამიხვალ? მე თუ გიყი ვარ, ეხლა გაჩვენებ. სანამ სულს არ ამოგხდის, არ მოგეშვები. მაშ მე მკვდარი ვყოფილვარ, რაღა, რომ შენ იმ ძაღლ-მამაძაღლთან საროსკიპოდ დადიხარ? მკვდარი! მკვდარი!.. მკვდარი?..

და ყოველ ამ ჰიტყვის თქმაზე ცოლს მუშტებს ურტყამდა სადაც მოხვდებოდა... დედაკაცს ერთი ხელი ჩვილი ბავშვისათვის შექოხვია, თავი დაელუნა, რომ სახეში არ მოხვედროდა მუშტები და მეორე ხელით ცდილობდა ქმრის შეკავებას, მაგრამ ამის გამო ჰობოზი უფრო ცოფდებოდა და უფრო თავგამეტებით ურტყამდა მუშტებს.

— ჰეი, გიჟ-ჰობოზო, რა გინდა ჩემგან! — შესძახა ატირებულმა ქალმა.

ძუძუს ბავშვი წიოდა, ხოლო მეორე შვილი განზე გამდგარიყო და გულგრილად უყურებდა ამ ჩვეულებრივ სურათს.

— ეხლა ჯოხითაც უნდა გცემო! — თქვა ჰობოზმა, სული მოითქვა და ჯოხის საძებნელად ოთახში გიჟივით დაიწყო ბორიალი. ჯოხი ვერ იპოვნა, მაგრამ თავის ფეხსაცმელებს შეასწრო თვალი, დაიხარა, აიტაცა ერთი მათგანი, რომელსაც ქუსლზე თავმოგრეხილი ლურსმნებით სქელი ნალი ჰქონდა დარტყმული.

ამასობაში ცოლმა ჩვილი ბავშვი ტახტზე დასვა, ხელი წამოავლო ღვინიან ხელადას და წელში გაიმართა.

— აბა დამარტყი, აბა გაბედე. ამ ხელადას თავზე დაგამტვრევ! — თამამად შესძახა ცოლმა მუქარით.

— ოჰ, მე შენი!.. — დაიღრიალა ჰობოზმა. ფეხსაცმელი დააგდო და ცოლისაკენ გაიწია ხელადის წასართმევად.

მაგრამ ცოლმა ახლოს არ მიუშვა. ჩუსტები გაიძრო და ხელადიანად გარეთ გავარდა.

მეუღლე უკან მიჰყვა.

ქუჩაში, სადაც უბნის ქალებსა და ბავშვებს უკვე ჩვეულებრივ მოეყარათ თავი სეირის საყურებლად, ცოლი და ქმარი გარბოდნენ — წინ ცოლი ხელადით ხელში, უკან — ქმარი, თავლია, ფეხშიშველი, საცვლების ამარა.

ქუჩაში ენით გამოუთქმელი ყრიაბული იდგა. ქალები კისკისებდნენ, ბავშვები წვრილი ხმით „ჰობოზს“ გაჰკიოდნენ, თან უსტვენდნენ, ხოლო უბნის საწვრილმანო დუქნის წინ მდგარი მოზრდილი ბიჭები სიცილ-ხარხარით ღრიალებდნენ: „დაეწიე, ჰობოზ, აბა, ჰე დაეწიე!..“

ამ საშინელ ღრინაცულში მისდევდა ჰობოზი ცოლს, მოკლე პერანგის კალთებს მიაფრიალებდა, თვალს არ ამორებდა ხელადას, რომელშიაც ჰყაპა-ჰყუპი გაუდიოდა ღვინოს და ნელ-ნელა იღვრებოდა.

რაც უფრო გარბოდნენ, მით უფრო მცირდებოდა მანძილი ცოლ-

ქმარს შორის, რადგან ხელადა ქალს ხელს უშლიდა სირბილში. ბოლოს რამდენიმე ნაბიჯილა დარჩა, და ქმარი უკვე დაეწეოდა ცოლს, მაგრამ უეცრად ქალმა, გაუჩერებლად, ხელი მალა ასწია და ხელადა გაძე-ტებით მიწაზე დაახეთქა. ხელადა გატყდა, ღვინო ვარდისფრად გაიშა-ლა. ხელადის სქელი ძირი თიხის ჭამივით ეგდო მიწაზე, ხოლო თხელი კედლების სველი ნატეხები აქეთ-იქით გაფანტულიყო. წითელმა ღვი-ნომ შედედებული სისხლივით შედება ნიადაგი და იმწუთშივე მზისგან გახურებულმა მიწამ შეიწოვა.

ჰოპოპი აცახცახდა და უცებ შედგა. ისე მოეჩვენა, თითქოს თვი-თონ ის დაანარცხეს მიწაზე. თვალთ დაუბნელდა. აღარ იცოდა, რას სჩადიოდა, ერთ დიდ ქვას დასტაცა ხელი და სიბრაზით გაოგნებულმა გაქცეულ ქალს ესროლა.

ქვამ გაიქროლა და პირდაპირ წელში მოხვდა ცოლს. დედაკაცმა მწარედ შეჰკივლა, რამდენიმე ნაბიჯი ინერციით გაირბინა და მიწაზე გაიშხლართა.

ახორხორებული ქუჩა უცბად დაღუმდა და გაქვავდა.

რა მოხდა შემდეგ, როცა საშაჰრას ორი ნაბიხი შაჰარი დააკლდა

დიდ, უკაცრიელ ეზოს მიყრუებულ კუთხეში მეფორნე იაგორას ერთი ფართოთახიანი ძველი სახლი ედგა ეზოში გამავალი კარით. სახლს გვერდზე ფიცრული სამზარეულო ეკრა, სამზარეულოს კი ყავრით დახურული სადგომი, სადაც ღამღამობით თავისი ფორანის ვეებერთელა ბაჭბაჭა ცხენს აბამდა. სადგომს ქუჩიდან ფიცრული ღობე ჰყოფდა. ღობესთან თვეების მანძილზე დაგროვილი ცხენის ჩონჩორიკის ზეინი იდგა. ეზოს დანარჩენ ნაწილში კი ისეთი სისუფთავე იყო, ბზის ნასახსაც ვერ იპოვიდით. ეზოს მომვლელი-დამსუფთავებელი იაგორას მეუღლე ანანი გახლდათ. გათენდებოდა თუ არა, მაშინვე ცხენის ჩონჩორიკს გამოგვიდა, მერე კი მთელ ეზოს საგულდაგულოდ დაასუფთავებდა ხოლმე.

გასაოცარი სისუფთავე სუფევდა აგრეთვე შიგნით ოთახში. დაბალ ტახტზე დაფენილი ძველი, გაცვეთილი, ალაგ-ალაგ ძაფებაძენძილი ფარდაგი მუდამ გაწმენდილი იყო. ბევრი მორწყვისაგან გამაგრებული მიწური იატაკი ისე სუფთად გამოიყურებოდა, როგორც იტყვიან, ერბო დაგეჰქია, მარცვალ-მარცვალ აკრეფავდი. ტახტის, ორი პატარა ფანჯრის, წალოსა და თაროს თეთრი მიტკლის ფარდებსა და ოთხი ძველებური სკამის თეთრ შალითებს თოვლივით ქათქათი გაჰქონდათ. დიასახლისი სისუფთავის ისეთი მოყვარული იყო, რომ კედლის ძირას მიმდგარი წითელი ხელადაც კი, რომლის ქვეშ მუდამ სისველე იდგა, ყოველი პირის დაბანის შემდეგ გულმოდგინედ და უსასშველოდ ირეცხებოდა. ბუზის ჭაჭანებას ვერა ნახავდით ამ ოთახში, აქ მუდამ სარდაფისებური სიგრილე იგრძნობოდა. მხოლოდ ზოგჯერ რაიმე კიპს თუ

პოპკრავდით თვალს, რომელიც საიდანღაც გამოძვრებოდა, სინათლის შუქზე სწრაფად გაიქცეოდა და ტახტის ქვეშ შეძვრებოდა, ანდა ხაშის ქიას, რომელიც ქერიდან ძირს დაეტყუებოდა თეთრ ძუეულგადმობრუნებული და კარგა ხანს ფეხებს ახანხალებდა, ვიდრე როგორმე გაღმობრუნდებოდა, მერე კი ნელა, თითქოს ჩაფიქრდომ, თავის გზას გაუდგებოდა საითაც მოეპრიანებოდა.

ზაფხულის ცხელი საღამო იღგა. ჰაერი სულ არ მოძრაობდა. წარმოიდგინეთ, ფანჯრებზე ჩამოფარებული ფარდებიც კი ოდნავ არ ირხეოდნენ. ანანი იატაკზე გაფენილ ჩვარზე იჯდა და ბავშვს იყვანდა აკვნიდან. ახალგაზრდა ქალი იყო, დაახლოებით ოცი წლისა. ჩითის ძველი კაბა ეცვა, თავზე სუფთა თეთრი თავშალი ეხვია. ისე იყო გამხდარი, რომ თხელ კაბაში აშკარად მოუჩანდა ბექის ძვლები, ხოლო მუცლის ადგილას ტაშტისნაირი ორმო ეტყობოდა. უცნაური, შემზარავი გამომეტყველება ჰქონდა მის წითლად და ლურჯად აფორეგებულ წამოსიებულ სახეს, მეტადრე გაქვავებულ, გადმოკარკლულ თვალებს, რომლებიც ძალზე სულელურ მხერით დღენიადაც თითქოს კითხულობდნენ „რატომ? რატომ?..“ მაგრამ პასუხს არსაიდან იღებდნენ.

აკვნიდან ამოყვანილი ბავშვი მღუმარედ კალთაში ჩაისვა და ჩაცმა დაუწყო. ბავშვი მოღიმარე თვალებით უმზერდა დედის გაქვავებულ სახეს და ტიტინით, თითქოს ალერსსა და მოფერებას ემუდარებოდა. მაგრამ დედა ისე იყო გარინდებული, იფიქრებდით ალერსი და მოფერება მის გულს არ სჩვევიაო. ხოლო როცა ბავშვმა ფაფუქი მახვილფრჩხილებიანი ხელი ცხვირზე მოუთათუნა, დედას სახეზე ღიმილის მსგავსი რაღაც დაეტყო, ჯერ ხელზე აკოცა ბავშვს, თავის ნელი მოძრაობით მოიშორა ჩვილას ხელი, შემდეგ დაიხარა და მსურვალედ, გრძნობიერად დაეკონა მსუქან ლოყაზე. მაგრამ სახეზე გაქვავებული გამომეტყველება და თვალებში ჩამდგარი შიში მაინც არ მოშორებოდა.

ოთახში შემოვიდა შუახნის დედაკაცი, შავი ტანისამოსი ეცვა, წითელი, გაოფლილი სახე ჰქონდა, ხელში შავი შალი ეჭირა. მთელ უბანში და იმისი იქითაც გიჟ-ჰორომსიმად იცნობდნენ. ტყუილად როდი ეძახდნენ ამ სახელს. ერთი ნახევრად შერეკილი ვინმე იყო, მეტისმეტად ანჩხილი და მოჩხუბარი, დღე ისე არ გაივლიდა, ვისნეს არ წაჰკიდებოდა, სულ ერთია, ვინც უნდა ყოფილიყო — ახლობელი, მეზობელი თუ უც-

ნობი. წელიწადი თორმეტი თვე სულ წყევლა-კრულვა ამოსდიოდა პირიდან. როცა იწყებდებოდა, ნამდვილი პოეტი გეგონებოდათ. ისეთ მაგარ. გრძელ-გრძელ, თანაც ქალისათვის შეუფერებელ უწმაწურ სიტყვებს თხზავდა, რომ არავის არსად არ გაეგონა. მთელ უბანს ეშინოდა იმისი წყევლა-კრულვისა. პოლიციელიც კი, როცა ზოგჯერ შეზობლები გიყ-პორომსიმაზე საჩივლელად მოდიოდნენ, ხელს ჩაიქნევდა და გაშორდებოდა იქაურობას.

უბანში იყვნენ სხვა სახელგანთქმული ახტაჯინა ქალებიც, მაგრამ გიყ-პორომსიმათან რას მოვიდოდნენ! თავისი გაკრეფილი, გაღუსილი ენით, წყევლა-კრულვით, ლანძღვა-გინებითა და თუ გინდა ფიზიკური ძალით რასაც ბევრჯერ მიმართავდა ხოლმე სიტყვიერი კინკლაობის შემდეგ. იმასთან სად მოვიდოდნენ!..

გამზდარი, მეტისმეტად მარდი და ტანდაბალი გიყ-პორომსიმა ნამდვილი აბურბურებული ცეცხლი იყო. პატარა, მოელვარე, მოუსვენრად მოძრავ თვალებს ისე ნერვიულად აცეცებდა აქეთ-იქით ჩიტის თავით, თითქოს ჩხუბის მიზეზს ეძებსო. შერკინებას ჯერ ხანგრძლივი წყევლა-კრულვით იწყებდა, დინჯად ამათრახებდა მოწინააღმდეგეს, მერე უცბად გახურდებოდა, ბოლოს კი კატასავით ეცემოდა, თუ შოახერხებდა თმამი სწვდებოდა, რაც ძალი და ღონე ჰქონდა, გაიქნევ-გამოიქნევდა, მაგრამ თუ თმებამდე არ მიუწვდებოდა ხელი, მაშინვე ჩქმეტას და სხეულის გვემას დაუწყებდა გრძელი, გამზდარი თითების ბასრი ფრჩხილებით. ამ ფრჩხილების ნაკვალევი — ჩასისხლიანებული, დასიებული, გალურჯებული იარები აჩნდა სხეულზე მოწინააღმდეგეს. გიყ-პორომსიმა ანანის დედამთილი იყო.

* * *

— აი. მიწაში ჩაგდე, მაგ მიწაში, ზედ რომ გაშეშებულხარ, — წაიბურტყუნა შესვლისთანავე და წვრილი ბორბოტი თვალები გადაუბრიალა რძალს.

ანანი იმდენად იყო შეჩვეული ამნაირ უმიზეზო წყევლა-კრულვას, რომ არც კი გაუხედიდა დედამთილისკენ და ბავშვის ჩაცმა განაგრძო.

გიყ-პორომსიმამ შალი ტახტზე მიაგდო. სწორედ იმ დროს ძახვილი თვალი ფანჯრებზე ჩამოფარებულ ფარლებს შეავლო.

— ქალო, მაგ დასაბრმავებელი თვალებით ვერა ხედავ, რომ მზე

შევე ჩავიდა? — უთხრა მან. -- აი, შენისთანა რძალი წურც მყოლია
ოჯახში, გახმი, მაგ მიწაზე დაგაყარი, როგორც ზიხარ, აჰა...

ასე წყველა-კრულვით გიჟ-პორომსიმა ტახტზე ავიდა, ფანჯრების
ფარდები ღია დარბეზზე გადავიდა, და ჩამოსვლა დააპირა, მაგრამ
რალაც მოაგონდა, სწრაფად გაჩნდა თაროსთან, ფარდა გააწია და და-
იწყო თუნუქის სინზე, ჩაის კუჩუკლის გვერდით, საშაქრეში შაქრის
ნატეხების სათითაოდ თვლა. დილას, სახლიდან წასვლისას, საშაქრეში
ზუსტად ათი ნატეხი გადაეთვალა, მაგრამ. ესლა ნახა, ორი ნატეხი
აქლდა. და ტახტიდან ჩიტივით ისკუპა ძირს.

— აი, ესეც შენ... აი! აი! აი!...

ამ სიტყვებზე ჯერ თავში მაგრად ჩაატხო რძალს, მერე ძალზე გან-
რისხებული და კბილებდაკრეჭილი მივიარდა და ფრჩხილებით დაუწყო
ჩქმეტა, სახეს უკაწრავდა, ფერდებში უღმერთოდ სცემდა, სადაც ხელს
წაავლებდა, კანს უგრეხდა.

— ვაიჲ... — ტკივილისაგან კენესოდა ანანი, გულზე მიიკრა ბავშვი
და ზედ გადაეფარა.

— უჩემოდ ჩაისაც მიირთმევ, არა?.. ესეც შენ... ათი ნატეხიდან
რვადა დაგიტოვებია, რვა ნატეხად იქეცი, აჰა... აი, ესეც შენ, აი,
აი... ძალიან იაფად ვყიდულობთ, არა, ასე უბრალოდ რომ აობრებ? აი
მეხი კი დაგაყარე მაგ დასაბრმავებელ თვალეზე... აი, ასე გინდა, ასე,
ასე... შე ღორმუცელა შენა... — და ბასრ ფრჩხილებს დანასავით უყრი-
და რძალს გამხდარ სხეულში.

— ვაი, ვაი... — კვნესით მოთქვამდა საცოდავი ანანი, ტკივილისა-
გან იკლაკნებოდა, თან უნებლიეთ სულ უფრო იხუტებდა ბავშვს და
მთელი სხეულით ჰფარავდა, რომ ბავშვს არ მოხვედროდა ავი ღედამ-
თილის ხელი.

გიჟ-პორომსიმა კი უფრო და უფრო ცოფდებოდა... ბრაზდებოდა,
ფრჩხილებით გულის ჯაგრის ვერ იქარებდა... განსაკუთრებით აცოფებ-
და ანანის ღუმილი. ეგონა რძალი ტკივილს არა გრძნობსო. იგი ნასი-
მოვნები დარჩებოდა და გულიც მოულებებოდა, რძალს ყვირილი რომ
დაეწყო, აქვითინებულს შველა ეთხოვა. ამიტომ განრისხებული ღე-
დამთილი სხეულის ისეთ ადგილებზე ჩქმეტდა, რომ ქალი იძულებული
გამხდარიყო ხმამაღლა ეყვირა. მაგრამ არა, ანანი თითქოს დამუნჯებუ-
ლიყო, თავჩაქინდრული იჯდა და ისე ნელა ოხრავდა, რომ გიჟ-პო-
რომსიმას ყურამდეც არ აღწევდა, ცალკე მისი განრისხებული ზენემა-
ბუტბუტისა და ცალკე ბავშვის ტირილის გამო.

გიუ-პორომსიმა ღარწმუნდა, ცემა-ტყეპით და ჩქმეტით რძალს ვერ
შერეოდა, ცოფიანივით მივარდა, თავშალი წაადრო, ორი ხელით და-
ეჭვრა ნაწნავში და მძლავრად მოქაჩა.

ააა... ააა... ააა... — გაბმული ხმით დაიწყო კვილი ანანიმ, სა-
შინელი ტკივილისაგან თვალთ დაუბნელდა, გულადმა დაეცა, დასუს-
ტებული ზელებიდან ბავშვი იატაკზე დაუვარდა. ბავშვმა უფრო უმა-
ტა ტირილს.

რძლის გაბმულმა კვილმა ბოლოს და ბოლოს ცოტათი გული გა-
უვარალა გიუ-პორომსიმას, ნაწნავს ხელი გაუშვა და ბავშვი აიყვანა,
თან წყევლა-კრულვას განაგრძობდა. მოქანცული ჩამოჯდა ტახტზე და
ბავშვის რწვევა დაიწყო, რომ გაეჩუმებინა. წვრილი ბორბოტი თვალები
კვლავ უელავდა გიუური მრისხანებით, ოფლი წურწურით ჩამოსდიო-
და ვიწრო შუბლზე, დიდხანს ნარბენი კაცივით ქოშინებდა.

ანანი კი თვალდახუჭული ეგდო იატაკზე და ხმამაღლა ფშლუკუ-
ნებდა.

* * *

ზაფხულს გრძელი, ცხელი დღე ახალშელამებული იყო. მოხუცი
ჰელნარი და მისი ორი პატარა შვილიშვილი — ბიჭი და გოგო — ფეხ-
პოკეცილები ისხდნენ ტახტზე და არ ვიცით, სადღის შეექცეოდნენ
თუ ვახშაშს, რადგან თვითონაც არაფერი გაეგებოდათ როდის სადი-
ლობდნენ და როდის ვახშობდნენ. ლურჯ სუფრაზე ციმციმი გაჰქონ-
და პატარა ლამპას, რომელიც გაუწმენდავი შუშიდან ბუნდოვან შუქს
ჰფენდა დაღლილ-ტანჯულ, გაოფლიანებულ სახეებს. მათი ერთადერ-
თი საკვებები გახლდათ ფურნის შავი პური და ნახევრად მოუსვლელი
საზამთრო. ვერ გამოიცნობდით, საზამთრო თეთრი იყო თუ ყვითელი.
ლამპის შუქზე აუარებელი წვრილი ქინქლა ირეოდა შუშის ირგვლივ.
ქინქლები ცხელ შუშას ეხლებოდნენ და ძირს ცვიოდნენ, ზოგნი კი
საზამთროს სველ ქერქებს ეწებებოდნენ.

მოხუცი ჰელნარი გამხდარი, ოთხად მოკუნტული დედაბერი იყო,
სახე უამრავი ნაოქებით ჰქონდა დაფარული. სიღარიბეს და ბედის
უკუღმართობას წელში მოედუნა და წარუშლელი დადი დაეჩნია იძის
სახესა და სევდიანი თვალებისათვის. შვილიშვილები—და-ძმა ობლები
იყვნენ და ბებერი დიდდას მზრუნველობით იზრდებოდნენ. ეს ორი

ობოლი ამხნევებდა, ენერჯიას მატებდა, შრომისა და სიცოცხლის ხალისს აღევდა პედნარს, მაგრამ დედაბერი მაინც გულნაკლულად გრძნობდა თავს; ერთი დიდი სევდა აწვა გულზე. ამის მიზეზი ამ ორი ობოლის უფროსი დის — ანანის მდგომარეობა იყო, რომელიც საშინლად იტანჯებოდა თავისი ნახევრად გიჟი დედაპილის და ამაზე არა ნაკლები მხეცი მეუღლის ხელში.

დედაბერი პურისმცხობელი და მოსარეცხე იყო. ბევრი რეცხვისაგან და თონეში პურის ცხობისაგან ხელები და სახე დახეთქილი ჰქონდა, გაყვითლებული, პერგამენტივით გახდომოდა. სარეცხის დროს პატარა ობლები დიდედან ეხმარებოდნენ, ერთს შეშა და ნაფოტი მიჰქონდა, მეორეს ქვაბი ან გობი, თვითონ დიდედა კი მხარზე მძიმე ბოხჩამოკიდებული მიჰყვებოდა და ასე მიდიოდნენ მდინარისაკენ. შემდეგ, როცა მოხუცი დიდედა თაკარა მზეში ჩაცუტქული სარეცხს ჰყვებოდა, ბავშვები გახვრეტილი ტოლჩით ქვაბიდან ცხელ წყალს უსხამდნენ სარეცხზე, ხან ქვაბში ცივ წყალს უმატებდნენ. როცა საქმეს მოითავებდნენ, გოგონა კაბის კალთებს აიწევდა, ბიჭი — შარვლის ტოტებს, შედიოდნენ ანაკარა მდინარეში და სიბ ქვებსა და ღორღს გორაკებად დგამდნენ.

ამ საღამოსაც, მთელი დღე თაკარა მზის ქვეშ მდინარის პირას ყოფნის შემდეგ, სარეცხი, ქვაბი, თაბახი პატრონს ჩააბარეს თუ არა, ის იყო შინ დაბრუნდნენ, და დადლილ-დაქანცულნი საჩქაროდ პურის ჰანას შეუდგნენ, რომ მალე დაეძინათ და ზვალ დილაადრიაანად ისევ საპეშაოდ წასულეყვნენ.

— ნანი, საზამთრო რომ შეჭამო, კურკები მე მომეცი, — უთხრა ერთ-ერთმა შვილიშვილმა, რომელსაც თავის წინ კურკები დაეგროვებინა.

— არა, ნანიჩან, მე მომე, — ჩაერია მეორე, იმასაც თავის წინ მოეგროვებინა კურკები.

— აბა, წინ დაიხედე, რაღვინი გაქვს? — ამბობდა პირველი.

— შენ უფრო მეტი არა გაქვს? — შენიშნა მეორემ.

— არა, ბევრი, ბევრი, ოცი ცალი იყოს.

— ოციც არის და ასიც.

— როგორ არა! ასი შენი იქნება...

— კარგით, გეყოფათ, თავი მტკივა, — გაუჭავრდა დიდედა ჩვეუ-

ლი გულკეთილობით. — ნეტავი რა ნახეთ მაგ კურკებში, რომ ლამის ერთმანეთი დახოცოთ. აჰა, ნახევარი შენ, ნახევარი იმას.

* * *

ის იყო დედაბერი კურკების გაყოფას ამთავრებდა, რომ უეცრად ბავშვით ხელში სასოწარკვეთილი ანანი შემოვარდა აჩქარებული მტკიცე ნაბიჯით.

— ნანი, ჩემ ცოდვაში რად ჩაღეკი, ამ ჯოჯოხეთში რად ჩამაგდე? — შესძახა აქვითინებულმა ანანიმ და ბავშვი ტახტზე მიაგდო. — ქვა და რკინა ხომ არა ვარ, გავუძლო? ღმერთს აღამიანად გავუჩენივარ თუ ძალღაღდე?!

ანანი ტახტზე ჩამოჯდა, გულზე მოწოლილი ბოღმა ველარ შეიკავა, ხელები სახეზე მიიფარა და საშინელი ქვითინი წასკდა.

ნანის შვილიშვილებიც დაავიწყდა, კურკებიც, ყველაფერი. პირველად, ანანი ასე უჩვეულო დროს რომ ესტუმრა, მოხუცებულ ჰელნარს ძალიან შეეშინდა, მაგრამ როცა ანანის სიტყვებიდან საქმის ვითარება გაიგო, გაირინდა, ღუმდა სევდით გათანგული.

— რაო, რა გიყო, გოგო? — შეეკითხა ბოლოს.

— არ იცი, რასაც მიზამდა? — ქვითინით გამოეპასუხა ანანი. — სხეულზე ადგილი აღარ დამრჩა, რომ არ დაესისხლიანებინა, თავზე თმა არ შემარჩინა, ლამის ტვინი გამილაყდეს ამდენი ცემისაგან... კარგი და, როდემდე?... ერთი სულია მიდგა, ბარემ ესეც ამომხადოს, რომ მოვრჩე და მოვისვენო... თორემ აბა რას ჰგავს ჩემი მდგომარეობა, როგორ გავუძლო...

— აი, შავზნელად დაღამებულიყო ის დღე, ნეტავი სულ არ გამთენებოდა, მე რომ შენ მაგ ოხრად დასარჩენ ოჯახში ჩაგაგდე, — მწარედ ამოიოხრა ჰელნარმა. — ვინც შენი მიზეზი გახდა, ცეცხლი და ღველფი ჩაუვარდა ჯანში, როგორც მე ჩამივარდა. იმ გულმკვდარს რა უნდა შენგან, ასე უმოწყალოდ რომ გიქამს ხორცს, აი ძალღმა და მგელმა შეუქამოს იმას ხორციც და ჯანიც.

— ის უნდა, — ქვითინით მიუგო ანანიმ და თავშლის წვერით მოიწმინდა თვალები. — ის უნდა, რომ ნუ სქამ, ნუ სვამ, ნუ იცვამ, ნუ ცვითავო. თითქოს ჩემთვის მანანა იყრებოდეს ზეციდან.

— დღესაც გადაირია?

— გადაირია და მერე როგორ!.. დილაადრიან წამოდგა, მიცვალე-

ბულის დამარხვაზე წავიდა. რაკი თვითონ ჩაის არ დალევდა, სამოვრის დაღვმა არც მე დამანება... იავორაც, ინათებს თუ არა, ფორანს შეებამს ხოლმე და უჩაიოდ მიღის სამუშაოდ. მე ჯანი გამვარდეს, უჩაიოდაც გავძლებ, ეს ბავშვი შემეცოდა, მშვიერი იყო, ტირილა... უქმელობისაგან ძუძუ გამიშრა, ის კი მკერდიდან არ მშორდებოდა. შეზობლისგან ქეთლით წყალი მოვიტანე, ორი ნატეხი შაქარი ჩავავდე. პური ჩაუყარე, ვაჭამე, ძლივს გაჩუმდა. მთელი დღე დაკარგული იყო. საღამოა ქელეხგამობტყვრალი, მთვრალ-გახეთქილი დაბრუნდა. მოსვლისთანავე ჯერ წყევლა-კრულვით ამიკლო, მერე თაროს მივარდა. ხახა, საშაქრეში ორი ნატეხი შაქარი აკლდა — სომ იცი, შაქარიც და ყველაფერი დათვლილი აქვს — როგორ გაბედეო, დაიყვირა, უჩემოდ რანება გქონდა, ორ ნატეხ შაქარს რომ ხარჯავდიო, მერე ცოფიანი ძალღივით მომვარდა და მთელ სხეულზე საღი ადგილები არ დამიტოვა — მკემა და მკემა, თმა დამაგლიჯა, ჩქმეტით დამალურჯა. შეგებრალები, მთელი ტანი ისე მაქვს, თითქოს გახურებული შამფურებით დაუდალიათ...

ანანის ყელში მოაწვა ბოღმა, მაგრამ მოითმინა, თავი შეიკავა.

— ამიერიდან რომ მომკლა კიდეც ნანი, იქ წამსვლელი არა ვარ, — ცახცახით, მაგრამ მტკიცედ დაუმატა. — მტყვარში გადავეარდები, თავს ჩამოვიხრჩობ, სულს ეშმაკის კერძად გავიხდი, იქ კი არ წავალ. კმარა, სული ყელში ამომივიდა... ჩემი სიჭეველე შავბნელად აქციეს. ერთი კარგი დღე არ მინახავს. მთელი სამი წელია მაწამებენ, ცალკე თვითონ, ცალკე შვილი. იმ სულძაღლმა დედამთილმა ხომ მკემა და ხორცები დამაგლიჯა, შვილიც მთვრალი გახეთქილი მოვიდა, და რაც დედამთილმა დამაკლო, იმან შემისრულა. რადა, რისთვის რა დამიშავებია? უენო პირუტყვივით ჩემთვის ვგდივარ, მაძლევენ — ვჭამ, არ მაძლევენ — ხმას არ ვიღებ. დილიდან საღამომდე სული ყელში შებჯინება, მტკვრიდან წყლის ზიდვით, ცხენის ჩონჩორიკის გატანით, ეზოს დაგვით, პირუტყვის არ ექნება იმდენი ტანჯვა-წამება, რაც მე მაქვს, ნუთუ ძალდად აღარ ვღირვარ? ამ ბავშვისთვის ირევიან, ისე უყვართ, ამისთვის მაინც შემიბრალონ? აჰ, ღმერთო ჩემო, — შეკლალადა უფალს ანანიმ და ცრემლმორეული თვალები ჰერს მიამტერა, — რა იქნება, სული ამომართვა, რომ გავთავისუფლდე!..

ხმა ერთიანად აუკანკალდა და უეცრად ჩაუწყდა, თავი ჩაჰკიდა გამხზარ, ფიცარივით სწორ მკერდზე და კვლავ ისე შემადრწუნებლად აქვითინდა, რომ გაძვალტყავებული სხეული აუცახცახდა.

პატარა და-ძმა სერიოზულად, ბავშვური ცნობისმოყვარეობით მისჩერებოდნენ მას, შვილი კი ჩოჩვით მისულიყო სუფრასთან, საზამთროს ქერქი აეღო და პაწაწინა კბილებით ხრავდა. დედაბერი ჰელნარი ისევ ისე იჯდა გაქვავებული, ვერ გადაეწყვიტა რა გზას დასდგომოდა, როგორ ენუგეშებინა ავი დედამთილის და ხეპრე მეუღლის ხელში დატანჯული შვილიშვილი. მოძალებული სევდით და სიბრალულისაგან თავს აკანტურებდა, კეთილი თვალები ცრემლებით ევსებოდა.

— გოგო, ეგრე რომ ლაპარაკობ, მთელ ჯანში ცეცხლი შეკიდება, — დაჰძინა მან ტირილით. — ამბობ, აღარ წავალო? მერე მაგითი იმ გიჟებს გადაურჩები?

— უფრო კარგი, თუ არ გადავურჩები, — ქვითინით უპასუხა ანა-ნიმ. — ამაზე მეტს რაღას მიზამენ? მომკლავენ! დაე მომკლან. შოვის-ვენებ მაინც. ამდენ ცემას ვეღარ ავიტან. ღამეები ისე გადის, ტკივი-ლებისაგან ძილი არ შეეარება, — დაუმატა და ცრემლები ღაპა-ღუ-პით წასკდა.

მოხუცებულმა ჰელნარმა მეტი ვეღარ აიტანა. თავის კანტური შეწყვიტა, ჩამქრალი თვალები უეცრად წამოენთო, სასოწარკვეთილები-საგან და სიბრაზისაგან მთელი სხეულით აცახცახდა.

— კარგი, დარჩი. ნულარ წახვალ, ნულარ წახვალ იმ თოკით და-საბჰელ გიჟებთან, — შესძახა მან. — მე იმათ ქალი იმისთვის კი არ მივეცი, რომ მოახლედ გაიხადონ, თან ფეხქვეშ ამოიღონ და ცემით სული ამოხადონ. სანთელივით დააღწეს, მოსაპეს, აი ეგრე დაღწეს იმა-თი ჯანი, უპატრონო ნუ ეგონებათ, ჯერ არ მოვმკვდარვარ. დარჩი, აღარ წახვიდე. ერთ ლუკმა პურს შენთვისაც ვიშოვი, რომ...

სიტყვა არ დაემთავრებინა დედაბერს, რომ ოთახში გიჟი კამეჩი-ვით შემოიჭრა ერთი ბრგე კაცი, ისეთი უზარმაზარი, რომ შემოსვლის-თანავე თითქოს პატარა ოთახი გაივსო. იგი მეფორნე იაგორა იყო, ანანის მეუღლე, ფორანივით უხეში და გაუჩოკრნავი, თავისი ცხენივით ტლანქი და კუნთმაგარი. თავზე ქუდი არ ეხურა. მზით გარუჯული სახე ისეთი ბანჯგვლიანი ჰქონდა, რომ წვერ-ულვაში აღარ ემჩნეოდა. გულ-გადაღედილი იყო, ლურჯი ახალუხი ეცვა, იმფერივე განიერი შარვა-ლი, ტოტები რომ ამოგეშალათ უქუსლო წაღებიდან, გეგონებოდათ

ქალის კაბა აცვიავ. ხშირ წარბეჭქვეშ სიბრაზისაგან აელვარებულს დიდრონი თვალები მოუჩანდა, გრძელი ცხვირის ნესტოები დაღლილ ცხენის ნესტოებივით გაებერა და კშინავდა.

ცოლმა რომ დაინახა, მაშინვე ტირილი შეწყვიტა, წამოხტა, კედელთან მივიდა და მკვდარივით ფერწასული ზედ აეკრა.

— ეჭ, შენი... — საზარლად დაიღრიალა, უწმაწურად შეუქურთხა და რამდენიმე ნაბიჯი გადადგა ანანისკენ.

ჰელნარი წამოხტა, უნდოდა გზა გადაეღობა, მაგრამ იავორამ ხელი ოდნავ გაიქნია, ტახტზე დაანარცხა დედაბერი და თავისი უზარმაზარი ტანით წინ აეტუზა შიშისაგან მოცახცახე ცოლს.

— ვუი, არ დამარტყა იავორჩან... შენი სულის ჰირიმე, არ დამარტყა, მთელი ჯანი მტკივა, — შეევედრა ანანი, რომელსაც კისერი წაეგრძელებინა და ორივე ხელი მაგრა მოეხვია გამხლარ მხრებზე.

— არ დაგარტყა! არ დაგარტყა! — დასქეჟა იავორამ და გამძვინვარებული თვალები შეანათა ანანის. — მაშ რა ექნა? თვალები დაგიკოცნო, რომ ის ბებერი დაძინებული გაუშვი, გამოიპარე, სახლი უპატრონოდ მიატოვე? მაშ გამოიქეცი, ჰა? ჯანდაბამდის გზა გქონია, თუ გამოიქეცი, შე უსირცხვილო შენა, ძალიანაც არ ვიდარდებ, მაგრამ ეს ბავშვი რად წამოგიყვანია, ჰა? გინდა ახლავე კისერი მოგიგრინო, ფეხქვეშ გაგიგდო და ჰიასავით გაგსრისო, ჰა? რაო, არ მიცნობ? — უჰ, შენი... — უზარმაზარი მუშტი, რკინისაგან ჩამოხხმულს რომ უგავდა, მძიმედ, დინჯად გააქან-გამოაქანა ჰორიზონტალურად და ცოლს გვერდში ჩასცხო.

ანანის ხმის ამოღებაც არ დასცალდა, მხოლოდ პირი გაადო — მოკუმა, უცნაურად ჩაისუნთქა ჰაერის ნაკადი, როგორც წყლიდან ამოღებულმა თევზმა იცის ხოლმე, წატორტმანდა და ჩვარივით დაეცა მიწაზე.

— ოჰ, შე გულმკვდარო, ეგ რა ჩაიღინე, — შეჰკივლა ჰელნარმა და საშველად მიირბინა.

იავორამ გაბანჯული წარბებიდან ერთი გადახედა მის ფეხებთან გაშხლართულ ცოლის დაქყეტილ თვალებს, მერე კიდევ შეუქურთხა, მიუახლოვდა ბავშვს, რომელიც ამ დროს საზამთროს ქერქს ღრღნიდა, აიყვანა და აუჩქარებელი ნაბიჯით გარეთ გავიდა.

დედაბერი დაემხო ანანის უსულო გვამზე და შიშისაგან გაქვავდა.

ანანი მიწაზე ეგდო უცნაურად ამოწეული ხვანჩით, ბინდგადაკრუ-

ლი გაქვეტილი თვალეზი ჰერისათვის მიეშტერებინა, ღია პირიდან სისხლი გაღმოსდიოდა და სუნთქვა გაქვავებოდა.



ცოლის მოკვლისათვის მსჯავრდადებულმა მეფორნე იაგორამ წინასწარი გამოძიების დროს დაკითხვაზე თქვა:

— ერთხელ შემოგყარი მუშტი, სხვა ხომ არაფერი დაძიშავებია!

1890

შავი ფულების სარგებელი

ახლად შელამებული იყო, როდესაც დედაბერი მარანა დასაძინებლად მოემზადა, თუმცა კარგად იცოდა, შუალამედე ლოგინში უნდა ებორგა რწყილებისა, ანდა უძილობის გამო. ჭერ კიდევ სინათლეზე ლოგინი გაშალა. მუდამ ასე იქცეოდა, რომ ღამის სიბნელეში თავი არ შეეწუხებინა, რაღვან ნავთი არ ჰქონდა ღამის ასანთებად.

ვიღრე დაწვებოდა, ოთახის კუთხეში მივიღა, ხელები მოუფათურა და დარწმუნდა, ქათმები თავიანთ ადგილას იყვნენ ქანდარაზე ჩამოშხდარნი, თუმცა კი იცოდა, დღისით მეზობლის ქათმებთან ერთად მთელი უბანი აკლებული ჰქონდათ და საღამოს ჩვეულებრივ ქანდარაზე ჩამოსხდებოდნენ. ლოგინში დამშვიდებით მაინც ვერ ჩაწვებოდა თუ ჭერ ქათმებს არ შეამოწმებდა, რადგან მისი ცხოვრების ერთადერთი წყარო და იმედი ეს ორი ქათამი იყო. თვალის ჩინივით უვლიდა და შვილივით უყვარდა ისინი. ქათმები კვერცხს სღებდნენ, მარანას კვერცხები უბნის მეწვრილმანესთან მიჰქონდა და პურზე ან საკენჯზე სცლიდა. ამრიგად, ქათმები თავიანთ თავსაც ინახავდნენ და ბებერ მარანასაც.

ახლა მოხუცის ხელის შეხებაზე შეინძრნენ და აქოთქოთდნენ. შემდეგ დედაბერმა შეასრულა თავისი ჩვეულებრივი ლოცვა, გაღაიწერა პირჯვარი, სამჯერ დაიჩოქა ქობის ოღრო-ჩოდრო იატაკზე, ცხვირში რაღაცის დღუღუნით ტანთ გაიხადა და ლოგინში ჩაწვა. ლოგინის ნესტმა ქრუანტელივით დაუარა გამოფიტულ სხეულს; მოიკრუნჩხა, საბანი გადაიხურა თავზე. სევდიანმა ფიქრებმა მოიცვეს იგი.

მარტოღმარტო ცხოვრობდა დედაბერი ამ ნახევრადანგრეულ ქობში, რომელიც ქმრისგან დატოვებულ ერთადერთ სიმდიდრეს წარმოადგენდა. დიდი ხანია, ქმარი მოუკვდა, ერთი ლოთბაზარა ხარაზი

იყო, ძალიან ცოტა კარგი დღე უნახავს მის ხელში, მაგრამ მაინც დიდ-
ხანს გლოვობდა. მართალია, შვილი ჰყავდა, მაგრამ ისიც უვარგისი გა-
მოდგა. ქურდი და ჯიბიერი, მთელი დღეობით და კვირაობით შინ ფეხს
არ შემოადგამდა, დედას არ პატრონობდა. ერთი სიტყვით, დედის
ყოფნა-არყოფნა სულერთი იყო მისთვის.

შვილის უვარგისობას მოეწამლა ბებერ მარანას ისედაც უბედური
სიცოცხლე. ბევრჯერ უცდია, თვალზე ცრემლმორეულს, დაერიგებინა
არტემა, რომ ცუდი გზიდან აეცდინა, საბოლოოდ ერთ საქმეს მოეკიდე,
ცოლი შეირთე და ოჯახი შექმენო. მაგალითისათვის მეზობელ ოსანას
თაბახით მოვაქრე ცაქანას მოუყვანდა. ხომ ხედავ, რა წესიერი ოჯახი
შექმნაო. მაგრამ ხმის ამოღებისთანავე არტემა ისე დაუყვირებდა და
გაღმკარკლავდა მსხვილ თვალებს, რომ საცოდავ ბებერს ენა მუ-
ცელში ჩაუვარდებოდა.

„ოჰ, შვილო, შვილო... — ამოიკვნესა მარანამ და მეორე გვერდზე
გადაბრუნდა. — ეს ქათმებიც რომ არ მყავდეს, ნეტავი რა უნდა
მექნა?“..

დღეგამოშვებით, ან ორ დღეში ერთხელ წაიღებდა კვერცხებს და
უბნის მეწერილმანეს მიაშურებდა, სხვადასხვა წვრილმანთან და ხილ-
თან ერთად პურსაც რომ ჰყიდდა.

— ბაღლოჯან, ორი კვერცხის პური მომეცი. — ეტყოდა ხვეწნით.

მეწვრილმანე კვერცხებს, თითო-თითოდ, გულდასმით გასინჯავდა,
ყურთანაც მიიტანდა.

— ეს ერთი ლაყუა, დედი, — ეტყოდა ხუმრობით.

— არა, ბაღლოჯან, დღეს დადეს: განა მე ლაყუ კვერცხი შექნება?

— დედიჯან, რას იზამ, შენ ქათმებს უცბად საკვერცხე რომ გაუხ-
მეთ? — განაგრძობდა ხუმრობას მეწვრილმანე, თანაც ერთ გირვანქა
პურს უწონდა.

— არა, ბაღლოჯან, ღმერთმა ნუ ჰქნას. მერე ჩემი შემნახავი ვინ
იქნება?

— შენი ბიჭი?

— აი პირი გაუშავდეს ჩემს ბიჭსა, თვალთ ვხედავ, რომ...

რასაკვირველია, მთელი წელიწადი ორი ქათმის დადებული კვერ-
ცხით ცხოვრება არ შეიძლებოდა, მაგრამ მოხუცს სული მაინც შერ-
ჩენოდა. — იყვნენ კეთილი ადამიანები, რომელნიც ხანდახან თავიანთ
ცხელი კერძიდან მასაც წილს არგუნებდნენ, ან სხვაფრივ ეხმარებოდ-

ნენ. თვითონაც, რაც ძალ-ღონე ჰქონდა, თავს არ იზოგავდა, ვის მატყლს ურთავდა, ვის დილიდან საღამომდე ემსახურებოდა, მენახშირეს ღუქანში დახეულ ტომრებს უკერებდა.

ერთი ქათამი შეტოცდა ადგილზე და ძილმორეულმა რაღაც ყრულ ჩაიკაკანა.

— ჯან ჯან, შენ გენაცვალე, — წამოთქვა ბებერმა მარანამ და დამთქნარა.

* * *

შუალამე კარგა გადაცილებული იყო.

ღიღი წვალეების შემდეგ მარანას ახლად ჩასძინებოდა, უცებ რაღაც ხმაურმა გამოაღვიძა. შეშინებულმა თავი წამოყო და სიბნელეში გაიხედა.

კარებს არახუნებდნენ, როგორც ეტყობოდა, ხელითაც ჯა ფეხითაც, ისე მაგრად ურტყამდნენ, რომ კარებიანა ირყეოდა მთელი ქოხი.

— ვინ არის? — წამოიძახა გულგახეთქილმა ბებერმა.

— აი ზაპრუმალა და შავი ჭირი, გააღე რაღა, — მოისმა ვაჟკაცის შემზარავი ხმა და კარებზე ფეხის მაგარი დარტყმით ქოხი ხელახლა შეინძრა.

— არტემ... აი, შენ რა გითხრა, აბა, გული არ გაშიხეთქე! — გაეხმაურა ბებერი, ლოგინიდან წამოდგა და სიბნელეში ფარფატით მივიდა კარებთან. ძლივს იპოვა რაზა, კარი გამოაღო.

გაზაფხულის მოწმენდილი ღამე იყო. კარებთან ერთი ბრგე ახალგაზრდა იდგა ქუდიით ხელში.

— ამდენი ვარახუნე, რა არის, არ გესმის, განა? — დაუღრიალა მან დედას.

— ძილში ვიყავი, არტემაჯან, — საცოდავად უპასუხა დედამ.

— აი ისე დაიძინე, რომ ვეღარ გაიღვიძო, — შეუტია არტემამ და ფართო ნაბიჯებით შინ შემოვიდა. — სინათლე აანთე, — უბრძანა მან.

— ნაეთი არა გაქვს, არტემჯან.

— მაშ სიბნელეში ხარ?

— აბა რა ვქნა?

— გიყვია ეს ოხერი, მერე ორი გროშის ნაეთი რა არის, რომ არ ყიდულობ?

— ორი გროშის მომცემიც შენა ხარ, არ მაძლევ და რით ვიყიდო? — მიახალა ცოტა ადელვებულმა ბებერმა.

— რაო, ქათმები დაგეხოცნენ? კვერცხს აღარ გიღებენ? ბებერი უცებ აენტო.

— ამოდენა ვაჟაკი მთასავით მედგე და ქათმებს შეეყურებდე? — უპასუხა განრისხებულმა, — დედა ვარ შენი, ძალ-ლონე მიხდილი, წელიწადი გადის, ზედ არ მიყურებ და, დიდი გულით ისევ შენა ხარ? გრცხვენოდეს მაინც. ქათმები ლუკმა პურს მაჭმევენ, შენ რას მმატებ, რომ ხოცავ კიდევ.

— აბა, ბევრს ნუ ბუზღუნებ, თორემ ჰა, — დაემუქრა არტემა და დედას მიუახლოვდა.

შვილი დედაზე თითქმის ორჯერ მაღალი იყო.

დედამ სიბნელეში ორი მოელვარე უშველებელი თვალი და ჰაერში გაქვავებული მუშტი შეამჩნია, ამავე დროს ცხვირში ღვინის მძიმე სუნი ეცა.

— მაშ, რა ვქნა არტემჯან, — თქვა მან ისევ საცოდავი კილოთი, — გული მეტკინა. რომ...

— ხპა ჩაიკმინდე! — ისევ შეღრიალა არტემამ. — შიდი, ლოგინი გამიშალე.

ბებერი ხმაამოუღებლივ გაეშურა მისი ბრძანების შესასრულებლად. სიბნელეში ფარფატითა და კვნესით ძლივს გაუშალა არტემას ლოგინი.

არტემამ უცებ გაიხადა, ჩაწვა მაშინვე და ხერინვა ამოუშვა.

— ეჰ, მეც უნდა ვთქვა შეილი მყავს და ქვეყანაზე ვცხოვრობ-მეთქი. ვაი ჩემი გაჩენის დღეს, ვაი! — მწარედ ამოიოხრა მარანამ და ისევ ლოგინში ჩაწვა.

გათენება შორს არ იყო. პატარა ფანჯრების ბნელ მინებში სინათლემ შემოიხედა, ქონი თანდათან განათდა.

ქათმები შეფართხალდნენ ქანდარაზე, წამოდგნენ, დაიბერტყეს ფრთები, ნისკარტით დაიწყეს ფრთებისა და მკერდის წიწვნა, შემდეგ კისრები წაიგრძელეს, დაბლა დაიხედეს, ირგვლივ მიმოიხედეს, წითელი ბიბილოების თამაშით უცებ დიდი ქოთქოთით ჩამოხტნენ ქანდარიდან და ჩამოცვენილი ბუმბული ჰაერში გაფანტეს.

დედაბერს გათენებისას ისევ ჩასძინებოდა. უცებ თვალები გაახილა, კვნესით წამოდგა და ტანთ ჩაიცვა.

ქათმები მიუახლოვდნენ, უფრო ხმაშალდა დაიწყეს კაკანი.

— ახლავე, ახლავე დაგიყრით საეცეკს, — წაიდუღუნა დედაბერმა,

თან უნდოდა საკენკის პარკთან მისულიყო, რომ ამ დროს თავისდაუნებურად უცებ გადახედა მიძინარე შვილს; მას საბანი გადახლოდა, ბანჯგვლიანი გულ-მკერდი მოუჩანდა. დედა ფრთხილად მიუახლოვდა, საბანი გადაახურა.

მიუხედავად ქათმების კრიახისა, არტემას მაინც ღრმად ეძინა.

რამდენიმე წუთის შემდეგ ფრთოსნებს უკვე აკენიკილი ჰქონდათ საკენკი და წყალიც დაელიათ. ახლა უკვე გარეთ გასვლას ლაშობდნენ. ბებერმა თითო-თითოდ დაიჭირა, აიყვანა, კვერცხი გაუსინჯა. შემდეგ კარი გაუღო და გარეთ გაუშვა.



საღილობის დრო იყო, არტემამ რომ გაიღვიძა. ლოგინში დაიწყო ზმორება, ხელის თითებს აუტეხა ტკაცუნის, შემდეგ ფეხები ჩამოკვიდა და ტახტზე და ზანტად შეულგა ჩაცმას, თან ამთქნარებდა.

— ჩაი არა გვაქვს? — შეეკითხა დედას, რომელიც კარებთან იჯდა და რაღაცას აკერებდა.

— როგორ არა, — დასცინა დედაბერმა, — სამოვარი დულს და ქაფქაფებს. ჩაი და შაქარი რომ გამოგზავნე, აგერ თაროზე ლპება.

არტემამ ჩაიცინა.

— მაშ თუ აგრეა, დედი, აი მივდივარ ერთი გირვანქა ჩაი ვიყიდო, ერთი თავი შაქარი და თუ ნახშირი არა გვაქვს, ერთი ზურგიც ნახშირი.

— მასხარად ასაგდები თავი ზედ გაბია, — უპასუხა დედაბერმა, — ამ დილით მარქანაანთ დამიძახეს, მოდი, ერთი ჭიქა ჩაი ჩვენთან დალიეო. რომ არა გრცხვენია, აბა რა ვქნა!

არტემამ შუბლი შეიკრა, ფეხზე წამოდგა, ჯერ ერთი ფეხი შედო ტახტზე, მერე მეორე და შნოიანად ჩაიკვცა მაღალყელიანი ჩუსტები. შემდეგ ხელში აიღო ხელადა, ფეხები განზე გასწია, პირი იქვე იატაკზე დაიბანა, ხელსახოცით შეიწმინდა, ჯიბიდან ერთი კბილებჩამტვრეული სავარცხელი ამოიღო, დაივარცხნა თმები, განსაკუთრებული სიფაქიზით მოიმრგვალა შუბლზე დატოვებული გრძელი ქოჩორი, აიღო ქული, ხელზე დაბერტყა. მრუდედ დაიღო კეფაზე და კარებისაკენ გაემართა. კარებთან უცებ შეჩერდა, დახედა დედის მხრებს; მოხუცი საკერებელს დასცქეროდა. შვილს ხელახლად მოუნდა გახუმრება.

— კარგი, დედი, ჩაი ხომ არ დამალევიინე, — უთხრა მან.

— წადი ტრაქტირში და ჩაისაც დალევ, არაყსაც, — საკერებლიდან თავაუღებლივ უპასუხა დედაბერმა.

— ვაი, დედიჩან, დედი, ეშმაკმა წაგიღოს, დედი, — წამოიძახა არტემამ სიცილით, ფართო ნაბიჯით გადააბიჯა და გარეთ გავიდა, — რა ცხვირ-პირი ჩამოგტირის? — უთხრა უცებ და დედის წინ შეჩერდა, — გინდა, ლოთიანად, ფული გაჩუქო?

— ფული თუ გაქვს, წადი და არღნით იქეიფე, მე რად მომცემ! — წაიდუღუნა ბებერმა და თავი არ მოაშორა საკერებელს.

— ჰეი დედი, გული როგორ გაგტეხია. აი თუ არ მოგცემ! — არტემამ ხელი შავი სატინის ახალუხის ჯიბეში ჩაიყო და ფულების ჩხარუნი დაიწყო ბებრის საღერღელის ასაშლელად — ჰა, მოგცე?

ფულების ჩხარუნმა მართლაც იმოქმედა დედაბერზე, საკერებელი ერთ მხარეს გადადო და ხელები მოწიწებით გაუშვირა შეიღს.

— მომეცი, ნომეცი, არტემჩან, შენ გენაცვალოს დედა.

არტემამ ჯიბიდან ერთი მუჭა თეთრი და შავი ფულები ამოიღო და, ახლა უკვე მუჭში დაუწყო ჩხარუნი.

— მაშ ამბობ, მოგცე, რაღა!

დედაბერმა ცოტა წამოიწია ადგილიდან, ხელები ისევ შეიღისკენ ტქონდა გაწვდილი.

— არტემჩან, შენს მზეს შემოევლოს დედაშენი, ისე იგულსხმე, ვითომ საყდრის წინ ერთი მათხოვარი ვყოფილვარ.

— კარგი, რომ მოგცე, მერე რას იზამ?

დედაბერი სწრაფად წამოდგა ფეხზე.

— აი, რას ვიზამ, არტემჩან, ჯერ ცოტა მატყლს ვიყიდი და წინდებს მოექსოვ შენთვისაც და ჩემთვისაც; საპონს ვიყიდი, დავრეცხავ შენსა და ჩემს საცვლებს. ნავთს ვიყიდი, ღამე რომ მოხვიდე, ღამბა აგინთო. ჩაისა და შაქარს ვიყიდი, ცოტასაც ნახშირს, დილით რომ ადგე, ჩაი დაგაღვეინო ხოლმე, კიდევ...

— ვაჰ, ვეღარ მორჩი, — წამოიძახა არტემამ.

— ეჰ, როგორ მოვრჩე, არტემჩან, ცოტა რამ გვაკლია განა? — თქვა დედაბერმა, — მართლა, ქათმების საყენკი არ მითქვამს, დამავიწყდა, ყველი, რამდენი ხანია, გულით მინდა ყველი.

— ყველი არა, კატლეთი და ბიფშტექისი არ გინდა? — მიუგო არტემამ უკვე სერიოზულად. — შე ოხერტიალო, რა გგონია, ფულებს ვჭრი, აბა, კალთა გაშალე და რასაც მოგცემ, ხმა არ ამოიღო, თორემ...

დედაბერი ერთი ნაბიჯით მიუახლოვდა შვილს და კალთა გაუშალა. თვალებით კი მოუთმენლად შეჰყურებდა ხელებში.

არტემამ გაშალა მუჭა, თითო-თითოდ გადაარჩია თეთრი ფულები და ჭიბეში ჩაიყარა, დარჩენილი შავი ფულები კი დედას კალთაში ჩაუყარა.

— აი, აღარა თქვა ცუდი შვილი მყავსო.

— არა, არა, კარგი ხარ. კარგი, არტემჯან. აი იცოცხლე და იხარე, არტემჯან.

დედაბერი ხელახლა ჩამოჯდა კარებთან, კალთა გაშალა და ფულების თვლა დაიწყო. სიხარულისაგან ხელები უკანკალებდა.

არტემა თვითონაც გახარებული იყო დედის სიხარულით. ჩაიკუნტა დედის წინ და მომღიმარი სახით შეხედა.

— ხომ მოგეცი, პა? — ჰკითხა.

— მომეცი, მამ მომეცი, არტემჯან, გაიხარე ისე, როგორც მე გამახარე.

არტემას გაეცინა, მსუბუქად ჩამოჰკრა დედას მუხლებზე ხელი, წამოხტა ადგილიდან და ფართო და ღინჯი ნაბიჯით გაშორდა.

• • •

დაახლოებით ორმა კვირამ განვლო.

დედაბერი მარანა ისევ ძველებურად ცხოვრობდა. არტემას ნაჩუქარი ფულები თუმცა დიდი ეკონომიით დახარჯა, მაგრამ მაინც დიდ ხანს არ ეყო. უკვირდა, რომ იმ ფულებმა არავითარი ცვლილება არ მოახდინეს მის ცხოვრებაში. მისთვის ერთადერთი საგრძნობი სარგებელი ის იყო, რომ ამ ხნის განმავლობაში ათი-თხუთმეტი ცალი კვერცი გადაერჩინა კრუხის დასასმელად.

ერთ დღეს არტემა ისევ მივიდა ჩვეულებისამებრ, როცა სახლი მოაჯონღებოდა შუალამისას მოვიდოდა, ხშირად გათენებისასაც მოსულა. მაგრამ დღეს ისე ადრე ესტუმრა, რომ დედაბერი მარანა ჯერ დაწოლილიც არ იყო. ამ ამბავმა ძალიან გააკვირვა მოხლცი.

— არტემჯან, ავად ხომ არა ხარ? — ჰკითხა შეფიქრიანებულმა.

არტემამ პასუხი არ გასცა.

მარანამ სცადა კარგად დაჰკვირვებოდა შვილის სახეს ნახევრად ჩაბნელებულ ქონის სინათლეზე, მაგრამ ვერაფერი დაინახა ბნელი სილუეტის მეტი; სწრაფად აანთო ლამპა, შემდეგ შვილს მიუახლოვდა.

არტემა პირადმა დაწოლილიყო ტახტზე და ხელები თავქვეშ დაეწყო.

მოხუცი ჩააშტერდა მის სახეს და შეეშინდა, შვილს სახე სასტიკად მოღუშული ჰქონდა, თვალები უბრწყინავდა. ეტყობოდა ძალიან ცუდ ხასიათზე იყო.

— არტემჯან! — ჩაიჩურჩულა დედამ.

— ჰა? — უცბად დაიღმეველა თავისი მძლავრი ხმით და თვალები გადაუტრიალა დედას.

— რატომ ხარ ასე? — შიშით ჰკითხა მოხუცმა.

— ნუ ამლაპარაკებ, თორემ ამ გაბოღმებულ გულზე ერთ ისეთ წიხლს ამოგიკერ, ადგილზევე სული განუტევო, — უპასუხა არტემამ დინჯად, მაგრამ შიშის მომგვრელი ტონით და ფეხიც კი მოიმარჯვა.

დედა მოიკრუნჩხა და ხმაამოუღებლად გაშორდა.

ჩამოვარდა ხანგრძლივი სიჩუმე.

ლამპის სინათლესა და ხმაურზე ქანდარაზე ჩამომსხდარ ქათმებს გაღვიძებოდათ და უჩვეულო სინათლით დაინტერესებულნი აქეთ-იქით აცეცებდნენ მრგვალ თვალებს.

ტახტის კუთხეში მოკრუნჩხულიყო დედაბერი. ფიქრობდა, რა დაემართა არტემას. გაიხსენა წარსულიდან ერთი შემთხვევა, როდესაც შვილი ასეთ ხასიათზე დაბრუნდა შინ. მაშინ მიზეზი არ დაუმალა და უთხრა, ყოპარძს თამაშის დროს ბევრი ფული წაუვადგო. ალბათ ახლაც ისეთივე რამ მოუხდა, იფიქრა ბებერმა და მოინდომა ენუგეშებინა შვილი.

— არტემჯან, ნავთი შენი ნაჩუქარი ფულით ვიყიდე, — უთხრა მან, როცა შეამჩნია. რომ შვილი ღრმა ფიქრებით გართული თვალებგაშტერებული შეჰყურებდა ლამპას.

არტემამ ხმა არ გასცა.

— რამდენი ხანია, ვიყიდე, მაგრამ ვინახავდი, რომ შენი მოსვლის დროს ამენთო, — დაუმატა დედაბერმა.

არტემა ისევ დუმდა.

— ცოტადენი ჩაი და შაქარიც ვიყიდე, დილაზე ჩაის დაგაღვეინებ, — ხელახლა ალაპარაკდა მოხუცი.

არტემა გაუნძრევლად იწვა ერთდღიამევე მდგომარეობაში. თითქოს არ უსმენდა დედას.

დედას გულზე მოხვდა, ეწყინა, რომ შვილი არავითარ ყურადღებას არ აქცევდა მის ლაპარაკს.

— თუ გეძინება, მითხარი, ლოგინს გაგიშლი, — უთხრა ნაწყენი ტონით დიდი ხნის დუმილის შემდეგ.

არტემამ პასუხი არ გასცა, მუთაქა თავქვეშ მოიმარჯვა, მკლავით სახე დაიფარა და რამდენიმე წუთის შემდეგ მისი ხერხინვა გაისმა.

მარანამ ძველი, ჭუჭყიანი მითელი სიფრთხილით გადაახურა, რომ არ გაეღვიძებინა. ლამპა ჩააქრო, შეასრულა ჩვეულებრივი ლოცვა და ლოგინში ჩაწვა.

„ეგ არის, უეჭველად ეგ არის, ფული წააგო“, — დაასკვნა ღრმად დადარდიანებულმა დედამ. მას კი იმის იმედი ჰქონდა, დილით შვილი წინანდელივით ფულს მაჩუქებსო.

ახლად რიყრაყდებოდა, პატარა ფანჯრების ბნელი მინები ის-ის იყო თანდათან ნათდებოდა, რომ ქათმების უჩვეულო კაკანმა უცებ გამოაღვიძა დედაბერი. მან თავი სწრაფად წამოყო და ქანდარისკენ მიიხედა. იქ, სიბნელეში, მისმა ნამძინარევმა თვალებმა ძლიერ შეამჩნიეს ადამიანის შავი სილუეტი.

— ვინა ხარ? — დაუყვირა ძალზე შეშინებულმა მოხუცმა და შექანიკურად ლოგინში წამოჯდა.

ადამიანის აჩრდილი კარებისაკენ გაემართა. გაისმა რაზის ჩხარუნი. კარი გაიღო. აჩრდილი ერთ წამს გამოჩნდა განთიადის მკრთალ სინათლეზე და სწრაფად გაქრა, კარები ღია დარჩა. გარედან მოიხსნა ქათმების კაკანი და უცებ ყველაფერი მიჩუმდა.

დედაბერს სიზმარი ეგონა, წამოხტა, მივარდა და აკანკალებულ ხელები ტახტს მოუფათურა არტიმას ლოგინს. ლოგინი ცარიელი იყო. გიჟივით გაექანა ქანდარისაკენ, ქანდარაც ცარიელი დაუხვდა.

— აი, გული არ მოგიკვდეს, არტემ, ეს რა ჰქენი? — შეჰყვირა დედაბერმა, სწრაფად გადაიცვა კაბა და გარეთ გამოვარდა.

სუნთქვააჩქარებული, ქოშინით გარბოდა დაცარიელებულ გრძელ ქუჩაში, თან წამღაუწუმ ქვებზე ედებოდა ფეხები. ველარც კი გრძნობდა, როგორ სჩხვლეტდნენ გამხდარ და გაძვალტყავებულ შიშველ ფეხებს დაღესილი ქვის ნატეხები. შემდეგ სუნთქვა ველარ მოობრუნა, შეჩერდა, იქვე შუა ქუჩაში ჩამოჯდა, მუხლებზე ხელები დაიშინა და უცრემლოდ ქვითინი დაიწყო.

არტემა გამქრალიყო.

ს ა რ ჩ ე ვ ი

ნარ-დოხი (წინასიტყვაობა არჩილ დავითიანისა)	5
ჭეშმარიტი მეგობარი (თარგმანი ივანე დავითიანისა)	17
ნუნე (თარგმანი ივანე დავითიანისა)	46
ანა საროიანი (თარგმანი არჩილ დავითიანისა)	92
მოკლული მტრედი (თარგმანი ლია შიქაძისა)	144
მე და ის (თარგმანი არჩილ დავითიანისა)	252
ახალი ქათამი (თარგმანი არჩილ დავითიანისა)	266
ერთ-ერთი სევდიანი დღე (თარგმანი არჩილ დავითიანისა)	275
უკვალოდ დაკარგული (თარგმანი არჩილ დავითიანისა)	289
უკანასკნელი მოჰიკანები (თარგმანი არჩილ დავითიანისა)	303
ჩვენი უბანი	
როგორ განკურნეს (თარგმანი ივანე დავითიანისა)	320
საქულა სალოცავად წავიდა (თარგმანი არტემ დავითიანისა)	340
სულზე მიასწრო (თარგმანი არტემ დავითიანისა)	357
ჰოპოპ! (თარგმანი ივანე დავითიანისა)	366
რა მოხდა შემდეგ, როცა საშაქრეს ორი ნატყნი შაქარი დააკლდა (თარგმანი ივანე დავითიანისა)	374
შავი ფულგების სარგებელი (თარგმანი არტემ დავითიანისა)	385

რექტორი ელ. გოგოლაშვილი
მხატვარი ი. შველიძე
მხატვრული რექტორი გ. ქუთათელაძე
ტექნიკური ვ. კვიციანი
კორექტორები: ც. უნდელაშვილი,
ლ. არჩვაძე

გადაეცა წარმოებას 15/11-66 წ.
ხელმოწერილია დასაბეჭდად 15/111-67 წ.
ქალღმთის ზომა 60 X 841/16. ნაბეჭდი
თაბახი 21,75+1 ჩაყრა. სააღრ-საგამომც. თაბახი 20,2.
ტირაჟი 5000 შეკე. № 373.

ფასი 78 კაპ.

გამომცემლობა „საბჭოთა საქართველო“
თბილისი, მარჯანიშვილის, 5.

ბეჭდვითი სიტყვის კომბინატი. თბილისი, მარჯანიშვილის ქ., 5.
Комбинат печати. Тбилиси, ул. Марджанишвили, 5.